

# বীরভূমি

মাসিক পত্রিকা ও সমালোচনী।

৫ম খণ্ড ]      পৌষ, ১৩১১+১২      [ ১ম সংখ্যা।

শ্রীনীলরতন মুখোপাধ্যায় বি, এ,  
সম্পাদিত।

## সূচী।

১।	সিংহলে ইংরেজ। (শ্রীসত্যরঞ্জন রায়, এম এ)	...	১
২।	প্রাচীন কীর্তিরক্ষা। (শ্রীআবদুল করিম)	...	২
৩।	শাস্ত্র ও সাধনা। (শ্রীবিপিনচন্দ্র পাল)	...	৩২
৪।	বঙ্গীয় সাহিত্য সেবক। (শ্রীশিবরতন মিত্র)	...	২৬
৫।	শ্রীহটে বৈষ্ণব প্রভাব। (শ্রীঅতুলচরণ চৌধুরী তত্ত্বনিধি)	...	৫২
৬।	এত কি কঠিন। (পত্র) (শ্রীমহম্মদ আজীজউস শোভান)	...	৪০

কীর্তহারের সুপ্রসিদ্ধ স্বদেশহিতৈষী জমিদার শ্রীযুক্ত  
বাবু সৌরেশচন্দ্র সরকার মহাশয়ের সম্পূর্ণ  
ব্যয়ে বীরভূম জেলার অন্তর্গত  
কীর্তহার গ্রাম হইতে  
শ্রীদেবিদাস ভট্টাচার্য্য বি, এ,  
কর্তৃক প্রকাশিত।



# বারভূমি

মাসিক পত্রিকা ও সমালোচনী।

৫ম খণ্ড ]

পৌষ, ১৩১১।

[ ১ম সংখ্যা।

## সিংহলে ইংরেজ।

পুরাকালে সিংহল যে অতীব সমৃদ্ধিশালী বহু জনসমাকীর্ণ সাম্রাজ্য ছিল, তদ্বিষয়ে কোনও সন্দেহের কারণ দেখা যায় না। বৃহৎ নগর সমূহের ধ্বংসাবশেষ, ত্রিনুকোমালীর সন্নিহিত কাঙ্গিলির কৃত্রিম হ্রদ, ও বিবিধ লোক হিতকর কার্য্যানুষ্ঠানের চিহ্নাদি পরিদৃষ্টে সিংহলবাসীদের পূর্ব বৈভব ও সম্পৎ সহজেই অনুমেয়। প্রাচীন রাজধানী অনরাজপুরের স্থায়ী বৃহদায়তন নগরী তৎসময়ে অতি অল্পই ছিল। আরব জাতির ইতিহাসে ও উপত্যাসে এই ধন-রত্ন শস্য সৌন্দর্য্য সম্পন্ন সিংহলের ভূমণ্ডী প্রশংসা পরিদৃষ্ট হয়\*। খ্রীষ্টীয় ষষ্ঠ ও ত্রয়োদশ শতাব্দীর মধ্যভাগে সিংহলবাসীগণ ভারতবর্ষ, চীন, আরব, মিশর প্রভৃতি অনেক দেশে বাণিজ্য বিস্তার করিয়া এসিয়াখণ্ডে বিশেষ প্রাধান্য লাভ করিয়াছিল।

কিন্তু সিংহলের এই ঐশ্বর্য্যই তাহার কাল হইল। চতুর্দিক হইতে অর্থ লোলুপ নৌ-দস্যুদিগের আক্রমণে সিংহল জর্জরিত হইতে লাগিল।

\* সিংহলের আরব পর্যটকদিগের প্রদত্ত নাম, 'সেরেন্দিল'। পর্যটক Marco Polo সিংহল দ্বীপকে "the first in the world" বর্ণনা করিয়াছেন।

দ্বাদশ শতাব্দীর মধ্যভাগে যে সিংহলে রাজদূতের অবমাননার প্রতিশোধ লইতে পাঁচ শত যুদ্ধ জাহাজ সম্বলিত হয়, ষোড়শ শতাব্দীর প্রারম্ভে সেই সিংহলের প্রধান ২ নগর ও বন্দর সমূহ নৌ-দস্যুদিগের দৌরাত্ম্যে বিধ্বস্ত হয়, অথচ কলম্বো তাহার প্রতিশোধ লইতে পারিল না,—সিংহলের রাজ-শক্তি তখন এতই দুর্বল হইয়া পড়িয়াছিল। প্রাচীন ইতিহাস পর্যালোচনা করিলে আমরা দেখিতে পাই যে, যেখানে ঐশ্বর্য্য, সেখানে তাহার অপচয়, যেখানে ধন রত্ন ভাণ্ডার, সেখানে তাহার লুণ্ঠন। প্রাচীন ভারতবর্ষে ইতালী এ উক্তির পোষকতা করিবে। পুরাকালে ঐশ্বর্য্যে যে অভিসম্পাত ছিল, তাহা এই দুই মহাপ্রদেশ আবহমান কাল সাক্ষ্য দিবে। সিংহল দ্বীপও অতুল ধন রত্নের আকর ছিল বলিয়া লুণ্ঠনপরায়ণ দস্যুদিগের হস্ত হইতে নিষ্কৃতি লাভ করিতে পারে নাই। সিংহলের ইতিহাসের এই অঙ্গ পাঠ করিতে করিতে কবি বায়রণের কয়েকটি অমর পংক্তি স্বভাবতঃ মনে উদয় হয়,—

“Italia ! Oh Italia ! thou who hast  
The fatal gift of beauty, which became  
A funeral dower of present woes and past,  
On thy sweet brow is sorrow plough'd by shame  
And annals graved in characters of flame.”

আরব জল-দস্যুদিগের দৌরাত্ম্য হইতে অব্যাহতি পাইবার উদ্দেশ্যে কলম্বোরাজ ‘খাল কাটিয়া কুমীর’ আনিলেন। পর্তুগীজদিগের প্রতিপত্তি দৃষ্টে তিনি তাহাদিগের শরণাপন্ন হইলেন ও প্রতি বৎসর অজস্র উপঢৌকন দিয়া পর্তুগীজ সেনা সাহায্যে আরব দস্যুদিগকে বিতাড়িত করিতে সমর্থ হইলেন। কিন্তু পর্তুগীজেরা মশক-নীতি অবলম্বন করিয়া ফ্যাকটরী গুলিকে দুর্গে পরিণত করিতে কালহরণ করিলেন না। অবশেষে সিংহলের প্রধান প্রধান বাণিজ্য স্থানগুলি এই বৈদেশিক প্রতাপের অধিকার-ভুক্ত হইল ও স্থানীয় কর্তৃপক্ষগণ তথা হইতে বিতাড়িত হইলেন। পর্তুগীজ অত্যাচারে সিংহলবাসীদিগের অনুমাত্র সুখ শান্তি রহিল না। রাজাদিগের নিকট আবেদন করিলে তাঁহারা শান্তি তরবারির আশু উপকারিতা সম্বন্ধে সন্দেহান হইয়া চাটুজি ও সহিষ্ণুতা অবলম্বন করিয়া প্রতিকার প্রত্যাশী হইলেও সর্বদা লাঞ্চিত ও অপমানিত হইতেন। বাধ্য হইয়া

রাজগণ দূরে অবস্থিতি শ্রেয়ঃ বোধ করিলেন। ক্রমে কান্দি তাঁহাদের প্রধান বাস-কেন্দ্র হইয়া উঠিল।

এইরূপে বহুকাল পদদলিত হইয়া সিংহলবাসীরা পর্তুগীজ অত্যাচার দমনের নিমিত্ত পূর্বনীতি অনুসরণ করিতে দ্বিধা বোধ করিলেন না। এবার তাঁহারা পর্তুগীজদিগের প্রতিদ্বন্দ্বী ওলন্দাজদিগের শরণাপন্ন হইলেন। ইহা অধীনতার শৃঙ্খল পরিবর্তন মাত্র। ১৬৫২ খ্রীষ্টাব্দে হল্যান্ড্ হইতে এক বৃহৎ রণতরী সিংহলে দেখা দিল। ওলন্দাজ সৈন্য কান্দি-সৈন্য-দিগের সহিত সম্মিলিত হইয়া ত্রিন্‌কোমালী অধিকার করিয়া লইল। বহুকাল সিংহলে বাস করিয়া অনেক পর্তুগীজ তথাকার অধিবাসীদিগের সহিত বিবাহ-সূত্রে আবদ্ধ হইয়াছিলেন। এই শেষোক্ত সিংহলবাসীদিগের সাহায্য পর্তুগীজদিগের নিকট অল্প আবশ্যকীয় হয় নাই। কিন্তু বিপুল সেনা সংগ্রহ করিয়া কতিপয় বৎসর অদমা উৎসাহে যুদ্ধ করিয়াও তাঁহারা সফলকাম হইতে পারিলেন না। ওলন্দাজ সৈন্য ক্রমে তাঁহাদিগের প্রধান ২ বন্দর ও নগর সমূহ অধিকার করিয়া লইল। অবশেষে, ১৬৫৬ খ্রীষ্টাব্দে শেষ দুর্গ কলম্বো শত্রুহস্তে পতিত হইলে পর্তুগীজেরা সিংহল পরিত্যাগ করিতে বাধ্য হইলেন।

প্রবল শক্তির এ পরিবর্তনও পূর্বের ন্যায় বিষময় ফল প্রসব করিল। সিংহলবাসীগণ ইউরোপীয় শক্তি সাহায্য রূপ যে বিষবৃক্ষ রোপণ করিয়া-ছিল, তাহাই ক্রমে সমৃদ্ধিত হইয়া সিংহলের স্বাধীনতাকে পল্লবিত হইতে দেয় নাই। নবীন প্রতাপের নেটিভ উৎপীড়ন নবীন উৎসাহে আরম্ভ হইল। ওলন্দাজেরা সিংহলের স্থানে স্থানে বিদ্যালয় স্থাপন করিলেন বটে, কিন্তু তাঁহারাও পর্তুগীজদিগের ন্যায় সিংহলবাসীদিগের কর্ণকুহরে বীণ-মন্ত্র প্রবিষ্ট করিতে অল্প যত্ন ও অধ্যবসায় দেখান নাই। অনেক ক্ষেত্রে প্রাচীন বৌদ্ধ-নীতি উপহসিত হইল। হায়, পাশ্চাত্য আলোক, তুমি এইরূপে এসিয়ার অনেক অন্ধকারই অপমৃত করিয়াছ !

মান্দ্রাজের ইংরেজ কর্তৃপক্ষগণের শ্রেন দৃষ্টি এতদিন ত্রিন্‌কোমালীর সুন্দর বন্দর লক্ষ্য করিয়া আসিতেছিল। কিন্তু উহা সহসা করায়ত্ত করিয়া লওয়া অনেক কারণে ঘটিয়া উঠে নাই।

১৭৯৫ খ্রীষ্টাব্দে হল্যান্ড্ ফ্রান্স রাজ্যের অন্তর্ভুক্ত হইল। ইংরেজগণ এ শুভ মুহূর্ত্ত উপেক্ষা না করিয়া সিংহলাভিমুখে এক রণতরী প্রেরণ

করিলেন। পরে ধারাবাহিক সংগ্রামের পর সিংহল ইষ্ট ইণ্ডিয়া কোম্পানীর করায়ত্ত হইল। এইরূপে সিংহল কিছুকাল তদানীন্তন মাদ্রাজ গবর্ণমেন্টের অধীনে রহিল। \*

পর্তুগীজ ও ওলন্দাজ এই উভয় শক্তির সিংহল অধিকার কালে বাণিজ্যই একমাত্র লক্ষ্যের বিষয়ীভূত ছিল। তজ্জন্ম সমগ্র সিংহল অধিকার করিবার কোনও আবশ্যকতা ছিল না। তাই তাঁহারা সিংহলের প্রধান বন্দরগুলি হস্তগত করিয়াই সন্তুষ্ট ছিলেন। কান্দিতে প্রভুত্ব বিস্তারের কল্পনা তাঁহাদের মস্তিষ্কে স্বপ্নেও স্থান পায় নাই। নবাগত ইংরেজগণও প্রথম সমুদ্র-সন্নিহিত নগরী ও বন্দর ব্যতিরেকে মধ্যপ্রদেশ করায়ত্ত করা কর্তব্য বোধ করেন নাই। কিন্তু ঘটনাচক্রে সিংহলের ভাগ্য পরিবর্তিত হইবার সূত্রপাত হইল।

১৭৯৮ খ্রীষ্টাব্দে কান্দিরাজের মৃত্যু হইল। প্রধান আদিগর † তলেনের ষড়যন্ত্রে মালাবরের এক যুবক সেই শূন্য সিংহাসন আরোহণ করিলেন। তরুণ বয়স্ক কান্দিরাজ কুচক্রী প্রবীণ সচিবের ক্রীড়াকন্দুক মাত্র ছিলেন। মন্ত্রীর প্ররোচনায় নবীন নরপতি ইংরেজদিগের বিপক্ষতা অবলম্বন করিলেন। তলেন সিংহল হইতে নবাগত শ্বেতকায়দিগকে বহিস্কৃত করিয়া সিংহলের পূর্ণ গৌরব অক্ষুণ্ণ রাখিতে বন্ধপরিকর হইলেন। কিন্তু তলেনের এ উচ্চম সিংহলবাসীর পরাধীনতা বন্ধমূল হইলে আরক হইয়াছিল। পর্তুগীজ গিয়াছে, ওলন্দাজ গিয়াছে, ইংরেজ বিজয়ান্নাদে অগ্রসর। দুর্বল স্বপক্ষ লইয়া, অশিক্ষিত সৈন্য সহায়তায় প্রবল রিপূর সম্মুখীন হওয়া দুঃসাধ্য। তাই, তলেন ইংরেজদিগকে সন্ধিবন্ধনের কুহকে মুগ্ধ করিয়া জালবন্ধ করিতে উপায়োদ্ভাবন করিতে লাগিলেন। কান্দি অধিবাসীগণ ইংরেজদিগের উপর ধারাবাহিক আক্রমণ করিতে লাগিল। উত্যক্ত ইংরেজ কর্তৃপক্ষগণ গোপনে সৈন্য সংগ্রহে ব্যাপৃত হইলেন। ধূমায়মান অগ্নি প্রজ্জ্বলিত হইল। অবশেষে,

\* পাঠক, ওলন্দাজদিগের সহিত ইংরেজশক্তির এই সংঘর্ষের বিস্তৃত বর্ণন প্রদান করা আমরা সমীচীন বোধ করিলাম না। প্রথম কৈফিয়ৎ, “পুঁথি বেড়ে যায় ;” দ্বিতীয়, যুদ্ধগুলি নিতান্ত নীরস ও অপ্রয়োজনীয়। একজন ইংরেজ ঐতিহাসিক উহাকে “a series of tedious military operations, destitute of the slightest interest or importance বলিয়াছেন।

† আদিগর—সচিব; Prime minister.

অনরবেল নর্থ প্রকাশ্যে কান্দিবাসীদিগের বিরুদ্ধে যুদ্ধ ঘোষণা করিলেন। কলম্বো ও ত্রিনকোমালী হইতে ইংরেজ সৈন্য দুই শাখায় বিভক্ত হইয়া একযোগে সিংহলের মধ্যপ্রদেশাভিমুখে ধাবমান হইল। বিপক্ষীয় সৈন্য শ্রেণী অগ্রসর হইতেছে দেখিয়াও কান্দিবাসীগণ নিশ্চেষ্ট রহিল। ইংরেজেরা নিরীক্সবাদের জন্মশূন্য কান্দিসহর অধিকার করিয়া লইলেন।

ইংরেজদিগের সহিত সম্মুখ যুদ্ধ নিষ্ফল বোধে কূটবুদ্ধি তলেন কান্দিতে আসিয়া অভ্যস্ত বিনয় ও সৌজন্য সহকারে ইংরেজদিগের নিকট সন্ধি প্রস্তাব উত্থাপিত করিলেন। সন্ধি সংস্থাপিত হইল। গর্ভিত ইংরেজ সৈন্য শত্রুদিগকে বশীভূত করা গিয়াছে বিবেচনা করিয়া উচ্ছৃঙ্খলভাবে সহরের বহির্ভাগে যথেষ্ট পর্যটন করিতে লাগিল। অবশিষ্ট সেনা মেজর ডেভির অধীনে কান্দিতে রহিল। বিশ্বাসহতা আদিগর ইংরেজসৈন্যের অন্নতার সুযোগ পাইয়া ক্ষিপ্ৰপদে কান্দি অবরোধ করিলেন। হঠাৎ আক্রমণে ত্রস্ত ও বিক্ষিপ্ত ইংরেজসৈন্য পরাভূত হইয়া সচিবের সকল প্রস্তাবে সম্মত হইয়া আত্ম সমর্পণ করিল। শত্রুপক্ষ অস্ত্রত্যাগ করিয়াছে দেখিয়া কান্দিসৈন্য সহসা তাহাদিগকে ভীমবেগে আক্রমণ করিয়া নৃশংসভাবে হত্যা করিল। কেবল একজন কর্পোর্যাল (corporal) ‘পৃষ্ঠে অস্ত্র লেখা’ লইয়া কোনক্রমে কলম্বো পঁহুঁছিয়া এই পৈশাচিক হত্যার বিবরণ প্রকাশ করিল।\*

কান্দি সৈন্য এইরূপে বিজয়ী হইয়া ইংরেজদিগের সীমান্তে আসিয়া খণ্ড-যুদ্ধ, লুণ্ঠন ও হত্যা কার্যে ব্যাপৃত হইল। বৃথা অর্থনাশ ও শোণিত-পাত অনাবশ্যকবোধে ইংরেজ গবর্ণর শাস্ত-মূর্তি পরিগ্রহ করিলেন। সিংহল-বাসীরাও অত্যাচার, উৎপীড়ন করিতে বিরত হইল।

সকল দেশের ইতিহাস পাঠ করিলেই জানা যায় যে, এক প্রতাপের অবসানে ও আর এক প্রতাপের অভ্যাদয়ে পুরাতন রাজশক্তি খর্ব হইতে থাকিলে সাম্রাজ্যে ষড়যন্ত্র, বিদ্রোহিতা ও বিশ্বাসঘাতকতা বৃদ্ধি পায়। উদাহরণের জন্ত বেশী দূর যাইতে হইবে না। বাঙ্গালা দেশই এ বিষয়ে প্রচুর সাক্ষ্য দিবে। সিংহলেও জাতীয় জীবনের অবসান হইতেছিল। স্বার্থা-

\* পাঠক, ইহার সহিত আফগান যুদ্ধের এক অঙ্ক তুলনা করুন। ইংরেজ সৈন্যদিগের কাবুল হইতে প্রত্যাবর্তনকালে যে ভয়াবহ হত্যা আরক হয়, তাহাতে কেবল একজন চিকিৎসক (ডাক্তার ব্রাইডন) কোনমতে প্রাণ হাতে করিয়া জেলালাবাদে পঁহুঁছিয়া এ অমানুষিক হত্যা কাণ্ড বর্ণনা করেন।—লেখক।

স্বৈরী, বিশ্বাস-হস্তার দল পরিপুষ্ট হইয়া ইংরেজদিগের পক্ষাবলম্বন করিতে লাগিল। দেখিয়া শুনিয়া, তরুণ-বয়স্ক কান্দি-রাজ 'মরিয়া' হইয়া উঠিলেন। সন্দেহ মাত্রে অনেকের প্রাণসংহার করিলেন। অপরিণামদর্শিতা, আক্রোধ ও শোণিত-লিপ্সা তাঁহার ধ্বংসের পথ সহজ করিয়া তুলিল। তিনি ক্রমে ক্রমে জাতীয় দেহের পেশী স্বরূপ অন্তরঙ্গদিগের সহায়তা হারাইতে লাগিলেন। অত্যাচারের তাণ্ডব ক্ষেত্র সিংহলের মধ্যপ্রদেশ ছাড়িয়া অনেকেই ইংরেজদিগের আশ্রয় লইল।

উভয় শক্তির বিরোধভাব ক্রমেই বৃদ্ধি পাইতেছিল। ১৮১৪ খ্রীষ্টাব্দের অক্টোবর মাসে দশজন কলম্বো-বাসী দেশীয় বণিক মধ্যপ্রদেশে বাণিজ্য ব্যবসায় লিপ্ত থাকা অবস্থায় নিষ্ঠুরভাবে নিহত হন। এই নৃশংস হত্যাকাণ্ডে ইংরেজ গবর্ণমেন্ট বিচলিত হইলেন। তখন সীমান্তবাসীরাও কান্দি-রাজের অত্যাচার হইতে অব্যাহতি লাভের নিমিত্ত তাঁহার বিরুদ্ধে অস্ত্রধারণ করিল। ইংরেজসৈন্য এই সীমান্ত সৈন্যসমূহের সহিত সন্মিলিত হইয়া ১৮১৫ খ্রীষ্টাব্দের প্রারম্ভে বিপুল আয়োজনে রণোন্মাদে মধ্যপ্রদেশ কল্পিত করিয়া ছুটিল। ঐ সময়ে এক ঘোষণা পত্রও প্রচারিত হইল। তাহাতে ইংরেজ গবর্ণমেন্ট কান্দিবাসী জনসাধারণকে অভয় প্রদান করিয়া জানাইলেন যে, কেবলমাত্র কান্দিরাজ তাঁহাদের শত্রু, নিরপরাধী অধিবাসীগণের প্রতি এ "বিষমোষণা;" প্রযুক্ত হইবে না।

ইংরেজসৈন্য অপ্রতিহত গতিতে অগ্রসর হইতে লাগিল। এবং পশ্চিমদিকে আরও দেশীয় সৈন্যের সহায়তা লাভ করিল। সমস্ত বুকিয়া আদিগণেরা ইংরেজদিগের পক্ষাবলম্বন করিলেন। সুবিধার একরূপ মাহেন্দ্রযোগ অপর ক্ষেত্রে কদাচিত্ পরিদৃষ্ট হয়। কেবল মাত্র পথের অসুবিধা ও বৃষ্টিপাতে ইংরেজ সৈন্যের যাত্রা কিছু কষ্ট পাইতে হইয়াছিল। লেফটেন্যান্ট-জেনারল ব্রাউন রিগের সুবন্দোবস্তে ও সৈন্যবিভাগ-শৃঙ্খলায় রসদের জন্য কোন অসুবিধা ঘটে নাই।

১১ই ফেব্রুয়ারী একদল ইংরেজ সেনা কান্দি প্রবেশ করিল। তাহার গিয়া দেখিল, কান্দি একেবারে জনশূন্য, মূল্যবান দ্রব্য নিচয় শত্রু সেনার আগমনের পূর্বেই স্থানান্তরিত হইয়াছে। ইংরেজেরা সাধারণের প্রতি আশ্বাস বাণী প্রচার করিয়া কতিপয় অধিবাসীদিগকে কান্দিতে ফিরাইয়া আনিতে সক্ষম হইলেন। আবার হাট বাজার বসিল, ব্যব-

সায়ীরা পণ্য-জাতের উচিত মূল্য লাভে সকল দ্রব্য সরবরাহ করিতে লাগিল।

রাজা শত্রুর আগমন বার্তা পাইবা মাত্র সবেগে পলায়ন করিয়াছিলেন। তাঁহার দলভুক্ত সিংহলবাসীর সংখ্যা বড়ই নূন ছিল। অধিকাংশ মঙ্গীই তাঁহার স্বদেশীয় মালাবরবাসী। কয়েক দিবস অবিশ্রান্ত অনুসন্ধানের পর কান্দি-রাজের সম্বন্ধে বিশেষ সম্বাদ পাওয়া গেল। ইংরেজ সৈন্য রাজার অজ্ঞাত-বাস আবিষ্কার করিয়া ঐন্দ্রজালিকের ন্যায় রাজ সৈন্যদিগকে স্বপক্ষে আনয়ন করিতে সক্ষম হইল। কেবল "নিমকের" মর্যাদাপালক মালাবর-শরীর-রক্ষীরা শত্রুদিগের প্রতিকূলাচরণ করিয়াছিল। কিয়ৎকাল পরেই রাজা তাঁহার দুই ভাৰ্য্যাসহ বন্দী হইলেন। বিজয়দৃষ্ট ইংরেজ-সৈন্য তাঁহাকে শৃঙ্খলবদ্ধ করিল, প্রকাশ্য ভাবে বহু অপমান করিল, ও তাঁহার যথাসর্ব্বশ লুণ্ঠন করিয়া রাজাকে নিহত করিতে উদ্যত হইল, কেবল মাত্র ইংরেজ জেনারলের মধ্যবর্ত্তিতায় রাজা প্রাণে বাঁচিলেন।

একরকম হাসিয়া খেলিয়া ইংরেজেরা কান্দি জয় করিলেন। দেশীয় সৈন্য-দিগের নিকট একরূপ আশাতীত সাহায্য প্রাপ্তি তিনি কল্পনায় আনিতে পারেন নাই। অভাবনীয় সাহায্যে ইংরেজদিগের 'সুখের গুর' ছিল না।

কান্দির রাজপ্রাসাদের বৃহৎ দরবার গৃহে ২রা মার্চ আদিগরদিগকে জইয়া এক বিরাট মন্ত্রণা সভা আহূত হইল। কান্দি প্রদেশ ইংরেজ রাজ্যভুক্ত করিতে পূর্বে যে সন্ধির প্রস্তাব হয়, এক্ষণে তাহা সর্ব্ববাদিসম্মতি ক্রমে পরিগৃহীত হইল এবং সমুদয় সিংহল দ্বীপ ব্রিটিশ করায়ত্ত করিবার অভিপ্রায়ও অনুমোদিত হইল। এই বিশেষ সভায় মীমাংসিত প্রস্তাব গুলি সর্ব্বসাধারণের অবগতির জন্ত ঘোষণা পত্রে প্রচারিত হইল।

প্রস্তাবনায় যে যে বিষয়ের উল্লেখ ছিল, তাহা নিয়ে সন্নিবেশিত করা যাইতেছে—

প্রথম দফায়,—মালাবরের বিজিত রাজের অত্যাচার ও কলঙ্ক-কাহিনী ঘোষিত হইল।

দ্বিতীয়ে,—তাঁহার বা তাঁহার উত্তরাধিকারীগণের সিংহাসনে কোনও দাবি রহিল না, উক্ত হইল।

তৃতীয়ে,—ব্রিটিশ গবর্ণমেন্টের প্রকাশ্য অনুমতি ব্যতিরেকে রাজার আত্মীয়গণ কান্দি প্রদেশে প্রবেশাধিকার লাভে বঞ্চিত হইলেন।

চতুর্থে,—ব্রিটিশ সাম্রাজ্যের অধিপতির হস্তে বিজিত প্রদেশের শাসন ভার  
অন্ত হইল ।

পঞ্চমে,—বৌদ্ধধর্ম প্রচলিত হইবার অনুজ্ঞা প্রচারিত হইল, কিন্তু অন্ত  
ধর্মাবলম্বী লোকদিগকেও ধর্ম সম্বন্ধে সম্পূর্ণ স্বাধীনতা প্রদান করা হইল ।

ষষ্ঠে,—শরীর পীড়ন, অঙ্গ ছেদ প্রভৃতি নির্ধূর শাস্তিদান প্রথা রহিত হইল ।

সপ্তমে,—ব্রিটিশ গবর্নরের প্রকাশ্য অনুজ্ঞা ব্যতিরেকে কেহ কাহারও  
প্রাণ সংহার করিতে পারিবে না, উক্ত হইল ।

১৮১১ খ্রীষ্টাব্দে সিংহলবাসিদিগকে জুরী হইবার ক্ষমতা প্রদান করিবার  
এক রাজাজ্ঞা প্রচারিত হইল । ১৮১৬ খ্রীষ্টাব্দের ১২ই আগষ্ট আর একটি  
স্মরণ-যোগ্য ঘটনা সংঘটিত হয় । ঐ তারিখ হইতে সিংহলের দাস-প্রথা  
চিরকালের জন্য লোপ পায় ।

জেনেরল ব্রাউন রিগ সিংহলের শাসন কার্য্য প্রধানতঃ সম্ভ্রান্ত আদিগর-  
দিগের দ্বারা পরিচালিত করিবার ইচ্ছা করেন, কিন্তু আদিগরেরা এই শাসন  
ক্ষমতা লাভ করিয়া অত্যাচার বিচার ও উৎপীড়নে দেশ জর্জরিত করিতে  
লাগিলেন । কাজে কাজেই শাসন ও সৈন্য বিভাগীয় ইংরেজ কর্মচারীগণ  
মধ্যে মধ্যে উহাদিগের অত্যাচার দমনে বাধ্য হইতেন । কান্দির কতিপয়  
দলপতি, ইংরেজদিগের এইরূপ ব্যবহারে অসন্তুষ্ট হইয়া ব্রিটিশ প্রতাপ  
উচ্ছেদের ষড়যন্ত্রে লিপ্ত হইলেন । অসংখ্য সিংহলবাসী এই বিদ্রোহে সহায়তা  
প্রকাশ করিল । পরে বিদ্রোহী সেনার সংখ্যা বর্দ্ধিত হইলে তাহারা ইংরেজ-  
দিগকে তুমুল বেগে আক্রমণ করিল । কতিপয় উচ্চপদস্থ ব্রিটিশ কর্মচারী  
নিহত হইলেন । বিচক্ষণ গবর্নর ক্ষিপ্ৰগতি বিদ্রোহ দমন করিলেন ।  
প্রধান প্রধান বিদ্রোহ সেনানায়কদিগকে বন্দী করা হইল, দুই জনের ফাঁসী  
হইল ও অপরাপর সকলকে দ্বীপান্তরিত করা হইল । এইরূপে সিংহলের  
শেষ বিদ্রোহ প্রশমিত হয় ।

১৮২১ খ্রীষ্টাব্দে ইস্ট ইণ্ডিয়া কোম্পানীর বাণিজ্য বিষয়ে একাধিপত্য  
( monopoly ) ভাব তিরোহিত হইল । বাণিজ্যের ক্ষেত্র প্রশস্ত হইলে  
সিংহলবাসীরাও ব্যবসয়ে বিপুল অর্থ সংগ্রহ করিতে লাগিলেন । ক্রমে  
সিংহলের শ্রী ফিরিয়া আসিল, শান্তির সহিত ঐশ্বর্য্য সম্মিলিত হইল ।

শ্রীমত্বরজন রায়, এম্. এ. ।

## প্রাচীন কীর্ত্তি-রক্ষা ।

আমাদের প্রাচীন বঙ্গ সাহিত্যে অসংখ্য কবির অসংখ্য কীর্ত্তি ; কিন্তু  
সে সকলই আজ বিলোপোন্মুখিনী ! সৌভাগ্য বশতঃ এখন কয়জন বঙ্গীয়  
পণ্ডিত মোহ-নিদ্রা পরিহার করিয়া প্রাচীন সাহিত্যের কঙ্কাল সার  
কীর্ত্তিরাশির সত্তা আবিষ্কারে ব্রতবান হইয়াছেন ; ইতি মধ্যে অনেক কীর্ত্তিও  
প্রকাশিত হইয়া পড়িয়াছে । আরো কত হইবে, কে বলিবে ? বড়  
বড় কাব্যগুলির প্রকাশের জন্য 'বঙ্গীয় সাহিত্য-পরিষৎ' নিযুক্ত হইয়াছেন ;  
অনেক মাসিক পত্রও কাব্যাদি প্রকাশিত হইতে আরম্ভ হইয়াছে । এ  
সকলই আনন্দের কথা, সন্দেহ নাই । কিন্তু ক্ষুদ্র ক্ষুদ্র সন্দর্ভ রাজি,—  
( যেমন, বারমাস, চৌতিশা, ছড়া ইত্যাদি ) যাহাদের সংখ্যা অপরিমেয়,—  
প্রকাশ করিবার উপায় কি ? আমাদের 'বীরভূমি'র এ বিষয়ে খুব আগ্রহ  
আছে ; তাই আমরা 'বীরভূমি'তেই উক্তরূপ সন্দর্ভরাজির কয়েকটা প্রকা-  
শিত করিব, বাসনা করিয়াছি । আশা আছে, সাহিত্য-প্রেমের খাতিরে  
পাঠকবর্গ আমাদের এই 'আবদারে' অসন্তুষ্ট হইবেন না । আজ একজন  
মুসলমান কবির রচিত 'রাধার সম্বাদ—ঋতুর বারমাস' নামক সুন্দর সন্দর্ভটা  
তাঁহাদিগকে উপহার দিলাম ।

কেবল কবিত্ব সৌন্দর্য্যের খাতিরেই যে এই শ্রেণীর নিবন্ধরাজি প্রকাশ-  
যোগ্য, তাহা নহে ; সাহিত্য-ইতিহাসের পক্ষে এ গুলির রক্ষণ নিতান্ত  
আবশ্যক । মনে রাখিতে হইবে, আজ যাহা আমাদের নিকট অতি তুচ্ছ  
পদার্থ বলিয়া প্রতিভাত হইতেছে, হয়ত তাহা হইতেই কোন অমূল্য নূতন  
ঐতিহাসিক তত্ত্ব আবিষ্কৃত হইবে ।

১৩০৭ সালের 'পরিষৎ পত্রিকায়' মল্লিখিত 'প্রাচীন পুঁথির বিবরণ'  
নামক প্রবন্ধের ৬ সংখ্যক পুঁথির বিবরণে এই সন্দর্ভখানির সামান্য একটু  
উল্লেখ হইয়াছিল ; তাহা হইতেই মাননীয় দীনেশ বাবু 'বঙ্গভাষা ও  
সাহিত্যের' ২য় সংস্করণের ৯৮ পৃষ্ঠায় প্রসঙ্গ ক্রমে ইহার উল্লেখ করিয়াছেন ।  
তাহা ভিন্ন, বর্তমান সন্দর্ভখানি প্রকাশিত হওয়ার পক্ষে ইহার নিজেরই  
যোগ্যতা আছে, পরে পাঠকগণ তাহা দেখিতে পাইবেন ।

ইহার রচয়িতা আমাদের পূর্ব পরিচিত পদ-লেখক সেই কমর আদি

পণ্ডিত। তাঁহার সারা জীবনটা সাহিত্য-সেবাতেই ব্যয়িত হইয়াছিল। তৎপুত্র 'মনোহর আলির' অকাল বিয়োগে কবি যে মর্ম্মভেদী বিলাপগাথা গাহিয়াছেন, তাহাও আমাদের হস্তগত হইয়াছে। আজ আর তাঁহার কোন কথা বলিতে পারিব না।

সাধারণ বর্ণাশুদ্ধিগুলিই শোধন করিয়া দিলাম; অনেক স্থলে 'অবিকৃত' রাখিতেও বাধ্য হইয়াছি। সকল স্থলে সংস্কৃত শব্দগুলি 'অবিকৃত' রাখিতে গেলে টীকা টিপনীতে প্রবন্ধ একান্তই কষ্টকিত হইয়া উঠে। ইত্যাদি বাহুল্যে।

### ১। রাধার সন্বাদ—ঋতুর বারমাস।

রাগ—বসন্ত।

কৈয় ২ প্রাণ ঋত (১) রাধার সন্বাদ।

নিমায়ী নিষ্ঠুর হৈআ গেল প্রাণনাথ ॥ ধু ॥

বারমাসে ছয় ঋত জানিয় নিশ্চএ।

এক রাগ ঋতে দুই মাস পাই আছ এ ॥

পউস মাসেত ঋত পড়এ শিশির।

কৃষ্ণ বিনে চিত্ত মোর হইল চৌচির ॥

হেমন্তের ঋত বহে ডিঙ্গল (২) যামিনী।

কৃষ্ণ বিনে কিরূপে বঞ্চিমু অভাগিনী ॥ ১

মাঘল মাসেত ঋত ন গুণ পড়ে জাড় (৩)।

ছাড়ি গেল প্রাণকৃষ্ণ কি গতি আমার ॥

গাইতে মান্নব রাগ শ্রাম ব্রজে নাই।

কৈয় ২ রাগ ঋত মাধবের ঠাই ॥ ২

ফাল্গুন মাসেত ঋত বহে রে বসন্ত।

হেনএই সময়ে মোর ছাড়ি গেল কান্ত ॥

রসরঙ্গে নরনারী ফাউয়া খেলাএ।

আমার প্রাণের কৃষ্ণ রইল কোথাএ ॥ ৩

চৈত্রল মাসেত পতি গেল দিগান্তর।

ছাড়ি গেল প্রাণকৃষ্ণ না লৈল খবর ॥

(১) মূলে 'রিত' আছে। ঋত—ঋতু।

(২) ডিঙ্গল—দীঘল—দীর্ঘ।

(৩) নগুণ—নয় গুণ। জাড়—শীত।

বহি যাএ বসন্ত কাল কি হোক উপায়।

কৃষ্ণের বিচ্ছেদ খেদ সহন ন যাএ ॥ ৪

বৈশাখ মাসেত ঋত বহে রে নিদাঘ।

গাইতে সুন্দর অতি মল্লার সুরাগ ॥

শতদল কমল মোর হইল বিকাশ।

মোহর (৪) ভোমর কৃষ্ণ নাই মোর পাশ ॥ ৫

জ্যৈষ্ঠল মাসেত ঋত তাপিত তপন।

কস্তুরী কুকুম অঙ্গে লাগে হতাশন ॥

এই আম কাঠাল পকু থাএ সর্বজন।

বই যাএ নিদাঘ ঋত কি ফল জীবন ॥ ৬

আষাঢ়ে পাহুক ঋত বহে রে মধুর।

হেনএই সময়ে শ্রাম গেল মধুপুর ॥

ছাড়ি গেল প্রাণপিয়া দিগ দিগান্তর।

অনাথিনী হৈআ নারী আছি একেশ্বর ॥ ৭

শ্রাবণ মাসেত ঋত বরিষা নির্ভর।

দারুণি কোড়ার ডাকে দগধে অন্তর ॥

শ্রীরাগ গাইতে শ্রাম নাই বৃন্দাবন।

কৃষ্ণের বিচ্ছেদ খেদে তেজিমু জীবন ॥ ৮

ভাদ্রেত ভাদ্রিকা তিথি দিবস রজনী।

ভাবিত হইআ আছি রাধা অভাগিনী ॥

শিশিরের ঋত বহে হিল্লোল গাহে গীত।

শ্রীনন্দের নন্দন বিনে শান্ত নাই চিত ॥ ৯

আশ্বিন মাসেত ঋত বরিষা অবশেষ।

মুই হতভাগীর কান্ত গেল কোন দেশ ॥

বহি যাএ শিশির ঋত কি উপায় করিমু।

যথাএ গেল প্রাণকৃষ্ণ তথাএ চলি যাইমু ॥ ১০

কার্তিকে শরত বহে প্রচণ্ড উদএ শশী।

নৈআলি (৫) যৌবনর ভারে পঞ্জর যাএ খশি ॥

(৪) মোহর—আমার।

(৫) নৈআলি—নূতন।

অভাগী নারীর যৌবন কাঞ্চা (৬) রসের ভরা ।  
 মার্জিত কয়ল পুষ্প ন আইল ভোমরা ॥ ১১  
 আগ্রান মাসেত ঋত নবীন তণ্ডুল ।  
 সর্ব নয়া থাএ লোকে কৌতুকে বহুল ॥  
 মধু মিষ্টা লাগে মোর গয়ল সকল ।  
 বহি যাএ কণাট রাগ জীবন নিফল ॥ ১২  
 বসুবেদ মাসে রাধার ন পুরিল আশ ।  
 হীন কমর আলী কহে ঋতের বারমাস ॥  
 ক্ষুদ্রবুদ্ধি অল্প জ্ঞান আর হীন জন ।  
 বেদ শাস্ত্রে কিছু মাত্র মোর নাই জ্ঞান ॥  
 বার মাস পদবন্ধে করিলুম রচন ।  
 অশুদ্ধ পাইলে দোষ ক্ষেমিবা গুণীগণ ॥  
 যেবা গাএ যেবা শুনে ঋতের বারমাস ।  
 সর্বত্রৈ কুশল তার আপন বিনাশ ॥ ৩০ ।

শ্রীআবদুল করিম ।

## শাস্ত্র ও সাধনা ।

কিছুকাল হইতে এ দেশের নব্যসম্প্রদায়ের মধ্যে প্রাচীন শাস্ত্রের প্রতি অভিনব শ্রদ্ধার উদ্রেক হইয়াছে । যাহারা এক সময়ে যৎসামান্য ইংরাজি শিখিয়া স্বজাতির সনাতন আদর্শের উপরে বীতশ্রদ্ধ হইয়া পড়িয়াছিলেন, তাঁহাদের মধ্যে যে পুনরায় স্বদেশের শাস্ত্র-সাহিত্যের চর্চা আরম্ভ হইতেছে, ইহা সুখ ও সৌভাগ্যের কথা সন্দেহ নাই । কিন্তু যে একবার অনভ্যস্ত অবস্থার ঘাত-প্রতিঘাতে উৎকেন্দ্র হইয়া পড়ে, পুনরায় কেন্দ্রাভিমুখিনী শক্তির আনুকূল্য লাভ করিলেও, তাহার পক্ষে সহজে একেবারে কেন্দ্রস্থ হওয়া কদাপি সম্ভবপর নহে । অতএব প্রাচীনের প্রতি একটা অনুরাগ জন্মিয়াছে বলিয়াই যে আমরা প্রাচীন শাস্ত্রেরও সদর্থ গ্রহণে সমর্থ হইব, তাহার সম্ভাবনা কোথায় ?

(৬) কাঞ্চা—কাচা ।

শ্রদ্ধাহীন অন্বেষী তত্ত্বের বহির্বাটীতেই পড়িয়া থাকে, অন্তঃপুরে প্রবেশ করিতে পারে না সত্য ; কিন্তু শুদ্ধ শ্রদ্ধামাত্র অবলম্বনে তত্ত্বান্বেষণ করিলেও সফলকাম হওয়া যায় না । শ্রদ্ধা চাই বটে, কিন্তু তাহার সঙ্গে সঙ্গে তৎপরতা, গবেষণার কুশলতারও আবশ্যিক আছে । এই তৎপরতার সঙ্গে সঙ্গে নিষ্ঠা এবং নিষ্ঠা-সাধক জীতেন্দ্রিয়তারও বিশেষ প্রয়োজন । শাস্ত্রে আমাদের শ্রদ্ধামাত্র উন্মোচিত হইয়াছে, কিন্তু জীবনে এখনও তৎপরতা, নিষ্ঠা ও চিত্তশুদ্ধি জন্মায় নাই । এ অবস্থায় আমরা শাস্ত্র পড়িয়াও তাহার প্রকৃত মর্ম গ্রহণে অক্ষম হইব, ইহা আর আশ্চর্য্য কি ?

শ্রদ্ধাহীনতা যেমন তত্ত্বলাভের অন্তরায়, শ্রদ্ধা-বাহুল্যও সেইরূপ । শ্রদ্ধা শ্রবণের ভূমি নিৰ্ম্মাণ করে ; শাস্ত্রবাক্যে আন্তিক্যবুদ্ধি উৎপন্ন না হইলে শ্রবণে অধিকার জন্মায় না । কিন্তু “শ্রবণয়াহপি ন লভ্যো”—শ্রবণের দ্বারাও তত্ত্বলাভ হয় না, ন বহুনা শ্রুতেন”—বহু শ্রবণেও নহে । শ্রবণান্তর মনন আবশ্যিক হয় । বিচারপূর্বক শাস্ত্রার্থ গ্রহণ চেষ্টার নাম মনন । শ্রদ্ধার বাহুল্য যুক্তির তীক্ষ্ণতা ও ঔদার্য্য নষ্ট করিয়া সম্যক বিচারণার ব্যাঘাত জন্মায় বলিয়া, মননের পথ অবরোধ করে, এবং তত্ত্বলাভের অন্তরায় হইয়া দাঁড়ায় ।

মননার্থে চিত্তশুদ্ধিরও প্রয়োজন, যদিও নিদিধ্যাসনের সঙ্গেই ইহার বিশেষ সম্বন্ধ লোকপ্রসিদ্ধ । মননের দ্বারা তত্ত্ব কেবল বুদ্ধিতে প্রতিভাত হয়, আত্মাতে প্রত্যক্ষ হয় না । এই অপরোক্ষাত্মভূতি নিমিত্তই নিদিধ্যাসন বিহিত হইয়াছে । মনন-লক্ষ সত্যের অনবরত ধ্যানের নাম নিদিধ্যাসন । চিত্তচাঞ্চল্য ধ্যান-বিরোধী বলিয়াই নিদিধ্যাসনের সঙ্গে চিত্তশুদ্ধির প্রাসিদ্ধ সম্বন্ধ । কিন্তু চিত্তের সমতা ব্যতিরেকে সম্যক মননও সম্ভব হয় না ।

বুদ্ধিতে শ্রুত সত্যের সম্যক ধারণা লাভ করাই মননের মুখ্য উদ্দেশ্য । কিন্তু যতক্ষণ না বুদ্ধি আপনার মধ্যে তত্ত্ববিশেষের উৎপত্তি-অভিব্যক্তির সমগ্র ইতিহাসের পুনরাভিনয় দর্শন করিতে পারিয়াছে, ততক্ষণ সে সত্যের সম্পূর্ণ ধারণা হইতে পারে না । এই ধারণার জন্ত চিত্তের সম্পূর্ণ সমতা লাভ করা আবশ্যিক । কিন্তু কেবল ইন্দ্রিয়চাঞ্চল্য নিবৃত্ত হইলেই চিত্ত পরিশুদ্ধ হয় না । কারণ ইন্দ্রিয়শক্তির ঞ্চায় চিত্তের চিরাভ্যস্ত ভাব এবং সংস্কারাদিও চিত্তের বিকারের কারণ হইয়া থাকে । আর চিত্তকে বর্তমানের অবস্থা ব্যবস্থা, জ্ঞানবিজ্ঞান এবং ভাব ও সংস্কারাদির প্রভাব হইতে



সম্পূর্ণরূপে মুক্ত না করিতে পারিলে, বুদ্ধি অতীতের অভিজ্ঞতাকে আপনাতে প্রতিফলিত করিতে "পারে না। এই জন্ত মনন-প্রয়োজনেও চিত্তশুদ্ধি শাস্ত্রের মদর্শ গ্রহণার্থে অত্যাৱশ্যক ।

কারণ শাস্ত্র সত্যের অতীত অভিজ্ঞতার বিবরণ মাত্র । মানব সমাজের বিভিন্ন শাখার প্রাচীনকালের সমষ্টিভূত অভিজ্ঞতা তত্তৎশাখার শাস্ত্রে লিপিবদ্ধ হইয়াছে । এই সকল অভিজ্ঞতা মূলতঃ তত্ত্ববিষয়িনী এবং মোক্ষ-সাধিকা ; এবং তত্ত্বের নিত্যত্ব ও মোক্ষ প্রদানে ঈশ্বরের অনন্তভাকু অধিকার সর্বত্র স্বীকৃত বলিয়া, সকল শাস্ত্রেরই নিত্যত্ব ও ঈশ্বর-প্রণেতৃত্ব লোক সমাজে প্রসিদ্ধি লাভ করিয়াছে । এই ধারণার উপরেই শাস্ত্রের অনন্ত-প্রতিবাদী প্রামাণ্যও প্রতিষ্ঠিত হইয়াছে । কিন্তু এ সম্বন্ধে উভয় লিঙ্গের ও সর্ববয়সের বৃদ্ধা প্রপিতামহীগণের মত ও বিশ্বাসাদিকে সম্মানে উপেক্ষা করিয়া, সকল দেশের প্রাচীন ও আধুনিক সুধিমণ্ডলীর সিদ্ধান্ত আলোচনা করিলে, শাস্ত্র নিত্য, স্বতঃপ্রামাণ্য ও ঈশ্বরপ্রণীত বলিয়া স্বীকৃত হইলেও মূলতঃ যে মানবের প্রাচীন আধ্যাত্মিক অভিজ্ঞতারই বিবরণ,—এ কথা একেবারে অগ্রাহ করা সম্ভব হইবে না ।

কারণ, শাস্ত্রোপদেশের ঐশ্বরিকত্ব স্বীকৃত হইলেও শাস্ত্র-বাক্যের ঈশ্বর-কর্তৃত্ব প্রতিষ্ঠা করিবার চেষ্টা সর্বত্রই নিষ্ফল হইয়াছে । বিশেষতঃ ভারত-বর্ষের প্রাচীন মীমাংসকদিগের হস্তে এ অদ্ভুত কল্পনা অশেষ লাঞ্ছনা লাভ করিয়া নিঃশেষ ও নিরস্ত হইয়াছে । এ সম্বন্ধে খ্রীষ্টীয় জগতে হিন্দুর মীমাংসা শাস্ত্রের জ্ঞায় সূক্ষ্মাদপিসূক্ষ্ম বিচার না হইলেও শাস্ত্র-বাক্যের ঐশ্বরিকত্ব কখনও স্থির সিদ্ধান্তরূপে সুধিসমাজে প্রতিষ্ঠালাভ করে নাই । প্রাকৃত-জনের মধ্যে খ্রীষ্টীয় সম্প্রদায়ে, এ মত প্রচলিত ছিল সত্য, কিন্তু বর্তমান সময়ে তাহাও প্রকাশ্যভাবে পরিত্যক্ত হইতেছে ।

শাস্ত্রবাক্যের অনিত্যত্ব ও অনৈশ্বরিকত্ব স্বীকার করিয়াও শাস্ত্রের আত্ম-প্রামাণ্য রক্ষা করিবার জন্যই হিন্দু মীমাংসায় স্ফোটবাদের উৎপত্তি হয় । স্ফোটবাদের মূল সিদ্ধান্ত এই যে, শব্দ দ্বিবিধ, এক বর্ণাত্মক ও ধ্বন্যাত্মক অপর স্ফোটাত্মক । বর্ণ ও ধ্বনির উৎপত্তি ও বিনাশ আছে, এইজন্য বর্ণাত্মক ও ধ্বন্যাত্মক শব্দের নিত্যত্ব নাই । এ শব্দ বিভিন্ন কণ্ঠে বিভিন্ন ভাবে উচ্চারিত হয় । এ শব্দ উৎপন্ন হয়, ক্ষণকাল স্থিতি করে, পরে আকাশে বিলীনপ্রাপ্ত হয় । কিন্তু স্ফোট শব্দ এ সকল হইতে ভিন্ন ; সে শব্দ উচ্চারিত

হইতে পারে না, উৎপন্ন হয় না, তাহার বিনাশও নাই । সে শব্দ প্রত্যেক স্ফোট পদার্থের প্রাণ, অবলম্বন ও সম্ভবরূপে তাহার মধ্যে নিত্যকাল রহিয়াছে । সে শব্দ জগদ্বীজ নামরূপেরই রূপান্তর মাত্র । সে শব্দ হইতেই জগতের উৎপত্তি হইয়াছে । তাহাই শব্দ-ব্রহ্ম । সে শব্দ নিত্য, তাহাই শাস্ত্রযোগি । সেই স্ফোটাত্মক শব্দই প্রকৃত বেদ, তাহাই প্রকৃত আপ্তবাক্য ।

জগৎ প্রপঞ্চে প্রত্যেক বস্তু ও ভাবই একটা অনির্দিষ্ট, অজ্ঞেয়, অনভিব্যক্ত, কিন্তু নিয়ত-অভিব্যক্তাত্মক আদর্শের প্রতি ইঙ্গিত করিতেছে । সে আদর্শ নিয়তই স্ফুরিত হয়, কিন্তু কুত্রাপি নিঃশেষ প্রকাশিত হয় না । সেই আদর্শই প্রকৃত স্ফোটাত্মক শব্দ । যে তত্ত্বকে প্লেটোনিকগণ "আইডিয়া" ( idea ) বলিয়াছেন, যাহাকে ষ্টোরিকগণ "লগআই" ( logoi ) বা "লগস" ( logos ) বলিয়াছেন, তাহাই বোধ হয় হিন্দু মীমাংসকগণ স্ফোট শব্দ নামে অভিহিত করিয়াছেন । ফলতঃ "লগসের" অর্থও শব্দ । তাহাও দ্বিবিধ অর্থেই ব্যবহৃত হইত, এক নাম ও অপর বস্তুমূল, জগদ্বীজ, শব্দব্রহ্ম । খ্রীষ্টীয় শাস্ত্রের উত্তরভাগে যোহন লিখিত পুস্তকের সূচনায় এই অতিপ্রাকৃত শব্দেরই বর্ণনা রহিয়াছে ।

এইরূপ বিবিধ উপায়ে সর্বত্রই স্বল্পবিস্তর পরিষ্কার ভাবে শাস্ত্রবাক্যের নিত্যত্ব, আপ্তপ্রামাণ্য ও ঐশ্বরিকত্ব অগ্রাহ হইয়াছে । কিন্তু সাধারণতঃ শাস্ত্র বাক্যের ঈশ্বর কর্তৃত্ব অগ্রাহ হইলেও, শাস্ত্রার্থের, বিশেষতঃ শাস্ত্রোপদেশের ঈশ্বরপ্রেরণা সর্বত্রই কোনও না কোনও আকারে স্বীকৃত হইয়াছে । কিন্তু এতদ্বারা শাস্ত্রের সঙ্গে মানবীয় অভিজ্ঞতার অচ্ছেদ্য অঙ্গঙ্গী সম্বন্ধ প্রতি-বাধিত না হইয়া বরং প্রতিষ্ঠিতই হইয়াছে । কারণ এই প্রেরণা সাধুমহাজন-গণের অন্তরে আসিয়া তাঁহাদের বুদ্ধিকে অবলম্বন করিয়াই, তাঁহাদের ভাষার সাহায্যেই, তাঁহাদিগের নিকট ভগবদাদেশ প্রচার করিয়াছে । কিন্তু পূর্ব অভিজ্ঞতার সঙ্গে সংযুক্ত না হইয়া কোনও অজ্ঞাত-পূর্ব বিষয়ই মানবজ্ঞানের বিষয়ীভূত হইতে পারে না । সুতরাং ঈশ্বরাদেশকেও প্রেরিত মহাজন-গণের বোধগম্য হইবার জন্ত তাঁহাদের অভিজ্ঞতার ভূমিতে অবতরণ করিয়া, তাঁহাদের অভিজ্ঞতার সঙ্গে সংযুক্ত হইয়াই, আত্মপ্রকাশ করিতে হয় । অত-এব শাস্ত্রোপদেশের ঈশ্বর প্রেরণা স্বীকৃত হইলেও, তাহা যে প্রেরিত মহাজন-গণের আত্মানুভূতি রূপেই প্রকাশিত হয়, তদ্বারা এ সিদ্ধান্ত অগ্রাহ হয় না ।

অতএব শাস্ত্রের উৎপত্তি ও প্রামাণ্য সম্বন্ধে যিনি যে মতই পোষণ করুন

না কেন, ইহা যে মানবের আধ্যাত্মিক অভিজ্ঞার বিবরণ, ইহা কোনও না কোনও আকারে সকলকেই স্বীকার করিতে হইবে। প্রাচীন শাস্ত্রে প্রাচীন সমাজের সমষ্টিভূত অভিজ্ঞতা নিবদ্ধ হইয়াছে। অধিকাংশ স্থলেই মানব-মনের সরল শৈশবে এই সকল শাস্ত্রের উৎপত্তি হইয়াছিল। বেদ, আভেস্তা, তালমুদ এই শ্রেণীর অন্তর্গত। কোরাণ এবং খ্রীষ্টীয় বাইবেলের উত্তরভাগ অপেক্ষাকৃত আধুনিক শ্রুতি। কিন্তু ইহাতেও মহান্দেবের সমসাময়িক আবেশের ও ঈশার সমসাময়িক ইহুদীর ধর্ম ও সমাজের বিবরণ প্রচুর পরিমাণে বিবৃত রহিয়াছে। সকল শাস্ত্রই এইরূপ সমসাময়িক সমাজের আশা ও আকাঙ্ক্ষা, অবস্থা ও ব্যবস্থাদি লইয়া রচিত হয়। প্রথমে অপরাপর সাহিত্যের ত্রায় এ সকল শাস্ত্রও উত্তরোত্তর বিকাশ ও বিস্তৃতিলাভ করিয়া থাকে। তখন শৈশবের উন্মুক্ত অবস্থা, ভাবস্বভাব তখন সকলই উন্মুক্ত, স্বেচ্ছাবিহারী, সহজসাধনা-শীল। ফলতঃ তখনও শ্রুতি ও স্মৃতির, শাস্ত্র ও সাহিত্যের ভেদাভেদ পরিষ্কৃত হয় নাই। তখন স্মৃতিও শ্রুতিরই অন্তর্গত, সাহিত্যই শাস্ত্র। এইজন্ত ষড়ঙ্গ বেদ পরিপূর্ণ। ইহুদী শাস্ত্রে শ্রুতি অপেক্ষা স্মৃতির ভাগ, অধ্যাত্মতত্ত্ব অপেক্ষা ঐতিহাসিক ঘটনা ও কিস্কদন্তীর বর্ণনাই বেশী। আর কোন শাস্ত্রেরই সমগ্রটা সহসা যুগপৎ প্রকাশিত হইয়াছে, এরূপ মনে করাও অসম্ভব। সর্বত্রই ভাষা ও ভাবের ঋজুকুটিলতা অনুযায়ী পৌর্কপার্শ্ব্য ও ক্রমবিকাশের অকাটা প্রমাণ প্রাপ্ত হওয়া যায়। যতদিন না শাস্ত্র সংগৃহীত ও সঙ্কলিত হইয়া প্রামাণ্যরূপে প্রতিষ্ঠা লাভ করে, ততদিন তাহাতে সাধনার উন্নতি ও সমাজের অভিব্যক্তির সঙ্গে সঙ্গে নূতন নূতন অঙ্গ সন্নিবিষ্ট হইতে পারে, হইয়াই থাকে। এই নিত্য নূতন অঙ্গপুষ্টির দ্বারাই শাস্ত্রের বিভিন্নস্তর রচিত হইয়াছে। কিন্তু কোনও ক্রমে একবার সংগৃহীত, সঙ্কলিত এবং গ্রন্থবদ্ধ হইলেই, শাস্ত্র লোকচক্ষে একরূপ নিত্য ও অলৌকিকত্ব প্রাপ্ত হইয়া থাকে, তখন আর তাহাতে কোনও প্রকারে পরিবর্তন পরিবর্তনাদির প্রসার থাকে না।

আধুনিক আদর্শের আলোকে দর্শন করিলে, শাস্ত্রকে এইরূপে গ্রন্থবদ্ধ ও সীমাবদ্ধ করাতে সাধনার অবাধ উন্নতির পথে ব্যাঘাত পড়িয়াছে বলিয়াই মনে হইতে পারে। কিন্তু মানবীয় সাধনার সমগ্র ইতিহাস, ধীরভাবে আদ্যোপান্ত আলোচনা করিলে শাস্ত্র এইরূপে সীমাবদ্ধ ও গ্রন্থবদ্ধ হইয়া, মানব সমাজের কি যে মহা উপকার সাধন করিয়াছে, ইহা কিয়ৎ পরিমাণে

বুঝিতে পারা যায়। ফলতঃ যে দিন শাস্ত্র বিধবদ্ধ ও গ্রন্থবদ্ধ হইল, মানবীয় সাধনার ইতিহাসে সে এক বিশেষ দিন। সেই দিন সত্য, ব্যক্তিগত মতামত ও কল্পনাজল্পনার অস্থির ভূমি হইতে গাত্রোথান করিয়া সার্বজনীনত্বের অটল আসনে আরোহণ করিতে আরম্ভ করিয়া। সে দিন হইতে মানব, রাজা এবং পুরোহিতের অতীত এক মহাশক্তিকে সমাজের কেন্দ্রস্থলে প্রতিষ্ঠিত করিয়া, রাজাপ্রজা, পুরোহিত যজমান, আত্মপর সকলকে একই বিশাল বিধানে আবদ্ধ করিতে লাগিল। সেদিন অতীতের সঞ্চিত অভিজ্ঞতা, এবং পিতৃপিতামহগণের শোণিত সেবিত অশেষ কল্যাণপূতঃ সাধনসম্পত্তি মূর্তিমতী হইয়া ভবিষ্যৎশীর্ষগণের জীবনযাত্রার সহায় ও উদ্দীপনারূপে জনসমাজে দণ্ডায়মান হইল। এ সহায়তা ও উদ্দীপনা না পাইলে মানব-সমাজ এবং মানবীয় সাধনা, উন্নতিলাভ করা ত দূরের কথা, শৈশব দোলাতেই, উচ্ছ্রাল পশুত্বের প্রবল ঝঞ্ঝাতে পড়িয়া চিরবিনাশ প্রাপ্ত হইত। শাস্ত্রের গ্রন্থবদ্ধতা আজিকালি সাধনার যতই কেন প্রতিরোধ করুক না, শৈশবে এই বন্ধনীর মধ্যে থাকিয়াই যে সত্য, সমাজ ও সাধনা সুরক্ষিত হইয়াছিল, ইহা অস্বীকার করা অসম্ভব ও অসাধ্য।

ফলতঃ শাস্ত্রের এই সীমাও সাধনারই সৃষ্টি। সাধনা আত্মপ্রয়োজনেই স্বহস্ত-রচিত শাস্ত্রকে সংগৃহীত, সঙ্কলিত ও গ্রন্থবদ্ধ করিয়া থাকে। কিন্তু শাস্ত্রকে এইরূপে সীমাবদ্ধ করিয়া পরিবর্তন-সম্ভাবনা-বিরহিত করিলেই সাধনা আপনিও তাহার সঙ্গে সঙ্গে নৈসর্গিক অভিব্যক্তির নিয়মের অতীত হইয়া যায় না। শাস্ত্র গ্রন্থবদ্ধ হইল, কিন্তু সাধনা প্রমুক্ত রহিয়া গেল। সাধনাকে আবদ্ধ করে সাধা কার? অথচ স্বল্পকাল মধ্যেই সৃষ্ট শাস্ত্র স্রষ্টা সাধনার উপরেই আপনার উদ্ধত আধিপত্য বিস্তার করিতে যাইয়া, তাহাকে আপনার সংকীর্ণ সীমার মধ্যে চিরকালের জন্ত অবরুদ্ধ করিয়া রাখিতে চাহে। এইরূপে শাস্ত্র ও সাধনার মধ্যে পুনঃ পুনঃ প্রবল আত্মকলহ উপস্থিত হয়। এই সংগ্রাম উপস্থিত হইলেই সমাজ সঙ্কস্ত হইয়া, প্রাণপণে প্রতিদ্বন্দ্বীত্বের মধ্যে সত্বর সন্ধিস্থাপনের উপায় উদ্ভাবনে প্রবৃত্ত হয়।

কারণ, এই সন্ধির উপরেই সমাজের স্থিতি ও উন্নতি উভয়ই নির্ভর করিয়া থাকে। সমাজ শাস্ত্র ও সাধনা, দুয়ের কোনটিকেই পরিত্যাগ করিতে পারেনা। শাস্ত্রে ধর্মের প্রতিষ্ঠা। ধর্ম যদি সমাজের মেরুস্বরূপ হয়, শাস্ত্র সেই ধর্মের মেরুস্বরূপ। শাস্ত্র যদি প্রামাণ্যমর্যাদা-বিহীন হয়,

ধর্ম্য তবে ভগ্নমেরু ও অবশগ্রহী হইয়া পড়ে। আর ধর্ম্য যদি অসাড় ও বিকল হয়, সমাজের দণ্ডকে দৃঢ় ও অনুভূতিকে সজাগ রাখে কে? শাস্ত্রের সঙ্গে আপনার কন্যাণ এমনই বর্নিষ্ঠভাবে অনুহাত জানিয়াই সমাজ শাস্ত্রের অধিকারকে অক্ষুণ্ণ রাখিবার জন্ত প্রাণপণ যত্ন করিয়া থাকে।

কিন্তু শাস্ত্র যেমন সমাজের স্থিতির সহায়তা করে, সাধনা সেইরূপ সমাজের উন্নতি সম্ভাবিত করিয়া থাকে। সাধনা নিত্য নূতন অভিজ্ঞতা সঞ্চয় করিয়া সমাজের জ্ঞানকে পরিষ্কৃত ও নিত্য নূতন ভাব, রস, আদর্শের দ্বারা সমাজের প্রাণতাকে পরিপুষ্ট করিয়া থাকে। শাস্ত্রে ধর্মের প্রতিষ্ঠা সত্য কিন্তু সাধনায়ই ধর্মের পরিষ্কৃতি। শাস্ত্র ধর্মের মেরুস্বরূপ সত্য, কিন্তু সাধনা সেই মেরুগর্ভনিহিত স্নায়ু ও মজ্জা। স্নায়ুমজ্জা বিরহিত মেরুদণ্ড কঙ্কালদণ্ডে পরিণত হয়, সাধনা বিরহিত শাস্ত্রও অস্তঃসারহীন হইয়া ধর্ম্য সংরক্ষণে অসমর্থ হইয়া পড়ে।

সমাজ এইজন্ত শাস্ত্রকেও প্রত্যাখ্যান করিতে সাহসী হয় না, সাধনাকেও বর্জন করিতে পারে না। সুতরাং শাস্ত্রসাহিত্যে সংগ্রাম উপস্থিত হইলেই প্রাণপণে উভয়ের মধ্যে সন্ধি স্থাপনের চেষ্টা করিয়া থাকে।

এই চেষ্টা হইতেই সর্বত্র ব্যাখ্যার উৎপত্তি হয়। শাস্ত্রের মুখ্য অর্থ পরিহার করিয়া গৌণ অর্থ প্রতিষ্ঠা করাই এ সকল ব্যাখ্যার উদ্দেশ্য। এইরূপ গৌণ অর্থ করিয়াই সর্ব প্রথমে নবীন সাধনার সঙ্গে প্রাচীন শাস্ত্রের সঙ্গতি রক্ষা করিবার চেষ্টা হইয়া থাকে।

আমাদের দেশে প্রাচীন নৈরুক্তেরা ও আধুনিক দয়ানন্দী সম্প্রদায় উভয়েই এইরূপ গৌণ অর্থের দ্বারা প্রাচীন শাস্ত্রের সঙ্গে নূতন সাধনার সঙ্গতি রক্ষা করিবার চেষ্টা করিয়াছেন ও করিতেছেন। বাক্যার্থ গ্রহণে বেদের ব্যাখ্যা করিলে বেদ-প্রমাণে দেববাদ অমূল্য করা অসম্ভব হয়। কারণ বেদে ইন্দ্র বরুণাদি দেবতার পূজা প্রত্যক্ষভাবে বিহিত হইয়াছে। সাধনার শৈশবে এই দেববাদে বিশ্বাস করা অতি সহজ ও স্বাভাবিক। বেদ-মন্ত্রের রচনাকালে বৈদিক আর্য্য সমাজে দেবোপাসনা প্রচলিত ছিল সন্দেহ নাই। কিন্তু ক্রমে আর্য্য-সাধনা এমন একস্তরে আসিয়া উপনীত হইল, যেখানে দেবতায় বিশ্বাস আর মেরুপ সহজ ও স্বাভাবিক রহিল না। অথচ শাস্ত্রে দেবোপাসনাই প্রসিদ্ধ; সুতরাং তখন শাস্ত্র ও সাধনার মধ্যে বিরোধ উপস্থিত হইল। এই বিরোধ ভঞ্জন করিবার জন্তই নৈরুক্ত

সম্প্রদায়ের উৎপত্তি। নৈরুক্ত সম্প্রদায় প্রধানতঃ চারিটা—১ম আধিভৌতিকাঃ—ইহারা বেদমন্ত্রের গৌণ অর্থ করিয়া বৈদিক দেবতাাদিগকে নৈসর্গিক শক্তির রূপক বলিয়া ব্যাখ্যা করিতে লাগিলেন; ২য় আধি-যাজ্ঞিকাঃ—ইহারা পরবর্তী মীমাংসকদিগের পূর্বাচার্য্য, ইহাদের মতে বেদে কোনও দেবতার অস্তিত্ব বা পূজা প্রতিষ্ঠিত হয় নাই, বেদ শুধু মন্ত্রায়ক মন্ত্র সকল যজ্ঞসাধক, নিত্য, স্বয়ম্ভূত, এবং যজ্ঞকালে যথাবিধি উচ্চারিত হইলে ঈপ্সীত ফলদানে অলৌকিক শক্তি সম্পন্ন; ৩য় আধ্যাত্মিকাঃ—ইহারাও বেদের দেববাদ প্রত্যাখ্যান করিয়া ইঞ্জিয় অধিষ্ঠান, মনবুদ্ধি প্রভৃতির পরস্পরের সম্বন্ধের রূপকরূপে শাস্ত্রোপদেশের ব্যাখ্যা করিতেন; ৪র্থ ঐতিহাসিকাঃ—ইহারা বৈদিক দেববাদ একরূপ স্বীকার করিয়াও এ সকল দেবতার মধ্যে মাধা দেবতাগণ পূর্বকালে মরণোকে মনুষ্য জীবন যাপন করিয়া, পরে আপনাদিগের সাধন বলে দেবলোকে উন্নীত হইয়া দেবতাপ্রণীত হইয়াছেন, একরূপ মত পোষণ করিতেন।

আমাদের সমসময়ে পণ্ডিতবর স্বামী দয়ানন্দ সরস্বতী মহাশয়ও বেদের এইরূপ গৌণ অর্থ করিয়া আধুনিক সাধনার সঙ্গে ভারতের প্রাচীন শাস্ত্রের সঙ্গতি স্থাপনের চেষ্টা করিয়াছেন। নৈরুক্তদিগের ত্যায় তিনি রূপকের সাহায্য গ্রহণ করেন নাই, কিন্তু শুদ্ধ ব্যাকরণের ব্যুৎপত্তি দ্বারা বেদ হইতে দেবোপাসনা বিধি নিরস্ত করিতে চেষ্টা করিয়াছেন। তাঁহার মতে ইন্দ্র, বরুণ, অগ্নি প্রভৃতি বৈদিক দেব-বাচক শব্দ, প্রকৃত বাস্তব্য ধরিলে, দেববাচক প্রতিপন্ন হয় না, ব্রহ্মবাচকই প্রতিপন্ন হয়। যেমন—অঞ্জ্ ধাতু হইতে অগ্নি শব্দ নিস্পন্ন হয়, অঞ্জ্ জ্ঞানে চ গমনে চ, অঞ্জ্ ধাতু জ্ঞানার্থে ও গমনার্থে উভয়ার্থেই ব্যবহৃত হয়। বেদে যে অগ্নিব উপাসনা বিহিত, তাহা জ্ঞানার্থক অঞ্জ্ ধাতু নিস্পন্ন শব্দ, তাহার অর্থ গতিশীল অগ্নি নহে, কিন্তু জ্ঞানময় ব্রহ্ম।

কিন্তু সাধনার অপেক্ষাকৃত উন্নত ও সমাজের অপেক্ষাকৃত জটিল অবস্থাতে, এইরূপ ব্যাখ্যার সাহায্যে আর শাস্ত্রের প্রামাণ্য রক্ষা করা সম্ভব হয় না। তখন শাস্ত্রের শ্রেণীবিভাগ আরম্ভ হয়। আমাদের দেশের শাস্ত্রে মীমাংসায় এইরূপ শ্রেণীবিভাগ দৃষ্ট হইয়া থাকে। উত্তর মীমাংসাকার বেদকে কর্মকাণ্ড ও জ্ঞানকাণ্ড, এই দুই শ্রেণীতে বিভক্ত করিয়াছেন। উভয়ই প্রামাণ্য, কিন্তু বিবিধার্থ সাধক। কর্মকাণ্ড স্বর্গাদি সাধক, জ্ঞানকাণ্ড মোক্ষসাধক। কর্মকাণ্ডের অধিকারী ষাঁহারা, তাঁহারা কর্মকাণ্ডের বেদকে,

অর্থাৎ সংহিতা ও ব্রাহ্মণ ভাগকে, অবলম্বন করিয়া চলিবে। জ্ঞানকাণ্ডের অধিকারিগণ বেদের উত্তর ভাগ, উপনিষদ্ বা বেদান্তকে অবলম্বন করিবে। স্বর্গ অপেক্ষা মোক্ষ শ্রেষ্ঠ, কর্ম অপেক্ষা জ্ঞান শ্রেষ্ঠ, অতএব সংহিতা ব্রাহ্মণ উপনিষদ্ সকলই আশ্রয়ান্তর্গত হইলেও, সংহিতা ব্রাহ্মণাদি অপেক্ষা উপনিষদ্ শ্রেষ্ঠ। এইরূপে শাস্ত্রের ইতর বিশেষ বিভেদের দ্বারাও, সাধনার উন্নত অবস্থায়, তাহার সঙ্গে শাস্ত্রের সঙ্গতি স্থাপিত হইয়া থাকে।

ক্রমে সাধনা আরো উন্নত হইলে, অত্র উপায়ে শাস্ত্রের সঙ্গে তাহার সঙ্গতি করিতে হয়। জ্ঞানকাণ্ড শ্রেষ্ঠ, শ্রেষ্ঠ সাধকেরা জ্ঞানকাণ্ড অবলম্বন করিবে; কিন্তু এই জ্ঞানকাণ্ডের অন্তর্গত শাস্ত্রেও ত এমন অনেক বিষয় থাকিতে পারে, যাহার সঙ্গে উন্নততর সাধনার সঙ্গতি সম্ভব নহে। গৌণ ব্যাখ্যা, রূপক, ইতরবিশেষ্যবিভেদ, কিছুতেই এখন এ সঙ্গতি রক্ষা করা আর সম্ভব হয় না; তখন শাস্ত্রের সংজ্ঞা সৃষ্টি করিয়া সাধনার সঙ্গে তাহার সঙ্গি স্থাপন করিয়া দিতে হয়। আমাদের দেশের মীমাংসকেরা এতদর্থে প্রথমে “অদৃষ্টত্বকং শাস্ত্রং”—এই সংজ্ঞা প্রতিষ্ঠা করিলেন,—শাস্ত্রের বিষয় অদৃষ্ট বস্তু এই সংজ্ঞাকে যুক্তি দ্বারা সম্বন্ধিত করিলেন। দৃষ্ট অর্থাৎ ইন্দ্রিয়গ্রাহ্য বিষয়ে শাস্ত্রোপদেশের প্রয়োজনাভাব। একই প্রকারের জ্ঞান লাভার্থ একাধিক ইন্দ্রিয়ের প্রতিষ্ঠাও লোকাভিজ্ঞতা বিরুদ্ধ। রূপের জন্ম কেবল চক্ষু, শব্দের জন্ম শুদ্ধ কণ, রসের জন্ম রসনা, এইরূপে প্রত্যেক জ্ঞানবিষয় একটীমাত্র ইন্দ্রিয় দ্বারা সাধিত হইয়া থাকে। ইহাই তৎপ্রয়োজন সাধনে যথেষ্ট; অতএব, দৃষ্ট অর্থাৎ ইন্দ্রিয়গ্রাহ্য রূপরসাদি বা জাগতিক ঘটনাবলীর জ্ঞান লাভার্থ, ইন্দ্রিয়াতিরিক্ত কোনও উপায়ান্তরের নিতান্তই প্রয়োজনাভাব। এ সকল জ্ঞান লাভের জন্ম শাস্ত্র-সাহায্য সম্পূর্ণ নিশ্চয়োজন। অতএব দৃষ্ট বিষয়ের জ্ঞানলাভের জন্ম শাস্ত্র নহে, শুদ্ধ অদৃষ্টই শাস্ত্রের বিষয়ীভূত হইয়াছে।

এই সংজ্ঞা দ্বারা দৃষ্টকে শাস্ত্র প্রামাণ্যের বহির্ভূত করিয়া, ভারতীয় মীমাংসকগণ বিষয় রাজ্য মানবীয় সাধনার অনগ্র-প্রতিযোগী আধিপত্য প্রতিষ্ঠা করিয়া দিয়াছেন। অদৃষ্ট বিষয়ে শাস্ত্র প্রমাণ দৃষ্ট বিষয়ে শাস্ত্র নহে, কিন্তু বিষয়-জ্ঞান-সাধক ইন্দ্রিয়াদিই একমাত্র প্রামাণ্য রহিয়াছে। সুতরাং প্রকৃতি বিজ্ঞান বা মানবেতিহাসে চক্ষুরাদি ইন্দ্রিয়, এবং ইন্দ্রিয় বোধের উপরে প্রতিষ্ঠিত অহুমান উপমানাদিরই প্রমাণ, শব্দ নহে। তবে শাস্ত্রে ইন্দ্রিয়গ্রাহ্য বিষয়ের

বেউল্লেখ রহিয়াছে, তাহা অর্থবাদ মাত্র, তাহার সম্বন্ধে শাস্ত্রের প্রামাণ্যমর্যাদা কিছুই নাই।

কিন্তু এইরূপ দৃষ্টাদৃষ্ট ভেদের দ্বারাও শাস্ত্র এবং সাধনার মধ্যে চিরসন্ধি প্রতিষ্ঠিত হয় না। কারণ অদৃষ্টের মধ্যেও এমন অনেক বিষয় রহিয়াছে, যাহার সঙ্গে উন্নত সাধনার সামঞ্জস্য রক্ষা করা অসাধ্য হইয়া পড়িতে পারে। এই আশঙ্কা নিরাকরণার্থ শাস্ত্রের দ্বিতীয় সংজ্ঞার প্রয়োজন হইল। পূর্বকার সংজ্ঞা ছিল অদৃষ্টত্বকং শাস্ত্রং; অদৃষ্টের মধ্যে আবার ইতরবিশেষ্য ভেদ করিবার জন্য এমন সংজ্ঞা হইল—“মোক্ষ প্রতিপাদকং শাস্ত্রং”—যাহা মোক্ষ বিষয়ের উপদেশ দেয় ও মোক্ষ প্রতিপন্ন করে, কেবল তাহাই শাস্ত্র।

ভারতের শাস্ত্র সাধনার ইতিহাসে শেষ সন্ধি এই স্থানে, এই সূত্রের দ্বারাই প্রতিষ্ঠিত হইয়াছে। সুতরাং এখন আর হিন্দুর শাস্ত্র কেবল বেদ বলিলে চলিবে না। সমগ্র বেদ সকল হিন্দুর প্রামাণ্য শাস্ত্রও নহে। সংহিতা ও ব্রাহ্মণভাগ যজ্ঞনিরত স্বর্গকামী হিন্দুর শাস্ত্র, যাহারা কর্মকাণ্ডের অধীনতা স্বীকার করে না, স্বর্গাদির কামনা দ্বারা প্রণোদিত হইয়া ধর্ম্মাত্মসরণ করিতে চাহে না, তাহাদের উপরে বেদের সংহিতা ও ব্রাহ্মণভাগের তেমন আধিপত্য ও অধিকার নাই। উপনিষদই এই সকল জ্ঞাননিষ্ঠ মোক্ষাভিলাষী হিন্দুর প্রামাণ্য শাস্ত্র। আর কেবল উপনিষদও নহে, মোক্ষপ্রতিপাদক যাহা কিছু তাহাই জ্ঞাননিষ্ঠ হিন্দুর প্রামাণ্য শাস্ত্র। এই জন্ম স্মৃতি অন্তর্ভূত হইলেও ভগবদ্গীতা, মোক্ষ প্রতিপাদক বলিয়া, প্রস্থানত্রয়ের তৃতীয় স্থান অধিকার করিয়াছে। এই জন্মই ভাগবত বৈষ্ণবের, তন্ত্র তান্ত্রিকের, এইরূপ যে সম্প্রদায় যে গ্রন্থকে মোক্ষবাধিত বলিয়া গ্রহণ করিয়াছেন, তাহাই তাহাদের প্রামাণ্য শাস্ত্ররূপে গৃহীত হইয়াছে। এমন কি, হিন্দুর শাস্ত্রের বহির্ভূত গ্রন্থেও, তালমুদে বা ত্রিপিপিতকে, বাইবেলে বা কোরাণে,—কাব্যে, দর্শনে, যেখানে মোক্ষপ্রতিপাদক উপদেশ আছে, পূজাপাদ প্রাচীন মীমাংসকদিগের আদেশে, তৎ সমুদায়ই জ্ঞাননিষ্ঠ হিন্দুকে আপনার প্রামাণ্য শাস্ত্রের অন্তর্গত বলিয়া শ্রদ্ধাভরে গ্রহণ করিতে হইবে কারণ—মোক্ষ প্রতিপাদকং শাস্ত্রং—তাঁহার নিকট যাহা মোক্ষ প্রতিপন্ন করে তাহাই শাস্ত্র।

কিন্তু ইহাতেও সাধনা শাস্ত্রের সম্পূর্ণ সমকক্ষ হইতে পারিল না। অথচ যতক্ষণ না সাধনা ও শাস্ত্র আপনাদের যথাযথ অধিকার প্রাপ্ত হইয়াছে, ততক্ষণ স্থায়ী সন্ধির সম্ভাবনা কোথায়? হিন্দু মীমাংসকগণ এচেষ্টাও করিয়া-

ছেন । সাধকের উপরে কর্মকাণ্ডের শাস্ত্রের অধিকার যেরূপ, জ্ঞানকাণ্ডের শাস্ত্রের অধিকার ঠিক সেইরূপ নহে । কর্মকাণ্ডে বিচারের প্রমাণ নাই, কারণ কর্মমাত্রেই ফলাপেক্ষী, ফলকাল পর্যন্ত তাহার সত্য মিথ্যা নির্ণয় অসম্ভব । কর্মের ফল, স্বর্গাদি আমুত্রিক বিষয়, ইহলোকে তাহা অপ্রত্যক্ষ ; সুতরাং কর্মসাধিকারীকে বিচার-বিরহিত হইয়াই আপনার শাস্ত্রের আদেশ পালন করিয়া চলিতে হয় ।

জ্ঞানসাধিকারে শাস্ত্রের প্রামাণ্য কিন্তু অন্তরূপ । জ্ঞান অনুভূতি সাপেক্ষ -- অনুভূতি পর্যন্ত জ্ঞান -- অনুভূতি না হইলে জ্ঞান পূর্ণ হয় না । অনুভূতি আত্মার ধর্ম, বিষয় সাক্ষাৎকারে স্বতঃ উৎপন্ন হয় । অনুভূতি আপনই আপনার প্রমাণ, তাহার প্রমাণান্তরের অপেক্ষা নাই । এই জন্য শাস্ত্রের ন্যায় অনুভূতিরও সম্পূর্ণ আত্মপ্রামাণ্য রহিয়াছে । অতএব অনুভূতির সঙ্গে শাস্ত্রের সম্পূর্ণ সমকক্ষতা রহিয়াছে । অনুভূতির সঙ্গে সম্পূর্ণ একবাক্য না হইলে, জ্ঞানসাধিকারে শাস্ত্রের প্রামাণ্য গ্রাহ্য নহে ।

এইরূপে শাস্ত্র ও স্বানুভূতি উভয়ের একবাক্যতার উপরে সত্যের প্রামাণ্য যখন প্রতিষ্ঠিত হয়, তখনই কেবল শাস্ত্র ও সাধনার আত্মা--বিরোধের নিঃশেষ নিস্পত্তি হইয়া থাকে ।

শাস্ত্র ও স্বানুভূতির একবাক্যতা সম্পাদনার্থ, শাস্ত্র সঞ্চিত প্রাচীন অভিজ্ঞতাকে বুদ্ধিতে পুনরুৎপাদন করা প্রয়োজন হয় । ইহাই শাস্ত্র চর্চার মুখ্য ও প্রকৃত উদ্দেশ্য । এই উদ্দেশ্যে শাস্ত্র চর্চা করিলেই তাহার দ্বারা সাধনা পরিপুষ্টলাভ করিয়া থাকে ।

কিন্তু এই উদ্দেশ্যে শাস্ত্র চর্চা করিতে হইলে, প্রত্যেক শাস্ত্রের আনু-পৌর্বিিক ইতিহাস আলোচনা করা আবশ্যিক হয় । তাহা করিতে গেলেই একদিকে যেমন নিরুক্ত মীমাংসা, ভাষ্য বৃত্ত্যান্দির সাহায্য গ্রহণ করা প্রয়োজন হয়, অত্রদিকে সেইরূপ শাস্ত্রের ঋজু স্বাভাবিক, মৌলিক অর্থ গ্রহণ করিবার জ্ঞান, মানবীয় সাধনার সাধারণ ইতিহাসও আলোচনা করা আবশ্যিক হয় ।

সুতরাং কেবল শাস্ত্র বিশেষের বা তৎসম্পর্কীয় নিরুক্ত মীমাংসার ভাষ্যান্দির চর্চা করিয়াই, তাহার সম্যক জ্ঞানলাভ করা যায় না । কিন্তু সেই শাস্ত্র যে তত্ত্ব প্রকাশ করিয়াছে, তাহার অভিব্যক্তির সাধারণ ও সার্বজনীন বিবরণের আলোচনাও অত্যাবশ্যিক । কারণ তাহা দ্বারা ইহা শাস্ত্রের মৌলিক মর্ম অবগত হইতে পারা যায় ।

আমরা যে সামান্ত শাস্ত্র চর্চা আরম্ভ করিয়াছি, তাহাতে প্রাচীন আচার্য্যদিগের স্থান নাই, সমশ্রেণীর অপরাপর শাস্ত্রের জ্ঞান নাই, তত্ত্বের সাধারণ অভিব্যক্তির অনুভূতি নাই, এ অবস্থায় শাস্ত্র পাঠ করিতে যাওয়া আমরা অনেক সময়েই যে তাহার নিতান্ত প্রাকৃত বা নিতান্ত অপ্রাকৃত অর্থ করিয়া বসি, ইহা আর আশ্চর্য্য কি ?

শ্রীবিপিনচন্দ্র পাল ।

## বঙ্গীয় সাহিত্য-সেবক ।

[বর্তমান প্রবন্ধে বঙ্গভাষার প্রাচীন ও অধুনামৃত বাবতীয় গ্রন্থকারগণের সংক্ষিপ্ত পরিচয়সহ বর্ণানুক্রমিক সহস্রাধিক নামের তালিকা সংগৃহীত হইয়াছে । যে সকল প্রাচীন গ্রন্থকারগণের গ্রন্থ নিচয় এখনও মুদ্রিত বা জনসমাজে প্রচারিত হয় নাই, কেবলমাত্র হস্তলিখিত পুঁথিতে বংশ পরম্পরা রক্ষিত হইয়া আসিতেছে, সেই সকল অপ্রকাশিতনামা গ্রন্থকারগণের এবং তাঁহাদের রচিত গ্রন্থ-সমূহের পরিচয়ও যথাসম্ভব সঙ্কলিত হইয়াছে ।

পরিশিষ্টে—বৈষ্ণব পদাবলী-রচয়িতা, বঙ্গভাষার মুসলমানকবি, ৯জন ধর্মমঙ্গল গ্রন্থলেখক, ২৫ জন মহাভারত বা তৎসংস্কৃষ্ট পর্বাধ্যায়-রচয়িতা, ৫২ জন মনসার গীতিলেখক, ১৬ জন সত্যনারায়ণ-ব্রত-কথা-রচয়িতা, ১১ জন চণ্ডীর উপাখ্যান লেখক, ১২ জন চৈতন্যচরিত-রচয়িতা, ৪০ জন 'কবি' সঙ্গীত রচয়িতা, ১২ জন পাঁচালীকার, ৫ জন বিদ্যাসুন্দর-রচয়িতা, শ্রীমদ্ভাগবতের অনুবাদকগণ, সাময়িক ও সংবাদ পত্রের সময়ানুক্রমিক তালিকা, বিভিন্ন জেলার কবি, ইত্যাদি, বঙ্গ-সাহিত্য বিষয়ক অত্যাবশ্যকীয় ৪৫টা প্রস্তাব ও তালিকা প্রদত্ত হইয়াছে । যাত্রার পালা রচয়িতা, ভাটসঙ্গীত রচয়িতা প্রভৃতির নামও বাদ পড়িবে না । ইহা হইতেই আমাদের উদ্দেশ্য বুঝিতে পারিবেন । চরিতাভিধানটী সম্পূর্ণ করিবার যথাসাধ্য চেষ্টার ক্রটি হইবে না ।

দরিদ্র মফঃস্বল-বাসীর পক্ষে এই দুঃসাধ্য কার্যে হস্তক্ষেপ করা অতি অসমসাহসের কার্য । শিক্ষিত মহোদয়গণ, মাতৃভাষার প্রতি চাহিয়া

এই বৃহৎ অনুষ্ঠানে যথাসাধ্য সাহায্য করিবেন, শুদ্ধ এই ভরসায় কার্যক্ষেত্রে অবতীর্ণ হইলাম ।

আমাদের অজ্ঞতা নিবন্ধন, অনেক গ্রন্থকারগণের নাম বাদ পড়িবে। আবার কোন কোন গ্রন্থকারের বাহা কিছু পরিচয় প্রদত্ত হইয়াছে, তদপেক্ষা পাঠকবর্গের মধ্যে অনেকের অধিক জানা আছে, তুলের ত কথাই নাই। রূপাপূর্বক, আমাদিগকে এই সকল ক্রটির বিষয় অবগত করাইলে সংশোধন করিয়া লইব। প্রথমাবস্থায় এই গ্রন্থকার-তালিকাটি বিস্তৃত ও সম্পূর্ণ করিবার ইহা ভিন্ন উপায়ান্তর দেখি না। আশা করি, আমাদের এই বিনীত প্রার্থনা বিফল হইবে না।

লেখক]

## অ

অকিঞ্চন ঃ—শ্রামা বিষয়ক সঙ্গীত-রচয়িতা।

ইহার প্রকৃত নাম দেওয়ান রঘুনাথ রায়; রচিত সঙ্গীতগুলি 'অকিঞ্চন' ভণিতা যুক্ত।

জন্ম—১৭৫০খ্রীঃ; মৃত্যু—১৮৩৬খ্রীঃ, ১২৪৩ সাল ১৯শে ভাদ্র।

নিবাস—বর্ধমান জেলার অন্তর্গত কালনার নিকট চুপৌগ্রাম।

রঘুনাথের পিতা, দেওয়ান ব্রজকিশোর রায় ও বর্ধমানাধিপতি মহারাজ কীর্তিচন্দ্রের দেওয়ান ছিলেন।

শিক্ষা ঃ—সংস্কৃত ও পারশু ভাষায় সুশিক্ষিত ছিলেন; বর্ধমানাধিপতি মহারাজ তেজচন্দ্রের অনুগ্রহে দিল্লীর সঙ্গীতাচার্য্য-গণের নিকট সঙ্গীত-শাস্ত্র অধ্যয়ন করেন।

রঘুনাথ বিষয় কস্মৈ অধিকদিন অনুরক্ত ছিলেন না। কিছুদিন দেওয়ানের কার্য্য করিলে পর পরমার্থ চিন্তায় সময় অতিবাহিত করেন।

শ্রামা সঙ্গীত ব্যতীত কৃষ্ণবিষয়ক এবং অগ্রাগ্র সঙ্গীত রচনা করেন।

(সং. সা. সং; বঃ. সা.)

অকিঞ্চন দাস ঃ—

"শ্রীচৈতন্য ভক্তিতত্ত্ব বিলাস" ও "শ্রীচৈতন্য ভক্তিরসায়িকা" গ্রন্থ-রচয়িতা।

শেখোক্ত গ্রন্থখানি প্রমোত্তরছলে লিখিত; শ্রীনিত্যানন্দ প্রভু তত্ত্বজিজ্ঞাসু, এবং শ্রীচৈতন্য মহাপ্রভু উত্তরদাতা।

(প. প)

অক্ষয়কুমার ঘোষ ঃ—ব্যঙ্গকবিতা-রচয়িতা।

নিবাস—বর্ধমান জেলা—জাতি গোপ।

ইনি উড়িষ্যাবাসী কায়স্থ-কবি সুন্দর দাসের 'কবির' দলের বাণ্যকার ছিলেন।

( "সুন্দর দাস" দেখ )

অক্ষয়কুমার, নিজগুরু সুন্দরদাসের মত বাঙ্গালা গদ্য রচনা করিতে পারিতেন। ইনি সংস্কৃতজ্ঞ ছিলেন।

অক্ষয়কুমার অনেকগুলি ব্যঙ্গ-কবিতা রচনা করিয়াছিলেন।

অক্ষয়কুমারের পুত্র নটবর ঘোষ, ২৪ পরগণার, উত্তম 'কবিওয়াল' বলিয়া খ্যাতিলাভ করেন।

( "নটবর ঘোষ" দেখ )

নটবরের পৌত্র বর্তমান নাম শ্রীযুক্ত কেশবচন্দ্র ঘোষ।

(প্রবাসী)

অক্ষয়কুমার দত্ত ঃ—

রচিত গ্রন্থাদি ঃ—

সন ১২৪৭ সালে

'ভূগোল'

" ১২৪৯ "

'বিদ্যাदर्শন' মাসিক পত্রিকা (কোন

বন্ধুর সহিত মিলিত হইয়া তিনি এই পত্রিকা প্রকাশিত করেন। ইহা ৬ মাস কাল মাত্র প্রকাশিত হইয়াছিল।)

" ১২৫২-৬২ "

"তত্ত্ববোধিনী" পত্রিকা-সম্পাদক।

" ১২৫৮ "

(মাঘ) "বাহুবল্লুর সহিত মানব প্রকৃতির সম্বন্ধ বিচার"

১ম ভাগ।

" ১২৫৮ "

(শ্রাবণ) "চারুপাঠ"—১ম ভাগ।

" ১২৫৯ "

"বাহুবল্লুর সহিত মানব প্রকৃতির সম্বন্ধ বিচার" ২য় ভাগ।

" ১২৬১ "

"চারুপাঠ" ২য় ভাগ।

" ১২৬৩ "

"পদার্থ বিদ্যা"

" ১২৭০ "

"চারুপাঠ" ৩য় ভাগ।

সন ১২৭৭ সাল "ভারতবর্ষীয় উপাসক সম্প্রদায়"—১ম ভাগ।

সন ১২৮৩ (মাঘ) “ধর্মনীতি”

,, ১২৮৯ চৈত্র “ভারতবর্ষীয় উপাসক সম্প্রদায়”—২য় ভাগ ।

জন্ম—সন ১২২৭ সাল ১লা শ্রাবণ বর্ধমান জিলার অন্তর্গত নবদ্বীপে দুই ক্রোশ উত্তর চুপীগ্রামে বঙ্গজ পাড়ায় । প্রপিতামহ রাজবল্লভ দত্ত পূর্বদেশ হইতে আসিয়া চুপীগ্রামে বাসস্থাপন করেন ।

মৃত্যু—সন ১২৯৩ সাল ১৪ই জ্যৈষ্ঠ, বৃহস্পতিবার, রাত্রি ৩-১৫ সময় বালীর বাগানবাটী ‘মোহন-উদ্যানে’ ৬৬ বৎসর বয়সে ।

পিতা—পীতাম্বর দত্ত, জাতি বঙ্গজ কায়স্থ—মাতা দয়াময়ী ।

বাল্য-কথা, শিক্ষা :—৭ম হইতে ১০ম বর্ষ পর্য্যন্ত গ্রাম্য পাঠশালায় বাঙ্গালা এবং বাড়ীতে সামান্তরূপ পারশু ভাষা শিক্ষা করিয়া খিদিরপুরে পিতার নিকট আগমন করেন । পিতৃব্য-পুত্র হরমোহন দত্ত ইংরাজী ভাষাভিজ্ঞ ছিলেন, অক্ষয়চন্দ্র প্রথমতঃ ভবানীপুরে মিসনরীদের স্কুলে পড়িতে আরম্ভ করিয়া ১৬ বৎসর বয়সের সময় পিতৃব্যের আজ্ঞানুসারে কলিকাতার গৌরমোহন আচ্যের ওরিয়ান্টাল সেমিনারিতে ৫ম শ্রেণীতে ভর্তি হন । এখানে আসিয়া আপন পিতৃব্য ভাই রামধন বসুর বাসায় অবস্থান করিতে লাগিলেন । ২বৎসর মধ্যে একবারে ২য় শ্রেণীতে উন্নীত হন । পরবৎসর পিতৃব্যেরোগ ঘটায় তিনি স্কুল পরিত্যাগ করিতে বাধ্য হইলেন । কিন্তু তিনি বিদ্যালুশীলন না করিয়া স্বাবলম্বনবলে বিজ্ঞান, পদার্থবিদ্যা, ইতিহাস, ভূগোল, পুরাতত্ত্ব, প্রত্নতত্ত্ব প্রভৃতি বিষয় নিয়মিতরূপে আলোচনা করিতে লাগিলেন । শোভাবাজারের রাজবাটীর রাজা রাধাকান্ত দেবের দৌহিত্র আনন্দকৃষ্ণ বসু, শ্রীনাথ ঘোষ, এবং অমৃতলাল মিত্র নানাবিধ বহুসংখ্যক পুস্তক ব্যবহার করিতে দিয়া এবং অল্পবিধ উপায়ে অক্ষয়কুমারের জ্ঞানপিপাসা চরিতার্থ করিয়াছিলেন । ১৯ বৎসর বয়সে তিনি কিশোরকান্দ একজন অধ্যাপকের নিকট সংস্কৃত ভাষার আলোচনা করিয়াছিলেন ।

সাহিত্য-বন্ধু :—কবিবর ঈশ্বরচন্দ্র গুপ্ত অক্ষয়কুমারকে প্রথমে গদ্য এবং তৎপর গদ্য লেখার উৎসাহ প্রদান করেন । গুপ্তকবি অক্ষয়কুমারকে অতিশয় স্নেহ করিতেন । অক্ষয়কুমার সশব্দে তিনি লিখিয়াছিলেন—‘অগ্রে যাহাকে শিষ্যপদে অভিষিক্ত করিয়া গুরু বলিয়া বরণ করিতে ইচ্ছা করি’ ইত্যাদি । ঈশ্বরচন্দ্রই শ্রীযুক্ত দেবেন্দ্রনাথ ঠাকুরের সহিত অক্ষয়কুমারের পরিচয় সংস্থাপন করেন । ১২৪৭ সালে “তত্ত্ববোধিনী”

পাঠশালা স্থাপিত হয়—অক্ষয়কুমার সামান্ত বেতনে ইহার ভূগোল ও পদার্থ বিদ্যার শিক্ষক নিযুক্ত হন । ১২৫০ সালে এই পাঠশালা কলিকাতা হইতে বাঁশবেড়িয়ায় স্থানান্তরিত হইলে, অক্ষয়কুমার পদত্যাগ করিয়া কলিকাতায় অবস্থান করিতে লাগিলেন । টাকীর চৌধুরী বাবুদের সহিতও ঈশ্বরচন্দ্র অক্ষয়কুমারকে পরিচিত করিয়া দেন । অক্ষয়কুমার তদবধি চৌধুরী বাবুদের বরাহনগরের বাটীতে “নীতি-তরঙ্গিনী” নামক সভায় সময় সময় প্রবন্ধ পাঠ করিতেন ।

সাহিত্য-সেবা, উন্নানার্জন :—তত্ত্ববোধিনী পাঠশালা স্থানান্তরিত হইবার কয়েকমাস পরই, অক্ষয়কুমার ‘তত্ত্ববোধিনী’ সভার সহ সম্পাদক নিযুক্ত হন । এই সময় তিনি ‘তত্ত্ববোধিনী’ পত্রিকায় “অ, কু, দ” নাম দিয়া প্রবন্ধ লিখিতেন । দুই বৎসর পর ১২৫২ সালে তত্ত্ববোধিনী পত্রিকার সম্পাদক নিযুক্ত হইয়া ১২৬২ সাল পর্য্যন্ত ১০ বৎসর কাল এই কার্যে ব্রতী ছিলেন । এই সময় মধ্যে তিনি অকাতরে পরিশ্রম করিয়া অসামান্ত প্রতিভাবলে ইউরোপীয় পদার্থবিদ্যা, দর্শন, বিজ্ঞান, প্রাণীবিদ্যা, ধর্মনীতি, মনস্তত্ত্ব, এবং ভারতীয় প্রত্নতত্ত্ব প্রভৃতি অধ্যয়ন করিয়া ওজস্বিনী ভাষায় উক্ত বিষয় সমূহের আলোচনা করেন । হীনা বঙ্গভাষা এইরূপে অক্ষয়কুমারের হস্তে বিবিধ ভূষণে বিভূষিত হইয়া গৌরবান্বিত হইলেন ।

এই সময় মধ্যেই তিনি কলিকাতা মেডিকেল কলেজে ১ম বর্ষে রসায়ন, এবং ২য় বর্ষে উদ্ভিদ বিদ্যা বিষয়ক উদ্দেশ্য শ্রবণ করেন । তাহার পর তিনি জার্মান ভাষার এবং ভূতত্ত্ব বিদ্যার অলুশীলন করিয়াছিলেন ।

১২৬২ সালে কলিকাতায় নার্মাল স্কুল স্থাপিত হইলে, অক্ষয় কুমার ১৫০ বেতনে ইহার প্রধান শিক্ষক নিযুক্ত হইয়া “তত্ত্ববোধিনী” পত্রিকার সম্পাদকতা পরিত্যাগ করেন । কিন্তু পত্রিকায় প্রবন্ধাদি লিখিতে বিরত হন নাই ।

পীড়া—এই বৎসর ( ১২৬২ সাল ) তিনি মূর্ছারোগে আক্রান্ত হন এবং সেই নিমিত্ত, তদবধি কোন গভীর বিষয় অধিকক্ষণ অনন্যমনে চিন্তা করিতে অপারগ হন । কিন্তু এমনত অবস্থায়ও তিনি “উপাসক সম্প্রদায়” ২য় ভাগ প্রণয়ন ও প্রকাশ করেন । এই দারুণ শিরোরোগে আক্রান্ত হইয়া মৃত্যু পর্য্যন্ত সুদীর্ঘ ৩১ বৎসরকাল ইহার উৎকট যন্ত্রণা ভোগ করিয়াছিলেন ।

শেষাবস্থায়—কলিকাতার সন্নিকট বালী গ্রামে ‘মোহন-উদ্যান’

বাগান বাটীতে আসিয়া নিৰ্জনে বাস করেন । এই উদ্যান-বাটিকাটি তিনি নিজে মনোমত করিয়া গঠিত ও সুসজ্জিত করিয়াছিলেন । এই স্থানে অক্ষয়কুমার জীবন-লীলা শেষ করেন ।

অক্ষয় কুমার আমিষ ভক্ষণ করিতেন না । তিনি ব্রাহ্মধর্মাবলম্বী ছিলেন ।

(ধর্মবন্ধু, নবজীবন, নব্যভারত, পঃ পঃ) (জীবনবৃত্তান্ত)

অচ্যুত দাস—“গোপী ভক্তিরঙ্গ বা কৃষ্ণলীলা-রচয়িতা ।

(পঃ পঃ)

অদ্বৈত চরণ আচ্য—কলিকাতার আচ্য পরিবার হইতে প্রকাশিত বঙ্গভাষার অতি প্রাচীন সংবাদ পত্র ‘সংবাদ পূর্ণ-চন্দ্রোদয়’ পাক্ষক হইতে দৈনিকে (১৮৪৫ খ্রীঃ) প্রবর্তিত করিয়া মৃত্যু কাল পর্য্যন্ত সম্পাদকতা করেন ।

(“হরচন্দ্র বন্দ্যোপাধ্যায়” দেখ)

ইনি মুক্তারাম বিদ্যাবাগীশ ও আনন্দচন্দ্র বিদ্যাবাগীশের সহায়তার শ্রীমদ্ভাগবতের শ্লোকানুযায়ী বঙ্গভাষায় গদ্যানুবাদ করেন ।

“নর্কার্থ পূর্ণচন্দ্র” নামক সাময়িক পত্রও অদ্বৈতচরণ কর্তৃক প্রকাশিত হইয়াছিল ।

মৃত্যু—১৮৭৩ খ্রীঃ ।

(পঃ পঃ)

অদ্ভুতাচার্য্যঃ—‘রামায়ণ’ রচয়িতা ।

ইহার প্রকৃত নাম নিত্যানন্দ । ৭ম বর্ষ বয়সে যজ্ঞোপবীত ধারণ করিবার পূর্বেই ‘রঘুবর’ কর্তৃক রামায়ণ রচনা করিবার জন্ম আদিষ্ট হন । নিত্যানন্দ ব্রাহ্মণ বংশে জন্ম গ্রহণ করিলেও শিক্ষিত ছিলেন না, কেবল মাত্র দৈব বনে সমগ্র রামায়ণ রচনা রূপ অদ্ভুত কার্য্য করিয়া ‘অদ্ভুতাচার্য্য’ নামে খ্যাত হইয়াছিলেন । অদ্ভুতাচার্য্যের রামায়ণ অতি বৃহৎ গ্রন্থ শ্লোক সংখ্যা নূনাধিক বিংশ সহস্র—এই গ্রন্থের এক সময় অতিশয় আদর ছিল । গ্রন্থকার, সীতা দেবীকে কালীর অবতার রূপে বর্ণন করিয়া একটা অদ্ভুত তত্ত্ব প্রকটিত করিয়াছেন ।

গ্রন্থ রচনা কাল—অনুমান ২০০ বর্ষ পূর্বে ; গ্রন্থ মধ্যে আত্ম পরিচয়—

- প্রণিতামহ গুরু বন্দো জার আইদ খণ্ড ।
- তাহার তনয় বন্দো নামেতে প্রচণ্ড ॥
- তাহার তনয় বন্দো নামেতে শ্রীনিবাস
- গুণের সাগর তেঁহো নারায়ণের দাস ॥
- তার পুত্র উপাঞ্জল মাণিক জঠরে
- জন্মিল চারি পুত্র চারি সহোদরে ॥

চারি সহোদরে তারা পণ্ডিত গুণনিধি  
ভারত প্রসাদে পাই অপক্ষিত সিদ্ধি ॥  
আত্রাই কুলেতে বাস বড় বড়িয়া গ্রাম  
শুভক্ষণে জন্মিল পুত্র নিত্যানন্দ নাম ॥  
(সোনার রাজ্য নামে ছিল বড় বাড়ী গ্রাম—  
শুভক্ষণে হইল জ্যেষ্ঠ নিত্যানন্দ নাম ॥)  
মহা পৌরস তবে জন্মিল সংসারে  
যত যত সংকল্প তার পৃথিবী ভিতরে ॥  
দেবগণে মুনি গণে কর্ম শুভাচার  
অদ্ভুত নাম হইল বিদিত সংসার ॥  
মাঘ মাসে শুক্লপক্ষে ত্রয়োদশী তিথি  
ব্রাহ্মণ বেশে পরিচয় দিলেন রঘুপতি ॥  
প্রভুর কুপায় হইল রচিত রামায়ণ  
অদ্ভুত নাম হইল সেই সে কারণ ॥  
যজ্ঞ পবিত্র নাহি বয়সে সপ্ত বৎসর  
রামায়ণ পাইতে আঞ্জা দিলেন রঘুবর ॥  
জন্মি নাহি জানে বিপ্র অক্ষরের লেশ  
যত কিছু কহে বিপ্র রাম উপদেশ ॥  
পয়ার প্রবন্ধে পোখা করিল প্রচার  
তপোবলে হইল তার এ তিন কুমার ॥  
জয় বিজয় হইল আর শিবানন্দ  
একত্র তিনেক বর দিলা রামচন্দ্র ॥

(পঃ পঃ, বঃ সা)

অনন্তুঃ—‘রামায়ণ’ রচয়িতা ।

কীর্তনের জন্ম এই রামায়ণ অতি সংক্ষেপে, আধ্যাত্ম্য ও বাস্তবিকীয় রামায়ণের মূলানুযায়ী লিখিত হইয়াছে । স্থানে স্থানে হনুমৎ প্রণীত ‘মহানাটকের’ ভাবানুসরণ করিয়াছেন বলিয়া অনুমিত হয় ।

গ্রন্থ-রচনাকালে মনু ৪০০ বর্ষ পূর্বে । শ্লোক সংখ্যা অনুমান ১২০০ ; কবি সংস্কৃতজ্ঞ ছিলেন ।

(নব্যভারত ১৫)

অনন্তু আচার্য্যঃ—বৈষ্ণব পদকর্তা ।

(শ্রীগৌর বিষ্ণুপ্রিয়া পত্রিকা ১)



অনন্ত দাসঃ—বৈষ্ণব পদকর্তা ।

(শ্রীগৌর বিষ্ণুপ্রিয়া পত্রিকা ১)

অনন্ত মিশ্র ঃ—“জৈমিনী ভারত” (অশ্বমেধ পর্ব) রচয়িতা ।

(পঃ পঃ ; বিঃ পঃ মঃ)

অনন্তরাম দত্ত ঃ—“ক্রিয়াযোগ সার” (পদ্মপুরাণের একাংশের অনুবাদ) নামক গ্রন্থ-রচয়িতা ।

নিবাস ব্রহ্মপুত্রের সন্নিকট মেঘনা নদের পশ্চিমপারে সাহাপুর গ্রাম ।

বংশতালিকা ঃ—কবিহুল্লভ ।

১	২	৩
রামচন্দ্র	রাঘবেন্দ্র	রঘুনাথ
		অনন্ত রাম ।

মাতামহ—রামদাস ।

এই বৃহৎ গ্রন্থখানি কবি, ‘বিশারদ’ উপাধিধারী কোন লোকের শরণ লইয়া লিখিয়াছেন ।

(পঃ পঃ অতি ; বঃ নাঃ)

অনন্তলাল বন্দ্যোপাধ্যায় ঃ—সঙ্গীত রচয়িতা ।

অনন্তলাল বাঁকুড়া জেলার অন্তর্গত বিষ্ণুপুর রাজসভার সঙ্গীতাচার্য্য ছিলেন । পিতা গঙ্গানারায়ণ বন্দ্যোপাধ্যায় ।

অনন্তলাল প্রথমতঃ সংস্কৃত শিক্ষা করিয়া শাস্ত্র ব্যবসায়ে ব্রতী হন । পরে শ্রীমদ্ভাগত পাঠ ও কথকতা করিবার প্রবৃত্তিবশে সঙ্গীত শিক্ষা আরম্ভ করেন এবং স্বকীয় প্রতিভাবলে সঙ্গীত বিদ্যার অত্যাচ্চ গ্রামে আরোহণ করিতে সমর্থ হইয়াছিলেন ।

বিষ্ণুপুরের স্বনামখ্যাত রামশঙ্কর ভট্টাচার্য্য, অনন্তলালের সঙ্গীত বিদ্যার শিক্ষা-গুরু ।

ছই উপযুক্ত পুত্র ও কয়েকজন কৃতীশিষ্য অনন্তলালের বশঃপ্রভা অক্ষুণ্ণ রাখিয়াছেন ।

(“সঙ্গীত প্রকাশিকা” ৩)

অনপরাধ ঘোষাল ঃ—যাত্রার দলের অধিকারী ও ‘পালা’ রচয়িতা ।

(প্রবাসী)

অনুপচন্দ্র ঃ—“মনসার গীতি” লেখক ।

অনুপচন্দ্র দত্ত ঃ—“প্রতাপচন্দ্র লীলারস প্রশঙ্গ সঙ্গীত” রচয়িতা  
রচনাকাল ১৮৪৪ খ্রীঃ, ১২৫০ সাল ।

নিবাস—বর্দ্ধমান জিলার অন্তর্গত কাটোয়ার অধীন শ্রীখণ্ড । জাতি উগ্র-ক্ষত্রিয় ।

বংশতালিকা—৩ শ্রীমসুন্দর দত্ত, ২ মৃত্যুঞ্জয় দত্ত, ১ অনুপচন্দ্র দত্ত ।

গ্রন্থকার, বর্দ্ধমানের জালরাজা প্রতাপচন্দ্রের একজন ‘চেল’ ছিলেন এবং প্রতাপচন্দ্রের জীবদ্দশায় কবিতাকারে এই কাব্য গ্রন্থখানি লিখিয়া তাঁহার লীলা বর্ণনা করিয়াছেন ।

প্রতাপচন্দ্র শেষ বয়সে ধর্ম প্রবর্তক হইয়া শ্রীখণ্ডে গমনাগমন করিতেন । তথায় তাঁহার অনেক শিষ্য ও জুটিয়াছিল । শ্রীখণ্ডের বৈদ্যবংশজ দুর্গামঙ্গল দাসের আজ্ঞায় অনুপচন্দ্র এই গ্রন্থ রচনা করেন ।

গ্রন্থখানির আকার ক্ষুদ্র নহে—গ্রন্থমধ্যে প্রতাপচন্দ্রের ঈশ্বরত্ব প্রতিপনের চেষ্টা আছে !

(“বীরভূমি” ৩)

অভিরাম দাস—“গোবিন্দ বিজয়” ও “কৃষ্ণ মঙ্গল” রচয়িতা ।

(পঃ পঃ, ৪)

অভিরাম, দ্বিজ—“অশ্বমেধ পর্ব” (জৈমিনী ভারত) রচয়িতা ।

(পঃ পঃ ৪, বি, পঃ, ম। ১০)

অভিরাম, দ্বিজ—“শ্রীলক্ষ্মীরত পাঁচালী” রচয়িতা ।

(পঃ পঃ ৭)

অমূল্য চরণ বসুঃ—“নব্যভারত” নামক মাসিক পত্রের প্রবন্ধ লেখক ।

জন্ম—১৮৬২ খ্রীঃ ১০ই আগষ্ট ।

মৃত্যু—১৮৯৮ খ্রীঃ ৪ঠা সেপ্টেম্বর প্রত্যাষ ৫-১০ ।

কলিকাতা বিশ্ববিদ্যালয়ের প্রায় সকল পরীক্ষায় সর্বোচ্চ স্থান অধিকার করিয়া ১৮৮৬ খ্রীঃ এম্. বি. পরীক্ষায় উত্তীর্ণ হন । অমূল্যচরণই “কলিকাতা মেডিকেল স্কুল” স্থাপনের প্রধান উদ্যোগী এবং দেশীয় ঔষধ বিলাতী প্রণালীতে প্রস্তুত করিবার প্রথম পথ-প্রদর্শক । স্বদেশের সর্বপ্রকার হিতকর কার্যে যোগদান করিতেন ।

(নব্যভারত ১৬)

অমৃতলাল গুপ্ত ঃ—সঙ্গীত রচয়িতা ।

সং সাঃ)

অযোধ্যানাথ পাকড়াশী :-সঙ্গীত রচয়িতা ।

পণ্ডিত অযোধ্যানাথ তত্ত্ববোধিনী পত্রিকার সম্পাদক ছিলেন ।

অযোধ্যারাম রায়, কবিচন্দ্র :-“সত্যনারায়ণ কথা,” “গঙ্গার বন্দনা” “দাতাকর্ণ,” “গুরুদক্ষিণা” প্রভৃতি রচয়িতা ।

কেহ কেহ এই অযোধ্যারামকেই, কবিকঙ্কণ, মুকুন্দরাম চক্রবর্তীর জ্যেষ্ঠ ভ্রাতা বলিয়া অনুমান করেন । কিন্তু এই মত এখনও অভ্রান্ত বলিয়া প্রমাণিত হয় নাই ।

( পঃ পঃ ৫, ৬, ৮, শিশুবোধক )

( ক্রমশঃ )

শ্রীশিবরতন মিত্র । বীরভূমি ।

## শ্রীহটে বৈষ্ণব প্রভাব ।

মনুষ্যের চিত্ত-পরিণতিকে, পাশ্চাত্য দার্শনিকগণ তিন ভাগে বিভক্ত করেন,—thought, Action, and Feeling. এই ত্রিবিধ চিত্তপরিণতি ব্যতীত মনুষ্য জীবনে আর কিছুই দৃষ্ট হয় না । এই তিনকেই ঈশ্বরমুখী করা যায়; ঈশ্বরমুখী হইলে Thought জ্ঞানযোগ, Action কর্মযোগ, এবং Feeling ভক্তিযোগ হয় । জগতে যত ধর্ম আছে, হয়—জ্ঞানযোগ, নয়—কর্মযোগ অথবা ভক্তিযোগ প্রধান । হিন্দুধর্ম প্রধানতঃ পাঁচ ভাগে বিভক্ত,—শৈব, শাক্ত, গাণপত্য, সৌর ও বৈষ্ণব । উপনিষদোক্ত ব্রহ্মোপাসনার সহিত এ সকলের, স্থূলতঃ বড় সম্পর্ক না থাকিলেও, সকল সম্প্রদায়ই বেদের প্রাধান্য স্বীকার করেন । ইহার মধ্যে বৈষ্ণব ধর্মই অত্যন্ত ভক্তিপ্রধান । তবে অপরাপর বিভাগে একবার যে ভক্তি সম্বন্ধ শূন্য, তাহা নহে । ভক্তি জ্ঞান ও কর্মের মধ্যে, উপাসনার উপযোগীতায় কোনটা শ্রেষ্ঠ, তাহা বিচার করিবার আবশ্যক নাই; তবে তিনটিরই যে সুদৃঢ় বৈজ্ঞানিক ভিত্তি আছে, তাহা আর বলিতে হইবে না ।

বৈদিক উপাসনা ধর্মের আদি সোপান; উপনিষদোক্ত উন্নত উপাসনা ইহার শ্রেষ্ঠ স্তর । বৌদ্ধধর্মের প্রভাব প্রাবল্যে এই উন্নত মহান্ ধর্মের অধঃপতন ঘটে, পৌরাণিক ভক্তিবাদ—নারদ শাণ্ডিল্যের কথিত উন্নত ভক্তি-

বাদও ঐ সময়েই নাম মাত্র অবশিষ্ট থাকে । কালে, প্রবল প্রতাপ জ্ঞান-প্রধান বৌদ্ধধর্ম কর্মকাণ্ড লইয়া বিব্রত হইয়া পড়ে । বৌদ্ধধর্মের এই অধঃপতন কালে জ্ঞানী মুকুটমণি শঙ্করাচার্য্য প্রাহুভূত হইয়া ধর্মজগতে এক নব শক্তি সঞ্চারিত করিয়া দেন; ইহার ফলে হিন্দু ধর্মের বিভাগ গুলি আর একবার জাগ্রত হইয়া উঠে;—একদিকে যেমন তান্ত্রিক দল উত্থিত হইয়াছিল, অপরদিকে তেমনি রামানুজ, মধ্বাচার্য্য, নিম্বাদিত্য প্রভৃতি বৈষ্ণবাচার্য্যগণ ধর্ম জগতে অতুল কীর্তি স্থাপন করেন । কিন্তু জগতে প্রবল ধর্ম বিপ্লবকারী মুসলমানগণের ভারতে যখন আধিপত্য স্থাপিত হয়, তখন হিন্দুধর্মের তাবৎ বিভাগই এককালে জীবন্ত হইয়া পড়ে । হিন্দু ধর্মের ভিত্তি দৃঢ় সংস্থাপিত, তাই নিস্তেজ হইলেও উচ্ছেদ হয় নাই;—অন্য কোন ধর্মই ভারতে আধিপত্য বিস্তার করিতে পারেন নাই । ঐ সময়ে ভক্তিপ্রধান বৈষ্ণব ধর্মেরও নিতান্ত অধঃপতন ঘটিয়াছিল,—তদ্রূপ দুর্দশা বোধ হয় আর হয় নাই । সমসাময়িক গ্রন্থকার বৃন্দাবন দাস ঐ সময়ের বর্ণনায়, তাহার চৈতন্য-ভাগবতে লিখিয়াছেন:—

“কৃষ্ণ নাম ভক্তিশূন্য সকল সংসার ;

প্রথম কলিতে হৈল ভবিষ্য আচার ।”

এই দুই পোংকিতে তখনকার বৈষ্ণব সম্প্রদায়ের অধঃপতনের আলেখ্য স্পষ্টতঃ চিত্রিত রহিয়াছে । যাঁহারা এতাদৃশ অধঃপতন হইতে ভক্তি-প্রধান বৈষ্ণব ধর্মকে রক্ষা করেন, ইতিহাসে তাঁহারা বরণীয়, সন্দেহ নাই । কিন্তু ইতিহাস এখন পর্য্যন্ত জগতের শান্তিভঙ্গকারী প্রধান প্রধান হত্যাকারীদের মহিমা কীর্তনেই বৃত্ত রহিয়াছে, সমাজের প্রকৃত হিতকারী এসকল পুণ্যাত্মার নাম ইতিহাসে খুঁজিয়া পাওয়া যায় না !!

এই সময়কার বৈষ্ণব সাহিত্য অনুসন্ধান করিলে আমরা প্রথমেই এক মহাপুরুষের নাম প্রাপ্ত হই—তিনি শ্রীমাধবেন্দ্র পুরী । অন্ততম প্রধান বৈষ্ণব গ্রন্থকার, চৈতন্যচরিতামৃত-রচয়িতা সম্মানে ইহার নাম এইরূপে উল্লেখ করিয়াছেন:—

“জয় মাধবেন্দ্র পুরী কৃষ্ণ প্রেম পুর ।

ভক্তি-কল্প-তরুর তিহেঁ। প্রথম অক্ষুর ॥”

এই পোংকিট্রে একটা রহস্য রহিয়াছে । যে শ্রীচৈতন্য দেব বৈষ্ণব ধর্মের বৈদ্যাতিক শক্তির প্রবাহিত করিয়া দেন, দক্ষিণ, পশ্চিম ও পূর্ব ভারত-বর্ষ যাঁহারা প্রচারিত বৈষ্ণব ধর্মের পবিত্র শীতল ছায়াতলে, কিছুকাল শান্তি

ভোগ করিয়াছিল, তাঁহারই একটু ইঙ্গিত ইহাতে আছে। মাধবেন্দ্রপুরী ভক্তি-কল্প-বৃক্ষের প্রথম অক্ষুর, তৎ শিষ্য ঈশ্বরপুরী দ্বিতীয় অক্ষুর, ঈশ্বরপুরীর শিষ্য শ্রীচৈতন্যদেবই কল্পবৃক্ষের শেষ পরিণতি।

এ প্রভাবে আমরা 'শ্রীহট্টে বৈষ্ণব ধর্মের প্রভাব' কীর্তন করিতে প্রতিজ্ঞাত ;—আজ পর্য্যন্ত শ্রীহট্ট প্রদেশে বৈষ্ণবধর্মের প্রাধান্য পরিলক্ষিত হয়; ইহার কারণ—শ্রীহট্টবাসী প্রাচীন সংস্কারক বা প্রচারকগণ। বৈষ্ণব ধর্মের পুনরুত্থান কল্পে শ্রীহট্টবাসীগণ যে অত্যাচ্ছ স্থান অধিকার করিয়াছিলেন, তাহাই ইহার একমাত্র কারণ। তাঁহাদের প্রভাবে শ্রীহট্ট কেন, সমস্ত বঙ্গদেশ বৈষ্ণব ধর্মের স্নিগ্ধ জ্যোতিতে আলোকিত হইয়াছিল। শ্রীহট্টের গৌরব স্তম্ভ স্বরূপ, সমগ্র বৈষ্ণব সম্প্রদায়ের শ্রদ্ধাভাজন, সেই মহাজন-গণের সংক্ষিপ্ত পরিচয় প্রদান করাই অদ্যকার আলোচ্য বিষয়। এ বিষয়ে আমরা সর্ব প্রথমই বিজয়পুরী ও অদ্বৈতাচার্যের নাম উল্লেখ করিতে পারি।

যে মাধবেন্দ্রপুরী "কৃষ্ণভক্তির প্রথম অক্ষুর" স্বরূপ, অর্থাৎ বিনষ্ট-প্রায় বৈষ্ণব

ধর্ম বা ভক্তিবীজ ষাঁহার দ্বারা পুনরক্ষুরিত হয়, পুরাণ-কথিত বিজয়পুরী।

শ্রীমতী রাধিকার ছায় ঘিনি নবীন মেঘ দর্শনে, কৃষ্ণপ্রেমে বিহ্বল হইয়া পড়িতেন, কৃষ্ণ-প্রেমের ভাবাবেশে ঘিনি তিন চারি দিন পর্য্যন্ত স্নানাহারে ত্যাগ করিয়া উদ্ভ্রান্তবৎ ভ্রমিতেন, সেই ভক্তপ্রধান মাধবেন্দ্র-পুরী এই বিজয়পুরীর সতীর্থ ছিলেন। ভক্তি প্রভাবে বৈষ্ণব-সমাজে ইনি এত উচ্চস্থান অধিকার করিয়াছিলেন যে, সকলে তাঁহাকে ছুর্কাসা ঋষির অবতার স্বরূপ জ্ঞান করিত। (১) বিজয়পুরী সর্ব প্রথমেই স্বদেশে বৈষ্ণব ধর্মের আন্দোলন উপস্থিত করেন; ক্রমে এ বিষয়ে তাঁহার এতাদৃশ চিন্তা-শক্তি জন্মে যে, তাহা নির্দিষ্ট সীমায় আবদ্ধ রহে নাই; উদার উন্নত হৃদয় সকলকে আলিঙ্গন করিতে প্রসারিত রহে; তাই তিনি অচিরেই সন্ন্যাসাবলম্বন পূর্বক নানাস্থানে পরিভ্রমণে বহির্গত হন ও বৈষ্ণবধর্ম প্রচার করেন। এই বিজয়পুরীর বাড়ী শ্রীহট্টের নবগ্রামে ছিল; (২) নবগ্রাম এখন বিলুপ্ত।

(১) প্রায় তিনশত বর্ষের পূর্বকার, প্রাচীন অদ্বৈত মঙ্গল গ্রন্থে লিখিত আছে :—

"প্রেমে গদগদ পুরী ছুর্কাসা সাক্ষাৎ।

শ্রীমাধবেন্দ্র সতীর্থ হয় যে বিখ্যাত ॥"

\* \* \*

(২) "ছিলট্ট দেশেতে হয় নবগ্রাম নাম।

বিমল নিশ্চল হয় আশ্রাম ধাম ॥

সোহি গ্রামে আমি ছিলাম পূর্বাশমে ॥" ইত্যাদি (ঐ)

বর্তমান সুনামগঞ্জ সবডিভিসনের অন্তর্গত লাউড় পরগণা নানা কারণে শ্রীহট্টে একটি প্রসিদ্ধ স্থান। চারিশত বর্ষের পূর্বে ইহা একটি হিন্দুরাজ্য ছিল,—লাউড় ইহার এক ভাগ। সুনামগঞ্জ ও বর্তমান হবিগঞ্জ সবডিভিসনের অধিকাংশ লইয়া তখনকার লাউড়রাজ্য ছিল; এই লাউড়ের রাজধানীই নবগ্রাম। লাউড়ের শেষ হিন্দুরাজা গোবিন্দ সিংহের পৌত্রের সময়ে ১৭৯০ খ্রীষ্টাব্দে বহুখাসিয়া জাতির উৎপাতে লাউড় রাজ্য ধ্বংস,—রাজধানী পরিত্যক্ত হয়, এবং পার্বত্য-প্রদেশ বলিয়া শীঘ্রই জঙ্গলাকীর্ণ হইয়া উঠে।

এই নবগ্রামের মহিমা সামান্য নহে, নবগ্রাম বৈষ্ণব-বৃন্দের নিকট এক তীর্থ স্বরূপ; অত্যাপি বহুলোক বারুণী উপলক্ষে লাউড়-অদ্বৈতাচার্য্য। ড়ের "পণ্য" তীর্থে গমন করিয়া থাকে। ষাঁহার ঐকান্তিক যত্নে ভারতে বৈষ্ণবধর্মের বীজ-অক্ষুরিত হইয়াছে, সমস্ত বঙ্গদেশ ষাঁহার বংশপ্রভায় পরিব্যাপ্ত, সেই অদ্বৈতাচার্য্য এই নবগ্রামে জন্ম গ্রহণ করেন। (১) অতএব কেবল শ্রীহট্টের নহে, সুনামগঞ্জের লাউড় সমস্ত বঙ্গদেশে গৌরবাসিত স্থান।

অদ্বৈতাচার্য্য অতি সদৃশ সন্তুত ছিলেন। সুপ্রসিদ্ধ ভরদ্বাজ গোত্রীয় ভাস্কর বৈদান্তিক বল্লালসেনের সভাপণ্ডিত ছিলেন। কুলমর্য্যাদা স্থাপনকালে তিনি জীবিত ছিলেন না, তৎপুত্র আকুণ্ডা নাড়ুলী গ্রামে বাস করিতেন বলিয়া নাড়ুলীগ্রামী নামে আখ্যাত হন, এবং সিদ্ধ-শ্রোত্রিয় পদ প্রাপ্ত হন। ইহার বংশজাত শ্রীপতি শ্রীহট্টান্তর্গত লাউড়াধিপতির সভাপণ্ডিত হইয়া নবগ্রামে আসিয়া বাস করেন। শ্রীপতির অল্পবয়সে নরসিংহ নাড়িয়াল বিদ্যাশিক্ষার জন্ম শ্রীহট্ট হইতে, (মালদহের) গোড় সন্নিকটবর্তী রামকেলি গ্রামে গমন করিয়া জটাধর সর্বাধিকারীর নিকট সংস্কৃত ও পারশ্বাদি ভাষা শিক্ষা করেন। তাঁহার গুণবত্তা জ্ঞাত হইয়া দিনাজপুরের রাজা গণেশ, তাঁহাকে স্বীয় প্রধান অমাত্যপদে প্রতিষ্ঠিত করেন। রাজা গণেশের উচ্চাভিলাষ কম ছিল না, মন্ত্রীর নিকট তাহা

(১) "বঙ্গদেশে শ্রীহট্ট নিকট নবগ্রাম।

সর্ব্বাধ্য অদ্বৈত চন্দ্রের প্রিয়ধাম ॥

\* \* \* \* \*

নবগ্রামে জন্মিলেন শ্রীঅদ্বৈতচন্দ্র।

জন্মকালে ভুবনে ব্যাপিল মহানন্দ ॥"

প্রাচীন 'ভক্তিরত্নাকর' গ্রন্থ।

ব্যক্ত করিলে, তৎপরামর্শে তিনি খ্রীষ্টীয় চতুর্দশ শতাব্দীর মধ্যভাগে গিমা-  
সুদ্দিন বাদসাহের পৌত্রকে নিহত করিয়া গৌড় অধিকার করেন। (১)

রাজকার্য্য ব্যপদেশে নরসিংহকে প্রায়ই বিদেশে থাকিতে হইত ;  
সমাজেও তাঁহার প্রচুর আধিপত্য ছিল। বারেন্দ্র সমাজে তিনি অগ্রণী  
স্বরূপ ছিলেন, যথুর্মৈত্রকে তিনি স্বীয় কন্যা সম্প্রদান করায় বারেন্দ্র সমাজে  
“কাপ” নামে এক মধ্যবর্তী “শ্রেণীর” উৎপত্তি হয়, ইহাতে তিনি ব্রাহ্মণ  
সমাজে চিরস্মরণীয় হইয়া রহিয়াছেন। ইহা খ্রীহট্টবাসীর একটা গৌরবা-  
অুক কীর্ত্তি। (২)

এই রাজমন্ত্রী নরসিংহের পুত্রের নাম কুবের মিশ্র, তিনিও পিতার গ্রাম  
সংস্কৃত ও পারস্য ভাষায় পণ্ডিত ছিলেন; তাঁহার উপাধি “তর্কপঞ্চানন”  
ছিল। ইতিপূর্বে লাউড়ের যে হিন্দুরাজ্যের উল্লেখ করা গিয়াছে, ঐ সময়ে  
কাত্যায়ন গোত্রীয় দিব্যাসিংহ নামক জনৈক ব্রাহ্মণ নৃপতি দ্বারা তাহা  
শাসিত হইত। এই দিব্যাসিংহ রাজার মন্ত্রী ছিলেন, এই কুবের তর্ক-  
পঞ্চানন। (৩) আমাদের আলোচ্য অদ্বৈতাচার্য্য ইহারই একমাত্র পুত্র।  
১৪৩৪ খ্রীষ্টাব্দে লাউড়ের নবগ্রামে তিনি জন্ম গ্রহণ করেন। (৪)

অদ্বৈত যে এক মহাপুরুষ, বাল্যকালেই তাহার পরিচয় পাওয়া গিয়াছিল,  
কি বাল্য চাপল্যে, কি খেলা বিলাসে, সর্ব্ব সময়েই তাঁহাতে কিছু বিশেষত্ব  
লক্ষিত হইত। যে ‘পণা’ তীর্থের কথা উল্লেখ করিয়াছি, তাহা একটা  
ঝরণা মাত্র, অদ্বৈত ইহাতে স্নান করিয়া ইহাকে তীর্থরূপে পরিণত করেন ;  
ইহা তাঁহার বাল্যকালের একটা কার্য্য ; এ জলে স্নান করিলে গঙ্গাদি  
পবিত্রজলে স্নানের পূর্ণ ফল মিলিবে, অদ্বৈতই এ কথা প্রকাশ করেন।

(১) Marshuam's History of Bengal.

এবং—“যাহার মন্ত্রণা বলে ঐগণেশ রাজা।

গৌড়িয়া বাদসাহে মারি গোড়ে হৈলা রাজা ॥”

ইত্যাদি, প্রাচীন ‘অদ্বৈত প্রকাশ গ্রন্থ।’

(২) “যার কন্যা বিবাহে হয় কালের উৎপত্তি।

লাউড় প্রদেশে হয় যাহার বসতি ॥”

ইত্যাদি অদ্বৈত প্রকাশ গ্রন্থ।

(৩) অদ্বৈত প্রকাশ।

(৪) “শাকে রস প্রাণ গুণেন্দু মানে

ঐলাউড়ে পুণ্য ময়েহি মাঘে ;

ঐনগুণী পুণ্য তিখৌ সিতেহুভু,

দ্বৈতচন্দ্রঃ কুপয়াবতীর্ণ”।—বাল্যলীলা সূত্রম।

চারি শত বর্ষাবধি লোকে তাঁহার বাক্যে বিশ্বাস করিয়া আসিতেছে ;—  
‘পণা’ পূর্ণ ফলপ্রদ পবিত্র তীর্থে পরিণত হইয়াছে।

অদ্বৈত অতি মেধাবী ছিলেন, তাঁহার স্মৃতিশক্তি এতাদৃশ অদ্ভুত ছিল  
যে, একবার যাহা শুনিতেন, তাহা আর ভুলিতেন না, এই শক্তির জগ্ন  
লোকে তাঁহাকে “শ্রুতিধর” আখ্যা দিয়াছিল। যাহোক, কুবের পুত্রের  
প্রবল বিদ্যানুরাগ ও কৃতীত্ব দর্শনে নিতান্ত পুলোকিত হইয়া, অধিকতর  
বিদ্যালাতের জগ্ন তাঁহাকে শান্তিপুরে প্রেরণ করেন ; তথায় শ্রীশান্ত  
নামা জনৈক দ্বিজের নিকট অদ্বৈত দর্শনাদি শাস্ত্র অধ্যয়ন করেন। ইহার  
কিছুদিন পরেই নিষ্ঠাবান কুবের গঙ্গাতীরে বাসের জগ্ন সপরিবারে শান্তিপুরে  
গমন করেন।

বিজয়পুরীর সতীর্থ ভক্তপ্রধান পূর্ব্বোক্ত মাধবেন্দ্রপুরী বৃদ্ধাক্রমে ঐ  
সময় শান্তিপুরে আগমন করেন ; অদ্বৈত তখন বালক বই নহেন ;  
তথাপি মাধবেন্দ্রের চরিত্রে তিনি এত মোহিত হন যে, তিনি তাঁহার নিকট  
হইতে “দীক্ষা মন্ত্র” গ্রহণ করেন, অর্থাৎ ঈশ্বরোপাসনার প্রকারভেদ শিক্ষা  
করেন এবং তাঁহার অনুসঙ্গে চলিয়া যাঠিতে ইচ্ছা করেন ; কিন্তু মাধবেন্দ্র  
তাঁহাকে গৃহত্যাগ করিতে নিষেধ করেন ; তথাপি তিনি এই উত্তমে  
ভারতবর্ষের প্রায় সমস্ত তীর্থ পরিভ্রমণ করেন ও নানাস্থানের সাধু-মহাত্মা-  
দের সহিত সন্মিলিত হন। কথিত আছে যে, ঐ সময় মিথিলা-প্রদেশে  
তিনি বিদ্যাপতি নামক প্রসিদ্ধ বঙ্গকবির সহিত সাক্ষাৎ করিয়াছিলেন।  
তীর্থ দর্শনের পর তিনি প্রত্যাভ্রজন পূর্ব্বক যে প্রবল আন্দোলন উত্থাপন  
করেন, তাহার তরঙ্গবেগে বৈষ্ণব-ধর্ম্মের মলামাটি অনেক পরিমাণে বিধৌত  
হইয়া যায় ;—বৈষ্ণব-ধর্ম্ম সংস্কারের ইহাই প্রথম সূত্রপাত। এই সময়ই  
তিনি ভক্তধর্ম্ম ব্যাখ্যায় প্রবৃত্ত হন, এই সময়েই তাঁহার বিশেষত্ব, এই সময়  
হইতেই তিনি বৈষ্ণব সমাজের অধিনেতা। স্বীয় উদার মত প্রচারের জগ্ন,  
ভক্তি ব্যাখ্যার উদ্দেশ্যে তিনি শান্তিপুর ও নবদ্বীপে দুই টোল স্থাপন করেন ;  
এবং নিজ টোলে অধ্যাপনাহলে শত সহস্র ব্যক্তিকে তিনি ভক্তি শিক্ষা  
দিতেন। ধগ্ন লাউড় প্রদেশ,—অদ্বৈতের গ্রাম মহাত্মা যাহার সন্তান।  
এই অদ্বৈতের বাসের জন্যই শান্তিপুর বৈষ্ণব বৃন্দের নিকট একটি  
তীর্থ বিশেষ হইয়াছে। শান্তিপুরে অদ্বৈত কর্তৃক যে সকল কার্য্য  
সম্পাদিত হয়, শান্তিপুরে অবস্থিতি করিয়া তিনি মানব সমাজের যে

প্রভূত হিতসাধন করেন, তাহা বলিতে গেলে “বীরভূমিতে” স্থান হইবে না; অতএব সে সঙ্কল্প ত্যাগ করিয়া, এ স্থানে তাঁহার কৃতীত্বের একটি উদাহরণ, কৃষ্ণদাসের প্রসঙ্গ কথিত হইতেছে। কৃষ্ণদাস কে ?

কৃষ্ণদাস আর কেহ নহেন,—আমাদের পূর্ব কথিত দিব্য সিংহ। লাউড়ের রাজা দিব্যসিংহ যখন বৃদ্ধ; অর্থাৎ তখন শান্তিপুরে ভক্তির তরঙ্গ ভাসমান। তাঁহার নাম তখন দেশ বিদেশে সুপরিচিত; সুদূর শ্রীহট্টে থাকিয়া আত্মদৃষ্টিপরায়ণ বৃদ্ধ, রাজা, স্বীয় মন্ত্রীপুত্রের মহিমা অবগত হইয়াছেন, তাই তিনি তৎসহ সাক্ষাৎ করিতে অভিলাষ করিলেন। বৃদ্ধকালে তাঁহার আর রাজ্য শাসনের উৎসাহ নাই; তাই তিনি উপযুক্ত পুত্রের উপর রাজ্যভার গ্রহণ করিয়া শান্তিলাভের অভিপ্রায়ে শান্তিপুরে গমন করিলেন। শান্তিপুরে আগমন করিয়া, অর্থাৎ তখন বিমল চরিত্রাদর্শে, অর্থাৎ তখন শুদ্ধ জ্ঞানোপদেশে, অর্থাৎ তখন বিমল ভক্তি সিদ্ধান্ত শ্রবণে তিনি মোহিত হইয়া গেলেন; তাঁহার আগমন সফল হইল; তিনি বৈষ্ণব ধর্মের শ্রেষ্ঠতা উপলব্ধি করিয়া অচিরেই বৈষ্ণব ধর্ম গ্রহণ করেন। এই রাজার বৈষ্ণবাবস্থার নামই কৃষ্ণদাস।\* অর্থাৎ অর্থাৎ প্রভাব কতদূর ছিল, এই ঘটনায় তাহার কিঞ্চিৎ পরিচয় পাওয়া যাইতে পারে; এইরূপ অনেক নমস্ৰ দেশ-পূজ্য ব্যক্তিও তাঁহার পদানত ও বৈষ্ণব ধর্ম গ্রহণ করিয়া, হিংসা ঘেব ভুলিয়া জনহিতৈষী, বিনীত উন্নত চেতা হইয়াছিলেন। †

কৃষ্ণদাস ( রাজা দিব্য সিংহ ) বৈষ্ণব ধর্ম অবলম্বন পূর্বক শান্তিপুরের অনতিদূরে গঙ্গাতীরে এক বিস্তৃত পুষ্পোদ্যান প্রস্তুত করিয়া, তথায় বাদ্য করিতে লাগিলেন। সেই স্থান তদবধি “ফুলবাটা” নামে খ্যাত হয়। রাজার আদর্শে অনেক ব্যক্তিই বৈষ্ণব ধর্ম গ্রহণ করিয়া পবিত্রতা লাভ করেন।

\* “দিব্য সিংহ রাজা আইলা শ্রীলাউড় হৈতে,  
প্রভুর হিল্লোলে তার ভ্রম দূরে গেল।

\* প্রভু কহে উঠ উঠ তুহু কৃষ্ণদাস।  
সেই হৈতে রাজার নাম হইল কৃষ্ণদাস ॥”  
অর্থাৎ প্রকাশ।

† “শ্রীহট্ট দেশের রাজা বৈষ্ণব হইল।  
এই রাজা বৈষ্ণব-দেবী ছিল বড়।  
বৈরাগী হঞা প্রভুর কৃপা পাইল দৃঢ় ॥”  
—অর্থাৎ মঙ্গল।

কৃষ্ণদাস অর্থাৎ অর্থাৎ বালাকালের বহু ঘটনা প্রত্যক্ষ করেন, সেই স্বপ্রত্যক্ষীভূত ঘটনাবলী অবলম্বনে সংস্কৃতভাষায় তিনি একখানি গ্রন্থ রচনা করেন, তাহার নাম “বালালীলা সূত্রম্”। এ প্রস্তাবে বালালীলা সূত্র হইতে একটি শ্লোক উদ্ধৃত ও ঘটনা বিশেষের ভাব গৃহীত হইয়াছে।

শ্রীমহাপ্রভু ও অর্থাৎ অর্থাৎ চরিত্র ঘটনা বহু প্রাচীন গ্রন্থ আছে,—বালালীলা সূত্র এ সকলের আদি; ইহার পূর্বে ঐরূপ কোন গ্রন্থ রচিত হয় নাই। এতদ্ব্যতীত তিনি বঙ্গ ভাষায় “বিষ্ণুভক্তি রত্নাবলী” নামক গ্রন্থের পদ্যানুবাদ করেন।\* শ্রীহট্টবাসী মহা সন্ন্যাস কবি কর্তৃক ঐরূপ লীলা গ্রন্থ রচনার সূত্রপাত হয় ও শিশু বঙ্গভাষার পরিপুষ্টির চেষ্টা হয়; ইহা শ্রীহট্টবাসীর গৌরবাত্মক সন্দেহ নাই।

এইরূপ ভুবন-পাবন মহাজনগণ সহিত অর্থাৎ শান্তিপুরে ভক্তির তরঙ্গ তুলেন। অর্থাৎ দুইটি বিবাহ; তাঁহার পত্নীর নাম স্ত্রী ও সীতা। অর্থাৎ পাঁচ পুত্র, যথা—অচ্যুতানন্দ, কৃষ্ণ মিশ্র, বলরাম, স্বরূপ, ও জগদীশ। অর্থাৎ বংশীয়গণ এখন বঙ্গদেশের নানা স্থানে অবস্থান করিতেছেন।

শ্রীচৈতন্য মহাপ্রভু যখন জন্ম পরিগ্রহ করেন, অর্থাৎ তখন বৃদ্ধ,— বয়ঃক্রম দ্বিপঞ্চাশৎ বর্ষ, এই সময়ে তিনি পুত্র লাভ করেন।

শ্রীমহাপ্রভু নবদ্বীপে যখন ভক্তির তরঙ্গ উত্থাপিত করেন, তখন অর্থাৎ প্রভু সম্পূর্ণরূপে তাহাতে যোগ দান করেন। মহাপ্রভু অর্থাৎ প্রভুকে স্বীয় দ্বিতীয় দেহ বলিতেন। বয়সে বৃদ্ধ হইলেও উৎসাহে বা কার্যে তিনি নব-যুবক ছিলেন। তাঁহার দেহও বলিষ্ঠ ছিল, তখনও তিনি শান্তিপুুর হইতে অক্লেশে পদব্রজে নীলাচলে প্রতি বৎসর যাইতে পারিতেন। অর্থাৎ অতি দীর্ঘজীবী ছিলেন,—১২৫ বর্ষ বয়ঃক্রম কালে তিনি দেহ ত্যাগ করেন। †

\* অর্থাৎ গুরু মাধবেন্দ্র পুরী, তাঁহার গুরু লক্ষ্মীপতি বিষ্ণুসংহিতা রচয়িতা ব্যাস তীর্থ তাঁহার গুরু; ব্যাস-তীর্থের গুরু পুরুষোত্তম, ইহারই গুরু সম্পর্কীয় ভ্রাতা বিষ্ণুপুরী “বিষ্ণু-ভক্তি-রত্নাবলীর” সঙ্কলিতা। অতএব কৃষ্ণদাস স্বীয় পরম “পরমেষ্ট গুরু” সঙ্কলিত গ্রন্থানুবাদ করেন। পরম সূত্র বাবু দীনেশ চন্দ্র সেন মহাশয়কে কৃষ্ণদাসের বিবরণ জ্ঞাপন করিলে, “বঙ্গভাষা ও সাহিত্য” গ্রন্থে সপ্রমাণ ইহা লিপিবদ্ধ করিয়াছেন,—“বঙ্গভাষা ও সাহিত্য” দ্রষ্টব্য।

† অর্থাৎ প্রভুর এইরূপ দীর্ঘ জীবন অদ্ভুত নহে, বর্তমান কালেও এইরূপ দীর্ঘজীবী ব্যক্তির সংখ্যা অত্যন্ত নহে। লেখক ১০৩ বর্ষীয়া একটি মনিপুরী রমণী স্বচক্ষে দেখিয়াছেন। ১৯০১ ইং সালের পরিদর্শক পত্রিকায়, ১২০ বর্ষ বয়সে শ্রীহট্টবাসী এক ব্যক্তির মৃত্যু সংবাদ প্রকাশিত হয়। উক্ত পরিদর্শক ১১শ খণ্ড ১১শ সংখ্যায় (১৯০২ ইংসন) শ্রীহট্টের অন্তর্গত পং কোড়িয়া বাসী এক ব্যক্তির ১২১ বর্ষে মৃত্যু হওয়ার সংবাদ প্রকাশিত হইয়াছে। ভারতের অন্য স্থানে ও ঐরূপ দীর্ঘজীবীর সংখ্যা অত্যন্ত নহে। (১৯০২ খ্রীঃ জ্যৈষ্ঠ মাস—নঞ্জিবনী পত্র দ্রষ্টব্য) পাশ্চাত্য দেশেও এইরূপ দীর্ঘজীবীর সংখ্যা কম নহে। যথা (১) নিউবার্গ উইক নোয়াবারী, বয়স—১৩০ বর্ষ। (মৃত্যুকালে) (পল্লীবাসী—২৪।১। ১৩০৯ বঙ্গাব্দ) (২) কুদিয়ার ওজার সন্ন্যাসবাসী রাজাকান্ধি বয়স ১৩৬ বর্ষ। (এ) (এ) ৪র্থ খণ্ড ৪৭ সংখ্যা) ১৯০২ ইং। এইরূপ অনেক উদাহরণ দেওয়া যাইতে পারে।

অদ্বৈত প্রভুর অনেক শিষ্য ছিলেন ; তন্মধ্যে শঙ্কর নামক এক ব্যক্তি আসামে গমন করিয়া বৈষ্ণব ধর্ম প্রচার করেন ; আসামে শঙ্কর অবতার বলিয়া সূজিত । শঙ্করের বংশীয় "গোঁয়াইন" গণ আসামে এখনও আছেন ।

শ্রীহট্টবাসী যে সকল মহাত্মা বৈষ্ণব ধর্ম সংস্কারে উখিত হন, এ প্রস্তাবে প্রকৃত প্রস্তাবে তাহার কিছুই বলা হয় নাই ; দ্বিতীয় প্রস্তাবে আমরা অবশিষ্ট মহাজনগণের বিবরণ পাঠকের সম্মুখে উপস্থিত করিব ।

শ্রীঅচ্যুত চরণ চৌধুরী তত্ত্বনিধি ।

## এত কি কঠিন ।

(১)  
আজিও শরৎশশী পূর্ণ অনস্পূর্ণ ভাবে  
বিতরে কিরণ  
সেই নীরদের ছায়া আবারে বিধুর কায়া  
সেই আকাশের বৃকে তারা অগণন  
সেই শশী, সেই তারাগণ ।

(২)  
এখনও ফুলের মালা উদ্যানে গোপনে হোক  
মলয় সমীর  
তুলাইয়ে হৃদিপরে ফুটায় সোহাগ ভরে  
নীরবে ঝরিয়া পড়ে নিশির শিশির  
সেই ফুল, সেই ত শিশির ।

(৩)  
ঐত বিহগকুল সুখে হোক দুখে হোক  
গায় চিরকাল,  
সেই তমালের পাশে নিতি যায় নিতি আসে  
ভুলেনি বিহঙ্গবর সুখের স্ততাল  
সেই পাখী, সেই ত মাল ।

(৪)  
এখনও নীরদকোলে শীতে বরষায় হোক  
বিহ্বাতের পেলা  
কালই নীরদ ঘটা তেমনি বিহ্ব্যং ছটা  
আঁধার মধুর হাসি, তখনি উজলা  
সেই হাসি, সেই ত চপলা ।

(৫)  
আজিও প্রাচীন ভানু ক্ষীণ বা প্রচণ্ড হোক  
এখন প্রকাশ

লীনভঃ হৃদিপাশে যেমন হাসিত, হাসে  
তেমনি নলিনী হাসে, সেই মধু হাস  
সেই রবি, সেই ত আকাশ ।

(৬)  
সেই ত শ্রোতের ধারা স্থির বা অস্থির ভাবে  
উঠায় লহরী

সেই হিমাচল ধারে শীতল নিঝর ধরে  
সেই তুফানের বৃকে ভেসে যায় তারি  
সেই নদী, সেই ত লহরী ।

(৭)  
এখন নিকুঞ্জ পাশে উষিত সূশীত হ'ক  
সফারে সমীর

সেই পবনের কোলে ফল ছলে, ফুল ছলে  
সেই ত নাগর বারি, তেমনি অধীর  
সেই জল সেই ত সমীর ।

(৮)  
সেই দিবা সেই নিশা, আঁধার উজল হোক  
নিতি আসে যায়

সেই স্নেহ সেই সুখ সেই মায়া সেই দুখ  
সেই উপস্থাপগুলি জাগিছে হিয়ায়—  
কাল কেন এত ধীর যায় ।

(৯)  
সে যে সেই লুকায়েছে, আসি, সুখ বলে গেছে  
হলো বহুদিন,

গেছে কি জন্মের মত কি দোষ আমার এত  
আসিবে না, দূর দূরে রবে চিরদিন,—  
তাকি হয়?—এত কি কঠিন?  
শ্রীমহম্মদ আজাজউস্ শোভান ।

# বীরভূমি

মাসিক পত্রিকা ও সমালোচনী ।

মে ১৩]

মাঘ, ১৩১১ ।

[ ২য় সংখ্যা ।

শ্রীনীলরতন মুখোপাধ্যায় বি, এ,  
সম্পাদিত ।

সূচী ।

১।	জাতীয় সাহিত্যসেবক । (শ্রীশিবরতন মিত্র)	...	৪১
২।	স্বর্গীয় ভূদেব মুখোপাধ্যায় । (শ্রীকেদারনাথ বন্দ্যোপাধ্যায়)	...	৫৭
৩।	চণ্ডীদাসের অপ্রকাশিত পদ ।	...	৬৮
৪।	বৈজ্ঞানিকের ভুল । (শ্রীভারতচন্দ্র চৌধুরী)	...	৭০

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত  
বাবু সৌরেশচন্দ্র সরকার মহাশয়ের সম্পূর্ণ  
ব্যয়ে বীরভূম জেলার অন্তর্গত  
কীর্ত্তহার গ্রাম হইতে  
শ্রীদেবিদাস ভট্টাচার্য্য বি, এ, ।  
কর্তৃক প্রকাশিত ।

৭। লেখকের অসুস্থতা ব্যতীত এ প্রবন্ধের কোন অংশ কেহ কুত্রাপি উদ্ধৃত বা গ্রহণ  
করিতে পারিবেন না ।

বার্ষিক মূল্য ডাকমাণ্ডল সহ ১।।০ ।

এই সংখ্যার মূল্য ৭/১০ ৭

# বীরভূমি

মে ৩৩ ]

মাঘ, ১৩১১ ।

[ ২য় সংখ্যা ।

## বঙ্গীয় সাহিত্য-সেবক ।

অ .

অযোধ্যারাম গোস্বামী—

রহস্য-কবিতা ও সঙ্গীত-রচয়িতা ।

অযোধ্যারাম, 'আজু গোসাঞী' নামে খ্যাত । কেহ কেহ আজু গোসাঞীর প্রকৃত নাম অচ্যুতানন্দ গোস্বামী কহিয়া থাকেন ।

অযোধ্যারামের নিবাস হালিসহর অন্তর্গত কুমারহাট গ্রাম; অযোধ্যারাম, ভক্তকবি রাম প্রাসাদ সেন কবিরঞ্জন মহাশয়ের স্বগ্রামনিবাসী, প্রতিবেশী এবং সমসাময়িক ।

সংসার-বিরাগী বৈষ্ণব কবি অযোধ্যারাম, শক্তিসাধক রাম প্রাসাদের অনেকগুলি গানের প্রতিবাদ করিয়া গান রচনা করিয়াছিলেন । সঙ্গীতোক্ত মতামত লইয়া রাজা রামমোহন রায় ও দিগম্বর ভট্টাচার্য্য মহাশয়েরও এই-রূপ প্রতিদ্বন্দ্বিতা চলিত ।

অযোধ্যারাম একজন প্রতিভাশালী কবি ছিলেন, সন্দেহ নাই । মহারাজা কৃষ্ণচন্দ্র কুমার হাটে আগমন করিলে আজু গোসাঞীর সহিত রামপ্রাসাদের কবিতা-কলহ বাধাইয়া আনন্দানুভব করিতেন ।

( ভারতী ; নবজীবন, পঃ পঃ ; ব সা । )

অধরলাল সেন—

বাইরণ, সাদে প্রভৃতি ইংরাজ কবিগণের অনুকরণে, "নলিনী," "মেনকা," "ললিতা সুন্দরী" প্রভৃতি কাব্য রচয়িতা ।

কবি, অল্প বয়সে প্রাণত্যাগ করিয়াছেন ।

( নব্যভারত ৬ )

আ

আইনদ্দিন, সৈয়দ—

কৃষ্ণলীলা বিষয়ক পদ রচয়িতা ।

আউলিয়া মনোহর দাস, বাবা ;—

পদকর্তা মনোহর দাস, খ্রীষ্টীয় ষোড়শ শতাব্দীর শেষভাগে “পদসমুদ্র” নামক এক অতি বৃহৎ বৈষ্ণবসঙ্গীতসংগ্রহগ্রন্থ সঙ্কলন করেন। এই গ্রন্থের পদসংখ্যা নূনাবধিক পঞ্চদশ সহস্র। মনোহর দাস সুপণ্ডিত ছিলেন, তিনি অনেক বৈষ্ণব গ্রন্থ সংগ্রহ করিয়াছিলেন। “নির্যাস-তত্ত্ব”ও ইনি সংগ্রহ করেন। মনোহর দাস রচিত “দিনমণি-চন্দ্রোদয়” নামক একখানি গ্রন্থ আছে। তিনি বাঁকুড়া বিষ্ণুপুরে বাস করিতেন, তথায় তিনি রাজাবীর হাঙ্গীরের ভক্তি গ্রন্থালয়ের অধ্যক্ষ ছিলেন। রাজার মৃত্যু হইলে মনোহর দাস নানাস্থান পরিভ্রমণ করিয়া হুগলী জেলার অন্তর্গত বদনগঞ্জ নামক স্থানে আসিয়া আপন বাসস্থান নির্দেশ করেন। বদনগঞ্জে ইহার সমাধি রহিয়াছে। মনোহর দাসের পুণ্য স্মৃতি উদ্বোধনার্থ প্রতি বৎসর তথায় মকর সংক্রান্তিতে একটা মেলা বসিয়া থাকে। বাঁকুড়া জেলার অন্তর্গত সোণামুখীতে একটা মনোহর দাসের ‘পাট’ আছে, মনোহর দাস তথায় কিছুদিন অবস্থান করিয়াছিলেন। এই উপলক্ষে রামনবমী তিথিতে একটা মেলা হইয়া থাকে।

পদকর্তা জ্ঞানদাস ( জন্ম ১৫৩০ খ্রীঃ—গোবিন্দ দাস, বলরাম দাস প্রভৃতির সমসাময়িক ) ইহার বন্ধু ছিলেন। উভয়ে অধিকাংশ সময় একত্র অবস্থান করিতেন। খেতুরীর মহোৎসবে উভয়ে একত্র গমন করিয়াছিলেন ; উভয়েই শ্রীনিত্যানন্দ-পত্নী শ্রীজাহ্নবীর মন্ত্রশিষ্য ছিলেন।

প্রবাদ এইরূপ, মনোহর দাস সাধন বলে অতিশয় দীর্ঘজীবন লাভ করিয়াছিলেন।

১৬৭৮ খ্রীঃ জয়পুরে গুপ্ত হন। তথায় তাঁহার সমাধি বর্তমান আছে।

মনোহর দাস সখীভাবে শ্রীকৃষ্ণের ভজনা করিতেন। ইনি বহুতীর্থ পরিভ্রমণ করিয়াছিলেন।

( নব্যভারত ; জ্ঞানদাস ; ব সাঃ ; গৌরপদ তরঙ্গিণী )

আকবর, মহম্মদ—

“তমিম গোলাল—চৈতন্য সিলালের পুঁথী” রচয়িতা। ইহাতে তমিম গোলাল ও চৈতন্য সিলালের প্রেম কাহিনী বর্ণিত আছে। গ্রন্থের আকার বৃহৎ।

( প প )

এই বিষয় অবলম্বন করিয়া মহম্মদ রাজাই নামক অপর এক ব্যক্তি আর একখানি গ্রন্থ রচনা করিয়াছেন।

( “মহম্মদ রাজাই” দেখ ; প পঃ )

আকবর সাহ—

কৃষ্ণলীলা বিষয়ক পদ রচয়িতা।

আকবর সাহা ( বা আলি ), সৈয়দ—

“জেবল মুল্লুক সমা রোকের পুঁথী” নামক মুসলমানী আখ্যান গ্রন্থ রচয়িতা। গ্রন্থখানি বিগুণ বঙ্গভাষায় রচিত।

নিবাস—অনুমান, চট্টগ্রাম।

( প প )

আজু গোসাঞী—

“অযোধ্যানাথ গোস্বামী” দেখ।

আত্মারাম দাস—

পদকর্তা।

আত্মারাম, বর্ধমান জেলার অন্তর্গত শ্রীখণ্ডে কবিরাজ বংশে জন্মগ্রহণ করেন। ইনি সুবিখ্যাত পদকর্তা বলরাম দাসের পিতা, স্ত্রীর নাম সোদামিনী দাসী।

( “বলরাম দাস” দেখ )

আত্মারাম শ্রীগৌরানন্দ দেবের সমসাময়িক কবি ; ইনি শ্রীনিত্যানন্দ প্রভুর একান্ত অনুরক্ত ভক্ত ছিলেন।

( বঃ সাঃ ; গৌরপদ তরঙ্গিণী )

আত্মারাম মুখোপাধ্যায়—

“গঙ্গাভক্তি-তরঙ্গিণী” রচয়িতা।

আত্ম পরিচয়—

নবদ্বীপ বসতি

নরেন্দ্র ভূপতি পতি

গোষ্ঠীপতি পতি যার বলে।



তার অধিকার ধাম দেবীপুত্র আত্মারাম  
মুখটী বিখ্যাত মহীতলে ॥

(প পঃ)

### আদিত্যরাম—

“সামন্তক মণিহরণ” ( বা “কৃষ্ণ বিজয়” ) নামক কবিতাকারে আখ্যান  
রচয়িতা ।

গ্রন্থ মধ্যে গুণরাজখাঁরও ভনিতা দৃষ্ট হয় । গ্রন্থের এক স্থানে জায়  
বানের সহিত শ্রীকৃষ্ণের মণি লইয়া যুদ্ধ বর্ণিত আছে ।

(পঃ পঃ)

### আনন্দ অধিকারী—

শ্রীরামচন্দ্র বিষয়ক যাত্রার পালা রচয়িতা ।

নিবাস পাতাই হাস ।

### আনন্দ চন্দ্র বিদ্যাবাগীশ—

শ্রীমদ্ভাগবতের বঙ্গানুবাদক ।

“সংবাদপূর্ণচন্দ্রোদয়” সম্পাদন, অদ্বৈত চরণ আচ্যের তত্ত্বাবধানে  
মুক্তারাম বিদ্যাবাগীশের সহযোগে শ্লোকানুযায়ী বঙ্গভাষায় সমগ্র গ্রন্থের  
গদ্যানুবাদ করেন ।

(“অদ্বৈত চরণ আচ্য” দেখ)

### আনন্দচন্দ্র মিত্র—

‘মিত্রকাব্য,’ হেলেনাকাব্য, প্রেমানন্দ, ভারতমঙ্গল, প্রবন্ধসার, ভিক্টোরিয়া-গীতিকা, মাতৃমঙ্গল, প্রভৃতি গ্রন্থ এবং বাল্যকবিতা, গদ্যসার, পাঠসার, গদ্যাশিক্ষা-সার প্রভৃতি স্কুলপাঠ্য পুস্তক রচয়িতা ।

আনন্দচন্দ্র ভাবুক এবং অমিত্রাক্ষর ছন্দে কবিতা রচনার পটু ছিলেন ।  
ইনি অনেকগুলি সঙ্গীতও রচনা করিয়াছেন ।

নিবাস—বঙ্গযোগিনী—বিক্রমপুর ।

মৃত্যু—৫০ বৎসরের কিঞ্চৎ অধিক বয়সে ১৩১০ সালের ৭ই পৌষ তারিখে  
লোকান্তর প্রাপ্ত হন ।

### আনন্দচন্দ্র শিরোমণি,—

কবি ও পাঁচালীকার ।

“সুবল সংবাদ,” “অক্রুর সংবাদ,” “কলঙ্কভঞ্জন,” “উদ্ধব সংবাদ” প্রভৃতি  
রচয়িতা । “সুবল সংবাদে” শ্রীকৃষ্ণের পূর্বরাগ বর্ণিত আছে ।

জন্ম—১২০৯ কিম্বা ১২১০ সাল, শ্রাবণ মাস ।

মৃত্যু—১৮৮০ খ্রীঃ, ফাল্গুন মাসের সংক্রান্তির দিন, ৭৮ কি ৭৯ বৎসর  
বয়সে ।

নিবাস—ভট্টপল্লী ।

বংশ পরিচয়—ইহঁারা বশিষ্ঠ গোত্রজ, চৌবাড়ী পরিবার-ভুক্ত । পিতা,  
কাশীনাথ বিদ্যাভাচম্পতি ; মাতা, সোণামুখী দেবী । কাশীনাথের এক  
কন্যা ও পাঁচ পুত্র জন্ম গ্রহণ করে ; তন্মধ্যে দুই পুত্র শৈশবেই গত হয় ।  
অপর তিন পুত্র—১ রঘুনন্দন বাগীশ, ২ আনন্দচন্দ্র শিরোমণি, ৩ নীলমণি  
বিদ্যাভূষণ । সোণামুখী দেবী লোকান্তরিত হইলে, কাশীনাথ দ্বিতীয়বার  
দ্বার গ্রহণ করেন, কালে পুত্রেরা পিতার পূর্ব স্নেহ হইতে বঞ্চিত হইয়া-  
ছিলেন ।

শিক্ষা—আনন্দচন্দ্রের নিবাস, বহু শাস্ত্রপারদর্শী বিদ্বমণ্ডলী অধুষিত  
ভট্টপল্লী গ্রামে হইলেও, তিনি স্বগ্রামে বিদ্যাশিক্ষা না করিয়া নৈহাটী কিম্বা  
কাঁঠালপাড়া, এই দুই স্থানের মধ্যে এক স্থানে বিদ্যাভ্যাস করিয়াছিলেন ;  
এবং অতি শৈশবেই ব্যাকরণে ব্যুৎপত্তি লাভ করিয়া বহু কাব্য ও নাটক  
অধ্যয়ন করিতে সমর্থ হইয়াছিলেন । ইহার পর তিনি ত্রায়শাস্ত্র অধ্যয়ন  
করিতে আরম্ভ করেন ; এই সময় তাঁহার পিতৃ-বিয়োগ হয় ।

খুল্লতাত ৩ মথুরানাথ তর্কবাগীশ মহাশয় মধ্যম ও কনিষ্ঠ ভ্রাতার বিবাহ,  
বিমাতার গ্রাসাচ্ছাদনের ব্যবস্থা এবং তিন ভ্রাতাকে পৈতৃক-বিষয় বিভাগ  
করিয়া বৈষয়িক বন্দোবস্ত ব্যাপারে অনেক সাহায্য করিয়াছিলেন ।

(বঙ্গবাসী)

### আনন্দ দাস—

পদকর্তা এবং “জগদীশ চরিত্র বিজয়” নামক পয়ার ও ত্রিপদী ছন্দে  
রচিত জীবনী গ্রন্থ লেখক ।

‘জগদীশ চরিত্র বিজয়’ গ্রন্থখানি, শ্রীগৌরান্দের পার্শ্বদ ও পিতৃবন্ধু জগ-  
দীশ পণ্ডিতের চরিতাখ্যান । গ্রন্থখানি দ্বাদশ অধ্যায় বা ‘বর্ণে’ সম্পূর্ণ । আকার,  
লোচনদাসের চৈতন্য মঙ্গলের স্থায় । ভাগবতানন্দের স্বপ্নাদেশে আনন্দদাস,  
এই গ্রন্থখানি রচনা করিতে প্রবৃত্ত হন ।

আনন্দদাস, শিষ্য পর্যায়ে জগদীশের ষষ্ঠ স্থানীয় ; যথা—জগদীশ, ১ রঘুনাথ ( শিষ্য ও পালিত পুত্র ), ২ ভাগবতানন্দ ( শ্রীকৃষ্ণ ), ৩ প্রেমানন্দ, ৪ রাধারমণ, ৫ লক্ষ্মীপ্রিয়া, ৬ আনন্দদাস । গ্রন্থরচনা কাল, অনুমান দুইশত বর্ষ পূর্বে ।

( নব্যভারত ; প প ; পোঃ বিঃ প ; )

### আনন্দময়ী দেবী—

“হরি লীলা” নামক কাব্য, বিবিধ কবিতা ও সঙ্গীত রচয়িত্রী । ১৭৭২ খ্রীঃ লালা জয়নারায়ণ ও তাঁহার ভ্রাতুষ্পুত্রী আনন্দময়ী দেবী একত্র “হরিলীলা” কাব্য রচনা করেন।


( “জয়নারায়ণ সেন, লালা” দেখ )

“হরিলীলা” গ্রন্থখানি সত্যনারায়ণের ব্রতকথা হইলেও বিবিধ রসের অবতারণা এবং প্রকৃষ্ট সমাবেশ গুণে ইহা একটি বৃহৎ কাব্যে পরিণত হইয়াছে ।

জন্ম—১৭৫২ খ্রীঃ, বিক্রমপুরের অন্তর্গত জপসা গ্রামে ।

### বংশ তালিকা ।

বেদগর্ভ সেন



বংশ পরিচয়—বৈদ্য-কুলোদ্ভব বেদগর্ভ সেন, পাঠাভ্যাস হেতু স্বকীয় পিতৃভূমি যশোহর জেলার অন্তর্গত ইটনা গ্রাম পরিত্যাগ করতঃ বিক্রমপুরে আসিয়া কালক্রমে জপসা বিল দাঘিনীয়া, রাজনগর, ভোজেশ্বর প্রভৃতি কয়েকখানি গ্রামে ভূসম্পত্তি অর্জন করেন । বেদগর্ভের দুই সন্তান ; জ্যেষ্ঠ নীলকর্ঠ জপসা গ্রামে এবং কনিষ্ঠ শ্রীকৃষ্ণ রাজনগরে বাস স্থাপন করেন । শ্রীকৃষ্ণ বংশে সুপ্রসিদ্ধ রাজা রাজবল্লভ জন্মগ্রহণ করিয়াছিলেন । নীলকর্ঠের প্রপৌত্র গোপীরমণ সেন জপসা গ্রামে জমীদারীর সূত্রপাত করেন । গোপীরমণের দুই পুত্র ; তন্মধ্যে কৃষ্ণরাম “দেওয়ান” এবং রামমোহন “ক্রোড়ী” উপাধি লাভ করেন । ইহারা তদানীন্তন বাদসাহের তহশীলদার ছিলেন । কৃষ্ণরাম দেওয়ানের পুত্র রামপ্রসাদ রায় নবাবী সরকারে কার্য করিয়া “লালা” উপাধি প্রাপ্ত হন । লালা রামপ্রসাদ নিজ ক্ষমতা বলে অনেক সম্পত্তি লাভ করেন ; তাঁহার ৫ পুত্র ও দুই কন্যা জন্মিয়াছিল ।

এই পরিবারভুক্ত প্রায় সকলেই শিক্ষিত, পণ্ডিত ও মনস্বী ছিলেন । আনন্দময়ীর পিতা, লালা রামগতি “মায়াতিমির চন্দ্রিকা” নামক আধ্যাত্মিক বাঙ্গালা গদ্য গ্রন্থ রচনা এবং “যোগ-কল্পলতিকা” নামক যোগ বিষয়ক গ্রন্থ সংগ্রহ করিয়াছিলেন । জয়নারায়ণ, “হরিলীলা” ব্যতীত, “চণ্ডিকা মঙ্গল” কাব্য ও “পার্বতী পরিণয়” নামক সংস্কৃত কাব্য রচনা করেন । জয়নারায়ণের ভাগিনেয়ী গঙ্গামণি দেবীও আনন্দময়ীর শ্রায় বিদুষী রমণী ছিলেন । গঙ্গামণি রচিত অনেক গান প্রচলিত আছে । কীর্তিনারায়ণ কৃত সত্যনারায়ণ ব্রত কথার পুঁথি আছে ।

( লালারামগতি, গঙ্গামণি ও ‘কীর্তিনারায়ণ’ দেখ )

রামগতি ৫০ বৎসর বয়স্ক অতিক্রম করিয়া ধর্মব্রত গ্রহণ করতঃ প্রথমে কালীঘাট এবং তৎপর কাশীধামে অবস্থান করেন । ৯০ বৎসর বয়সে কাশীধামে মানবলীলা সম্বরণ করেন । সহধর্মিণী কাত্যায়নী দেবী স্বামীর অনুমুতা হন ।

শিক্ষা—শৈশব হইতেই আনন্দময়ীর বিদ্যাশিক্ষার প্রতি নিরতিশয় যত্ন ও অনুরাগ দেখিয়া পিতা রামগতি এবং পিতৃব্য জয়নারায়ণ, তাহাকে সংস্কৃত ও বাঙ্গালা ভাষা শিক্ষা দিয়াছিলেন ; আনন্দময়ীও যথাকালে উভয় ভাষাতেই সবিশেষ ব্যুৎপত্তি লাভ করিয়াছিলেন । সংস্কৃত ভাষায় তিনি এতদূর ব্যুৎপত্তি লাভ করিয়াছিলেন যে, পুরোহিতেরা চণ্ডী বা অথ কোন মন্ত্র পাঠ কালে

কোন শব্দ অশুদ্ধ উচ্চারণ করিলে তৎক্ষণাৎ তাহা ধরিয়া ফেলিতেন। মহারাজা রাজবল্লভ কোন সময়ে রামগতি সেনের নিকট অগ্নিষ্টোম যজ্ঞের প্রমাণ ও প্রতিকৃতি চাহিয়া পাঠান; রামগতি তখন একটা দীর্ঘ কালব্যাপী পুরশ্চরণে নিযুক্ত থাকায়, আনন্দময়ী নানাবিধ প্রমাণ সংগ্রহ করতঃ তৎসমুদয় লিপিবদ্ধ করিয়া স্বহস্ত-অঙ্কিত যজ্ঞকুণ্ডের প্রতিকৃতি সহ তাহা পাঠাইয়া দেন। মহারাজ রাজবল্লভের প্রধান পাণ্ডিত কৃষ্ণদেব বিদ্যাবাগীশের পুত্র শ্রীহরি (তর্কালঙ্কার) আনন্দময়ীকে একটি শিবপূজা পদ্ধতি লিখিয়া দিয়াছিলেন। আনন্দময়ী ইহাতে অনেক অশুদ্ধি থাকায় বিদ্যাবাগীশ মহাশয়ের নিকট পুত্র শ্রীকৃষ্ণের শিক্ষার প্রতি অধিকতর মনযোগী হইতে অনুযোগ করিয়াছিলেন।

বিবাহ—পয়গ্রাম নিবাসী প্রভাকর বংশীয় অযোধ্যারাম সেনের সহিত ৯ বৎসর বয়সে ১৭৬১ খ্রীঃ আনন্দময়ীর শুভ পরিণয় ক্রিয়া সম্পন্ন হয়। অযোধ্যারাম, সঠৈত্ব এবং পার্শী ও সংস্কৃত ভাষাভিজ্ঞ ছিলেন। অযোধ্যারামের পিতা রূপরাম কবিভূষণ কাব্য ও আয়ুর্বেদ শাস্ত্রে বিশেষ পারদর্শী ছিলেন। অযোধ্যারাম যে বংশে জন্মগ্রহণ করিয়াছিলেন, সে বংশও বিদ্যার জগৎ সমধিক খ্যাত।

আনন্দময়ী অতিশয় বিনীতা ও ধর্মপরায়ণা ছিলেন। পতির প্রতি তাঁহার অচলা ভক্তি ছিল। পতির মৃত্যুর সময় আনন্দময়ী পিত্রালয়ে ছিলেন। সংবাদ পাইবা মাত্র স্বামীর কাষ্ঠ পাছকা হৃদয়ে ধারণ করতঃ, জননী কীর্তায়নী দেবীর গায় জ্বলন্ত চিতায় বাঁপ দিয়া পতির অনুগামিনী হইয়াছিলেন।

সন্তান সন্ততি—আনন্দময়ীর গর্ভে অযোধ্যারামের চারিটি পুত্র ও একটি কন্যা জন্মিয়াছিল। রাজা রাজবল্লভের পৌত্র কানাই বাবুর সহিত এই কন্যার বিবাহ হইয়াছিল। জ্যেষ্ঠপুত্র হরচন্দ্র সেন কবীন্দ্রের সহিত তদীয় বংশ লুপ্ত হইয়াছে। তৃতীয় পুত্র গিরিশচন্দ্র সেনের দৌহিত্র শ্রীপঞ্চানন রায় কবি চিন্তামণি মহাশয় ভবানীপুরে কবিরাজী ব্যবসায় করিতেছেন।

কথিত আছে, খুল্লতাত জয়নারায়ণ অপারগ হইলে, আনন্দময়ী সংস্কৃত শ্লোকের অনুবাদ করিয়া দুই চরণে দশাবতার বর্ণনা করিয়াছিলেন—

জলজ বনজ যুগ যুগ তিন রাম  
ধর্মাকৃতি বুদ্ধদেব কঙ্কি সে বিরাম ॥

(ভারতী, পপঃ বঃ সঃ)

আনন্দরাম, লালা—

ব্রজবুলি মিশ্রিত রাধাকৃষ্ণ বিষয়ক সঙ্গীত রচয়িতা; নিবাস, শ্রীহট্ট।  
(প্রদীপ)

আপ্তাবদিন :—

“জামিল দিলারাম” রচয়িতা।

এই কাব্যখানির ভাষা ‘মুসলমানী’ নহে—বিশুদ্ধ বাঙ্গালা। রচনাকাল,  
অনুমান ১৫০ দেড় শত বর্ষ পূর্ক।

(বঃ সা)

আফজল আলি :—

কৃষ্ণলীলা বিষয়ক পদ-রচয়িতা, নিবাস, অনুমান চট্টগ্রাম।

(বীরভূমি)

আবদুল হাকিম :—

“লালমতি সন্নফল মুল্লুক” নামক আখ্যান-রচয়িতা।

(প প ১০ অতি)

আমান :—

কৃষ্ণলীলা বিষয়ক পদ রচয়িতা।

(প প ৯ অতি)

আরিক :—

“লালমনের কেছা” রচয়িতা।

এই গ্রন্থে সত্যপীরের মাহাত্ম্য বর্ণিত আছে। গ্রন্থের ভাষা বিশুদ্ধ বাঙ্গালা নহে, আরব্য ও পারস্য মিশ্রিত।

(প প ১০ অতি)

আলাওল সাহেব, সৈয়দঃ—

(১) “পদ্মাবতী”—১২৭ (১৪৭?) সালে অযোধ্যানিবাসী মীরমাণিক মহম্মদ নামক জনৈক সংসারত্যাগী সন্ন্যাসী কবি, হিন্দীভাষায় “পদ্মাবতী” নামক কাব্য রচনা করেন। চিতোরাদিপতি ভীমসেনের রূপবতী রাজ্ঞী পদ্মাবতী লাভেচ্ছায় আলাউদ্দীন যে ভয়াবহ সামরিক অনুষ্ঠান করেন, ইহাতে তাহারই ইতিহাস বর্ণিত আছে। কবি আলাওল সাহেব উক্ত হিন্দী কাব্যের সুত্রাবলম্বনে এই সুন্দর কাব্যখানি রচনা করেন। ইহা প্রকৃত প্রস্তাবে, অনুবাদ নহে—কবির এক সৌন্দর্য্যময় অভিনব সৃষ্টি।

কবি, আরাকানের রাজামাত্য মাগন ঠাকুরের অনুরোধ ক্রমে, এই কাব্যখানি লিখিয়াছিলেন। 'রচনাকাল, ১০৪৫ সাল।

(২) "সরফল মুল্লুক ও বদি উজ্জমাল,"—এই পারস্য গ্রন্থের অনুবাদ খানিও কবি মাগন ঠাকুরের অনুরোধক্রমে বৃদ্ধ বয়সে লিখিয়াছিলেন। কবি কতক দূর অগ্রসর হইলে মাগন ঠাকুরের মৃত্যু হয়; এই অনুবাদ কাব্যও তজ্জন্ত দীর্ঘ ৯ বৎসর কাল অসম্পূর্ণ অবস্থায় পড়িয়া থাকে। নানা-বিধ ভাগ্য বিপর্যয়ের পর, সৈয়দ মুসা নামক একজন উদারচেতা ব্যক্তির সাগ্রহ উপরোধে আরক কার্য সম্পূর্ণ করেন।

কবি এই দুই গ্রন্থ স্বহস্তে পারস্যভাষার অক্ষরে লিখিয়াছিলেন।

(৩) "সপ্তপয়কর" বা দিন সপ্তকোপাখ্যান—এই কাব্যখানি সৈয়দ মহম্মদের আদেশে পারস্যভাষা হইতে অনুবাদ করেন। এই পুস্তকে সাতটি উপাখ্যান আছে।

(৪) "দারা সেকন্দর"—গ্রন্থখানি পারস্য কবি নেজামী রচিত 'সেকন্দর নামা' কাব্যের পদ্যানুবাদ। ইহাতে সেকন্দর বাদসাহের জন্মাবধি মৃত্যুকাল পর্যন্ত বিবরণ আছে। এই গ্রন্থখানি কবি মজলিস কুতব মহাশয়ের আদেশে রচনা করেন।

(৫-৬) দৌলত কাজী রচিত "লোর-চন্দ্রানী" ও "সতী ময়নার" উত্তরাংশ, রোসাঙ্গের (আরাকান) রাজামাত্য সোলেমানের আদেশে রচনা করেন।

(৭) "তাউফা"—আরব্য ভাষা হইতে অনুবাদিত পারস্য গ্রন্থের বঙ্গ-ভাষায় পদ্যানুবাদ। ইহাতে মহম্মদীয় ধর্মের রোজা, নামাজ, ইত্যাদি বিষয় সম্বন্ধে আলোচনা আছে। এই গ্রন্থখানিও সোলেমানের আদেশে রচিত হয়।

(৮) কুম্বলীলা বিষয়ক পদাবলী প্রভৃতি রচয়িতা।

পরিচয় ও পূর্ব কথা,—প্রাচীন গোড়রাজ্যের অন্তর্গত, বর্তমান ফরিদপুর জেলার অধীন, ফতেয়াবাদ পরগণা মধ্যে জালালপুর নামক গ্রামে আলাওল কবি, অনুমান ১৬২৫ খ্রীঃ জন্মগ্রহণ করেন। আলাওল সাহেবের পিতা ফতেয়াবাদের অধিপতি মজলিস কুতবের (সমসের কুতব?) অমাত্য ছিলেন। কোন কার্যোপলক্ষে কবি পিতার সহিত জলপথে রোসাঙ্গে (আরাকান) যাইতেছিলেন। পথিমধ্যে হার্মাদগণ (পর্তুগীজ জলদস্যু) কর্তৃক আক্রান্ত হইয়া পিতা পুত্রে যুদ্ধ করিবার পর তাঁহার পিতার মৃত্যু হয়। আলাওল সাহেব কোন প্রকারে এ যাত্রা রক্ষা পান এবং পলায়ন

করিয়া রোসাঙ্গাধিপতি, বৌদ্ধধর্মাবলম্বী শ্রীচন্দ্র সুধর্মার আশ্রয় গ্রহণ করিয়াছিলেন। দুর্ভাগ্য বশতঃ, কিছুদিন পর রাজানুগ্রহলাভে বঞ্চিত হন। রোসাঙ্গে আসিয়া কবি, রাজানুগ্রহ বাতীত প্রধান অমাত্য কাব্যামোদী মাগনঠাকুর (জাতি-মুসলমান) ও মন্ত্রী সৈয়দ মহম্মদের 'প্রীতিচ্ছায়া' লাভ করিতে সমর্থ হইয়াছিলেন। মাগন ঠাকুরই আলাওল সাহেবের দুর্দিনে একমাত্র প্রধান সহায় ছিলেন এবং তাঁহার অনুরোধক্রমে প্রথমোক্ত গ্রন্থ দুই খানি লিখিয়াছিলেন।

রোসাঙ্গের কাজি গুণের পুরস্কার স্বরূপ কবিকে "কাদিরী" খেলায়ত প্রদান করিয়াছিলেন।

"সরফল মুল্লুক" সম্পূর্ণ হইবার পূর্বেই একমাত্র আশ্রয়দাতা, "অন্নদাতা ভয়ত্রাতা, দুইমতে বাপ," মাগন ঠাকুরের লোকান্তর প্রাপ্তি হয়। ইহার পর আরাকানে ঘোরতর বিপ্লবের সূচনা হইল। সাহসুজা, সম্রাটভ্রাতা অওরঙ্গজেব কর্তৃক বিতাড়িত হইয়া ১৬৬০ খ্রীঃ রোসাঙ্গে আসিয়া উপস্থিত হন এবং ক্রমে রোসাঙ্গ রাজের সহিত যুদ্ধে প্রবৃত্ত হইয়া সপরিবারে নিহত হন। বৌদ্ধ নরপতি রোসাঙ্গরাজ এইরূপে মুসলমানগণের প্রতি জাতক্রোধ হইয়া মির্জা নামক এক "সত্যধর্মভ্রষ্ট" মিথ্যাবাদী ছুরাওয়ার প্ররোচনায় কবি আলাওল সাহেবকে বিনা বিচারে কারারুদ্ধ করেন। রোসাঙ্গাধিপ অচিরে নিজভ্রম বুঝিতে পারিয়া পঞ্চাশ দিন মাত্র পরে কবিকে মুক্তিদান করেন এবং তদবধি কবির প্রতি নিরতিশয় সদয় ব্যবহারে স্বীয় দুষ্কৃতির প্রতিবিধানে যত্নপর ছিলেন।

এই দুর্ঘটনার পর নয় বৎসর যাবৎ কবি, কোনরূপ সাহিত্য-সেবা করিয়াছিলেন বলিয়া জানা যায় না। পরে রোসাঙ্গরাজের কাব্যরসানুরক্ত সেনাধ্যক্ষ সৈয়দ জাদা সৈয়দ মুসার সনির্বন্ধ অনুরোধক্রমে বৃদ্ধ বয়সে "সরফল মুল্লুক" উত্তরাংশ রচনা করিয়া স্বীয় অসম্পূর্ণ রচনা পূর্ণ করিয়া দেন।

কবি আলাওল সাহেব ফরিদপুর জেলায় জন্মগ্রহণ করিলেও প্রায় সমগ্র জীবন সোষণে (চট্টগ্রাম) অতিবাহিত করিয়াছিলেন।

কবি সংস্কৃত ভাষায় সমধিক ব্যাপন এবং হিন্দুদিগের আচার ব্যবহার প্রণালী সম্বন্ধে সমধিক লক্ষ্যপ্রবিষ্ট ছিলেন। কাব্যনিচয়ে কবির বিলক্ষণ পাণ্ডিত্য ও গভীর গবেষণার পরিচয় প্রাপ্ত হওয়া যায়।

অনুমান ১০।৮০ বৎসর বয়সে আলাওল সাহেব মানবলীলা সম্বরণ করেন।

আলি মহম্মদ :—

(পুর্ণিমা ; পপ ; বঃ সাঃ)

কৃষ্ণলীলা বিষয়ক পদ রচয়িতা। নিবাস, অনুমান, চট্টগ্রাম।

(বীরভূমি)

আলি মিশ্র :—

সঙ্গীত-রচয়িতা, নিবাস—অনুমান, চট্টগ্রাম।

(পঃ পঃ)

আলি রাজা :—

(১) “জ্ঞানসাগর,” (২) “ধ্যানমালা,” (৩) “জ্ঞানকুলুপ,” (৪) “ষট্চক্র-ভেদ,” (৫) “সিরাজ-কুলুপ,” (৬) “কৃষ্ণলীলা বিষয়ক পদাবলী” (৭) “শ্রামা-সঙ্গীত প্রভৃতি রচয়িতা।

“যোগ কালন্দর” নামক যোগবিষয়ক গ্রন্থ আলিরাজা কর্তৃক রচিত বলিয়া কেহ কেহ অনুমান করেন।

“জ্ঞানসাগর” দরবেশী গ্রন্থ, আদ্যন্ত আধ্যাত্মিক কথায় পরিপূর্ণ। “সিরাজ কুলুপ,” মুসলমানী ধর্ম বিজ্ঞান গ্রন্থ, ইহাতে পৃথিবী কিসের উপর অবস্থিত, কয় স্বর্গ, কোন দিন ঈশ্বর কি সৃষ্টি করিয়াছেন, প্রলয়কালে এবং পরে কি হইবে ইত্যাকার বিষয় বর্ণিত আছে।

আলিরাজা একজন প্রসিদ্ধ তত্ত্বজ্ঞানী সংসার-বিরাগী ফকীর হইলেও গৃহস্থাশ্রম পরিত্যাগ করেন নাই। আলিরাজার পুত্রগণও একাধারে কবি ও ফকীর ছিলেন। আলিরাজা, স্বদেশে “কালু ফকীর” নামে প্রসিদ্ধ।

(‘কালু ফকীর দেখ)

নিবাস—চট্টগ্রাম অধীন বংশ আলী খানার অন্তর্গত ওশমাইল নামক গ্রাম।

শাহ কেয়ামদ্দিন নামক তত্ত্বজ্ঞানী সাধু আলিরাজার গুরু ছিলেন ; আলিরাজা প্রতিগ্রন্থে স্বীয় গুরুদেবের সমস্তম উল্লেখ করিয়াছেন।

আলিরাজার দুই বিবাহ। প্রথম পক্ষে (১) এসাদোল্লা ও (২) এফা-জোল্লা নামক দুই পুত্র জন্মে। এসাদোল্লাও পরমার্থ বিষয়ক সঙ্গীত রচনা করিয়াছেন।

(এসাদোল্লা দেখ)

দ্বিতীয় পক্ষে সফতোলা মিশ্র ; ইনিও পরমার্থ বিষয়ক সঙ্গীত রচনা করেন।

(সফতোলা মিশ্র দেখ)

সফতোলা মিশ্র যখন ১৭।১৮ বৎসর বয়সের বালক, আলিরাজা তখন ন্যূনাধিক অশীতি বৎসর বয়সে মানবলীলা সম্বরণ করেন। আলিরাজার পৌত্রগণ এখনও বর্তমান।

(সাহিত্য ; পঃ পঃ)

আশুতোষ দেব—

বিবধ সঙ্গীত-রচয়িতা।

সাতুবাবু (ছাতুবাবু) নামে খ্যাত। নিবাস, কলিকাতা সিমুলিয়া।

আশুতোষ দেব, স্বনামখ্যাত ৩রামচন্দ্রলাল সরকারের জ্যেষ্ঠ পুত্র ; কনিষ্ঠ পুত্র প্রমথনাথ দেব (নাটু বাবু নামে খ্যাত)।

আশু বাবু অতিশয় দানশীল ছিলেন। সঙ্গীত শাস্ত্রে ইহার অসাধারণ অনুরাগ ও অধিকার ছিল। হিন্দুধর্মের প্রতি আশু বাবু অতিশয় অনুরক্ত ছিলেন।

১৮৫৭ খ্রীঃ আশু বাবু উদ্যোগী হইয়া সংস্কৃত শকুন্তলা নাটক বাঙ্গালা ভাষায় নাট্যকারে পরিণত করাইয়া প্রথম অভিনয় করাইয়া ছিলেন।

স্বর্গীয় দ্বারকানাথ ঠাকুর প্রতিষ্ঠিত Bengal Land-holders' Association ও জর্জ টমসনের British Indian Society সম্মিলিত হইয়া যখন British Indian Association সভা স্থাপিত হয়, বাবু আশু তোষ দেব ঐ সভার প্রথম কমিটির একজন সদস্য ছিলেন।

আশু বাবুর বংশলোপ পাইয়াছে। প্রমথ বাবুর উপযুক্ত পুত্র শ্রীযুক্ত বাবু অনাথ নাথ দেব মহাশয় বর্তমান রহিয়াছেন। (সং সা সং ; রামতনু)

ই

ইলার্টন—

“গুরুশিক্ষা” রচয়িতা।

ইলার্টন সাহেব, মালদহ জেলার একজন নীলকর ছিলেন।

খ্রীষ্টধর্ম-প্রচারকেরা বঙ্গদেশে নানা স্থানে বঙ্গ বিদ্যালয় প্রতিষ্ঠা করিয়া-

ছিলেন ; এই গ্রন্থখানি তৎসমুদয় বিদ্যালয়ে পঠিত হইবার উদ্দেশে রচিত হইয়াছে ।

(পঃ পঃ ২)

ঈ

## ঈশানচন্দ্র—

“বর্ণসুন্দর” রচয়িতা ।

ইহাতে বঙ্গভাষার বর্ণমালা কবিতাকারে সজ্জিত আছে ।

(প প ১০। অতি)

## ঈশানচন্দ্র বন্দ্যোপাধ্যায়—

“যোগেশ” কাব্য এবং “সুধাময়ী” নামক উপন্যাস রচয়িতা ।

কবি “যোগেশ” কাব্যে নিরাশ-প্রণয়ের চিত্র অঙ্কিত করিয়াছেন ।

জন্ম—১২৬২ সাল, ৩রা চৈত্র শুক্রবার ।

মৃত্যু—১৩০৪ সাল, আষাঢ় (ভূমিকম্পের রাত্রি) ৪২ বৎসর বয়সে ।

পিতা, কৈলাসচন্দ্র বন্দ্যোপাধ্যায় ।

ঈশানচন্দ্র, “বৃত্তসংহার” প্রণেতা কবির হেমচন্দ্র বন্দ্যোপাধ্যায়ের কনিষ্ঠ ভ্রাতা ।

বংশ পরিচয়—“হেমচন্দ্র বন্দ্যোপাধ্যায়” দেখ ।

ঈশানচন্দ্র, হুগলীতে ওকালতি করিতেন । ইহারই উৎসাহে উদ্যোগে হুগলী বাঁশবেড়িয়া হইতে ‘পূর্ণিমা’ নামক মাসিক পত্র ১৩০১ সালে হইতে প্রকাশিত হয় । ঈশানচন্দ্র, এই পত্রিকার একজন পৃষ্ঠপোষক, সহকারী এবং লেখক ছিলেন । ‘পূর্ণিমা’ আপনার পূর্বে গৌরব অক্ষুণ্ণ রাখিয়া এখনও প্রকাশিত হইতেছে ।

(পূর্ণিমা ৪)

## ঈশান নাগর—

“অদ্বৈত প্রকাশ” রচয়িতা ।

ঈশান নাগর, ৭৬ বৎসর বয়সে, ১৫৬৮ খ্রীঃ, দ্বাবিংশ-অধ্যায়-বিশিষ্ট এই সুবৃহৎ অদ্বৈতচার্য্য-চরিত গ্রন্থখানি, অদ্বৈতচার্য্যের জন্ম-স্থান ত্রিহট্টের অন্তর্গত লাউড় পরগণা মধ্যে নবগ্রামে অবস্থান কালে, রচনা সম্পূর্ণ করেন ।

ইহাতে অদ্বৈতচার্য্যের জীবনের প্রধান প্রধান ঘটনাবলীর উল্লেখ আছে ।

জন্ম—১৪৯২ খ্রীঃ ।

পরিচয়, পূর্বকথা—ঈশানচন্দ্র যখন পাঁচ বৎসরের শিশু, তখন তাঁহার দরিদ্র জনক প্রাণত্যাগ করেন । সুতরাং ঈশানকে লইয়া তদীয় জননী অতিশয় কষ্টে পড়িলেন । নিরাশ্রয়া ঈশান-জননী, অদ্বৈতচার্য্যের পুণ্য প্রভাবে আকৃষ্ট হইয়া শান্তিপু্রে আগমন করিলেন । সেই দিন, অদ্বৈতচার্য্যের জ্যেষ্ঠতনয় অচ্যুতানন্দের শুভ বিদ্যারম্ভের দিন ( ১৪৯৭ খ্রীঃ ) ; ঈশান-জননী সেই শুভ দিবসেই শিশু পুত্রসহ অদ্বৈতচার্য্যের শান্তিময় আনন্দ নিকেতনে উপনীত হন । অদ্বৈত এবং তাঁহার সহধর্ম্মিণী সীতাদেবী উভয়েই, অতিশয় আনন্দ সহকারে এই অনাথা ব্রাহ্মণ বিধবাকে অসময়ে আশ্রয় প্রদান করিয়া, পুত্র অচ্যুতানন্দের সমবয়স্ক ঈশান এবং তাঁহার জননীকে এই শুভ অবসরে মন্ত্রদান করিলেন । ছলভ মহদাশ্রয় লাভ করিয়া, ঈশান-জননী প্রাণপণে গুরুদেবের পরিচর্য্যায় নিযুক্ত হইলেন । এদিকে ঈশান অদ্বৈতচার্য্যের যত্নাতিশয়ো অচিরে সুশিক্ষিত হইয়া উঠিলেন । জননীর ত্যায় ঈশান, পাণ্ডিত্যাভিমান অপেক্ষা গুরুদেবের পদসেবা অধিকতর প্রিয়জ্ঞান করিয়া কোমারব্রত অবলম্বন পূর্বক অদ্বৈতচার্য্যের অপ্রকটকাল পর্য্যন্ত এই পুণ্যকর্মে নিযুক্ত ছিলেন । পরে ১৫৫৮ খ্রীঃ ( ১৪৮০ শক ) অদ্বৈতচার্য্য তিরোহিত হইলে তিনি একবারে অবলম্বনহীন হইয়া ইহজীবন, নিরর্থক বোধে, সম্পূর্ণ রূপে আস্থাশূন্য হইতে লাগিলেন । এই দুর্দিনে, বিগত পুণ্যস্মৃতি আলোচনা করিয়া জীবনের অবশিষ্ট কয়টা-দিন কোন মতে কাটাইয়া দিবার কল্পনা তাঁহার মনে উদয় হইল—“অদ্বৈত প্রকাশ” গ্রন্থ রচনার ইহা একটি কারণ বলিতে হইবে ।

ঈশান নাগরের প্রতি অদ্বৈতচার্য্যের আদেশ ছিল যে, তাঁহার অন্তে ঈশান ত্রিহট্ট-লাউড়ে প্রত্যাগমন করিয়া গৌরনাম প্রচার করিবেন । গুরুদেবের আদেশ শিরোধার্য্য করিয়া ঈশান আদিষ্ট কার্য্য সম্পাদনার্থ প্রস্থানোন্মুখ হইলে, সীতাদেবী তাঁহাকে দুইটি আদেশ প্রদান করেন—১ম অদ্বৈতের পুত্চরিত্র বর্ণন, ২য়, বংশ রক্ষার্থ পাণিগ্রহণ । ঈশান প্রথমোক্ত আদেশ প্রাপ্ত হইয়া আপনাকে ভাগ্যবান ভাবিয়া কৃতার্থ হইলেন, কিন্তু বুদ্ধবয়স পর্য্যন্ত অকৃতদার থাকিয়া অন্তিম দশায় পরিণয় সূত্রে আবদ্ধ হওয়া

তঁাহার পক্ষে বড়ই বিষম হইবে। তঁাহার সান্ন্যয় প্রতিবাদে কোন হইল না; সুতরাং, তিনি জগদানন্দ রায় সহ শ্রীধাম লাউড়ে আগমন করি গুরু এবং গুরুপত্নীর আদেশ প্রতিপালনে যত্নপর হইলেন।

পঞ্চম বর্ষ বয়সে, ঈশান যখন অর্ধশত প্রভুর সুখময় শান্তিপূর্ণ আশ্রয় করেন, তখন অর্ধশত প্রভুর বয়স ৬৪ বৎসর। সুতরাং, ঈশান নিজ শৈশব কালের কথা মনে করিতে পারিলেও, অর্ধশত প্রভুর ৬৪ বৎসরের বিষয় অবগত হইবার জন্ত অত্মাপেক্ষী হইয়াছিলেন। লাউড়িয়া কৃষ্ণদাস (অর্ধশত চার্যের জন্ম স্থান নবগ্রামের ব্রাহ্মণাধিপতি দিব্যসিংহের বৈষ্ণবাবস্থার নাম 'কৃষ্ণদাস', অর্ধশতের শান্তিপুত্র আগমনের পূর্বে নবগ্রাম-নিবাসী বাল্যসঙ্গী ছিলেন,—তিনি সংস্কৃত ভাষায় "বাল্যলীলা-সূত্র" নামক গ্রন্থ অর্ধশতের বাল্য জীবন অতি সংক্ষেপে বর্ণন করিয়াছেন। এই "বাল্যলীলা-সূত্র" এবং অর্ধশতের চিরামুচর পদ্মলাভ চক্রবর্তী ও শ্যামদাস আচার্যের নিকট হইতে সংগৃহীত প্রত্যক্ষীভূত বাস্তব ঘটনার বিবরণ হইতে ঈশান অর্ধশত জীবনের প্রথম ৬৪ বৎসরের উপকরণ, সংকলন করেন। এতদ্বি শ্রীনিত্যানন্দ প্রভুর নিকট হইতেও ঈশান কোন কোন ঘটনার বিবরণ অবগত হইয়াছিলেন। গ্রন্থকার, প্রগাঢ় ভক্তিউচ্ছ্বাসিত হৃদয়ে যে তা কথ্য নিচয় প্রকটিত করিয়াছেন, তৎসমুদয় বাস্তব ঘটনার স্মরণ গ্রহণে পরাজুথ হইলেও আলোচ্য গ্রন্থে, ঐতিহাসিকগণ, মাদরে গ্রহণ করিবার উপযুক্ত উপকরণ যথেষ্ট পাইবেন।

ঈশান নাগর ৭০ বৎসর বয়সে সীতাদেবীর আদেশানুসারে বংশ রক্ষার্থে পদ্মাতীরস্থিত তেওথা গ্রামে বিবাহ করেন। তেওথার রাজপরিবার ও বাগচীগণ নাগর বংশীয়দিগের শিষ্য। ঈশান তিনটি পুত্র লাভ করেন— (১) পুরুষোত্তম, (২) হরিবল্লভ ও (৩) কৃষ্ণবল্লভ।

লাউড় রাজ্য (১৭৪৪ খ্রীঃ) বিনষ্ট হইবার পর। ঈশান নাগরের বংশধরগণ গোয়ালন্দের নিকট পদ্মানদীর পূর্বপারে তেওথা-সন্নিহিত ঝাকপাল গ্রামে বাস স্থাপন করেন—তঁাহার বংশধরগণ এখনও তথায় অবস্থান করিতেছেন।

( পঃপ, বঃসা, গোঃ পঃত, )

( ক্রমশঃ )

শ্রীশিবরতন মিত্র।

## • স্বর্গীয় ভূদেব মুখোপাধ্যায়।

ভূদেব বাবুর সহিত পরিচয় ও আলাপ আমার যৎসামান্য। সামান্য হইলেও তঁাহার প্রসঙ্গে যে অনেকেই সুখ বোধ করিতে পারেন, একরূপ আশা করা অসঙ্গত বোধ হয় না। যিনি বঙ্গ-সাহিত্য-ক্ষেত্রের প্রবীণ নায়ক, বিদ্যা বুদ্ধি ও চিন্তাশীলতার আদর্শ, যঁাহার হৃদয়ে স্বদেশ প্রেম বন-প্রবাহিনীর মত নিভূতে বহিত, তঁাহার একখানি বিস্তৃত জীবনী আজিও প্রকাশিত হইল না, ইহা অল্প আক্ষেপের বিষয় নহে।

মধ্যে মধ্যে স্বর্গীয় বঙ্কিম চন্দ্র, রাজ নারায়ণ বসু ও বর্তমান রায় কালী প্রসন্ন ঘোষ বাহাদুর প্রভৃতির চিত্তাকর্ষী প্রসঙ্গ মাসিক পত্রাদিকে সমুজ্জল করিয়া থাকে ও পাঠকগণকে সম্যক প্রীতি দান করে, অতএব ভূদেব বাবুর কথা, বা তঁাহার সহিত অধম লেখকের "পরিচয়ের প্রথম দিন" পাঠকগণের সম্মুখে উপস্থিত করিতে, ইতস্ততঃ করিবার বিশেষ কারণ দেখি না। প্রসঙ্গটী যথাযথ অক্ষুণ্ণ রাখিতে গিয়া আত্মকথার বিস্তৃতি আদিয়া পড়িয়াছে,—অনিবার্য, সুতরাং চেষ্টা করিয়াও সমস্তটুকু তাগ করিতে পারি নাই। রায় কালীপ্রসন্ন ঘোষ বাহাদুর যেমন পূর্ববঙ্গের প্রথিতনামা চিন্তাশীল সাহিত্যনেতীবাদীপুত্র, আমাদের স্বর্গীয় ভূদেব চন্দ্র মুখোপাধ্যায়কেও সেইরূপ মধ্যবঙ্গের প্রতিভাশ্রিত সাহিত্য-শার্দূল বলিলে বোধ হয় অধিক বলা হয় না। তঁাহার জীবনী লেখকের হস্তে তাহা প্রতিপাদনের ভার রহিল।

কোন সময়ে আমি "প্রাচীন কবি-সঙ্গীত" সংগ্রহে ব্যাপৃত থাকি। তিনি তাহা জানিতে পারিয়া, আমাকে একখানি পত্র লিখিয়া তঁাহার সহিত সাক্ষাৎ করিতে অনুরোধ করেন ও স্বাস্থ্য বিরোধ বশতঃ সে সময়ে স্বয়ং সাক্ষাৎ করিতে অপারগ বলিয়া দুঃখ প্রকাশ করেন।

আমি রবিবার আহারাদির পর তঁাহার নিকট গমন করিলাম ও তঁাহার বাটীতে উপস্থিত হইয়া শুনিলাম, তিনি ভাগীরথী তীরবর্তী উদ্যান বাটীতে আছেন। আমি তথায় উপস্থিত হইয়া সংবাদ দিতেই তিনি স্বয়ং বাহির হইয়া আসিলেন ও আমাকে সঙ্গে করিয়া নিজ উপবেশন-কক্ষে লইয়া গিয়া যত্নের সহিত বসাইলেন।

আমি কে, কোথা হইতে আসিয়াছি, বা কি উপলক্ষে আসিয়াছি, এতক  
সে সকল আলাপ মাত্রই হয় নাই ; কেবল আমার নমস্কার প্রত্যর্পণ কা  
জানিয়াছিলেন, আমি ব্রাহ্মণ । বসিবার পর জামার হস্তে একখানি পত্র  
দিয়া বলিলেন, “রৌদ্রে আপনার বড় কষ্ট হইয়াছে ও, আপনাকে বড় কষ্ট  
দেখিতেছি, একটু বিশ্রাম করুন ।” আমি বাস্তবিকই পরিশ্রান্ত হইয়াছিলাম  
কিন্তু একজন অপরিচিতের প্রতি তাঁহার এইরূপ সমাদর ও যত্নে আমার  
সে অনুভূতিই ছিল না,—তাহাতে আবার আমি তাঁহার নিকট বালক মাত  
সুতরাং আমাকে কুণ্ঠিত হইতে হইতেছিল । আমি অবাক হইয়া তাঁহার  
সুদীর্ঘ সৌম্য গৌরমূর্তি, আনন্দ স্বেতশশী, বিস্মৃত ললাট, সুন্দর নাসিকা  
ও উজ্জল অথচ সুসংযত শান্ত চক্ষু এবং সহস্র ধীর ঋষি-প্রতিম আকৃতি  
দেখিতে লাগিলাম । উপবেশন-কক্ষটি সুবিস্তৃত ও সমচতুষ্কোণ বলিয়া  
জ্ঞান হইতেছে, অতি পরিষ্কার, আড়ম্বরের লেশ মাত্র বর্জিত—কেবল আভ্য  
স্বরূপ জন্মভূমির কয়েকটী রত্ন মাত্র ধারণ করিয়া আছে । স্মরণ হইতেছে,  
প্রতিকৃতিগুলি যেন স্বর্গীয় মহাত্মা রামমোহন রায়, সার রাজা রাধাকান্ত  
দেব বাহাদুর, কবিকুলতিলক মাইকেল মধুসূদন দত্ত, মহর্ষি দেবেন্দ্রনাথ  
ঠাকুর, কেশবচন্দ্র সেন, কবিবর হেমচন্দ্র বন্দ্যোপাধ্যায়, রামগোপাল ঘোষ  
প্যারীমোহন সরকার প্রভৃতি মনীষিগণকে প্রকটিত করিতেছে । এর  
পাশ্বে একটী টেবিলের উপর বহু সংখ্যক প্রাচীন ও জীর্ণ পুথি এবং মধ্যযু  
মেজের উপর একখানি নূতন মাহুর, তদুপরি দুই তিনখানি কীটদষ্ট পুথি  
ছিন্ন পত্র সকল অসংলগ্ন ভাবে অবস্থিত, পাশ্বে মস্যাধার, লেখনী ও কতক  
গুলি সাদা কাগজ, তন্মধ্যে কয়েকখানি মাত্র লেখনী স্পর্শ করিয়াছে । বোধ  
হয়, লিখিতে লিখিতে ভূদেব বাবু আমাকে আবাহন করিতে উঠিয়াছিলেন ।

ভূদেব বাবু আমার সম্মুখে উপবেশন করিয়া অতি মধুর ভাবে আমার  
আগমনের কারণ জিজ্ঞাসা করিলেন । আমি তাঁহার পত্রখানি দেখিতে  
দিলীম । পত্রখানি হাতে পড়িতেই বলিলেন “আপনার নাম \* \* \* বাবু  
আমি বাতিক বশতঃ আপনাকে যথেষ্ট কষ্ট দিয়াছি, কিছু মনে করিবেন না ।  
ক্ষমা প্রার্থনা আমার ভাল দেখায় না—আপনাকে বালক দেখিতেছি ;—  
এ বয়সের লোকের এ ইচ্ছা হয়, তাহা আমি জানিতাম না ।” আমি বলি  
লাম “কষ্ট ত আমার কিছুই হয় নাই ; টেনে আসিয়াছি । আপনাকে “তুমি”  
বলিলে অধিক সম্ভাষণ হয়, “আপনি” বলিবেন না ।”

ভূ । আচ্ছা তাহাই হইবে ।

আমি একটু সশঙ্কভাবে জিজ্ঞাসা করিলাম “আপনি আমার কি ইচ্ছার  
কথা উল্লেখ করিতেছিলেন ?”

ভূ । আমি তোমার “প্রাচীন কবি-সঙ্গীত সংগ্রহের” কথা বলিতেছিলাম ।  
এ বাসনা তোমার কোথা হইতে হইল ? তুমিত কবির গান শুন নাই, সে  
আমোদও দেখ নাই, এ রসাস্বাদ কিরূপে হইল ?

আমি আমার ধুটতার কারণ যথাযথ প্রকাশ করিলাম । শুনিয়া হাসিতে  
হাসিতে ভূদেব বাবু বলিলেন “আমাকে যাহা শুনাইলে, এ কথাগুলি  
ভূমিকায় বা অবতরণিকায় দিও, আমি শুনিয়া বড়ই আমোদ পাইলাম ।  
আমি আশা করি, তোমার ইচ্ছা পূর্ণ হইবে । আমার নিকট কতকগুলি  
কবির উৎকৃষ্ট গান আছে, সেগুলি তোমাকে দিব বলিয়াই কষ্ট দিয়াছি ।  
প্রিয়বস্ত্র প্রিয়পাত্র খোঁজে, তাই তোমাকে না দেখিয়া দিতে পারি নাই ।”

আমি লজ্জিত হইয়া বলিলাম “আপনি অধিক বলিতেছেন ।”

ভূ । তুমি আমা অপেক্ষা অনেক ছোট, তোমার সহিত কথা কহিবার  
সময় আমার ভাবিবার প্রবৃত্তি হয় না ; আর যে কথা চিন্তার অপেক্ষা রাখে  
না, তাহা অপেক্ষা নত্যা আর কি হইতে পারে ।

আমি তাঁহার এই সকল যুগভীর কথা শুনিয়া মনে মনে তাঁহাকে  
প্রণাম করিলাম ও নির্নিমেবে তাঁহার প্রশান্ত মূর্তি দেখিতে লাগিলাম ।

পরে পুস্তক মধ্যে সঙ্গীতগুলির রচয়িতা, প্রাচীনত্ব, মৌলিকতা, কবিত্ব  
প্রভৃতি অনুসারে কি ভাবে সন্নিবেশ করিলে ভাল হয় তাহার প্রসঙ্গ তুলিয়া  
বহু উপদেশ দিয়া বলিলেন “অক্ষয়কুমার দত্ত মহাশয়ের এ সাধ ছিল, কিন্তু  
মস্তিষ্কের দারুণ পীড়া বশতঃ তাহা অপূর্ণই রহিয়া গিয়াছে । কাজটী বড়ই  
কঠিন, বহুশ্রম ও ত্যাগ সাপেক্ষ । তোমার যুবা বয়স, ইচ্ছাও প্রবল আছে,  
তুমি চেষ্টা করিলে পারিবে,—কিন্তু এক দিনের জন্তও সোজা মনে  
করিও না ।”

তিনি যে সকল উপদেশ দিয়াছিলেন, তন্মধ্যে রচয়িতৃগণের জীবনী ও  
প্রাচীন গীতগুলির ইতিহাস অর্থাৎ কোন আসরে কি অবস্থায় ও কি উদ্দেশ্যে  
রচিত হইয়াছিল ও তাহারা শ্রোতার, অপর সাধারণের ও সমাজের উপর  
কিরূপ আধিপত্য করিয়াছিল, প্রভৃতি সংগ্রহ করা অতীব কঠিন বলিয়া  
আমি প্রকাশ করায়, তিনি বলিলেন, “বতদূর সম্ভব চেষ্টা পাইও, তাহা



হইলে একটা কাজ হইবে; কারণ গীতগুলির ইতিহাস খুবই চিত্তাকর্ষক হইবে বলিয়া আমার ধারণা। দ্বিতীয় কথা, তাহাতে প্রাচীন সমাজে অনেক সুন্দর প্রতিবিম্ব পড়িবে ও সাহিত্যে তাহার একটা সুস্পষ্ট ছায়া থাকিয়া যাইবে। প্রথম উদ্যমে না পার, দ্বিতীয় সংস্করণে অবশ্য করিও।

আমি হাসিয়া বলিলাম “আপনি কি দ্বিতীয় সংস্করণের আশা করেন? তিনিও হাসিয়া বলিলেন “মন্দ বল নাই,—প্রতি গ্রামে একখানা কথাকিলেই পাঠকগণের যথেষ্ট হয়; কিন্তু তাহাও দেখি না, তাহা হইলেও সাহিত্যের যথেষ্ট সম্মান হইল বলিয়া বুলি। অপর সখ না থাকিলে বলিলাম—আমাদের দেশের লোকের সখ করিয়া বই কিনিয়া পড়িবার অবস্থা নহে। বোধ হয়, আর ২০২৫ বৎসর পরে আমাদের এ কলঙ্ক থাকিবে না তুমি ভগ্নোদ্যম হইও না।”

পূর্ব হইতেই ইতস্ততঃ বিস্তৃত জীর্ণতাল পত্রগুলি দেখিয়া আমার কোঁড় হইয়াছিল, এক্ষণে অবসর পাইয়া বলিলাম, আপনার ভাগ্য আনা অপেক্ষা মন্দ দেখিতেছি, আমি বহু কষ্টে যে সকল কীটত্যাক্ত জীর্ণ চোতা সংগ্রহ করিয়াছি, ইহাদের নিকট তাহারা সম্পূর্ণ নূতন। তিনি হাসিয়া বলিলেন ইহারা আমাদের চৌদ্দপুরুষ দেখিয়াছে বা ইহারাই আমাদের চৌদ্দপুরুষ। রোষ পরবশ হইয়া লোককে পরস্পর চৌদ্দপুরুষের অধোগমি কামনা করিতে শুনিয়াছ, বোধ হয় তাই ইহাদের এই অবস্থায় দেখিতেছ ইহাদের সহিত আমার বৃদ্ধবয়সের প্রণয়, আর কত দিনই বা ইহাদের দেখিতে পাইব, তাই সর্বক্ষণই ইহাদের লইয়া থাকিতে ভালবাসি। বড় ছুরদৃষ্ট যে, ঘোবনে ইহাদের সহিত পরিচয় হয় নাই বা পরিচয়ের চোঁ পাই নাই, তাহা হইলে কথঞ্চিৎ পিপাসা মিটিত। সময়টা মিথ্যা গিয়াছে। বেক্রপ ধীর, গভীর ও বিষাদিতভাবে শেষ কথা গুলি বলিলেন, তাহাতে শ্রোতা মাত্রেরই সমবেদনার অনুভূতি হয়। আমি বলিলাম “আপনার মত উৎসাহী বিদ্বজ্জনের এখনো অনেক সময় আছে।”

ভূ। না—অধিক দিন নাই। দেখিতেছ না, ভাগীরথী গর্ভেই আশ্রয় লইয়াছি।

বাস্তবিকই আমরা যে কক্ষে বসিয়াছিলাম, তাহা সম্পূর্ণই ভাগীরথী গর্ভে!

ভূ। আধুনিক সময়ের কথা বলিতেছি,—আমাদের দেশে সাহিত্য, বিজ্ঞান ও দর্শন চর্চার এখনো শৈশব; লোকে সামান্য কিছু অগ্রসর হইয়াই

ভাবে, অনেক হইয়াছে, ইহাই দোষ, ইহাই অন্তরায়। প্রথম প্রথম ইংরাজি পুস্তক পাঠ করিয়া ও তাহাদের আলোচনা করিয়া যে সুখ পাইতাম, ইদানীং আর তাহা হইত না,—কি যেন একটা অভাব থাকিয়া যাইত ও তাহাতে অসুখী করিত। যেন প্রাণশূন্য দেহ চর্চা করিতেছি; সৌন্দর্য আছে, সৌরভ নাই। রণোন্মাদ আছে, বিজয় নাই। যেন ক্ষমাশূন্য শৌর্য, লজ্জা-বিনয়-বর্জিতা সুন্দরী। আগম আছে নিগম নাই, বিচিত্র ক্ষেত্রে সুদূর ব্যবধানে উপনীত করিয়া, অনাথের মত ছাড়িয়া দেয়। শান্ত উপকূল-প্রয়াসী প্রাণ যাহা খোঁজে, তাহা নাই। বিখ্যাত বিখ্যাত পণ্ডিতগণের নূতন বই প্রকাশ হইলেই আনাইয়া দেখিয়াছি,—অভাব মিটে নাই। কিন্তু এই ছিন্ন, শত ছিদ্র তালপত্রে সে অভাব মিটিয়াছে। ইহার প্রতি ছত্রে যে রত্ন নিহিত আছে, প্রকৃত অনুসন্ধিসুর নিকট তাহা অমূল্য নিধি! মূঢ় আমি যে কিছুপূর্বে ইহার প্রকৃত রসাস্বাদ করি নাই। বঙ্গ ভাষাকে ইহার অংশ মাত্র উৎসর্গ করিয়া সুখী হইবার সময়ও আর আমার নাই।

যে রূপ দৃঢ় ও মর্ম্মস্পর্শী ভাবে এই কথাগুলি বলিলেন ও তাহার বদন-মণ্ডলে সে সময় যে সকল ভাবের বিকাশ দেখিলাম, তাহা কখন ভুলিব না। তাহাতে স্বদেশ ও সাহিত্য-সেবার দৃঢ় বাসনা ও তাহা অপূর্ণ থাকিবার আশঙ্কার অন্তর্ভেদী বেদনা, যেন যুগপৎ বদনমণ্ডলে প্রতিভাত হইতেছিল। প্রসঙ্গ সমাপ্তির দীর্ঘ স্বাস্থ্যটী যেন প্রত্যেক তন্ত্রা সংস্পর্শে উষ্ণতর হইয়াছিল। গভীর জ্ঞান-পিপাসা ও তদার্জিতঃ রত্নে বঙ্গভাষাকে বিভূষিত করা যেন তাহার জীবনের একমাত্র ব্রত বলিয়া বোধ হইল। আমি হর্ষ ও ক্ষোভে বিমূঢ়বৎ ভাবিতে লাগিলাম,—এরূপ আদর্শ পুরুষ যে দেশে জন্মগ্রহণ করেন, সে দেশ ধন্য; কিন্তু এরূপ হৃদয়বান মনস্বীরও উল্লেখ পর্য্যন্ত বিরল।

এমন সময় একজন প্রেসম্যান একখানি প্রফদীট লইয়া আসিল। ভূদেব বাবু সেখানি লইয়া লোকটীকে বিদায় দিলেন। আমি জিজ্ঞাসা করিলাম, “এডুকেশন গেজেটের প্রফ নাকি?” তিনি বলিলেন “না,—“আচার প্রবন্ধ” আরম্ভ করিয়াছি, সঙ্গে সঙ্গে মুদ্রাক্ষণও আরম্ভ হইয়াছে—শেষ হইবে কি না বলিতে পারি না”; এই বলিয়া প্রফখানি আমার হস্তে দিলেন। আমি পাঠ করিবার সঙ্গে সঙ্গে মুদ্রাক্ষণের ভ্রমগুলি সংশোধন করিলাম। তিনি বলিলেন “আবার পড়, আমিও শুনি।” আমি তাহাই করিলাম। তখন ভূদেব বাবু বলিলেন “আমার একস্থানে ভাব প্রকাশের ভাষায় সন্দেহ ছিল,

অপরের নিকট তাহা প্রাজ্ঞ হইবে কি না ভাবিতেছিলাম, তাই তোমাকে দেখিতে দিয়াছিলাম ও শেষে পড়িতে বলিলাম। এখন আমার সে সন্দেহ গিয়াছে, কিন্তু ঐ ভাবে সকলে পাড়লে হয়।” আমি হাসিয়া বলিলাম “আমি যদি ঠিক পড়িয়া থাকি ত অপর সকলেই পড়িবে।” তিনিও হাসিয়া বলিলেন “এ কথার উত্তর আমি দিব না, কিন্তু মনে রাখিও লেখকের দায়িত্ব পাঠক অপেক্ষা সহস্রগুণে অধিক। পাঠক দায়িত্ব জানে পড়িতে বাধ্য নহে, লেখককে সম্পূর্ণ দায়ী থাকিতে হয়। একখানি পুস্তকের লেখক একজন হইলেও তাহার পাঠক অসংখ্য হইতে পারে, সুতরাং দায়িত্বও অসংখ্য জানিও।” এই বলিয়া বলিলেন “এখন আর উত্তাপ নাই, এস একটু বাগানে বসি। আমি বলিলাম “আমি আপনার অনেক সময় নষ্ট করিতেছি।”

ভূ। ও কথা বলিও না, নিকট হইলে আমি তোমাকে প্রায়ই কষ্ট দিতাম। এখন তোমার সময়েরও মূল্য অনেক—তত্রাচ, অবকাশ মত আমিতে অনুরোধ করি। আমি এখন তোমার মত একজন উৎসাহ লোকের সাহায্য পাইলে, অনেকটা অভিলষিত কাজ শেষ করিতে পারি;—অন্ততঃ যে সকল নোট রাখিয়াছি, তাহাদের মধ্যে বিশেষ আবশ্যকীয়গুলির শেষ হয়।

আমি বলিলাম, ক্ষমা করিবেন—আপনি আমাকে লক্ষ্য করিয়া আবার ভুল করিতেছেন, আমার এমন কোন জ্ঞান নাই, যাহার দ্বারা আপনার কিঞ্চিৎ সাহায্য হয়, নচেৎ আমি প্লাথাজ্ঞানে আপনার আজ্ঞা পালনে প্রস্তুত আছি।

ভূ। আমি কতবার বলিব—আমার মৌখিক লৌকিকতার ব্যয় গিয়াছে। ৩০৪ ঘণ্টার আলাপ। নিতান্ত অল্প নহে। এক ব্যক্তির মানসিক প্রবণতার আভাষ পাইবার উহা যথেষ্ট সময়।

সন্ধ্যার প্রাক্কালে আকাশের বিচিত্র শোভা ভাগীরথী বক্ষে উদ্ভাসিত হইতেছিল। কূলে কূলে পরিপূর্ণা ভাগীরথী সন্ধ্যারাগ সহকারে কক্ষমগ্ন গগন ছবি আনন্দে নাচাইতেছিল। মুহুমন্দ সন্ধ্যা সমীরণে পুলকিত ও মুহুমুখরিত। আমি প্রসঙ্গান্তর করিবার জন্ত জিজ্ঞাসা করিলাম, “এ সময়টা আপনার কেমন বোধ হয়।”

ভূদেব বাবু আমার মনোভাব বুঝিতে পারিয়া সহাস্ত্রে বলিলেন “খুবই

ভাল। অন্তর্জগৎ ও বাহ্যজগতে অলক্ষ্যে পরিবর্তন আনিয়া দেয়,—ঐ শুন, গঙ্গাবক্ষে নৌকাখানি স্রোতোধীনে ছাড়িয়া ধীরে ধীরে সময়োচিত ভাষায় আপনাকে ধিক্কার দিতেছে। এই সময়টিই উহার হৃদয়ে ঐ ভাবটি আনিয়াছে। দিন অন্তে পরিশ্রমের পরিসমাপ্তির সুন্দর মনোজ্ঞস্কুরণ! যেন দূর সমাগত পরিশ্রান্ত তরঙ্গ বিরামের উপকূল খুঁজিতেছে!

বাস্তবিকই ধীরে গাইতেছে; “এমন মানব জনম পেয়ে রৈলি ভুলে” কিছুক্ষণ উভয়েই নীরবে সেই গীতটি শুনিলাম। ভূদেব বাবু যেন সতৃষ্ণ হৃদয়ে তাহা উপভোগ করিতেছিলেন। নৌকা ক্রমে দৃষ্টি-বহিভূত হইল। তখন আমার দিকে ফিরিয়া ভূদেব বাবু হঠাৎ বলিলেন “তুমি রামকৃষ্ণ পরমহংসকে দেখিয়াছ?”

আমি বলিলাম “হাঁ, বহুবার সে মৌভাগ্য আমার ঘটিয়াছে।”

ভূ। শুনিয়াছি, তিনি তাদৃশ লেখা পড়া জানিতেন না, কিন্তু তাঁহার উপদেশগুলি খুবই সময়োচিত ও পাকা, যুক্তিও কন্ম মজবুৎ নয়।

আমি বলিলাম “তাই তাঁহার সেবক বা শিষ্যেরা তাঁহাকে অবতার বলেন ও “ভগবান রামকৃষ্ণদেব” বলিয়া থাকেন।”

ভূ। শিষ্যের কাছে গুরুতর মাত্রের পূজ্য, তা ছাড়া Hero worship সর্বত্রই সকল সময়ে আছে এবং থাকা উচিত। তিনি যে একজন extraordinary man (অসাধারণ লোক) ছিলেন, তাহাতে সন্দেহ নাই। তিনি দেশের অনেক মঙ্গল করিয়া গিয়াছেন, অনেক বিষয় নূতন করিয়া শুনাইয়াছেন। তাঁহার উপদেশগুলি ভাষান্তর হওয়া আবশ্যিক।

আমি বলিলাম “বোধ হয় ইংরাজিতে কতক কতক ভাষান্তরিত হইয়াছে।”

ভূ। তুমি তাঁহার বিষয়ে সংবাদ রাখ দেখিতেছি; রাখিবারই ত কথা তুমি ত তাঁহার বা তিনিও তোমার প্রতিবেশী ছিলেন বলিলে হয়।

আমি বলিলাম “গেঁয়ো যোগী ভিক্ পায় না”। দ্বিতীয়তঃ দীপের নীচে বা নিকটে অন্ধকার থাকা অস্বাভাবিক নহে।

ভূ। তাহা হইলেও তাঁহার সম্বন্ধে তোমার কিরূপ মত তাহা শুনিতে ইচ্ছা করি।

আমি বলিলাম “আপনি আমাকে বড়ই কঠিন আজ্ঞা করিতেছেন। আমি স্বয়ং ধর্ম বিষয়ে সবিশেষ অজ্ঞ, তাহাতে যাহাকে অবতার বলিয়া অনেকের ধারণা, তাঁহার সম্বন্ধে মতামত প্রকাশ আমার মত মূর্খ জনের

ধৃষ্টতা মাত্র। আমি নিজে যাহা দেখিয়াছি ও স্বকর্ণে শুনিয়া আমার বাহ্য ধারণা হইয়াছে, তাহাও প্রকাশ করিতে সঙ্কোচ বোধ করি।

ভূ। কেন ?

আমি বলিলাম,—যাঁহার কথা হইতেছে, যিনি শুনিতেছেন ও যিনি বলিতেছেন, এ তিনের মধ্যে বক্তা সর্ব বিষয়ে কনিষ্ঠ। বিষয়, বয়স ও শ্রোতা অনুসারে কথা কহিতে না পারিলে তাহা বিসদৃশ হইয়া পড়ে ও কেমন কেমন শুনায়। দ্বিতীয় আশঙ্কা আজ কাল সাম্প্রদায়িকতা এত অধিক যে কথা কহিলেই বিরুদ্ধ ভাব প্রকাশ পায়। অথচ ধর্ম সম্বন্ধীয় বিষয়ে তর্কের সামর্থ্যও আমার নাই,—কি জানি কেন অভিরুচিও হয় না; বোধ হয় তাহা অনভিজ্ঞতার পরিচায়ক।

ভূ। তুমি যেরূপ গুরুতর ভাবে লইতেছ, আমি সেরূপ গুরুতর ভাবে তোমাকে জিজ্ঞাসা করি নাই; কেবল তোমার রামকৃষ্ণ পরমহংস সম্বন্ধে কিরূপ ধারণা বা বিশ্বাস, তাহাই জানিতে কৌতূহলী হইয়াছি। ইহা অবকাশরঞ্জন কথোপকথন মাত্র, ইহাতে গান্ধীর্যের কিছু নাই।

এই কথা বলিয়া মৃদু হাস্য করিলেন। আমি বলিলাম “ছুঃখের বিষয়, আমি বড়ই অভাগা, পরমহংস মহাশয়ের নিকট গতিবিধি ইচ্ছানুরূপ ঘটয়া উঠে নাই। মধ্যে মধ্যে যাহা ঘটয়াছে, তাহা প্রায়ই অবকাশ অতিবাহিত করা মাত্র। এখন অনুতাপ হয়, সময়ের আদৌ সদ্যবহার করি নাই বা তখন তাহা বৃষ্টিতাম না। আমি তাঁহার নিকট যাইতাম মাত্র, কেন যাইতাম তাহার বিশিষ্ট উত্তর কিছুই নাই। ভাল লাগিত বলিয়া যাইতাম, তাঁহার নিকটে ক্ষণকাল আরাম পাইতাম, তাই যাইতাম, কিস্বা তাঁহার সকলের সহিতই তাহাদের সমবয়সী হইয়া সরল আলাপের শক্তি ও আকর্ষণ ছিল বলিয়া যাইতাম। সে আরামে প্রত্যাশার মুখাপেক্ষা ছিল বলিয়া বোধ হয় না। তিনিও আমাকে পাইয়া আনন্দিত হইতেন, আমিও তাঁহাকে পাইয়া আনন্দিত হইতাম; তিনিও হাসিয়া কথা কহিতেন, আমিও হাসিয়া কথা কহিতাম, এই মাত্র। তত্ত্বজিজ্ঞাসু হইয়া গিয়াছি বলিয়া ত স্মরণ হয় না।

শনি রবিবার বা কোন অবকাশের দিন কলিকাতাস্থ ও অন্যান্য স্থানের অনেক ধনী, জ্ঞানী ও ভদ্র সজ্জনের সমাগম হইত। কেহ ব্রহ্ম জিজ্ঞাসা, কেহ তত্ত্ব জিজ্ঞাসা লইয়া বাস্তু হইতেন। কাহাকে দেখিয়া বোধ হইত প্রশ্ন মধ্যে পরীক্ষার প্লাকোপ বিলক্ষণ বর্তমান। কোন কোন জ্ঞানাভিমানীকে

ফিরিবার সময় বলিতে শুনিয়াছি “ও সব জানা কথা, নূতন কিছুই নাই।” কেহ কেহ তাঁহার মুখনিঃসৃত উপদেশগুলি শুনিতে শুনিতে আত্মহারা হইয়া অশ্রুবর্ষণ করিতেন। কেহ বা খাট হইবার ভয়ে বাহিরে আসিয়া উপহাস করিয়া বড় হইয়া যাইতেন। কাহাকে কাহাকে অনুগ্রহ করিয়া বলিতে শুনিয়াছি “লোকটার সামান্য কিছু কিছু দর্শন আছে, লেখা পড়া কিছু নাই।”

তাঁহার কিন্তু সকলের প্রতি সর্ব সময়ে সমান ভাব থাকিত, কখন affectation বা তাহার লেশ মাত্র দেখি নাই; সেই প্রশান্ত বদন, সরল বিনয়, শিশুসুলভ হাসি, সেই সহজ মধুর উত্তর, প্রাণ আরাম উপদেশ, ভক্তিবিহ্বল বিস্মৃতি, প্রেমমগ্ন আত্মহারা সমাধি! সেই অনন্ত প্রসারণো-মুখ ভাব, তাদাত্ম্য ও তন্ময়তা!

ভূদেব বাবু সহাস্তে বলিলেন “ধরা পড়িবার ভয়ে এত ভূমিকা করিতে-ছিলে! আমার বড়ই ভাল লাগিতেছে। শুনিয়াছি বহু কৃতবিদ্য স্বনাম-খ্যাত সজ্জন তাঁহার নিকট গতিবিধি রাখিতেন। তাঁহাদের কিরূপ ভাব দেখিয়াছ?”

আমি বলিলাম “সে কথা ত পূর্বেই বলিয়াছি; কেহ কেহ তৃষ্ণা নিবার-গার্থ, কেহবা কৌতূহল চরিতার্থ করিতে আসিতেন। প্রশ্ন, বিচার ও বড় বড় quotation ও reference শুনিয়া, তাঁহারা যে আধুনিক সময়ের অগ্রণী তাহাতে আর সন্দেহ থাকিত না; কিন্তু পরমহংস মহাশয়ের সম্মুখে সকলকেই মলিন দেখিয়াছি। প্রখ্যাত প্রতিভাপন্ন কেশবচন্দ্র সেনকেও হীনপ্রভ দেখিয়াছি। কেশব বাবু, বিজয়কৃষ্ণ গোস্বামী প্রভৃতি প্রথিতনামা মনিষীগণ শিক্ষকের নিকট ছাত্রের মত অবনতমস্তকে বসিয়া সেই প্রায়-নিরক্ষর পণ্ডিতকে আচার্য্য জ্ঞানে তাঁহার সহজ ও সরল কথাগুলি নিবিষ্টচিত্তে শ্রবণ করিয়া অবাক হইতেন, কখন বিরক্তির সামর্থ্য দেখি নাই। তিনি জেদ্ করিয়া কেশব বাবুর নিকট কিছু শুনিতে চাহিলে, কেশব বাবু হাতজোড় করিয়া বলিতেন “মার্জ্জনা করুন, কামার বাড়ীতে ছুঁচ্ বিক্রী কি শোভা পায়!” বরং স্বাগত শূণ্ণগর্ভ সভ্যকে কখন কখন অগ্রসর হইয়া শব্দ করিতে শুনিয়াছি, কিন্তু প্রকৃত ধনী কখন বাঙনিষ্পত্তি করিতে সাহসী হন নাই। তাঁহারা কেহ নিকীক, কেহ অশ্রুসিক্ত, কেহ বিক্রীত ও পদানত হইয়া গৃহে প্রত্যাবর্তন করিতেন।

ভূ। যে লোকের এরূপ অলৌকিক শক্তি, তিনি বাস্তবিকই পূজ্য।

বিশেষতঃ প্রকৃত ধর্মবীরের নিকট আমরা যে বস্তু পাই, অশ্রুত তাহা পাই নাই, পাওয়া সম্ভবও নহে। ইন্দ্রিয়গ্রাহ্য বস্তুতে যখন আর আকাঙ্ক্ষা মিটে না, তখন মানুষের অবস্থা বড়ই অসুখের ও অশান্তির হইয়া দাঁড়াইতে পারে। সে বড়ক্ষমা মন্থী ধর্মবীর ভিন্ন আর কেহ মিটাইতে পারে না; তিনি তাহার হতাশার দারুণ অবসাদ দূর করিয়া শান্তির শীতল ছায়া দেখাইয়া দেন। এ সামর্থ্য ঐহিক ঐশ্বর্যের নাই। পূর্বতন অভীশ্রয় ঋষিগণের কারণেই সর্বথা পূজ্য ও শ্রয়্য হইয়া গিয়াছেন ও থাকিবেন।

“সে যাহা হউক, তোমাদের নিকট যেরূপ শূনি তাহাতে আশ্চর্য হইয়া থাকিতে পারি না। যিনি পরমার্থ সম্বন্ধে প্রকৃত তত্ত্ব-পিপাসুর পিপাসা মিটাইতে পারেন, তাহার আসন অনেক উচে। বাস্তবিকই তোমরা তাহা হইলে, তাহার সংসর্গে থাকিয়াই ধন্য হইয়াছ!”

আমি বলিলাম “আমিত পূর্বেই আপনাকে সে আভাষ দিয়াছি। আমি যাইতাম ভাললাগিত বলিয়া, কিছু শিখিব বলিয়া বাই নাই, লাভ লাভ একদিনও ভাবি নাই। আপনি ইচ্ছা ও আগ্রহ সহকারে শূনি চাহিলেন, তাই আমার নিজের যেরূপ জ্ঞান সেই মত বলিলাম। আর একটা কথা না বলিয়া প্রসঙ্গ সমাপ্ত করিতে পারিতেছি না। আমার রাশিটা কিরূপ বলিতে পারি না—বাল্যকাল হইতে সাধু ফকিরের গায়ে পাইলে একবার সাক্ষাৎ না করিলে ক্ষুণ্ণিত হইত না; ফলে, অল্পাধিক উদাসী সন্ন্যাসীর শুভ সঙ্গও ঘটয়াছে বলায় অশ্রায় না হয়ত বলিতে পারি। আমার নিকট তাহার সকলেই উত্তম ও পূজ্য, তথাপি সাক্ষাৎ পরমহংস মত একটাও দেখি নাই। উলঙ্গ, উর্দ্ধবাহু, নিরুদ্ধাম, নিরবলম্ব, পরমার্থ নির্ভর যোগী দেখিয়াছি, কিন্তু তেমনটী দেখি নাই; সে তৃপ্তি, সে সুখ পাই নাই। তত্ত্বপথের পথিকগণ বাহ্য খুঁজিতেন, তাহাতে তাহা পাইতেন। তদ্যতীত তাহার দ্বার অব্যাহত, তাহার রত্নাগার সকলের জন্তই সমান উন্মুক্ত;—এটা অশ্রুত পাওয়া সুকঠিন। সকলের কথা বলি না, সে ধৃষ্টতা রাখি না, তবে সচরাচর যাহা দেখা যায়, প্রায়ই যত নামী সাধু তত নিঃস্বপ্ন নীরবতা ও সূব্যবস্থার আঙ্গ-গোপন। তা ছাড়া অনেক স্থানে সাম্প্রদায়িকতার তীব্রতা সমস্ত মৌল্যবাহুকে মলিন করিয়া রাখিয়াছে”।

ভূদেব বাবু মহাস্যে বলিলেন “তুমি আমাকে ক্রমশঃ মন্ত্রমুগ্ধ করিয়া ফেলিতেছ, এ সম্বন্ধে আমার অনেক শূনিবার ও বলিবার রহিল; এখন এদিক

আমরা কিছু জলযোগ করি” এই বলিয়া আমাকে বাটা লইয়া গিয়া ব্রাহ্মণের আশান্তিরিত্ত সংকার করিলেন। সে সময়ের কথা বার্তা ও হস্ত পরিহাস শুনিলে কেহই বুঝিতে পারিতেন না যে আমি তাহার নিকট কএক ঘণ্টা মাত্র পরিচিত।

কি উদ্যান, কি বাটী, কি গৃহ সজ্জা, সর্বত্রই একটা সুশৃঙ্খল সামঞ্জস্য ও নীতিও সূক্ষ্মতার সুন্দর বিকাশ দেখিলাম। ট্রেনের সময় সমাগত দেখিয়া বিদায় প্রার্থনা করিলে বলিলেন “কি করিয়া থাকিতে বলিব—বাড়ীতে বলিয়া আস নাই। এতক্ষণ বড় আনন্দে ছিলাম।” আমি বলিলাম “আপনার এ স্নেহ ও ভালবাসা ছিন্ন করিয়া যাইতে আমার বাস্তবিকই কষ্ট বোধ হইতেছে, কিন্তু মা বোধ হয় আমার অপেক্ষায় এতক্ষণ বহির্বাটীতে আসিয়া দাঁড়াইয়াছেন ও তুলনী মঞ্চের সম্মুখে ভূমিষ্ট হইয়া আমার কুণল প্রার্থনা করিতেছেন; পারাপারের পথে পাঠাইয়া তাহার এক দণ্ড দৈর্ঘ্য থাকে না।”

আমার কথা সঙ্গ না হইতেই ভূদেব বাবু ভৃত্যকে গাড়ী আনিতে বলিলেন ও আমাকে সঙ্গে করিয়া ট্রেনে তুলিয়া দিয়া গেলেন। পথে যে কথাগুলি হইয়াছিল, তাহা সম্পূর্ণই মাতৃস্নেহ সম্বন্ধে। তিনি বালকের তায় তাহার স্বর্গীয়া মাতার কথা বলিতে বলিতে চক্ষের জল ফেলিলেন ও বলিলেন “ইহ জগতের দেবী, পর জগতের কি তা জানি না,—যদি সেখানেও তাহাকে মা বলিয়া ডাকিতে পাই—“এই বলিয়া একটু অশ্রুমনস্ক হইলেন; পরে ট্রেন ছাড়িবার সময় বলিলেন “তোমাকে পাইয়া আজ আমার সময় অতি আনন্দে কাটিয়াছে, অবসর পাইলেই কষ্ট স্বীকার করিও, এ কষ্ট অধিক দিন দিব না।”

কথা শেষ না হইতেই ট্রেন ছাড়িয়া দিল, আমি নমস্কার করিলাম, কিন্তু “এ কষ্ট অধিক দিন দিব না” এই কথাগুলি আমার প্রাণে আঘাত করিল। কষ্টে আত্ম সম্বরণ করিয়া ভাবিতে লাগিলাম “কি মহৎ চরিত্রই দেখিলাম, কিন্তু বিদায়ের শেষ কথাগুলির মন্থোদ্ধার অতৃপ্ত রহিল।”

শ্রীকৈদারনাথ বন্দ্যোপাধ্যায় ।

## চণ্ডীদাসের অপ্রকাশিত পদ ।

নৌকাখণ্ড ।

রাগ করুণা ।

দেখিয়া যমুনা নদীর তরঙ্গ  
উঠিছে দারুণ ফেণা ।  
দেখিয়া নাগরী সকল গোয়ালী  
লাগিল বিস্ময়পনা ॥  
কেমনে এ নদী যমুনা পেরাব  
মোর মনে হেন লয় ।  
তরঙ্গ অপার বহিছে ছুধার  
হইছে সবার ভয় ॥  
কোন গোপী বলে কোন গোয়ালিনী  
এ বড়ি বিষম দেখি ।  
ইহার উপায় কি বুদ্ধি করিব  
বলহ সকল সখি ॥  
কোন বা সাহসে যদি জলে নামি  
ডুবিয়া মরিব তবে ।  
ওপার হইলে তবে সে যাইবে  
নহে বা কি আর হবে ॥  
কিসে পার হব না জানি সাঁতার  
কেমনে যাইব পার ।  
\* \* \*  
বড়াই কহিছে রহি রাধা পাশে  
শুনগো আমার বাণী ।  
কান্নুর চরণে বিনতি করহ  
পার করে গুণমণি ॥  
চণ্ডীদাস দেখি যমুনা তরঙ্গ  
ইহার উপরে কোই ।

এই দরিয়াতে আনের শক্তি  
নাহিক কালিয়া বই ॥  
বড়ারি রাগ ।  
হেদেহে নাগর চতুর শেখর  
সবারে করিবে পার ।  
যাহা চাহ দিব ওপার হইলে  
তোমার শুধিব ধার ॥  
মনে না ভাবিহ, তোমার মজুরী  
যে হয় উচিত দিয়ে ।  
তবে সে গোপিনী যত গোয়ালিনী  
যাবত ওপার হয়ে ॥  
হাসি কহে কান্ন করে লয়ে বেণু  
শুনহ স্তন্দরী রাধা ।  
তোমা পার করি দিতে সে আমার  
তিলেক নাহিক বাধা ॥  
তবে করি পার ওপারে রাখিব  
শুন গোয়ালিনী যত ।  
ও পার হইলে কত দান দিবে  
লইব সবার মত ॥  
বুটি কহে তাথে কিবা নিতে চাহ  
কহনা বেকত করি ।  
তাহাই করিব যাহা চাহ দিব  
শুনহ পরাণ হরি ॥  
চণ্ডীদাস বলে নাগর চতুর  
শুন রসময় কান ।  
রাধা পার কর বিলম্ব না কর  
তাহাতে নাহিক আন ॥

## বৈজ্ঞানিকের ভুল।

আমরা বৈজ্ঞানিক যুগের লোক,—বিজ্ঞানভক্ত। বিজ্ঞানের মর্ম্ম বা আর না বুঝি, বিজ্ঞান নামটী আমাদের নিকট বড় মিষ্ট লাগে। কি গাভী ভরা মধুমাথা নাম! বাস্তবিক যখন নিবিষ্ট মনে বিজ্ঞান মাহারা কাম করি;—বাস্পীয় যান, টেলিগ্রাফ, বৈদ্যুতিক আলো প্রভৃতি বিজ্ঞানের জীবন্ত কীর্ত্তিগুলির প্রতি যখন দৃষ্টি আকৃষ্ট হয়; যখন ভাবি যে আমরা মাহারা বাহা হইয়াছি, বিজ্ঞান ব্যতীত কখনই তাহা হইতে পারিতাম না; যখন যে জ্ঞানালোকে স্বাধীনতার বিস্তৃত প্রান্তরে বিচরণ করিতেছি, তৎপরিণামে অন্ধ বিশ্বাসের অন্ধকূপে পড়িয়া পচিতে থাকিতাম;—তখন আমাদের মনে মঙ্গল-বিধাতা বিজ্ঞান দেবের প্রতি প্রবল ভক্তিতে হৃদয় আর্দ্র হয়, কৃতজ্ঞতা প্রাণ ভরিয়া যায়, আর হৃদয়ের প্রবল আবেগে ভাব লাগিয়া চলিয়া পড়ি।

কিন্তু হায়! মানুষের আশা অপরিমিত, আকাঙ্ক্ষা কিছুতেই মিটে না। একটী বাসনার পরিতৃপ্ত ঘটিলে, অগ্ৰ একটী আশিয়া তাহার স্থান অধিকার করে। মানুষকে স্থির হইতে দেয় না, বিজ্ঞানের নিকট এত যে পাইয়াছি তথাপি প্রাণের গভীর তৃষ্ণা মিটিল না; যেন মনে হয় আরো কিছু পাইবার বাকী আছে; সেইটী যেন না পাইলে, যাহা পাইয়াছি এবং যাহা পাইবার আশা আছে, ও সকলই বৃথা হইয়া যায়। বর্তমানে বিজ্ঞানের গতি ও প্রগতি অনুধাবন করিয়া অনেক সময় নিরাশার প্রাণ অবসন্ন হইয়া পড়ে; কেমন একটা অজ্ঞাত আশঙ্কা আশিয়া হৃদয়ে আঘাত করে। তখন বিজ্ঞানের দৃঢ় ভিত্তির উপর সংস্থাপিত বিশ্বাসের অটল সিংহাসন কাঁপিয়া উঠে; সন্দেহ হয় বুঝি বিজ্ঞান আমাদের আশা মিটাইতে পারিল না; বুঝি বিজ্ঞান ঐচ্ছিক পথ ধরিতে পারে নাই। বিংশ শতাব্দীর মধ্যেই যেন বিজ্ঞানকে হত্যা হইয়া বেকন-প্রদৃষ্ট পথ হইতে ফিরিয়া আসিতে হইবে।

মানুষ অনন্তের অংশ; এই নিমিত্তই মানুষের আশা অনন্ত, আকাঙ্ক্ষা অনন্ত, সুখাশেষণ অনন্ত,—মানব প্রকৃতি অনন্তমুখী। পৃথিবীস্থ অগ্ৰ জীবের সহিত আমাদের পার্থক্য এই যে আমরা বর্তমানকে উপেক্ষা করিয়া ভবিষ্যতের দিকে ধাবিত হই। মানব মন নিরন্তর বহু আশাপলক ক্রেতৃত্বের পদার্থকে পশ্চাতে ফেলিয়া, লোভনীর অজ্ঞাত রাজ্যের প্রতি কোন দৈববলে আকৃষ্ট হইতেছে। এই আকর্ষণের কেন্দ্র কোথায়, তাহা জানিতে না পারি।

আমাদের এই অনন্ত পিপাসা মিটিবার সম্ভাবনা নাই। কিন্তু বিজ্ঞান কি তাহার তত্ত্ব বলিয়া দিতে পারে? বিজ্ঞানের পদতলে বসিয়া যিনি মানব প্রকৃতির প্রহেলিকা ভেদ করিবার যত্ন করিয়াছেন, তাঁহাকেই ব্রাহ্মণ্যধর্ম্মবঞ্চিত শাক্যসিংহের ত্যায় হতাশ হইয়া প্রত্যাভর্তন করিতে হইয়াছে।

কিন্তু মানব-প্রকৃতিতে যদি কেবল জ্ঞান পিপাসাই অনন্ত হইত, তবে হৃদয় মূহুর্ত্তের জন্ত আশা করিতে পারিতাম যে বিজ্ঞান কর্তৃক একদিন তাহা চরিতার্থ হইতে পারিবে। অন্তর্দৃষ্টি প্রতিফলন আমাদের কাছে বলিয়া দিতেছে, মানুষের জ্ঞান পিপাসা অপেক্ষা প্রেমাকাঙ্ক্ষা ও পুণ্যস্পৃহা প্রবলতর না হইলেও কোন অংশে নূন নহে। একটু নিবিষ্টমনে চিন্তা করিলে স্পষ্টই প্রতীয়মান হইবে যে, এই বিশ্ব ব্রহ্মাণ্ডকে প্রেমের জলে দ্রব করিয়া আপনার তাপদগ্ধ শরীরে স্নিগ্ধ প্রলেপ দিবার একটা প্রচ্ছন্ন বাসনা, মানব প্রকৃতিতে নিহিত আছে। মানবাত্মায় স্বার্থপরতার সহিত পরহিতৈষণা, পাপপ্রবৃত্তির সহিত পুণ্যাকাঙ্ক্ষা, মিশিয়া আছে। মানব যত প্রকার কর্ম্মের অনুষ্ঠান করে, প্রেম তাহার প্রবর্তক। আমাদের সমুদয় কর্ম্মের মূলেই কোন প্রকার প্রিয়বস্তুর আসক্ত-লিপ্সা বিদ্যমান। মানবের বশঃস্পৃহার অভ্যন্তরেও পরকে আপন করিবার, বিপক্ষকে স্বপক্ষ করিবার, একটা মূহু অথচ স্থায়ী বাসনা সর্বক্ষণ লুক্কায়িত আছে। শুধু জ্ঞান সংগ্রহ বাহার জীবনের লক্ষ্য, তিনিও আপনার প্রিয়জনের প্রশংসমান হাত, অথবা অর্থবৃত্ত কটাক্ষকেই স্বকৃত পরিশ্রমের সর্বোৎকৃষ্ট পুরস্কার মনে করেন। আর হৃদয়ের প্রেমদ্বার একবার উদ্বাচিত হইলে, যদি সমগ্র বিশ্বদংসারকে তাহার মধ্যে পুড়িয়া রাখ, তথাপি তৃপ্ত হইবে না। তাহার কারণ এই, মানবের জ্ঞান-তৃষ্ণার ত্যায় প্রেমতৃষ্ণাও অসীম এবং অনন্তমুখী। চিন্তা করিলে দেখা যাইবে, মানবের পুণ্যতৃষ্ণাও তদ্রূপ।

মানবাত্মার এই সকল লক্ষণ দেখিয়া বোধ হয়, আমাদের প্রকৃতির অন্তস্থলে এমন কোন একটী নিত্যবস্তু আছে, যাহা এই মরজগতের অনিত্যতার উপাসনার তৃপ্তিলাভ করিতে পারে না; অনুরূপ শাস্ত্রত বস্তুর অনুসন্ধান উদ্ভ্রান্তভাবে ঘুরিয়া বেড়ায়। জীবনের কঙ্কণবায়ুতে শত শত আশা-বৃক্ষ ছিন্নমূল হইয়া ভূমিসাৎ হইলেও, মানবাত্মা যেন কোন অপরিচিত আপনার জন্মের অনুসন্ধান বিবর্ত হয় না। এই ক্ষেত্রে আশা অনন্ত।

আত্মোন্নতি বিষয়ে বিশ্বাসের অটলতা এবং আশার অক্লান্ত্য মানব প্রকৃতির একটা গুঢ় রহস্যময় বিশেষত্ব বটে।

মানব প্রকৃতির এই সকল রহস্যভেদ প্রচলিত প্রণালীতে পরিচালিত বিজ্ঞানের করণীয় নহে। মানুষের মনুষ্যত্ব ইয়ুরোপীয় বিজ্ঞানের বিষয়ীভূত হয় নাই। প্রকৃতির রহস্যভেদ করিতে যাইয়া, বিজ্ঞান কেবল জড়পদার্থই চিনিয়াছেন; যে প্রজ্ঞাবলে তিনি জড়পদার্থগত নূতন নূতন আবিষ্ক্রিয়া গুলি সম্পন্ন করিতে সমর্থ হন, তাহাকে তাঁহার অনুসন্ধিৎসার রাজ্য হইতে বহিস্কৃত করিয়া দিয়াছেন। মানব প্রকৃতি নিহিত প্রেমতৃষ্ণা, পুণ্যাকাঙ্ক্ষা, অক্লান্ত আশা প্রভৃতি রহস্যময় বিষয়ে প্রশ্ন উঠিলে, উনবিংশ শতাব্দীর বৈজ্ঞানিক, বিজ্ঞতার হাসি হাসিয়া বলেন,—“এ সকল কিছু নহে; এ সব জড়পদার্থের গুণমাত্র। মানব-দেহস্থিত স্নায়ুগুণের উপর বিবিধ শক্তির ক্রিয়াদ্বারা মস্তিষ্কস্থিত দ্রব পদার্থমধ্যে যে পরিবর্তন সংঘটিত হইয়া থাকে, তাহারই ফলে এ সকল মানসিক অবস্থা উৎপন্ন হয়। বস্তুতঃ শক্তি-প্রণোদিত জড়ের গতি এবং মানসিক অবস্থা বিশেষ প্রকৃতিতে ভিন্ন নহে।”

বিজ্ঞানের এই বিষয় আমাদিগের সর্বনাশ করিতে উদ্যত হইয়াছে। আমরা মানব প্রকৃতির উচ্চাংশকে তুচ্ছ করিতে শিখিয়া দিন দিন পশুবৃত্ত হইয়া পড়িতেছি। প্রেম ও পুণ্য আজকাল বাক্যমাত্রে পর্য্যবসিত হইতে চলিয়াছে। আমরা প্রেম ও পুণ্যের ভাগ করিয়া থাকি; প্রকৃত অবিকৃত ভাব সাধারণ সমাজ হইতে ধীরে ধীরে অন্তর্দান করিতেছে। কালমাহাত্ম্যে হৃদয় শুষ্ক ও নীরস হইয়া পড়িতেছে। কোনও শুভ মুহূর্ত্তে এই নীরসতা অনুভব করিলে, আমাদের মধ্যে অনেকেই কবির কণ্ঠে কণ্ঠ মিলাইয়া, প্রাণের গভীরতম প্রদেশ হইতে প্রতিধ্বনি তুলিয়া বলিতে পারেন,—

“চাইনা সভ্যতা, চাষা হয়ে থাকি,

দেও ধর্ম্মধন প্রাণে পূরে রাখি।

হায় জন্মভূমি! পুণ্যভূমি তুমি,

দেও পুণ্যবারি, দন্ধ প্রাণে মাখি।

তুমি যার তরে, খাত এ সংসারে,

আন সে বিশ্বাস, তাই লয়ে থাকি।”

আমাদের এই ছুরবস্থার নিমিত্ত বিজ্ঞানই প্রধানতঃ দায়ী। বিজ্ঞান-চর্চা মানবস্বার্থবিবর্জিত হওয়াতে এই কুফল অবশ্যস্বাভাবী হইয়াছে।

অতর্জগতে মহানুভূতি সর্বময়্য দ্রাবকের কার্য্য করিয়া থাকে। যেমন আহাৰ্য্য বস্তু জিহ্বাস্থিত লালিতে গলিয়া, পাকস্থলীতে প্রবেশ করিলে, শরীরের পুষ্টিসাধনে সমর্থ হয়, তদ্রূপ মনের আহাৰ্য্যজ্ঞান, মহানুভূতি প্রভাবে দ্রব হইয়া অন্তঃরাজ্যে প্রবেশ করিলেই তদ্বারা মানসিক উন্নতি সম্ভাবিত হয়; অন্তথা নহে। বিজ্ঞানের জ্ঞানানুশীলনে মহানুভূতির অভাব সর্বত্র লক্ষিত হয়। একটী লতা কি বৃক্ষপত্র লইয়া কোন উদ্ভিদতত্ত্ববিৎ পণ্ডিতের নিকট উপস্থিত হইয়া জিজ্ঞাসা কর, “মহাশয়, আপনি ইহার সম্বন্ধে কি জানেন?” তিনি তখন প্রদর্শিত বস্তুটির অবয়ব, গঠনপ্রণালী, উপাদান, উপাদানের পরিমাণ, ইত্যাদি বিষয়ে দীর্ঘ বক্তৃতা করিয়া তোমাকে ব্যতিব্যস্ত করিয়া তুলিবেন। কিন্তু মানুষের উপর ইহার গুণ সম্বন্ধে যদি প্রশ্ন কর, তবে তিনি এইমাত্র বলিবেন, “আমরা তাহার অনুসন্ধান করি না”; আর একটু মূহ মধুর হাসিবেন; তাহার অর্থ এই—লোকটা কি মূর্খ! গুণের বিচার যে উদ্ভিদতত্ত্বের বিষয় নহে, তাহা পর্য্যন্ত জানেনা।” তিনি বুঝিতে পারেন না যে, কোন বিষয়ে মানুষ আপনাকে জড়িত করিতে না পারিলে, তৎপ্রতি তাহার মহানুভূতি উদ্ভিক্ত হয় না, এবং মহানুভূতির অভাবে সকল প্রকার জ্ঞানই শুষ্ক ও প্রাণহীন হইয়া পড়ে। প্রাণিতত্ত্ববিৎ তাঁহার জীবগুলিকে রাসায়নিক প্রক্রিয়া দ্বারা খণ্ড খণ্ড করিয়া, কেবল কতকগুলি পরিমাপ ও পরিমাণের সমষ্টিরূপে জগতের সম্মুখে উপস্থিত করেন। মূহ নরদেহ পচিয়া যে সকল বায়বীয় ও অণুবিধ পদার্থে পরিণত হয়, তাহাদের সমষ্টিকে যেমন মানুষ বলা যায় না, তেমনই বৈজ্ঞানিকের জীব, সূক্ষ্ম গণিত শাস্ত্রের অনুপাতে পদার্থগত ভাবে মূলের সহিত অভিন্ন হইলেও, জীব নামের যোগ্য নহে। বৈজ্ঞানিকের মানুষই বা কেমন? অস্থি, চর্ম্ম, মেদ, স্নায়ু, ধমনী প্রভৃতির সমষ্টিকেই বিজ্ঞান মানুষ বলিয়া জানেন, ইহার অভ্যন্তরে আর কিছু আছে কিনা, তাহার অনুসন্ধান করেন না।

এইত বিজ্ঞান! ইহারই নামে প্রেমপুলকিত হইয়া আমরা মোহ যাই! ভাবিবার সময় হয় না যে বিজ্ঞান কেবল খণ্ড-জ্ঞানের উপাসক; খণ্ড-জ্ঞানে মানবাত্মার অনন্ত পিপাসার শান্তি হইতে পারে না। সমগ্র বিজ্ঞান-জগৎ ক্ষুদ্র ক্ষুদ্র রাজ্যে বিভক্ত; খণ্ড-রাজ্যের সামঞ্জস্য সম্পাদক বিজ্ঞানের কোন সাম্রাজ্য নাই। বৈজ্ঞানিক খণ্ড-রাজ্যের আবিষ্কার গুলির মধ্যে এক-

প্রাণতা নাই; তাহারা এ বাবৎ এক হুত্রে গ্রথিত হয় নাই। দর্শনশাস্ত্র (Metaphysics) আপনাকে বিজ্ঞানরাজ্যসমূহের সত্রাটপদে অবিস্তিত করিতে ব্যগ্র; কিন্তু বিজ্ঞানের ক্ষুদ্র বিভাগ সকল তাহার আধিপত্য অগ্রাহ্য করিয়া, আপনাদের স্বাধীনতা রক্ষা করিতেছেন। বিজ্ঞান চিরকালই ঋগ্বেদ-রাজ্যে বিভক্ত থাকিবে; কারণ, বিজ্ঞান-জ্ঞান-রশ্মিসমূহের কোন নির্দিষ্ট focus বা কেন্দ্র নাই। বিজ্ঞানের চক্ষে জড়ই সৃষ্টির একমাত্র উপাদান এবং শক্তি সমুদয় জাগতিক পরিবর্তনের মূল। বৈজ্ঞানিক এই বিশ্ব-রচায়ত্রী শক্তিকে জ্ঞান-বুদ্ধি-বিবর্জিত অন্ধ প্রবাহ মাত্র মনে করিয়া থাকেন। কিন্তু বিশ্ব-রচনা কৌশলময়ী; সৃষ্টিতত্ত্ব-নিহিত অসীম জ্ঞান ও প্রথরা বুদ্ধির শত শত উজ্জ্বল প্রমাণ, প্রকৃতি প্রত্যাহ মানবের সম্মুখে উপস্থিত করিতেছেন। অন্ধশক্তি কর্তৃক কৌশলময়ী সৃষ্টি কিরূপে সম্ভাবিত হইতে পারে? অনেকে মনে করেন, ডার্কিন সাহেব ক্রমবিকাশতত্ত্ব আবিষ্কার করিয়া এই প্রশ্নের সম্ভূতর প্রদান করিয়াছেন। কিন্তু ডার্কিনের মত পূর্ণাংশে সর্বত্র গৃহীত হয় নাই; বিশেষতঃ এখনও তাহা অপ্রমাণিত রহিয়াছে। অথচ জগতের মূলে দুইটি বিভিন্ন প্রকৃতির পৃথক সত্তা অবস্থিত, কি এই দুই সত্তার একটী অদ্বিতীয় মূল আছে, তাহাও অনুসন্ধানের যোগ্য। জ্ঞানগর্বে স্ফীতবক্ষ বৈজ্ঞানিকের তাহাতে ক্রক্ষেপ নাই; তিনি চিরাভ্যস্ত প্রথায় বৃক্ষ, লতা, ছাই, মাটির পরিমাপ ও পরিমাণ নিদ্বারণেই ব্যস্ত আছেন।

পশু, পক্ষী, কীট, কীটগু প্রভৃতি বহুবিধ বিজ্ঞান ব্যস্ত, কিন্তু মানুষ তাহার গবেষণার বিষয়ীভূত হয় না। অথচ বৈজ্ঞানিকও স্বীকার করিবেন যে, জগতের উপাদানভূত সকল বিষয়ই মানুষের মধ্যে নিহিত আছে। মানুষকে একাধারে সমগ্র জগৎ বলা যাইতে পারে। প্রকৃতির অগ্রাণ্ড অংশে বাহ্য আছে, মানুষে তাহা ও আরো কিছু আছে। বিশ্ব-প্রবাহ মানুষের ভিতর দিয়া ছুটিতেছে। স্থির দৃষ্টিতে অবলোকন করিলে সেই প্রবাহের সমগ্রভাগ মানবের মধ্যেই পরিদর্শন করা যাইতে পারে। প্রকৃতি-গ্রন্থের মানবীয় অধ্যায়ে অগ্রাণ্ড পরিচ্ছদের সার মর্ম সঙ্কলিত হইয়াছে। তথাপি মানব কেবল নির্ঘণ্ট পত্র মাত্র নহে; নির্ঘণ্টের সহিত তাহাতে অনেক নূতন তত্ত্বও সন্নিবিষ্ট হইয়াছে।

বৈজ্ঞানিকের প্রথম ভুল এই যে, তিনি কার্যতঃ মানুষকে নির্ঘণ্টপত্র মাত্র মনে করেন। প্রকৃতির এক একটী অধ্যায় লইয়া পৃথক পৃথক বিজ্ঞান

নের সৃষ্টি হইয়াছে। এই সকল বিভিন্ন বিজ্ঞানে যে তত্ত্ব সমূহ সমালোচিত হয়, তন্নিম্ন মানুষে অনুসন্ধানযোগ্য অতিরিক্ত কিছু আছে বলিয়া বিজ্ঞান কার্যতঃ স্বীকার করেন না। ফলতঃ বিজ্ঞানে মানুষের মনুষ্যত্ব স্বীকৃত হয় নাই। ইহাই বিজ্ঞানের ভুল। এই ভুলবশতঃ বিজ্ঞানের উদ্দেশ্য বিফল হইতেছে। আমরা জ্ঞানলাভের উদ্দেশ্যে অজ্ঞানে ডুবিতেছি; বিজ্ঞান আমাদের জ্ঞানহীন করিতেছে। মানবের পল্লবগ্রাহী জীবনের অন্তরালে যে স্থায়ী ও অসীম শক্তি সম্পন্ন কিছু আছে, যাহার বিকাশ হইলে মানব অতি প্রাকৃত ঘটনা সম্পাদনেও সমর্থ হইতে পারে, বিজ্ঞানের অতিরিক্ত কুপায় আমরা তাহার বিষয় আর একবার ভাবিয়াও দেখি না। আমরা মিরাকল বা দৈব ঘটনা মানি না, কুদৃষ্টির অশুভফল এবং স্নেহশীলের শুভাকাঙ্ক্ষার মঙ্গলজনক ফলে বিশ্বাস করি না; প্রাত্যহিক জীবনে বাহ্য ঘটতে দেখি, পূর্ণক্ষুণ্ট মানবচরিত্রে যে তদতিরিক্ত কোন মহতী শক্তি বিদ্যমান থাকিতে পারে, তাহা আমাদের সক্ষীর্ণ চিন্তার গণ্ডীর বহির্ভূত হইয়া পড়িয়াছে। বৈজ্ঞানিক অতি অশুভক্ষেণে “অন্ধ বিশ্বাস” শব্দটী ব্যবহার করিয়াছিলেন। শুধু এই বাক্যটী বহু পরিমাণে আমাদের সারগ্রাহিতা হরণ করিয়া লইয়াছে এবং সাধারণ লোকের চরিত্র ও চিন্তাশক্তির গভীরতা নষ্ট করিয়াছে। অনেকগুলি সামাজিক অশুভের নিমিত্তও এই শব্দটী দায়ী। অনেক গুঢ়তত্ত্বের মূল অনুসন্ধান না করিয়া, কেবল বিজ্ঞানভক্তির পরাকর্ষ্য প্রদর্শনের নিমিত্ত, তাহাতে অন্ধ বিশ্বাসের কলঙ্ক রেখা অঙ্কিত করিয়া আমরা মহা আফালন করিতেছি।

বস্তুতঃ আমরা এতই ক্ষুদ্রচেতা হইয়া পড়িয়াছি যে, মানুষকে আর মানুষরূপে ভাবিতে পারি না। আমাদের দৃষ্টি বহির্লুখী—বাহ্য বিষয়ের দ্বারা অন্তর্কিষয়ের পরিমাপ করিতে শিখিয়াছি। বালক পিতৃস্নেহের পরিমাণ করিতে হইলে আপনার পরিহিত কোটের প্রতি দৃষ্টিপাত করে; স্ত্রী, আপনার অলঙ্কার ভিন্ন অস্ত্র কিছুতে স্বামীর ভালবাসা দেখিতে পান না। কোনও ব্যক্তিবিশেষের বুদ্ধি বা মানসিক ক্ষমতার বিচার করিতে গেলে, তাহার গাড়ী, ঘোড়া, কোঠাবাড়ী আছে কি না, তাহাই আমরা সর্বপ্রথমে দেখিয়া থাকি। আধ্যাত্মিক পৌত্তলিকতাকে সিংহাসনচ্যুত করিয়া, বিজ্ঞান তাহার স্থানে এই জড় পৌত্তলিকতার প্রতিষ্ঠা করিয়াছেন। আমাদের পূর্বপুরুষগণ জড় মূর্তির সাহায্য মাত্র গ্রহণ করিয়া দেবত্বের আরাধনা



করিতেন, আমরা পার্থিব ঐশ্বর্যকেই দেবতার অধিক আরাধনা করিয়া থাকি। বৈজ্ঞানিক ব্যবসায়ের দাপ, একটি পরমাণুর নিমিত্ত বিশ্বসংসার পরিত্যাগ করিতে পারেন; তিনি দেহ লইয়া মন ভুলিয়াছেন, যাহা আছে, তাহাই দেখেন, কোথা হইতে আসিল, তাহার অনুসন্ধান করেন না। বিজ্ঞানে কারণাশ্বেষণ নাই; আছে কেবল দৃষ্ট বস্তুর পরিমাপ ও পরিমাণ, আর আছে বৈজ্ঞানিক ক্ষুদ্র জ্ঞানের অতীত গূঢ় বিষয়ের প্রতি প্রচ্ছন্ন বিজ্ঞপ কটাক্ষ! জীবন কি? চিন্তা কি? আমরা কি ও কে? এই সকল প্রশ্নের মীমাংসা না করিয়া, জীবনে আমাদের একপদও অগ্রসর হইবার উপায় নাই। মানবাত্মার পরিণাম কি, তাহা অবগত না হইলে, জীবনের কর্তব্যাকর্তব্য নির্ধারণ করা যাইতে পারে না। জীবন যদি কেবল জড়ের অবস্থা বিষয়ের গুণনাত্র হয়, তবে মৃত্যুর সঙ্গেই সকল শেষ হইয়া যাইবে, পরকালের ভাবনা ভাবিতে হইবে না; বর্তমান ইয়ুরোপীয়গণের ন্যায় পার্থিব ঐশ্বর্যের উপাসনায় সকলেই উন্মত্ত হইলে, বিশেষ ক্ষতি হইবার কথা নহে। বরং শারীরিক ও তজ্জনিত সুখোপভোগে আমরা নিরুদ্ধেগে সমুদয় সময় ব্যয় করিতে পারিব। কিন্তু জড় অর্থে বিজ্ঞান যাহা বুঝেন, তদতিরিক্ত কিছু যদি জীবন হয়, যদি মানবের চিন্তাব, জড় ও শক্তির সংঘর্ষপোদ্ভূত না হয়, তাহা হইলে ত মৃত্যুর সহিত জীবন শেষ হইবে না এবং পরকালের সহিত সম্বন্ধযুক্ত করিয়া জীবনের কর্তব্যাকর্তব্য নির্ধারণ করিতে হইবে। এই সন্দেহ মনে উদ্ভিত হইলে, কর্তব্যজিজ্ঞাসু মানবের নিকট বিজ্ঞানের মূল্য বড় অল্প হইয়া পড়ে; বিজ্ঞানের প্রয়োজনশূন্য জ্ঞানের বাহ্য শোভায় মুগ্ধ হইয়া, অমূল্য জীবন নষ্ট করিবার উপক্রম হইয়াছে ভাবিয়া হৃদয় অবসন্ন হয়। জীবন কি? এই প্রশ্নের প্রকৃত উত্তর নিশ্চিতরূপে অবধারণ না করিয়া আর আমরা স্থির থাকিতে পারি না। এই প্রশ্নের মীমাংসার উপর আমাদের কর্তব্যাকর্তব্য, সুখহঃখ, ধর্ম্মাধর্ম্ম সমুদয়ই নির্ভর করিতেছে। যে প্রশ্ন সকল প্রশ্নের মায়, বাহার সুসিকান্ত অপেক্ষা মানুষের পক্ষে গুরুতর আর কিছুই হইতে পারে না, যে জ্ঞান অথ সকল জ্ঞানের ভিত্তি স্বরূপ হইবার যোগ্য, তাহারই বিষয়ে বিজ্ঞান উদাসীন; তথাপি বিজ্ঞানের শিষ্য বলিয়া জ্ঞান গর্বে আমাদের মাটিতে পা পড়ে না। কোন ব্যক্তি যদি দেশ পরিভ্রমণে বহির্গত হইয়া তাঁহার পর্য্যটিত স্থান সমূহের পরস্পরমধ্যে দূরত্ব, প্রত্যেক স্থানের সৃষ্টিকার আণেফিক গুরুত্ব ইত্যাদি অপেক্ষাকৃত অল্প

প্রয়োজনীয় বিষয়ে তাঁহার সম্পূর্ণ মনোযোগ ও বহু নিয়োজিত করেন; এবং বিভিন্ন দেশবানী মানবমণ্ডলীর আচার ব্যবহার, রীতি, নীতি প্রভৃতি কিছুই অবগত না হইয়া ফিরিয়া আসেন, তবে তাঁহাকে “জড়ভরত” বলিয়া আমরা নিশ্চয়ই উপহাস করিব। প্রকৃতির রাজ্যে কিন্তু বিজ্ঞানের অবস্থাও ঠিক এইরূপ। বৈজ্ঞানিকের কুশাগ্র বুদ্ধি কেবল অপেক্ষাকৃত নিপ্রয়োজনীয় বা অল্প প্রয়োজনীয় বিষয়েই আবদ্ধ আছে; প্রকৃতির উচ্চাংশ, মানব স্বভাবের সারভাগ, আশ্চর্য্যরূপে উপেক্ষিত হইতেছে। বিজ্ঞান খাঁটি ফেলিয়া মেকিতে ভুলিয়াছেন।

মানবপ্রকৃতির উচ্চতর অংশের প্রতি বিজ্ঞানের এই উপেক্ষার মূল অনুসন্ধান করিলে দেখা যাইবে, বিজ্ঞানের অক্ষমতাই ইহার একমাত্র কারণ। বিজ্ঞান বলেন, জড় ও শক্তির পশ্চাতে যাহা আছে, তাহা মানব জ্ঞানের অতীত। মানবশক্তি নির্দিষ্ট গণ্ডীতে সীমাবদ্ধ, সুতরাং এই গণ্ডীর বহির্গত কোন বস্তুজ্ঞান আমাদের শক্তির আয়ত্ত নহে। যাহা অপরিজ্ঞেয়, তৎপ্রতি উপেক্ষা প্রদর্শনই বুদ্ধিমানের কার্য্য। বিজ্ঞান যে কখনও এই অজ্ঞাত ও অজ্ঞেয় বস্তুর তত্ত্ব নির্ণয়ে সমর্থ হইবে না, তাহা বৈজ্ঞানিকগণ প্রায় এক বাক্যে স্বীকার করিয়াছেন। হার্বার্ট স্পেন্সারের “প্রকৃতিস্থিত অবাঞ্ছনমগোচর শক্তি” (Inscrutable power in Nature), এই লোকপ্রসিদ্ধ বাক্য, কোন একটা নিত্য বস্তুর অস্তিত্ব স্বীকার করিয়া, তাহার অজ্ঞেয়ত্বের প্রতি ইঙ্গিত করিতেছে। অধ্যাপক Lionel Beale, তাঁহার “বায়প্লেজম্” (Bioplasm) নামক পুস্তকে লিখিয়াছেন,—

“There is a mystery in life, a mystery which has never been fathomed, and which appears greater, the more deeply the phenomena of life are studied and contemplated. In living centres far more central than the centres seen by the highest magnifying powers, in centres of living matter, where the eye can not penetrate, but towards which the understanding may tend, proceed changes of the nature of which the most advanced physicists and chemists fail to afford us the conception: nor is there the slightest reason to think that the nature of these changes will ever be ascertained by physical investigation, in as much as they are certainly of an order or nature totally distinct from that to which any other phenomenon known to us can be relegated.”

উক্ত তাংশের মার মর্ম এই—জীবভাব বা চিন্তাবের মধ্যে একটা গুঢ় রহস্য নিহিত আছে—কখনই তাহার মর্মে! দৃষ্টি হইয়া যায় না। যতই গভীর ভাবে জীবভাবের বিভিন্ন অবস্থা পর্যবেক্ষণ ও তাহার বিষয় চিন্তা করা যায়, ততই যেন এই রহস্যের গুঢ়তা আরো বৃদ্ধি প্রাপ্ত হয়। সচেতন জড়ের যে সকল জীবকেন্দ্র সর্বোৎকৃষ্ট অনুবীক্ষণের সাহায্যেও দৃষ্টিগোচর হয় না; যে স্থলে দর্শন শক্তির প্রবেশাধিকার নাই। কিন্তু বুদ্ধি যাহার ক্ষীণ অল্পভূতি লাভ করিতে পারে, তেমন জীবকেন্দ্রে এমন পরিবর্তন সকল সংঘটিত হইতে দেখা যায় যে, ভূতবিজ্ঞান ও রসায়নবিজ্ঞানের প্রধান প্রধান মহারথীগণও তাহার ধারণা মাত্র করিতে পারেন না। জড় বিজ্ঞান-সম্মত অনুসন্ধানের ফলে সময়ে এই সকল পরিবর্তনের প্রকৃতি অবধারিত হইবে, এইরূপ ভরসা করিবার পক্ষেও অতি সামান্য কারণই নাই; যেহেতু যে শ্রেণীর পরিবর্তন আমাদের পরিজ্ঞাত, ইহাদের প্রকৃতি তাহা হইতে সম্পূর্ণ পৃথক ও স্বতন্ত্র।

যে সকল বৈজ্ঞানিক, জীবাণুর গঠন প্রক্রিয়ার প্রতি মনযোগী হইয়াছেন, তাঁহারা একবাক্যে স্বীকার করেন যে, অচেতন ও সচেতন জড়ের মধ্যে যে পার্থক্য লক্ষিত হয়, তাহা বিজ্ঞান কর্তৃক কখনও ব্যাখ্যাত হইবার সম্ভাবনা অতি অল্প। অচেতন জড়ের সচেতনে পরিবর্তন অতিশয় দ্রুত ও আকস্মিক। তাহাতে ক্রমবিকাশের কোন চিহ্নই পরিদৃষ্ট হয় না; ইহাতে কার্যকারণ সম্বন্ধ আধিকারের কোন আশাই করা যাইতে পারে না। "অতএব জীবন-সমস্তার কোন সহুত্তর বিজ্ঞানের নিকট প্রত্যাশা করিলে বিড়ম্বিত হইতে হইবে। বিজ্ঞান সত্যানুসন্ধানের যে প্রণালী অবলম্বন করিয়াছেন, তাহা চিৎ-তত্ত্বের সম্পূর্ণ অসুপযোগী। বিজ্ঞান সিদ্ধান্ত করিয়া রাখিয়াছেন যে চিৎ-তত্ত্ব মানবের অজ্ঞেয়। সুতরাং যাহা জানিবার কোন উপায়ই নাই, তাহার অনুসন্ধান সময়ে ও শক্তির অপচয় করিয়া কি ফল হইবে? বিজ্ঞান যাহাকে অপারজ্ঞেয় জানিয়া ত্যাগ করিয়াছেন, পাশ্চাত্য দর্শন তাহাকেই "inscrutable" অর্থাৎ অবাস্তবমগোচর উপাধি প্রদান পূর্বক নিশ্চিত হইয়াছেন।

তবে এখন আমাদের উপায় কি? দর্শন ও বিজ্ঞানরূপ যে দুই মহারথীর আশ্রয়ে থাকিয়া আমরা আপনাদিগকে জ্ঞানরাজ্যে নিরাপদ ভাবিতেছিলাম, সংশয়রূপ সঙ্কটের দিনে তাঁহারা ত আমাদেরিগকে ত্যাগ করিলেন। তবে আমরা দাঁড়াই কোথায়? জল পাইবার উপায় নাই বলিলেত পিপাসার

শান্তি হয় না! জল যদি পাইব না, তবে এ পিপাসা কেন? চিৎ-তত্ত্ব চিরকাল আমাদের অজ্ঞাত থাকবে, ইহাই যদি অষ্টার উদ্দেশ্য হয়, তবে তদ্বিষয়ক পিপাসায় মানবায়ী শুষ্ককণ্ঠ হইয়া উঠিতেছে কেন? শুধু তাহাই নহে; চিদজ্ঞানের অভাবে আমার "আমিত্ব" বুঝা হইয়া যাইতেছে। আমাকে ভগবান কেন সৃষ্টি করিলেন? জীবন লইয়া আমি কি করিব? এ জগতে আমার সম্পাদনীয় কর্ম কি? চিদজ্ঞানের অভাবশতঃ কিছুই স্থির করা যায় না! ঘটনার স্রোতে ভাসিয়া বেড়াইতে মানুষ সংসারে আসে নাই। মানুষের হৃদয় আছে, বুদ্ধি আছে, ভালমন্দ বিচার করিয়া কর্তব্য অবধারণের ক্ষমতা আছে। কিন্তু জীবন কি? তাহা অবগত না হইলে জীবনের কর্তব্য নির্দেশ করিব কিরূপে? প্রাণীজগতের মূলতত্ত্ব অবিদিত থাকিলে, মানব জীবনের উদ্দেশ্য অনির্দিষ্ট থাকিয়া বিফল হইয়া যাইবে, তাহাতে আর সন্দেহ কি?

কিন্তু জ্ঞানরাজ্যের প্রধান সামন্ত পদে অধিষ্ঠিত থাকিয়া মানবের প্রধান ও অবশ্যজ্ঞাতব্য বিষয়ে অকৃতিত্ব স্বীকার করা, বিজ্ঞানের পক্ষে বড়ই লজ্জার কথা। জীবনতত্ত্বের আবিষ্করণচেষ্টায় বিজ্ঞানের প্রচলিত জ্ঞানান্বেষণ-প্রণালী বিফল হইল দেখিয়া এমন সিদ্ধান্ত করা অশ্রীর যে, এই তত্ত্ব চিরকালই মানবের অপারজ্ঞেয় থাকিবে,—মানুষ কখনই স্বীয় আত্মার প্রকৃতি ও স্বরূপ অবগত হইতে পারিবে না। জড় ও চেতনের মধ্যে, শরীর ও মনের মধ্যে যে প্রভেদ, তাহা এক প্রকার অলজ্জবীয় বলা যাইতে পারে। স্নায়ু-মণ্ডলের উপর তরঙ্গাভিঘাত দ্বারা মস্তিষ্কে যে আন্দোলন সঞ্চারিত হয়, তাহারই ফলে, জড়বাদীর মতে, চিন্তা প্রসূত হইয়া থাকে। স্নায়ুর স্পন্দন, মস্তিষ্কের আলোড়ন ইত্যাদি জড়জগতের কার্য। ইহাদিগের গতির প্রকৃতি ও পরিমাণ, আতিশয্য ও দ্রুতত্ব জড়বিজ্ঞানাবলম্বিত উপায়ে স্থিরীকৃত হইতে পারে। বিশেষতঃ যে স্নায়ু ও মস্তিষ্ক এই সকল ক্রিয়া উদ্ভূত হয়, তাহারা জড়পদার্থ; সুতরাং বর্ণ, গুরুত্ব, দেশাবস্থাত ইত্যাদি জড়ের গুণগুলি তাহাতে বিদ্যমান আছে। কিন্তু চিন্তা প্রসূত হইবা মাত্র সমুদয় অবস্থা পরিবর্তিত হইয়া যায়। স্নায়ু ও মস্তিষ্কের ক্রিয়াদ্বারা কিরূপে চিন্তা উৎপন্ন হইল? মস্তিষ্কের আলোড়ন ও চিন্তার উৎপত্তি, এতদুভয়ের মধ্যবস্থিত পরস্পর সম্বন্ধ বিধায়ক ক্রিয়াশৃঙ্খল গুলি কি? তাহা আমরা কিছুই জানি না। হঠাৎ অজ্ঞাত কারণে যে চিন্তা উদ্ভূত হইল, তাহার বর্ণ নাই, গুরুত্ব নাই এবং তাহা দেশাবস্থিত নহে। জড়-বিজ্ঞানসম্মত উপায় দ্বারা তাহার সম্বন্ধে কোন জ্ঞানই লাভ করা যায় না। চিন্তার প্রকৃতি নির্ণয় চিন্তা দ্বারাই হইতে পারে, জড়জগতের উপায় তাহার উপযোগী হয় না। সুতরাং জড়-বিজ্ঞানানুসৃত উপায় দ্বারা জীবনতত্ত্বের যবনিকা উন্মোচন করিতে যাইয়া বিজ্ঞান যে বিড়ম্বিত হইয়াছেন, তাহাতে বিস্ময়ের বিষয় কিছুই নাই। জড় উপায়ে চেতন্যের প্রকৃতি নির্ধারণ করিবার বহু করিয়া বিজ্ঞান সাংঘাতিক ভুল করিয়াছেন। জড়-জগতের গ্রাম অন্তর্জগতে ও বেকন-প্রদীপ্ত

জ্ঞানাবেষণের উপায়কে আবিষ্কার এবং সম্পূর্ণ উপযোগী মনে করাই বৈজ্ঞানিকের ভুল ।

জড়গত উপায়ে চৈতন্য বুঝিবার অভিলাষ এবং অনুসন্ধানকারী পিপিলিকার পদশব্দ শ্রবণের চেষ্টা তুল্যরূপে উপহাসের যোগ্য। অবোধ শিশু যেমন জননী উচ্চারিত মৃষ্ট আদর বাক্য মুষ্টিবদ্ধ করিবার মানসে হস্ত প্রদারণ করে, বৈজ্ঞানিক বুদ্ধমান হইয়াও তেমনই জড়ের মধ্যে চৈতন্যকে সম্বন্ধ করিবার প্রয়াস পাইতেছেন। উদ্দিষ্ট বস্তুর প্রতি অবলম্বিত উপায়ের অনুপযোগিতা বুঝিবার অক্ষমতাই বৈজ্ঞানিকের ভুল ।

সকল দিক দোষা চিন্তা করিলে বোধ হয়, বৈজ্ঞানিক অনুসন্ধান-প্রণালী পারবর্তনের প্রকৃষ্ট সময় উপাস্থ হইয়াছে। খ্রীঃ পূর্ব ষষ্ঠ শতাব্দীতে পাইথাগোরাস্ প্রথম সংখ্যা ও সামঞ্জস্যের উপর ইয়ুরোপীয় বিজ্ঞানের ভিত্তি পত্তন করেন। তিনশত বৎসর পরে খ্রীঃ পূর্ব তৃতীয় শতাব্দীর শেষভাগে এরিস্টোটল বিজ্ঞানের গতি নূতন পথে পরিচালিত করিলেন। তাহার বিশ্লেষণ-পদ্ধতি বিজ্ঞান-জগতে প্রশংসিত ও প্রাচলিত হইল। পরবর্তী ষোল শত বৎসর মধ্যে ইয়ুরোপে অনেক নূতন দার্শনিক মতের প্রাদুর্ভাব হইল বটে, কিন্তু এরিস্টোটল প্রোথিত ভিত্তি কোনটাই পরিত্যক্ত হইল না। ষোড়শ শতাব্দীর শেষার্শ্বে লর্ড বেকন বিজ্ঞান রাজ্যে যুগান্তর উপাস্থ করিলেন। কৃত্রিম উপায়ে (experiment) ঘটনার পর্যবেক্ষণ দ্বারা সত্য নিরূপণই বেকনীয় বিজ্ঞানপ্রণালীর সার এবং এইরূপে ক্ষুদ্র ক্ষুদ্র সত্যের অবধারণ দ্বারা সাধারণ সত্যের উপলব্ধি তাহার প্রাণ। বেকন-প্রাদর্শ্য পথে চলিয়াই, বিজ্ঞান এতদূর উৎকর্ষপাতে সমর্থ হইয়াছেন। কিন্তু পূর্বক যেমন পাইথাগোরাস্ ও এরিস্টোটলের পদ্ধতি উদ্ভূত হইয়া স্ব স্ব কর্ম সম্পাদন পূর্বক কালপূর্ণ হইলে, সময়োপযোগী বিজ্ঞান প্রণালীর নিমিত্ত স্থান ছাড়িয়া দিয়াছে, তেমনই এখন বেকনীয় বৈজ্ঞানিক-প্রথার সিংহাসন-চ্যুতির সময় উপাস্থ হইয়াছে। ইংঃপূর্বকই ক্রনো, লীবনিটজ, হেগেল প্রভৃতি মহাত্মাগণ ইয়ুরোপে এক নূতন তত্ত্বের আভাস দিয়াছেন। ডার্বিন ও হাক্সলীর পর হইতে বিজ্ঞানে অনুমান পদ্ধতির (hypothesis) আদর বাড়িতেছে। তত্ত্বসভার সদমাগণ (Theosophists) বৈজ্ঞানিক চিন্তা-শ্রোতের দিক পরিবর্তন করিবার চেষ্টা করিতেছেন। আশা করি, অনতি-বিলম্বেই তাহাদের চেষ্টা সফল হইবে; এবং উনবিংশ শতাব্দী যেমন জড়-প্রকৃতির গর্ভত্রাকরণ বিস্তার করিয়া জগতের ইতিহাসে প্রসিক্ষিত করিয়াছে, বিংশ শতাব্দী সেইরূপ অন্তর্জগতের প্রহেলিকাময় গূহপ্রদেশে জ্ঞানের আলোক বহন করিয়া, মানবের প্রাণের পিপাসা মিটাইয়া ধন্য হইবে।

ক্রমশঃ—

শ্রীভারতচন্দ্র চৌধুরী ।

# বীরভূমি

মাসিক পত্রিকা ও সমালোচনী ।

৫ম খণ্ড ]

ফাল্গুন, ১৩১১

[ ৩য় সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

১। সীতারামের মামুদপুর । (শ্রীবিধুভূষণ পাল) ...	৮১
২। বৈজ্ঞানিকের ভুল । (শ্রীভারতচন্দ্র চৌধুরী) ...	৮৮
৩। আবার বসন্ত ফিরে এল । (শ্রীমহাম্মদ আজীজ উস সেভান)	৮৯
৪। নবাবিস্কৃত হিন্দু বৈষ্ণব কবিগণ । (শ্রীআবদুলকরিম)...	৯১
৫। গৃহলক্ষ্মী । (উপন্যাস) (শ্রীঅনাদিনাথ সরকার) ...	৯৬
৬। ঐতিহাসিক কথা । (শ্রীপঞ্চানন ঘোষ) ...	১০০
৭। আর । ( কবিতা ) (শ্রীলজ্জাবতী বসু)...	১০৬
৮। রণক্ষেত্রে বাঙ্গালী । (শ্রীবলীন্দ্র সিংহ) ...	১০৭
৯। বঙ্গীয় সাহিত্যসেবক । (শ্রীশিবরতন মিত্র) ...	১১৭

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

ব্যায়ে বীরভূম জেলার অন্তর্গত

কীর্ত্তহার গ্রাম হইতে

শ্রীদেবিদাস ভট্টাচার্য্য বি, এ,

কর্ত্তক প্রকাশিত ।

মাসিক মূল্য ডাকমাণ্ডল সহ ১।।০ ।

এই সংখ্যার মূল্য ৮/১০।

বটফ্রুফ পালের

# এডওয়ার্ডস ফ্রুফ ম্যালেরিয়া স্পেসিফিক

ম্যালেরিয়া ও সর্ববিধ জ্বররোগের একমাত্র  
মহৌষধ ।

অদ্যাবধি সর্ববিধ জ্বর-রোগে  
এমত আশু-শান্তিকারক মহৌষধ আবিষ্কার হয় নাই ।

লক্ষ লক্ষ রোগীর পরীক্ষিত

মূল্য—বড় বোতল ১০, প্যাকিং ও ডাকমাশুল ১ টাকা ।  
ছোট বোতল ৫ আনা, ঐ ঐ ৫ আনা ।  
রেলওয়ে কিন্মা পীমার পার্শ্বলে লইলে খরচা অতি সুলভ হয় ।

এডওয়ার্ডস্

## লিভার এণ্ড স্প্লীন অয়েন্টমেন্ট

অর্থাৎ প্লীহা ও যকৃতের অব্যর্থ মলম ।

প্লীহা ও যকৃত নির্দোষে আরাম করিতে হইলে আমাদের “এড-  
ওয়ার্ডস্ টনিক বা য়্যাণ্টি ম্যালেরিয়াল্ স্পেসিফিক্” সেবনের  
সঙ্গে সঙ্গে উপরোক্ত পেটের উপর প্রাতে ও বৈকালে  
মালিশ করা আবশ্যিক । যতই বর্দ্ধিতায়তনের প্লীহা,  
যকৃত বা অগ্রমাস হউক না কেন, ইহা নিয়মি-  
রূপে মাসেককাল মালিশ করিলে, এক-  
বারেই কমিয়া যাইবে । এই মলম  
মর্দন দ্বারা আশু ফল পাইবেন ।

মূল্য প্রতি কোটা ১০ ছয় আনা । ডাঃ মাঃ স্বতন্ত্র লাগে ।  
পত্র লিখিলে কমিশনের নিয়দাদি সম্বন্ধীয় অগ্রান্ত জ্ঞাতব্য বিষয় অবগত হইবেন

সোল্ এজেন্টস্ ; = বটফ্রুফ পাল এণ্ড কোং ।

# বীরভূমি

মে ৩০ ]

কালুন্ড, ১৩১১ ।

[ ৩য় সংখ্যা ।

## সীতারামের মামুদপুর । \*

যে মহাপুরুষের নাম অনন্য কবি বহিমত্রে ও ইতিহাস-ভক্ত বাবু অক্ষয়-  
কুমার মৈত্রেয় বঙ্গবাসী মাসিকেরই জন্মভূমি স্বরূপে শুনাইয়াছেন, তাঁহার  
নামকে নুতন করিয়া কিছু বর্ণিতে বাওরা নিতান্ত ধূর্ততা । তবে তাঁহার  
সীতারামের বাহু-চরিত্র লইয়াই মনধিক আলোচনা করিয়াছেন । তাঁহার  
পারিবারিক জীবন ও রাজধানী সম্বন্ধে অধিক কিছু বলেন নাই । বস্তুতঃ  
এই বঙ্গদেশেই এমন অনেকানেক প্রথিত-নামা মহাত্মার আবির্ভাব সম্ভেও,  
ইহাকে লইয়া এত মসী-বায় কেন ? সার্ব শতাব্দিক ধর্ম পূর্বে সীতারামরূপ  
বৃন্দ কালরূপ মহার্ণবের গাত্রে বিলীন হইয়া গিয়াছে, আজ আমরা তাঁহার  
কার্যকলাপ বা রাজধানীর সমালোচনা করিতে ব্যগ্র কেন ? ইহার এক-  
মাত্র উত্তর এই,—“তীক্ষ্ণ, কাপুরুষ” বঙ্গ-নৃত্যানের কলঙ্ক-ক্ষালন করিতে  
যদি আধুনিক কোন পুরুষের নামোল্লেখ করিতে হয়, তবে এই মহাত্মার  
নাম সর্বপ্রথমে উল্লেখযোগ্য । সেই জন্যই আজ আমরা তাঁহার রাজপাট ও  
সীতাহীন মামুদপুরের বর্তমান খোচনায় অবস্থা যথাযথ বর্ণন করিতে অগ্রসর  
হইরাছি ।

প্রোতবর্তী মধুমতীর পশ্চিম-দক্ষিণতীরে ইতিহাসপ্রসিদ্ধ মামুদপুর অব-  
স্থিত ; অপর দিকে বহুদূরবিস্তীর্ণ বিল । বর্তমান আয়তন ৩৪ মাইল  
হইতে পারে ; তাহার অধিকাংশই জঙ্গলভর । মধ্যে মধ্যে ছুই এক ঘর,

\* কেহ কেহ “মহমুদপুর” বলেন কিন্তু আমরা “ডাক” নামই লিখিলাম ।

অধিবাসীও নিরীহভাবে বাস করিতেছেন। যদিও সীতারামের বংশের কেহ ইহজগতে নাই, তথাচ এই অরণ্যের মধ্যে তাঁহার প্রতিষ্ঠিত বিগ্রহ “সীতারাম” অদ্যাপি তাঁহারই ব্যবস্থিত সেবায় পরিতৃপ্ত থাকিয়া পরিবর্তনশীল কাল-চক্রের আবর্তন গণিতেছেন। ভূষণা পরগণা এখন প্রসিদ্ধ নাটোর রাজবংশের সম্পত্তি। অন্নপূর্ণা-কল্প প্রাতঃস্মরণীয়া রাণী ভবানীর স্বধর্ম-নিরত বংশধরগণ সীতারামের প্রতিষ্ঠিত বিগ্রহগুলির নিত্যসেবা পূর্ববৎ বজায় রাখিয়াছেন। এখনও তথায় “বেগারগণ” (অতিথি) যথেষ্ট আহার পাইয়া থাকে। কোন দিন অতিথির অপ্রতুল ঘটিলে, সেবাইত ঠাকুর উচ্চরবে অভুক্ত বেগারদিগকে আহ্বান করেন। অপরিচিত নিম্নশ্রেণীর লোকে সহসা তচ্চরণে কিঞ্চিৎ ভীত না হয়, এমত নহে; কিন্তু অচিরে স্থানীয় অধিবাসীর মুখে তাহার ব্যাখ্যা শুনিয়া হৃষ্টমনে মন্দিরে যাইয়া “বেগার” খাটিয়া আইসে। অবশ্য এরূপ বেগারে কাহারই আপত্তি হয় না।

কিঞ্চিদধিক দেড় শত বৎসর পূর্বে যে স্থানের বিক্রম স্মৃতির কথা শ্রবণ করিয়া বঙ্গদেশের অত্যাচার ভূপতিবৃন্দের ঈর্ষা-কলুষিত চিত্ত উদ্বেল হইয়া উঠিত; যাহার রাজোচিত সুন্দর সূঠাম হর্ম্যাবলীর অভ্রভেদী শিখর দেশ, বহুদূর হইতেই দর্শন-লোলুপ পর্বাটকের কুতূহল উদ্বীপিত করিত; যাহার সন্ধ্যাকালীন আরতির ঘোর ঘটানিনাদে পুরোবাসিগণের হৃদয় মন্দিরে ঐশ-প্রেম জাগাইয়া দিত; যাহার গগন-বিদারী ছন্দুতি নির্ঘোষে অরাতিকুল-হৃদয়ে সতত ভীতি সঞ্চারিত করিত; আজ প্রণষ্টগোরব সেই মামুদপুরের ঈদৃশ শোচনীয় পরিণাম দর্শনে ঐহিকস্বখোন্মত্ত মানবের চিত্তে পার্থিব নশ্বরত্বের যে প্রতিবিম্ব প্রতিফলিত হয়, তাহাই এখন সীতারামের জীবন্ত ইতিহাস! রাজান্তঃপুরের জঙ্গলাবৃত ভগ্নস্তূপ অদ্যাপি বিদ্যমান আছে। আজও তাঁহার সময়ের কয়েকটি ভগ্নশাখ পমালবৃক্ষ হত-গোরব ভাবে দণ্ডায়মান থাকিয়া আগন্তকের কোতূহলাগ্নিতে ইন্ধন প্রদান করিতেছে! পাঠক শুনিয়া বিস্মিত হইবেন, এখানকার জঙ্গলে ৩৪ শত হইবে দীর্ঘ বেত্র পাওয়া যায়; অবশ্য ইহা তাহার প্রাচীনত্ব জ্ঞাপক। গ্রামখানি অরণ্যময় হইলেও, ব্যাত্রশাব্দীলাদির সংখ্যা তাদৃশ অধিক নহে।

অনেকে রাজা সীতারামের চরিত্র অন্ধনে কিছু স্বেচ্ছাচারিতা অবলম্বন করেন, অন্ততঃ প্রবাদ বাক্যগুলিতে সেইরূপ দেখা যায়। ইহা প্রকৃত পক্ষে

সীতারাম বা তাঁহার চরিত্র চিত্রকরদিগের দোষ নহে; ইহা বাঙ্গালাদেশের মৃত্তিকার দোষ। দেশের নৈসর্গিক অবস্থাই তদ্দেশীয়দিগের চরিত্র গঠিত করে। সমতল-ক্ষেত্র-বাসী ক্ষুদ্র স্রোতস্বতী তীরবর্তী কৃষক-সন্তান অপেক্ষা গিরি প্রদেশবাসিগণ সচরাচর অধিক বলিষ্ঠ, কষ্ট-সহিষ্ণু, দৃঢ়-বপু, দৃঢ়-চিত্ত হইয়া থাকে। উর্দুর দেশের খাদ্য-রস-গ্রহণে ও জলবায়ু প্রভাবে যে উর্দুর মস্তিষ্কের আবির্ভাব হইবে, ইহা অস্বাভাবিক নহে। সেই জন্তই, বঙ্গ-সন্তানে যেরূপ ফলে ফুলে গাছটী সাজাইতে জানে, তদ্রূপ কেহ কুত্রাপি পারে না। রজনীতে একটা শৃগালের রব শ্রবণে, ‘শত শত ব্যাত্র গজ্জন, তাহাদিগের আক্রমণ হইতে অতিকষ্টে নশী রামের পরিত্রাণলাভ’ ইত্যাদি অনেক প্রকার কল্পনায এদেশীয় আখ্যান-বৃক্ষ বনিতা দিক্ৰহস্ত। ঐতিহাসিক সত্যরক্ষার প্রকৃত মূল্য এখানে ছিল না। যাহা হউক, কিম্বদন্তীরূপে পুরুষপরম্পরাগত যাহা কিছু পাওয়া যায়, তাহার অধিকাংশই যে এরূপ কথোপকথন-কালে বক্তার অলঙ্কার-চ্ছটায় পুষ্ট-কলেবর হইয়া আসিয়াছে, তাহাতে অণুমাত্রও সংশয় নাই। আর সেই অলঙ্কার সূশো-ভিত হইতে যাইয়াই আজ ক্ষণ-জন্মা সীতারাম রায়কে কতকগুলি জঘন্য কার্যের নামক সাজিতে হইয়াছে! যে অপরাধে নবীন নবাব সিরাজ-উদৌলাকে ইংরাজ ঐতিহাসিকের-লেখনী প্রভাবে “অমার্জনীয় নর পিশাচ” রূপ ধারণ করিতে হইয়াছে, সীতারাম সেরূপ অপরাধী না হইলেও তাঁহাদিগের লেখনী-বিষয়ীভূত হইলে না জানি, তাহাকেও কতরূপে নিগূহীত হইতে হইত।

পারিবারিক জীবনে, সীতারাম যে নিতান্ত ঈশা, মুদা, বুদ্ধ, চৈতন্ত ছিলেন, আমরা এমন কথা বলিতে সাহসী নহি; তবে এই মাত্র বলিতে চাই, যে “সীতারামী স্মৃতি” প্রভৃতি প্রবাদ-বাক্যে তাঁহার যে সমস্ত বিলাসিতার ঘণিত প্রথার রটনা আছে, তাহার সম্পূর্ণ মাত্রা তাঁহার স্কন্ধে চাপাইতে অনিচ্ছুক। তাহার দুইটি কারণ আমরা দেখাইতে পারি;—১ম, এ প্রকার প্রবাদ নিজ মামুদপুর বা তন্নিকটবর্তী স্থান অপেক্ষা দূরেই অধিক প্রচলিত; কথোপকথনচ্ছলে উপমায় প্রযুক্ত হইতে দেখা যায়। স্বদেশে ইহার এরূপ কুৎসিত অর্থ কেন করা হয় না? যে যুগে রাণী ভবানীর কল্যায় কলঙ্ক গোপন রাখা যায় নাই বা দরকার হয় নাই, তখন নিকটস্থ ব্যক্তির সেই ভয়ে “কিল চুরি” করিতে হইয়াছিল, ইহা অবশ্য বিশ্বাস্য নহে। ২য়, সীতারাম যে সময়ে আবির্ভূত, তখন মুসলমান রাজা, বহু রমণীর অধিকারী;

সমাজেও বহু বিবাহ পূর্ণমাত্রায় ব্রাহ্মণ, কায়স্থ মধ্যে প্রচলিত ; আলমচাঁদা-কীর্ত্তিও \* সমাজে স্থান পাইয়াছে ; যদি নিতান্তই সে সময় তাঁহার পদাশ্রয় ঘটিয়া থাকে ; তবে নিতান্ত সময়ের অল্পযুক্ত হয় নাই । তবে তাহাতেও তাঁহার যথেষ্টাচারিতার কোন প্রমাণ পাই না ।

সীতারামের কার্য কলাপ সম্বন্ধে বহুদূর শুনা যায় ও বুঝা যায়, তাহাতে যে তিনি দৃঢ়-সঙ্কল্প, সূচত্বর, বীরধর্ম্মাক্রান্ত, স্বধর্ম্মাচরণী, প্রজাবৎসল, নরপতি ছিলেন, তাহাতে সন্দেহ নাই । “শ্রী” ভিন্ন অন্য শ্রী তাঁহার না ছিল, এমন নয় । তিনি জানিতেন যে, নিকৃপত্রবে তাঁহার বাহুবলার্জিত রাজ্য দীর্ঘকাল উপভোগ্য নহে ; সুতরাং ক্ষমতা থাকিলে প্রকৃতিপুঞ্জের সুখ সমৃদ্ধি যাহা করিয়া লইতে পারেন, তাহাই লাভ । তিনি বীরের ত্যগ হৃদ্যাম নবাবের কোপ হইতে পুনঃ পুনঃ আশ্রয় রক্ষা করিয়া যে বীরত্বের পরিচয় দিয়াছিলেন, তাহা পাশ্চাত্য ভূ-খণ্ডে বটিলে নিঃসন্দেহ তিনি স্কটল্যান্ড ক্রম্ব বা গুয়ারিণ্টনের আসন পাইতেন ।

আমরা বহুদূর জানিতে পাইয়াছি, তাহাতে যে তিনি প্রকৃতির একজন অনুগৃহীত সন্তান, তৎপক্ষে সন্দেহ নাই । তিনি অতি দরিদ্রের সন্তান হইয়া স্বীয় অসামান্য বুদ্ধি প্রভাবে নবাব সরকারে উচ্চপদ লাভ করেন, ও কালক্রমে সুযোগ বুঝিয়া বাবস্থান-সংসার অক্ষয় নিজ জমিদারী করিয়া লয়েন । তাঁহার বাল্য জীবনের কোন বিবরণ শুনা যায় না । প্রবাদ আছে, তাঁহার মাতার বড় বড়ের একটা লাউ গাছ ছিল ; সীতারাম স্বপ্ন দেখেন, তাহার মূলে প্রচুর অর্থ আছে । সেই অর্থ পাইয়াই, তিনি ক্রমে মান্য গণ্য হইয়া উঠেন ও নবাব সরকারে কর্তৃত্ব প্রাপ্ত হন । তৎপরে তিনি যেখানে যাইতেন “টাকায় তাঁহাকে আহ্বান করিতা” । কনকঃ সেই বয়ঃ-প্রধান-যুগে চতুর সীতারাম “কিছু” করিয়া লইতে ভুলিতেন না । তিনি যে চতুর্দশ বর্ষ মাত্র রাজ্যভোগ করেন, ইহারই মধ্যে তিনি নিজ জমিদারীর যথেষ্ট সুখ স্বাচ্ছন্দ্য বৃদ্ধি করিতে ছাড়েন নাই । তিনি প্রজাগণের অভাব, কষ্ট নিজে পরিদর্শন করিতেন ; কোথাও জমকষ্ট দেখিলে তৎক্ষণাৎ তাহার প্রতিকার করিতেন । কথিত আছে, তিনি নিত্যা নুতন জনে স্নানাহিক করিতেন ;

\* প্রবাদ আছে, আলম চাঁদ বহুদূর নাকি বহুবিবাহ যোগ বৃদ্ধাঙ্গুষ্ঠেও ছাড়েন নাই দেখিয়া স্থানীয় জমিদার কয়েক জন যুদ্ধের সাহায্যে তাঁহার নহিত তেড়ায় বিবাহ দিয়া তাঁহার রোগ দূর করেন ।

তজ্জন্ম তিনি যখন যেখানে যাইতেন, সর্বদাই সমস্তবিবাহের লক্ষ জনাশয় খননকারীকে রাখিতেন । উপযুক্ত স্থান মনোনীত হইলে, বহু-নিষ্কিপ্ত শরের দ্বারা জনাশয়ের দৈর্ঘ্য নিগীত হইত । হয়ত দূরবর্তী লোকে তাঁহার এবিধ স্বেচ্ছাচারিতা ও ক্ষিপ্তকারিতার কথা শুনিয়া শ্রোক্ত প্রবাদ রটাইয়া থাকিবে ।

সীতারাম স্বীয় প্রাঙ্গণের চতুর্দিকে ১৬৪টা দেব-মন্দির প্রতিষ্ঠা করেন এবং সেগুলির সেবার জন্ত যথেষ্ট ভূ-সম্পত্তি দেবোত্তর দিয়া যান । লক্ষ্মী নারায়ণ, সীতারাম, লাড়ুগোপাল, মদনগোপাল, দয়াময়ী প্রভৃতির সেবা পূর্ববৎ চলিতেছে । আমরা পূর্বেই বলিয়াছি, বর্তমান ভূ-স্বামী নাটোরাধিপতি দেব-সেবায় পূর্ব নিয়মের ব্যতিচার করেন নাই । কোন দোকানে কোন অভ্যাগত যথেষ্টভোজন করিয়া গেলে, বিক্রেতা তাঁহার বেক্রম মূল্য দাবি করে, বিনা বাক্য ব্যয়ে রাজ সরকার হইতে তাহাই প্রদত্ত হয় ।

সীতারামের ব্যবস্থিত দুর্গোৎসব ক্রিয়া আজও চলিতেছে । চাকরান্ভোগী কুস্তকার, চিত্রকর, বাদ্যকর প্রভৃতি যথাসময়ে স্ব স্ব কর্তব্য সাধন করিয়া নিজের উপভোগ করিয়া আসিতেছে । শুনা যায়, জনৈক নায়েব ইদানীং একবার নবমী পূজার দিনে মহিষ আনিত্তে বিদগ্ধ দেখিয়া বিরক্তি সহকারে বলিলেন,—“মহিষ না দিয়া মেবের ব্যয়স্থা থাকিলেই ভাল হইত । এরূপ উৎকট প্রথা কেন ?” বাস্তবিক, বলিদান-কালে শতাধিক আঘাতেও হতভাগ্য মহিষটা ছিন্ন-মস্তক হইল না ; তৎপাণ্ডুর জন্ত পুনরায় নুতন করিয়া সঙ্কল্প করিলে মহিষ বলি নির্ঝিল্পে সম্পাদিত হইল ।

মেলাহাতী \* ও হাজারী হাতী নামক সীতারামের দুই জন প্রসিদ্ধ মল্ল ছিল । তাহাদিগের সাহায্যেই নাকি, তিনি অতি অল্প সময়েই বিপুল জমিদারী আয়ত্ত করিতে সমর্থ হইয়াছিলেন । এরূপ প্রবাদ যে, মেলাহাতী কাণী-সাধনা জানিত । সে যে দিন অক্ষরবাতিনী চণ্ডীকার অর্চনা করিয়া সংগ্রামে প্রবৃত্ত হইত, সেদিন ইজ্জতিতের ত্যগ জয়মান্য না পরিয়া সে গৃহে ফিরিত না । দেহেও সে মেলা (অনেক) হাতীর বল ধরিত । তুল্য না হইলেও হাজারী হাতী হাজার হাতীর শক্তির ছিল । ইহাদের দুইটা প্রস্তর-ময়ী মূর্ত্তি অদ্যাপি সীতারাম নামক বিগ্রহের মন্দিরের দ্বারদেশে হস্তীপৃষ্ঠে

\* কেহ কেহ “মেলাহাতী” লিখিয়াছেন । “মেলা” = অকর্মা ; “মেলা” = অধিক । হইতাই যাহা । স্থানীয় লোকে “মেলা হাতী” কহে ; আমরা তাহাই লইলাম ।

অবস্থিত আছে। হস্তাদয় সীতারামের জীবদ্দশাতেই প্রেতপুরে গমন করে। তাহাতে তিনি বড়ই ভয়চিন্তিত হন।

ইতিপূর্বে নবাবের জামাতাকে যুদ্ধে নিহত করায় নবাব স্বয়ং বিপুল বাহিনী লইয়া সীতারামের বিরুদ্ধে যাত্রা করিলেন। রাজধানীর পাঁচ ক্রোশ উত্তরে চিত্রা নদী তীরে ভূষণা নামক স্থানে সীতারামের দুর্গ অবস্থিত ছিল। নবাব তাহা অবরোধ করিতেছেন শুনিয়া, অবমানিত ও লাঞ্চিত হইবার ভয়ে, তিনি সপরিবারে নৌকারোহণ করেন ও নবাবসৈন্য পৌঁছিবার পূর্বেই মধুমতী গর্ভে নৌকা-মগ্ন করিয়া জীবন বিসর্জন করেন! যে স্থানে সীতারাম সপরিবারে জল মগ্ন হন, অত্যাপি তাহাকে লোকে “ডুবির ঘাট” কহে; প্রকৃত পক্ষে, চর পড়িয়া, এখন সে স্থান নদী হইতে প্রায় অর্ধ ক্রোশ দূরে পড়িয়াছে। এখনও নাকি সে স্থানে কেহ কেহ অর্থ পাইয়া থাকে। সীতারামের এ প্রকার শোচনীয় পরিণাম দেখিয়া বিস্মিত হইবার কারণ নাই;—রাজপুতনা অঞ্চলে, সেকালে মুসলমান রাজার দৌরাণ্য ভয়ে “জহর ব্রতের” উদ্দেশ্য হইত।

তৎকালে এ প্রকার নদীতীরবর্তী স্থানে, বর্গীর ভয় ভিন্ন জল-দস্যুর বড়ই উপদ্রব ছিল। সেই জন্ত সচরাচর বিভবশালী ব্যক্তিগণ স্ব স্ব প্রাসাদের পুরোভাগে প্রকাণ্ডকার সশস্ত্র মুরদ নিৰ্ম্মাণ করাইয়া রাখিতেন। হাতী-যুগলের মূর্তিকে অনেকে সেই ভাবের অনুমান করেন। কিন্তু যখন সীতারামের শত শত সৈনিক ও দৌবারিক রাজ্য ও রাজধানী রক্ষার্থ নিযুক্ত, তখন এভাবে দুইটী কৃত্রিম প্রহরীর অভিনয় দেখাইতে তাঁহার তাদৃশ প্রয়োজন ছিল না। পক্ষান্তরে, হাতীদয়কে সীতারাম নিজের দক্ষিণ ও বাম হস্ত মনে করিতেন।

সীতারামের রাজ্যে জলকষ্ট ছিল না। স্বীয় রাজধানীকে তিনি অনেক গুলি সুবৃহৎ দীর্ঘিকা দ্বারা সুশোভিত করিয়াছিলেন; তন্মধ্যে রামসাগর, কৃষ্ণসাগর, কালীসাগর, গঙ্গাসাগর, সুখসাগর নামক প্রসিদ্ধ কয়েকটি এখনও বিলক্ষণ নীল গভীর সলিল-রাশি বক্ষে করিয়া সাধারণের উপকার সাধন করিয়া আসিতেছে। সুবিখ্যাত রামসাগরের দৈর্ঘ্য প্রায় এক মাইল, ইহারই দক্ষিণ তীরে বাজার ও ডাকঘর অবস্থিত আছে। ইহাদিগের প্রকাণ্ড উচ্চ পাহাড়গুলি এখনও অধিবাসীগণের দুর্গের গায় ক্ষীতবক্ষে দণ্ডায়মান থাকিয়া কাল-শক্তিকে ব্যঙ্গ করিতেছে! রাম-সাগরে অদ্যাপি

বীরগণ জাল নিক্ষেপ করিতে সাহস করে না; তাহাতে বিপদ ঘটে বলিয়া তাহাদের ধারণা। জলের মধ্যে নাকি মন্দিরাদির চূড়া দেখা যায়।

এক্ষণে পাঠক সহজেই বুঝিতে পারেন, যিনি কৃতান্ত সদৃশ ছুঁদান্ত নবাবের ভীষণ কবল হইতে কঠোরভাবে আত্মরক্ষা করিতে সততঃ সন্ত্রস্ত, প্রকৃতিবর্গের সুখসমৃদ্ধির চিন্তায় যিনি নিয়ত ব্যস্ত, রাজধানীটাকে রাজোচিত করিতে অক্ষুণ্ণ প্রয়াসী; আর এই অল্পকালের মধ্যেই যিনি এতগুলি মন্দির, বিগ্রহ, জলাশয় প্রভৃতি প্রতিষ্ঠায় কৃত-কাম; তিনি কি প্রকারে তাদৃশ ঘণিত কার্য্যভিনয় করিতে অবসর পাইতেন? বিলাসিতা আলস্যের সহচরী; মাধু-চিন্তার প্রতিকূলা। তবে “বাদসাই সখ” যে সময়ের আদর্শ, সে সময় সীতারামের যে কোন সখ ছিল না, এমত নহে; এখনও সুখ-মাগরের মধ্যস্থলে তাঁহার গ্রীষ্মাবাসের জন্ত জল-টুকী; ভগ্নাবস্থায় দণ্ডায়মান আছে। তাঁহার ভূষণার সে দুর্গ এখন জীর্ণাবস্থায় রহিয়াছে। তাহাতে হিন্দু-ধর্ম্মানুযায়ী আচার, ব্যবহার সংরক্ষণে, তাঁহার আন্তরিক অনুরাগ ছিল, তাহার অনেক প্রমাণ পাওয়া যায়। তিনি কোন সামাজিক উৎসবাদিতে যোগদান করিতে কুণ্ঠিত ছিলেন না; বরং প্রতিবাসীর গৃহে তাদৃশ কোন ক্রিয়াকলাপ উপলক্ষে স্বয়ং উপস্থিত হইয়া তাহার তত্ত্বাবধান করিতেন, এরূপও শুনা যায়। শ্রাব্দ দিনে কায়স্থভাবে ব্রাহ্মণগণের জলপান করিবার প্রথা তাঁহারই দ্বারা প্রবর্তিত হইয়া অদ্যাপি সমাজে প্রতিপালিত হইয়া আসিতেছে। এতদ্বারা তাঁহার সমাজানুরক্তি ও অমায়িকতাই প্রকাশ পাইতেছে। সংকার্য্যানুষ্ঠানে তিনি দশাননের নীতি অনুসরণ করিতেন,— যে সঙ্কল্প অমনি কার্য্য; তাঁহার কোন কার্য্যই দীর্ঘস্থত্রতা ছিল না। ঘণিত ঐচ্ছিক সুখোন্মত্ত থাকিলে, তাহাতে এ সকল সার্বজনীন ভাব কদাচ সম্ভাবিত হইত না, বা এত অল্প কাল মধ্যে তিনি বাহুবললক নব রাজ্যের এত শ্রীবৃদ্ধি-সাধন করিতে পারিতেন না। তিনি প্রজারঞ্জক ভূপতি ছিলেন; মুক্তহস্তে প্রজাদিগের ক্লেশ নিবারণ করিতেন। প্রকৃতি-পুঞ্জের আন্তরিক অনুরাগ ও শ্রদ্ধাভাজন না হইলে, নবাবের ভীষণ কোপানলে পতঙ্গসম সীতারামের কখনও চতুর্দশ বর্ষ পর্য্যন্ত রাজ্যভোগ কাল ব্যাপ্ত হইত না। এমন অনেক কিষদন্তী আছে, যাহাতে তাঁহাকে তীক্ষ্ণবুদ্ধি, অমায়িক, তেজোসম্পন্ন, দূরদর্শী, স্বধর্ম্মানুরাগী পুরুষ বলিয়া গ্রহণ করিতে পারি। কলতঃ বঙ্গাধিপ প্রতাপাদিত্যের পরে, বঙ্গের সুখদীপ, নির্দোষোন্মুখ অবস্থায়,

সীতারামরূপ কিরণ বিকীরণ করিয়া অনন্তের গাত্রে জন্মের মত মিলিয়া গিয়াছে।

শ্রীবিধুভূষণ বোষ।

## বৈজ্ঞানিকের ভুল।

(৮০ পৃষ্ঠার পর)

এতদিন বিজ্ঞান জড় ও প্রজাহীন শক্তিকে জগতের মূল স্থির করিয়া, কার্য্য করিয়াছেন; তাহাতে জীবন-সমস্তার কোন সুসিদ্ধান্ত হয় নাই, হইবারও যে কোন সম্ভাবনা আছে, এমন বোধ হয় না। অতএব এখন যদি বিজ্ঞান অল্পসন্ধান পদ্ধতির একটু পরিবর্তন করেন, তাহাতে কোন ক্ষতি হইবে না। জগতের মূলে জড় ও অক্ষশক্তি না থাকিয়া এমন কিছু থাকিতে পারে, যাহার আংশিক বিকাশ আমরা মালুযের সম্ভাবনা বা বুদ্ধিতে দেখিতে পাই। জড় ও শক্তি হইতে জীবনোৎপত্তির কোন প্রমাণ অথবা সম্ভাবনা, যখন দেখিতেছি না, তখন জীবনই জগতের মূল কি না, তাহা অল্পসন্ধান করিয়া দেখিতে দোষ কি? এমন হইতে পারে যে বিশ্বমূলে কোন সর্বব্যাপী, অনন্ত চিন্ময় সত্তা বিরাজিত আছেন; বিভিন্ন প্রকারের জড় পদার্থ তাহার সুসীকৃত আবরণ মাত্র। হয়ত জগতে একাধিক সত্তা নাই, এবং অপেক্ষাকৃত ঘন ভরণভেদে, সেই একই সত্তার মধ্যে অনেক গুলি স্তর আছে মাত্র। বিজ্ঞান প্রমাণ করিতে চাহিয়াছিলেন যে, শক্তির কার্য্য দ্বারা জড়রূপে ক্রমবিকাশের ফলে জীবকুল ফুটিয়া থাকে; কিন্তু তাহা আজও প্রমাণিত হয় নাই। সুতরাং এখন চৈতন্যকে মূল ধরিয়া, জড়, জীবনের ঘনতাব মাত্র কি না, তাহার অল্পসন্ধান করিলে নির্কোষের কার্য্য হইবে না।

ইয়ুরোপে সত্যতা বিকাশের প্রথম অবস্থায়, ভারত তাহার শিক্ষাগুরু ছিল। এখন পতিত ভারত আপনার শিষ্যের নিকট জ্ঞান শিক্ষা করিতেছে। কিন্তু এখনও বোধ হয় ভারতের আরো কিছু শিখাইবার আছে। ইয়ুরোপ ও আমেরিকায় আমাদের বেদান্তের ধ্যান্তি দিন দিন বর্ধিত হইতেছে। ইয়ুরোপীয় ও নার্কিনগণের নিকট বেদান্ত এক অস্তিত্ব জ্ঞান মন্দিরের দ্বারোদঘাটন করিতেছে। যে সকল জাগতিক ও নান্দিক সমস্তা পাশ্চাত্য-

গণের শিরোধূর্ণন উৎপাদন করিয়াছিল, তাহার এবং অগাঢ় অনেক নিগূঢ় তত্ত্বের সুস্ব ব্যাখ্যা বেদান্তের নিকট প্রাপ্ত হইয়া তাঁহারা মুগ্ধ হইয়াছেন। আমাদের ভরসা আছে, অনতিবিলম্বে বেদান্ত বৈজ্ঞানিকেরও আদরের সামগ্রী হইবে। অধ্যাপক জগদীশচন্দ্র বসু যে সকল অদ্ভুত তত্ত্বের আবিষ্কার দ্বারা সমগ্র বিজ্ঞান জগতকে বিস্মিত ও ঈর্ষান্বিত করিয়াছেন, তাহাদের মধ্যে একটীর ফলে জড় ও জীবের মধ্যে বিজ্ঞানের মতে পূর্বে যে ব্যবধান ছিল, তাহা অনেক পরিমাণে হ্রাস হইয়াছে। ভাড়িতপ্রবাহ ও ভাড়িতোন্মির সাহায্যে জড়ের মধ্যে সমুদয় জীবলক্ষণ একদিন প্রকাশিত হইবে, এমন আশা করা আর মূর্খের কার্য্য বলিয়া গণ্য হইবে না। জড় ও জীব বন্ধন প্রকৃতিতে অভিন্ন বলিয়া স্থির হইবে, অথচ জড় হইতে জীবের উৎপত্তি অপ্রমাণিত থাকিয়া যাইবে, তখনই বৈজ্ঞানিকগণ বেদান্তের মত গ্রহণ করিতে বাধ্য হইবেন।

সেই শুভদিন বোধ হয় বিংশ শতাব্দীর মধ্যে নিশ্চয়ই আসিবে। কিন্তু বিজ্ঞান তাহার প্রচলিত প্রণালী একটু পরিবর্তিত করিলে, সেই মৌভাগ্য প্রভাত বর্তমানের নিকটে সরিয়া আনিতে পারে। বেদান্তের বিশ্বসম্বন্ধীয় মতগুলিকে অনুমান বা hypothesis রূপে গ্রহণ করিতে বিজ্ঞানের কোন সম্মত আপত্তি হইতে পারে না। কারণ, বৈদান্তিক মত একবার সত্য বলিয়া গ্রহণ করিলে, এই জটিল সংসারের কোন রহস্যই দুর্কোষ্য থাকে না। কিন্তু এই মতের বিজ্ঞানসম্মত উপায়ে প্রমাণ বা hypothesis হয় নাই, এই যাহা দোষ। বিজ্ঞান যদি বেদান্তকে একটী অনুমান বা verification মনে করিয়া, তাহার প্রমাণ সংগ্রহে নিযুক্ত হন, তাহা হইলে তৎকর্তৃক অন্তর্জগতীয় প্রাহেলিকা-ভেদের নিশ্চিত সম্ভাবনা রহিয়াছে।

শ্রীভারতচন্দ্র চৌধুরী বি, এ।

## আবার বসন্ত ফিরে এলো।

আবার প্রাচীন ধরা  
নূতন সাজিল লো  
ছুটে ছুটে ভ্রমর আকুল;  
আবার মালঞ্চ ধারে  
হাসিয়া উঠিল লো  
বসন্তের ফুল।

২  
আবার পলাস বনে  
আগুন লেগেছে লো  
প্রকৃতি সেজেছে উদাসিনী;  
শিশির শুখাল, বুকি,  
মন্থে পাইয়ে লো  
কাঁদে না যামিনী।



৩  
 গ্রীষ্মে বরসায় শীতে শরতে হেমন্তে লো  
 ভাল ছিল, গেছে দুখে সুখে,  
 আবার কোকিল কাল আসিয়া জুটেছে লো  
 শেল হানে বুকে ।

৪  
 বসন্তের দ্বিপ্রহরে জ্ঞানহারা হয়ে লো  
 শুনি শুধু কুহ কুহ স্বর,  
 উদাস পরাণে চেয়ে আকাশের পানে লো  
 শুখায় অধর ।

৫  
 ক্ষুদ্র চাতকীর প্রাণ পিপাসু হয়েছে লো  
 'জলদে' 'জলদে' বলি ডাকে,  
 যে মেঘ প্রাবৃটে ঝরে সে কেন এখন লো  
 দূরে দূরে থাকে ।

৬  
 মদন তাড়না অতি বিষম হইল লো  
 শোন মম যৌবনের ভার,  
 একাকিনী বিরহিনী অবলা পরাণে লো  
 সহ্য কত আর ।

৭  
 সুধীর পবন কেন চঞ্চল হইল লো  
 হু হু রবে বনে বনে ধেয়ে  
 এখন রাখাল দল গোঠে কেন যায় লো  
 বাঁশরী লইয়ে ।

৮  
 কেনবা বালুকা রাশি পবন উড়ায় লো  
 দিনমান করিছে আঁধার  
 বুঝিবা মদন ঠাট রাখিতে বজায় লো  
 (পথ ঘাট) করে পরিকার ।

৯  
 লতা হারে বনফুল ধূলায় ধূসর লো  
 লুটাইয়ে পড়ে ভূমিতলে,  
 আসেনা ভ্রমর ব'লে বিরহে কান্দিছে লো  
 অভিমান ছলে ।

১০  
 উন্মাদ যুবক একা বিজনে পাইছে লো  
 একা প্রাণে বিরহের গান ;  
 বিজন প্রান্তর পাশে ভালবাসা রাখে লো  
 যাচকের মান ।

১১  
 মরস বকুল কেন নীরস হইল লো  
 পাতা গুলি ফেলেছে ছড়িয়ে,  
 বুঝিবা ভ্রমরে নব মুকুল দেখাতে লো  
 উলঙ্গ দাঁড়িয়ে ।

১২  
 বসন্ত কি চিরকাল যৌবন প্রয়ানী লো  
 শিশু প্রাণও করে নিপীড়ন,  
 বিরহী মদন ভরে বসে বসে করে লো  
 নিশি জাগরণ ।

১৩  
 যে বাস পরিয়ে তরু সেদিন সেজেছে লো  
 খুলে ফেলে ছুদিনের পরে,  
 শিশু কলিকারে দলে ছু'দিনে বাড়ায় লো  
 যায় দেশান্তরে ।

১৪  
 শীতের অরুণ, সখি দারুণ হইল লো  
 মরীচিকা জ্বলিছে কেবল,  
 বিরহী পোড়াতে যেন মদন শ্মশানে লো  
 জ্বালে চিতানল ।

১৫  
 বিগুণ তটিনী যেন বসন্তে হেরিয়ে লো  
 হেলে ছলে শিশু খেলা ভুলে,  
 রাখিতে কান্তার মন ছুটিয়া মিশিছে লো  
 সাগরের কোলে ।

১৬  
 তীক্ষ্ণ শর সম কেন হৃদয়ে বিধিছে লো  
 সুকোমল কুসুম কমল,  
 সুধাকর হীন করে জ্বলিয়া উঠিলে লো  
 বিরহ অনল ।

১৭  
 ক্রুর পল্লব কেন খসিয়া পড়িছে লো  
 কেন সদা কাঁপে থর থর  
 নিদয় মদন বুঝি অলঙ্কে বিকিছে লো  
 অনঙ্গের শর ।

১৮  
 নতন বসন্ত যুরে বারে বারে আসে লো  
 বুঝি কুল থাকে নাক আর,

বসন্ত ফুটিতে যদি নয়ন মুদিত লো  
 যেত দুঃখ ভার ।

১৯  
 এবার বসন্ত এলে এদেশে রবনা লো  
 হেথা শুধু মদন শাসন ।

মাতারি সাগর পারে পলাইয়ে যাব লো  
 জুড়াতে জীবন ।

শ্রীমহম্মদ আজীজ উস সেভান ।

## নবাবিষ্কৃত হিন্দু বৈষ্ণব-কবিগণ ।

ইতিপূর্বে আমরা 'বীরভূমির' পাঠকবৃন্দের নিকট 'মুসলমান বৈষ্ণব' কবিগণের ও তৎকৃত পদাবলীর পরিচয় দিতেছিলাম; কিন্তু দৈবক্রমে মধ্যে কিছুদিন পত্রিকার প্রচার বন্ধ থাকায় আমাদের সে প্রবন্ধ আর সমাপ্ত হইতে পারে নাই । সম্প্রতি রাজসাহীর প্রসিদ্ধ সাহিত্য-দেবী সুহৃৎবর শ্রীযুক্ত বাবু ব্রজসুন্দর সান্যাল মহাশয় আমাদের উক্ত পদাবলী-সংগ্রহ করিয়া স্বতন্ত্র পুস্তকাকারে প্রকাশিত করিয়াছেন । সুতরাং এখন তদ্বিষয়ে আমাদের আর লেখনীধারণ না করিলেও চলিতে পারে । সান্যাল মহাশয় যেরূপ যত্ন ও শ্রম সহকারে পদগুলির প্রকাশ করিয়াছেন, তাহাতে উহাদের স্থায়িত্ব প্রাপ্তির সঙ্গে সঙ্গে বঙ্গসাহিত্যেরও বিশেষ উপকার করা হইয়াছে । এজন্য তিনি সকলেরই ধন্যবাদাহ, তাহাতে আর সংশয় নাই । তিনি স্বতঃ-প্রবৃত্ত হইয়া এ কার্যে হস্তক্ষেপ না করিলে আমাদের কষ্টার্জিত পদগুলি বহুদিন পর্যন্ত মাসিক পত্রিকার অকর্তিত পত্ররাজির মধ্যেই বিরাজিত থাকিত । সান্যাল মহাশয়ের এবিধ পরিশ্রম ও অর্থব্যয় এখন সাধারণের অনুগ্রহ ও সহায়ত্ব-বলে মার্ফক হইলেই আমরা পরম প্রীতিলভ করিব ।

এ পর্যন্ত আমরা নানা পত্রিকায় নবাবিষ্কৃত কবিগণের পদাবলী প্রকাশ করিয়া আসিতেছি । সর্বপ্রথম 'পূর্ণিমা' পত্রিকায় এই সকল পদাবলী প্রকাশিত হইতে আরম্ভ হয় । তৎপ্রকাশে 'পূর্ণিমাকে' শিখিলপ্রবর্তা দেখিয়া আমরা অবশেষে 'বীরভূমি' এবং 'সাহিত্য-সংহিতার' আশ্রয় লইতে বাধ্য

হই। 'বীরভূমিতে' কেবল মুসলমানবৈষ্ণব কবিগণের ও 'সংহিতায়' হিন্দু মুসলমান কবিগণের পদাবলী প্রকাশিত হইতেছিল। এ উভয় স্থানেই অনেকগুলি পদ প্রকাশিতও হইয়াছিল। মধ্যে 'বীরভূমির' ভাগ্য-বিপর্যয় হেতু উহার প্রবন্ধ যে অসঙ্গ অবস্থায় থাকিয়া যায়, তাহা পূর্বেই-উক্ত হইয়াছে। পক্ষান্তরে, ইতিমধ্যে 'সংহিতার' জনৈক কর্মচারী পণ্ডিত মহেন্দ্র নাথ বিদ্যা-নিধি মহাশয় 'সংহিতায়' প্রকাশার্থ প্রেরিত মল্লিখিত 'আর' একখানি নূতন বিদ্যাসুন্দর' নামক প্রবন্ধটি আত্মসাৎ করতঃ গত বর্ষের পৌষ মাসের 'প্রদীপ' পত্রে নিজ নামে প্রকাশ করিয়া দেওয়ায় আমরা তাহার এ দস্যুবৃত্তি সাধারণ্যে প্রচারিত করিয়া দেই।\* তদবধি 'সংহিতা' ও আমার প্রবন্ধ আর প্রকাশ করিতেছেন না। 'সংহিতার' এ ত্রায়-নিষ্ঠা ও সত্য-প্রিয়তা দেখিয়া কেহ বিস্মিত হইবেন কিনা, জানিনা। আমরা ত আর তদীয় নাহচর্যা লাভের জন্ত চেষ্টাই অসঙ্গত মনে করি। বস্তুতঃ ঐরূপ কলুষিত-চরিত্র লোক যে পত্রিকার সহিত সংশ্লিষ্ট, সে পত্রিকায় কাহারও কষ্ট-লিখিত প্রবন্ধাদির প্রকাশ করা কেবল তাহাদের অপব্যবহার করাই বটে! সে অবাস্তব কথা এখন থাক। স্থূল কথা এই যে, আমাদের আবিষ্কৃত পদগুলি প্রাপ্ত কারণে অত্যাধিক সমস্ত প্রকাশিত হইতে পারে নাই। যেগুলি অপ্রকাশিত আছে, বর্তমান প্রবন্ধে আমরা তাহাই প্রকাশিত করিতেছি। আমাদের আবিষ্কৃত হিন্দু কবিগণের সংখ্যাও অল্প নহে। 'পদকল্পতরু' প্রভৃতি গ্রন্থে যে সকল কবিগণের পদরাজি সংগৃহীত আছে, আমাদের আবিষ্কৃত কবিগণ তাহাদিগকে হইতে সম্পূর্ণ বিভিন্ন বলিয়াই বোধ হয়। বঙ্গসাহিত্যের বড় বড় কবিগণের মধ্যেই যখন অনেকের পরিচয় পাওয়া যায় না, তখন এ সকল পদলেখক ক্ষুদ্র ক্ষুদ্র কবিগণের পরিচয় পাওয়ার আশা করা বিড়ম্বনা নহে কি? এ সকল কবিগণ চট্টগ্রামে আবিষ্কৃত হইয়াছেন, সুতরাং তাহারা ঠিক চট্টগ্রামবাসী ছিলেন কিনা, নিশ্চয়রূপে বলিতে না পারিলেও তাহারা যে অস্তুতঃ পূর্ববঙ্গবাসী ছিলেন, একথা অসন্দেহেই বলা যায়।

মালীর বাগানে কত ফুল ফুটিয়া আপনা আপনি ঝরিয়া পড়িয়া যায়।

\* এতদ্বিষয়ে সবিস্তার বিবরণ যাহারা জানিতে ইচ্ছা করেন, তাহারা গত—১৪ই শ্রাবণ, ২৮শে শ্রাবণ ও ৩রা ভাদ্রের 'মিহির ও সুধাকর' পাত্রে 'একটি কথা' শীর্ষক প্রবন্ধ পড়ি করিবেন। উক্ত প্রবন্ধের একটি সংক্ষিপ্ত সংগ্রহ 'দবনূর' ২য় বর্ষের ভাদ্র সংখ্যার 'বাগদারী চরিত্র চিত্র' প্রবন্ধেও দৃষ্ট হইবে।

কে তাহার খোঁজ করে? বাঙ্গালার প্রাচীন কবিগণ সম্বন্ধেও ঠিক এই কথা প্রযুক্ত্য বটে। প্রাচীন কালে কত কবিই যে আবিষ্কৃত হইয়া স্ব স্ব প্রতিভা ও চেষ্টা বলে দীনা বঙ্গভাষার ক্ষীণ কলেবর পুষ্ট ও সৌন্দর্যময় করিয়া গিয়াছেন, আমরা তাহার তত্ত্ব লইতেছি কৈ? বঙ্গের গ্রামে গ্রামে এখনো প্রাচীন সাহিত্যের বহুল রত্নরাজি অঘলে ও কালপ্রভাবে বিনষ্ট হইয়া যাইতেছে। এদিকে বঙ্গীয় সাহিত্য-প্রেমিকগণের সত্ত্বর সৃষ্টি পতিত হইলে বঙ্গভাষার কি পরিমাণ উপকার হইবে, তাহা কেবল অনুমানেরই বিষয়। এ বিষয়ে আমরা পুনঃ পুনঃ সকলেরই কৃপাদৃষ্টি ভিক্ষা করিয়া আসিতেছি। মাতৃভাষার খাতারে মাতৃ ভক্ত সন্তানগণ একটু স্বার্থ ও আত্ম-ত্যাগ করিতে কুণ্ঠিত হইবেন কি? আমাদের জিনিষের আদর আমরা নিজে না করিলে তবে কে করিবে?

বলিয়া রাখা উচিত; একাধিক পাণ্ডুলিপির সহায়তা ব্যতীত প্রাচীন সাহিত্যের নির্দোষ পাঠ উদ্ধার করা বড়ই কঠিন। এজন্য আমাদের প্রবন্ধ-ধৃত পদ সমূহের মধ্যেও অনেক স্থলে প্রমাদ পরিদৃষ্ট হওয়া সম্ভব। প্রাচীন সাহিত্যের সংশোধন বা পরিবর্তন ত্রায়সঙ্গত নহে বলিয়া বর্ণ-বিজ্ঞান-পদ্ধতি-তেও অনেক স্থলে প্রাচীন রীতি অবলম্বিত হইবে। নিম্নে পদগুলি উদ্ধৃত হইতেছে:—

১। জয় রাম দাস। পদসংখ্যা—২।

ইহার নাম সাহিত্য-সংগারে সম্ভবতঃ এই প্রথম বিষ্কৃত হইল। বৈষ্ণব কবির তালিকায় এই নামধেয় আর কোন কবি দেখা যায় না।

ভাটিয়াল।

ওলো বন্ধু, তুমি রে সৃজন!

তোমার পিরীতে দিব জাতি কুল মান ॥ ধু।

নাথ! তুমি ত সৃজন বন্ধু নবঘন শ্রাম।

তুমি যারে নিদারুণ বিধি তারে বাম ॥

রাজা পদে নিবেদিবু না ভাবিও ভিন।

সহজে হৈ আছি আমি পরের অধীন ॥

জয় রাম দাসে কহে কাতর বচনে।

অনুগত করি মোরে রাখহ চরণে ॥ ১।

## সারঙ্গ ।

দেখ গো, কালিন্দীর কিনারে শ্যাম রায় ১ ! ধু ।  
 কালিন্দার জল কাল, সিনান করিছে ভাল । ২  
 শ্যামরূপ জলেতে মিশায় । ৩ ,  
 কাঁখে কলসী করি, বমুনীর জল ভরি,  
 পীত বসন গোরা গায় ॥  
 আগর চন্দন গায়, সোণার লুপুর পায়,  
 গীত গাহে বাঁশীটি বাজায় । ৫  
 শুনিয়া বাঁশীর গীত, ঘঠেতে না রহে চিত, ৬  
 নিত্য মন বৃন্দাবনে ধায় ॥  
 সুরঙ্গ অধরে হাসি, ত্রিতঙ্গে বাজায় বাঁশী,  
 শুনি মন উল্লাসিত ভায় ।  
 জয় রাম দাসে কহে, এই কথা মিথ্যা নহে,  
 যথা কানু তথা রাধা যায় ॥ ২ ।

## হরিহর দাস বা হরিদাস । পদসংখ্যা ১ ।

পদকর্তাদের মধ্যে হরিদাস নামা কবি একজন আছেন । কিন্তু তাঁহার  
 সহিত আমাদের এই কবির কোন সম্বন্ধ আছে কিনা, বলা সহজ নহে ।

## কেদার ।

রাধা কানু নিকুঞ্জ মন্দির মাঝে ।  
 আর যথ যুবানারী, গায়েপু মঙ্গল করি,  
 তেজিআ কুলমান লাজে ॥ ধু ।  
 সরস যামিনী, সুরেশ কামিনী,  
 চঞ্চল নয়ানে চাঁএ ।

- ১। 'দেখ গো' স্থলে 'দেখ রে যাই' ও 'শ্যামরায়' স্থলে 'শ্যামরাই' পাঠান্তর ।  
 ২। 'কাল' স্থলে 'কালী' ও 'ভাল' স্থলে 'বালা'—পাঠান্তর ।  
 ৩। 'মিশায়' স্থলে 'মিশাই'—পাঠান্তর । ৪। আগর অণুর ।  
 ৫। 'হের দেখ রাধার বন্ধু যায়'—পাঠান্তর ।  
 ৬। 'ঘঠেতে.....চিত' স্থলে 'প্রাণ মোর না লয় স্থিত'—পাঠান্তর ।

মদন ভুজঙ্গমে, রাধারে ডংশিল,  
 চলিআ পড়ে শ্যাম গাএ ॥  
 কানু যে ধবন্তরী, রাধারে কোলেতে করি,  
 অধরে সে বিষ করে পান ।  
 যেমতে নাগরী, প্রেমরসে আগরী,  
 দৌহে দৌহা একহি পরাণ ॥  
 চক্রেতে নিন্দা করি, কুলবতী নারী,  
 বরিষে পুষ্পের বাস । ৭ (৭)  
 সূহন্দে বাজাএ বেণু, দেঅন্ত করতালি, (৮)  
 গা অন্ত হরিহর দাস (৯) ॥ ১৩।

## ৩। নন্দদাস । পদ সংখ্যা—১

পদকর্তাদের মধ্যে নন্দদাস নামক কোন কবি নাই, কিন্তু নন্দ বিজ  
 নামক একজন আছেন ।

## প্রভাত ।

আমি তোমার কলঙ্কে মরি, ও রাধার বন্ধুরে । ধু ।

একটি শয্যাতে বসি,  
 নারী কহে প্রিয় ভাষি,  
 তুমি বন্ধু বিনোদ নাগর ।  
 অত্রের রমণী আমি,  
 ভিন্ন পুরুষ তুমি,  
 নিত্য নিত্য আইস মোর ঘর ॥  
 আসিতে না (১০) মোর ঘরে,  
 যদি পাএ চৌকিদারে,  
 নিশ্চয় লইব জাতিকুল ।  
 কহে হীন নন্দদাস,  
 কানু ফিরে রাধার পাশ,  
 কানু এ পুরাবে মন আশ ॥১৪ ক্রমশঃ ।

শ্রী আবহুল করিম ।

- ৭। 'বরিষে পুষ্পের যে বাসে'—পাঠান্তর ।  
 ৮। 'কান্তনে পুন পুন'—ঐ  
 ৯। 'দেয়াস্তি যোগার হরিদাসে'—ঐ  
 ১০। 'না' পাদপূরণে ব্যবহৃত ।

## গৃহলক্ষ্মী ।

জমিদারী সেবেস্তায় সারাটি জীবন খাটিয়া রমাকান্ত রায় বাহা কিছু সঞ্চয় করিয়াছিলেন, জ্যেষ্ঠ পুত্র শ্রীমান্ নরেন্দ্রনাথের বিদ্যা অর্জনে তাহা ব্যয়িত হইল ; অতি সামান্য উপসত্বের একখানি ক্ষুদ্র পৈত্রিক জ্যোত মাত্র তাঁহার হাতে রহিল। পুত্র যখন একে একে পাশগুলি দিতেছিলেন, তখন বৃদ্ধ পিতামাতা কস্ম ও দারিদ্র্যক্লষ্ট কঠোর জীবনের শেষের কয়টি দিন একটু অনাবিল শান্তি ও সুখে যাপন করিবার আশা করিয়াছিলেন। যখন নরেনের এক গণ্ডা পাশের সংবাদ গ্রামে প্রকাশিত হইল, তখন গ্রামের সকলেই বৃদ্ধ রমাকান্তকে সৌভাগ্যবান মনে করিল। তাহার পর যখন খবর আসিল, এই পাশ দিয়া নরেন্দ্র শতাবধি টাকা পুরস্কার পাইয়াছে, ইহা ব্যতীত আবার সোণার পদক প্রভৃতিও তাহার পাওয়ানা হইয়াছে, তখন সকলে বৃদ্ধের এই সৌভাগ্য পূর্বজন্মকৃত স্মৃতির ফল মনে করিয়া তাহাকে ধন্য ধন্য করিতে লাগিল।

পাঠের হানি হয় বলিয়া বাইশ বৎসর বয়স হইলেও নরেন্দ্র অবিবাহিত ছিল। এখন, এম্, এ, পাশ হইয়া নরেন্দ্র যখন একটা মোটা মাহিয়ানার চাকুরি পাইল, তখন বৃদ্ধ রমাকান্ত অনেক অবেষণে তাহার জন্ত একটা কুলীন পাত্রীর সন্ধান করিলেন। ষর রমাকান্তের কিঞ্চিৎচ ; কত্নার দেহের গঠন অনিন্দ্য কিন্তু গাত্রের বর্ণটি কাঞ্চনগৌর কিম্বা চম্পকপুষ্প সমকক্ষ নহে। বড়ার বিশ্বাস ছিল, পুত্র যখন এত বড় বিদ্বান্ হইয়াছে, তখন সে পিতৃনির্দিষ্ট এই পাত্রীর পাণি গ্রহণে কখন অসম্মত হইবে না। এই বিশ্বাস বশেই পুত্রের অভিপ্রায় না জানিয়াই বৃদ্ধ এই বিষয়ে অনেকখানি অগ্রসর হইয়াছিলেন। কিন্তু যাহার মন 'জুলিয়েট', 'তফেলিয়া', ও 'ইডিথের 'আই-ডিয়ালে (ideal) পূর্ণ, সে কি নিরক্ষর পিতার কৌলীন্ড কুসংস্কারের ধার ধারে ? যখন উপযুক্ত পুত্র বন্ধুজন দ্বারায় পিতাকে জানাইলেন এই কুৎসিদাকৃতি কুলীন কন্যাকে লইয়া সংসার করা তাঁহার পক্ষে অসম্ভব, তখন বৃদ্ধের মাথায় আকাশ ভাঙ্গিয়া পড়িল। তিনি কন্যার পিতাকে কথা দিয়াছিলেন। পাকা দেখাও বুঝি হইয়াছিল। নরেন্দ্র পিতামাতার কাকুতি মিনতি অবজ্ঞাভরে পায়ে ঠেলিয়া আপনার কস্মস্থলে চলিয়া গেলেন।

রমাকান্ত মনে মনে যে ভবিষ্যৎ সুখের আশা পোষণ করিয়াছিলেন, তাহা মনেই মিলাইয়া গেল।

একটা মিছা কথা কহিয়া বৃদ্ধ সঞ্চকটা ভাঙ্গিয়া দিয়া, সেই ক্ষুদ্র জ্যোতের উপসত্বের উপর নির্ভর করিয়া বৃদ্ধ জীবনের সঙ্গিনী পত্নীকে লইয়া কাশীবাসী হইলেন। জমিদারী সেবেস্তার কাজ করিয়া জীবন কাটাইয়াছিলেন বটে, কিন্তু মিথ্যা প্রবঞ্চনার প্রতি তাঁহার দারুণ ঘৃণা ছিল ; পুত্রের ব্যবহারে এই শেষ জীবনে সেটিও তাঁহার ভাগ্যে ঘটিল, যেন ইহাই মনে করিয়া বৃদ্ধ সুপাখ্যমে বিশেষ্বরের চরণে এই পাপের প্রায়শ্চিত্ত করিতে গেলেন। বিদ্বান্ পুত্রের কার্যকলাপ ও মতিগতি দেখিয়া গ্রামবাসীরা রমাকান্তকে অতি হত-ভাগ্য মনে করিতে লাগিল।

বলিতে ভুলিয়াছি, নরেন্দ্রের কনিষ্ঠ হরেন্দ্র দাদার নিকটে থাকিয়া লেখাপড়া করিত। পিতামাতার কাশী গমনকালে বালকের বয়স চতুর্দশ বৎসর।

আপনার 'মরাল কারেজ' দেখাইয়া পিতামাতার মূঢ় ব্যবহারের প্রতি-শোধ লইবার মানসে বিদ্বান্ নরেন্দ্রনাথ ছোট ঘরের একটা রূপসী বালিকাকে পরিণয়সূত্রে বাঁধিয়া আপনার কস্মস্থলে লইয়া গেলেন। স্বশুরের অবস্থা অচল বলিয়া নরেন্দ্র তাঁহাদিগকে অর্থনাহায্য করিতেন, কিন্তু পত্নী মনো-বিন্যাসে তিন পিতৃগৃহে যাইতে দিতেন না। নিজের নিকট রাখিয়া তাহাকে লেখাপড়া, গানবাজনা, সেলাইয়ের কাজ, সুখ ও আলস্যপ্রিয়তা এবং অহঙ্কার শিখাইতে লাগিলেন।

অর্থের প্রাচুর্য্য এবং ব্যয়ের অভাবহেতু দিন বড় সুখে কাটিতেছিল ; ব্যয়ের অভাব—অর্থাৎ নরেন্দ্র এবং তাঁহার পত্নীর জন্ত ব্যয় বড় অধিক হইত না, যাহা অগ্রায় খরচ হইত সে কেবল হরেন্দ্রের জন্ত। কিন্তু যথেষ্ট রূপ দিয়াছিলেন বলিয়া বিধাতা মনোরমার গুণের ঘরে শূণ্য বসাইয়াছিলেন না, সুতরাং তিনি আপনার ঘর সংসার বৃদ্ধিতে আরম্ভ করিয়া অনেক অপব্যয় হইতে স্বামীকে মুক্ত করিলেন সে নিম্নলিখিতরূপে।

প্রায় বৎসর দুই তিন যাবৎ হরেনের একটি 'প্রাইভেট টাটর' ছিল। একদিন মনোরমা পতিকে বুঝাইলেন যাহার অমন বিদ্বান্ ভাই রহিয়াছে, টাকা দিয়া শিক্ষক রাখা তাহার পক্ষে বিড়ম্বনামাত্র, তদবধি শিক্ষক আর নরেন্দ্রকে পড়াইতে আসিলেন না।

পূজা এবং গ্রীষ্মাবকাশে হরেন্দ্র মাতা পিতার সহিত সাক্ষাৎ মানসে কাশী যাইত ; যাইবার সময় দাদার নিকট পাথের লইয়া যাইত ; যেবার হইতে বৌদিদির হাতে পাথের লইতে হইল, সেবার হইতে তাহাকে মধ্যম-শ্রেণীতে না যাইয়া তৃতীয় শ্রেণীতে ভ্রমণ করিতে হইল ।

হরেন্দ্র প্রত্যহ চারিটি পয়সা জলখাবারের জন্য পাইত, মনোরমার তত্ত্বাবধানে তাহা শনিবারে ও রবিবারে, শেষে একেবারে বন্ধ হইয়া গেল ।

এইরূপ অনেক বাহুল্য ব্যয় লক্ষ্মীকন্যা মনোরমার সুবন্দোবস্তে বন্ধ হইয়া গেল । এই সকল এবং এইরূপ সকল ব্যয় বন্ধ করিয়া যাহা থাকিত তাহা ও আর কিছু কিছু দিয়া মনোরমা স্বামীর মঙ্গলকল্পে কতকগুলি স্থাবর সম্পত্তি করিলেন—সেগুলি নানা প্রকারের সোণারূপার গহনা ।

হতভাগ্য হরেনের দিন যেমন অন্ধকারময় তেমনই বিষাদমণ্ডিত । দিন-মান বিদ্যালয়ে এবং নানা কার্যে কোন প্রকারে অতিবাহিত হইত, কিন্তু সন্ধ্যার পর স্নেহময়ী জননীর কথা মনে উঠিয়া প্রবাসী বালকের চিত্ত অস্থির করিয়া তুলিত । শান্ত সন্ধ্যায় স্নেহাকাজী বালকের খেদখিন্ন নয়নে অশান্ত অশ্রু বহিয়া যাইত । অবশেষে শান্তিময়ী নিদ্রা আসিয়া তাহার চিন্তা-তপ্ত কোমল কপোলে ধীরে ধীরে হাত বুলাইয়া সকল ব্যথা শান্ত করিতেন । কিন্তু নরেন্দ্র ও মনোরমার ব্যবহার দিনে দিনে মাত্রা ছাড়াইয়া চলিল ; ক্রমে মারপিট অবধি গড়াইল । পনের! বৎসরের যুবক বয়ঃকনিষ্ঠা বৌদিদির হাতে চড়চাপড় খাইয়া লজ্জার মরমে মরিয়া রহিল । অবশেষে আর সহিতে না পারিয়া মাকে একখানা পত্র লিখিল ; তাহাতে বৃদ্ধ পিতামাতা বুঝিলেন, জ্যেষ্ঠের নিকটে হরেন্দ্র বড় কষ্টে রহিয়াছে ।

অনেক চিন্তার পরেও কোন উপায় না দেখিয়া বৃদ্ধ রমাকান্ত হরেন্দ্রকে প্রবোধ দিয়া একখানি পত্র লিখিলেন । তিনি কখনও লেফাফায় পত্র লিখিতেন না ; কিন্তু এই পত্রখানি লেপাফাবদ্ধ । হরেন্দ্র তখন কার্যে বাহিরে গিয়াছিল ; মনোরমার হাতে পত্রখানা পড়িল । তিনি কি জানি কি মনে করিয়া পত্রখানা কৌশলে খুলিয়া পড়িলেন—

“বাবা হরেন্দ্র, কষ্ট না সহিলে ভবিষ্যতে সুখের আশা নাই । আমার দিন প্রায় ফুরাইয়া আসিয়াছে, আমার সাধ্য নাই যে, তোমার ক্লেশ নিবারণ করি । হাজার হউক, নরেন্দ্র ও বোমা তোমার গুরুজন, তাঁহারা শত অগ্রাধিকার ব্যবহার করিলেও সকল সহিয়া থাকিবে ।

পত্রখানি রাতে নরেন্দ্রনাথ দেখিলেন । পরদিন প্রাতে হরেন্দ্র পত্র পাইল কিন্তু জানিতে পারিল না যে, উহা তৎপূর্বে কেহ দেখিয়াছে । পিতার উপদেশ দিয়া হতভাগ্য বৃদ্ধ বাঁধিতে চেষ্টা করিতে লাগিল, বলা বাহুল্য, ইহার পরে কোন পত্রই নরেনের অপঠিত অবস্থায় তাহার হাতে আসিত না । সেইদিন হইতে নানা কারণে তাহাকে অসংখ্য লাঞ্ছনা ভোগ করিতে হইত ।

হরেনের সমপাঠী একটি বন্ধু কবিতা লিখিতে পারিত । হরেন্দ্র তাহার নিকট ভারতীসেবা শিখিতেছিল । তাহার কবিতা আকুল উদ্বেগপূর্ণ ও অধিকাংশ “তাল বেণে” মিল করা হইলেও বেদনাবিধুর হরেন্দ্রের মনে একটু সান্ত্বনা আনিয়া দিত । তাহার হৃদয়ের রক্তস্বরূপ ক্ষুদ্র খাতাখানি একদিন মনোরমার হাত দিয়া নরেনের হাতে পৌঁছিল ; তাহার ফলে হরেন্দ্রের প্রতি উত্তম-মধ্যমের ব্যবস্থা হইল । হরেন্দ্র কবিতার কুসুম-কানন ত্যাগ করিল কিন্তু তাহাতে দুঃখ গেল না । শেষে পাঁচ ছয় দিনের ঘটনা বিবৃত করিয়া হতভাগ্য একখানি দীর্ঘ পত্র পিতার নিকট পাঠাইল । পত্রপাঠে রমাকান্ত জ্যেষ্ঠ পুত্রের পৈশাচিক ব্যবহার জ্ঞাত হইয়া মর্ম্মাহত হইলেন ।

রমাকান্ত নিজগ্রামের দুই বর্ষাধিক পরিত্যক্ত গৃহস্থান জন্মস্থানে হরেনের মাতাকে লইয়া ফিরিলেন । পূর্ব-মনিবের অধানে একটি চাকুরী অনায়াসে সংগ্রহ করিলেন—জমিদার বাবু ধনী হইলেও রমাকান্তের সত্যপ্রিয়তা এবং উদারতা তিনি বিস্মৃত হইয়াছিলেন না । এইরূপে উপার্জিত অর্থে হরেন্দ্র মাতার আশ্রয় ছাড়িয়া কলিকাতায় বিদ্যাভ্যাস করিতে লাগিল ।

হায় অপত্যস্নেহ ! এ মরজগতে যাহা কিছু আছে, তুমিই সকলের শ্রেষ্ঠ-বস্তু । তোমার অস্তিত্ব না থাকিলে কত অভাগ্য যে আত্মঘাতী হইত, তাহা এক বলিবে ? তোমারই মহাশক্তির বশে রমাকান্ত বৃদ্ধবয়সেও পুণ্যধাম বারাণসী ত্যাগ করিয়া ধর্ম্মাচরণ ভুলিয়া, কাঁচিয়া গৃহধর্ম্মে ও অর্থোপার্জনে মন দিলেন । কিন্তু যে তোমার মহাশক্তি মানিয়া চলে অক্ষয় স্বর্গ তাহার—তোমার আজ্ঞাপালনে কাশীবাসের ফল, শত অশ্বমেধের পুণ্য ।

হরেন্দ্র পিতার প্রেরিত অর্থ পাইয়া প্রাতে কলিকাতায় গেল । রাতে মনোরমা পতির মুখচুষন করিয়া হাসিতে হাসিতে কথাটা পাড়িলেন । নরেন্দ্র পার্শ্বপরিবর্তন করিয়া তাচ্ছিল্যের স্বরে কহিলেন—“তা যাক্কে ।” কিন্তু তাহার মরমের গুপ্ত অন্তরালে কে যেন একটা তপ্ত লৌহ-শলাকা বিদ্ধ করিয়া রহিল—তিনি মনোরমাকে প্রতিচুষন করিতে ভুলিয়া গেলেন ।

কলিকাতায় আসিল বটে, হুঃখের হাত এড়াইল বটে, কিন্তু পূর্বস্বাদিত ক্লেশগরল হরেনের শান্তি বিনাশ করিয়াছিল। নরেন্দ্রের আশ্রয়ে থাকি কালীন পড়াশুনা কিছু করিতে পারে নাই; বৃদ্ধবয়সে পিতামাতা তাহার আয় হতভাগ্যের জন্ত এই কষ্টসমূহ ভোগ করিতেছেন, এই বিষয়ময় চিন্তা তাহার মনে অহরহ শত বৃশ্চিকদংশন করিতে লাগিল। কলিকাতায় আসিবার চারি মাস পরে প্রবেশিকা পরীক্ষা দিয়া হরেন্দ্র জনকজনীর কাছে গিয়া ম্লানমুখে কহিল “ভাল লিখিতে পারি নাই।”

পরীক্ষার ফল প্রকাশিত হইলে জানা গেল হরেন্দ্র কৃতকার্য্য হয় নাই।

এই সংবাদ পাইবার তিন চারি দিন মধ্যে হরেন্দ্র বিষম জরে আক্রান্ত হইয়া সংক্রান্ত হারাইল। বৃদ্ধ পিতামাতার আকুল প্রার্থনা ও নিরলস সূত্রকালের সহিত সংগ্রাম করিতে লাগিল। একদিন প্রলাপে হরেন্দ্র কহিল “বাবা! আমি নিজের অবহেলায় ফেল হই নাই।” এই কাতর ক্ষোভপূর্ণ কথা কয়টি বৃদ্ধ পিতামাতার লোলচর্ম্মাবৃত গণ্ড তপ্ত-অশ্রুধারা-সিক্ত করিল। পুত্রকে সান্ত্বনা দিবার মানসে বৃদ্ধ আপনার শীর্ণ হাতে বালকের রোগতপ্ত পাণ্ডুহাত দুইখানি লইয়া কহিলেন “হউক বাবা, তোকে আবার পড়াইব, তুই বাঁচিয়া উঠ।”

সেই রাত্রে রমাকান্তের গৃহ হইতে আকুল হাহাকার উঠিয়া গ্রাম ব্যক্তি করিয়া পল্লীবাসীদিগকে জানাইল, তাহার প্রাণের হরেন সংসারের বিষম অদৃষ্ট সংগ্রামের দারুণ আঘাতে ক্ষতবিক্ষত হইয়া প্রাণ বিসর্জন করিয়াছে।

\* \* \*  
\* \* \*

একদিন রাত্রে যখন মনোরমা হরেন্দ্রের মৃত্যুসংবাদ আলোচনায় প্রবৃত্ত হইলেন, তখন নরেন্দ্রের বুকে কে যেন একটা কঠিন প্রস্তরাঘাত করিল। একটা প্রয়োজনের ভাণ করিয়া তিনি ছাদে পাদচারণ করিতে লাগিলেন। নিম্নেব উদ্যানের স্ফুটকুমুম-সৌরভ বহিয়া বায়ু মন্দগতিতে তাঁহার তপ্ত ললাট স্পর্শ করিতেছিল, অগণিত তারকাবেষ্টিত চন্দ্রমা মধুর জ্যোছনায় ধর ভাসাইতেছিলেন, বিল্লীরব মুখরিত ধরণী হাস্তময়ী, কিন্তু এ সকলের প্রতি নরেন্দ্রের দৃষ্টি ছিল না, দৃষ্টি অন্ধ করিয়া দুইবিন্দু তপ্ত অশ্রু তাঁহার দুইগণ্ডে দুইটি পবিত্র রেখা অঙ্কিত করিয়া গেল।

শ্রীঅনাদিনাথ সরকার।

## ঐতিহাসিক-কথা ।

অদ্যকার এই ক্ষুদ্র প্রবন্ধে কোন মহত্তর ঐতিহাসিক তত্ত্বালোচনায় প্রবৃত্ত হই নাই, ভারতের ইতিহাস চিরদিনই অন্ধকারময়; সেই অন্ধকারের বিরাট বিশাল গহ্বরে কত যুগযুগান্তব্যাপী সাম্রাজ্যের, কত শাসনের উত্থান পতনের ধ্বংস-চিহ্ন কোঁথায় অজ্ঞাতভাবে ধীরে ধীরে লুকাইয়া যাইতেছে, তাহা কে জানে? ইতিহাস এখানে মূক, ইতিহাসকে চালাও, ইতিহাস শত অতীতের সাক্ষ্য দিবে। যিনি ভারতের সিংহাসনে চতুর্দশবর্ষ ব্যাপিয়া ভারতের ভাগ্য বিধাতা স্বরূপ ছিলেন, সেই ওয়ারেন হেস্টিংস এর চরিত্র সম্বন্ধে দুইটা কথা পাঠকদিগকে শুনাইতে অদ্য এই প্রয়াস। দুই শ্রেণীর লোক আছেন, একদল বলিবেন, হেস্টিংসের চরিত্র নিষ্ফলক কেবল দেশকাল ভেদ বিবেচনায় রাজনৈতিক ঘূর্ণাবর্ত্তে পড়িয়া বৃটিশ শাসনের মূলভিত্তি দৃঢ় করণার্থ তিনি কতকগুলি অন্যায় ও অত্যাচারের স্রোত প্রবাহিত করিয়াছিলেন, তজ্জন্ত তিনি দায়ী নহেন; সমন্বয়যোগিনী কর্তব্যনিষ্ঠার প্রবল কষাঘাত ভবিষ্যতে তাঁহারই স্বজাতিবর্গের হিমালয় দৃঢ়, অটুট, রাজত্বের মঙ্গল-নিদর্শন-স্বরূপ; তাঁহাকে বাধ্য হইয়া রাজার রাজাচ্যুত, বেগমের সর্বস্বাপহরণ অথবা কাহাকেও অবিচারে ফাঁসিদান পর্য্যাপ্তও করিতে হইয়াছিল। অপর দল এই সত্যের উপর দ্রুতদৃষ্টি প্রদর্শন করিয়া আপনাদিগের বিজয় নিশান সতত প্রোথিত করিতেছেন। বৃটিশ রাজত্বের আয়পরতার মূলে এবং প্রকার অন্যায় কখনই তাঁহারা সহ করিবেন না। বহুকাল ধরিয়া ইতিহাসের বিপুল রণক্ষেত্রে চিরদিনই উভয় পক্ষ হইতে ছোটখাট রকমের রক্তপাত হইতেছে। এই চিরদিন-স্থায়ী অনাবিল সংগ্রামের মোমাংসা করিতে যাওয়া কেবল কতকগুলি গভীর দায়িত্বের বোঝা মস্তকে লইয়া গভীর সমুদ্রে ঝাঁপ দেওয়া মাত্র।

সে যাহা হউক, অদ্যকার প্রবন্ধে কোন রাজনৈতিক তরঙ্গ তুলিয়া অথবা কতকগুলি অন্যায় তর্কের প্রধূমিত বহুরাশি প্রজ্জ্বলিত করিয়া হেস্টিংসের শাসন কার্যের ক্রটি বা নৈপুণ্য দেখাইতে যাইতেছি না। আমার ন্যায় ক্ষুদ্রের সে চেষ্টা হাস্যাস্পদ বৈত নয়? তবে হেস্টিংসের নৈতিক চরিত্র (moral character) যে উচ্চ ও মহদাদর্শে গঠিত হয় নাই, তৎপক্ষে দুইটা কথা বলিব। অদ্য যে ঘটনাবলীর উল্লেখ করিব, বুদ্ধিমান পাঠক তৎপাঠে তাঁহার সত্যপ্রিয়তা, ন্যায়নিষ্ঠা ও বুদ্ধিমত্তার পরিমাণ বুঝিয়া লউন!

(১)

১৭৬০ খৃষ্টাব্দে দিল্লীর হীনপ্রভ মোগল সম্রাট শাহ আলমের পুত্র বিপুল অনাকিনী সহিত নবাবকে আক্রমণ করিয়াছিলেন। বঙ্গের সিংহাসনে তৎকালে আহ্মেদশাহী ইংরাজের ক্রীড়াপুত্রলী মীরজাফর সমাসীন। নবাবের সহিত সন্ধির সত্তানুসারে ইংরাজকে নবাবের সাহায্য করিতে সেই রণক্ষেত্রে উপস্থিত হইতে হইয়াছিল। কিন্তু ইংলণ্ডীয় বিপুল বলের সম্মুখে ভারতীয় রাজশক্তি কখনই দাঁড়াইতে সক্ষম হয় নাই—তাই ভীত সম্রাটতনয় এই অপূর্ব মিশ্রিত সৈন্যদলের সহিত যুদ্ধে পরাজুথ হইয়া আত্মসমর্পণের ব্যবস্থা করিতেছিলেন।

ঐ বৎসর ১৫ই এপ্রিল তারিখে নবাব শিবিরে মেজর ক্যালিয়ড্, মিঃ নক্স, ওয়ারেন হেষ্টিংস, মিঃ লসিংটন উপস্থিত হন। নবাবের পক্ষে স্বয়ং নবাব মীরজাফর, তৎপুত্র মীরগ, নবাবের একজন পারস্য সেক্রেটারী ও একজন প্রধান গুপ্তচর উপস্থিত ছিলেন। খেতাবে কৃষ্ণাঙ্গে এই অপূর্ব সন্ধিলনের গূঢ় উদ্দেশ্য ছিল। ইতিপূর্বে নবাব জানিতে পারিয়াছিলেন যে, ইংরাজ সেনানীর অঙ্গীকারের উপর নির্ভর করিয়া বাদশাহপুত্র আত্মসমর্পণ করিতে প্রস্তুত। বাদশাহপুত্রকে হত্যা করিয়া কণ্টকোন্মোচন করাই নবাবের তৎকালে গূঢ় উদ্দেশ্য ছিল। জানি না মেজর ক্যালিয়ড্ এ উদ্দেশ্য পূর্বে জানিতেন কি না।

প্রভাতের অধিবেশনে এমন কিছু বিশেষ ঘটনা ঘটে নাই—সায়াহের অধিবেশনে প্রকাশ পাইল যে, বাদশাহের প্রধান মন্ত্রী কামশার খাঁর দেওয়ানকে কয়েক লক্ষ টাকা এবং কতকটা রাজ্য প্রদান করিলে তিনি সম্রাটপুত্রকে হত্যা বা নবাবহস্তে সমর্পণ করিতে পারেন। এই জঘন্য বিশ্বাসঘাতক মন্ত্রণায় বৃটিশ পক্ষ যে শুধু পক্ষাবলম্বন করিয়া ক্ষান্ত ছিলেন, এমত নহে, মেজর ক্যালিয়ড্ একরূপ গৃহশত্রু আততায়ী পক্ষকে পুরস্কৃত করিবার প্রতিজ্ঞা পত্রে স্বাক্ষর করিয়াছিলেন। ওয়ারেন হেষ্টিংস এই কার্যে দ্বোভাবী কার্য করিয়াছিলেন। নক্স ও লসিংটন সাক্ষীস্বরূপ ছিলেন। ইংরাজচরিত্রের ইহা কলঙ্কশূন্যতার পরিচায়ক নহে।

১৭৬০ খৃঃ অর্ধে কোর্ট অব্ ডিরেক্টরেরা ইহা শ্রবণ করিয়া ১৭৬২ সালে এই ঘটনার মূল তত্ত্বানুসন্ধানের জন্য হেষ্টিংস, পিটার মাণ্ডয়ার এবং হিউওয়ার্ড দ্বারা এক সভা গঠনের আদেশ দেন। 'উক্ত স্থণিত ও পৈশাচিক ব্যাপারে

যখন হেষ্টিংস সাহেব দ্বোভাবী কার্য করিয়াছিলেন, তখন কেমন করিয়া তাঁহার দ্বারা উক্ত সভার সভাপতিপদ গৃহীত হইতে পারে, এই কথা লইয়া অনান্যরূপ গোলযোগ উঠিল—তথাপি নিরপেক্ষ সাক্ষ্য পাওয়া গেল না। লসিংটন সাহেব সেই প্রতিজ্ঞাপত্রে ক্যালিয়ডের সিল বসাইয়া দিয়াছিলেন। তিনি আবার এ ঘটনার কিয়দ্বিধ পরে পাটনায় এক সত্য পাঠ লিখিয়া স্বীকার করেন যে 'তিনি উক্ত পত্রে যথার্থই মেজরের সিলমোহর বসাইয়াছিলেন এবং হেষ্টিংস দ্বোভাবী কার্যও করিয়াছিলেন। সুতরাং হেষ্টিংস ও লসিংটন অভিযুক্ত ব্যক্তির সাহায্যকারী বলিয়া গণ্য হইবার কথা। এই হেতু গোলযোগের মাত্রা আরও বাড়িয়া উঠিল। হেষ্টিংসকে বিচারপতির আসনে না বসাইলে মন্ত্রণাকারিগণের অব্যাহতির উপায় কোথায়? সুতরাং সমস্ত কথা বেমানাম স্বীকার ভিন্ন গত্যন্তর নাই। লসিংটন বলিয়াছিলেন, পাটনায় তিনি যে এভিডেফিট করিয়াছিলেন, তাহা সত্য নহে। তাঁহার বিশ্বাস হেষ্টিংস কখনও দ্বোভাবী কার্য করেন নাই, তিনি নিজে করিয়াছিলেন। হেষ্টিংস একেবারে আশ্চর্য্যান্বিত হইয়া পড়িলেন—তিনি যেন এ বিষয়ের বিন্দু-বিসর্গও জ্ঞাত নহেন। ইংরাজের বিপদ ইংরাজের হাতেই কাটিল—কিন্তু কলঙ্ক গেল না।

(২)

হেষ্টিংস যখন মুর্শিদাবাদে রাজপ্রতিনিধির কার্য করিতেছিলেন, সে সময়ে—মিঃ বাস্টিটার্টের অনুপস্থিতি সময়ে—মিঃ হলওয়েল অল্পকালের জন্ত ইংরাজের কুঠীর সর্বপ্রধান রাজকর্মচারীর পদ প্রাপ্ত হইলেন। পূর্বোক্ত মেজর ক্যালিয়ড্ ইংরাজ রাজ্যের তৎকালিক সর্বপ্রধান সেনাপতি। নূতন গবর্নর হলওয়েল সাহেব নবাব মীরজাফরকে পদচ্যুত করিয়া উক্ত নবাবী উচ্চ মূল্যে বিক্রয় করিবার সংকল্প করেন। ওয়ারেন হেষ্টিংস অবলৌলাক্রমে এই ভীষণ অধর্ম্যে সহানুভূতি ঢালিয়া দিলেন। এই কার্যে আর একজনের সাহায্যের আবশ্যিকতা হইল। সে কে? মেজর ক্যালিয়ড্। এক উপাদান-গঠিত মানবগণের মিলন স্বাভাবিক—ক্যালিয়ড যদিও এই প্রস্তাব অনুমোদন করিলেন, তথাপি বাস্টিটার্টের কার্যকালে ইহা কার্যে পরিণত করিতে অস্বীকারী হইলেন না। হলওয়েল, হেষ্টিংস ও ক্যালিয়ড্ হৃদয়ে হলাহল পোষণ করিলেও মুখে নবাবের সহিত সদ্ভাব রাখিতে ক্রটি করিতেন না। এই ভীষণ ষড়যন্ত্রের কথা নবাব বিন্দুমাত্রও জানিতে পারেন নাই। কেবল মেজর

ক্যালিয়েডের কোশলে হলওয়েল সাহেব অভীষ্টসিদ্ধির পক্ষে তৎপরতা দেখাইতে পারেন নাই ।

(৩)

১৭৫৮ খৃঃ সেপ্টেম্বর মাসে হেষ্টিংস মুর্শিদাবাদে ইংরাজ প্রতিনিধির পদে বরিত হয়েন, সে সময়ে রায় চুলভের পরিবারের উপর পাপিষ্ঠ মীরণের রোষ-দৃষ্টি পতিত হইয়াছিল । নবাবের অবস্থা তখন অতীব শোচনীয় হইয়াছিল—রাজকোষ অর্থশূন্য—মৈত্র মধ্যে ঘোরতর বিশৃঙ্খল—রাজ্য ইংরেজের অধীন । পুতুলীর মত নবাব তখন ইংরাজরাজহস্তে ক্রৌড়মান । এই সময়ে মীরণের রোষায়িতে রায়পরিবার ধ্বংস হইবার উপক্রম হইয়াছিল—তখন মীরণের হস্তে মৈত্রবল ও অর্থবল প্রবল ছিল । হেষ্টিংস ইচ্ছা করিলেই এই সম্ভ্রান্ত পরিবারকে কলিকাতায় পাঠাইতে পারিতেন । ক্লাইব বারম্বার বায় চুলভ পরিবারবর্গকে কলিকাতায় পাঠাইবার জন্য অনুরোধ করিয়াছিলেন, কিন্তু হেষ্টিংস সে কথায় কর্ণপাতমাত্রও করেন নাই । অবশেষে ক্লাইবের তাড়নায় তিনি রায় পরিবারবর্গকে মৈন্য-বেষ্টিত করিয়া কলিকাতায় পাঠাইতে বাধ্য হন । এই ঘটনায় এমন কেহ নাই যে, হেষ্টিংসের বুদ্ধিমত্তার প্রশংসা করিবে এবং তাঁহাকে হৃদয়হীন পিশাচ না বলিবে ?

(৪)

১৭৭৫ খৃঃ—১৫ই অক্টোবর; অযোধ্যার সিংহাসনে ছুরাকাজ্জ আসফ-উদ্দৌলা সমাসীন । মৃত নবাবের পত্নী ও মাতা—মতিবেগম এবং বৌ বেগম। ঐ তারিখে ইংরাজ গবর্ণমেন্ট বৌবেগমের ধনাগার ও জায়গীর রক্ষার্থ একখানি একরারনামা দ্বারা প্রতিভূ নিযুক্ত হয়েন । তৎপরে ১৭৭৭ খৃঃ দুই বৎসর পরে ইংরাজ গবর্ণমেন্ট আর একখানি একরারনামা দ্বারা মতি বেগমের সমস্ত সম্পত্তির প্রতিভূ হয়েন । এই সদাশয়তার জন্ত উভয় বেগম ইংরাজ গবর্ণমেন্টকে অঙ্গীকৃত সমুদয় অর্থ প্রদান করিলেন ।

সে সময়ে নানা প্রকার যুদ্ধ বিগ্রহ প্রভৃতি লোক ও অর্থক্ষয়কর ব্যাপারে নিযুক্ত হওয়ায় বৃটিশ গবর্ণমেন্টকে অর্থাভাবে চারিদিক অন্ধকারময় দেখিতে হয় । একবার ভঙ্গ না করিলে অর্থ-সংগ্রহ তৎকালে সুদূরপর্যন্ত । এরূপ কার্যে একমাত্র ছলের সাহায্য ব্যতিরেকে বাসনা সুসিদ্ধ হয় না । ছপের ছলের অভাব নাই । হেষ্টিংস তখন ভারতের দণ্ডমুণ্ডের কর্তা । কাশীর মহারাজ চৈতন্যসিংহকে সাহায্য করিয়াছেন বলিয়া হেষ্টিংস বেগমদিগকে রোধ

ব্যস্ত করিলেন । তাহার উপর আসফউদ্দৌলার ঋণ পরিশোধের তাগাদা আরম্ভ হইল । আসফউদ্দৌলা নিকুপায়; কর্তব্যাবধারণের জন্ত হেষ্টিংস ও নবাব চুনারে মিলিত হইলেন, অসমর্থ নবাব হেষ্টিংসের মনস্তপ্তি সাধনার্থ দশ লক্ষ টাকা উৎকোচ স্বরূপ প্রদান করিলেন । কিন্তু হেষ্টিংস একা নহেন, তাহার সঙ্গে আরও লোক জন আছে, তাহাদিগকে অভুক্ত রাখিয়া সমস্ত লইতে স্বীকৃত হইলেন না । সুতরাং আরও অধিক অর্থ চাই ? অর্থ কোথায় ? হতভাগ্য কাপুরুষ আসফ উদ্দৌলা পবিত্র বংশের সম্মান, মর্যাদা পদে দলন করিয়া এক অমানুষিক কার্যে হস্তক্ষেপ করিলেন । নবাব পিতামহীর সর্বস্ব লুণ্ঠনে স্বীকৃত হইলেন ।

১৭৮২ খৃঃ অক্টোবর প্রথম মাসে মিডলটন সাহেবকে সঙ্গে লইয়া নবাব ফরজাবাদে উপস্থিত হইলেন । সেই সময় হইতে মৃত নবাবের মাতার উপর অত্যন্ত অত্যাচার আরম্ভ হইল, এই বিবম অনর্থের প্রধান নায়ক হেষ্টিংসের কূট ও কৌশল জাল । এই অত্যাচারের প্রধান নায়ক, পাপিষ্ঠ কৃতঘ্ন হায়দর বেগ খাঁ । এই পিশাচ বৌবেগমের রূপায় নবাব সিরাজ উদ্দৌলার মন্ত্রীত্ব পদ লাভ করিতে সমর্থ হয় । কৃতজ্ঞতার মস্তক চর্কণ করিয়া ইংরাজদিগের সহিত যোগ দিয়া এই পাপিষ্ঠ তাহার পরম হিতৈষিনী বেগমদিগের সর্বনাশ সাধনে উদ্যত হইল ।

সুদূর সাগর পারে থাকিয়া বাগ্মীশ্রেষ্ঠ এডমণ্ড বার্ক সাহেব অগ্নিময় প্রজ্বলন্ত ভাষায় সে অত্যাচারকাহিনী বিবৃত করিয়াছেন ;—

“Mr. Middleton states that they found great difficulties in getting at their treasures, that they stormed their fort successively but found great reluctance in the sepoys to make their way into the inner enclosure of the women's apartment.”

আর একজন প্রসিদ্ধ লেখক এই অত্যাচার কাহিনী বিরূপ মর্ম্মস্পর্শিনী ভাষায় লিখিয়াছেন দেখুন ;—

“বিস্তীর্ণ রাজভবন বেগম ও পরিচারিকাগণের ক্রন্দনে প্রতিধ্বনিত হইতে লাগিল, চারিদিকে উচ্চ অবরোধ, সিংহদ্বারে ভীমমূর্ত্তি সশস্ত্র দৌবারিক, কিন্তু প্রাসাদের অভ্যন্তরে রাজরাণী ভিখারিনীর জ্বায় দিনপাত করিতে লাগিলেন, তাহাদের অবস্থা বুঝিয়া দোকানীগণ খাদ্যসামগ্রীর রোজ দিতে



অসম্মত হইল, সুতরাং কোন ক্রমে কয়েক দিন অর্দ্ধাশনে অতিবাহিত হইল ।  
তাহার পর অনশন ।”

\* \* \* \* \*  
আর অধিক দূর অগ্রসর হইবার সামর্থ্য অদ্য নাই—বারান্তরে আবার  
পাঠকগণের সহিত সাক্ষাৎ হইবার আশা আছে । বৃটনের গর্বোন্নত দ্বেত-  
দ্বীপের সুসন্তান—ভারতের অমর-কীর্তি-পরিস্থাপক ! ত্রায়পর বৃটিশ শাসনের  
মূল ঐশী শক্তিমান মহাপুরুষ হেষ্টিংস কতদূর উন্নত মনস্বিতার পরিচয় প্রদান  
করিয়াছেন—ইতিহাসে কতদূর আগ্রহের সহিত তাহার বিজয়ছন্দিত  
ঘোষিত হইতেছে, পাঠক বিচার করিবেন । অদ্য এই পর্য্যন্ত ।

শ্রীপঞ্চানন ঘোষ ।

## আর ।

আর হেথা গাহেনা কোকিল  
গোলাপ ত ঝরে গেছে সব,  
বহে নাকো মলয় অনিল  
শুখায়েছে হরিত পল্লব ।  
তটেরও নিভৃত পরাণে  
জাগাইয়া প্রেমের স্বপন,  
চূপে চূপে মুছ কলস্বনে  
বহে নাকো তটিনী এখন ।  
আর হায় প্রভাত কিরণে,  
করি স্নান বিটপী সকল  
নমে নাকো উষার চরণে  
বরষিয়া কুসুমের দল ।  
গোধূলির কনক কিরণে  
ফুটে নাকো তারকার হাসি,  
নীড়াগত পাখীগুলি সবে  
গাহে নাকো সন্ধ্যায় সস্তাষি ।  
আর হায় এই মরুমাঝে  
বাজে নাকো উৎসবের বাঁশী,

কুসুমের বিগুঞ্চ অধরে  
ফুটে নাকো হরষের হাসি ।  
ঢাকি দেহ কুয়াশা বসনে  
বসন্তের হাসিটি হরিয়া,  
সুকঠোর গম্ভীর আননে  
বুদ্ধ শীত কাঁপিছে বসিয়া  
বিষাদেতে গুঞ্চ পত্রগুলি  
মরমরে করিছে রোদন,  
উত্তরের তীব্র বায়ু হায়  
হু হু করে জানায় বেদন ।  
আর কেন তুই প্রজাপতি  
হেথা হায় উড়িস কাঁদিয়া,  
মৃত্যুর এ সমাধির মাঝে  
কারে তুই বেড়াস খুজিয়া ।  
কি আশায় ও দুর্বল হৃদি  
রেখেছিস তুইরে বাঁধিয়া,  
ওই দেখ ওই তোর পানে  
মরণ যে রয়েছে চাহিয়া ।  
বসন্তের হাসির মাঝারে  
তোমর যে রে হয়েছে জনম,  
শীতের এ স্মৃতির দংশনে  
কেন এলি লভিতে মরণ ।

শ্রীলজ্জাবতী বসু ।

## রণক্ষেত্রে বাঙ্গালী ।

ভীকতা এই কয়টি অক্ষর বাঙ্গালীর ললাটে যেন দগ্ধ শলাকায় অঙ্কিত ।  
মুণ্ডজাতির মধ্যে যেকোন শশক বা হরিণ—সতত ভীতিচকিতনেত্র, মৃহশরীর,  
কোমলপ্রাণ; মনুষ্যজাতির মধ্যে সেইরূপ বাঙ্গালী—সতত ত্রস্ত-চিত্ত, ক্ষীণ-

কলেরর, ক্ষুদ্রপ্রাণ ;—বিধাতার বীর্য্য-বর্জিতসৃষ্টি । বাঙ্গালীর শরীর স্বভাবতই অদৃঢ়, অপটু, অশ্রমসহিষ্ণু,—প্রকৃতি স্বভাবতই দুর্বল, কোমল অথচ কুটিল এবং সেই কারণে বাঙ্গালী শৌর্য্যবীর্য্যবিক্রমে চিরবিমুখ হইয়া বর্তমান যুগের ঐতিহাসিক সত্য। ভারতীয় সাহিত্যে ইতিহাস আগন্তুক পদার্থ—বাঙ্গালীর এমন ইতিহাস নাই, যাহাতে বাঙ্গালীর বীরত্বপূর্ণ অধ্যবসায়ের যথেষ্ট পরিচয় লিপিবদ্ধ আছে। বাঙ্গালার ইতিহাস—মুসলমান ও ইংরাজ লেখকগণের লেখনীপ্রসূত—বিজিতের চরিত্র-বিজেতার তুলিতে চিত্রিত—আর সেই ইতিহাসই একটু স্বাধীনভাবে বঙ্গভাষায় অনূদিত হইয়াছে। যদিও বঙ্গসাহিত্যে ইতিহাসের আদর বৃদ্ধি পাইয়াছে, তথাপি স্বাধীন অনুসন্ধান এখনও আশাতুরূপ প্রবল হয় নাই। পূর্ব হইতে প্রবাহিত ধারা সমূহকে আশ্রয় করিয়াই ইতিহাস চর্চা—ধরপ্রোতে প্রবাহিত। কিন্তু বাঙ্গালীর প্রকৃত ইতিহাস গঠিত হইলে, বাঙ্গালী যে কোন কালে সংগ্রাম-বিমুখ, ভীক, কাপুরুষ ছিল—ইহা—প্রতিপন্ন হইবে না। গুরাগে ও কাব্য-দিতে অনেক স্থলে বাঙ্গালীর বীর্য্য ও বাহুবলের প্রশংসা দৃষ্ট হয়—পাল ও সেন বংশের প্রভাবকালে বঙ্গদেশে রণরঙ্গ মহাবীর্য্য প্রকাশ করিয়াছে—মুসলমান শাসন কালেও বঙ্গদেশ হইতে বীরত্বের কত বহুফুল উদ্গত হইয়াছে—এমন কি ব্রিটিশ শক্তির অত্যাচারপ্রভায়েও বাঙ্গালী রণতুর্গদ বিক্রম প্রদর্শন করিয়াছে, কিন্তু এ সকল বিষয় ঐতিহাসিকের অমর তুলস্পর্শে সঙ্গীত ও উজ্জল হয় নাই। আমরা বাঙ্গালীর বীরত্ব প্রশংসা সিংহবাহুর সিংহল বিজয় বা সভাসিংহের অভ্যুত্থান লইয়াই আলোচনা করি—যশোহরের গৌরবদীপ প্রতাপাদিত্য বা মহম্মদপুরের মদ্যটর্মাণ সীতারামকেই বঙ্গের শেষবীর বলিয়া জানি—কিন্তু—যে সকল স্থানে মুসলমানশক্তির সমাধি সময়েও বাঙ্গালী রাজার প্রাসাদপিরে স্বাধীনতার পতাকা উড্ডীন ছিল—ইতিহাসে সে সকল স্থানের নামোল্লেখ পর্য্যন্ত নাই। বাঙ্গালীর অতীত ইতিহাস এখনও তিমিরচ্ছন্ন—তাহার যে যে স্থলে বহুটুকু আলোক সিক্ত হইয়াছে, তাহাতে প্রতাপাদিত্য বা সীতারামের বীর্য্যপ্রভাভাঙ্গর মূর্ত্তিই—নিবিড় অন্ধকারে একক আলোকস্তম্ভের স্থায় আনন্দের দৃষ্টি আকর্ষণ করিতেছে। কিন্তু একটি সীতারাম বা একটি প্রতাপাদিত্য বাঙ্গালীর কলঙ্ক বিমোচন করিতে পারে না। এরূপ বিরল দৃষ্টান্ত স্বভাবের ব্যাভিচার বা বিপর্য্যয় বলিয়া গণ্য হইতে পারে। সুতরাং বাঙ্গালীর জাতীয় স্বভাবে স্বভাবগত বীরত্বের পরিচয় দিতে

হইলে আরও সাধারণ—এবং স্থায়ী বীরত্বের দৃষ্টান্ত দেখাইতে হইবে। প্রতাপাদিত্য বা সীতারাম বাঙ্গালীর গৌরবের বস্তু বটে—ইহাদের পূজনীয় নাম এবং বীর ব্যবহার স্মৃতির রত্নবেদিকায় সময়ে রক্ষণীয় বটে—কিন্তু তাহা হইলেও ইহাদের বিকাশ—তৃণোৎকার স্থায়—ইহারা একবার উজ্জলরূপে প্রজ্জ্বলিত হইয়া তখনই নিরুপিত হইয়াছিলেন—শিবাজী বা গুরুগোবিন্দের মত ইতিহাসে একটি বীরজাতির নাম রাখিয়া যাইতে পারেন নাই—তাহাদের মহাপ্রাণে অনুপ্রাণিত হইয়া তাহাদের অনুচর বঙ্গবাসীগণ পরমবীর্য্যের অনলক্রীড়া প্রদর্শন করিয়াছিল—কিন্তু সে কতক্ষণের জল—সে ক্ষণিক রণোন্মাদ—অতি শীঘ্রই মুসলমানশক্তির পদচুষন করিয়া শান্ত হইয়াছিল।

বঙ্গের বর্তমান ইতিহাসে বঙ্গের ঐতিহাসিক তত্ত্ব—আংশিকভাবে প্রকটিত হইয়াছে মাত্র। মুসলমানশক্তির মধ্যন্দিন গৌরবকালে এবং অবসান সময়েও বাঙ্গালায় এমন স্থান ছিল, যেখানে বঙ্গসন্তানের দর্পোন্নত মস্তক বিজাতীয় প্রভুশক্তির পদধূলি গ্রহণে অবনমিত হয় নাই—যেখানে বঙ্গসন্তান আপন স্বক্কে রাজ্যভার বহন করিতে ক্লান্তি বোধ করিত না—যেখানে রণতুর্গদ বঙ্গীয় নৈত্র হৃদ্ধারের সহিত, শত্রুর হৃদয়ে ভীতির সঞ্চার করিত এবং কত সংগ্রাম ও কত বিপ্লবে অগন্য উৎসাহ, অমিত সাহস এবং অজয় শক্তির পরিচয় দিয়াছে। বঙ্গের মধ্যে এমন স্থান রহিয়াছে, যাহা অনৈতিহাসিক অতীতের গর্ভ হইতে উথিত হইয়া ব্রিটিশশাসনের প্রাক্কাল পর্য্যন্ত কত শত শতাব্দী আপনার স্বাধীন অস্তিত্ব রক্ষা করিয়া আসিয়াছে—এবং যাহা স্বীয় নামের গর্ভেই শক্তিসামর্থ্যশিক্ষার পরিচয় বহন করিতেছে। আমরা এস্থলে বঙ্গের একটি অনতিক্ষুদ্র অংশের কথাই বলিতেছি—স্থানটির নাম মল্লভূমি—নামটি ক্রমে পুরাতত্ত্বের রাজত্বভুক্ত হইতে চলিয়াছে—বর্তমান শাসনে বহুকালের এই প্রাচীন নামটি বিলুপ্ত প্রায় হইয়াছে—সেইজন্ত বলিয়া দিতে হইতেছে মল্লভূমি কোথায়। এখন যাহা বাঁকুড়া জেলা বলিয়া প্রসিদ্ধ, তাহাই কিছুকাল পূর্বে মল্লভূমি নামে পরিচিত ছিল। এই মল্লভূমি সহস্রাব্দিক বর্ষকাল একটি হিন্দুরাজবংশের শাসনাধীন ছিল। সহস্রাব্দিক-বর্ষ যাহারা বাঙ্গালার অন্তর্গলে পরিপুষ্ট, তাহাদের অপেক্ষা প্রাচীন বাঙ্গালী-বংশ বঙ্গদেশে নাই। সুতরাং মল্লভূমি বাঙ্গালীর স্বাধীন রাজ্য—বাঙ্গালী নৈত্রের দ্বারা রক্ষিত—বাঙ্গালার গৌরব-স্থল। মুসলমানশক্তির জ্যোতির্জালা-ময়ী লোলহানা জিহ্বা ইহাকে গ্রাস করিতে পারে নাই—এখানে রণতুর্গদ

মুসলমানসৈন্যের সহিত বঙ্গবাসীর অস্ত্র পরীক্ষা হইয়া গিয়াছে; মহারাষ্ট্র বিক্রমের প্রচণ্ডতরঙ্গাভিঘাতে মল্লভূমি বিপর্যস্ত হয় নাই—এখানে দুর্বার মহারাষ্ট্রবাহিনী রুদ্ধগতি ও বার্থশক্তি হইয়াছে; দৈবানুগ্রহে অজেয় স্বভাব-দুর্ধ্বাশ্রিষ্টিশক্তিও অবাধে মল্লভূমিতে আধিপত্য স্থাপন করিতে পারে নাই। এখানে বিদ্রোহী বঙ্গ-সৈন্যের উচ্ছৃঙ্খল আক্রমণে ব্রিটিশশক্তিও ব্যতিব্যস্ত হইয়াছিল। অতএব মল্লভূমির ইতিহাসে বাঙ্গালীর স্বভাব ও সামর্থ্য-দর্পণে প্রতিবিম্বের ত্রায় সম্যক প্রতিফলিত। ইহাতে বঙ্গীয়শক্তির ক্ষণিক বিকাশ নাই—নিরবচ্ছিন্ন বহুকালব্যাপিনী ক্রীড়া দেখিতে পাওয়া যাইবে, সুতরাং বাঙ্গালীচরিত্রের স্বভাবধর্ম প্রকাশ পাইবে। মল্লভূমির ইতিহাস নাই—বা বঙ্গের ইতিহাসে ইহার নামগন্ধও পাওয়া যায় না—তথাপি ইহার প্রাকার, পরিখা, প্রস্তরদ্বার প্রভৃতির ধ্বংসরাশি—ইহার পূর্বশক্তি সামর্থ্যের সাক্ষ্য দিতেছে। বাঙ্গালার মধ্যে আর কোথাও এরূপ প্রকাণ্ড স্মৃৎ ভীষণ দুর্গ বাঙ্গালীর শক্তি ও স্বাধীনতার অসংশয়িত নিদর্শনস্বরূপে দণ্ডায়মান নাই। এই দুর্গ রণোন্মত্ত বঙ্গীয় সৈন্যের রুদ্ধতাওবে কতবার কম্পিত হইয়াছে—দুর্গের বাহিরে, মল্লভূমির সীমান্তে বা বক্ষে, বাঙ্গালীপরিচালিত বঙ্গীয় সৈন্য, স্বদেশের গৌরব রক্ষার্থ, মদোকৃত বিপক্ষের দর্পধ্বংসের জন্ত—অথবা বিজিগীষু নরপতির ইঙ্গিতে—কতবার উল্লাসের সহিত অজশ্রধারে হৃদয়-শোণিত দান করিয়াছে। আমরা মল্লভূমির অলিখিত ইতিহাসের দুই একটি ঘটনার উল্লেখ করিয়া রণক্ষেত্রে বাঙ্গালী কীরূপ ব্যবহার করিয়াছে—তাহাই দেখাইতে চেষ্টা করিব। শোণিতসিক্ত সংগ্রামক্ষেত্রে আহত—মৃত মুমূর্ষু সহচরগণের শোচনীয় দশা দেখিয়া বাঙ্গালীসৈন্য ভয়ে ভূমিশায়ী হইত না, অথবা পৈত্রিক প্রাণ রক্ষা করিতে দ্রুতপদে দূরে পলায়ন করিত না—বরং অটল সাহসে হৃদয় বাঁধিয়া,—রণোৎসাহে উন্মত্ত হইয়া—প্রাণের মায়াম বিসর্জন দিয়া, রণরঙ্গভূমির সেই লোমহর্ষণ ভীষণ দৃশ্যের ভীষণতা অধিক-তর বর্ধিত করিত। বাঙ্গালীর যুদ্ধোদ্যম, বাঙ্গালীর সংগ্রামসজ্জা, বাঙ্গালীর সমরোল্লাস, বাঙ্গালীর অস্ত্রক্রীড়া; বাঙ্গালীর বিজয়োৎসব,—এসব মিথ্যা সৃষ্টি পটিন্দী কল্পনার গল্প নয়—ইতিহাসের অখণ্ডনীয় অসংশয়িত অটল সত্য।

বেশী দিনের কথা নয়—সেদিন, যখন ভাস্কর পণ্ডিত পরিচালিত দুর্বার মহারাষ্ট্রবাহিনী বিষ্ণুপুরের দুর্গদ্বারে আতঙ্কসঞ্চারী ছঙ্কার ছাড়িল, দুর্গবাসী বাঙ্গালী সৈন্য সেই মহাবল বিপক্ষকে সম্মুখে দেখিয়া—অণুমাত্র বিচলিত হইল

বরং প্রতি ছঙ্কারে চিরবিজয়দৃশ্য বিপক্ষকে সমরক্রীড়ায় আহ্বান করিল। মহারাষ্ট্রবল তখন ভারতে অপ্রতিহিতশক্তি ও অপ্রতিদ্বন্দী হইয়া উঠিয়াছিল—দিল্লীর সার্কভৌম সম্রাট তখন মহারাষ্ট্রীয়গণের করে ক্রীড়াপুত্রল—তাহাদের প্রতাপতাপে বেপথুমান নবাবগণ অনুগ্রহ লাভের জন্ত রাজস্বের কুর্খাংশ কৃতাজলিপুটে তাহাদের চরণতলে অর্পণ করিয়া ভয়ে ভয়ে নিঃশ্বাস কলিতেন—তাহাদের ক্রোধভীষণক্রকুটি যদিকে পতিত হইত, সেই দিকই উৎসাহ হইয়া যাইত—তাহাদের লোলুপ দৃষ্টি যে রাজ্যে নিক্ষিপ্ত হইত, সে রাজ্যের রাজাপ্রজা সকলেই মনে মনে বিপদ গণিতেন—এমন কি, একদিন তুরস্ক রাজ্যে সিংহহৃদয় রিচার্ডের নাম অথবা ইংলণ্ডভূমে ভীমকর্ম্মা নেপোলি-য়নের নাম সেরূপ সার্কজনীন আতঙ্কের সঞ্চার করিয়াছিল, সে সময় মহারাষ্ট্র নামও বঙ্গদেশে সেইরূপ আতঙ্ক বিস্তার করিয়াছিল। উচ্ছৃঙ্খল বা রোরুদ্য-মান শিশুগণকে শাস্ত করিবার জন্ত জননীগণ মহারাষ্ট্রীয়গণের নমোল্লেখ করিলেই যথেষ্ট হইত। এখনও জননীগণ শিশুগণের নিদ্রাবিধানের অভিপ্রায়ে পূর্বাতঙ্কের স্মৃতি সজীব করিয়া করুণ স্বরে বলিতেছেন,—

ছেলে ঘুমাল, পাড়া জুড়াল, বর্গী এল দেশে  
বুল বুলিতে ধান খেয়েচে, খাজনা দিব কিসে।

এই চণ্ড বিক্রম মহারাষ্ট্রচম্বু বিষ্ণুপুরের ধনরত্ন গ্রাসের জন্ত অগ্রসর। অপ্রতিবিধেয় মহান্ অনর্থের ভীষণ ছায়া বঙ্গের উপর আপতিত। বঙ্গের নবাব স্বয়ং ব্যাকুল। নির্ভীক বৈদেশিক বণিককুল আত্মরক্ষার জন্ত পরিখাখনন দুর্গ নির্মাণাদি করিতে সতত ব্যস্ত। অর্থশালী ক্ষুদ্র ক্ষুদ্র রাজন্য-বর্গ পলায়ন ভিন্ন পরিত্রাণের উপায়ান্তর নাই দেখিয়া স্বজনবর্গ ও ধনরত্নাদি সহ দুর্গম নিভৃত অরণ্যক্রোড়ে আশ্রয়ের জন্ত চতুর্দিকে ধাবমান—মল্লভূমির কবিব বর্ণনায়,—

ভাস্কর পণ্ডিত আইল, বাঙ্গালার আতাই হইল, কোলের নাহিক অনুমান।  
নবাবের চটা খায়, মারহাট্টা বলায়, শুনে সব রাজার ভঙ্গন ॥

শিখর রাজা পলায় ভূঞা, সঙ্গে ফোজ হাজার লঞা, এইরূপে ফোজরা

পলাবা।

পলায় রাজা বীবভূঞা, হাজার ফোজ সঙ্গে লঞা, উর্দ্ধ্বাশাসে বলে

তোবা তোবা।

পলায় রাজা রামগড়া, গড়কুট সহর জুড়ে, অমনি নাহিক খবর খোজ ।  
বায়ান্ন লাথের পতি, পাল সঙ্গ পলায় ক্ষেত্রি, সঙ্গে যাঁর পাঁচশত ফোজ ॥  
অগম বনের মাঝে, পলায় শ্রীমন্ত রাজে, একে একে পলায় সব ভূপে ।  
যলভূঞা রাজা যায়, পাছু পানে নাহি চায়, রামকান্ত গেল এইরূপে ।

কবির এই চিত্র একটু গাঢ়বর্ণে প্রতিফলিত হইয়া থাকিলেও ইহা সত্য হইতে কিছুতেই দূরবর্তী নহে । রামগড়, শিখর ভূমি ( পঞ্চকোট ) বীরভূমি, ধবল ভূমি ( ষাটশিলা মানভূমি ) বর্ধমান, প্রভৃতি চতুঃপার্শ্ববর্তী রাজ্যগণ যে বর্গীর আগমনে দেশ ছাড়িয়া পলাইবেন, ইহা কিছু বিচিত্র নহে। এই সকল রাজাদের মধ্যে কাহারও এমন দুর্গ বা সংগ্রামোপযোগী দ্রব্যসম্ভার ছিল না, যাহাতে তাঁহারা মহারাষ্ট্রশক্তির প্রতিদ্বন্দ্বী হইতে সাহস করিতে পারেন। এইরূপে চতুর্দিকে আতঙ্ক বিস্তার করিয়া বলগর্ভিত বর্গী মল্লভূমিতে প্রবেশ করিল। মল্লভূমিপতি, এই দুর্জয় সৈন্তের গতিরোধ করিতে বহির্গত না হইয়া সৈন্তসমাবেশে স্বীয় দুর্জয় দুর্গ দৃঢ়ীকৃত ও সুরক্ষিত করিয়া মহারাষ্ট্রগণের প্রচণ্ড আক্রমণের প্রতীক্ষা করিতে লাগিলেন। তিনি তাঁহাদের প্রসাদ লাভের জন্ত কিছু চেষ্টা করিলেন না—তাঁহাদের শক্তি পরীক্ষার জন্ত সৈন্তগণকে উৎসাহিত করিলেন। মহারাষ্ট্রসৈন্ত শীঘ্রই বিষ্ণুপুর দুর্গের সন্নিকটবর্তী হইল, কিন্তু সুরক্ষিত সুদৃঢ় দুর্গের অবস্থা দেখিয়া সহসা তাহা আক্রমণ করিতে সাহসী হইল না—বিষ্ণুপুর দুর্গের উত্তর দিকে বহুস্থান ব্যাপিয়া তাহারা শিবির সন্নিবেশ করিল। বিষ্ণুপুর-নরেশ তাঁহার মন্ত্রীর মুখে সংবাদ পাইলেন,—

খবর কন শুভঙ্কর আইলেন ভাস্কর তিনলক্ষ ঘোড়া সঙ্গে করি ।

ধরাপাট রামসাগর, পাইকপাড়া বাদব নগর, বৈসে ফোজ গড়কুট করি ॥

মধ্যে মধ্যে বিষ্ণুপুরের বাঙ্গালী সৈন্ত মহারাষ্ট্রীয়গণকে আক্রমণ করিবার জন্ত বহির্গত হইতে লাগিল। একদিন বিষ্ণুপুরপতি স্বয়ং এই আক্রমণের নেতা হইলেন। দুর্গ হইতে কামানশ্রেণী ভীষণ গর্জনে চতুর্দিক কাঁপাইয়া মহারাষ্ট্র সৈন্তের উপর বহুময় গোলক বর্ষণ করিতে লাগিল—সৈন্তগণ বিকট হুঙ্কারে মহারাষ্ট্রীয়গণের উপর রক্তাপিপাসু ব্যাঘ্রের ন্যায় আপত্তিত হইল। মল্লবেড়া বাজনা ( ইহাই মল্লভূমের রণবাদ্য ) সৈন্তের হৃদয় মাতাইয়া গভীর নিশ্বনে বাজিতে লাগিল। ভীষণ সংগ্রাম আরম্ভ হইল। শোণিতপাতে রণক্ষেত্র কর্দমাক্ত হইল। ভীমবিক্রমে বাঙ্গালী সৈন্ত মহা

দ্বীয়গণের প্রাণসংহার করিতে লাগিল। প্রচণ্ড পরাক্রমে মহারাষ্ট্রীয়গণ তাহাদের ভীষণ নামের ভীষণতা রক্ষা করিতে চেষ্টা করিতে লাগিল, এমন সময়, মল্লভূমির যুধ্যমান বীরবৃন্দ হঠাৎ দুর্গাভ্যন্তরে প্রতিনিবৃত্ত হইতে আদেশ পাইল, হঠাৎ প্রহারোদ্যত হস্ত নিরস্ত হইয়া—অগ্রগামী পদ পশ্চাতে ফিরিল, ধীরে ধীরে শত্রুকে পৃষ্ঠপ্রদর্শন না করিয়া সংগ্রামোক্ষ সৈন্তগণ দুর্গাভ্যন্তরে প্রবেশ করিল। মহারাষ্ট্রীয়গণ কিছুক্ষণ পূর্বে বিষ্ণুপুর সৈন্তের অরূপ শক্তিপ্রভাব দেখিতে পাইয়াছিল, তাহাতে তাহারা এই প্রত্যাবর্তন বল বা কৌশল মাত্র মনে করিয়া আর অগ্রসর হইল না—শত্রুর কোন অংশই যুদ্ধে বিক্রম হইল না—অথচ যুদ্ধক্ষেত্র হইতে ধীরে ধীরে প্রতিনিবৃত্ত হইল দেখিয়া তাহাদিগকে আক্রমণ করিতে সাহসী হইল না।

মহারাজ গোপালসিংহ এসময়ে মল্লভূমির অধীশ্বর। ইনি পরম বৈষ্ণব ছিলেন। প্রায় সর্বদা ঈশ্বরসেবায় কালাতিপাত করিতেন। শ্রীশ্রী৬মদন-মোহন জী এই রাজবংশের কুলদেবতা; কথিত আছে, মহারাজ গোপালসিংহের সহিত প্রত্যক্ষভাবে এই দেবতার কথোপকথন হইত। মহারাজ গোপালসিংহের হৃদয়ে অটল বিশ্বাস এবং অব্যভিচারিণী ভক্তি বাস করিত, সুতরাং সকল কর্মে ঈশ্বরনির্ভরতাই তাঁহার চরিত্রের প্রধান গুণ ছিল। ইনি দেশের সর্বসাধারণকে প্রত্যহ হরিণাম করিতে রাজশাসনে বাধ্য করিয়াছিলেন এবং সেই জন্ত “গোপালসিংহের বেগার” আজ পর্যন্ত এদেশে প্রবচনরূপে পরিগৃহীত। এই ধর্মপ্রাণ পরম বৈষ্ণব স্বয়ং সংগ্রামক্ষেত্রে উপস্থিত হইয়া—গলদ্রুধিরাক্ত সৈন্তগণের বীভৎস মূর্তি দেখিয়া—এইরূপ প্রাণঘাতী ক্রুর কর্মের দ্বারা ধনরত্ন রক্ষা করিতে একান্ত সঙ্কুচিত হইলেন এবং সৈন্তগণকে রণক্ষেত্র হইতে প্রত্যাবর্তন করিতে আদেশ করিলেন—মন্ত্রী ও সেনাপতিগণের কথায় তিনি কর্ণপাত করিলেন না—ভাবী কর্তব্যের পথ দেখাইয়া দিবেন বলিয়া বর্তমানক্ষেত্রে যুদ্ধ-নিবৃত্তির জন্ত দৃঢ় আদেশ প্রদান করিলেন। মহারাজ গোপালসিংহের উপস্থিতি হেতু বর্ধিতোৎসাহ সৈন্তগণ, প্রাণান্তপণে ভীষণ সংগ্রামে প্রবৃত্ত হইয়াছিল, স্বপক্ষে বিজয়লক্ষ্মীর প্রসাদচিহ্ন লক্ষ্য করিয়া সেনাপতিগণ আনন্দে এবং উৎসাহে সৈন্তগণকে উত্তেজিত করিতেছিলেন—কিন্তু রাজার আদেশে অগত্যা তাঁহাদিগকে নিবৃত্ত হইতে হইল। দুর্গদ্বার পূর্বরূপ রুদ্ধ হইল, দুর্গ পূর্বরূপ সৈন্তগণ কর্তৃক সুরক্ষিত রহিল। এ সময়ে বিখ্যাত গণিতজ্ঞ, তীক্ষ্ণদর্শী, মনস্বী শুভঙ্কর রায়

মল্লভূমির মন্ত্রী ; তাঁহার সূচাক্র আয়োজনে কোন অংশেই ক্রটির চিহ্নমাত্র লক্ষিত হইল না। দুর্গপ্রাকারে শত সহস্র সুসজ্জিত সৈন্য কামানের পার্শ্বে পার্শ্বে স্তম্ভীকৃত গোলারাশি, দুর্গের বহির্দেশে স্থানে স্থানে প্রহরীদল দূর হইতে দুর্গবাসীর বা দুর্গাধিপতির স্পর্কার পরিচয় দিতেছিল। মহারাষ্ট্রীয়গণ নিবর্তমান সৈন্যগণের পশ্চাদনুসরণ বা দুর্গ আক্রমণ করিতে সাহসী হইল না।

এদিকে মহারাজ গোপালসিংহ—ঈশ্বরানুগ্রহে এই মহান্ বিপদ অতিক্রম করিতে স্থিরসঙ্কল্প হইলেন। তিনি দেবতার প্রীতি আকর্ষণ করিতে মৈনিক নাগরিক সকলের উপর হরি সঙ্কীর্ণনের আদেশ প্রচার করিলেন এবং স্বয়ং আহার নিদ্রা ত্যাগ করিয়া দেবারাধনায় মনঃসংযোগ করিলেন। শাপিত অস্ত্রের দ্বারা শত্রুজয় না করিয়া—ভক্তির বলে ভগবানকে বশীভূত করিয়া শত্রুকে পরাস্ত করিতে ভক্তিমান মহারাজা প্রস্তুত হইলেন। রণবায়ের গভীর গর্জন নীরব হইল, আরাধনার তৌর্যাত্মিক প্রাণারাম মধুর নিঃশব্দে উথিত হইল, রণোন্মত্ত সৈন্যের বিকট হুঙ্কারের পরিবর্তে উচ্চকণ্ঠে হরিনাম নিনাদিত হইতে লাগিল—রণতাণ্ডবের পরিবর্তে সঙ্কীর্ণনমত্ত জনগণের নৃত্য সমাবদ্ধ হইল—মধ্যে মধ্যে কামান ও গভীর আরাবে এই মহান কোলাহলের গাঙ্গীর্ঘ্য বৃদ্ধি করিতে লাগিল। ঈশ্বরনির্ভরশীল মহারাজ গোপালসিংহ শোণিতপাত বিনা শত্রুজয় করিতে এইরূপ আয়োজন করিলেন। মনুষ্যের ঐকান্তিকী প্রার্থনা ঈশ্বর সমীপে কখনই বিফল হয় না, নতুবা জগতে জাতি-ধর্ম্মনির্কীর্ষে উপাসনা প্রার্থনার চিরপূত নিয়ম মনুষ্য সমাজে এরূপ বদ্ধমূল হইত না। মহারাজ গোপালসিংহের উদ্দেশ্য ব্যর্থ হইল না,—শোণিতপাত বিনা দুর্জয় শত্রু পরাস্ত হইল।

সেই ভয়াবহ ভীষণ সংগ্রামের পর দুর্গের অভ্যন্তর হইতে বিবিধ বাদ্যের ও হরিসঙ্কীর্ণনের ধ্বনি বহিঃস্থ শত্রুগণের কর্ণগোচর হইতে লাগিল। তাহারা এরূপ উৎসবের কারণ বুঝিতে পারিল না—যে রূপ বিক্রমে প্রাতঃকালে বিষ্ণুপুরের সৈন্যগণ তাহাদিগকে আক্রমণ করিয়াছিল, ততোধিক বিক্রমে পুনরাক্রমণের সম্ভাবনাই এই উৎসবে সূচিত হইতেছিল। মহারাষ্ট্রীয়গণ যদি এই উৎসবের প্রকৃত কারণ জানিতে পারিত, তাহা হইলে সেদিন বিষ্ণুপুরের ধনরত্ন তাহাদিগের করতলগত হইতে অধিক বিলম্ব হইত না। কিন্তু শুভ-ক্রমের সাবধানতায় বহিঃশত্রু যুদ্ধোদ্যম ত্যাগের কিছুমাত্র চিহ্ন দেখিতে পার

নাই, বরং বাদ্যধ্বনির সহিত মূহুর্মূহু কামানের গর্জনে যুদ্ধের জন্ত বিরাট আয়োজনই প্রকাশিত হইতেছিল। এদিকে রাত্ৰিকালে দলমর্দন নামক ভীষণ কামানদ্বয় শতবজ্রস্পর্কী ঘোররবে প্রকাণ্ড বহু-গোলক নিক্ষেপ করিল, সে গোলক দূর মহারাষ্ট্রশিবিরে নিপতত হইয়া শত্রুর ক্ষতি সাধন করিল। এই গোলার আকৃতি দেখিয়া মহারাষ্ট্র সেনাপতি দুর্গের আগ্রয়বল অনুমান করিয়া লইতে পারিলেন, বুঝিলেন, এইরূপ গোলক সমূহ পুনঃ পুনঃ নিক্ষেপ্ত হইলে তাঁহার সৈন্যদলে কি ভীষণ ধ্বংস সাধিত হইবে, বুঝিলেন ভয়ানক ক্ষতি স্বীকার না করিলে বিষ্ণুপুর দুর্গ অধিকারে সমর্থ হইবেন না। সুতরাং সেই রাত্রেই নীরবে মহারাষ্ট্রসৈন্য বিষ্ণুপুর দুর্গ আক্রমণের অধ্যবসায় ত্যাগ করিয়া মেদিনীপুর অভিমুখে যাত্রা করিল।

মহারাজ গোপাল সিংহ "দলমর্দনের" গর্জনে শুনিয়াই বহির্দেশে আগমন করিলেন এবং তাঁহার আদেশ লঙ্ঘনের জন্ত দোষীর দণ্ডবিধান করিতে অধীর হইয়া উঠিলেন। মন্ত্রী শুভকর আসিয়া মহারাজের নিকট নিবেদন করিলেন যে, অনুসন্ধানে যতদূর প্রকাশ পাইতেছে, তাহাতে স্বয়ং শ্রীশ্রীমদন-মোহনজী দলমর্দনে অগ্নিসংযোগ করিয়াছেন বলিয়াই অনুমান হয়। দল-মর্দনের পার্শ্ববর্তী প্রহরী রাজসমীপে আনীত হইল, সে বলিল, নীল ঘোড়ার উপর চড়িয়া একটি অশ্বারোহী কামানের নিকট উপস্থিত হইলে সে মুচ্ছিত হইয়া পড়ে এবং মুচ্ছাভঙ্গে দেখিতে পায়, বাকুদগোলা নাই, কেবল কামানটি পড়িয়া আছে। পথে এইরূপ এক অদৃষ্টপূর্ব অপরূপ অশ্বারোহীর অশ্চালনা সম্বন্ধেও অনেকে সাক্ষ্য দিল, কিন্তু মহারাজ এ সকল কোন কথাই বিশ্বাস করিলেন না। তিনি প্রতারণাপূর্ণ ভীষণ বড়বস্ত্রঃই সন্দেহ করিতে লাগিলেন। অবশেষে তিনি শ্রীশ্রীদেবতার মন্দিরে গমন করিয়া দেখেন যে দেবতার দেহ ষম্মাক্ত ও ভস্মাবৃত। মহারাজের ভক্তিপ্রবণ হৃদয় বিগলিত হইয়া গেল—তিনি প্রাণের উচ্ছ্বাসে, ভাবের আবেশে, প্রেমের হৃদয়প্রাণী প্রবাহে, কৃতজ্ঞতার অদম্য আবেগে একরূপ বাহুজ্ঞান শূন্য হইয়া দেবতার পদতলে পতিত হইলেন। ইতিহাস এইরূপ প্রত্যক্ষভাবে দৈবশক্তির ক্রিয়া গ্রাহ্য করিতে না পারে, কিন্তু প্রত্যক্ষ বা পরোক্ষ প্রভাব যে কোন রূপেই হউক, সেই রাত্ৰিতে বর্গীর অন্তর্দান—ইতিহাসের অবিসম্বাদিত সত্য। যুক্তির সৃষ্টিতে এই ঘটনার অভ্যন্তরে মন্ত্রী বা সেনাপতিরই চতুরতা দৃষ্ট হইবে। তাহা হউক, পরদিন প্রাতঃকালে মহারাষ্ট্রসৈন্য বিষ্ণুপুরের নহদূরে গমন করি-

স্বাছিল। মহারাষ্ট্রীগণের চিরবিজয়িনী শক্তি বিষ্ণুপুরে ব্যর্থ হইল, ভাষ্কর পণ্ডিতের গৌরবসমুজ্জ্বল নামে একটু কলঙ্কের স্নানরেখা পড়িল, বাঙ্গালী-সৈন্ত-রক্ষিত বিষ্ণুপুর ছুর্গ মহারাষ্ট্রযোদ্ধার গতিরোধ করিল। রণক্ষেত্রে বাঙ্গালী অতুল বাহুবল প্রকাশ করিল। এই ঘটনায় মল্লভূমির গৃহে গৃহে আনন্দের সঙ্গীত জাগিয়া উঠিল, এই ঘটনা অবলম্বন করিয়া কবিগণের প্রাণে কবিত্বের উৎস খুলিয়া গেল। সে সকল কবিতার ভগ্নাংশ এখনও লোকমুখে শুনিতে পাওয়া যায়।

আঠো প্রহর আঠো যাম, দরশনে শ্রামা শ্রাম  
পরশনে সন্ত মহান্ত, লায় লায় অঙ্কভরি হৈঁ ।  
ছাপ ঔর তিলক মাল করে লিছে করতাল,  
হরিণাম লেকে, ভবসিন্ধু তরি হৈঁ ॥  
মনা মোহন মদন লাল, সদাযাকো রক্ষাপাল  
ভূপসিংহ শ্রীগোপাল, যম যাসেঁ ডরি হৈঁ ॥  
লাগে প্রসাদনকি ঠট্টা যমরাজ ভায় খট্টা

\* \* \* মাহাট্টানে কেয়া করি হৈঁ ॥

অর্থাৎ অষ্টপ্রহর অষ্টযাম বা দিবারাত্র যিনি রাধাশ্রাম মূর্ত্তি সন্দর্শন করিতেছেন—তিলক-মালা-ছাপ ধারণ করিয়া করে করতাল লইয়া যিনি হরিণাম করিতেছেন, যে হরিণাম গ্রহণ করিলে মানব ভবসিন্ধু উত্তরণ করিতে সমর্থ হয়, মনোমোহন মদনমোহন যাঁহাকে সতত রক্ষা ও পালন করিতেছেন, স্বয়ং যম যাঁহাকে দেখিয়া ভীত হযেন, সেই ভূপসিংহ শ্রীগোপাল, মহারাষ্ট্রীগণের আগমনে পূজার ধুম লাগাইয়া দিলেন, স্বয়ং যমরাজ তাঁহার প্রতি পরাজুথ হইলেন—আর মাহাট্টায় তাঁহার কি করিবে?—

(ক্রমশঃ)

শ্রীবলীন্দ্রসিংহ।

## বঙ্গীয় সাহিত্যসেবক ।

স্বর—

সাধনসঙ্গীত রচয়িতা । নিবাস—অনুমান, চট্টগ্রাম ।

ঈশ্বর চন্দ্র গুপ্ত—

“সখী-সংবাদ”, বিবিধ ব্যঙ্গ ও ভক্তিরসাত্মিকা কবিতা, সামাজিক কবিতা, “প্রবোধ-প্রভাকর” ( ১২৬৪ সাল ), “হিত-প্রভাকর” ( ১২৬৭ সালে মুদ্রিত ), “বোধেন্দু বিকাশ”, “কলিনাটক”, “প্রাচীন কবিদিগের জীবনী” প্রভৃতি রচয়িতা এবং “সংবাদ প্রভাকর”, “সংবাদ রত্নমালা”, “প্রভাকর” ( সংবাদ ও মাসিক পত্র ), “পাষাণপীড়ন”, “সাধুরঞ্জন” প্রভৃতি পদ্য ও গদ্যময় প্রবন্ধবিশিষ্ট সংবাদ ও সাময়িক পত্রিকা সম্পাদক ।

কবি ঈশ্বরচন্দ্র গুপ্ত, সর্ব প্রথম বঙ্গীয় প্রাচীন কবিদিগের জীবনী সহ গ্রন্থাবলী এবং তাঁহাদিগের লুপ্তপ্রায় রচনাবলী প্রকাশ করিতে যত্নপর হন। ইহাই গুপ্তকবির প্রধান কীর্ত্তি ।

“প্রাচীন কবিদিগের অপ্রকাশিত লুপ্তপ্রায় কবিতাবলী, গীত, পদাবলী এবং তৎসহ তাঁহাদিগের জীবনী প্রকাশ করিতে অভিলাষী হইয়া ঈশ্বরচন্দ্র, ক্রমাগত দশবর্ষকাল নানা স্থান পর্য্যটন এবং যথেষ্ট শ্রম করিয়া, শেষ সে বিষয়ে সফলতা লাভ করেন। বাঙ্গালী জাতির মধ্যে ঈশ্বরচন্দ্রই এ বিষয়ে প্রথম উদ্যোগী। সর্বদো ১২৬১ সালের ১লা পৌষের মাসিক ‘প্রভাকরে’ ঈশ্বরচন্দ্র বহু কষ্টে সংগৃহীত রামপ্রসাদ সেনের জীবনী ও তৎপ্রণীত “কালীকীর্ত্তন” ও “কৃষ্ণকীর্ত্তন” প্রভৃতি বিষয়ক অনেকগুলি লুপ্তপ্রায় গীত এবং পদাবলী প্রকাশ করেন। তৎপরে পর্য্যায়ক্রমে প্রতি মাসের ‘প্রভাকরে’ রামনিধি সেন ( নিধুবাবু ) হকঠাকুর, রামবহু, নিমাইদাস বৈরাগী, লক্ষ্মীকান্ত বিশ্বাস, রাসু ও নৃসিংহ এবং আরও কয়েক জন খ্যাতনামা কবির জীবন চরিত, গীত এবং পদাবলী প্রকাশ করেন। সেগুলি সতন্ত্র পুস্তকাকারে প্রকাশ করিবার বিশেষ ইচ্ছা ছিল, কিন্তু প্রকাশ করিয়া যাইতে পারেন নাই।

“মৃত্ত কবি ভারতচন্দ্র রায়ের জীবনী এবং তৎপ্রণীত অনেক লুপ্তপ্রায় কবিতা এবং পদাবলী বহু পরিশ্রমে সংগ্রহ করিয়া সন ১২৬২ সালের ১লা জ্যৈষ্ঠের “প্রভাকর”এ প্রকাশ করেন। সেই সনের আষাঢ় মাসে তাহা স্বতন্ত্র পুস্তকাকারে প্রকাশ করেন, ইহাই ঈশ্বরচন্দ্রের প্রথম পুস্তক প্রকাশ।—( শ্রীবক্ত মণীন্দ্রকৃষ্ণ গুপ্ত সম্পাদিত ঈশ্বর গুপ্ত গ্রন্থাবলী, ১ম খণ্ড )।

জন্ম—১২১৮ সাল, ২৫শে ফাল্গুন, শুক্রবার, চব্বিশ পরগণার অন্তর্গত কাচড়াপাড়া নামক গ্রামে ( ১৮১১ খ্রীঃ ) ।

মৃত্যু—১২৬৫ সাল, ১০ই মাঘ, রাত্রি অনুমান, ১টা ( ১৮৫৮ খ্রীঃ ) পিতা, হরিনারায়ণ গুপ্ত, জাতি বৈদ্য ।

বাল্যকথা—দশ বৎসর বয়সে, ঈশ্বরচন্দ্র পিতৃহীন হইয়া কলিকাতা যোড়শাঁকোয় মাতুলাশ্রয়ে প্রতিপালিত হন । শৈশবে, ঈশ্বরচন্দ্র বিদ্যা-শিক্ষার প্রতি তাদৃশ মনযোগী ছিলেন না । তাঁহার স্মৃতিশক্তি অতিশয় প্রবল থাকায়, তিনি একবার যাহা শ্রবণ করিতেন, শীঘ্র তাহা বিস্মৃত হইতেন না । বাল্যকাল হইতেই ( ৭ বৎসর মাত্র বয়সে ) ঈশ্বরচন্দ্র কবিতা রচনা করিতে পারিতেন । পারস্য ও সংস্কৃত শ্লোকের ব্যাখ্যা শ্রবণ করিবামাত্র, তৎসমুদয় বঙ্গভাষায় কবিতাকারে নিবদ্ধ করিয়া দিতেন । ১২ বৎসর বয়স হইতে গীত রচনা করিতে আরম্ভ করেন ।

ঈশ্বরচন্দ্র, সখের, ওস্তাদী এবং হাফ্ আখড়াই কবির দলের গান রচনা করিয়া দিতেন ।

স্থানে স্থানে কবির রচনার অশ্লীলতা দোষ পরিদৃষ্ট হয় । কিন্তু, তৎকালীন সমাজের প্রতি দৃষ্টিপাত করিলে কবির উপর সমগ্র দোষারোপ করা যায় না ।

“সংবাদ-প্রভাকর”—১২৩৭ সালের ১৬ই মাঘ হইতে, কলিকাতা পাণ্ডুরিয়াঘাটা নিবাসী ৮ নন্দলাল ঠাকুরের জ্যেষ্ঠপুত্র যোগেন্দ্রমোহন ঠাকুরের সহায়তায় ঈশ্বরচন্দ্র এই সংবাদ পত্র প্রকাশিত করেন । ১২৩৯ সালে, যোগেন্দ্রমোহনের মৃত্যু হইলে এই পত্রিকাখানি লোপ পায় ।

“সংবাদ রত্নমালা” হাবড়ার অন্তর্গত আন্দুলের জমীদার জগন্নাথ প্রসাদ মল্লিক, এই পত্রিকা প্রকাশিত করেন । ঈশ্বরচন্দ্র, ইহার সম্পাদক ছিলেন । কিছুদিন পর সম্পাদকতা পরিত্যাগ করিয়া তীর্থ ভ্রমণে বহির্গত হন ।

“প্রভাকর” (সংবাদ পত্র)—১২৪৩ সালের ২৭শে শ্রাবণ হইতে ঈশ্বরচন্দ্র, “প্রভাকর” পুনঃপ্রকাশ করেন । প্রথমতঃ সপ্তাহে তিনবার করিয়া প্রকাশিত করিয়া ১২৪৯ সালের ১লা আষাঢ় হইতে দৈনিক প্রকাশিত করেন ।

“পাষাণ পীড়ন”—১২৫৩ সালে এই পত্রিকা প্রকাশিত করেন । এই “পাষাণ পীড়ন” এবং (গৌর শঙ্কর ভট্টাচার্য্য তর্কবাগীশের (গুড় গুড় ভট্ট:

যর) “রসরাজ” নামক পত্রিকায় পরস্পর তুমুল বাকযুদ্ধ চলিত । এই ত্রিকা অধিক দিন জীবিত ছিল না । (“গৌরী, শঙ্কর ভট্টাচার্য্য” ) ।

“সাধুরঞ্জন”—১২৫৪ সালের ভাদ্র মাস হইতে এই সংবাদ পত্র প্রকাশিত করেন ।

“প্রভাকর” (মাসিক পত্র)—১২৬০ সালের বৈশাখ মাস হইতে মাসিক পত্রিকার আকারে স্কুলকায় “প্রভাকর” প্রকাশ করিতে আরম্ভ করেন ।

গুপ্ত কবির পূর্বোক্ত সাময়িক ও সংবাদপত্রনিচয়ে পদ্য ও গদ্য উভয়-বিধ রচনার প্রবন্ধ প্রকাশিত হইত ।

“প্রবোধ প্রভাকর”—একজন শাস্ত্রজ্ঞ পণ্ডিতের সহায়তায় এই পদ্য-সাময় গ্রন্থখানি রচনা করেন । ইহার ১ম খণ্ড ১২৬৪ সালে মুদ্রিত ও প্রকাশিত হয় । ইহাতে পিতা পুত্রের প্রশ্নোত্তর ছলে “প্রাণীতত্ত্ব নিরূপণ” প্রসঙ্গে, দুঃখের ক্লেশানুভবেই লোকের সুখান্বেষণে প্রবৃত্তি হয়, স্বর্গীয় সুখ চিরস্থায়ী নহে, তত্ত্বজ্ঞান দ্বারা অবিদ্যার সুখলাভ হয়, সৃষ্টি অনাদি, ঈশ্বর সত্যতা, নিজনিজ কর্ম্মানুসারে জীবের উৎপত্তি, ইত্যাদি অনেকগুলি বিষয়ের শাস্ত্রীয় মীমাংসা সন্নিবেশিত আছে ।

“হিত প্রভাকর”—বিষ্ণুশর্ম্মার হিতোপদেশ অবলম্বন করিয়া এই পদ্য-সাময় স্কুলপাঠ্য গ্রন্থখানি রচনা করেন । কিন্তু ইহা পাঠোপযোগী বলিয়া বিবেচিত হয় নাই ।

“বোধেজ্ঞ বিকাশ”—সংস্কৃত ‘প্রবোধ চন্দ্রোদয়’ নাটকের বঙ্গানুবাদ ইহাতে মূল অপেক্ষা অনেক স্থলে অধিক বর্ণনা আছে । এই পুস্তক প্রথমতঃ মাসিক ‘প্রভাকরে’ প্রকাশিত হয় ; পরে পরিবর্তিত ও পরিবর্দ্ধিত আকারে পৃথক্ ভাবে মুদ্রিত হয় ।

“কলিনাটক”—অসমাপ্ত রচনা ।

অক্ষয়কুমার, বঙ্কিমচন্দ্র, দীনবন্ধু মিত্র প্রভৃতি বঙ্গভাষার খ্যাতনামা ব্যক্তিকারগণ, কবির ঈশ্বরচন্দ্র গুপ্ত মহাশয়কে তাঁহাদের বঙ্গভাষায় রচনার শিক্ষা গুরু বলিয়া স্বীকার করিয়া আপনাদের নিজের এবং গুপ্ত কবির মতই ব্যবহার করিয়াছেন । ইহারা গুপ্ত কবির ‘প্রভাকরে’ সর্বপ্রথম শিক্ষা চালাইয়া দিয়াছেন ।

কবি ঈশ্বরচন্দ্র গুপ্ত, হাশুরসে অদ্বিতীয় বলিলে অত্যাক্তি হয় না। তিনি  
দ্রুত রচনায় সিদ্ধহস্ত ছিলেন।

(নব্যভারত ৫, ৬, ১২, ঈশ্বর গুপ্ত গ্রন্থাবলী, সংসার সাহিত্য বিঃ প্রস্তাব)

ঈশ্বরচন্দ্র বিদ্যাসাগর—

রচিত গ্রন্থাদি—(১) শকুন্তলা, ১২৪৭ সাল, (২) বাঁসুদেবচরিত (অপ্রকা-  
শিত) (৩) বেতালপঞ্চবিংশতি, ১২৫২, (৪) তত্ত্ববোধিনী পত্রিকায় প্রকাশিত  
মহাভারতের আংশিক অনুবাদ (পুস্তকাকারে প্রকাশিত, ১২৬৭) (৫) বাঙ্গা-  
লার ইতিহাস, ১২৫৬, (৬) জীবনচরিত, ১২৫৬, (৭) বোধোদয়, ১২৫৮, (৮)  
উপক্রমণিকা, ১২৫৮, (৯) ঋজুপাঠ ১ম, ১২৫৮ (১০) ত্রৈ ২য়, ১২৫৯, (১১)  
ত্রৈ ৩য়, ১২৬০ (১২) ব্যাকরণকৌমুদী, ১ম ও ২য়, ১২৬০ (১৩) বিধবা বিবাহ  
বিষয়ক প্রবন্ধ, ১২৬০, (১৪) ব্যাকরণকৌমুদী ৩য়, ১২৬১, (১৫) বিধবা বিবাহ  
প্রবন্ধ ২য়, ১২৬১ (১৬) বর্ণপরিচয় ১ম, ১২৬২ (১৭) ত্রৈ ২য়, ১২৬২ (১৮)  
চরিতাবলী, ১২৬৩, (১৯) কথামালা, ১২৬৩ (২০) সংস্কৃত ভাষা ও সাহিত্য  
বিষয়ক প্রস্তাব, ১২৬৩ (২১) সীতার বনবাস, ১২৬৮ (২২) রামের রাজ্যাভি-  
ষেক (অপ্রকাশিত) (২৩) ব্যাকরণকৌমুদী ৪র্থ, ১২৬৯, (২৪) আখ্যানমঞ্জরী  
১ম, ১২৭১ (২৫) ত্রৈ ২য়, ৩য়, ১২৭৫, (২৬) ভ্রান্তিবিলাস, ১২৭৭ (২৭)  
বহুবিবাহবিষয়ক পুস্তক ১ম, ১২৭৮ (২৮) ত্রৈ ২য়, ১২৭৯ (৩০) স্বরচিত  
জীবনচরিত প্রভৃতি ৫২ খানি গ্রন্থ প্রকাশ করিয়াছিলেন। ইহার মধ্যে  
১৭ খানি সংস্কৃত, ৫ খানি ইংরাজী এবং অবিশিষ্ট ৩০ খানি বাঙ্গালা পুস্তক।  
বাঙ্গালা পুস্তক ৩০ খানির মধ্যে, ১৪ খানি বিদ্যালয়পাঠ্য পুস্তক (রচনা ও  
অনুবাদ) এবং বাকী ১৬ খানির মধ্যে, ৩ খানি পুরাতন গ্রন্থ (অন্নদামঙ্গল,  
বিদ্যাসুন্দর ও মানসিংহ), বিশুদ্ধ ভাবে সংস্করণ করিয়া প্রকাশিত করেন—  
অপর ১৩ খানি সাধারণপাঠ্য (রচনা ও অনুবাদ)।

জন্ম—১২২৭ সাল ১২ই আশ্বিন, মঙ্গলবার দিবা দুই প্রহরের সময়  
মেদিনীপুর জেলার অন্তর্গত বীরসিংহ নামক গ্রামে ( ১৮২০ খ্রীঃ )

ক্রমশঃ ।

শ্রীশিবরতন মিত্র ।

# বীরভূমি

মাসিক পত্রিকা ও সমালোচনী ।

খণ্ড ]

ফাল্গুন, ১৩১১

[ ৪র্থ সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বঙ্গীয় সাহিত্যসেবক (শ্রীশিবরতন মিত্র)	...	...	১২১
ভূমি। (পদ্য) (শ্রীনেত্রবালা বসু)	...	...	১৩৩
কবির সমাধি। (পদ্য) (শ্রীনবীনচন্দ্র মুখোপাধ্যায়)	...	...	১৩৫
ভক্তজীবনী। (শ্রীবনয়ারিলাল গোস্বামী)	...	...	১৪০
ভূমি। (শ্রীপ্রিয়লাল বন্দ্যোপাধ্যায়)	...	...	১৪৯
বঙ্গ বর্গী। (সম্পাদক)	...	...	১৫০
পৌরাণিক চিত্র।	...	...	১৫৬
সমালোচনা।	...	...	১৫৯

কীর্তহারের সুপ্রসিদ্ধ স্বদেশহিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

ব্যায়ে বীরভূম জেলার অন্তর্গত

কীর্তহার গ্রাম হইতে

শ্রীদেবিদাস ভট্টাচার্য্য বি, এ,

কর্তৃক প্রকাশিত ।



বটফ্রুফ পালের

# এডওয়ার্ডস্ ফ্রুফ টনিক ম্যালেরিয়া স্পেসিফিক

ম্যালেরিয়া ও সর্ববিধ জ্বররোগের একমাত্র  
মহোষধ ।

অদ্যাবধি সর্ববিধ জ্বর-রোগে  
এমত আশু-শান্তিকারক মহোষধ আবিষ্কার হয় নাই ।

লক্ষ লক্ষ রোগীর পরীক্ষিত

মূল্য—বড় বোতল ১।, প্যাকিং ও ডাকমাশুল ১ টাকা।  
ছোট বোতল ৫০ আনা, ঐ ঐ ৫০ আনা।  
রেলওয়ে কিন্না পীমার পার্শ্বলে লইলে খরচা অতি স্থলভ হয়।

এডওয়ার্ডস্

লিভার এণ্ড স্প্লীন অয়েন্টমেন্ট

অর্থাৎ প্লীহা ও যকৃতের অব্যর্থ মলম ।

প্লীহা ও যকৃত নিৰ্দ্দোষে আরাম করিতে হইলে আমাদের “এড-  
ওয়ার্ডস্ টনিক বা গ্যাণ্টি ম্যালেরিয়া স্পেসিফিক” সেবনের  
সঙ্গে সঙ্গে উপরোক্ত পেটের উপর প্রাতে ও বৈকালে  
মালিশ করা আবশ্যিক। যতই বর্দ্ধিতায়তনের প্লীহা,  
যকৃত বা অগ্রমাস হউক না কেন, ইহা নিয়মি-  
রূপে মাসেককাল মালিশ করিলে, এক-  
বারেই কমিয়া যাইবে। এই মলম  
মর্দন দ্বারা আশু ফল পাইবেন।

মূল্য প্রতি কোটা ১০ ছয় আনা। ডাঃ মাঃ স্বতন্ত্র লাগে।  
পত্র লিখিলে কমিশনের নিয়দাদি সম্বন্ধীয় অস্থায়ী জ্ঞাতব্য বিষয় অবগত হইবেন।

সোল্ এজেন্টস্ ; = বটফ্রুফ পাল এণ্ড কোং

৭ ও ১২ নং বন্ফিল্ডস্ লেন, চীনাবাজার—(কলিকাতা)।

# বীরভূমি

মে ৩০ ]

চৈত্র, ১৩১১ ।

[ ৪র্থ সংখ্যা ।


বঙ্গীয় সাহিত্যসেবক ।

(১২০ পৃষ্ঠার পর )

মৃত্যু—১২৯৮ সাল, ১৩ই শ্রাবণ, (১৮২০ খ্রীঃ, ২৬শে সেপ্টেম্বর) মঙ্গলবার  
রাত্রি ২-১৮ সময় কলিকাতা বাহুড়াবাগান বাটীতে ।

বংশ পরিচয়, পূর্বকথা—বর্তমান হুগলী জেলার অন্তর্গত জাহানাবাদের  
নিকট বনমালিপুর নামক গ্রামে, ঈশ্বরচন্দ্রের পূর্বপুরুষগণের বাসস্থান  
ছিল। পিতামহ, রামজয় তর্কভূষণ মহাশয়, ভ্রাতৃগণ কর্তৃক উৎপীড়িত  
হইয়া পত্নী দুর্গাদেবী এবং শিশু সন্তানগুলিকে গৃহে রাখিয়া দেশত্যাগী হইয়া  
চলিয়া যান। দুর্গাদেবী, বীরসিংহ গ্রামের (পূর্ব, হুগলি—বর্তমান, মেদিনীপুর)  
প্রসিদ্ধ বৈয়াকরণ, পণ্ডিত উমাপতি তর্কসিদ্ধান্তের তৃতীয়া কন্যা। তর্কভূষণ  
মহাশয়ের দেশত্যাগের পর কিছুকাল অতি কষ্টে বনমালিপুরে অতিবাহিত  
করিয়া, দুর্গাদেবী, দুই পুত্র ও চারি কন্যাসহ বীরসিংহ গ্রামে স্বীয় পিতৃভ্রাতৃ  
আশ্রয় গ্রহণ করেন। ভ্রাতা ও ভ্রাতৃবধূগণ কর্তৃক মর্শ্মপীড়িত হইয়া কিয়ৎ  
কাল পর তথায় পৃথক কুটার নির্মাণ করিয়া স্ত্রীতা বিক্রয় করতঃ অতি কষ্টে  
জীবিকা উপার্জন করিতে লাগিলেন—বৃদ্ধ পিতা উমাপতিও সময়ক্রমে গোপন  
ভাবে যথাসাধ্য সাহায্য করিতে বিরত হইতেন না। জননীর এইরূপ  
স্বভাবনীর ক্লেশ দর্শন করিয়া পঞ্চদশ বর্ষ বয়স্ক বালক ঠাকুর দাস, তাঁহার  
আদেশ গ্রহণ করতঃ জ্ঞাতিপুত্র জগমোহন তর্কালঙ্কারের আশ্রয়ে কলিকাতা  
আগমন করিলেন।

## বংশ তালিকা—



অতি কষ্টে সামান্যরূপ ইংরাজী ভাষা শিক্ষা করিলে পর, তর্কালঙ্কার মহাশয় ঠাকুরদাসকে মাসিক দুই টাকা বেতনে একটি চাকুরী করিয়া দেন। দুই তিন বৎসর পর মাসিক পাঁচ টাকা হিসাবে বেতন হওয়ায়, জননী এবং শিশু ভাইভগ্নীগুলির কষ্টের অনেক হ্রাস হইল। এই সময়, পিতা রামজয় তর্কভূষণ মহাশয়, ৮ বৎসর কাল, দ্বারকা, জ্বালামুখী, বদরিকাশ্রম প্রভৃতি নানা তীর্থ পর্য্যটন করিলে পর স্বপ্নাদেশ প্রাপ্ত হইয়া বনমালিপু্রে প্রত্যাগমন করেন। তথায় পত্নী ও সন্তানগণের সাক্ষাৎ না পাইয়া বীরসিংহে আসিয়া গোপনভাবে স্ত্রী ও পুত্রকন্যাগণের অবস্থা পর্য্যবেক্ষণ করিতেছিলেন; কনিষ্ঠা কন্যা অননুপূর্ণা সর্ব্বাগ্রে পিতাকে চিনিতে পারিয়াছিল। পারিবারিক ঘটনাবলী শ্রবণ করিয়া তিনি বীরসিংহ গ্রামে বাস করাই শ্রেয়ঃজ্ঞান করিলেন। তদনন্তর তর্কভূষণ মহাশয় ঠাকুরদাসকে দেখিবার নিমিত্ত কলিকাতায় আসিয়া পূর্কপরিচিত বড়বাজারনিবাসী ভাগবতচরণ সিংহের বাড়ীতে তাঁহাকে রাখিয়া আসিলেন। সিংহ মহাশয়ের কৃপায় ঠাকুরদাসের বেতন বৃদ্ধি হইল—মাসিক আট টাকা করিয়া পাইতে লাগিলেন। তখন ঠাকুরদাসের বয়স ২৩ কি ২৪ বৎসর; এই সময় গোঘাটনিবাসী, সাত্ত্বিকভাবাপন্ন রমাকান্ত তর্কবাগীশের দ্বিতীয় কন্যা ভগবতী দেবীর সহিত ঠাকুরদাসের শুভ পরিণয় কার্য্য সুসম্পন্ন হইল। ভগবতী দেবীর শৈশবাবস্থায় তাঁহার পিতা রমাকান্ত উন্মাদগ্রস্ত হইলে, মাতা গঙ্গা দেবী, স্বামী ও কন্যা সহ স্বীয় পিতা পাতুলনিবাসী পঞ্চানন বিদ্যা-বাগীশের আশ্রয় গ্রহণ করেন। আশৈশব বিদ্যাবাগীশ মহাশয়ের আদর্শ হিন্দু পরিবার মধ্যে প্রতিপালিত হইয়া ভগবতী দেবী আদর্শ হিন্দুরমণী ও বিদ্যা-সাগর জননী হইতে পারিয়াছিলেন। বিদ্যাসাগর মহাশয় যখন জননীগর্ভে অবস্থান করিতেছিলেন, তখন তাঁহার জন্মদী উন্মাদ পীড়াগ্রস্ত হন—পরে সন্তান ভূমিষ্ট হইলে প্রসূতি রোগ হইতে মুক্তি লাভ করেন। রামজয় তর্ক-ভূষণ মহাশয় এই বালকের ভাবী কীর্ত্তিলাভের কথা বুঝিতে পারিয়াই নাম রাখিলেন, ঈশ্বরচন্দ্র।

শৈশব, ছাত্রজীবন—ঈশ্বরচন্দ্র, শৈশবে চপলস্বভাব ছিলেন। বালক কাল অবাধ ঈশ্বরচন্দ্রের অসাধারণ মেধাশক্তির পরিচয় প্রাপ্ত হওয়া যায়। প্রথম বৎসর বয়সে বীরসিংহ গ্রামে বিদ্যারম্ভ করিয়া তিন বৎসর কাল পাঠ-শালায় বিদ্যাভ্যাস করেন। এই সময়, রামজয় তর্কভূষণ মহাশয়, অতিসার

রোগে ৭৬ বৎসর বয়সে পরলোক প্রাপ্ত হন। ঠাকুরদাস, পিতৃকৃত্য সম্পন্ন করিয়া ঈশ্বরচন্দ্রকে লেখাপড়া শিখাইবার উদ্দেশে ১২৩৫ সালের কাৰ্ত্তিক মাসে কলিকাতা লইয়া আসিলেন। পিতাপুত্র উভয়েই ভাগবতচরণ সিংহ মহাশয়ের বড়বাজার বাটীতে অবস্থান করিতে লাগিলেন—ঠাকুরদাস এখন মাসিক দশ টাকা বেতন পাইতেন। বালক ঈশ্বরচন্দ্র, অতি শৈশবে মাতৃ-ক্রোড় হইতে বিচ্যুত হইলেও, সিংহ-পরিবারের স্নেহাতিশয্যে, সে দুঃখ আদৌ অনুভব করেন নাই। কলিকাতায় আসিয়া তিন মাস কাল এক পাঠশালায় পড়িয়া রক্তাতিসার রোগে সংশয়াপন্ন পীড়িত হন। এই নিমিত্ত পিতামহী স্বয়ং কলিকাতা আসিয়া তাঁহাকে বীরসিংহে লইয়া যান। রোগ-মুক্ত হইলে, পরবৎসর ১১৩৬ সালের জ্যৈষ্ঠ মাসে ঠাকুরদাস, ঈশ্বরচন্দ্রকে পুনরায় কলিকাতা আনয়ন করিয়া ১ লা জুন (১৮২৯ খ্রীঃ) তারিখে সংস্কৃত কলেজের ব্যাকরণের ৩য় শ্রেণীতে ভর্তি করিয়া দিলেন। তিন বৎসর কাল ব্যাকরণ-শ্রেণীতে পাঠ করার পর, ১১ বৎসর বয়সে সাহিত্য-শ্রেণীতে উন্নীত হইলেন। এই সময় তাঁহার উপনয়নক্রিয়া সম্পন্ন হয়। সাহিত্য-শ্রেণীতে উপনয়ন ও ২ বৎসর পাঠ করিলে পর, চতুর্দশ বৎসর বয়সে, ঈশ্বরচন্দ্র বিবাহ ক্ষীরপাই গ্রাম নিবাসী শক্রবর্ত্ত ভট্টাচার্য্যের অষ্টম বর্ষীয়া কন্যা দীনময়ী দেবীর সহিত পরিণয় সূত্রে আবদ্ধ হন। ১৫ বৎসর বয়সে, সাহিত্য-শ্রেণীর পাঠ শেষ করিয়া, অলঙ্কার-শ্রেণীতে প্রবিষ্ট হইলেন এবং প্রভূত পরিশ্রম ও অসাধারণ প্রতিভাবলে ছয় মাস মাত্র সময়মধ্যে সমগ্র স্মৃতি-শাস্ত্র আয়ত্ত করিয়া “ল” কমিটির পরীক্ষায় উত্তীর্ণ হইলেন। কিছু কাল পর, ত্রিপুরার রাজপণ্ডিতের পদ শূণ্য হয়—সপ্তদশ বর্ষীয় বালক ঈশ্বরচন্দ্র এই পদের জ্ঞাত মনোনীত হন। কিন্তু তাদৃশ দূরদেশে যাইবার নিমিত্ত পিতার অনুমতি লাভে অসমর্থ হওয়ায়, উক্ত পদ গ্রহণ করিলেন না। অগ্ৰাণ্ড বিষয়ে পরীক্ষা প্রদান করিয়া ১৯ বৎসর বয়সে বেদান্ত-শ্রেণীতে উন্নীত হন। এই সময়, তিনি সর্বোৎকৃষ্ট সংস্কৃত পদ ও গদ্য রচনার জ্ঞাত দুইটি পুরস্কার প্রাপ্ত হইয়াছিলেন। তদনন্তর গ্ৰায় ও দর্শন পরীক্ষায় ১০০ এবং সর্বোৎকৃষ্ট রচনার জ্ঞাত ১০০ এই দুই শত টাকা পুরস্কার লাভ করেন। গ্ৰায় ও দর্শন-শ্রেণীতে অধ্যয়ন কালে, দুই মাসের জ্ঞাত ব্যাকরণের ২য় শ্রেণীর অধ্যাপকের পদ শূণ্য হইলে, ছাত্র ঈশ্বরচন্দ্র, মাসিক চল্লিশ টাকা বেতনে অস্থায়ীভাবে এই পদে নিযুক্ত হইয়াছিলেন। চারি বৎসর কাল অধ্যয়নের পর, দর্শন

শাস্ত্র-শ্রেণীর ষড়দর্শন বিষয়ক শেষ পরীক্ষায় উত্তীর্ণ হইয়া ১৮৪১ খ্রীঃ ডিসেম্বর মাসে, নানাবিধ বাধাবিল্ল অতিক্রম করতঃ সংস্কৃত ভাষার সকল বিভাগের পরীক্ষায় সমভাবে সর্বোচ্চ স্থান অধিকার করিয়া বিদ্যালয়ের শিক্ষা সমাপ্ত করিলেন।

বাল্যাবস্থায় ঈশ্বরচন্দ্রের পাঠ্যাবস্থায়, সংস্কৃত কলেজ ও হিন্দু স্কুল একই গৃহে অবস্থিত ছিল; এই নিমিত্ত ছাত্রাবস্থায়, হিন্দু কলেজের রাম-গোপাল ঘোষ, হরচন্দ্র ঘোষ, দক্ষিণারঞ্জন মুখোপাধ্যায়, রামতনু লাহিড়ী প্রভৃতি সুবিখ্যাত ছাত্রমণ্ডলীর সহিত তাঁহার বিশেষ বন্ধুতা জন্মিয়াছিল।

ঠাকুরদাস কার্যক্ষেত্র—১৮৪১ খ্রীঃ সংস্কৃত কলেজের শেষ পরীক্ষায় উত্তীর্ণ “বিদ্যাসাগর” হইয়া ঈশ্বরচন্দ্র, “বিদ্যাসাগর” উপাধি লাভ করিলে, ফোর্ট উইলিয়ম কলেজে মার্শেল সাহেবের অধীনে ৬ মধুসূদন তর্কালঙ্কারের স্থানে প্রধান পণ্ডিতের পদে মাসিক পঞ্চাশ টাকা বেতনে নিযুক্ত হন। এই সময় তিনি দুর্গাচরণ বন্দ্যোপাধ্যায়, রাজনারায়ণ বসু প্রভৃতির নিকট বাড়ীতে ইংরাজী ও ইংরাজী ভাষা শিক্ষা করিয়া সমাধিক ব্যাপ্তি লাভ করিয়া-অগ্ৰাণ্ড ভাষা ছিলেন। এতদ্ব্যতীত হিন্দি, উড়িয়া ও উর্দু ভাষায়ও শিক্ষা বিশেষ অধিকার লাভ করেন। ১৮৪৬ খ্রীঃ সংস্কৃত

কলেজের আদিষ্টান্ট সেক্রেটারীর পদ শূণ্য হইলে, বিদ্যাসাগর মহাশয় উক্ত পদ প্রাপ্ত হইলেন। লর্ড হার্ডিঞ্জ, বিদ্যাসাগর মহাশয়ের পরামর্শ মত, এই সময় সমগ্র বঙ্গদেশে এক শত একটি বঙ্গবিদ্যালয় প্রতিষ্ঠা করিয়া, সংস্কৃত কলেজের উত্তীর্ণ ছাত্রগণকে তত্তৎ বিদ্যালয়ে শিক্ষক নিযুক্ত করিয়াছিলেন। কলেজের অধ্যক্ষ, বাবু রসময় দত্তের সহিত মনান্তর ঘটিলে, বিদ্যাসাগর মহাশয় অচিরে পদত্যাগ করেন। এই সময় হইতে ১৮৫৯ খ্রীঃ পর্য্যন্ত তিনি কোন কর্ম করেন নাই। প্রথম পুত্র নারায়ণ চন্দ্র, এই সময় ১৮৪৯ খ্রীঃ

প্রথম পুত্র (১২৫৬ সাল ৩০ শে কাৰ্ত্তিক) জন্মগ্রহণ করেন। ফোর্ট উইলিয়ম কলেজের হেড রাইটার বাবু দুর্গাদাস বন্দ্যোপাধ্যায়, চিকিৎসা ব্যবসায় আরম্ভ করিলে ১৮৫০ খ্রীঃ বিদ্যাসাগর মহাশয়, ৮০ টাকা বেতনে ঐ পদ প্রাপ্ত হন। এই বৎসরই তাঁহার সহায়্যায়ী বন্ধু, সংস্কৃত কলেজের সাহিত্যাধ্যাপক, পণ্ডিত মদনমোহন তর্কালঙ্কার মহাশয় জঙ্গপণ্ডিতের কার্যে মুর্শিদাবাদে গমন করেন। এডুকেশন কাউন্সিলের সভাপতি বেথুন সাহেবের পরামর্শমতে মাসিক ৯০ টাকা বেতনে বিদ্যাসাগর মহাশয় উক্ত

পদ গ্রহণ করেন। এই নিয়োগের কিছুদিন পর, বাবু রসময় দত্ত অধ্যক্ষের পদ পরিত্যাগ করিলেন। সংস্কৃত কলেজের তদানীন্তন অধ্যক্ষ এবং উত্তরকালে কিরূপ ব্যবস্থা করিলে কলেজের উন্নতি হইতে পারে, এই বিষয় সম্বন্ধে বিদ্যাসাগর মহাশয় কর্তৃক লিখিত রিপোর্ট পাঠ করিয়া কর্তৃপক্ষগণ এতদূর সন্তুষ্ট হইয়াছিলেন যে, তাঁহারা (১৮৫১ খ্রীঃ জানুয়ারী মাসে) বিদ্যাসাগর মহাশয়কেই ঐ পদ প্রদান করিলেন। এখন হইতে সেক্রেটারী ও আসিষ্ট্যান্ট সেক্রেটারী এই দুই পদ সম্মিলিত হইয়া 'প্রিন্সিপাল পদের সৃষ্টি হইল।

প্রিন্সিপাল

বিদ্যাসাগর মহাশয়ই সর্ব প্রথম সংস্কৃত কলেজের এই পদ প্রাপ্ত হইয়া মাসিক দেড়শত টাকা বেতন পাইতে লাগিলেন।

সংস্কৃত কলেজের প্রিন্সিপাল পদে প্রতিষ্ঠিত হইয়া বিদ্যাসাগর মহাশয়, (১) প্রাচীন হস্তলিখিত সংস্কৃত পুঁথিগুলি সংরক্ষণ ও মুদ্রণ, (২) ছাত্রদিগের বেতন গ্রহণের রীতি প্রবর্তন (৩) উপক্রমণিকা, ঋজুপাঠ প্রভৃতি সংস্কৃত শিক্ষার উপযোগী গ্রন্থাদি প্রণয়ন (৪) ব্রাহ্মণ, বৈদ্য ব্যতীত অপরাপর জাতির ছাত্রগণের সংস্কৃত কলেজে শিক্ষাপ্রাপ্ত হইবার অধিকার প্রদান (৫) দুই মাস গ্রীষ্মাবকাশ প্রবর্তন (৬) সংস্কৃত ভাষার সহিত ইংরাজী ভাষা শিক্ষা প্রচলন প্রভৃতি নানাবিধ সংস্কার কার্যে ব্রতী হইলেন। ১৮৫৩ খ্রীঃ বেতন বৃদ্ধি হইয়া মাসিক তিনশত টাকা হইল। ১৮৫৫ খ্রীঃ বিদ্যাসাগর মহাশয়, নদীয়া, হুগলী, বর্ধমান, ও মেদিনীপুরে বাঙ্গালা ও ইংরাজী বিদ্যালয় সমূহের এবং আসিষ্ট্যান্ট আসিষ্ট্যান্ট ইনস্পেক্টরের পদে নিযুক্ত হইয়া মাসিক আত-

ইনস্পেক্টর

রিজু দুই শত টাকা বেতন পাইতে লাগিলেন সর্বশেষ

উভয় পদের বেতন হইল, মাসিক পাঁচ শত টাকা। ১৮৫৬ খ্রীঃ পাবলিক ইনষ্টিটিউশন্স প্রতিষ্ঠিত হইলে, গর্ডন ইয়ং সর্বপ্রথম ইহার ডাইরেক্টর নিযুক্ত হন। সংস্কৃত কলেজের ছাত্রগণের বেতন বৃদ্ধির প্রস্তাব করিলে, ইয়ং সাহেবের সহিত বিদ্যাসাগর মহাশয়ের মনান্তর হয়, কর্তৃপক্ষগণের বিবিধ চেষ্টাতেও এই মনোবিবাদ নিবৃত্তি হইল না। ফলে, বিদ্যাসাগর মহাশয় অসংকোচে ও অম্লানবদনে ১৮৫৮ খ্রীঃ নভেম্বর মাসে, মাসিক পাঁচ শত টাকা বেতনের কার্য পরিত্যাগ করিয়া স্বাধীনভাবে জীবনযাপন করিবার জন্ত অগ্রসর হইলেন।

সাহিত্য-সেবা—১২৪৭ সাল বা ১৮৪০ খ্রীঃ কালিদাস-প্রণীত 'অভিজ্ঞান

কুম্ভল নামক নাটকের উপাখ্যান ভাগ অবলম্বন করিয়া "শকুন্তলা" নামক এক অতি উপাদেয় পুস্তক রচনা করেন। ১৮৪৭ খ্রীঃ "হিন্দী বৈতালপশিশি" গ্রন্থের বঙ্গানুবাদ "বেতাল পঞ্চবিংশতি" মুদ্রিত ও প্রচারিত হইয়া বঙ্গ-সাহিত্যের ইতিহাসে এক নবযুগের প্রবর্তন করিল। প্রথম সংস্করণে এই পুস্তকের ভাষা, সংস্কৃত শব্দের বাহুল্যবশতঃ, তাদৃশ প্রাজল হয় নাই বলিয়া ২য় সংস্করণে তৎপরিবর্তে লালিতাপূর্ণ ভাষা ব্যবহৃত হইয়াছে। ফোর্ট উইলিয়ম কলেজে প্রবিষ্ট হইবার পর, তত্রতা ছাত্রদিগের ব্যবহারের নিমিত্ত "বাসুদেবচরিত" নামক শ্রীমদ্ভাগবতের দশমস্কন্ধ অবলম্বনে, এক পুস্তক রচনা করেন। কর্তৃপক্ষগণের মনোমত না হওয়ায়, এই পুস্তক প্রকাশিত হয় নাই। ১৮৪৮ খ্রীঃ "তত্ত্ববোধিনীপত্রিকায়" মহাভারতের অনুবাদ প্রকাশিত হইতে আরম্ভ হয়। কালীপ্রসন্ন সিংহ মহাশয়, সমগ্র মহাভারতের অনুবাদ প্রকাশে উদ্যোগী হইলে, বিদ্যাসাগর মহাশয়, এই কার্য হইতে বিরত হন। এই আংশিক অনুবাদখানি, ১২৬৭ সালে পুস্তকাকারে প্রকাশিত করেন। ১৮৪৮ খ্রীঃ মার্শমান সাহেব কৃত History of Bengal এর, "বাঙ্গালার ইতিহাস" ২য় ভাগ নাম দিয়া প্রাজল ভাষায় এক বঙ্গানুবাদ প্রকাশ করেন। ১৮৫০ খ্রীঃ Chambers's Biography নামক পুস্তকের অনুবাদ "জীবন চরিত" এবং ১৮৫১ খ্রীঃ Chambers's Rudiments of knowledge নামক পুস্তকের ভাবমাত্র অবলম্বনে "বোধোদয়" রচনা করেন। "উপক্রমণিকা"ও এই বৎসর রচিত হয়। ১৮৫৬ খ্রীঃ বিদ্যাসাগর মহাশয়, যখন বিধবাবিবাহের তুমুল আন্দোলনে সমগ্র দেশবাসীকে অতিশয় উত্তেজিত করিয়া তুলিয়াছিলেন, যখন স্বয়ং পলমাত্র বিশ্রাম না করিয়া প্রতিপক্ষগণের আপত্তি খণ্ডনার্থ নানাবিধ শাস্ত্র-সমুদ্র মন্বন করিয়া পুস্তক প্রণয়নে ও বিধবাবিবাহ প্রচলনার্থ রাজবিধি প্রণয়নের চেষ্টায় একান্ত নিযুক্ত এবং যখন ইয়ং সাহেবের সহিত কার্যক্ষেত্রের বিবাদে সমধিক অগ্রসর, সেই বিষম গণ্ডগোল ও মানসিক অশান্তির সময়ও স্থিরচিত্তে শিশুদিগের পাঠোপযোগী দুই ভাগ "বর্ণপরিচয়, "কথামালা" ও "চরিতাবলী" প্রণয়ন করিয়াছিলেন। ১৮৬২ খ্রীঃ "সীতার বনবাস" রচিত হয়, এই গ্রন্থের প্রথমংশ উত্তর রাম চরিতের অনুবাদ, তদ্যতীত স্বাধীন রচনা স্বরূপ গণ্য করা যাইতে পারে। বঙ্গভাষার গদ্য সাহিত্যে এরূপ প্রাসাদগুণবিশিষ্ট পুস্তক অদ্যাপি আর রচিত হয় নাই। ইহার পর "রামের রাজ্যাভিষেক" নামক পুস্তক

লিখিয়াছিলেন—মুদ্রাক্ষন কার্যও প্রায় শেষ হইয়াছিল, এমন সময় অপর কেহ এই নামধের সম্বন্ধবিষয়াবলম্বনে পুস্তক রচনা করিয়াছেন জানিতে পারিয়া তাহার প্রচার বন্ধ করেন। ১৮৬৪ খ্রীঃ “আখ্যান মঞ্জরী”, ১৮৬৯ খ্রীঃ “ব্যাকরণকৌমুদী” ৪র্থ ভাগ, ১৮৭০ খ্রীঃ সটীক ‘মেঘদূত’ এবং পৌড়িতাবস্থায় বর্ধমানের অবস্থানকালে, সেক্সপীয়র প্রণীত Comedy of Errors নামক নাটকের “ভ্রান্তিবিলাস” নামক মর্মানুবাদ রচনা করেন। ১৮৭১ খ্রীঃ ‘বহুবিবাহ রহিত হওয়া উচিত কি না’—১ম পুস্তক এবং পর বৎসর, উক্ত বিষয়ের ২য় পুস্তক প্রচার করেন।

এইরূপে, বিদ্যাসাগর মহাশয়, বহু আয়াস স্বীকার করিয়া, অসাধারণ প্রতিভাবলে, বঙ্গভাষায় মধুর ও সরল গদ্য রচনার পথ প্রদর্শন করিয়া বঙ্গ ভাষাকে তাহার নিকট চিরঞ্জে আবদ্ধ রাখিয়া গিয়াছেন।

বিদ্যাসাগর মহাশয়ই “সোমপ্রকাশ” নামক, বিখ্যাত সংবাদ পত্রের জনক, তিনি স্বয়ং লেখনী চালনা করিয়া ইহাকে প্রতিষ্ঠা-ভাজন করিয়াছিলেন। “সোমপ্রকাশ” ও “তত্ত্ববোধিনী” ব্যতীত, বিদ্যাসাগর মহাশয় সময়ক্রমে অপর কোন কোন সংবাদ পত্রেও প্রবন্ধ লিখিতেন। এতদ্ব্যতীত, তিনি বহুতর অসমাপ্ত রচনা রাখিয়া গিয়াছেন। বিদ্যাসাগর মহাশয়, সমগ্র ভারতবর্ষের একখানি পূর্ণাঙ্গ বিশিষ্ট ইতিহাস লিখিবার উপযোগী আয়োজন করিয়া রাখিয়াছিলেন; বার্ককে, শরীরের অসুস্থতা নিবন্ধন, তাহা সম্পন্ন করিয়া যাইতে পারেন নাই।

বিদ্যাসাগর মহাশয়ের বৃহৎ পুস্তকালয়টি, তাহার ঐকান্তিকী সাহিত্য-সেবার প্রকৃষ্ট নিদর্শন—নিত্য নবপ্রকাশিত পুস্তক ব্যতীত বহুতর প্রাচীন অপ্রকাশিত হস্তলিখিত পুঁথিও তিনি সংগ্রহ করিয়াছিলেন।

নারী-সেবা, সমাজ-সংস্কার—মহামতি বেথুন, বালিকা বিদ্যালয় স্থাপন করিয়া বিদ্যাসাগর মহাশয়কে একমাত্র উপযুক্ত পাত্রবোধে, তাহার সম্পাদকীয় ভার গ্রহণ করিতে অনুরোধ করিলে, তিনি তাহার সর্বাপ্নীত উন্নতি-সাধনবিষয়ে বিশেষভাবে মনযোগী হইলেন। এই বেথুন-প্রতিষ্ঠিত বালিকা বিদ্যালয়ের উন্নতিবিধান হেতু বিদ্যাসাগর মহাশয় নিজের

অনেক অর্থ ব্যয় করিয়াছিলেন। বেথুন সাহেবের মৃত্যু

হইলে, মতবৈধ ঘটায় সাক্ষাৎসম্বন্ধে ইহার পরিচালক ভার পরিত্যাগ করেন; কিন্তু এই বিদ্যালয়ের প্রতি তাহার আন্তরিক

মতাক্ষণেকের জন্তও তিরোহিত হয় নাই। বিদ্যাসাগর মহাশয় জ্যৈশিকা মাসের প্রধান সহায় ছিলেন, অন্তিমকাল পর্যন্ত, জ্যৈশিকার সম্পূর্ণরূপে রক্ষণাভী থাকিয়া, তৎপ্রচলনে প্রভূত সহায়তা করিয়াছিলেন। যখন মিসিষ্টার্ট ইনস্পেক্টরের পদে নিযুক্ত ছিলেন, তখন তিনি বর্ধমান, হুগলী, মেদিনীপুর, নদীয়া, এই চারিটি জেলায় যে ৫০টি বালিকা বিদ্যালয় স্থাপিত করিয়াছিলেন, ইয়ং সাহেবের সহিত মনান্তর ঘটায় তৎসমুদয়ের ব্যয়ভার বহন করিতে গবর্ণমেন্ট স্বীকৃত হইলেন না। বিদ্যাসাগর মহাশয়, উক্ত বিদ্যালয় সমূহের প্রত্যেকটিতে দুই জন করিয়া শিক্ষক, একজন করিয়া সীমী এবং বালিকাদের পাঠ্য পুস্তকাদির সমগ্র ব্যয়ভার একাকী বহন করিয়াছিলেন।

বিধবাবিবাহ বিধবাবিবাহের পক্ষ সমর্থন, বিধবাবিবাহে হিন্দু শাস্ত্রানু-মোদিত প্রমাণ এবং বিধবাবিবাহ প্রচলন উদ্দেশে তিনি

জীবনের অমূল্য সময় অতিবাহিত করিয়া স্বোপার্জিত অগাধ ধনরাশি অকা-তরে ব্যয় করিয়াছিলেন। অপরায়ণ ব্যয়ের কথা উল্লেখ না করিয়া, কেবল ইহাই বলিলে যথেষ্ট হইবে যে, তিনি ষাটটি বিধবার বিবাহের জন্ত নিজ হইতে ১২ হাজার টাকা ব্যয় করিয়াছিলেন। প্রথমতঃ তিনি বিধবাবিবাহের আবশ্যকতাবিষয়ক প্রবন্ধ ‘তত্ত্ববোধিনী পত্রিকায়’ লিখিতে আরম্ভ করেন। তাহার নিম্না ত্যাগ করিয়া, দিবারাত্রি পরিশ্রমের পর, হিন্দুদিগের মধ্যে বিধবা বিবাহের বৈধতা সম্বন্ধে শাস্ত্রীয় প্রমাণ সমূহ সংগ্রহ করিলেন। উক্ত প্রমাণ সমূহের বলে, সদ্‌যুক্তি অবলম্বন করিয়া বিধবাবিবাহের আবশ্যকতা প্রমাণ করতঃ জনক জননীর অনুমতি অনুসারে ১৮৫৩ খ্রীঃ তদ্বিষয়ক স্বতন্ত্র পুস্তক প্রকাশ করিলেন। ইহাতে হিন্দু সমাজে ঘোরতর আন্দোলন হইয়া নানা-বিধ কটুক্তিপূর্ণ প্রতিবাদ শ্রোতের মত আসিতে লাগিল। বিদ্যাসাগর মহা-শয় তৎসমুদয় খণ্ডন করিয়া ১৮৫৫ খ্রীঃ বর্দ্ধিগাকারে, বিধবাবিবাহবিষয়ক পুস্তক দ্বিতীয়বার প্রচার করেন এবং আপত্তিকারীদের প্রতিবাদ যে নিতান্ত ভ্রান্তিমূলক, তাহা নিঃসংশয়িতরূপে প্রতিপন্ন করেন। এইরূপে বিধবাবিবাহ শাস্ত্রানুসারে সম্পূর্ণরূপে বৈধ বলিয়া প্রমাণিত হইলে, বিধবা-স্বর্জাত সন্তানের পাছে দায়ভাগের নিয়মানুসারে পৈতৃক সম্পত্তি হইতে বঞ্চিত হন, এই নিমিত্ত, বিদ্যাসাগর মহাশয়, বিধবাবিবাহসম্বন্ধীয় আইন প্রণয়নের উদ্দেশে, ন্যূনাধিক সহস্র গণ্যমান্য ব্যক্তিগণের স্বাক্ষরিত

আবেদন পত্র সহ আইনের এক পাণ্ডুলিপি গভর্নমেন্ট সমীপে প্রেরণ করেন। সার্বাধিকার দেব প্রমুখ প্রায় ৩৭ সহস্র ব্যক্তি এই আইন প্রচলনে বিরুদ্ধে প্রতিবাদ করেন। কিন্তু তাহাতে কোন ফল হইল না। ১৮৬৩ খ্রীঃ ২৬ জুলাই (১২৬৩ সাল—১২ই শ্রাবণ) বিধবাবিবাহবিষয়ক আইন পাশ হইয়া গেল। এই বার বিদ্যাসাগর মহাশয় বিধবাবিবাহের বিবাহ দিব্য উদ্যোগ করিতে প্রবৃত্ত হইলেন। আইন পাশ হইবার তিন মাস পরই ২৩শে অগ্রহায়ণ তারিখে, খাটুমানিবাসী সুবিখ্যাত রামধন তর্কবাগীশের পুত্র শ্রীশঙ্কর বিদ্যারত্নের সহিত, বর্ধমানের অন্তর্গত পটলডাঙ্গানিবাসী ব্রহ্মানন্দ মুখোপাধ্যায়ের দশম বর্ষীয়া বিধবা কন্যা (৪র্থ বর্ষে বিবাহ—৬ষ্ঠ বর্ষে বিধবা কালীমতি দেবীর পরিণয় কার্য সম্পন্ন হয়। বিধবাবিবাহ ব্যাপারে, বিদ্যাসাগর মহাশয়কে নানাবিধ বিপদগ্রস্ত হইতে হইয়াছিল—দুঃস্থ প্রাণনাশের পর্য্যন্ত চেষ্টা করিতে ক্রটি করে নাই। দৃঢ়প্রতিজ্ঞ, স্থিরমতি বিদ্যাসাগর মহাশয়, তত্রাপি সঙ্কল্পিত ব্রত উদ্যোগে কিছুতেই পরাস্ত হই নাই। তাঁহাকে এই বিরাট ব্যাপারে, যে সকল ব্যক্তি সহায়তা করিতে বলিয়া আশ্বাস দিয়াছিলেন, ক্রমে ক্রমে তাঁহারা পৃষ্ঠভঙ্গ দিলেন—বিদ্যাসাগর মহাশয় অগত্যাই সর্বস্বান্ত হইয়া এইরূপ ঋণজালে জড়িত হইয়াছিলেন যে, পুনরায় চাকুরি করিবার কল্পনা তাঁহার মনের মধ্যে উদিত হইয়াছিল।

১২৭৭ সালের ২৭শে শ্রাবণ, ২১ বর্ষ বয়স্ক পুত্র নারায়ণচন্দ্রের সহিত ধানাকুল কৃষ্ণনগরনিবাসী শঙ্কুচন্দ্র মুখোপাধ্যায়ের একাদশ বর্ষীয়া বিধবা কন্যা ভবসুন্দরী দেবীর বিবাহ দিয়াছিলেন। ইহাতেই তাঁহার বিধবাবিবাহ প্রচলনে গভীর আন্তরিকতা প্রকাশ পাইতেছে।

বিদ্যাসাগর মহাশয়, বঙ্গদেশীয় কুলীন ব্রাহ্মণগণের বহুবিবাহ প্রচলিত করিবার নিমিত্তও বহু চেষ্টা করিয়াছিলেন। এ সম্বন্ধে তিনি এক বহু-বিবাহ বৃহৎ পুস্তকও লিখিয়াছিলেন। এই পুস্তকে, তিনি বঙ্গদেশীয় ব্রাহ্মণ সমাজের ইতিবৃত্ত সহ কৌলীয়াপ্রথা হেতু যে সকল গর্হিতাচরণ প্রকাশ পাইতেছিল, তৎসমুদয় অতি বিশদভাবে প্রদর্শন করিয়াছিলেন। গভর্নমেন্টের নিকট বর্ধমানের মহারাজা প্রভৃতি বহু মাণ্ডগণ্য লোকের স্বাক্ষরিত এক আবেদন পত্রও প্রেরিত হইল; কিন্তু বিধবাবিবাহের গণ্ডগোলে পড়িয়া ইহা তত ফলপ্রসূ হয় নাই। ১৮৬৬ খ্রীঃ বহুবিবাহবিষয়ক আন্দোলনের

হইয়া ক্রমাগত কুড়ি বৎসর কাল অনলবিস্তর এ বিষয়ের আলোচনা হইয়াছিল।

লোক-সেবা।—বিদ্যাসাগর মহাশয় সর্বপ্রথম, জন্মভূমি, বীরসিংহ গ্রামে বিদ্যালয় স্থাপন করেন; এই অনুষ্ঠানে তাঁহাকে মাসিক তিন শত টাকা করিয়া ব্যয় করিতে হইত। এই বিদ্যালয় তদীয় জননী নামানুসারে “ভগবতী-বিদ্যালয়” নামে খ্যাত। ইহাতে স্বরচিত পুস্তকগুলি সুন্দররূপে মুদ্রিত হয় এবং সাধারণের তৎসমুদয় প্রাপ্ত হইবার পক্ষে কোন অসুবিধা না হয়, এই নিমিত্ত তিনি “সংস্কৃত” ও “সংস্কৃত বস্ত্রের পুস্তকালয়” স্থাপন করিয়াছিলেন। ১৮৬৪ খ্রীঃ নানা-বিধ পরিবর্তনের পর কলিকাতা ট্রেনিং স্কুলের মেট্রপলিটন স্কুল নামকরণ হইলে উহা তাঁহার তত্ত্বাবধানে আইসে। ১৮৬৬ খ্রীঃ হইতে স্কুলের সমগ্র দায়িত্ব তাঁহার উপর পতিত হইল এবং ১৮৬৮ খ্রীঃ হইতে তিনি ইহার সমগ্র ব্যয়-ভার বহন করিতে লাগিলেন। বহু বিঘ্নের পর ১৮৭২ খ্রীঃ হইতে মেট্রপলিটন স্কুল কলিকাতা বিশ্ববিদ্যালয়ের অন্তর্ভুক্ত হইয়া এফ, এ পরীক্ষায় ছাত্র প্রেরণের অধিকার প্রাপ্ত হইল। সুফল দেখিয়া ১৮৮১ খ্রীঃ হইতে কর্তৃপক্ষেরা বি,এ পরীক্ষায় ছাত্র প্রেরণেরও অধিকার প্রদান করেন। মেট্রপলিটন কলেজের আয় কলেজের ব্যয় জন্তই নিয়োজিত হইত—নিজে কখন এক কপর্দকও গ্রহণ করেন নাই। লক্ষাধিক টাকা ব্যয় করিয়া তিনি এই কলেজ-গৃহের জন্ত এক সুরম্য তুলসী অট্টালিকা নির্মাণ করিয়া দিয়াছিলেন। ১৮৮৫ খ্রীঃ বড় বাজার এবং ১৮৮৭ খ্রীঃ বহুবাজার ও শ্রামবাজার ব্রাহ্ম-স্কুল স্থাপন করেন।

বিদ্যাসাগর মহাশয় দয়ার সাগর ছিলেন। শৈশব হইতেই তাঁহার এই বৃত্তির বিকাশ দেখিতে পাওয়া যায়। কত ঋণগ্রস্ত ব্যক্তিকে ঋণমুক্ত করিয়াছেন, কত কন্যাদায়গ্রস্তকে কন্যাদায় হইতে মুক্ত করিয়াছেন, তাহার ইয়ত্তা নাই। তিনি নিয়মিতরূপে মাসিক আটশত টাকারও অধিক বৃত্তি দান করিতেন, এ দানের কথা সাধারণে কাহাকেও জানিতে দিতেন না। এতদ্ব্যতীত সাময়িক ও এককালীন দান করিতেন। ইকোল মধুসূদন দত্তকে তিনি ঋণ করিয়া দশ সহস্র টাকা প্রদান করিয়াছিলেন। ১৮৬৭ খ্রীঃ অনাবৃষ্টিনিবন্ধন বিষম দুর্ভিক্ষ উপস্থিত হইলে তিনি, ঠিক পাঁচ মাস কাল অনহত্র খুলিয়া অধিরাম অন্নদান করিয়াছিলেন।

বিদ্যাসাগর মহাশয় দয়ার সাগর ছিলেন। শৈশব হইতেই তাঁহার এই বৃত্তির বিকাশ দেখিতে পাওয়া যায়। কত ঋণগ্রস্ত ব্যক্তিকে ঋণমুক্ত করিয়াছেন, কত কন্যাদায়গ্রস্তকে কন্যাদায় হইতে মুক্ত করিয়াছেন, তাহার ইয়ত্তা নাই। তিনি নিয়মিতরূপে মাসিক আটশত টাকারও অধিক বৃত্তি দান করিতেন, এ দানের কথা সাধারণে কাহাকেও জানিতে দিতেন না। এতদ্ব্যতীত সাময়িক ও এককালীন দান করিতেন। ইকোল মধুসূদন দত্তকে তিনি ঋণ করিয়া দশ সহস্র টাকা প্রদান করিয়াছিলেন। ১৮৬৭ খ্রীঃ অনাবৃষ্টিনিবন্ধন বিষম দুর্ভিক্ষ উপস্থিত হইলে তিনি, ঠিক পাঁচ মাস কাল অনহত্র খুলিয়া অধিরাম অন্নদান করিয়াছিলেন।

১৮৫৯ খ্রীঃ বর্ধমানের অবস্থান কালে ম্যালেরিয়া রোগের প্রাদুর্ভাব সর্বাঙ্গীণ জাতি বা ধননির্ভরশেষে রোগীর সেবা গুরুত্বপূর্ণ করিয়াছিলেন। সাঁওতাল পরগণার অধীন খন্ডাটাড়ে বিদ্যাসাগর মহাশয়ের এক বাগানবাটী আছে— তথায় অবস্থান কালে সাঁওতাল অবিবাগী ও অশ্রান্ত দীন হুঃখীকে অন্ন, বস্ত্র, ঔষধ ও পথ্যাদি বিতরণ করিতেন।

পারিবারিক ও অশ্রান্ত কথা—বিদ্যাসাগর মহাশয় অতিশয় পিতৃভক্ত ছিলেন—জনক জননীকে তিনি সাক্ষাৎ দেবতা জ্ঞান করিতেন। একান্নবর্তী বৃহৎ পরিবারের তত্ত্বাবধারণভার, তিনি পিতামাতার উপর গুরুত্বপূর্ণ করিয়া অধিকাংশ সময় কলিকাতায় একক রহিতেন। বৃহৎ পরিবারের ব্যয়ভার তিনি একাই বহন করিতেন। তাঁহার বিলাসিতার লেশমাত্র ছিল না।

নানা কারণে বিদ্যাসাগর মহাশয় পারিবারিক জীবনে সুখী ছিলেন না। বরং তিনি ইহার প্রতি সময়ক্রমে সম্পূর্ণরূপে বীতশ্রদ্ধ হইতেন। তবে, শেষকালে স্থায়ী কলিকাতায় কন্যা ও বালক দৌহিত্র লইয়া কিঞ্চিৎ সুখে কালাতিপাত করিতেছিলেন।

পিতা ঠাকুরদাস, একক কাশীবাস করিতেছিলেন। জননী ভগবতী দেবী তথায় কিছুকাল অবস্থানের পর ১২৭৭ সালের শেষ দিনে পতিপুত্র রাখিয়া অমরধামে গমন করেন। পরে, ১২৮৩ সালে ১লা বৈশাখ পিতা ঠাকুর দাস কাশীধামে পরলোক প্রাপ্ত হন। বিদ্যাসাগর মহাশয় তদবধি নির্জনবাসে জ্ঞানোন্নতি ও হোমিওপ্যাথি চিকিৎসা শাস্ত্র অল্পশীলনে সমধিক যত্নপর হইয়াছিলেন।

১২৮৩ সালের শেষভাগে, বাছড়াবাগানে একটি বিতল বাটী প্রস্তুত করিয়া নিজ পুস্তকালয়টি উত্তমরূপে সুসজ্জিত করিয়া বহুদিনের ক্ষোভ দূর করেন।

১২৯৫ সালে ১লা ভাদ্র পত্নী দীনময়ী দেবী দেহত্যাগ করেন।

বিবিধ—১৮৮০ খ্রীঃ (১২৮৭) গবর্ণমেন্ট, বিদ্যাসাগর মহাশয়কে C. I. E. উপাধি প্রদান করেন। বিদ্যাসাগর মহাশয় ঈশ্বর-বিধায়ী ছিলেন; কিন্তু ধর্মমতে সাধারণ হিন্দুদিগের অনুষ্ঠিত আচার পদ্ধতির বশীভূত ছিলেন না। তিনি আপন ধর্মমত ও বিশ্বাস সর্বদা গোপন রাখিতেন।

বিদ্যাসাগর মহাশয়ের শ্রায় দৃঢ়প্রতিজ্ঞ লোক এ জগতে বিরল—সহস্র দুঃখ ও বিপুল বাধা তাঁহার পর্ব্বতমদৃশদৃঢ়মঙ্গল; কিছুমাত্র বিচলিত হইতে পারিত না।

কালীকৃষ্ণ মিত্র, প্রসন্নকুমার সর্বাধিকারী, ব্রজনাথ যুথোপাধ্যায়, বন্ধুবর্গে দ্বারকানাথ মিত্র, শ্যামাচরণ দে, অক্ষয়কুমার দত্ত, রাজকৃষ্ণ বন্দ্যোপাধ্যায়, গিরিশচন্দ্র বিদ্যারত্ন, দ্বারকানাথ বিদ্যাভূষণ, প্যারীচরণ সরকার, কালীচরণ ঘোষ, রামতনু লাহিড়ী, দুর্গাচরণ বন্দ্যোপাধ্যায়, রাজ-নারায়ণ বসু, আনন্দকৃষ্ণ বসু প্রভৃতি বৃহৎগণী, বিদ্যাসাগর মহাশয়ের বন্ধু ছিলেন—হুঃখে সুখে তিনি ইহঁাদের পরামর্শগ্রহণে সুখী হইতেন।

শেষ—১৮৬৯ খ্রীঃ মেরি কারপেন্টারের সহিত বাণী-উত্তরপাড়া যাইবার সময় পথিমধ্যে গাড়ী হইতে পড়িয়া যকৃতে গুরুতর আঘাত প্রাপ্ত হন। এই ঘটনায় তখন অবধি বিদ্যাসাগর মহাশয়ের আশৈশব সুস্থ ও সবল শরীরে সর্বনাশের সূত্রপাত হয়। তদবধি তিনি মধ্য মধ্যে নানাবিধ অসুখ অনুভব করিতেন। মৃত্যুর মৃত্যুর পর ১২৯৫ সালের ভাদ্র মাস হইতে তাঁহার পূর্ব্বদিক্ত উদরাময় পাড়া বৃদ্ধি পাইতে লাগিলে, তিনি ফরাসডাঙ্গায় আদিয়া বাস করিলেন। ১২৯৭ সালের জ্যৈষ্ঠ মাস হইতে কলিকাতা আদিয়া রীতিমত চিকিৎসার ব্যবস্থা হইল। অনেক মতান্তরের পর ডাক্তার সালজর তাঁহার চিকিৎসার ভার গ্রহণ করিলেন। কিছুদিন সামান্যমাত্র উপশমের পর হিকা দেখা দিল। অবশেষে তিনি নিজ ব্যবস্থামত ঔষধ ব্যবহার করিতে লাগিলেন। ১৩ই শ্রাবণ বৈকাল ও সন্ধ্যার সময় জ্বর প্রবল হইল এবং সেই রাত্রেই ২—১৮ মিনিটের সময় বঙ্গদেশ ও সমগ্র ভারত অন্ধকার করিয়া বিদ্যাসাগর মহাশয়, নিত্যধামে চলিয়া গেলেন।

(“বিদ্যাসাগর”—চণ্ডীচরণ, বিহারীলাল, বিবিধ সাময়িক পত্রিকা—সংগৃহীত জীবন-চরিত প্রভৃতি) শ্রীশিবরতন মিত্র।

## ভূমি ।

সাধে কি তোমারে প্রভু,

কহিছে করুণালয় ।

ক্ষুদ্র আমি কি কহিব

এ জগত ‘ভূমিময়’।

যেদিকে ফিরাব আঁখি  
 কেবলি তোমার শোভা,  
 শশাঙ্কে তোমারি হাসি  
 তপনে তোমারি প্রভা !  
 তারকায় তব দৃষ্টি  
 উজ্জল প্রশান্ত তাহা,  
 নীলাকাশ বুঝাইছে  
 তুমি যে অনন্ত, আহা !  
 এই জগতের মাঝে  
 এ জীবন মন প্রাণ,  
 যদিই কিছু না বুঝি—  
 বুঝিব তোমারি দান ।  
 'আমার' 'আমার' বলি  
 লয়েছি নিকটে বাহা,  
 এক বিন্দু নহে কিছু  
 কেবল তোমারি তাহা ।  
 সংসারের সুখ-হাসি  
 —নির্ঘাতন-পরিতাপ,  
 শুভ ও অশুভ আর  
 আশীর্বাদ অভিষাপ—  
 তোমারি সকল দেব !  
 আমার মঙ্গল তরে,  
 রচিয়াছ তুমি তাহা  
 তোমারি বাসনা ভরে ।  
 তব ইচ্ছা হোক পূর্ণ  
 তোমারি হউক জয়,  
 এবিধাম থাক মম  
 এজগত 'তুমি ময়' ।  
 প্রকৃতির নব শোভা  
 তটিনীর কুলু-তান,

প্রক্ষুট পুষ্পের হাশু  
 পাখীর কুজন গান ;  
 লতার বিনয় ভাব  
 তরুর বিশাল কায়া,  
 কেবলি বুঝিছি আমি  
 তোমারি সৌন্দর্য্য-ছায়া ।  
 তোমার মহৎ ভাবে  
 জগত মহিমাবিত,  
 ফিরিয়া আসিছে তাই  
 বসন্ত বরষা, শীত ।  
 অনন্ত শক্তি তব  
 অসীম রহস্যময়,  
 এ জগত আয়-হারা  
 তোমাতে পাইছে লয় ।  
 শ্রীনগেন্দ্রবালা বসু,  
 বীরভূম ।

### কবির সমাধি ।\*

( ভুবনমোহিনী প্রতিভার বিখ্যাত কবি কর্তৃক লিখিত )

১  
 প্রতপ্ত ময়ূখজালে                      দক্ষ করি ধরাতলে  
 অন্তাচলে চলিল তপন ;  
 সন্ধ্যা সুরবালা রঙ্গে                      ছায়া সহচরী সঙ্গে  
 ধীরে ধীরে করে আগমন ।  
 ২  
 কুম্মমঘৌবনা সতী                      স্নিগ্ধশ্যামোজ্জল ছাতি  
 অতি অল্পম সুমাধুরী,  
 হেরি এ সুসমাধি                      পুলক-সাগরে ভাসি  
 হাসিতেছে প্রকৃতি সুন্দরী !

\* কীর্ত্তিহার গ্রামস্থিত বঙ্গের অমর কবি চণ্ডীদাসের পবিত্র সমাধিদর্শনে লিখিত ।



৩

কাননে ফুটিছে ফুল, কুহরে কোকিল কুল,  
বিহঙ্গ কাকলী কলরবে  
উথলিছে দিকচর সুরভি সমীর বর,  
মুগ্ধা ধরা কুসুমসৌরভে !

৪

লইয়া গোধনধনে আনন্দে রাখালগণে  
গৃহে ফিরে গাহিয়া সঙ্গীত ;  
ধেমু-কণ্ঠে ঠুং ঠাং ঘণ্টা বাজে অবিরাম,  
সুপ্তভাব হয় জাগরিত !

৫

পূরব গগনকোলে অমিয় কিরণ ঢেলে  
হইতেছে পূর্ণচন্দ্রোদয়  
যেন কলধৌত ধারা রঞ্জিত হ'তেছে ধরা,  
সুধাধবলিত সমুদয় ।

৬

এ মধুর সন্ধ্যাকালে ভাতে চন্দ্র করজালে  
শান্তি পূর্ণ কবির সমাধি ;  
জীর্ণ ধ্বংস স্তূপতলে কালে রাখি পদতলে  
তাজিয়া সংসার আধি ব্যাধি ।

৭

শান্তির সুশয্যা'পরে নিদ্রা যায় অকাতরে  
মাধু চণ্ডীদাস কবিবর ।  
দাঁড়য়ে এ স্তূপপাশে ভাসিতেছি ভাবোচ্ছ্বাসে  
প্রেমে অশ্রু বরে বর বর !

৮

কবির সমাধি'পরে মাধবী নিকুঞ্জ'পরে  
গাহে পিক পাণিয়া মধুর,  
উচ্ছ্বাস উঠিয়া তার দিগন্ত ভাসিয়া যায়—  
ভেসে যায় গগন সুদূর !

৯

মালতী মাধবী আদি বনফুল নানা জাতি  
ফুটিতেছে চন্দ্র করজালে,  
মত্তমধুকরদলে মধু পিয়ে কুতূহলে  
শুন্ শুন্ বাক্ষারে স্মৃতালে !

১০

হেরি এ সৌন্দর্যরাশি যে সুখসাগরে ভাসি  
কি কহিব ? কেবা তা বুঝিবে ?  
অহো ! ভাগ্যবান কবি ! স্বয়ং প্রকৃতিদেবী  
প্রেমোৎফুল্ল তোমার গৌরবে !

১১

ধন্য তুমি কবিবর ! কবিকীর্তি অনশ্বর  
করিয়াছে অমর তোমারে !  
তোমার মধুর গানে স্বর্গীয় বংশীর তানে  
মৃতদেহে জীবন সঞ্চারে !

১২

এ বিদগ্ধ ধরাতলে প্রেমের পীষুষ ঢেলে  
করিয়াছ ম্লিন্ধ স্মৃতিতল,  
এ দারুণ মরুমাঝে নন্দনকানন রাজে  
ধন্য তব কবিত্বকৌশল !

১৩

বৈকুণ্ঠবিভব ছাড়ি মানবের বেশ ধরি  
অবতরি বঙ্গভূমি পরে  
রাধাকৃষ্ণ প্রেমকথা বিশ্ববিমোহিনী গাথা  
গাহিয়া ভুলালে চরাচরে !

১৪

বহুশত বর্ষ হ'বে তাজিয়া গিয়াছে ভবে  
উড়াইয়া কীর্তির কেতন ।  
বঙ্গীয় ভাষার গলে পরাইয়া কুতূহলে  
হরিকণ্ঠকৌস্তভরতন !

১৫

অমরবদিত হয়ে,                      বিরাজ দেবেদ্রালয়ে  
তব সম কেবা ভাগ্যবান ;  
অক্ষয় পুণ্যের ফলে                      চিরকাল ধরাতলে  
গা'বে লোক তব গুণগান !

১৬

আছে ইহা জনশ্রুতি                      জীবিতে তোমার প্রতি  
করে নাই কেহ সমাদর,  
আসিয়া সংসার পরে                      অনাদরে অবিচারে  
মনকষ্ট পাইলে বিস্তর ।

১৭

তোমারে লম্পট, শঠ                      নিল্লজ্জ কামুক, নট  
বলিয়া সকলে দিত গালি,  
পতিত করিয়া জেতে                      রেখেছিল সমাজেতে  
আরোপিয়া কলঙ্কের কালি !

১৮

হায়রে অন্ধ সংসার                      সৎগুণের পুরস্কার  
এইরূপে হয় কিরে দিতে !  
ক্ষণজন্মা মহাত্মারা                      জন্মিয়া জীবিতে তাঁরা  
কিজন্ত লাঞ্চিত নানামতে ?

২০

জীবিতে মহাত্মাদিগে                      চিনিতে পারে না লোকে  
তাঁহাদের আলোক প্রকৃতি  
হেরি সাধারণ জনে                      জ্বলি মরে হিংসাগুণে  
অকারণে রটায় অধ্যাতি !

২০

না মিটে তাহাতে আশ                      সাধিবারে সর্বনাশ  
উগারে দুঃসহ হলাহল,  
হ'য়ে প্রতিহত তায়                      অকালে নিবাসে যায়  
প্রজ্বলিত প্রতিভা অনল !

২১

এইরূপে অবিচারে                      অশ্রদ্ধায় অনাদরে  
অত্যাচারে হ'য়ে প্রদীড়িত,  
ভ্যজিয়া দেহ নশ্বর                      চণ্ডিদাস কবির  
'এই স্থানে চির সমাহিত !

২২

অহো ! ভাগ্যবান কবি                      রাহগ্রস্ত হ'য়ে রবি  
বিমলিন থাকে কতক্ষণ ?  
ক্ষণেকে নিশ্চিন্ত হ'য়ে                      দ্বিগুণ উজ্জল হয়ে  
চরাচরে বিতরে কিরণ !

২৩

তদ্রূপ তুমিও কবি                      রাহগ্রাসমুক্তরবি  
লভি দিবা কীর্তিকলেবর,  
হইয়াছ প্রভাবিত                      করিয়াছ উজ্জলিত  
এ অন্ধতমস্ চরাচর !

২৪

ভাজি এই বঙ্গধামে                      তোমার পবিত্র নামে  
উৎফুল্ল না হয় কার মন ?  
হইয়া ভকতি নত                      গৃহদেবতার মত  
পূজে লোক তোমার চরণ !

২৫

বঙ্গের শিক্ষিত জন                      ভাবুক প্রেমিকগণ  
এস সব এ সমাধিস্থানে !  
পূর্ব পুরুষের পাপ                      স্মরি কর অনুতাপ  
প্রায়শ্চিত্ত কর জনে জনে !

২৬

কবির সমাধি পরে                      অশ্রু বিসর্জন করে  
তাপদহ্ন হৃদয় তাঁহার  
সিক্ত করি, ভক্তি ভরে                      পূজ মৃত মহাত্মারে,  
সৎগুণের কর পুরস্কার !  
শ্রীনবীনচন্দ্র যুথোপাধ্যায় ।

## ভক্ত-জীবনী ।

গোরাঙ্গদাস ঠাকুর ।

শ্রীকৃষ্ণচৈতন্য মহাপ্রভুর সময়ে বঙ্গদেশের অনেক মহাত্মার ধর্মজীবনে  
মহা পরিবর্তন সংঘটিত হয় । শ্রীচৈতন্যভাগবত, শ্রীচৈতন্যচরিতামৃত এবং  
কাহারও কিঞ্চিৎ বিস্তৃত, কাহারও অতি সংক্ষিপ্তভাবে নামবাসাদির উল্লেখ  
আছে । অসংখ্য গৌরভক্তগণের পূর্ণ জীবনী গ্রন্থস্থ করা সহজসাধ্য নয়  
তজ্জন্মই প্রাচীন গ্রন্থকারগণ সম্ভবতঃ মনোযোগী হন নাই । ভক্ত গৌর  
দাসের সম্বন্ধে শ্রীচৈতন্যচরিতামৃত গ্রন্থের আদিলীলায় শ্রীশ্রীনিত্যানন্দ  
প্রভুর ক্ষমশাখা বর্ণনার মধ্যে কেবল মাত্র এইরূপ ভাবে নামের উল্লেখ  
আছে ।

“নর্তক গোপাল রামভদ্র গোরাঙ্গদাস ।

নৃসিংহ চৈতন্য মীনকেতন রামদাস ।”

আর কোন গ্রন্থে এই মহাত্মার সম্বন্ধে উল্লেখ আছে কি না, তাহা অবগত  
না থাকিলেও তাঁহার বংশের কতিপয় মহাত্মার বাচনিক ও প্রাচীন হস্ত  
লিপির সহায়তায় যাহা এখনও জানিতে পারা যায়, তাহাই অবলম্বনে এই  
প্রবন্ধ লেখা যাইতেছে । বিজ্ঞ মহাত্মাগণ এই প্রবন্ধের লিখিত বিষয়গুলি  
ভুলভ্রান্তি অনুগ্রহপূর্বক প্রমাণসহ জানাইলে সংশোধন করিয়া দেওয়া  
যাইবে ।

শ্রীকৃষ্ণচৈতন্য মহাপ্রভু শ্রীমান্ নিত্যানন্দ প্রভুসহ যে সময় নবদ্বীপধামে  
সুমধুর হরিনাম অবাচিত ভাবে যাহাকে তাহাকে দান করিয়া কলির পতি  
জীবের উদ্ধারের পথ পরিষ্কার করিয়া দিতেছিলেন, সেই শুভ সময়ে এক  
ব্রাহ্মণ অতি দীনবেশে দস্তে তৃণ ধারণ করিয়া মহাপ্রভুর অঙ্গনের সম্মুখে  
একপাশ্বে দণ্ডায়মান ছিলেন, ব্রাহ্মণের চক্ষে দরবিগলিতধারে প্রেম  
পতিত হইয়া বক্ষঃস্থল প্লাবিত করিতেছে, মুখে কথা নাই, ঘন ঘন দাঁড়  
বক্ষঃস্থল স্ফীত করিয়া অব্যক্তভাবেই মনের কথা মনোমোহনকে জানাইতে  
ছিলেন । ব্রাহ্মণের প্রতি আর কেহই লক্ষ্য করে নাই । যিনি দয়ার অবতার  
বাঞ্ছাকল্পতরু, স্বর্গ, মর্ত্য, রম্যতল, যাহার দৃষ্টির অন্তর্ভূত, জীবের  
যাঁর ধর্ম, জীবউদ্ধারের জন্মই যাঁর পূর্ণ বিকাশ, তাঁহার অগোচরে কি

থাকিতে পারে না । প্রভু গৃহাভ্যন্তরে ভক্তমণ্ডলীপরিবেষ্টিত, হরিশুগগানে  
বিমোহিত থাকিয়াও বলিয়া উঠিলেন “নিত্যানন্দ আজ তোমাকে একটা  
রত্ন প্রদান করিব ।” ভক্তগণ সকলেই নিস্তব্ধ হইলেন । দয়াল নিতাই  
বলিয়া উঠিলেন, “প্রভু, তোমার অনন্ত ভাণ্ডারে রত্নের অভাব কি ?” তুমি  
জীবকে যে অমূল্য রত্ন অকাতরে দান করিতেছ, কোন্ ধনীর এত শক্তি  
আছে ? আবার কি রত্ন আমাকে দিবে ? মহাপ্রভু বলিলেন “দ্বারে গিয়া  
দেখ, কি রত্ন আসিয়াছে । আর বিলম্ব করিও না, শীঘ্র লইয়া আইস ।  
আমার প্রাণ বড়ই ব্যাকুল হইয়াছে ।” নিত্যানন্দ প্রভু আর বিলম্ব না  
করিয়া হরিবোল হরিবোল বলিতে বলিতে দ্বারে আসিয়া দেখিলেন, সেই  
ব্রাহ্মণ দীনবেশে দণ্ডায়মান আছেন । নিতাই বলিলেন “এস, এস, বাপ  
এস, আর অমন করিয়া তোমাকে থাকিতে হইবে না । প্রভু তোমাকে  
দয়া করিয়াছেন, তুমি গোরাঙ্গদাস হইয়াছ, তোমার আর অভাব কি ?  
তুমি গোরাঙ্গদাস, জগতে তুমিই ধন্য ! চল প্রভুর নিকট চল ।”

গোরাঙ্গদাস তখন নিত্যানন্দের পদতলে পড়িয়া গেলেন, ক্রন্দনের  
নিবৃত্তি নাই, তখন যেন তাঁহার হৃদয়ে আনন্দসাগর উখলিয়া উঠিয়াছে,  
অজস্র আনন্দবারি নয়নদ্বার দিয়া প্রবাহিত হইয়া নিত্যানন্দপদবিধৌত  
করিতে লাগিল । অতি কষ্টে সে বেগ স্তব্ধ করিয়া ভক্ত কহিলেন—  
“প্রভু তুমি কে ? তুমিই কি আমার বাঞ্ছিত ধন, জীবনের জীবন, প্রাণের  
প্রাণ ? বল, বল, এ নরাধমকে কি তুমি দয়া করিবে, এ পতিতকে কি  
তুমি উদ্ধার করিবে ? তোমার পদযুগলস্পর্শে প্রাণ শীতল হইয়াছে, আর  
আমি এ পদ ছাড়িব না । দেখি তুমি কি করিয়া ছাড়াইয়া যাও ।” নিতাই  
টান বলিলেন “আমি তোমাকে ছাড়িয়া যাইবার জন্ম আসি নাই, লইয়া  
যাইবার জন্মই আসিয়াছি । আমি মহাপ্রভু নই, নিত্যানন্দ, মহাপ্রভুর দাস ।”  
এই বলিয়া নিত্যানন্দ বিপ্রেস হস্ত ধারণ করিয়া উঠাইলেন, বলিলেন “রত্নই  
বটে ।” বিপ্রকে লইয়া নিতাই মহাপ্রভুর সম্মুখে উপস্থিত হইলেন । বিপ্র  
হিরভাবে দণ্ডায়মান থাকিতে পারিলেন না, বায়ুবিক্ষিপ্ত কদলীবৃক্ষের তায়  
গোরাঙ্গদাস পদতলে পতিত হইলেন । প্রভু বলিলেন “বথেষ্ট হইয়াছে আর না,  
এই বলিয়া বিপ্রেস মস্তকে শ্রীপাদপদ্ম স্পর্শ করাইলেন, তখন ভক্তমণ্ডলী  
সম্মুখে বলিয়া উঠিলেন, “ধন্য গোরাঙ্গদাস, জগতে তুমিই ধন্য ।”  
বিপ্রেস নাম পূর্বে কি ছিল, তাহা অথ কোনরকমে প্রকাশ্য না

থাকিলেও গোড়ীয় ব্রাহ্মণ ও কুলশাস্ত্রদীপিকায় প্রকাশ আছে যে, তাঁহার নাম ছিল রামচন্দ্র মজুমদার। এই বংশের অতি প্রাচীন এক খণ্ড কুশীনাথ শিরোভাগে কেবল মাত্র লেখা আছে, “শ্রীশ্রীকৃষ্ণ চৈতন্য মহাপ্রভুর সমসাময়িক শ্রীমান নিত্যানন্দ প্রভুর পার্শ্বদ শ্রীশ্রীগোরাঙ্গদাস ঠাকুর।” তৎপরে তাঁহার পুত্র পৌত্রাদিগণের ধারাবাহিক নাম প্রকাশ আছে। সম্ভবতঃ গোরাঙ্গের দ্বারদেশে নিত্যানন্দের প্রথম গোরাঙ্গদাস সন্মোচন হইতেই বিপ্রেস পূর্ব নামের পরিবর্তন হইয়া গোরাঙ্গদাস নাম প্রচলিত হয়। ভক্তগণ এবং অন্যান্য সকলেও সেই হইতেই গোরাঙ্গদাস বলিয়া তাঁহাকে সম্বোধন করিতে থাকেন। ইনিও সেই হইতেই সাধারণের নিকট গোরাঙ্গদাস পরিচয় দিতে থাকেন। স্মৃতরাং বংশধরগণ গোরাঙ্গদাস নামেই কুশীনাথকে ইহাকে উল্লেখ করিয়াছেন, গোরাঙ্গদাস কথাটি বংশের গৌরবজনক বলিয়া এখন পর্য্যন্ত বংশধরগণ আপনাদিগকে গৌরবান্বিত মনে করেন।

গোরাঙ্গদাস কয়েক দিন নবদ্বীপধামে অবস্থান করার পর একদিন মহাপ্রভু আদেশ করিলেন, “গোরাঙ্গদাস, আমি তোমাকে নিত্যানন্দের পদে সমর্পণ করিলাম। আমাতে এবং নিত্যানন্দতে কিছুমাত্র প্রভেদ নাই। তুমি নিতাইচাঁদের নিকট দীক্ষা গ্রহণ করিয়া গৃহে যাও, গৃহে থাকিয়াই হরিনাম প্রচার করিবে।” গোরাঙ্গদাস প্রভুর আজ্ঞা শ্রবণ মাত্রেই কাঁদিয়া আকুল হইলেন, বলিলেন “প্রভু নিত্যানন্দ পদকমলের স্নানীতল ছায়া কি আমাকে স্থান দিবেন? আমার কি এমন শুভদিন হইবে? নিতাই চাঁদ প্রভুর সম্মুখেই ছিলেন, প্রভু অনুমতি করিলেন “দয়াল ঠাকুর, এইবার গোরাঙ্গদাসকে দয়া কর। অদ্য ইহার দীক্ষা দিয়া হরিনাম প্রচার জন্ম ইহাকে স্বদেশে প্রেরণ কর।” নিতাই চাঁদ বিলম্ব না করিয়া গোরাঙ্গদাসকে সঙ্গে লইয়া গঙ্গাতীরে উপস্থিত হইলেন। উভয়েই গঙ্গা স্নান করিলেন, নিতাই চাঁদ গোরাঙ্গদাসকে হরিনাম এবং দীক্ষা প্রদান করিয়া পবিত্র করিলেন। গোরাঙ্গদাস ধন্য হইলেন। গোরাঙ্গদাসের আনন্দের আর সীমা নাই, দুই বাহু তুলিয়া নিত্যানন্দের চতুর্দিক বেষ্টিত করিয়া নাচিতে লাগিলেন। ক্রমেই আরও বৈষ্ণবগণ উপস্থিত হইয়া নাচিতে নাচিতে হরিনামের তরঙ্গ উঠাইলেন। তখন সকলেই মিলিত হইয়া মহাপ্রভুর প্রাঙ্গনে উপস্থিত হইলে, মহাপ্রভু তাহাতে যোগ দিয়া পরম আনন্দ বর্ধন করিলেন। কিছুক্ষণ আনন্দের পর সকলেই উপবেশন করিয়া মহাপ্রভুর নিকট হরিকথা শ্রবণ করিতে লাগি-

ন। দিবা অবসানপ্রায় দেখিয়া সকলেই যথাস্থানে গমন করিলেন। মহাপ্রভু, নিত্যানন্দ প্রভু, গোরাঙ্গদাস ঠাকুর এবং আগন্তুক ভক্তমণ্ডলীর মধ্যে যাহাদিগের নির্দিষ্ট স্থান ছিল না, তাঁহারা সেই স্থানেই থাকিয়া গেলেন। সকলেরই ভোজনান্তে মহাপ্রভু, গোরাঙ্গদাসকে সম্বোধন করিয়া বলিলেন, “গোরাঙ্গ দাস, তোমার মনোবাঞ্ছা পূর্ণ হইয়াছে, এখন তুমি গৃহে যাও। শ্রী পুত্র প্রতিপালন কর গিয়ে।” গোরাঙ্গ দাস বলিলেন, “প্রভু, আমি আপনাদিগকে ছাড়িয়া থাকিতে পারিব না, আমার আর সংসারে যাইবার ইচ্ছা নাই। আপনাদের পাদপদ্ম দর্শন না করিয়া আমি এক মুহূর্ত্তও থাকিতে পারিব না, আমাকে সংসারে যাইবার আজ্ঞা করিও না।” মহাপ্রভু বলিলেন “তাহা হইতে পারে না, এখনও তোমার অনেক কার্য আছে, তুমি সাংসারিক না হইলে সে কার্য উদ্ধার হইবে না।” গোরাঙ্গদাস কাঁদিতে লাগিলেন, নিতাই-গৌর-বিরহাশঙ্কা তাঁহাকে বড়ই ব্যাকুল করিয়া তুলিল। নিতাইচাঁদ বলিলেন, গোরাঙ্গদাস, তোমার মনের ভাব সমস্তই আমি বুঝিতে পারিতেছি, তবে তোমাকে অধিক দিন থাকিতে হইবে না। আবার আসিয়া আমাদের সঙ্গ লাভ করিতে পারিবে। সম্প্রতি তোমার শান্তির জন্ম এক উপায় উদ্ভাবন করিয়াছি। তুমি গৃহে ফিরিয়া যাও, গৃহে গিয়া দেখিতে পাইবে যে, তোমার অভীষ্ট এক যুগলবিগ্রহ শালগ্রামসহ তোমাদের গ্রামে উপস্থিত হইবেন, এক উদাসীন লইয়া যাইবেন, তুমি তাঁহার নিকট প্রার্থনা করিলেই তিনি তোমাকে সেই স্মৃঠাম অতি মনোহর যুগল বিগ্রহ শালগ্রাম শিলা প্রদান করিবেন, তুমি সেই বিগ্রহের সেবা পূজা করিয়া শান্তি লাভ করিবে, আর যাহাকে তাহাকে হরিনাম বিলাইবে। এই কার্যে মহাপ্রভু এখন তোমাকে নিয়োজিত করিলেন, আমারও এই অভিপ্রায়। সময় হইলে মহাপ্রভু তোমাকে তাঁহার চরণপ্রান্তে লইয়া দিবেন।” গোরাঙ্গদাস বলিলেন, “প্রভু, তোমরা যাহা করিবে, তাহাই হইবে। আমি ক্ষুদ্র জীব, তোমাদের উদ্দেশ্য কি করিয়া বুঝিব! আমি যাইতেছি, আমার কার্যে আমি যাইতেছি না, তোমাদের কার্যেই যাইতেছি। তোমরা যাহা করাইবে, তাহাই করিব; এ দেহ, প্রাণ, ধনৈর্ধর্যা যাহা কিছু সমস্তই তোমার ঐ শ্রীপাদপদ্মে অর্পণ করিয়াছি, আমার আর কিছুই নাই, আছে কেবল ঐ রাঙা পা দুখানি; দেখিও, উহা হইতে ঘেন আমাকে বঞ্চিত করিও না।” এইরূপ কথোপকথনের পর সে দিন গোরাঙ্গ

দাস ঠাকুর শ্রীধাম নবদ্বীপে পরম সুখে রাত্রিযাপন করিয়া পরদিন প্রভূরে প্রভুগণের শ্রীপাদপদ্মে সাষ্টাঙ্গে প্রণিপাতপূর্বক স্বগৃহে গমন করিলেন ।

গৌরান্দ দাস ঠাকুরের নিবাস জেলা রাজসাহীর অন্তর্গত বায়সা গ্রামে ছিল । এখনও বায়সা গ্রাম বর্তমান আছে, কিন্তু এ বংশের কেহই তথায় নাই । গৌরান্দ দাস ঠাকুরের পুত্রগণ ঐ স্থান পরিত্যাগ কালে কোন রূপ চিহ্ন রাখিয়া যান নাই, সুতরাং সেখানে এ বংশের আর কোনরূপ নিদর্শন পাওয়া যায় না, কালের গতিতে আর কোন প্রসঙ্গাধীনেও কেহ কিছু বলিতে পারে না । গৌরান্দদাসের পুত্রগণের ঐ স্থান পরিত্যাগ এবং তাঁহাদের জীবনের মহা আখ্যায়িকা এই প্রসঙ্গে প্রকাশিত হইবে ।

সম্প্রতি রামচন্দ্র মজুমদার বা গৌরান্দদাস ঠাকুরের বংশ পরিচয় প্রকাশ করা যাইতেছে, রামচন্দ্র মজুমদারকে আমরা গৌরান্দদাস ঠাকুর নামেই উল্লেখ করিব । গৌরান্দ দাস ঠাকুর বারেন্দ্র ব্রাহ্মণ ছিলেন, কালি হাই বংশ বারেন্দ্র সমাজে বিশেষ সম্মানিত । সে সময় বারেন্দ্র সমাজে ইহাদের বিশেষ সম্মান ছিল, তাহাতে আর সন্দেহ নাই । মজুমদার উপাধি ইহাদের কি প্রকারে হইয়াছিল, তাহা প্রকাশ না থাকিলেও প্রাচীন কালে সম্মানিত ব্যক্তি ব্যতীত মজুমদার উপাধি সকলে পাইতেন না । কালি হাই বংশের অনেক শাখা আছে, ইহারাও তাহার একটি শাখা । গোড়ীয় ব্রাহ্মণ ও কুল-শাস্ত্র-দীপিকায় ইহার প্রমাণ পাওয়া যায় ।

গৌরান্দদাস ঠাকুর শ্রীধাম নবদ্বীপ হইতে গৃহে প্রত্যাবর্তন করিলে বাটীর ও গ্রামস্থ সকলেই বিশেষ আনন্দিত হইলেন, সাগ্রহে কুশল জিজ্ঞাসা করিতে লাগিলেন । তিনি কোথায় গিয়াছিলেন, কাহাকেও কিছু না বলিয়া কেন গিয়াছিলেন, ইত্যাদি প্রশ্ন করিলে, গৌরান্দদাস অতি বিনীত ও কাতর স্বরে বলিতে লাগিলেন, “আমি শ্রীধাম নবদ্বীপে গিয়াছিলাম, দ্বীপে গৌরহরির পূর্ণ বিকাশ হইয়াছে, তোমরা আর বৃথা সময় নষ্ট করিও কেন, শীঘ্র যাও নিতাইগৌর দর্শন করিয়া চরিতার্থ হও গিয়ে । দয়াল নিতাই সকলকেই দয়া করিবেন, জীবের আর চিন্তা নাই । একবার সকলে হরিবোল হরিবোল বল, হরিনাম ব্যতীত সংসারে আর কিছুই নাই ।” গৌরান্দ দাসের এইরূপ ভাব দেখিয়া সকলেই বলিতে লাগিলেন, রামচন্দ্রের একি হইল । রামচন্দ্র কি উন্মাদ রোগাক্রান্ত হইয়াছে । রামচন্দ্র নাম শুনিয়া গৌরান্দ

বলিতে লাগিলেন “রামচন্দ্র কে? আমি রামচন্দ্র নই, গৌরান্দ দাস, দয়াল নিতাই দয়া করিয়া আমাকে গৌরান্দদাস করিয়াছেন, তোমরাও দয়া করিয়া আমাকে গৌরান্দদাস বলিয়া ডাকিও, আমি তাহাতেই সুখী হইব । নিতাই গৌরের নাম আমাকে বড়ই ভাল লাগে ।” প্রতিবাসীগণ গৌরান্দদাস বাসু-রোগাক্রান্ত স্থির করিয়া চিকিৎসার উপদেশ দিয়া নিজ নিজ গৃহে চলিয়া গেলেন । বাটীস্থ সকলে নানা প্রকার সেবা শুশ্রূষা করিতে লাগিলেন, কিন্তু রোগের কিঞ্চিৎ মাত্র উপশম হইল না, বরং ক্রমেই বৃদ্ধি পাইতে লাগিল, ক্রন্দন, নৃত্য, গীতে দিবা রাত্রি অতিবাহিত করিতে লাগিলেন । গৃহকার্যে মন নাই । স্ত্রীপুত্রের দিকে দৃষ্টি নাই, কেবল “নিতাই গৌর হরিবোল হরিবোল” বলিয়া দিন কাটাইতে লাগিলেন ।

একদিন বায়সা গ্রামে প্রচার হইল যে, একটি জ্যোতির্ষ্ময় সন্ন্যাসী অতি মনোহর, সুঠাম, যুগল বাধাকৃষ্ণ মূর্তি ও একটি শালগ্রাম শিলা লইয়া জলাশয়তীরে বটবৃক্ষমূলে অবস্থান করিতেছেন । গ্রামস্থ সকলেই তথায় ছুটিয়া যাইতেছে, সকলেই যাইয়া দেখিল, সন্ন্যাসী নাই, গৌরান্দদাস নিম্নলিখিতনেত্রে বিগ্রহ সম্মুখে বসিয়া আছেন, তাঁহার নয়নদ্বয় হইতে অবিরল বারিধারা পতিত হইয়া বক্ষঃস্থল ভাসিয়া যাইতেছে, অস্পষ্টস্বরে বলিতেছেন, “প্রভু নিতাইচাঁদ, তোমার এত দয়া, এ নরাদমকে কি দেখিয়া তুমি এত দয়া করিলে, সত্যই তুমি দয়াল নিতাই ।” উপস্থিত জনমণ্ডলী তখন গৌরান্দদাসের এই ভাব দেখিয়া আর তাঁহাকে উন্মাদগ্রস্ত সন্দেহ করিলেন না । সকলেরই হৃদয়ে ভক্তির ভাব আসিল, সকলেই একবাক্যে গৌরান্দদাসকে ধন্য ধন্য বলিতে লাগিলেন, গৌরান্দদাস ক্ষণকাল পরে গাত্রোথান করিয়া উপস্থিত জনমণ্ডলীকে করষোড়ে বিনীতভাবে বলিতে লাগিলেন “আপনারা দয়া করিয়া আসিয়াছেন, একবার সকলেই হরির নাম করুন, হরির নাম ব্যতীত সংসারে আর কিছুই নাই ।” গৌরান্দদাসের কথায় সকলেই বিচলিত হইয়া হরিধ্বনি করিয়া উঠিলেন, গৌরান্দদাসও তৎসহ মিলিত হইয়া বিনয়স্বরভনে এক দিবারাত্রি তথায় অতিবাহিত করিয়া শ্রীবিগ্রহ নিজ গৃহে আনিয়া স্থাপন করিলেন । বায়সা গ্রামে সেই দিন হইতে হরিনামের স্মারক উথিত হইল । গ্রামস্থ এবং ভিন্ন স্থানের ভক্তগণ সেই দিন হইতে নিতাই যোগ দিতে লাগিলেন ! তখন সকলেই গৌরান্দদাসকে আর সামান্য বলিয়া মনে করিতে সাহস করিলেন না । এই দিন হইতেই গৌরান্দ-

দাস জনসাধারণের চক্ষে বিশেষ ভক্তির পাত্র ও অসামান্য মহাত্ম্যরূপে বিরাট করিতে লাগিলেন। বায়সা গ্রাম হইতেই মহাত্মা গৌরান্দাস কর্তৃক রাজসাহী অঞ্চলে মহাপ্রভুর নবপ্রবর্তিত হরির নামের মহাতরঙ্গ উৎখিত হইল। ক্রমে ক্রমে অত্র মহাত্ম্যগণের সহযোগে সমস্ত রাজসাহী অঞ্চল প্লাবিত করিতে লাগিল।

গৌরান্দাস দিবারাত্র শ্রামসুন্দরের মনোহর যুগলমূর্তির সেবা পূজা মনোনিবেশ করিলেন, বিগ্রহের নাম কেহ রাধাশ্রাম, কেহ শ্রামসুন্দর, কেহ শ্রামরায় বলিয়া উল্লেখ করিতে লাগিলেন। গৌরান্দাস শ্রামরায়, বলিয়া সম্বোধন করিতেন। ক্রমে শ্রামরায় নামই প্রচার হইল। গৌরান্দাসের ধনসম্পত্তি সমস্তই শ্রামরায়ের সেবায় ব্যয়িত হইতে লাগিল। ভক্তগণের আগমনে প্রতিদিন মহোৎসবের বৃদ্ধি পাইতে লাগিল। শ্রামরায়ের আরাধনায় অস্ত্রে মহা সাকীর্তনে সকলেই বিভোর হইয়া যাইতেন, গৌরান্দাস ভাবে বিভোর হইয়া যাইতেন, গৌরান্দাস ভাবে বিভোর হইয়া সংকীর্তনের মতো মনোহর নৃত্য করিতে থাকিতেন, তাঁহার নৃত্য দর্শনে ভক্তগণ স্থির থাকিয়া পারিতেন না। তাঁহারাও নৃত্য করিতে থাকিতেন। মন্দিরস্থ যুগল বিগ্রহের দিকে নৃত্য সময়ে অনেকে দৃষ্টি করিয়া দেখেন যেন, রাধাশ্রামও নৃত্য দর্শনে আনন্দ প্রকাশ করিতেছেন। এই প্রকারে বায়সা গ্রামে আনন্দের প্রোচন ক্রমেই বৃদ্ধি পাইতে লাগিল। কিন্তু প্রথমাবস্থায় সাধারণের যেকোনও কৌতূহল ছিল, এখন আর তাহা নাই, এখন যেন সকলেরই শ্রামরায় ও গৌরান্দাস স্থায়ী নিত্য বস্তু মনে হইতে লাগিল, নিত্যক্রিয়ার আয় সকলেই প্রতিদিন প্রাতে ও সায়াছে শ্রামরায়ের অঙ্গনে উপস্থিত হইয়া প্রণাম আরতি দর্শন, চরণামৃত পান, কীর্তনাদি করিয়া নিজ নিজ আবেশ চলিয়া যাইতেন, গৌরান্দাস যেন পূর্ণকাম হইয়া সাংসারিক জীবন হাতেই শ্রামরায়ের সেবায় নিযুক্ত থাকিয়া বিশুদ্ধ বৈষ্ণবচারে দিন রাত ব্যাপন করিতে লাগিলেন, সকলেই মনে করিতে লাগিলেন—গৌরান্দাসের আর গৃহ পরিত্যাগ করিয়া স্থানান্তরে যাইবেন না, শ্রামরায়ের সেবা পূর্ণ জগৎ গৃহেই থাকিতে বাধ্য হইবেন।

গৌরান্দাস যে সময় শ্রীধাম নবদ্বীপে গিয়া দীক্ষা গ্রহণ করিয়াছিলেন তাৎপূর্বেই তাঁহার একটি পুত্র হয়। তখন পুত্রের বয়স অল্প মাত্র হইয়াছিল। সেই কথিত আছে। সে সময় এমন কোনও নিয়ম ছিল না যে, কাহ

মৃত্যু বা কোন ঘটনার সন তারিখ লিপিবদ্ধ করিয়া রাখা হইবে, সুতরাং তাহা জানিবার উপায় নাই। গৌরান্দাসের সেই পুত্রটির নাম কালিদাস। কালিদাসের নামের উৎপত্তি হইয়াছিল। কালিদাস ক্রমে বয়ঃপ্রাপ্ত হইতে লাগিলেন, কিছু দিন পর গৌরান্দাস ঠাকুরের আর একটি পুত্র জন্মে। তাঁহার নাম শ্রামদাস রাখা হয়। শ্রামদাসের জন্ম শ্রামরায় বিগ্রহ প্রাপ্তির পর হইয়াছিল। কালিদাস পিতার পদাঙ্গু-স্মরণ করিতে লাগিলেন, বিশুদ্ধ বৈষ্ণবচারে তাঁহার হৃদয় প্রশস্ত করিতে লাগিল। কালিদাস বয়স্ক হইয়াছিলেন, গৌরান্দাস কালিদাসের প্রতি শ্রামরায়ের সেবা পূজার ভার ক্রমেই অর্পণ করিতে লাগিলেন, কালিদাসও পরমার্থজ্ঞানে কৃতার্থ মনে পিতার আয় শ্রামরায়ের সেবা করিতে লাগিলেন, বালক শ্রামদাস অগ্রজ কালিদাসসহ শ্রীমন্দিরে সর্বদা অবস্থান, চরণামৃত পান, প্রসাদ গ্রহণ, শুদ্ধাচারে থাকা ইত্যাদি বিশুদ্ধভাবের অনুকরণ করিতে লাগিলেন। সকলেই ভাবিতে লাগিল, শ্রামদাসও সময়ে একটি পুত্র জন্ম করিয়া দান করিয়া দিয়া তাহাকে বালক হইবেন। বালকের প্রতিভা দেখিয়া অধ্যাপক মহাশয়ও বলিতে লাগিলেন, অত্র বালকগণ দশ দিনেও যাহা করিতে না পারে, শ্রামদাস এক দিনেই তাহা শেষ করে। গৌরান্দাস জ্যেষ্ঠ পুত্রের প্রতি সেবার কার্য অর্পণ করিয়া দিবা রাত্রি নির্জনে বসিয়া হরিনাম স্মরণ, মনন, স্মরণ, কীর্তন করিতে লাগিলেন। এইরূপে কিছুদিন আতবাহিত হওয়ার পর, একদিন একটি ভক্ত আসিয়া তাঁহাকে বলিল, “প্রভু আপনাকে স্মরণ করিয়াছেন, বিলম্ব করিবেন না, শীঘ্র তাঁহার নিকট উপস্থিত হউন।” গৌরান্দাস বলিলেন, আমি তাহা বুঝিতে পারিয়াই পূর্বে হইতে কালিদাসের হস্তে সেবা পূজার ভার অর্পণ করিয়াছি, এই সংবাদ পাওয়ার পরদিনই বাটার সকলকে বলিয়া গৌরান্দাস প্রভু পাদপদ্মোদ্দেশে গমন করিলেন। বাঁহারা নিতান্ত অনুরোধ করিতে লাগিলেন, তাঁহাদিগকে “আমার আসিতে কত দিন হইবে, তাহা আমার বলিবার উপায় নাই, বাঁহারা লইয়া যাইতেছেন, তাঁহারা লইয়া যাইতে পারেন” ইহাই বলিলেন, কিন্তু গৃহিণীকে বলিয়া গেলেন, “সম্ভবতঃ আমি আর আসিব না, তুমি পুত্রগণ সহ শ্রীবিগ্রহের সেবা পূজা করিতে থাক, অতিথি সংকার করিতে কদাচই অমনোযোগী হইবে না, আমি এই হরিনামের মালা তোমাকে দিয়া যাইতেছি, নিয়ম করিয়া করিও, সংসারের বৃথা অশান্তিতে আকুল হইও না, অশান্তি আসিলে”

শ্রামরায়ের নিকট করযোড়ে শান্তি ভিক্ষা করিও, তিনিই শান্তি প্রদান করিবেন, সময়ে আবার দেখা হইবে ।”

ভক্ত গৌরঙ্গদাস সহ প্রভুগণের শ্রীধাম নবদ্বীপে আর দেখা হয় নাই এবার লীলাচলে গিয়া প্রথম সাক্ষাৎ হয় । গৌরঙ্গদাস লীলাচলে উপস্থিত হইয়া প্রভুগণের চরণে গ্ৰহণান্তে ভক্তগণকে প্রণাম করতঃ করযোড়ে দণ্ডায়মান হইলে প্রভুর আদেশে শ্রীশ্রীজগন্নাথ আদি দর্শন করিতে গমন করেন । মহাপ্রভু ভক্তগণের সহ তাঁহার পরিচয় করিয়া দিয়া বাসস্থান নির্দেশ করিয়া দিলেন । কীর্তনের সময় গৌরঙ্গদাস ভাবে বিভোর হইয়া মনোহর নৃত্য করিতেন । মহাপ্রভু ও নিত্যানন্দ প্রভু তাহাতে বহু প্রশংসা করিতেন । সেই জন্ত মহাপ্রভু পরে তাঁহার নৃত্যক নাম রাখিয়াছিলেন । কত দিন তিনি লীলাচলে অবস্থান করিয়াছিলেন, তাহার কোন প্রমাণ পাওয়া যায় না । গৌরঙ্গদাসের বাসসা গ্রামে ফিরিয়া আসার আর কোন উল্লেখ নাই । এই সমস্ত ঘটনার পরই অনেকে তাঁহাকে শ্রীধাম বৃন্দাবনে দেখিতে পাইয়াছিলেন, কথিত আছে তাঁহার পত্নীও তাঁহার বৃন্দাবনে মিলিতা হন । বৃন্দাবনের বৃহৎ বৃক্ষতলেই তাঁহাদের আশ্রয় স্থান ছিল । কিন্তু তাহাও নির্দিষ্ট ছিল না, এক এক দিন এক এক স্থানে থাকিতেন । মাধুকুরির দ্বারা ক্ষুধা নিবৃত্তি করিতেন, করপুটে শ্রীধামনার বাসন পান করিয়া পিপাসার শান্তি করিতেন । ইহার পর আর তাঁহাদের কোন সংবাদ পাওয়া যায় না, সম্ভবতঃ শ্রীধামেই যুগল মূর্তির অন্তর্ধান হইয়াছিল ।

লীলাচল হইতে শ্রীমান নিত্যানন্দ প্রভু মধুর হরিনাম প্রদান করিয়া জীব উদ্ধার জন্ত বঙ্গদেশে যে সময় পুনরাগমন করিয়াছিলেন, সেই সময় কালিদাস তাঁহার নিকট দীক্ষা গ্ৰহণ করেন । কালিদাস পিতৃদেবের সংবাদ জিজ্ঞাসা করিলে, তিনি বলিয়াছিলেন, “তোমার পিতা এখন শ্রীধাম বৃন্দাবনে আছেন । লীলাচল হইতে তাঁহাকে প্রভুর আদেশে বৃন্দাবনে পাঠান হইয়াছে, তোমার জননীকেও কাহারও সহিত তথায় প্রেরণ করিও । কি তুমি এখন বৃন্দাবনে যাইও না, শ্রামদাস সহ একত্রে শ্রামরায়ের দর্শন করিতে থাক । শ্রামদাস বয়ঃপ্রাপ্ত হইলে তখন যেরূপ অভিমত হইবে করিও ।” কালিদাস মাতাকে কাহার সহিত পিতৃসদনে শ্রীধাম বৃন্দাবনে প্রেরণ করিয়াছিলেন, তাহারও কোন কথা প্রকাশ নাই ।

শ্রীবনওয়ারি লাল গোস্বামী ।

## তুমি ।

তুমি কি ? তুমিত সখি

হৃদিরাণী মোর ।

তুমি কি ? তুমিত সতি

আমার জীবন-ডোর ।

হৃদয়-আনন্দময়ী, তুমি যে গো আশাময়ী,

পরানের স্বপ্নময়ী, অমৃতের ঘোর ।

তুমি কি ? তুমিত সখি

হৃদিরাণী মোর ।

সকলি আঁধার যে গো

তোমার বিহনে,

তোমা'না হেরিলে অশ্রু

উথলে নয়নে ।

টাঙ্গের কিরণ তুমি, আলোকরা বিশ্বভূমি,

তোমার চরণ চুমি' সংসার কাননে

পরান হাসিছে কত

মধুর স্বপনে ।

আমি বাশরীর স্বর,

তুমি সেই রেণু ;

বিকশ কুসুম তুমি,

আমি ফুলরেণু ;—

তোমার কোমল বুকে কত না ঘুমাই সুখে,

তোমা বিনা মরি ছুখে, করে আঁখিজল ।

আঁধার সকলি ঘেন,

পরান বিকল ।

মন্ত্রজালে ঘেরা আঁখি

জগৎ মাঝার,

তুমি আকাশের আলো

অনন্ত অপার ।

তাই সাধ হয় মনে মিশিতে তোমার মনে,

আমি কেন এ জীবনে রইব সসীম ।

তুমি আকাশের আলো

অনন্ত অসীম ।

সংসারগগনে তুমি

মোর ধ্রুবতারা,

তোমা বিনা নিমেষে যে

হই পথহারা ।

তোমারি আলোক পেয়ে তোমারি সঙ্গীত গে'য়ে

ভ্রমিতেছি এ আঁধারে জগৎ মাঝার ।

তুমি সখি জীবনের

সাধনা আমার ।

শ্রীপ্রিয়নাথ বন্দ্যোপাধ্যায় ।

## বঙ্গে বর্গী ।

ইংরাজের কল্যাণে, আজ আমরা শান্তির কোমল শযায় শয়ন করি। নানা সুখ-স্বপ্ন দেখিতেছি। মায়াবিনী আশার মোহিনী মূর্তিতে মুগ্ধ হইয়া কখন আমরা দেবতার উপভোগ্য নন্দন-কাননের পারিজাত আহরণের চিন্তা করিতেছি; আবার কখন বা ছলে বা কৌশলে, চীৎকারে বা ক্রন্দনে ত্রিদিবের রত্নসিংহাসন অপহরণের আকাঙ্ক্ষায় অহরহঃ চেষ্টা করিতেছি কিন্তু এমন দিন গিয়াছে, যে দিন অধিকক্ষণ আমরা শান্তির ক্রোড়ে মস্তক রাখিয়া নিদ্রা যাইতে পাই নাই। বাঙ্গালী, সেই ঘোর দুর্দিনে, ধন, মান, প্রাণ রক্ষার জন্ত সदा সশঙ্ক থাকিত। কোন্ অবস্থাটা ভাল তাহার বিচার করিতেছি না—তবে প্রকৃত যাহা ছিল, তাহাই বলিতেছি। যে দিন বঙ্গের শেষ রাজা বৃদ্ধ লক্ষ্মণ সেন যবন-ভয়ে পলায়ন করেন, সেই দিন হইতে দুর্ভাগ্য বঙ্গভূমি ক্রমান্বয়ে পাঠান, মোগল ও মহারাষ্ট্রীগণের পদ-দগি

তে থাকে। হিংস্র বন্য পশু যেমন একই বনে বাস করিয়া পরস্পরের শোণিতপান লালসায় অনবরত যুদ্ধ করে, সেই রূপ বাঙ্গালী, পাঠান, মোগল ও মহারাষ্ট্রীগণ আপনাদের সর্বনাশের জন্ত বঙ্গভূমি রক্তশ্রোতে প্লাবিত করে। এই রূপে আপনাদের মধ্যে যুদ্ধ করিয়া যখন তাহারা ক্লান্ত ও দুর্বল হইয়া পড়িল, তখন বিনা বাধায় ইংরাজের দাসত্বশৃঙ্খল গলায় পরিয়া শান্ত ভাব ধারণ করিল। এখন আলিপুরের পশুশালায় পিঞ্জরাবদ্ধ দুর্বল নিস্তেজ সিংহব্যাত্তল্লুকাতির স্থায়, আমরা সকলক্ষেণে পরস্পরের প্রতি দৃষ্টি নিষ্ক্ষেপ করিতেছি। অথবা বিধবা সপত্নীগণের স্থায়, পূর্ব বিবাদ ভুলিয়া গিয়া পরস্পরের গলা ধরিয়া রোদন করিতেছি।

এখন আমরা মহা পাপের প্রায়শ্চিত্ত করিতেছি। মহারাষ্ট্রীগণ যেরূপ পরাক্রমশালী হইয়াছিল, তাহাতে যদি তাহারা রাজনীতি কিছু বুঝিত, যদি আত্মকলহ ভুলিয়া;—যদি ভারতের বিভিন্ন অঙ্গে আঘাত না করিয়া, সমস্ত অঙ্গের পুষ্টিসাধনে সচেষ্ট হইত, তাহা হইলে ভারতের ইতিহাস আজ দাস জাতির ইতিহাস হইত না। নিরীহ বঙ্গবাসীর উপর তাহারা যে অত্যাচার করিয়াছিল, আমরা যথাসাধ্য তাহারই বিস্তৃত বিবরণ দিব।

বর্তমান সময়ে ভারতের বিভিন্ন জাতি একতা সূত্রে বদ্ধ হইতেছে। বাঙ্গালী, মহারাষ্ট্রা, পারসী, পঞ্জাবী, এবং হিন্দু, মুসলমান ও বৌদ্ধ একই প্রাঙ্গণে দণ্ডায়মান হইয়া পরস্পরের প্রতি প্রীতিসন্তাষণ করিতেছে। বাঙ্গালী মহারাষ্ট্রবীর শিবাজির উদ্দেশে ভক্তি-পুষ্পাজলি দিতেছে। এমন সময়ে মহারাষ্ট্রাদিগের অত্যাচারকাহিনী তুলিয়া বাঙ্গালীর মনে তাহাদের প্রতি বিদ্বেষ উৎপাদন করা আমাদের উদ্দেশ্য নহে। এই অত্যাচার কাহিনী বিবৃত করিয়া আমাদের মহারাষ্ট্রীয় ভ্রাতৃগণকে আমরা এই বলিতে চাই “তাই, তোমরা কি শোচনীয় আত্মহত্যা করিয়াছ। গ্রহণ না করিয়া যদি কোলে টানিয়া লইতে, তাহা হইলে ভ্রাতায় ভ্রাতায় মিলিত হইয়া আমরা মহাশক্তিশালী হইতাম। তাহা হইলে, পলাশী, বা আসাই রণক্ষেত্রে ইংরাজের বিজয় নিশান উড়িত না। যেন এইবার আমরা বুঝিতে পারি, আত্মকলহ সর্বনাশের মূল।” আর বাঙ্গালীও বুঝুক যে, তাহারা তাহারি ধরিতে জানিত, সে দিন যেমন সকলে সম্মিলিত হইয়া আত্মরক্ষা করিতে উদ্যোগী না হইয়া বিষম দুর্দশা প্রাপ্ত হইয়াছিল, তেমনি আজ শান্তির দিনে, অসির পরিবর্তে লেখনী ধরিয়া ও রণবাণের পরিবর্তে বক্তৃতা



মাত্র সম্মত হইয়াও যদি তাহারা এক-মত না হয়, তবে দ্রুতগতি অবনতির ঘোর অন্ধকার কুপে পতিত হইবে।

ঘেরিয়ায় রণক্ষেত্রে স্বীয় প্রভু সরফরাজ খাঁর রক্তে সর্বাপ রঞ্জিত করিয়া, আলিবর্দি বঙ্গের সিংহাসন আরোহণ করিয়াছেন। বঙ্গের অতুল ধন সম্পদের অধিকারী হইয়াও তাঁহার ছাড়া জাফার তৃপ্তি হইল না। তিনি উৎকল বিজয়ের মানস করিলেন। অচিরে উৎকলে আলিবর্দির বিজয়কেতন উড়িল। আলিবর্দির আজ সৌভাগ্যের সীমা নাই। তিনি আজ ভারতের শিরোমণি স্বরূপ বঙ্গ বিহার উড়িষ্যার একচ্ছত্র অধীশ্বর। ধন সম্পদে, লোক বলে তাঁহার তুল্য ভারতভূমে কে আছে? বিজয়োল্লাসে উন্মত্ত হইয়া তিনি মেদিনীপুরে প্রত্যাগমন করিলেন। তথায় আলিবর্দি মহা সমারোহে আনন্দোৎসব করিতে লাগিলেন। সে সময়ের নবাব ওমরাহদিগের গ্রায়, কুৎসিত ব্যাসনের প্রতি তাঁহার প্রবৃত্তি ধাবিত হইত না। তাঁহার বীর-হৃদয় বীরোচিত ক্রৌড়ায় আসক্ত হইত। মনের উল্লাসে তিনি মুগ্ধা করিতে লাগিলেন। এক দিন তিনি সাঞ্চা নামক স্থানে মধ্যাহ্ন সময়ে নমাজ করিতেছেন, এমন সময় এক জন তহশীলদার সেই সময়েই তাঁহাকে ভীষণ সংবাদ দিল। সে বলিল “হজুর, ভাস্করপণ্ডিতপরিচালিত চল্লিশ সহস্র মহারাষ্ট্রীয় অশ্বারোহী সৈন্য আপনার রাজ্য আক্রমণ করিয়াছে। তাহারা যেখানে আসিয়া উপস্থিত হইয়াছে, সে স্থান এখান হইতে কুড়ি ক্রোশ দূরেও নহে। এই বিপুল সেনা দ্রুতগতি ধাবিত হইয়া আসিতেছে। আগামী কল্যা সন্ধ্যার সময়, কিম্বা পরশ্ব প্রতুষে, তাহারা নিশ্চয়ই এখানে আসিয়া পড়িবে।” এই আকস্মিক ভীষণ সংবাদে আলিবর্দির দৃষ্টিতে বা মুখমণ্ডলে কোন রূপ বিস্ময় বা ভয়ের চিহ্নমাত্র দৃষ্ট হইল না। নির্ভীকভাবে অবিকম্পিতস্বরে বীরের গ্রায় তিনি উত্তর করিলেন—“কোথায় সে কাফেরের দল? কোথায় গেলে আমি তাহাদিগকে সমুচিত শাস্তি দিতে পারি?”—

আলিবর্দি মুখে যাহাই বলুন, এই আকস্মিক বিপদে তাঁহার হৃদয় কম্পিত হইল। যুদ্ধের অবমান হইল, এই ভাবিয়া, তিনি অধিকাংশ সৈন্যকে বিদায় করিয়া দিয়াছেন। এই সকল সৈন্য ও তাঁহার সেনাদলের অধিকাংশই মুরশিদাবাদ চলিয়া গিয়াছে। তাঁহার সঙ্গে মোট তিন চারি সহস্র অশ্বারোহী ও পঞ্চ সহস্র বন্দুকধারী সৈন্য আছে। এই অল্প সংখ্যক সেনা লইয়া তিনি

করূপে চল্লিশ সহস্র সৈন্যের সম্মুখীন হইবেন? সূচতুর দ্রুতগামী মহারাষ্ট্রীয় অশ্বারোহী সেনার হস্ত হইতে তাঁহার আত্মরক্ষার উপায় কি? কিন্তু আলিবর্দি বীরপুরুষ। তিনি বাহ্যতঃ কোন প্রকার উদ্বেগ বা ভয়ের চিহ্ন মাত্র না দেখাইয়াই বর্ধমান অভিমুখে অগ্রসর হইলেন। বর্ধমানে আসিয়া তিনি উক্ত নগরের উত্তর পার্শ্বে শিবির সন্নিবেশ করিলেন। মারহাট্টাগণও তাঁহার পশ্চাদ্ভাবন করিয়া বর্ধমানের দক্ষিণে আসিয়া উপস্থিত হইল। চিরাগত বর্ধর ও নিষ্ঠুর প্রথার অনুসরণ করিয়া তাহারা সমুদ্র বর্ধমান নগরে অগ্নিসংযোগ করিল। নিরীহ বর্ধমানবাসী হিন্দুগণের, মহারাষ্ট্রীয়দিগের বধক্ষিগণের গৃহ, হিন্দুর প্রদত্ত অগ্নিতে ভস্মীভূত হইতে লাগিল। সুশোভন, ধন-শস্যপরিপূর্ণ বর্ধমান, ভস্মস্তূপে পরিণত হইল। বর্ধমান ধ্বংস করিয়া মারহাট্টাগণ আলিবর্দিকে আক্রমণ করিল। অদম্য সাহসে বীরনবাব তাহাদের আক্রমণ প্রতিরোধ করিতে লাগিলেন। প্রতিদিনই বহু খণ্ডযুদ্ধ হইতে লাগিল। নিশাগমে উভয় পক্ষই স্ব স্ব শিবিরে প্রত্যাবর্তন করিতে লাগিল। কিছুতেই মারহাট্টাগণ আলিবর্দির সেই ক্ষুদ্র সেনার ধ্বংস সাধন করিতে পারিল না! ভাস্কর পণ্ডিত বিস্মিত হইলেন। যে মহারাষ্ট্রীয়গণের বীরদর্পে সমস্ত ভারতভূমি কম্পিত, যাহাদের সম্মুখ হইতে মুসলমানগণ বৃক-ভাঙিত মেঘদলের গ্রায় পলায়ন করে, স্বল্পসংখ্যক সেনা লইয়া বঙ্গের নবাব তাহাদিগকে পুনঃ পুনঃ প্রতিহত করিতেছেন। তিনি আলিবর্দির বীরত্বের কথা শুনিয়াছিলেন; তবে তাহা মিথ্যা নহে! একরূপ শত্রুর সঙ্গে যুদ্ধে জয় লাভ সহজসাধ্য নহে। সমগ্র সেনা লইয়া নবাবের সঙ্গে যুদ্ধে প্রবৃত্ত হইতেও সাহস হয় না। যদি পরাজয় হয়, তবে তাঁহার সমগ্র সেনা ধ্বংস হইতে পারে, মান সম্ভ্রম সমস্ত নষ্ট হইতে পারে, বঙ্গজয় তাঁহার প্রধান উদ্দেশ্য নহে। কিছু অর্থ পাইলেই তিনি সন্তুষ্ট। এই রূপ ক্ষেত্রে যুদ্ধে অপেক্ষা সন্ধি করা শ্রেয়ঃ, এই ভাবিয়া তিনি নবাবসমীপে দূত প্রেরণ করিলেন। দূত আলিবর্দির নিকট উপস্থিত হইয়া তাঁহাকে বলিল, “দেখুন মারহাট্টাগণ আপনার রাজ্যে আসিয়াছেন; তাহারা আপনার অতিথি। বহু দিন আসিয়া তাঁহারা পরিক্রান্ত হইয়াছেন। দশ লক্ষ টাকা দিয়া আপনি তাহাদের আতিথ্য করুন। ইঁহারা স্বদেশ প্রত্যাবর্তন করিবেন।” কিন্তু একরূপ বিশিষ্ট অতিথির সংকার করিয়া অক্ষয় ধর্ম অর্জন করিতে আলিবর্দির ইচ্ছা হইল না। বাঙ্গালা বিহার উড়িষ্যার নবাব অর্থ দিয়া মান সম্ভ্রম

রক্ষা করিবেন? শোঁর্খা, বীর্ঘা, যাঁহার প্রধান সম্পত্তি. তিনি কি অর্থ দিয়া শত্রু জয় করিতেও সম্মত হন? আলিবদ্দির বীরহৃদয়ে কাপুরুষোচিত ভাব স্থান পাইল না! তাঁহার চির সহচর, বীরবর, আফগানঘোঁকা মুস্তাফা খাঁইবা, এ নীচ প্রস্তাবে সম্মত হইবেন কেন? সমরাস্ত্রন যাঁহার জ্যেষ্ঠ ক্ষেত্র, নরশোণিত পাতে যাঁহার উৎকট উল্লাস, সেই মুস্তাফা খাঁ কি শান্তি কথায় কণপাত করেন? আলিবদ্দি ঘুণার সহিত ভাস্করের সন্ধির প্রস্তাব অগ্রাহ্য করিলেন। সদর্পে ভাস্করকে বলিয়া পাঠাইলেন “সাধ্য থাকে, মরণের সুর হও।”

ভীষণ যুদ্ধ। অভাবনীয় প্রতারণা!! নবাবের এই গর্কিত উত্তর ভাস্কর পণ্ডিত ক্রুদ্ধ হইয়া পুনঃ পুনঃ তাঁহাকে আক্রমণ করিতে লাগিলেন। বহু খণ্ড যুদ্ধ হইয়া গেল। এই রূপ ভাবে ক্ষুদ্র ক্ষুদ্র যুদ্ধ করিয়া আলিবদ্দির বিরক্তি বোধ হইল। তিনি স্থির করিলেন, একেবারে তাঁহার সকল সৈন্য লইয়া মারহাট্টাদিগকে আক্রমণ করিবেন। এই সংকল্প করিয়া তিনি আদেশ করিলেন যে, সৈন্যগণ কেবল মাত্র অস্ত্র শস্ত্র লইয়া যুদ্ধার্থে বহির্গত হইবে। যাবতীয় দ্রব্য শিবিরে রাখিয়া যাইতে হইবে। সৈনিকদিগের সহিত অপর কোন লোক যাইতে পাইবে না। অরুণোদয়ে তিনি অশ্রু রোহণ করিয়া সৈন্যগণকে যুদ্ধার্থে বহির্গত হইতে আদেশ দিলেন। সৈন্যগণ “দীন দীন” রবে দিগমণ্ডল প্রকম্পিত করিয়া বীরদর্পে চলিল। তাহারা কিছু দূর অগ্রসর হইলে ভৃত্যবর্গ ও অপর যাবতীয় লোক নবাবের আদেশ লঙ্ঘন করিয়া মারহাট্টাদিগের ভয়ে ভীত হইয়া সেনা দলে মিশিয়া গেল। ইহারা সৈনিকগণের দ্রুত গমনের সাতিশয় বিঘ্ন উৎপাদন করিতে লাগিল। এই সকল নিরাস্ত্র যুদ্ধানভিজ্ঞ লোক মিশ্রিত হওয়ায়, সৈন্য দলে ঘোর বিশৃঙ্খলা উপস্থিত হইল। ইহা দেখিয়া মহারাষ্ট্রীয়গণ মুহূর্ত্ত মধ্যে কোপিত হইতে আসিয়া নবাবের সেনাকে চতুর্দিক হইতে আক্রমণ করিল। এরূপ ভাবে আক্রান্ত হইয়াও নবাবের সেনা স্থির ভাবে যুদ্ধ করিতে লাগিল। নরশোণিতে ধরাতল রঞ্জিত হইতে লাগিল। মুসায়েব খাঁ নামক নবাবের এক জন সাহসী সেনাপতি নিহত হইলেন। তথাপি নবাবসৈন্য অমিতবিক্রমে শত্রুসংহার করিতে লাগিল। যুদ্ধে নবাবেরই জয় হইবে, এই রূপ সম্ভাবনা হইল। এমন সময় দিবা অবসান হইল। আলিবদ্দি দেখিলেন, তাঁহার “আফগান সেনাপতিগণ তাঁহার পশ্চাৎ নাই। তবেত শত্রুগণ তাঁহাকে পশ্চাৎ

তেই আক্রমণ করিবে। তিনি যে উদ্দেশ্যে শিবির হইতে বহির্গত হইয়াছিলেন, সে উদ্দেশ্যও ত সিদ্ধ হইল না। সমস্ত দিন, বাহাদের সহিত যুদ্ধ করিলেন, তাহারা বিশাল মহারাষ্ট্রীয় বাহিনীর অংশ মাত্র। মহারাষ্ট্রীয়গণ শিবির এখনও অনেক দূরে। তিনি যে নিজ শিবিরে প্রত্যাবর্তন করিবেন, সে উপায়ও নাই। শিবির যে বহু দূরে ফেলিয়া আসিয়াছেন। তাহার সেনাপতিগণের বিশ্বাসঘাতকতায় বুঝি তাঁহাকে সৈন্যে ধ্বংস হইতে হইল। আলিবদ্দি এই সকল নিমিষের মধ্যে চিন্তা করিয়া লইলেন। এমনি বিপদেও তিনি চিন্তের স্বাভাবিক ধৈর্য্য ও হৃদয়ের বল হারাইলেন না। তিনি স্থির করিলেন, রণক্ষেত্রে নিশাযাপন করিবেন।

রজনীতে আলিবদ্দি যে স্থানে অবস্থান করিবেন, স্থির করিলেন, সেই স্থানে বর্ধমান হইতে ৬৭ ক্রোশ দূরবর্তী। পূর্বে বৃষ্টি হওয়ায় সে স্থান কর্দমাক্ত হইয়াছে। দাঁড়াইবার একটু স্থান নাই। কেমন করিয়া সেই কর্দমাক্ত স্থানে রাত্রি অতিবাহিত করিবেন? নিকটে ৩৪ খান পাকী ও একটা ক্ষুদ্র ভূভিন্ন আর কিছুই নাই। একটু অপেক্ষাকৃত উচ্চ জমিতে সেই তাষু স্থাপিত হইল। বঙ্গ বিহার উড়িষ্যার নবাব সেই ক্ষুদ্র তাষুতে পাকীর উপর শয়ন করিতে বাধ্য হইলেন। অপর সৈনিকগণ সেই কর্দমের উপর শয়ন করিয়া থাকিল। মুস্তাফা খাঁ প্রভৃতি আফগান সেনানীগণ স্ব স্ব সেনাসহ রণক্ষেত্র হইতে বহু দূরে অবস্থান করিতেছে। তাঁহারা আলিবদ্দির কিছু সাহায্য করিতেছেন। তাঁহার এই ক্ষুদ্র সেনার অর্ধেক আফগান সেনাপতিগণ কর্তৃক পরিচালিত, সুতরাং অর্ধেক সৈন্য তাঁহাকে পরিত্যাগ করিয়াছে। সুযোগ বুঝিয়া পর দিবস প্রভাতে মারহাট্টাগণ চতুর্দিকে তাঁহাকে আক্রমণ করিল। তাঁহার শিবিরে যাহা কিছু ধনরত্ন, ব্যস্ততার ছিল, মারহাট্টারা তাহা লুণ্ঠন করিল। শিবিররক্ষকগণের অধিকাংশই হত বা আহত হইল। অবশিষ্টেরা পলাইয়া প্রাণ বাঁচাইল। চতুর্দিক হইতে দুর্দর্ষ মহারাষ্ট্রীয়গণ কর্তৃক ভীষণভাবে আক্রান্ত হইলেও, আলিবদ্দি অমিতপরাক্রমে যুদ্ধ করিতে লাগিলেন। দণ্ডে দণ্ডে তাঁহার জয় হইতে লাগিল। তথাপি তিনি সপ্তরথি-বেষ্টিত বীর অভিমুখ্যায়, আত্মরক্ষা করিতে লাগিলেন। কিন্তু অনাহারে, অল্পসংখ্যক সৈন্যের সহিত তিনি আর কতকক্ষণ যুদ্ধ করিবেন? বুঝিয়া এইবার তাঁহাকে মহারাষ্ট্রীয়দিগের নিকট আত্মসমর্পণ করিতে হয়। বুঝিয়া বঙ্গের রাজমুকুট,

মারহাট্টাগণ তাঁহার মস্তক হইতে কাড়িয়া লয়! বুঝবা আজ সূর্য্যাস্তে সঙ্গে সঙ্গে যবনের সৌভাগ্য-সূর্য্যও চিরদিনের তরে অস্ত যায়! বুঝি আজ সরফরাজ খাঁর বধের প্রায়শ্চিত্ত হয়!

কিন্তু তাহা হইল না। আলিবর্দীর দুঃখ দেখিতে না পারিয়া, তপন অদৃশ্য হইলেন। মারহাট্টাগণও সংগ্রাম হইতে বিরত হইল। অদৃষ্টবলে হটক, বা মারহাট্টাগণের অক্ষমতাতেই হটক, আলিবর্দী সে যাত্রা বাঁচিয়া গেলেন বটে, কিন্তু তাঁহার দুর্গতির অবধি রহিল না। আহত ও মুমূর্ষুগণের গভীর হৃদয়ভেদী আর্তনাদে, নবাবের শিবির নারকীয় দৃশ্য ধারণ করিল। কিন্তু অন্ত্রোপায় হইয়া নবাবকে সে রাত্রি সেই স্থানেই অতিবাহিত করিয়া হইল।

## পৌরাণিক চিত্র ।

### কৌশিক ব্রাহ্মণ ।

( ৪ )

মহর্ষি বেদব্যাস কৌশিক ব্রাহ্মণের উপাখ্যানচ্ছলে, আমাদেরকে সকল অমূল্য উপদেশ প্রদান করিয়াছেন, এই ধর্মবিভ্রাটের দিনে, আমাদের অশেষ কল্যাণসাধন করিবে, সন্দেহ নাই। এই উপাখ্যান মহর্ষি স্পষ্টাক্ষরে বলিতেছেন, “মানব, সাবধান! ধর্মের বাহ্যভঙ্গরে ভুগি না। সুদীর্ঘ শিখা ও তিলক ধারণ করিলেই কেহ ব্রাহ্মণ হয় না; বেদাঙ্গ প্রভৃতি শাস্ত্র সকলের পারদর্শী হইলেও মানব ধার্মিক-হয় না। প্রাতঃস্নান, ত্রিসন্ধ্যা, ও যাগাদির দ্বারা উৎকট ক্ষমতা পাইলেও মানব ধর্মরাজ্যে প্রবেশ হয় না। তোমার অবশুকর্তব্য কতকগুলি কর্ম আর প্রকৃত ধর্মোপার্জন করিতে হইলে তোমাকে সর্বাঙ্গে সেইগুলি করিয়া হইবে। নচেৎ বর্ণজ্ঞানশূন্য বালকের বেদ পাঠের চেষ্টার ত্রায় তোমার ধার্মিক হইবার চেষ্টাও বিফল হইবে।”

পুরাকালে কৌশিক নামক এক ব্রাহ্মণ ছিলেন। ধার্মিক হইতে হইয়া তাহা কিছু আবশ্যক, তাহা তাঁহার সকলই ছিল। তিনি সদ্ভ্রাহ্মণবংশে জন্ম গ্রহণ করিয়াছিলেন, বেদাদি শাস্ত্র তাঁহার সম্পূর্ণ আয়ত্ত হইয়াছিল। তপস্বীর

দ্বারা তাঁহার ব্রহ্মতেজঃও বর্ধিত হইয়াছিল। তিনি মনে করিতেন, তাঁহার ত্রায় ধার্মিক কেহই নাই; তিনি সর্বত্রই পূজা পাইবার অধিকারী। তিনি জানিতেন না যে, পাণ্ডিত্য ও ধর্ম এক নহে। তাঁহার বোধ ছিল না যে, লোকে পণ্ডিত অপেক্ষা ধার্মিকেরই অধিকতর সম্মান করিয়া থাকে। একদিন কৌশিক বৃক্ষমূলে বসিয়া বেদোচ্চারণ করিতেছিলেন, এমন সময়, এক বকী বৃক্ষশাখা হইতে তাঁহার উপর পুরীষ ত্যাগ করিল। বেদজ্ঞ তপস্বীর ক্রোধানল প্রজ্জ্বলিত হইল। পক্ষী যে নিজ কর্মের জন্য দায়ী নহে, কর্মের শুভাশুভ বিচার করিবার যে তাহার শক্তি নাই, তিনি যে মহাতেজস্বী বেদজ্ঞ ব্রাহ্মণ, তাহা জানিবার যে তাহার কোন সামর্থ্য নাই—তপোধনের তপোমার্জিত বুদ্ধি তাহা তাঁহাকে বলিয়া দিল না। তিনি শাস্ত্র পাঠই করিয়াছিলেন—তাঁহার অন্তঃকরণ বিশুদ্ধ হয় নাই। তিনি তপঃপ্রভাবে অসাধারণ ক্ষমতা লাভ করিয়াছিলেন, কিন্তু রিপু দমন করিতে পারেন নাই। সেই জন্য রোষকষায়িত লোচনে তিনি বকীর প্রতি দৃষ্টি নিক্ষেপ করিলেন। বকী বিগতপ্রাণা হইয়া পতিত হইল।

কিন্তু মানুষ যতই দুর্বৃত্ত হটক না কেন, ভগবৎকৃপা হইলে, তাহার জীবনে এমন এক শুভ মুহূর্ত্ত আসিয়া উপস্থিত হয়, যখন তাহার জীবনের গতি পরিবর্তিত হইয়া যায়। জগতের বহু মহাপুরুষের জীবনে, অতি ক্ষুদ্র ঘটনা অবলম্বন করিয়া এই শুভক্ষণ আসিয়া থাকে। নিষাদশরবিদ্ধ ক্রৌঞ্চ-মিথুন দর্শনে বাল্মীকি, কবি হইয়াছিলেন। কাহারও যথেষ্টাচারিত দুইটি কথা শুনিয়া লালাবাবু, বৈরাগী হইয়াছিলেন। আর এই বকীকে স্বীয় কোপে নিহতা দেখিয়া ব্রাহ্মণের হৃদয় অনুতাপানেলে দগ্ধ হইতে লাগিল। এই অনুতাপই তাঁহার মঙ্গলের কারণ হইল। ধীরে ধীরে এই অনুতাপানল তাঁহার নিকৃষ্ট বৃত্তি নিচয়কে ভস্ম করিতে আরম্ভ করিল। স্বীয় অকার্য্যে ক্ষুণ্ণ হইয়া ব্রাহ্মণ ভিক্ষার্থ গ্রামাভিমুখে গমন করিলেন। তথায় কোন গৃহস্থ ভবনে “ভিক্ষা দাও” বলিয়া প্রবেশ করিলেন। গৃহস্থামিনী ভিক্ষা আনয়নের জন্য গমন করিলেন। এমন সময় তাঁহার স্বামী ক্ষুধার্ত্ত হইয়া সহসা গৃহে প্রবেশ করিলেন। তিনি অতিথি ব্রাহ্মণের কথা ভুলিয়া গিয়া স্বামিপরিচর্য্যায় নিযুক্তা হইলেন।

এস্থলে এই রমণীর সম্বন্ধে কিছু কথা বলা আবশ্যিক। তিনি সাতিশয় পতিরতা ছিলেন। তিনি পতিকে দেবতা বলিয়া মানিতেন; পতির প্রতি

তঁাহার হৃদয় সম্পূর্ণ আসক্ত ছিল। অন্য কোন চিন্তা তঁাহার মনে স্থান পাইত না। তিনি মৃদাচারিণী, শুচি ও কর্মকুশলা ছিলেন। তিনি দেবতা, অতিথি, ভৃত্য, শ্বশুর ও শ্বশুরের নিয়মমত গুশ্রাধা করিতেন। তবে এই সমুদয় কার্যই স্বামীর প্রীতির জন্ত করিতেন। অন্য কোন ব্রত তঁাহার ছিল না। গম্ভীর ভাবে মহর্ষি বেদব্যাস বলিতেছেন :—

যাতু ভর্তারি গুশ্রাধা তয়া স্বর্গে জয়তু্যত।

স্ত্রীলোকদিগের পক্ষে কোন যজ্ঞক্রিয়া, শ্রাদ্ধ, কি উপবাস কিছুই কিছু নহে, পতির প্রতি যে গুশ্রাধা তদ্বারাই তাহারা স্বর্গজয় করে।

অর্থাৎ স্বধর্ম্যে নিরত হও, আর তোমাকে কিছু করিতে হইবে না। তোমার ইহকালে ও পরকালে উভয়ত্রই শ্রেয়ঃ হইবে। এই স্বাধ্বী রমণী পতিসেবারূপ ধর্মপালন করিয়া সিদ্ধি লাভ করিয়াছিলেন।

পতির গুশ্রাধা করিতে করিতে তঁাহার ব্রাহ্মণের কথা স্মরণ হইল। তিনি ভিক্ষা গ্রহণ পূর্বক ব্রাহ্মণের নিকট উপাস্ত হইলেন। আসিয়া দেখিলেন, ব্রাহ্মণ ক্রোধে জ্বলিতেছেন। ব্রাহ্মণ রোষপরবশ হইয়া তঁাহাকে ভৎসনা করিলেন। তিনি যে মহাতেজস্বী, ইচ্ছা করিলে তিনি যে তঁাহার সর্বনাশ করিতে পারেন, এরূপ ভয় প্রদর্শন করিতেও ক্রটি করিলেন না। কিন্তু তাহার হৃদয় বিশুদ্ধ, যে জানে সে কোন অন্যায় কার্য করে নাই, তাহার কাহাকেও ভয় করিবার কারণ নাই! যিনি যতই বীর্ঘ্যসম্পন্ন হউন না কেন, এরূপ লোকের কেশ স্পর্শ করিতে পারে, এমন সাধ্য কাহারও নাই। সুতরাং ব্রাহ্মণকে অতি ক্রুদ্ধ দেখিয়াও সেই বিশুদ্ধ-হৃদয়া রমণী কিছুমাত্র ভীতা হইলেন না। নিভীকভাবে তিনি উত্তর করিলেন “মহাশয় আমি বকী নহি, যে আপনি আমাকে দৃষ্টিমাত্রই বিনষ্ট করিবেন। আপনি আমার কোন অপকার করিতে সমর্থ নহেন।” তাহার পর রমণী বলিলেন যে, পতিসেবাই তঁাহার সর্বপ্রধান কার্য; তজ্জন্য অতিথি ব্রাহ্মণকে উপেক্ষা করলেও তঁাহার অধর্ম্য হয় নাই। পতিসেবারূপ শ্রেষ্ঠ ধর্ম্য আচরণ করিয়াই তিনি সিদ্ধিলাভ করিয়াছেন। ইহার প্রকৃষ্ট প্রমাণ এই যে, ব্রাহ্মণ যে বকী-বধ করিয়া আসিয়াছেন, তাহা তঁাহার অবিদিত নাই।

রমণী আরও বলিলেন যে, প্রকৃত ব্রাহ্মণের অমর্যাদা করিবার সাধ্য কাহারও নাই। তিনি ব্রাহ্মণের অমিত তেজের কথা জানেন। কিন্তু সেই অতিথি ব্রাহ্মণবংশে জন্ম গ্রহণ করিলেও যথার্থ ব্রাহ্মণ নহেন। তাহার

পর সেই পতিব্রতা রমণী মহাপ্রাজ্ঞ ধর্ম্যাচার্যের ন্যায় প্রকৃত ব্রাহ্মণের লক্ষণ সকল কৌতূহন করিতে লাগিলেন।

ক্রমশঃ

## সমালোচনা।

১। উষা—শ্রীপ্রিয়নাথ বন্দ্যোপাধ্যায় প্রণীত। মূল্য ১ টাকা।

উষা এক খানি কবিতা পুস্তক। রূপে ও গুণে পাঠকের চিত্ত হরণ করিবে, বলিয়া আমাদের বিশ্বাস। রবির কিরণ অনুপ্রবিষ্ট হওয়ায় চন্দ্র যেরূপ উজ্জ্বল অগচ স্নিগ্ধ হয়, রবীন্দ্রনাথের প্রতিভা সম্পাতে প্রিয়নাথের প্রতিভাও তদ্রূপ হইয়া ‘উষায়’ প্রকাশিত হইয়াছে! ‘উষায়’ সৌন্দর্য্য দেখিয়া আশা হয়, অচিরে প্রিয়নাথের প্রতিভা বঙ্গীয় সাহিত্যাকাশে সুবিমল কিরণজাল বিস্তার করিবে।

২। নরোত্তমের আশ্রয় নির্ণয়—শ্রীবনওয়ারি লাল গোস্বামী প্রণীত। মূল্য ১০ টারি আনা। সাধু নরোত্তম ঠাকুর বৈষ্ণবগণের উপাসনার যে ক্রম নির্দেশ করিয়াছেন, সরল ভাষায় তাহাই কথিত হইয়াছে। আধুনিক ‘বৈরাগীর’ দল যেরূপ অধর্ম্মপথে বিচরণ করিয়া বৈষ্ণবসম্প্রদায়কে কলুষিত করিতেছে, এই গ্রন্থ হইতে তাহারই সুস্পষ্ট প্রমাণ পাওয়া যাইবে। সাধনার প্রকৃত পথ দেখিতে পাইয়া অনেকের হৃদয় প্রফুল্ল হইবে। বৈষ্ণবগণের এ পুস্তক পাঠ করা যে অবশ্য কর্তব্য, ইহা আমরা নিঃসঙ্কোচে বলিতে পারি।

৩। ঐতিহাসিক চিত্র—৯১০ নং দুর্গাচরণ মিত্রের স্ট্রীট, কলিকাতা। শ্রীনিখিলনাথ রায় বি, এল সম্পাদিত। কার্তিক, ১৩১১। এই সংখ্যায় এই কয়েকটি প্রবন্ধ আছে। ১। সীতারামের ধর্ম্যপ্রাণতা, ২। জগৎশেঠ, ৩। দানসাগর, ৪। রণজিৎসিংহ ও ইংরাজ। প্রতি প্রবন্ধেই সাবধানতা ও চিন্তাশীলতা লক্ষিত হইল। “সীতারামের ধর্ম্যপ্রাণতা” প্রবন্ধে সীতারামের ইঞ্জিয়পরতন্ত্রতা সন্মুখে সাধারণের মনে যে ধারণা আছে, তাহা দূর করিবার চেষ্টা করিয়াছে। “জগৎশেঠ” নিখিল বাবুর সুলিখিত প্রবন্ধ। “দান সাগর” প্রবন্ধে বল্লাল সেনের সুপ্রসিদ্ধ গ্রন্থ সন্মুখে অনেক জ্ঞাতব্য বিষয় আছে।

৪। বামাবোধিনী পত্রিকা—কার্তিক, ১৩১১। এই সংখ্যায় কুমারী হেলেন কেলনারের প্রতিকৃতিসহ সংক্ষিপ্ত জীবনী প্রদত্ত হইয়াছে। “অতি শৈশবে যখন তাহার বয়স দেড় বৎসর মাত্র, তখন তাহার উৎকট পীড়া হয়, এবং তাহাতে তিনটি প্রধান ইন্দ্রিয় বিনষ্ট হয়।” এখন তিনি বেশ লেখা পড়া শিখিয়াছেন। “শুনিয়া আশ্চর্য্য হইবেন যে, যে বালিকার চক্ষু নাই, কর্ণ নাই, বাকশক্তি নাই, সেই বালিকা আপনাকে “পৃথিবীর সর্বাপেক্ষা সুখী মানুষ বলিয়া গৌরব করে।” বামাবোধিনীর অপরাপর প্রবন্ধও সুপাঠ্য।

৫। শ্রীবৈষ্ণব সন্দর্ভ—কার্তিক ও অগ্রহায়ণ। শ্রীবৃন্দাবন ধাম হইতে প্রকাশিত, বৈষ্ণব ধর্ম্ম সম্বন্ধীয় প্রবন্ধে পরিপূর্ণ। জ্বালা যন্ত্রণাময় সংসারে ভগবৎ প্রসঙ্গ হৃদয়ে শান্তি আনিয়া দেয়।

৬। ধূমকেতু—পৌষ ও মাঘ ১৩১১। নাম শুনিয়াই ভয় হয়। কিন্তু পাঠ করিলে ভয় দূর হয়। “সুবর্ণগ্রামের হিন্দু রাজশ্রবণ” “ক্লিওপেট্রাও তৎসাময়িক বৃত্তান্ত” ভাল প্রবন্ধ।

৭। প্রবাহ—মাঘ, ১ম বর্ষ, ১ম সংখ্যা। কলিকাতা, ৫নং বিন্দু পালিতের লেন হইতে প্রকাশিত। সুপ্রসিদ্ধ ঔপন্যাসিক শ্রীযুক্ত দামোদর মুখোপাধ্যায় কর্তৃক সম্পাদিত। শ্রীযুক্ত সত্যব্রত সামশ্রমী মহাশয়ের “বৈদিক তত্ত্ব” প্রবন্ধ অল্পই প্রকাশিত হইয়াছে। পাঠকের আগ্রহ হইলে “বারান্তরে” এই প্রবন্ধ অধিকতর পরিমাণে প্রকাশিত হইবে। দামোদর বাবুর “নবীনা” উপন্যাস এই সংখ্যায় আরম্ভ হইয়াছে। বেশ মধুর হইতেছে। “গীতোক্ত ধর্ম্ম” সুলিখিত প্রবন্ধ। “দুঃখীর জীবন” গল্পটি সুমিষ্ট হইলেও, ইহা লিখিবার হেতু বুঝিলাম না। যাহা হউক, প্রবাহ পাঠ করিয়া আমরা অতীব সুখী হইয়াছি।

৮। অর্চনা—২৯ নং পার্কটিচরণ ঘোষের লেন হইতে প্রকাশিত পৌষ, ১৩১১।

“কর্ম্মফল ও গ্রহের ফের” অভিজ্ঞের লেখনীপ্রসূত নহে। ‘মাধুরী’ উপন্যাসের সম্বন্ধে কিছু বলিতে পারিলাম না, কেননা প্রথম হইতে দেখি নাই। বাঙ্গালার প্রাচীন পুঁথি উদ্ধার উপাদেয় প্রবন্ধ। আরত সব কবিতা। ভাগ মন্দ দুই আছে।

# বীরভূমি

মাসিক পত্রিকা ও সমালোচনী।

বৈশাখ, ১৩১২

[ ৫ম সংখ্যা ।

শ্রীনীলরতন মুখোপাধ্যায় বি, এ,

সম্পাদিত।

সূচী।

১। চণ্ডীদাসের নবাবিস্কৃত পদ।	...	...	...	১৬১
২। রণক্ষেত্রে বাঙ্গালী। (শ্রীবলীন্দ্র সিংহদেব)	...	...	...	১৬৩
৩। শিক্ষা প্রবন্ধ।	...	...	...	১৭২
৪। পৌরাণিক চিত্র।	...	...	...	১৭৮
৫। প্রাচীন আর্ষাজাতির বর্ণ-বিভাগ। (শ্রী প্রসন্নকুমার বট্টোপাধ্যায়)	...	...	...	১৮৩
৬। নবাবিস্কৃত হিন্দু-বৈষ্ণব কবিগণ। (শ্রী আবহুলকরিম)	...	...	...	১৮৮
৭। কান্দী রাজ-বংশাবলী। (শ্রী শ্রীশচন্দ্র চট্টোপাধ্যায়)	...	...	...	১৯২
৮। বঙ্গীয় সাহিত্য-সেবক। (শ্রী শিবরতন মিত্র)	...	...	...	১৯৭

কীর্ত্তারের সুপ্রসিদ্ধ স্বদেশহিতৈষী জমিদার শ্রীযুক্ত  
বাবু সৌরেশচন্দ্র সরকার মহাশয়ের সম্পূর্ণ  
ব্যায়ে বীরভূম জেলার অন্তর্গত  
কীর্ত্তার গ্রাম হইতে  
শ্রীদেবিদাস ভট্টাচার্য্য বি, এ,  
কর্তৃক প্রকাশিত।

বিক্রম মূল্য ডাকমাণ্ডুল সহ ১।।

এই সংখ্যার মূল্য ৮।।

বটক্রফ পালের

# এডওয়ার্ড ফ্রান্সিস ম্যালেরিয়াল স্পেসিফিক

ম্যালেরিয়া ও সর্ববিধ জ্বররোগের একমাত্র  
মহৌষধ ।

অদ্যাবধি সর্ববিধ জ্বর-রোগ  
এমত আশু-শান্তিকারক মহৌষধ আবিষ্কার হয় নাই ।

লক্ষ লক্ষ রোগীর পরীক্ষিত

মূল্য—বড় বোতল ১৮, প্যাকিং ও ডাকমাশুল ২ টাকা।  
ছোট বোতল ৮ আনা, ঐ ঐ ৮ আনা।  
রেলওয়ে কিম্বা পীমার পার্শ্বলে লইলে খরচা অতি সুলভ হয়।

এডওয়ার্ডস্

লিভার এণ্ড স্পীন অয়েন্টমেন্ট

অর্থাৎ প্লীহা ও যকৃতের অব্যর্থ মলম ।

প্লীহা ও যকৃত নির্দোষে আরাম করিতে হইলে আমাদের “এডওয়ার্ডস্ টনিক বা ফ্রান্সিস ম্যালেরিয়াল স্পেসিফিক” সেবনের সঙ্গে সঙ্গে উপরোক্ত পেটের উপর প্রাতে ও বৈকালে মালিশ করা আবশ্যিক । যতই বর্দ্ধিতায়তনের প্লীহা, যকৃত বা অগ্রমাস হউক না কেন, ইহা নিয়মিতরূপে মাসেককাল মালিশ করিলে, একবারেই কমিয়া যাইবে । এই মলম মর্দন দ্বারা আশু ফল পাইবেন ।

মূল্য প্রতি কোটা ১০ ছয় আনা । ডাঃ মাঃ স্বতন্ত্র লাগে  
পত্র লিখিলে কমিশনের নিয়মাদি সম্বন্ধীয় অগ্রান্ত জাতব্য বিষয় অবগত হইবে

সোল্ এজেন্টস্ ; = বটক্রফ পাল এণ্ড কোং

৭ ও ১২ নং বনফিল্ডস লেন, চীনা বাজার—কলিকাতা

# বীরভূমি

মে ৩০ ]

বৈশাখ, ১৩১২ ।

[ ৫ম সংখ্যা ।

চণ্ডীদাসের নবাবিষ্কৃত পদ ।

শ্রীকৃষ্ণের মথুরা গমনের উদ্যোগ দেখিয়া বশোদার বিলাপ ।

ভুরিরাগ ।

কোথারে সাজিয়েছ ।

কাহার জনম সফল করিতে

এ বেশ বনিয়েছ ॥

টান মুখ চেয়ে বশোদা জননী

পড়ে মূরছিত হয়ে ।

কেমনে বাঁচিব, তিলেক না জীব

দেখহ বেকত হয়ে ॥

কিসের কারণে এ ঘর করণে

আগুনি ভেজিয়ে দিয়া ।

তোমার বিহনে মরিব সঘনে

যাব সে বাহির হয় ॥

কেবল নয়ান তারার পুতলি

তোমা না দেখিলে মরি ।

যখন দেখিয়ে ও টান বদন

তবে সে চেতন ধরি ॥

যবে ঘাহ গোষ্ঠে                      ধেনুগণ লয়ে  
 সেখানে থাকয়ে প্রাণ ।  
 যবে সে শুনিয়ে                      কুশল বারতা  
 শুনিয়ে বেগুর গান ॥  
 অনেক তপের                      ফল পরশনে  
 পাইসে তোমা সে ধনে ।  
 বিহি নিকরুণ                      এবে সে জানল,  
 দীন চণ্ডীদাস ভনে ॥  
 শ্রীরাগ ।  
 আর কি পরাণে জীব ।  
 তোমা ধন ছারি                      কেমনে বঞ্চিব  
 এখনি পরাণ দিব ॥  
 যশোদা রোহিণী                      চাঁদ মুখ চেয়ে  
 কাঁদয়ে করুণ স্বরে ।  
 হিয়া আনচান                      কি যেন করিছে  
 পরাণ কেমন করে ॥  
 মায়ের পরাণ                      ধৈর্য না রহে  
 বিষম বেদনা পায়ে ।  
 অচেতন তনু                      পড়িয়া ভূতলে  
 হলধর পানে চায়ে ॥  
 আর সে কাহারে                      আনিয়া নবনী  
 সে চাঁদ বয়ানে দিব ।  
 যনে যনে মুখ                      দূরে যাবে ভুখ  
 এ শোকে কেমনে জীব ॥  
 শুন নন্দঘোষ                      আমার বচন  
 গোপাল বিদায় দিয়া ।  
 এঘর ছয়ারে                      আনল ভেজায়ে  
 যাব সে বাহির হয় ॥  
 আখি গেলে তারা                      কিছার জীবনে  
 বাঁচিতে কি আর সাধ ।

অনেক তপের                      ফল পরশনে  
 বিহি সে করল বাদ ॥  
 \*                      \*                      \*  
 চণ্ডীদাস কহে                      শুনগো জননী,  
 এই সে ভালই মানি ॥

## রণক্ষেত্রে বাঙ্গালী ।

(২)

পাঠক ! মহারাষ্ট্রীয়গণের সহিত বাঙ্গালী সৈন্তের অস্ত্রক্রীড়া দেখিয়াছেন, এখন মুসলমান সৈন্তের সহিত অস্ত্র বিনিময় দেখুন । আমরা শেষ সংঘর্ষ-গেরই এস্থলে উল্লেখ করিতেছি । মল্লাব্দ ১০৬০ খ্রীঃ—১৭৫৪ কি ১৭৫৫ । মহারাজ চৈতন্তসিংহ মল্লভূমির সিংহাসনে—কিন্তু রাজকার্য্যে উদাসীন—ধর্ম্ম-চর্চায় এবং দেবসেবায় সতত মগ্ন । মন্ত্রী কমল বিশ্বাসের উপর রাজ্যশাসন ভার অর্পিত । গর্বিত মন্ত্রী ছত্রপতি এই গর্বিত উপাধিতে ভূষিত হইয়া—শাসন সম্বন্ধে একান্ত স্বৈচ্ছাচারিতা অবলম্বন করিয়াছিলেন । তাঁহার অত্যাচার এবং অসদ্যবহারে প্রজাগণ বিরক্ত হইয়া উঠিয়াছিল, মহারাজার খুল্লতাত-পুত্র দামোদর সিংহ মন্ত্রীর ছর্কিণীত ব্যবহার সহ্য করিতে না পারিয়া রাজ্য-পারিত্যাগ করিলেন এবং কিছুকাল ইতস্ততঃ ভ্রমণ করিয়া মুর্শিদাবাদের নবাবের আশ্রয় গ্রহণ করিলেন । নবাব সিরাজউদ্দৌলা, তখন বঙ্গের “মুসলমান মসনদ” অধিকার করিয়াছেন, পূর্ণিয়া-অভিযানের উদ্যোগ হইতেছে, “হীরাঝিলে” দামোদর সিংহ নবাবের সাক্ষাৎ পাইলেন এবং সাদরে গৃহীত হইলেন । দামোদর সিংহ তেজস্বী সাহসী বীরপুরুষ ছিলেন—তিনি পূর্ণিয়া যাত্রী বোদ্ধগণের অনুগামী হইলেন এবং যুদ্ধে অতুল বীরত্ব প্রদর্শন করিয়া নবাবের প্রসন্ন দৃষ্টি আকর্ষণ করিলেন । নবাব পূর্ণিয়া হইতে প্রত্যাগত হইয়া দামোদর সিংহকে রাজসম্মানে সম্মানিত করিলেন এবং বহুতর সৈন্তসহ বিষ্ণুপুরে প্রেরণ করিলেন । পতিতপাবন নামক মল্লভূমির কোন কবি এই ঘটনাটির উল্লেখ করিয়া এইরূপ লিখিয়াছেন ।—

শুভক্ষণে নবাবের সঙ্গে দরশন ।

পূর্ণিয়ার গড়ে গেল করিবারে রণ ॥

দলবল আসি যত নবাবে ঘেরিল ।  
 দামোদর বাবু তার লঙ্কর কাটিল ॥  
 সেই হ'তে নবাবের বড় প্রিয় হল্য ।  
 বিরণের সঙ্গে পাগ বন্ধন করিল ॥  
 নবাবের দয়া বড় হল্য বাবু প্রতি ।  
 তেনাথে করিয়া দিল নিজ সেনাপতি ॥  
 ইন্দ্রজিত পরসহীএ ডাকি বিদ্যমান ।  
 দামোদরে সঁপ্যা দিল হাতে দিয়ে পান ॥  
 সিতাব খাঁ বাসন্তী সাজিল তারপর ।  
 সোফর খাঁ সাজিল সঙ্গে রাধা দামোদর  
 নবাবে কাছে তবে বিদায় হইয়া ।  
 যাত্রা করিল বাবু লঙ্কর সাজিয়া ॥

যাহা হউক, ভীমবিক্রান্ত যখন সৈন্য সঙ্গে লইয়া দামোদর সিংহ ও তদনু  
 যুগলকিশোর সিংহ মল্লভূমির রাজ সিংহাসন অধিকার করিতে যাত্রা করিলেন,  
 এ সংবাদ বিষ্ণুপুরে পৌঁছিল। ছত্রপতি কমল নিশ্চিত রহিলেন না, তিনি  
 বিংশ সহস্র সৈন্যসহ সেনাপতি যুগল বিশ্বাসকে মুসলমান সৈন্যের গতিরোধ  
 করিতে পাঠাইলেন। মল্লভূমির উত্তরসীমান্তবর্তী দামোদর নদের তীরে  
 সেনাপতি যুগল বিশ্বাস সৈন্য সুবিস্থ করিয়া মুসলমান সৈন্যের অপেক্ষা  
 করিতে লাগিলেন। মানঘাটগোলায় সন্নিকটে দামোদরের উভয় তীরে  
 যুগল শক্তিযুগল পরস্পর সম্মুখীন হইল। মধ্যে দামোদরের নিদাঘবিশু  
 ক্ষীণ স্রোত প্রবাহিত। উভয় পক্ষে ভীম বিক্রমে যুদ্ধ সমারম্ভ হইল।  
 দামোদরের বালুকারাশি এবং প্রবাহ রক্তরঞ্জিত হইল—তথাপি যুদ্ধের বিরাম  
 নাই, প্রভাত হইতে অপরাহ্ন পর্যন্ত অস্ত্রের আঘাত প্রতিঘাত অবিশ্রাম  
 তেজে চলিতে লাগিল—তথাপি কোন পক্ষ নিবৃত্ত হইল না। অবশেষে  
 বিজয়লক্ষ্মী মল্লভূমি সেনাপতির এবং সৈন্যের বীরত্বে আকৃষ্ট হইয়া তৎপক্ষেই  
 জয়মাল্য অর্পণ করিলেন। সন্ধ্যা সমাগত প্রায়—এমন সময় মুসলমান  
 সৈন্য রণে ভঙ্গ দিল। বিষ্ণুপুরের বাঙ্গালী সৈন্য বিজয়োল্লাসে তাহাদের  
 অনুসরণ করিয়া বহুসৈন্যের প্রাণনাশ করিল। ক্রমে নৈশ অন্ধকার  
 গভীর হইয়া আসিল, রণরাস্তা সৈন্যগণ অনুসরণ নিষ্ফল বুঝিয়া  
 শিবিরে প্রত্যাবর্তন করিয়া। এই যুদ্ধের পক্ষে দামোদর সিংহের ভ্রাতৃ

যুগলকিশোর সিংহ বন্দী হইলেন। তিনি বরষার তিনটি আঘাত পাইয়া  
 ছিলেন। দামোদর সিংহ পরাজিত হইয়া মুর্শিদাবাদে প্রত্যাগমন করিলেন।  
 দামোদর সিংহ যখন হতাবশিষ্ট মুসলমান সৈন্য লইয়া মুর্শিদাবাদে উপস্থিত  
 হইলেন, তখন বঙ্গের রাজনৈতিক গগনে অভাবনীয় পরিবর্তন সংঘটিত  
 হইয়াছে—সে গগনের প্রধান গ্রহ তখন কেন্দ্রভ্রষ্ট, অস্তমিত-গৌরব,  
 পতিত, ভূম্যবলুষ্ঠিত—তাহার স্থানে নূতনগ্রহ অভূতখিত। পলাশীর শোণিত-  
 রঞ্জিত সমরপ্রাঙ্গণে সৌভাগ্য-লক্ষ্মী পূর্ব নবাব সিরাজের প্রতি বিমুখ হইয়া  
 ছিলেন। পরাজিত, বন্দীভূত সিরাজ জঘন্য ঘাতকের ঘণিত নিষ্ঠুর আঘাতে  
 জীবন বিসর্জন করিয়াছেন। মির্জাফর খাঁ নারকীয় অকৃতজ্ঞতার পুরস্কার  
 স্বরূপ বঙ্গের সিংহাসন প্রাপ্ত হইয়াছেন। তদীয় পুত্র মিরণ এক্ষণে প্রকৃত  
 প্রস্তাবে বঙ্গের নবাব। মিরণের নিকট দামোদর সিংহ উপস্থিত হইয়া  
 পূর্বাপর সকল বৃত্তান্ত বিবৃত করিলেন এবং সৌভাগ্যক্রমে অধিক সৈন্য ও  
 সাহায্য লাভ করিয়া পুনর্বার স্বীয় অদৃষ্ট পরীক্ষার জন্ত বিপুল আয়োজন  
 করিতে লাগিলেন। ইন্দ্রজিত পরসহী, মির্জাফর খাঁ বাসন্তী প্রভৃতি সেনাপতি-  
 গণের উপর প্রধান সেনাপতি মিরমুগুন আলি (মুস্তান আলি?) দামোদর  
 সিংহের সহিত বিষ্ণুপুর অভিমুখে যাত্রা করিলেন। দামোদর সিংহ এবার  
 যুদ্ধযাত্রার সংবাদ যতদূর পারিলেন গোপন রাখিলেন। এ দিকে প্রজাগণ,  
 অননুষ্ঠ, এমন কি বিদ্রোহী হইবার উপক্রম করিতেছিল। দামোদর সিংহ  
 সৈন্যে মল্লভূমির সীমায় প্রবেশ করিলেন; কিন্তু রাজধানীতে তাহার  
 সংবাদ পৌঁছিল না। তিনি যখন বিষ্ণুপুর হইতে পাঁচ ক্রোশ দূরে জাম-  
 কুণ্ডীতে উপস্থিত হইলেন, তখন ছত্রপতির কর্ণে দামোদর সিংহের দ্বিতীয়  
 অভিযানের কথা উঠিল। ছত্রপতি তৎপর হইয়া—প্রধান সেনাপতি যুগল  
 বিশ্বাসকে উপস্থিত সৈন্য সহ শত্রুর গতিরোধ করিতে পাঠাইলেন, সর্দার  
 মৌলগোবিন্দ ও তিলকচন্দ সহকারী সেনাপতি পদে বৃত্ত হইলেন। তখন  
 উর্গারক্ষক ও শান্তিরক্ষক সৈন্য সমূহই সর্বদা যুদ্ধার্থ প্রস্তুত থাকিত, বৃত্তি-  
 ভোগী সৈন্যগণকে যুদ্ধের পূর্বে সংবাদ দিয়া সমবেত করিতে হইত। যে  
 সকল সৈন্য যুদ্ধার্থ প্রস্তুত ছিল, তাহাদিগকে লইয়াই যুগল বিশ্বাস যুদ্ধযাত্রা  
 করিলেন। কবি পতিতপাবন দামোদর সিংহের পক্ষপাতী ছিলেন, তিনি  
 এই যুদ্ধযাত্রা সম্বন্ধে লিখিয়াছেন।

রাজা বলেন শুন যুগল বচন আমার ।

জামকুণ্ডী গড়ে বাহ হইয়া সর্দার ॥



যাত্রা করিল যুগল রাজ আজ্ঞা মানি ।  
 যাত্রাকালে হৈল তার সম্মুখে যোগিনী ॥  
 যাত্রাকালে ভাবিল বিষাদ মনে ধক ।  
 পতিত পাবন বলে যাত্রা হল মন্দ ॥  
 একাকার লঙ্কর সব বন্ধি মেলায় ।  
 ছতরপতি দাস সন্ধ্যা দিচ্ছেন বিদায় ॥  
 ছতরপতি দাস বলে আগে চল ভাই ।  
 বাকী সরঞ্জাম আমি পশ্চাৎ পাঠাই ॥  
 হাঁসা বোড়া খাসা জোড়া দিয়া কেহ গায় ।  
 হানাদিতে জামকুণ্ডী হইল বিদায় ॥  
 হাজামত করি ধরে করিল সাজন ।  
 বিমরিষ হইয়া চলে যুগল চরণ ॥  
 দুই প্রহর বেলা যখন গগন মণ্ডলে ।  
 একাকার হইয়া লঙ্কর সব চলে ॥  
 ভারে ২ চলে কত বারুদ গুলী তীর ।  
 দলুরায় চলিলেন আর তিলক বীর ॥  
 চৌকীদার হঞা দল চলে একাকার ।  
 চলিল তিলকরায় দলু সরদার ॥

বিষ্ণুপুর হইতে তিন ক্রোশ দূরে হাদিপুকুর দুর্গের সন্নিকটে আবার উভয় সৈন্য পরস্পরের সম্মুখীন হইল । যুগল বিশ্বাস আরও সৈন্যের অপেক্ষা না করিয়া প্রচণ্ড বিক্রমে মুসলমান সৈন্য আক্রমণ করিলেন । বহুক্ষণ ভীষণ তেজে সংগ্রাম চলিল । বিষ্ণুপুরের বাঙ্গালী সৈন্য নির্ভীক সাহসে শত্রুসংহার করিতে লাগিল । কিন্তু বীর যুগল বিশ্বাস পরাক্রান্ত শত্রুকে উপেক্ষার চক্ষে দেখিয়া ভ্রম করিয়াছিলেন, তিনি শত্রুর বল না দেখিয়া শত্রুর সহিত সংগ্রামে প্রবৃত্ত হইয়াছিলেন । তিনি দেখিলেন, তাহার সৈন্য অপেক্ষা শত্রু সংখ্যায় অনেক অধিক—যুদ্ধে যতই সৈন্য ক্ষয় হইতেছে, ততই তাহার শক্তি হ্রাস হইতেছে, জয় লাভের আশা সুদূরপর্যন্ত । তিনি “হাদিপুকুর” দুর্গে আশ্রয় লইয়া আত্মরক্ষা করিতে পারিতেন, কিন্তু সম্মুখ সমরে পৃষ্ঠ প্রদর্শন করিতে তাহার বীর হৃদয় সতত পরাজুখ । তিনি দেখিলেন—যুদ্ধের গতি শত্রুর অনুকূলে ফিরিয়াছে—আবার এই গতি স্বপক্ষে ফিরাইবার জন্য তিনি

সংগ্রামে ভীষণ যুদ্ধে প্রবৃত্ত হইলেন—নৈরাশ্যের ভীষণ সাহসে হৃদয় বাধিয়া তিনি অসম্ভব, সম্ভব করিতে প্রস্তুত হইলেন । তিনি মুসলমান সৈন্যের কেন্দ্রস্থল লক্ষ্য করিয়া অদম্য তেজে অগ্রসর হইলেন । তাহার সৈন্যগণও তাহার সাহস এবং দৃষ্টান্তে অনুপ্রাণিত ও উন্মাদিত হইয়া তাহার অনুসরণ করিল—সেনাপতি উন্মুক্ত কৃপাণ হস্তে শত্রুসৈন্য ভেদ করিয়া অগ্রসর হইতেছেন ও সৈন্যগণ সেনাপতিকে রক্ষা করিতে জ্ঞানশূন্য হইয়া শত্রুর উপর আপতিত হইতেছে । ভীষণ সাংঘাতিক লোকক্ষয়কর দারুণ সংগ্রাম অনেকক্ষণ চলিল, অবশেষে যুগল বিশ্বাস অস্ত্রাঘাতে অবসন্ন হইয়া অনন্ত বিশ্রামের জন্য বীরের ন্যায় সমরশয্যায় শয়ন করিলেন । যুগল বিশ্বাস বাঙ্গালী এবং জাতিতে কায়স্থ, মল্লভূমির শেষ বীর সেনাপতি, তিনি সংগ্রামে নিহত হইলেন—কিন্তু তাহার বীর নামে কলঙ্কের ছায়ামাত্র স্পর্শ করিল না । তিনি পূর্ব পূর্ব যুদ্ধে যেরূপ বিজয়গৌরবে মণ্ডিত হইয়াছিলেন, এ ক্ষেত্রে পরাজয়েও সেই গৌরব অক্ষুণ্ণ ও অম্লান রহিল । ইহার পরাজয়ে শত্রুর জয় হইল—অথবা ঘটনা ও অবস্থা-চক্রের জয় হইল । ঘটনা ও অবস্থা চক্রে পড়িয়া চিরবিজয়ী যুগল পরাজিত হইলেন এবং পরাজিত হইয়াও পশ্চাতে গৌরবোজ্জ্বল বীর নাম রাখিয়া গেলেন । তিনি পরাজিত হইয়াও যেন পরাজিত হইলেন না—জীবিত যুগল জীবনে পরাভব কিরূপ কখন দেখিলেন না, তিনি বিজয়ী বীরের মত অজেয় হৃদয়ের বলে সকল বাধা বিঘ্ন বৈষম্য পদদলিত করিয়া যেন কি এক ঘোর অদম্য নিদ্রায় অলস ও অভিভূত হইয়া পড়িলেন । শত্রুর হর্ষোল্লাস তাঁহাকে শুনিতে হইল না, পরাজয়ের বেদনা তাঁহাকে সহিতে হইল না—স্বীয় বীর সৈন্যগণের ছত্রভঙ্গ তাঁহাকে দেখিতে হইল না—তিনি প্রভুর জন্য কর্তব্যের মহাযজ্ঞে আত্মপ্রাণ বলিদান করিয়া অক্ষয়কীর্তি ও অমর সম্মান লাভ করিলেন । যুগল পরিচালিত মল্লভূমি-সৈন্য পূর্ব যুদ্ধে যেরূপ সাহস, তেজস্বিতা ও নির্ভীকতা প্রদর্শন করিয়াছিল, এ যুদ্ধে তাহারা তদপেক্ষা বীর্য ও পরাক্রম প্রকাশ করিয়াছিল, শত্রুর সংখ্যাধিক্যে তাহারা পরাজিত হইল, কিন্তু তাহারা শত্রুর বিরূপ ক্ষতি সাধন করিয়াছিল, তাহাতে শত্রুগণ আর দ্বিতীয় আক্রমণ সহ করিতে পারিত কি না সন্দেহ । তাহাদের বিজয়ের অভ্যন্তরে পরাজয়ের মূর্ছার উদগত হইয়াছিল । কিন্তু ভবিষ্যতের বিধান অন্যরূপ ছিল । তাহা-দ্বিগকে দ্বিতীয় আক্রমণ সহ করিতে হয় নাই । ভ্রাতৃ-বিরোধের ভীষণ

সস্তাপ ভারতীয় রাজলক্ষী কখনও সহ্য করিতে পারেন নাই, ভারতীয় ইতিহাসে ইহাই চিরজাগ্রত সত্য, এ ক্ষেত্রে তাহার অন্যথা হইল না—মল্লভূমির রাজলক্ষী সেই দিন হইতেই চিরবিদায় গ্রহণ করিলেন ।

মল্লভূমি যখন স্বাধীনতার বিলাস নিকেতন ছিল, তখন যে সমরবীর্যের অগ্নিশিখা এখানে ক্রীড়া করিত, ইহা কিছু বিচিত্র নহে, কারণ এইরূপ অগ্নিশিখার পরিখা মধ্যেই স্বাধীনতার সুরক্ষিত বিলাস ভবন । যে দিন যে দেশে এই বীর্যবহি হীনশক্তি হইয়াছে, সেই দিন সেই দেশে স্বাধীনতার লীলা বিলুপ্ত হইয়াছে, ইহাই জগতের ইতিহাস প্রচার করিতেছে । যেমন মল্লভূমির সামরিক বীর্য নিস্তেজ হইয়া পড়িল, অমনি মল্লভূমির সকল শক্তি পরাধীনতার কঠিন শৃঙ্খলে আবদ্ধ হইল । মল্লভূমির স্বাধীন রাজা সামন্ত জমিদারে পরিণত হইলেন । রাজ-শাসন-সংক্রান্ত সকল বিধি ব্যবস্থা বিপর্যয় হইল । রাজস্ব প্রদানের উপর তাঁহার অস্তিত্ব বা স্থিতি নির্ভর করিতেছিল। এইরূপ বিপ্লবের সময় দেশে অরাজকতা বা দস্যুতার প্রভাব বৃদ্ধি হইয়া থাকে, বীরভূমিও মল্লভূমিতে তাহাই হইয়াছিল । বিষ্ণুপুরের মহারাজ রাজস্ব প্রদানে অসমর্থ হওয়ায় বন্দী হইয়াছিলেন । হেসেলরিজ সাহেবে হস্তে তাঁহার জমিদারীর তত্ত্বাবধান গ্ৰহণ হইয়াছিল । দুর্ভিক্ষে দেশ ধনশূন্য হইয়াছিল । প্রজাগণের নিকট কর আদায়ের জন্ত পীড়নও হইতেছিল । এই সময়ে মল্লভূমির নির্বাপিত প্রায় সামরিক বীর্য-বহি নির্বাপিত দীপ-শিখার গ্ৰায় জলিয়া উঠিল । প্রজাগণ দস্যুগণের সহিত মিলিত হইয়া রাজশক্তির বিরুদ্ধে দণ্ডায়মান হইল । সুপ্রসিদ্ধ ইতিহাস লেখক হাণ্টার সাহেব বলিয়াছেন, অপেক্ষাকৃত শান্তির সময়ে এইরূপ অভ্যুত্থান ঘটিলে ইহা বিদ্রোহ নামে কথিত হইবার যোগ্য হইত । \*

বিদ্রোহিগণ অস্ত্রশস্ত্রে সুসজ্জিত হইয়া প্রকাশ্য দিবালোকে, ব্রিটিশ সৈন্যের প্রতি দৃকপাত না করিয়া সমৃদ্ধিশালী নগরাদি লুণ্ঠন করিতে লাগিল—অনেক সময়ে ব্রিটিশ সৈন্যের সহিত সংঘর্ষেও পশ্চাৎপদ হইল না । কিটিং (Keating) সাহেব তখন বীরভূম ও বিষ্ণুপুরের মাজিষ্ট্রেট ও কালেক্টর । তখন শান্তি রক্ষার জন্ত মাজিষ্ট্রেটের অধীনে সিপাহী সৈন্য থাকিত । কিটিং সাহেবের নিকট

\* The disorders in Bissenpur would, in any less troubled time, have been called a rebellion. Page 18, Annals of Rural Bengal)

সৈন্য ছিল, তদ্বারা একরূপ দস্যুতার কোন প্রতিবিধান অসম্ভব । আরও এক দল সৈন্য সত্ত্বর প্রেরিত হইল এবং আট দিন পরে আরো সৈন্য প্রেরিত হইল, কিন্তু শেষোক্ত সৈন্যদল কার্যক্ষেত্রে উপস্থিত হইবার পূর্বেই বিদ্রোহী সৈন্যদল অজয় নদী তীরবর্তী ইলামবাজারনামক এক নগর লুণ্ঠন করিয়া গেল । বিষ্ণুপুর দুর্গই বিদ্রোহিদলের প্রধান আশ্রয় স্থান হইয়াছিল । তাহারা এই স্থান হইতে দলে দলে বহির্গত হইয়া বীরভূমি ও মল্লভূমির নানা স্থান লুণ্ঠন করিয়া বেড়াইত । কিটিং সাহেব তদানীন্তন গভর্নর সেনেরল লর্ড কর্ণওয়ালিসকে জানাইলেন। যে, তাঁহার অধীন সামরিক বল দস্যুতা দমন পক্ষে পর্যাপ্ত নহে । লর্ড কর্ণওয়ালিস অতি তৎপরতার সহিত যথেষ্ট সৈন্য পাঠাইয়া দিলেন । তাহারা আসিয়া বিষ্ণুপুর দুর্গ অবিকার করিল । কিছু দিন গত না হইতে হইতেই বীরভূমে পার্শ্ববর্তী দস্যু উপদ্রব অতিশয় আসন্ন হইয়া উঠিল । কিটিং সাহেব বীরভূমিকে আসন্ন বিপদ হইতে রক্ষা করিবার জন্ত বিষ্ণুপুর দুর্গস্থ সৈন্যগণকে সরাইয়া লইলেন । তাহারা নদী পার না হইতে হইতেই বিষ্ণুপুর দুর্গ বিদ্রোহিগণের হস্তে পতিত হইল । বিদ্রোহ চতুর্দিকে ব্যাপ্ত হইয়া পড়িল । মেদিনীপুরেও এই অশান্তির শিখা দেখা দিল । এদিকে বর্ষাকাল নিকটবর্তী, বিষ্ণুপুর হইতে বিদ্রোহিগণকে শীঘ্র বিতাড়িত করিবার উপায় রহিল না । কিন্তু সৈন্য সাহায্যে যে শান্তি রক্ষার চেষ্টা হইতেছিল, অল্প উপায়ে তাহা ব্যর্থ হইল । বিদ্রোহিগণ অতিশয় উচ্ছৃঙ্খল হইয়াছিল । এক সময় পূর্বে বিষ্ণুপুরের অধিবাসিগণ বিদ্রোহিগণকে সমাদরের সহিত বিষ্ণুপুরদুর্গে স্থান দিয়াছিল । কিন্তু তাহাদের এই সমাদৃত বন্ধুগণ তাহাদের পক্ষে অনাহত বিপদের গ্ৰায় হইয়া উঠিল । বিষ্ণুপুরবাসিগণও এই অসংঘত দস্যুগণের উপদ্রবে উৎপীড়িত হইতেছিল । তাহারা এই অশান্তির বহি নির্বাপিত করিতে স্থিরসঙ্কল্প হইল ; তাহাদিগকে প্রলোভন পাইয়া, ক্ষুদ্র ক্ষুদ্র দলে কাননাভ্যন্তরে লইয়া বিনষ্ট করিতে লাগিল এবং একরূপে তাহাদের সংখ্যা ক্ষীণ হইয়া আসিলে, দস্যুগণ গ্ৰায় ইহাদিগকে দুর্গ হইতে দূরীভূত করিল । যে ভীষণ আশঙ্কাজনক ব্যাধি প্রশমন করিতে সৈন্যগণ চিন্তিত হইয়াছিলেন, তাহা এই প্রকারে উপশান্ত হইল । লুণ্ঠন-রূপ দস্যু বা উচ্ছৃঙ্খল বিদ্রোহীর দুর্দমনীয় পরাক্রম বীরত্ব নামের যোগ্য হইল না । পিজারো সিজারের আসনে বসিবার যোগ্য নহে । ডিক্টারনি

নেলসন্ বা ওয়েলিংটনের যোগ্য সম্মান পাইতে পারে না, রবার্ট মাল্ট্রয় নেপোলিয়ন হইতে পারে না, তান্ত্রিয়াতোপী প্রতাপের সিংহাসনসমীপে স্থান পাইবে না। তবে বঙ্গদেশে দস্যু ও বিদ্রোহিগণের এই ভীষণ প্রভাব মল্লভূমির নিকর্যাপিতপ্রায় বীর্যবাহির শেষ ক্ষুরণ বলিয়াই এ স্থলে ইহার উল্লেখ অপ্ৰাসঙ্গিক হইবে না। ইহাতে ব্রিটিস শাসনের অভ্যুদয়পৰ্য্যন্ত মল্লভূমিতে বাঙ্গালীর বাহুবল এবং দৈহিক সাহসের পরিচয় প্রক্ষুণ্ণ হইতেছে। উপযুক্ত নেতার অধীনে বাঙ্গালী সৈন্য ক্রম পুরাক্রম প্রকাশ করিয়াছিল, তাহা প্রদর্শিত হইয়াছে। উপযুক্ত নেতার অভাবেও যে বাঙ্গালী সাহস ও শক্তির পরিচয় দিয়াছে, তাহাই এ স্থলে উল্লিখিত হইল। উপযুক্ত নেতার অভাবে সাহস ও শক্তি নিষ্ফল হইয়া থাকে। আবার উপযুক্ত নেতার অধীনে তাই জগতের ইতিহাসে অভাবনীয় পরিবর্তন সংঘটিত করে। বিদ্রোহ, রক্তরাগীষণ ঘোর অমঙ্গলরূপে প্রতীক্ষমান না হইত ইতিহাসের ক্রোড়ে স্বদেশের কল্যাণকর গৌরবজনক এক উজ্জ্বল আভা সন্নিবেশিত হয়। ক্রমওয়েল বা ওয়াশিংটন, ম্যাটসিনি বা গ্যারিবল্দি একরূপ বিদ্রোহীর নেতা হইয়াও, স্বদেশবাসীর হৃদয়ে দেবতার ছায় পূজিত হইতেছেন। ইতিহাসে তাঁহাদের নাম স্মরণার্থকর লিখিত, তাঁহাদের প্রতি কার্যো গৌরবের প্রদীপ্ত জ্যোতিঃ ফুটিয়া বাহির হইতেছে। যাহা হউক মল্লভূমির ইতিহাসে বাঙ্গালীর স্বভাবগত পৌরুষ সম্বন্ধে স্পষ্ট এবং প্রমাণ দৃষ্ট হয়, ইহাতে কত প্রত্যাশাদিত্য ও কত মীতারামের আবির্ভাব ও তিরোভাব দৃষ্ট হইবে, সহস্রাধিক বর্ষ যে দেশে স্বাধীনতার গৌরবপতাকা উড়ান ছিল, সে দেশ কত পরিবর্তন, কত বিপ্লব, কত উপদ্রব, কত আক্রমণের তরঙ্গাভিঘাত সহ্য করিয়াছে এবং এক সামরিক শক্তির বর্ধন সেই সকল প্রচণ্ড তরঙ্গ প্রহারে স্বীয় স্বাধীন অস্তিত্ব রক্ষা করিতে পারিয়াছে মুসলমান নবাব সুলতা, মুসলমান সেনাপতি জাফর খাঁ, মুসলমান সাহায্যবলীয়া বর্ধমানাধিপতি মহারাজ কীর্তিচন্দ্র মল্লভূমির স্বাধীনতা হরণ করিতে চেষ্টা করিয়া ব্যর্থপ্রয়াস হইয়াছেন—পাঠান দলপতি গোরা খাঁ, বাহাজুর খাঁ এবং কোতলু খাঁ মল্লভূমির উপর শ্রোণবৎ উৎপতিত হইয়া ব্যর্থপ্রয়াস হইয়াছিলেন,—বিজয়দৃপ্ত বিদ্রোহিদলপতি মভাসিংহ প্রতিহিংসাবশে বিক্ষুব্ধ পতিকে হতগৌরব করিতে আসিয়া ব্যর্থপ্রয়াস হইয়াছিলেন, একদ্ব্যতীত বৃহৎ কত ঘটনা আছে, রাজ্যবিস্তার নীতির বশে কত যুদ্ধ সংঘটিত হইয়াছে।

সকল দেখিয়া শুনিয়া বুঝিতে হইবে, মল্লভূমির সামরিক শক্তি কখনও ক্ষয় বা অলস ছিল না, বহিঃশত্রুর সহিত বিরোধে, অন্তঃশত্রুর দমনে, যথা রাজ্যবিস্তারে কোন না কোন প্রকারে বিষ্ণুপুরের বাঙ্গালী সৈন্যগণ সর্ববীর্য প্রকাশের প্রশস্ত কার্যক্ষেত্র পাইত। সময়, সুযোগ, শিক্ষা, সকলই বিক্রম বিকাশের অধুকূল ছিল। তখন অনাভাবের অন্তস্তাপ, জীবন সংগ্রামের কঠোরশ্রম, সংসার রক্ষার ভীষণ চিন্তা, বাঙ্গালীর জীবনীশক্তি সঞ্চারিত না। তখন প্রত্যেক বাঙ্গালী গৃহস্থ শ্রমলব্ধ পূর্ণ প্রাচুর্যের মধ্যে সুস্থ জীবনযাত্রা নিকর্য হ করিত—নানাবিধব্যাবিধবস্ত অধুনা তন বঙ্গের স্বাধীনশ্রমদৃশ্য তখন বাঙ্গালীর দূরকল্পনাতেও উদিত হইত না, তখন যোগজীর্ণ কঙ্কালসার কলেবর, শীর্ণ ক্ষীণ হস্তপদ, বিগুণ বিবর্ণ বদনমণ্ডল, হোঁটের-প্রবিষ্ট নিম্প্রভ নয়ন প্রভৃতি তথ্য স্বাস্থ্যের ভীষণ নিদর্শন সমূহ বঙ্গদেশে বিদ্যমান হইত—তৎপরিবর্তে দৃঢ়গঠিত কঠোর দেহ, পুষ্টবিলম্বিত হস্তপদ, শ্রম প্রভাবিত বদন এবং প্রদীপ্ত পূর্ণ নয়ন স্বাস্থ্যের প্রকুল রাগ প্রকটিত করিত, তখন প্রত্যেক গ্রামে দৈহিক উন্নতির জন্ত ব্যায়ামক্ষেত্র বা ক্রীড়া-ক্ষেত্র ছিল, ইতর ভদ্র সকলেই উৎসাহের সহিত—মল্লবিদ্যা এবং অস্ত্রকৌশল শিক্ষা করিত, অতি প্রাচীনকাল হইতেই যুদ্ধ বিদ্যা সকল স্বাধীনজাতির নিকটই সমাদৃত, যুদ্ধক্ষেত্রে গৌরবলাভ মানবজীবনের একটি অত্যন্ত উচ্চাভিলাষ, ভারতীয় সাহিত্যে এই ভাবের পুষ্টিকর পথ্য প্রভূত, সুতরাং বাঙ্গালীর মধ্যেও এই ভাব সুসুপ্ত ছিল না। মল্লভূমি তখন স্বাধীন ছিল, বাঙ্গালীর ক্ষেত্র সমরবিভাগে প্রবেশের দ্বার উন্মুক্ত ছিল এবং মল্লভূমির বলিষ্ঠ, উৎসাহ-বীর্ণ, উচ্চাভিলাষী যুবকগণ অন্যত্র সমর বিভাগে প্রবেশ করিতে পারিত, তাঁহাদের হৃদয়ের উচ্চতর বৃত্তি সমূহ ক্ষুণ্ণিত পাইবার অবসর পাইত, দেশের দেশপতির জন্ত, গৌরবের জন্ত আত্মবিদর্জনে শিক্ষা পাইত, বিদ্যায় শিক্ষিত হইত, যুদ্ধক্ষেত্রে বীরত্ব প্রদর্শন করিত। কেবল দৈহিক শক্তি, শ্রমসাহসুতা, সামর্থ্য ও সাহস নয়, প্রকৃত বীরত্ব যাহাকে বলে, ইহার দৃষ্টান্ত মল্লভূমির ইতিহাসে ছলিত বস্তু নহে, সুতরাং বাঙ্গালীর স্বাধীন আকাশকুসুমবৎ কাল্পনিক পদার্থ নহে। সময়ের কঠোর পরিবর্তনে শিক্ষা এবং সুযোগের একান্ত অভাবে, বাঙ্গালী স্বীয় ললাটে কলঙ্কের কাঁ ধারণ করিয়াছে।

শ্রীবগীন্দ্র সিংহ দেব ।

## শিক্ষা প্রবন্ধ ।

(১)

বর্তমান সময়ে আমাদের দেশে শিক্ষা সম্বন্ধে তুমুল আন্দোলন উপস্থিত হইয়াছে । আমাদের বড়লাট তীক্ষ্ণদৃষ্টি লর্ড কর্জফ, এ দেশে পদার্পণ করিয়াই বুঝিতে পারেন যে, ভারতীয় বিশ্ববিদ্যালয় সমূহে উপযুক্তরূপে শিক্ষা দেওয়া হয় না । সেইজন্য তাঁহার বিশ্ববিদ্যালয়ে বি,এ, এম,এ, পাস করিয়া সংসারে প্রবেশ করিতেছেন, তাঁহার, তথায় বিশেষ কৃতিত্ব দেখাইতে পারিতেছেন না । এইজন্য বড়লাট ইউনিভারসিটিজ্ বিল পাশ করিয়াছেন । এই আইনের উপকারিতা সম্বন্ধে মতবৈধম্য ঘটিয়াছে । অনেকে ইহাকে অতিশয় অনিষ্টকারী বলিয়া ঘোষণা করিয়াছেন । কিন্তু আমাদের বিশ্ববিদ্যালয়ে শিক্ষা যে অসম্পূর্ণ হইতেছে, বিশ্ববিদ্যালয়ে অনুষ্ঠিত শিক্ষাপ্রণালীর যে সংশোধন আবশ্যিক, এ সম্বন্ধে মতবৈধ নাই । প্রকৃত শিক্ষা কি, কি উপায়ে প্রকৃত শিক্ষা দেওয়া যাইতে পারে, সকল স্বদেশহিতৈষীরই এ বিষয়ে আলোচনা করা অতীব প্রয়োজনীয় । আমরা প্রতি মাসেই "বীরভূমি"তে এ সম্বন্ধে আলোচনা করিব, স্থির করিয়াছি । আবার এট্রাঙ্ক স্কুলের নিম্ন শ্রেণীতে, মধ্য ও নিম্ন শ্রেণীর বিদ্যালয় সমূহে শিক্ষা সম্বন্ধে অভিনব প্রথা প্রচলিত হইয়াছে, তাহার উপযোগিতা বুঝাইয়া যাহার শিক্ষার পথ সুগম হইয়া আসে, সে বিষয়ে চেষ্টা করিতে আমরা কুষ্ঠিত হইব না । তবে বিষয়টি যেমন প্রয়োজনীয়, তেমনি গুরুতর । আমাদের ক্ষুদ্র শক্তি এই কঠিন ব্যাপার সম্পাদনে সম্পূর্ণ পারগ হইবে, আমরা এমত বিবেচনা করি না । সেইজন্য আমরা বিনীতভাবে বঙ্গের যাবতীয় অভিজ্ঞ শিক্ষকমণ্ডলীর সাহায্য প্রার্থনা করিতেছি । এই মহোদ্দেশ্য সাধনের আশুকুল্যে তাঁহার কৃপা করিয়া যাহা কিছু লিখিয়া পাঠাইবেন, আমরা নান্যে তাহা প্রকাশিত করিব ।

### শিক্ষার প্রয়োজনীয়তা ।

ঐ যে সদ্যঃপ্রসূত শিশু অরিষ্ট শয্যায় শয়ন করিয়া আছে, উহার আঁচ কি ? উহার চক্ষু, কর্ণ, নাসিকা, জিহ্বা ও ত্বক আছে । উহার হস্ত পদাঙ্গ আছে । আছে সব, নাই কেবল জ্ঞান । চক্ষুতে সকল পদার্থের প্রতিবি

পতিত হইতেছে, সত্য বটে, কিন্তু কোন পদার্থেরই জ্ঞান হইতেছে না । সে কিছুই দেখিতে পাইতেছে না । শরীরে কোন জিনিস পতিত হইলে, সে তাহা বুঝিতে পারিতেছে না । এইরূপ সকল ইন্দ্রিয় দ্বারা বাহ্যজগতের যাবতীয় পদার্থ তাহার জ্ঞানের বিষয়ীভূত হইবার চেষ্টা করিতেছে বটে, কিন্তু কোন ফলই হইতেছে না । অকৃষ্ট ক্ষেত্রে বীজ বপনের ত্রায় সকলই বৃথা হইতেছে বলিয়া বোধ হইতেছে ।

প্রকৃত প্রস্তাবে কিন্তু তাহা হইতেছে না । মুহূর্তে, মুহূর্তে, প্রকৃতি-দেবী স্ননিপুণা ধাত্রীর ত্রায় শিশুকে শিক্ষা দান করিতেছেন । ধীরে ধীরে তাহার জ্ঞানের উন্মেষ হইতেছে ; ধীরে ধীরে পার্থিব নানা পদার্থ সম্বন্ধে তাহার স্থূল স্থূল জ্ঞান লাভ হইতেছে । কিন্তু শিক্ষাদান বিষয়ে প্রকৃতি দেবী অতি নিপুণা হইলেও, তাঁহার ক্ষিপ্রকারিতা নাই । তাঁহার বিদ্যালয়ের শিক্ষাই প্রকৃত শিক্ষা হইলেও, মানবের ক্ষুদ্র জীবনে তথায় শিক্ষা সম্পূর্ণ করা অসম্ভব । সেই নিমিত্ত পরিণতবয়স্ক মানব, শিশুকে আপনার জীবনের অভিজ্ঞতা, অল্প সময়ের মধ্যে প্রদান করিতে উৎসুক হয় । এই নিমিত্তই শিক্ষা প্রণালীর প্রবর্তন, এই নিমিত্তই বিদ্যালয় স্থাপন । এই বিদ্যালয় ত্রিবিধ । ১ম, গৃহ, এখানে শিশু জনক জননীর নিকট জ্ঞানার্জন করে । ২য়, পাঠাগার, এখানে শিশু শিক্ষকের নিকট অধ্যয়ন করে । ৩য়, প্রকৃতির মহা বিদ্যালয় ; এখানে শিশু প্রকৃতি দেবার চরণতলে বসিয়া তাঁহার অক্ষয় ভাণ্ডার হইতে জ্ঞানরত্নরাজি সংগ্রহে চেষ্টিত হয় । আমরা বর্তমান প্রবন্ধে, প্রথম ও দ্বিতীয় প্রকার বিদ্যালয়ে, বিশেষতঃ, দ্বিতীয় প্রকার বিদ্যালয়ে ধেরূপ শিক্ষা প্রণালী অনুষ্ঠিত হওয়া কর্তব্য, অর্থাৎ ধেরূপ শিক্ষা প্রণালী অবলম্বন করিলে, সহজে অল্প সময়ের মধ্যে, শিশু অধিক জ্ঞান লাভে সমর্থ হয়, যথাসাধ্য তাহারই আলোচনা করিব ।

### শিক্ষার বিষয় ।

শিক্ষার প্রয়োজন বুঝা গেল । এখন দেখিতে হইতেছে, শিশুকে কোন্ কোন্ বিষয়ে শিক্ষা দিতে হইবে । এক কথায় বলিতে গেলে, শিশুর যাহা কিছু আছে, যে যে উপাদানে মানব শিশু গঠিত, শিক্ষা দ্বারা সেগুলির সম্পূর্ণতা সাধনের চেষ্টা করিতে হইবে । শিশুর আছে কি ? তাহার দেহ আছে ; বুদ্ধি বৃত্তি, নৈতিক প্রবৃত্তি ও ধর্ম প্রবৃত্তির বীজ তাহাতে আছে ।

উপযুক্ত শিক্ষা দ্বারা, যাহাতে তাহার দেহের প্রত্যেক অঙ্গ পরিণতি লাভ করিতে পারে, শিক্ষককে তাহার চেষ্টা করিতে হইবে। প্রকৃষ্ট শিক্ষা প্রণালী অবলম্বন করিয়া যাহাতে তাহার মানসিক, নৈতিক ও আধ্যাত্মিক বৃত্তিগুলির ক্ষুরণ হয় ও ধীরে ধীরে পরিপুষ্ট হয়, শিক্ষককে তাহা করিতে হইবে। প্রথমে আমরা বুদ্ধি বৃত্তির কথাই বলিব।

### শিক্ষকের কি কি গুণ থাকা কর্তব্য।

কিন্তু এ সকল কথা বলিবার পূর্বে, প্রথমে আমাদের দেখা কর্তব্য, শিক্ষকের কি কি গুণ থাকা উচিত। অবশ্য তাঁহার শিক্ষণীয় বিষয়ে জ্ঞান থাকা নিতান্ত আবশ্যিক। কিন্তু কেবল জ্ঞান থাকিলে হইবে না। সেই জ্ঞান প্রদান করিবার শক্তিও তাঁহার থাকা আবশ্যিক। সুতরাং দেখুন, বিদ্বান মাত্রেই সুযোগ্য শিক্ষক হইতে পারেন না। তাঁহার আরও অনেক গুণ থাকা আবশ্যিক। কতকগুলি নিয়ম, কতকগুলি কৌশল, তাঁহার আয়ত্ত্ব থাকা চাই। শিক্ষাদান বড়ই ছুরুহ ব্যাপার। একটা রক্তমাংস অস্থিমায়ু প্রভৃতির সমষ্টিকে মানুষ করিয়া তুলিতে হইবে। এ বিষয়কে যিনি সামান্য বিবেচনা করেন, তিনি নিতান্তই ভ্রান্ত।

### ১। শিক্ষাদানের গূঢ় রহস্য জ্ঞান।

শিক্ষকের প্রথমেই বুঝা উচিত যে, তিনি ও শিশু একই প্রকার পদার্থ নহে। তিনি যে বিষয় যেকোন ভাবে বুঝিতে পারেন, শিশু তাহা পারিবেন না। তাঁহার মানসিক বৃত্তি নিচয় যে নিয়মে শাসিত, শিশুর মানসিক বৃত্তি সে নিয়মের বশবর্তী নহে। শিক্ষককে দেখিতে হইবে, তিনি যে বিষয় যেকোন ভাবে শিক্ষা দিতেছেন, শিশু তাহা সেকোন ভাবে গ্রহণ করিতে পারিতেছে কি না। তিনি শিশুকে যাহা ইচ্ছা তাহা শিখাইতে পারেন না। শিশুর মানসিক বৃত্তির বিরুদ্ধাচরণ করিতে পারেন না। করিলে, ফল বিষময় হইয়া দাঁড়াইবে। একটা দৃষ্টান্ত দ্বারা একথা স্পষ্ট করিয়া বুঝাইবার চেষ্টা করা যাউক। একজন কুম্ভকারকে একটি ঘট নির্মাণ করিতে হইবে। তাহার নিকট যে মাটি আছে, তাহাতে যেকোন ঘট হয়, তাহাকে ত তাহাই করিতে হইবে। তাহার অতিরিক্ত কিছু করিতে গেলে কিছুই হইবে না। সেইরূপ শিশুর বুদ্ধিবৃত্তির যতটুকু শক্তি, তাহারই অনুরূপ শিক্ষা দিতে হইবে। এই বিষয় অবহেলা করিয়া নিজের মনের মত কাজ করিবার চেষ্টা

করিলে, শিক্ষাদানের চেষ্টা বিফল হইবে। শিশুতে যে উপাদান তিনি পাইলেন, শিক্ষককে তাহা লইয়াই কার্য্য করিতে হইবে। নূতন বৃত্তি সৃষ্টি করিবার সাধা তাঁহার নাই। এই বিষয় অবহেলা করায়, কত বালক জীবনের জন্ত উৎসন্ন হইয়া গিয়াছে, এমন কি কাহারও কাহারও জীবন পর্য্যন্ত বিনষ্ট হইয়াছে! \*

### ২। অধ্যাপনায় অনুরাগ।

আমরা যে কার্য্যই করি না কেন, তাহাতে যদি আমাদের অনুরাগ না থাকে, তবে সে কার্য্য আমরা কখনই সুসম্পন্ন করিতে পারিব না। কোন কার্য্যে সফলতা লাভ করিতে হইলে, সেই কার্য্যে নিজের সমুদয় শক্তি নিয়োগ করিতে হইবে, মন প্রাণ ঢালিয়া দিতে হইবে। অনুরাগ না থাকিলে ইহা কি কখন সম্ভব? কাজটিতে ভালবাসা চাই; কাজের প্রতি মনের একটা প্রবল টান থাকা চাই। শিক্ষাদান কার্য্যেও শিক্ষকের সেইরূপ অনুরাগ আবশ্যিক। যাহার একরূপ অনুরাগ নাই, যিনি শিক্ষাদানকে অতি পবিত্র ও প্রিয় পদার্থ বলিয়া বিবেচনা না করেন, তাঁহার শিক্ষা কার্য্যে ব্রতী হওয়া কদাচ উচিত নহে। এ দেশে এমন একদিন ছিল, যে দিন ব্রাহ্মগণ অধ্যাপনাকেই জীবনের প্রিয়তম ও পবিত্রতম কার্য্য বলিয়া বিবেচনা করিতেন। অন্যভাবে তাঁহাদিগকে এই পবিত্র কার্য্য হইতে নিরস্ত করিতে পারিত না। কিন্তু সেদিন গিয়াছে; আর শীঘ্র কিরবে বলিয়া বোধ হয় না। সে যাহা হউক, যিনি অধ্যাপনাকে অর্থোপার্জনের প্রধান উপায় বলিয়া বিবেচনা করেন, অথবা অপর কোন উদ্দেশ্য সাধনের জন্ত শিক্ষকতা কার্য্যে ব্রতী হইয়াছেন, তিনি যেন শিক্ষক হইয়া শিশুগণের সর্বনাশ সাধন না করেন। †

### ৩। ছাত্রপ্রীতি।

নিজ সন্তানের প্রতি পিতার যেকোন স্নেহ, ছাত্রের প্রতি শিক্ষকের সেইরূপ স্নেহ থাকা আবশ্যিক। নিজের পুত্রটি কিসে সুবিদ্বান হইবে, কিসে

\* Many a child is ruined for life, and many children are robbed of life itself, by the errors of parents and teachers that originate in ignorance of the laws of child life. (The Teacher's Manual of the Science and Art of Teaching, P 3).

† Teaching is the noblest of all professions but it is the sorriest of trades; and no body can hope to succeed in it who does not throw his whole heart in it."

তাহার সর্বাপেক্ষা মঙ্গল বিধান হইবে, পিতা যেমন সম্মেহে তাহার স্নেহ করেন, শিক্ষককেও ছাত্রের জন্ত তাহা করিতে হইবে। শিক্ষক যদি ছাত্রকে স্নেহ করেন, তবে তাঁহার শিক্ষাদান কার্য সহজ হইয়া আসে। অনেক স্থলে দেখিয়াছি, শিক্ষক ছাত্রকে কোন বিষয় বুঝাইবার চেষ্টা করিতেছেন, ছাত্র বুঝিতে পারিতেছে না। শিক্ষকের ধৈর্য্যাত্মিতা হইল। বলিলেন, “এমন গাধা ছেলে আমি কোথাও দেখি নাই।” শিক্ষক আর বুঝাইলেন না, ছেলেও বুঝিল না। ছাত্রের উপর স্নেহ থাকিলে কখনই শিক্ষক ঐক্য ক্রুদ্ধ হইতে পারিতেন না, আর যদিই বা হইতেন, তাহা হইলেও অল্প সময়ে মধ্যেই স্নেহে তাঁহার ক্রোধকে দূর করিয়া দিত। আর একটা কথা, শিক্ষক যদি ছাত্রকে স্নেহ করেন, তবে ছাত্রও শিক্ষককে ভক্তি ও শ্রদ্ধা করিবে। ইহা অস্বাভাবিক সত্য। ছাত্র শিক্ষককে ভক্তি করিলে, শিক্ষকের কথায় বেশি অধিক মনোযোগ প্রদান করিবে, অধিক পরিমাণে তাঁহার আদেশ ও উপদেশের অনুবর্তী হইবে; সুতরাং শিক্ষা দান ও শিক্ষা গ্রহণ উভয় কার্যই সম্পাদিত হইতে থাকিবে। এইরূপে শিক্ষক ও ছাত্রের মধ্যে পরস্পরের প্রতি প্রীতি থাকিলে উভয়ের হৃদয়ের ভাব উভয়েই বুঝিতে পারেন। শিক্ষক সহজেই জানিতে পারিবেন, কোন্ কোন্ বিষয়ে ছাত্রের কার্যবোধ হইতেছে, আর ছাত্রও মন খুলিয়া নিজের অজ্ঞতা গুরুর নিকট প্রকাশ করিবে। শিক্ষা দানকালে স্নেহশীল শিক্ষক ছাত্রের অসাধ্য কোন কার্য করিতে তাহাকে আদেশ করিবেন না। এ সম্বন্ধে শ্রীযুক্ত শ্রীর গুরুদাস বন্দ্যোপাধ্যায় মহাশয় একটি গল্প বলিয়াছেন, আমরা এস্থলে তাহার উল্লেখ করিব।\*

ইসলাম ধর্ম প্রচারক মহাত্মা মহম্মদের এক বৃদ্ধ শিষ্য ছিল। ঐ শিষ্যের এক পুত্র ছিল; সে চিনি খাইতে বড় ভালবাসিত। কিন্তু বৃদ্ধ দরিদ্র, চিনি কিনিবার পয়সা তাহার জুটিতেছে না। অথচ পুত্রেরও চিনি নহিলে চলে না। এই সম্বন্ধে উদ্ধার পাইবার জন্ত বৃদ্ধ পুত্রের সহিত মহম্মদের শরণ লইল। মহম্মদ তাহাদের কথা শুনিয়া বলিলেন, “তোমরা পনের দিন

আমার নিকট আসিও।” নির্দিষ্ট দিনে বৃদ্ধ পুত্রকে লইয়া হাজির হইল। মহম্মদ গভীর ভাবে পুত্রকে বলিলেন, “চিনি খাওয়ার অভ্যাসটা ছাড়িয়া দাও। অভ্যাস ছাড়িতে তোমার কষ্ট হইতে পারে বটে, কিন্তু ইহা অসম্ভব নহে। অল্পে অল্পে চিনির পরিমাণ কম করিয়া দাও।” এই কথা শুনিয়া প্রণাম করিয়া পিতা পুত্র চলিয়া গেল। কিন্তু অল্পক্ষণ পরে বৃদ্ধ কিরিয়া আসিয়া মহম্মদকে জিজ্ঞাসা করিল, মহাশয় এই সোজা কথাটা ভাবিয়া বাহির করিতে আপনার পনের দিন লাগিল, ইহার কারণ কি? মূহ হাশ্রু করিয়া মহম্মদ উত্তর করিলেন “বাপু, আমি নিজে বড় চিনি ভালবাসিতাম। এই পনের দিন আমি চিনি খাওয়ার অভ্যাসটা পরিত্যাগ করিতে চেষ্টা করিতেছিলাম। দেখিলাম, এ অভ্যাস পরিত্যাগ করা চলে। সেই জন্তই তোমার পুত্রকে ওরূপ আদেশ করিলাম। আমি বাহা পারি না, তাহা আমার শিষ্যদিগকে করিতে আদেশ করিব কেন?”

এই সকল ছাড়া শিক্ষকের আরও অনেক গুণ থাকা আবশ্যিক। আমরা এখানে সে গুলির উল্লেখ করিব। শিক্ষকের চরিত্রবান হওয়া আবশ্যিক। বান্দকেরা গুরু তাঁহার কথার অনুবর্তী হইবে না, তাঁহার কার্যেরও অনুকরণ করিবে। আমি যদি আমার উপদেশ গুলি নিজেই পালন না করি, আমার ছাত্রেরাইবা করিবে কেন? আমি ছাত্রদিগকে বলিলাম “মিথ্যা কথা বলিও না।—কিন্তু আমি তখনই দশটা মিথ্যা বলিয়া ফেলিলাম। ইহাতে ছাত্রেরা কখনই মিথ্যাকে ঘৃণা করিবে না। যে উপদেশের ফল হইল না, সে উপদেশ দিওয়ার প্রয়োজন কি? তবেই দেখুন, শিক্ষক যদি সর্বপ্রকারে নীতি পালন করেন, তবে তাঁহার ছাত্রেরা নীতিমান হইবে, তিনি আশা করিতে পারেন। “Do what I say but do not what I do” এ কথা সম্পূর্ণ অসঙ্গত—অন্ততঃ শিক্ষকের এ কথা বলা চলে না।

ধৈর্য্য, গাভীর্য্য, প্রফুল্লতা শিক্ষকের পক্ষে বিশেষ আবশ্যিক। কোন ছাত্রগণের আয়ত্ত করিতে বিলম্ব হইলে যেন তাঁহার বিরক্তি বোধ না হয়। তাঁহার গাভীর্য্য থাকা চাই; ছাত্রগণ যেন তাঁহাকে অবহেলা করিতে পারে। তাঁহার প্রফুল্লতা থাকা চাই:—ছাত্রগণ যেন আকৃতি দর্শনে মুগ্ধ না হয়। ফল কথা, রাজা দীলিগকে ভৃত্যগণ যে চক্ষে দেখিত, ছাত্রগণ যেন শিক্ষককে সেইভাবে দেখে।

He who takes his work as a dose is likely to find it nauseous.

(Lectures on Teaching, Sir Joshua Fitch M. A. L. L. D. P. 25.

A Few Thoughts on Education by Sir Gooroodass Banerji K. M. A. D. L.—pp. 154-155

ভীমকাঠৈন্তনৃপগুণৈঃ স বভূবোপজীবিনাম্ ।  
অধুষাশ্চাভিগম্যশ্চ যাদোরত্নৈরিবার্গবঃ ॥

রঘুবংশ, ১ম সর্গঃ ।

সমুদ্রে জলজন্ত আছে বলিয়া যেমন লোকে তাহার নিকটবর্তী হইতে ভীত হয়, আবার রত্ন আছে বলিয়া যেমন সমীপবর্তী হয়, তেমনি রাজদীলিপের অনুজীবীগণ, তাঁহার কঠোর গুণ ছিল বলিয়া তাঁহাকে ভয় করিয়া আবার তাঁহার কোমল গুণে আকৃষ্ট হইয়া, তাঁহার নিকটে বাইতে উৎসাহিত হইত ।

## পৌরাণিক চিত্র । (৪)

কৌশিক ব্রাহ্মণ ।

( পূর্ব প্রকাশিতের পর )

রমণী বলিতে লাগিলেন :—

ক্রোধঃ শত্রুঃ শরীরস্থো মনুষ্যানাং দ্বিজোত্তম ।  
যঃ ক্রোধমোহৌ ত্যজতি তং দেবা ব্রাহ্মণং বিদুঃ ।  
যো বদেদিহ সত্যানি গুরুং সন্তোষয়েত চ ।  
হিংসিতশ্চ ন হিংসেত তং দেবা ব্রাহ্মণং বিদুঃ !  
জিতেন্দ্রিয়ো ধর্মপরঃ স্বাধ্যায় নিরতঃ শুচিঃ ।  
কামক্রোধৌ বশে যশ্চ তং দেবা ব্রাহ্মণং বিদুঃ ।  
যশ্চ চাত্মসমোলোকো ধর্মজ্ঞশ্চ মনস্বিনঃ ।  
সর্বধর্মেষু চ রতস্তং দেবা ব্রাহ্মণং বিদুঃ ।  
যোহধ্যাপয়েদধীযীত যজ্ঞেদ্বা যাজয়ীতবা ।  
দদ্যাৎপাি যথাশক্তি তং দেবা ব্রাহ্মণং বিদুঃ ।  
ব্রহ্মচারী চ বেদান্ যোহপ্যধীয়াদ্ভজপুঙ্গবঃ  
স্বাধ্যায়েচাপ্রমত্তোবৈ তং দেবা ব্রাহ্মণং বিদুঃ ।

অর্থাৎ, হে দ্বিজোত্তম, ক্রোধ পদার্থটি মনুষ্যদিগের শরীরস্থিত শত্রু । ব্যক্তি ক্রোধ ও মোহ ত্যাগ করেন, তাঁহাকেই দেবতারা ব্রাহ্মণ বলিয়া থাকেন । সংসার মধ্যে যিনি সত্য কথা কহেন, গুরুকে সন্তুষ্ট রাখেন হিংসিত হইয়াও হিংসা না করেন, তাঁহাকেই দেবতারা ব্রাহ্মণ

জানেন । যিনি জিতেন্দ্রিয়, স্বাধ্যায় নিরত ও শুচি, এবং কাম ক্রোধ ইহার বশীভূত, তাঁহাকেই দেবতারা ব্রাহ্মণ বলিয়া জানেন । সর্বধর্মের বিচরণকারী যে মনস্বী লোকমাত্রকেই আত্ম সদৃশ জ্ঞান করেন, তাঁহাকেই দেবতারা ব্রাহ্মণ বলিয়া জানেন । যিনি অধ্যয়ন, অধ্যাপনা, যজ্ঞন যাজন ও যথাশক্তি দান করেন, তাঁহাকেই দেবতারা ব্রাহ্মণ বলিয়া জানেন ।

অবশেষে সেই অদ্ভুত রমণী এই বলিয়া ব্রাহ্মণের দর্প চূর্ণ করিলেন ;—

ভগবানপি ধর্মজ্ঞঃ স্বাধ্যায় নিরতঃ শুচিঃ ।

নতু তত্ত্বেন ভগবন্ ধর্মং বেৎসীতি মে মতিঃ ॥

অর্থাৎ হে ভগবন, আপনিও ধর্মজ্ঞ, স্বাধ্যায়নিরত ও শুচি বটে, কিন্তু আমার বিবেচনায় আপনি যথার্থরূপে ধর্মের মর্ম জানিতে পারেন নাই । এইরূপ নানা উপদেশ দিয়া সেই রমণী ব্রাহ্মণকে বলিলেন, “আপনি প্রকৃত ধর্ম জানেন না ; মিথিলায় একজন ব্যাধ আছে, সে মাতাপিতার শুশ্রূষা করাকেই মহাধর্ম বলিয়া জানে ; সে এই স্বধর্ম অনুষ্ঠান করিয়া ধার্মিক হইয়াছে । সে আপনাকে প্রকৃত ধর্ম কি, তাহা বলিয়া দিবে ।”

বিস্মিত, স্তম্ভিত, হৃতদর্প ও লজ্জিত হইয়া ব্রাহ্মণ গৃহে প্রত্যাগমন করিলেন । তবে কি তাঁহার এত বেদপাঠ, এত তপশ্চা, সমস্তই বৃথা হইল ? ভিত্তি দৃঢ় না করিয়া সুরম্য হর্ম্মা নিস্মাণ করিয়াছিলেন, তাহাতেই কি তাহা ভিত্তি হইল ? নিরক্ষরা গৃহস্থ রমণী কেবল পতিশুশ্রূষা করিয়াই তাঁহার অপেক্ষা অধিকতর সুস্পষ্টভাবে ধর্মের মহিমা জ্ঞাত হইয়াছে ! সে যে ব্যাধের কথা বলিল, সে কি সত্যই মিথিলাতে বাস করে ? হাঁ নিশ্চয়ই । রমণী মিথ্যা বলিবে না । সে যে তাঁহার বকাবধ বৃত্তান্ত জানিতে পারিয়াছিল । নিশ্চয়ই ব্যাধ মিথিলায় বাস করে । তাহার নিকট তাঁহাকে বাইতে হইল । সেখানে তাঁহাকে কত অদ্ভুত ব্যাপার দেখিতে হইবে, কত তন কথা শুনিতে হইবে ।

মিথিলায় গিয়া ব্রাহ্মণ বাহা দেখিলেন, তাহাতে তাঁহার বিস্ময়ের অবধি ছিল না । যে মিথিলা নগরীতে ধার্মিকপ্রধান রাজা জনক রাজত্ব করেন, যাহা “ধর্মধ্বজ সমাকীর্ণা ও যজ্ঞোৎসববর্তী, তথায় এক বীভৎস অধস্থান রহিয়াছে ! কুধিরাক্ত কলেবরে একজন ব্যাধ মাংস বিক্রয় করিতেছে ! এই ধর্মব্যাধ ! ইহার নিকট বেদজ্ঞ উপোবলসম্পন্ন ব্রাহ্মণকে শিক্ষা করিতে হইবে ! কিন্তু ব্রাহ্মণের গর্ব্ব খর্ব্ব হইয়াছে ; আর তাঁহার

অহঙ্কার নাই। শিক্ষার্থীর পক্ষে বিনয়ই প্রধান সহায়। পতিব্রতা রমণী কার্যকলাপ তাহার হৃদয়ে বিনয় সঞ্চার করিয়া দিয়াছে। ব্রাহ্মণ বিনয়ী ভাবে এক পাশ্বে দণ্ডায়মান রহিলেন। যখন সেই ব্যাধ তাঁহার নিকট আসিয়া তাঁহার যথোচিত সম্বন্ধনা করিল ও তাঁহার আগমন কারণ বলিয়া দিল, তখন তিনি বিস্ময়ে অভিভূত হইলেন।

মহা সমাদরে ব্যাধ ব্রাহ্মণকে গৃহে লইয়া চলিল। কদাচারসম্পন্ন ব্যাধ ভবনে যাইতে ব্রাহ্মণ কিছু দ্বিধাবোধ করিলেন না। ব্যাধ ব্রাহ্মণকে নিজে বহিবীতীতে বসাইয়া তাঁহাকে ধর্ম সম্বন্ধে অনেক নিগূঢ় কথা বলিয়া মহাত্মা যীশুখৃষ্ট যে ধর্ম প্রচার করিয়া ঈশ্বরের অবতার বলিয়া পূজিত হইতেছেন, ব্যাধ সেই ধর্ম কীর্তন করিয়া ব্রাহ্মণের হৃদয়ে শান্তি প্রদান করিল। ভগবান বুদ্ধদেব যে ধর্ম প্রচারের জন্ত রাজ্য ত্যাগ করিয়া ভিখারী হইয়াছিলেন, ব্যাধ সেই উৎকৃষ্ট ধর্ম কথা বলিয়া ব্রাহ্মণের হৃদয়ে বিমল আনন্দ সঞ্চার করিল। আবার বেহায়, মিল প্রভৃতি পাশ্চাত্য পণ্ডিতগণ যে ধর্ম প্রচার করিয়া আজ কাল আমাদের নিকট মহাদার্শনিক রূপে গুরুবৎ পূজিত হইতেছেন, ব্যাধ সে সকল কথা বলিতেও বিস্মৃত হইল না।

অত্যন্ত আশ্চর্য্যিত হইয়া ব্রাহ্মণ ব্যাধকে বলিলেন যে “ভূমি যে ধর্ম কথা বলিলে, তাহা সমস্তই ন্যায়-যুক্ত। ইহাতে নিশ্চয়ই বোধ হইবে যে ধর্ম বিষয়ের কোন কথাই তোমার অবিদিত নাই।” ব্যাধ বলিল “প্রভু আমি শাস্ত্র জানি না; নির্জন গিরিগুহার তপশ্রাও করি নাই; গৃহী হইয়া আমি যে ধর্ম আশ্রয় ও অনুষ্ঠান করিয়া সিদ্ধিলাভ করিয়াছি, তাহা আপনাকে স্বচক্ষে দর্শন করুন।”

এই বলিয়া ব্যাধ ব্রাহ্মণকে অন্তঃপুর মধ্যে লইয়া গেল। তথায় ব্রাহ্মণ দেখিলেন, ধর্ম ব্যাধের পিতা ও মাতা শুক্রাশ্বর ধারণ পূর্বক পূজিত ও পূজিত হইয়া সুসম্পূর্ণ মানসে উত্তমামনে গৃহদেবতার শ্রায় উপবিষ্ট আছেন। ধর্মব্যাধ সেই দম্পতীকে দেখিয়া অবনত মস্তকে তাহাদের চরণতলে পতিত হইল। তাহারাও তাঁহাকে আশীর্ব্বাদ করিল। তখন ব্যাধ বলিতে লাগিল:

পিতা মাতাচ ভগবন্তেভৌ মে দৈবতং পরং ।

ষদৈবতেভ্যঃ কর্তব্যং তদেতাভ্যাং করোম্যহং ॥

ত্রয়স্বিন্দ্রিশদ্যথা দেবাঃ সর্বে শক্রপুরো গমাঃ ।

সংপূজ্যাঃ সর্বলোকেশু তথা বৃদ্ধাবিমৌ মম ॥

উপহারানাং হরন্তো দেবতানাং যথা বিজাঃ ।  
কুর্বন্তি তদেতাভ্যাম্ করোম্যহমতদ্রিতঃ ॥  
এতৌ মে পরমং ব্রহ্মন্ পিতা মাতাচ দৈবতং ।  
এতৌ পুষ্পৈঃ ফলৈ রত্নৈ স্তোষ্যামি সদা বিজ ॥  
এতাবেবাগ্নয়োমহং যান্ বদন্তি মনীষিণঃ ।  
যজ্ঞা বেদাশ্চ চত্বারঃ সর্বমেতৌ মম বিজ ॥  
এতদর্থে মমপ্রাণাঃ ভার্যাপুত্রসুহৃৎসনাঃ ।  
সপুত্রদারঃ শুশ্রুষাং নিত্যমেব করোম্যহং ॥  
স্বয়ঞ্চ স্নাপয়াম্যেতৌ তথা পাদৌ প্রধাবয়ে ।  
আহারং সংপ্রযচ্ছামি স্বয়ঞ্চ বিজসত্তম ॥  
অনুকূলং তথা বদ্বি বিপ্রিয়ং পরিবর্জয়ে ।  
অধর্ম্মে নাপি সংযুক্তং প্রিয়মাভ্যাং করোম্যহং ॥  
ধর্ম্মমেব গুরুং জ্ঞাত্বা করোমি বিজসত্তম ।  
অতদ্রিতঃ সদা বিপ্র শুশ্রুষাং বৈ করোম্যহং ॥  
পঠেব গুরবো ব্রহ্মণ্ পুরুষশ্চ বুভূবতঃ ।  
পিতা মাতাশ্চি রাআচ গুরুশ্চ বিজসত্তম ॥  
এতেষু যস্ত বর্তেত সমাগেব বিজোত্তম ।  
ভবেয়ু রথয় স্তশ্চ পরিচীর্ণাস্ত নিত্য শঃ ।  
গাহস্থো বর্তমানস্য এষঃ ধর্ম্মঃ সনাতনঃ ॥

ভগবন, আমার এই মাতাপিতাই আমার পরম দেবতা। লোকে দেবগণকে যেরূপ পূজা করে, আমি ইহাদিগকে সেইরূপ পূজা করিয়া থাকি। ইজাদি দেবগণ যেমন সর্বলোকের পূজ্য, সেইরূপ এই বৃদ্ধ দম্পতী আমার সর্বপ্রকারে পূজনীয়। দ্বিজাতির দেবতাদিগের উদ্দেশে উপহার সকল আহরণ করতঃ যেরূপ অনুষ্ঠান করিয়া থাকেন, আমিও আলস্যশূন্য হইয়া ইহাদের নিমিত্ত সেইরূপ করি। হে ব্রহ্মণ, এই মাতা পিতাই আমার পরম দেবতা। ইহাদিগকে পুষ্প ফল, ও রত্ননিকর দ্বারা আমি সর্বদাই পবিত্র করিয়া থাকি। হে দ্বিজ, মনীষীরা যে অগ্নিত্রয়ের কথা বলেন, আমার পক্ষে ইহাঁরাই সেই অগ্নি। হে বিপ্র, যজ্ঞ ও বেদ চতুষ্টয় প্রভৃতি যে কিছু আছে, সে সমস্তই আমার ইহাঁরা। আমার পঞ্চপ্রাণ, পুত্র কলত্র ও সুহৃৎসন, সকলই ইহাঁদের নিমিত্ত। আমি পুত্র কলত্রের সহিত সততই



ইহাদের শুশ্রূষা করিতেছি। হে বিজসত্তম, আমি স্বয়ং ইহাদিগকে স্নান করাই, স্বয়ং ইহাদের পাদ প্রক্ষালন করিয়া দিই, এবং স্বয়ং আহার প্রদান করি। অপিচ যে বাক্য ইহাদের অনুকূল হয়, তাহাই বলি; অপ্রিয় কথা সর্বথা পরিবর্জন করি। ইহাদের যাহা অভিপ্রায়, অধর্মসংযুক্ত হইলেও আমি তদনুষ্ঠানে সঙ্কুচিত হই না। হে বিজসত্তম, ইহাদের প্রিয় কার্য সাধনকেই গুরুধর্ম জ্ঞান করিয়া তাহার অনুষ্ঠান করিয়া থাকি; সর্বদা নিরালস্য হইয়া ইহাদের শুশ্রূষাই করি। হে ব্রাহ্মণ, কল্যাণকামী পুরুষের পক্ষে, পিতা, মাতা, অগ্নি, আত্মা ও গুরু, এই পঞ্চই গুরুপদবাচ্য। এই সকলে যিনি সম্যক্রূপে বর্তমান থাকেন, তাঁহার নিত্যই অগ্নিত্রয়ের পরিচর্যা করা হয়। ফলতঃ গৃহস্বাস্থ্যে বর্তমান ব্যক্তির ইহাই সনাতন ধর্ম।

এই বলিয়া ধর্মব্যাধ ব্রাহ্মণকে বুঝাইলেন, যে পিতা ও মাতার শুশ্রূষা রূপ শ্রেষ্ঠ ধর্মের অনুষ্ঠান করিয়া তাহার আত্মা বিশুদ্ধ হইয়াছে, সকল শাস্ত্র, সকল ব্যাপার সে জানিতে পারিয়াছে—এইরূপ স্বকর্ম সাধন করাতেই দেহী পতিব্রতা রমণীও সকল কথা জানিতে পারিয়াছেন। তাহার পর সেই ব্যাধ ব্রাহ্মণকে বলিলেন :—

ত্বয়া বিনিকৃতামাতা পিতা চ বিজসত্তম ।

অনিসৃষ্টোহসি নিক্রান্তো গৃহাতাভ্যাং অনন্দিত ॥

বেদোচ্চারণ কার্যার্থ মযুক্তং তত্ত্বয়া কৃতম্ ।

তবশোকেন বৃদ্ধোতাবক্ষীভূতো তপস্বিনৌ ॥

ভৌ প্রসাদয়িতুংগচ্ছমাত্ৰাং ধর্মোহত্যগাদয়ম্ ।

হে অনিন্দিত বিজসত্তম, আপনি মাতাপিতাকে অবমানিত করিয়াছেন, যেহেতু তাঁহাদের অনুমতি না লইয়াই, বেদাধ্যয়নার্থ গৃহ হইতে নির্গত হইয়াছেন। ফলতঃ আপনার এই কর্মটি নিতান্ত অযুক্ত হইয়াছে। আপনার শোকে সেই তপস্বী বৃদ্ধ দম্পতী অন্ধ হইয়াছেন। অতএব তাঁহাদিগকে প্রসন্ন করিবার নিমিত্ত আপনি গমন করুন। এই ধর্ম যেন আপনার কৈ পরিত্যাগ না করে।

নবজীবন পাইয়া কৃতজ্ঞ ব্রাহ্মণ বিনীতভাবে বলিলেন :—

পতমানোহদ্য নরকে ভবতাস্মি সমুদ্বৃতঃ ।

ভবিতব্য মঠৈবঞ্চ যদৃষ্টোহসি ময়ানঘ ।

হে অনঘ, আমি নরকে পড়িতেছিলাম, অদ্য তোমা কর্তৃক উদ্ধৃত হইলাম।

ভরসা করি ব্রাহ্মণের এই দৃষ্টান্ত আমাদিগকে কর্তব্যপরায়ণ করিবে।

## প্রাচীন আর্যজাতির বর্ণ-বিভাগ

ও

### বাসস্থান নিরূপণ ।

আধুনিক পাশ্চাত্য জাতি ও তাঁহাদের পদানুসরণকারী ইংরেজী-শিক্ষিত কোন কোন এতদেশীয় ব্যক্তিও বলিয়া থাকেন যে, আর্যজাতির আদিম বাসস্থান ভারতবর্ষ নহে, তাঁহারা দিগ্বিজয় ব্যপদেশে অত্র স্থান হইতে ভারতবর্ষে আসিয়া, এখানকার আদিম বাসিন্দা অসভ্য লোকদিগকে পরাজয় পূর্বক এই স্থানেই আপনাদের বাসস্থান নিরূপণ করিয়াছিলেন। তাহার পর তাঁহাদের বংশপরম্পরা বিস্তৃত হইয়া কালক্রমে ভারত, হিন্দুর দেশ হইয়া পড়িয়াছে। তাঁহারা আরও বলেন যে, সাঁওতাল, ভীল প্রভৃতি অসভ্য জাতিরাই প্রাচীন ভারতের আদিম বাসিন্দা। বলা বাহুল্য যে, এটা কেবল তাঁহাদের কপোলকল্পিত কথা মাত্র; প্রকৃতপক্ষে এসম্বন্ধে বিশ্বাসজনক প্রমাণ কিছুই নাই। বস্তুতঃ আমাদের শাস্ত্রবাক্যে বিশ্বাস করিলে, ঐরূপ কথা ভ্রান্তিমূলক ও অলৌকিক বলিয়াই প্রতিপন্ন হইবে।

শাস্ত্রমতে পৃথিবীর মধ্যে একমাত্র ভারতবর্ষই কর্মভূমি; অন্যান্য দেশ ভোগভূমি মাত্র। বিষ্ণুপুরাণে কথিত হইয়াছে,—

“উত্তরং যৎ সমুদ্রশ্চ হিমাদ্রেঃশ্চৈব দক্ষিণম্ ।

বর্ষং যদ্ভারতং নাম ভারতী যত্র সন্ততি ॥

\* \* \* \*

ইতঃ স্বর্গশ্চ মোক্ষশ্চ মধ্যাশ্চান্তশ্চ গম্যতে ।

ন খল্বত্র মর্ত্যানাং কর্মভূমৌ বিধীয়তে ॥

\* \* \* \*

চত্বারি ভারতবর্ষে যুগান্যত্র মহামুনে ।

কৃতং ত্রেতা দ্বাপরঞ্চ কলিশ্চান্যত্র ন কচিৎ ॥

তপস্তপ্যন্তি মুনয়ো জুহ্বতে চাত্র যজিনঃ ।  
 দানানি চাত্র দীয়ন্তে পরলোকার্থমাদরাৎ ॥  
 পুরুষৈর্ষজ্জপুরুষো জম্বুদ্বীপে সদেজ্যতে ।  
 যজৈজ্জর্ষময়ো বিষ্ণুরন্যদ্বীপেষু চাত্ৰথা ॥  
 অত্রাপি ভারতং শ্রেষ্ঠং জম্বুদ্বীপে মহামুনে ।  
 যতো হি কৰ্মভূরেষা ততোহত্রা ভোগভূময়ঃ ॥  
 অত্র জন্মসহস্রাণাং সহস্রৈরপি সত্তম ।  
 কদাচিল্লভ্যতে জন্তুর্মানুষ্যং পুণ্যসঞ্চয়াৎ ॥  
 গায়ন্তি দেবাঃ কিন গীতকানি, ধৃতাস্ত তে ভারতভূমিভাগে ।  
 স্বর্গাপবর্গাস্পদমার্গভূতে, ভবন্তি ভূয়ঃ পুরুষাঃ সুরত্বাৎ ॥  
 কৰ্ম্মাণ্যসঙ্কলিত তৎফলানি, সংন্যস্ত বিধৌ পরমাত্মরূপে ।  
 অবাধ্যতাং কৰ্ম্ম মহীমনন্তে, তস্মিন্লয়ং যে ত্রমলাঃ প্রয়াস্তি ॥  
 জানীম নৈতৎ ক বয়ংবিলীনে, স্বর্গপ্রদে কৰ্ম্মণি দেহবন্ধনু ।  
 প্রাপ্যাম ধন্যাঃ খলুতে মনুষ্যা, যে ভারতেনেদ্রিয়বিপ্রহীনাঃ ॥”

মহাসাগরের উত্তর ও হিমালয় পর্বতের দক্ষিণে যে বর্ষ অবস্থিতি করিতেছে, ভারত-সমুদ্রেরা যথায় বাস করিয়া থাকেন এবং যে স্থান হইতে মানব স্বর্গ, মোক্ষ, মধ্য ও অন্ত, অর্থাৎ অন্তরীক্ষ লোক ও পাতাল লোক প্রাপ্ত হয়, তাহারই নাম ভারতবর্ষ। একমাত্র ভারতবর্ষ ব্যতীত আর কোন স্থানেই মর্ত্য মানব কৰ্মভূমির মাহাত্ম্য জানেনা। সত্য, ত্রেতা, দ্বাপর ও কলি, এই যুগচতুষ্টয় কেবল মাত্র ভারতবর্ষের জন্মই কল্পিত হইয়াছে। অপর বর্ষে যুগ-ভেদের প্রয়োজন নাই। মর্ত্য লোকের মধ্যে এই স্থানে বসিয়া যাজ্ঞিকেরা যজ্ঞে আছতি দিয়া থাকেন এবং পরলোকের আদরার্থে যে কিছু দান কার্য্য, তাহাও এই স্থানে অনুষ্ঠিত হইয়া থাকে। বিষ্ণুকে যজ্ঞপুরুষ জানিয়া, তৎপ্রীত্যর্থে এই জম্বুদ্বীপের লোকেরাই যজ্ঞকার্য্য সমাধা করিয়া থাকেন। অত্র দ্বীপের ব্যবস্থা একরূপ নহে।

জম্বু দ্বীপ মধ্যে আবার ভারতবর্ষই পারলৌকিক কার্য্যানুষ্ঠান পক্ষে সর্বশ্রেষ্ঠ। সমগ্র পৃথিবীর মধ্যে এক মাত্র ভারতবর্ষই কৰ্মভূমি; অত্র সমস্ত দেব কেবল ভোগ-তৃপ্তির জন্মই অবস্থিত রহিয়াছে। প্রাণিগণ সহস্র সহস্র জনের পর কদাচিত্ পুণ্যবলে এই পুণ্যভূমি ভারতে মানবজন্ম লাভ করিয়া থাকেন। স্বর্গবাসী দেবতারা বলিয়া থাকেন, “ভারতবাসীরা দেবগণ হইতেও শ্রেষ্ঠ

; কেন না কেবল তাঁহাদেরই জন্মভূমি স্বর্গ ও মোক্ষ, এই উভয় প্রাপ্তির হেতু। ভারতের পবিত্রমনা, নিস্পাপ লোকেরাই তাঁহাদের সমুদায় কৰ্মফল, পরমাত্মা-স্বরূপ অনন্ত বিষ্ণুতে সমর্পণ করিয়া, তাঁহাতেই বিলীন হইয়া থাকেন।” “স্বর্গপ্রদ পুণ্যকৰ্ম্ম ক্ষয় হইলে, সমুদায় ইন্দ্রিয়যুক্ত হইয়া আবার ভারতে জন্মগ্রহণ করিব” এইরূপ কামনা দেবতারা সর্বদাই করিয়া থাকেন।

কেবল বিষ্ণুপুরাণ বলিয়া নহে, সৃষ্টির প্রারম্ভ হইতেই যে ভারতে আৰ্য্যজাতির বাস, একথা হিন্দুর সকল শাস্ত্রেই প্রমাণিত ও সিদ্ধান্তীকৃত। ধর্ম্মশাস্ত্রপ্রণেতা ঋষিগণের মধ্যে মনুর প্রাধান্য সর্বাপেক্ষা অধিক। স্বয়ং বেদ বলিয়াছেন,—

“মনুর্বে যৎকিঞ্চিদবদৎ তদ্ভেষজম ।”

অর্থাৎ মনু যাহা বলিয়াছেন, তাহাই মর্হৌষধ। আবার শাস্ত্রান্তরেও দৃষ্ট হয় যে,—

“মনুর্থা বিপরীতা তু যা স্মৃতিঃ সা ন শশ্রুতে ॥”

অর্থাৎ মনুর মতবিরুদ্ধ কোন স্মৃতিশাস্ত্রই গ্রাহ্য নহে। কথিত আছে যে, একমাত্র মনুই মানবজাতির আদিপুরুষ। এবং মনুর নামের ব্যুৎপত্তি অনুসারেই সাধারণ মনুষ্যজাতির নাম মানব হইয়াছে।\* অতএব মনুর সময়ে সৃষ্টির অগ্রজন্মা ব্রাহ্মণাদি বর্ণচতুষ্টয়কে মূলভিত্তি করিয়া, যেরূপে নানা সঙ্কর-বর্ণের উৎপত্তি ও ভারতের যে যে অংশে তাহাদের বাসস্থান নিরূপিত হইয়াছিল, অদ্য আমরা এই প্রবন্ধে মনুসংহিতা হইতে তাহাই উদ্ধৃত করিয়া, পাঠকগণকে উপহার দিব।

বর্ণ-বিভাগ ।

“ব্রাহ্মণঃ ক্ষত্রিয়ো বৈশ্যস্তয়ো বর্ণা দ্বিজাতয়ঃ ।

চতুর্থ একজাতিস্ত শূদ্রো নাস্তি তু পঞ্চমঃ ॥

সর্ববর্ণেষু তুল্যানু পত্নীষক্ষতযোনিষু ।

আনুলোম্যেন সম্ভূতা জাত্যা জ্ঞেয়াস্ত এব তে ॥

স্ত্রীষনস্তর জাতাস্ত দ্বিজৈরুৎপাদিতান্ স্ততান্ ।

সদৃশানেব তানাঙ্কমিত্তদোষ-বিগর্হিতান্ ॥

নামসাদৃশ্য দেখিয়া মনে হয়, ইংরেজী man ম্যান শব্দও এই মনু হইতে উৎপন্ন হইয়াছে।

শূদ্রাদায়োগবাঃ ক্ষত্রা চাণ্ডালশচাধমৌ নৃণাম ।  
 বৈশ্বরাজন্ত বিপ্রাসু জায়ন্তে বর্ণসঙ্করাঃ ॥  
 ব্যভিচারেণ বর্ণানামবেদ্যা বেদনেন চ ।  
 স্বকর্্মণাঞ্চ ত্যাগেন জায়ন্তে বর্ণসঙ্করাঃ ॥  
 যথৈব শূদ্রো ব্রাহ্মণ্যাং বাহুং জন্তুং প্রসূয়তে ।  
 তথা বাহুতরং বাহুশচাতুর্কর্ণো প্রসূয়তে ॥  
 সজাতিজানন্তরজাঃ ষট্ সূতা বিজ-ধর্মিণঃ ।  
 শূদ্রাণাস্তু সধর্ম্মাণঃ সর্কেইপধবংসজাঃ সূতাঃ ॥  
 শনকৈস্তু ক্রিয়ালোপাদিমাঃ ক্ষত্রিয়জাতয়ঃ ।  
 বৃষলত্বং গতা লোকে ব্রাহ্মণাদর্শনেন চ ॥  
 পৌণ্ড্র কাশ্চোদ্ভবিড়াঃ কাষোজা যবনা শকাঃ ।  
 পারদাঃ পহুবাশচীনাঃ কিরাতা দরদাঃ খশাঃ ॥  
 মুখমাহুরূপজানাং যা লোকে জাতয়ো বহিঃ ।  
 ম্লেচ্ছবাচশচার্যাবাচঃ সর্কেঃ তে দশ্রবঃ সূতাঃ ॥  
 ন তৈঃ সময়মন্নিচ্ছেৎ পুরুষো ধর্ম্মমাচরন্ ।  
 ব্যবহারো মিথস্তেষাং বিবাহঃ সদৃশৈঃ সহ ॥”

উপনয়ন সংস্কারে সংস্কৃত বলিয়া ব্রাহ্মণ, ক্ষত্রিয় ও বৈশ্ব, এই বর্ণ  
 দ্বিজোপাধি প্রাপ্ত হইয়াছেন । উপনয়ন-সংস্কার বিহীন চতুর্থ বর্ণ শূদ্র  
 নহে । অর্থাৎ পূর্বোক্ত চারি বর্ণ ভিন্ন আর সকলেই সঙ্করজাতি । স্বপ্ন  
 গীতা ব্রাহ্মণীতে ব্রাহ্মণ কর্তৃক উৎপাদিত সন্তান ব্রাহ্মণ ; ক্ষত্রিয় কর্তৃক  
 স্বীয় পত্নী ক্ষত্রিয়াতে উৎপাদিত সন্তান ক্ষত্রিয় ; বৈশ্ব কর্তৃক সর্বণী ভাষী  
 গর্ভজাত সন্তান বৈশ্ব এবং শূদ্রকর্তৃক পরিণীতা শূদ্রার গর্ভজাত সন্তানই  
 নামে অভিহিত হইয়া থাকে । এতদ্ব্যতীত অসর্বণী পত্নীতে সমুৎপন্ন  
 জনকের সহিত সর্বণ হইয় না ; তাহার নিশ্চিতই জাতান্তর প্রাপ্ত হই  
 থাকে । মন্বাদি ঋষিগণ বলিয়াছেন যে, দ্বিজবর্ণত্রয় কর্তৃক অনুলোমক্রমে  
 অনন্তর-বর্ণজা পত্নীর গর্ভসমুৎপন্ন সন্তানেরা মাতার হীনজাতিই প্রযুক্ত  
 জাতি প্রাপ্ত না হইয়া তৎসদৃশ জাতি হইয়া থাকে । আবার বিনোমক্রমে  
 শূদ্র কর্তৃক বৈশ্বার গর্ভজাত সন্তান ‘আয়োগব’ ক্ষত্রিয়ার গর্ভজাত সন্তান  
 এবং ব্রাহ্মণীর গর্ভজাত সন্তান নরাদম চণ্ডাল আখ্যা প্রাপ্ত হইয়া থাকে  
 ইহারা সকলেই বর্ণসঙ্কর মধ্যে পরিগণিত । অত্রোক্ত স্ত্রীগমন, সর্কে

বাহু-সজ্বটন ও উপনয়নাদি-স্বধর্ম্মত্যাগ ইত্যাদি কারণে ব্রাহ্মণাদি বর্ণত্রয়ের  
 মধ্যেও বর্ণসঙ্কর ঘটিয়া থাকে । শূদ্র কর্তৃক ব্রাহ্মণীর গর্ভজাত চণ্ডালাদি  
 সন্তানেরা যেরূপ নিকৃষ্ট বলিয়া পরিগণিত, আবার চণ্ডালাদি সঙ্করজাতি  
 কর্তৃক ব্রাহ্মণাদি চারিবর্ণের স্ত্রীতে সমুৎপাদিত সন্তানেরা তাহাদের অপেক্ষা  
 আরও হীন । ব্রাহ্মণাদি, দ্বিজত্রয়ের স্বজাতি-পত্নী-সমুৎপন্ন সন্তানগণ এবং  
 অনুলোমক্রমে ব্রাহ্মণের গর্ভসজাত বৈশ্বা-সন্তান ( মাহিষ্য ) এই ষড়বিধ সন্তান  
 দ্বিজধর্ম্মাবলম্বী, অর্থাৎ ইহারা উপনয়নাদি দ্বিজসংস্কার-যোগ্য হইয়া থাকে ।  
 কিন্তু সূত প্রভৃতি প্রতিলোমজ তনয়েরা শূদ্রধর্ম্মা বলিয়া, তাহারা উপনয়-  
 নাদি সংস্কার ও যজনাধ্যয়নাদির অভাবে ক্রমশঃ শূদ্রত্ব প্রাপ্ত হইয়াছে ।  
 অর্থাৎ পৌণ্ড্র, কাশ্চোজ, কাষোজ, যবন, শক, পারদ, পহুব, চীন, কিরাত, দরদ  
 ও খশ, এই সকল দেশোদ্ভব ক্ষত্রিয়গণের পূর্বোক্ত কর্ম্মদোষে শূদ্রত্ব প্রাপ্ত  
 ঘটিয়াছে । তাহারা ব্রাহ্মণাদি বর্ণচতুষ্টয়ের অন্তর্ভূত নহে, তাহারা সাধুভাষী  
 হউক বা ম্লেচ্ছভাষী হউক, ইহাদিগের দক্ষ্য আখ্যা হইয়া থাকে । সাধু  
 ব্যক্তির যখন বৈধ কর্ম্মস্থানে নিরত থাকিবেন, তখন ঐ সকল নিন্দিত  
 জাতির দর্শন স্পর্শনাদি ব্যবহারও নিষিদ্ধ । এই সকল হীনজাতির বিবাহ  
 ও ঋণ গ্রহণাদি ব্যবহার তাহাদের স্বজাতির মধ্যেই পরস্পর সম্পন্ন হইবে ।

বাসস্থান ।

“স্বরস্বতী-দৃষদ্বতোদেবনদ্যোর্ঘদন্তরম্ ।  
 তং দেবনির্ম্মিতং দেশং ব্রহ্মাবর্তং প্রচক্ষতে ॥  
 কুরুক্ষেত্রঞ্চ মৎশ্রাশ্চ পঞ্চালাঃ শুরসেনকাঃ ।  
 এষ ব্রহ্মর্ষিদেশো বৈ ব্রহ্মাবর্তাদনন্তরঃ ॥  
 হিমবদ্বিক্রমোর্মধ্যং যৎ প্রাথিনশনাদপি ।  
 প্রত্যগেব প্রয়াগাচ্চ মধ্যদেশঃ প্রকীর্্তিতঃ ॥  
 আময়ুদ্রাতু বৈ পূর্ব্বাদা সমুদ্রাতু পশ্চিমাং ।  
 তয়োরেবান্তরং গির্যোরার্য্যাবর্তং বিছুবুধাঃ ॥  
 এতান্ দ্বিজাতয়ো দেশান্ সংশ্রয়েরন্ প্রযত্নতঃ ।  
 শূদ্রস্ত যস্মিন্ কস্মিন্ বা নিবসেদ্বৃত্তিকর্ষিতঃ ॥

মহুসংহিতা ।

স্বরস্বতী ও দৃষদ্বতী, এই দুই দেবনদীর মধ্যে যে প্রদেশ আছে, পণ্ডিতেরা  
 ই দেবনির্ম্মিত দেশকে ব্রহ্মাবর্ত বলিয়া থাকেন । কুরুক্ষেত্র, মৎশ্র, কাশ্চকুজ

ও মথুরা, এই কয়টি দেশকে ব্রহ্মর্ষিদেশ বলে। এই ব্রহ্মর্ষিদেশ ব্রহ্মাবর্ত হইতে কিঞ্চিৎ হীন। উত্তরে হিমালয় দক্ষিণে বিক্র্যাগিরি, এই উভয় পর্বতের মধ্যস্থলে বিনশন \* দেশের পূর্বে ও প্রয়াগের পশ্চিমে যে দেশ আছে, তাহাকে মধ্যদেশ বলা যায়। পূর্বপশ্চিমে সমুদ্রদ্বয় এবং উত্তরদক্ষিণে হিমালয় ও বিক্র্যাগিরি ইহার মধ্যবর্তী দেশের নাম অর্থাৎ বর্ত। পূর্ব ও পশ্চিমে সমুদ্র, এই প্রকার কথার নির্দেশ থাকাতে হিমালয় ও বিক্র্যাগিরি এই উভয় পর্বতের সমস্ত স্থান গ্রহণ করিতে হইবে। নতুবা সমুদ্রের উল্লেখ না থাকিলেও ক্ষতি হইত না। সুতরাং আমাদের বঙ্গদেশ অর্থাৎ বর্তের মধ্যেই পড়িতেছে। যাহা হউক, এই সমস্ত পবিত্র দেশকে আশ্রয় করা বিজাতিগণের অবশ্য কর্তব্য। পরন্তু শূদ্রগণ ও অপরাপর বর্ণসঙ্ঘর জাতিরা আপন আপন জীবিকার জন্ত যে কোন দেশে বসতি করিতে পারে, ইহাই শাস্ত্রের আদেশ।

শ্রীপ্রসন্নকুমার চট্টোপাধ্যায়।

## নবাবিকৃত হিন্দু-বৈষ্ণব কবিগণ ।

( পূর্বানুবৃত্ত । )

এই প্রবন্ধ-ধৃত প্রথম তিনটি পদ একথানা অতি প্রাচীন পাণ্ডুলিপি হইতে সংগৃহীত হইল। আদ্যন্ত না থাকায় উহার লিপিকালাদি জানিবার উপায় নাই। অবস্থা-দৃষ্টে উহাকে অন্ততঃ সাদৃশতাদীর প্রাচীন বলিয়া অনুমান করা যাইতে পারে। তাহাতে অনেকগুলি শাক্ত সঙ্গীত ও মুসলমান কবি পদাবলীও পাওয়া গিয়াছে। ইতিমধ্যে সেইগুলি 'পূর্ণিমা' ও শ্রীযুক্ত ব্রজসুন্দর সান্যাল মহাশয়ের "মুসলমান বৈষ্ণবকবি" গ্রন্থে প্রকাশিত হইয়াছে।

৪। বংশীদাস দাস। পদ সংখ্যা ১।

পদাবলীকারদের মধ্যে বংশীবদন নামক কবি আছেন, কিন্তু বংশীদাস নাই। সম্ভবতঃ ইহার নাম এই প্রথম জানা গেল।

\* সরস্বতী নদীর অন্তর্ধান প্রদেশকে বিনশন দেশ বলে।

তুরি বসন্ত ।

কথ না চাতুরী কর কারে !  
নাগর শ্যাম, কথ না রাতুরী কর কারে ! (ধু)  
তোক্ষার চাতুরী যমুনার ঘাঠেরে ।  
গোঠে থাক খেলু রাখ, সদাএ গোধূলি মাখ,  
অক্ষরের লেস নাহি ঘঠে ।  
বোলের বোল বোলি নার, চতুভূজ নাম ধর,  
তোক্ষার চাতুরী যমুনার ঘাঠেরে ।  
হাসি হাসি কহ বাৎ, বামন হৈয়া চাঁন্দে হাত,  
ঘনাইয়া ঘনাইয়া বৈস কাছে ।  
সোণার বরণ আক্ষা, কাচের বরণ তোক্ষা,  
পরশে দল (?) হৈব পাছে ॥  
ঠেকিহু কানুর পাকে, কলসী লাগিল কাঁখে,  
ছাড়িয়া না দিব হেন জানি ।  
কহে দাস বংশী দাস, কানু কহে একু পাশ,  
শ্রাম অঙ্গে ঢালিয়া দিল পানি ॥ ১।৫।

৫। মাধব দাস। পদ-সংখ্যা—১।

পদ-লেখকদের মধ্যে মাধব দাস নামক কবি আছেন। তাঁহার পদ-সংখ্যা ৬৫ বলিয়া নির্দ্ধারিত। তাঁহার সহিত ইহার কোন সম্বন্ধ আছে কিনা, জানি না।

বসন্ত রাগ ।

আজু রস বৃন্দাবনে দোলএ গোবিন্দ ।  
নয়ান ভরিয়া দেখ চরণারবিন্দ ॥  
তছু পদপঙ্কজ ধয়ানে ন পাএ ।  
ছো পছ গোপিনী সঙ্গে আবির খেলাএ ॥  
গোলক ছাড়িয়া পছ ক্ষিতি অবতারি ।  
কুসুমিত বৃন্দাবনে রাখা সঙ্গে রঙ্গ করি ॥  
দাস মাধবে ভণে মুকতির আশাএ । \*  
ভরসা গোবিন্দ মোরে রাখ রাজা পাত্র ॥ ১।৬।

\* মূলে 'মুকুতিরায়স' রূপে লিখিত আছে।

৬। যত্নাথ । পদসংখ্যা—১ ।

পদকর্তাদের মধ্যে যত্নাথ দাস নামক এক কবি আছেন। তাঁহার পদ-সংখ্যা ১৭ বলিয়া নিরূপিত। তাঁহার সহিত ইহার কোন সম্বন্ধ থাকি কিনা, বলা সহজ নহে।

গো রামের মা, গোপাল পলাইল কোন বনে !  
মন্দ মন্দ বোলে মোরে, লাগ পাইলে তোরে,  
সাজাই করিমু ভাল মতে ।  
দধি ছুঙ্ক রস লনী, সব খাইল জাহ্নমণি,  
ছ্যারে মুছিছে হাত থানি ।  
আজুলি নিমান থানি, বেকত হৈবে জানি,  
তাহে গোপাল ঢালি দিছে পানি ॥  
দধি ছুঙ্ক স সাছি (?) উশ্চা † করি ছিকো গাছি,  
তাতে আন্ধি খুইয়াছি লবনী ।  
আনিআ মখন দণ্ড, ভাঙ্গিল লবনী ভাণ্ড,  
হেটে গোপাল পাতিছে মু'খানি ॥  
যশোদার মুখ হেরি, ঠারি দিছে রোহিণী,  
হেরে বসিছে জাহ্নমণি ।  
অন্ধকার জেন নিশি, বেকত হৈয়াছে শশী,  
ধাইয়া ধরিছে নন্দরাণী ॥  
যশোদা শ্যামের বাক্কে, ফুকরি ফুকরি কান্দে,  
এইবার ছাড় ল ( লো ) জননি ।  
যত্নাথে কহে দড়, এবার গোপাল ছাড়,  
আর কভো‡ ন খাইব লবনী ॥ ১১৭ ।

৭। নন্দলাল রায় । পদ-সংখ্যা—১ ।

এতনামধেয় কোন কবি পদকর্তাদের মধ্যে নাই। সম্ভব তিনি এতনামাত্র পরিজ্ঞাত হইলেন।

ভোর ।

মুই কেনে পিরীতি কৈলুম্ নিঠুর কালার সনে !

নিঠুর কালার প্রেম ছালারে না সহে পরাগে ! ধু ।

† উশ্চা—উচ্চ ।

‡ কভো—কতু ।

ঘরেতে বসিয়া শুনি মথুরা এ বাজাএ বাঁশী ।  
শুনিলে স্বপনে দেখি জাগিলে উদাসী ॥

রে নাথ !

কলমীতে জল নাই রে যমুনা বহু দূরে ।  
চলিতে না পারি আমি কাল ষৌবনের ভারে ॥

রে নাথ !

বাও নাই বাতাস নাই কদম্ব কেন লড়ে  
মুই নারীর কন্দদোষে ডাল ভাঙ্গিয়া পড়ে ॥

রে নাথ !

রায় নন্দ লালে কহে শুন লো যুবতী ।

শ্রাম রূপ দরণনে পূরাইব আরতি ॥ ১১৮ ।

৮। রামজি দাস । পদ-সংখ্যা—১ ।

এক রামজি দাস কৃত 'শশি চন্দ্রের পুঁথি' পাওয়া গিয়াছে। তাঁহার সম্বন্ধে ইহার সম্বন্ধ কি, আজও নির্ণীত হয় নাই। 'রামজি' কি 'রামজয়' ?

আসিতে তোমার কুঞ্জে ওগো শ্রীরাধে !

অশ্বেষণে চন্দ্রাবলী ছিল সেই পথে ॥

বলে ছলে আগলিএ ( নিল ) উহার কুঞ্জেতে ।

ললাএ রাধে রাধে নাম জপি, নিদ্রা না আইসে ছুই নয়ানে । (১)

ঠেল না রাই তব চরণে, রাধে বিনে প্রাণি না বাচে ।

গলে পীতবাস বান্ধো তব চরণে,

লেখ্যে দিব দাসখত তব পদেতে ।

নিজ দাস কৈরে রাই রাখ আন্ধারে ।

বৃন্দাবনের দাস হৈএ থাকিবো তোমার সনে ॥ (২)

মেরু সমান করে প্রাণ কর সাবধান, (?)

মান ভিক্ষা চাইএ রাই কৃপা করি কর দান ।

বসনে বদন ঝাপি ফিরা বসিলে !

আপনার বন্ধু বোলি ফিরা না চাইলে !

রাত্রি রাধা দিবাএ রাধা রাধা নাম স্বপনে ॥ (৩)

শুন রসময়ী কহি আমার নাম রসমতি (পতি ?) ।



সেই পুণ্য-শ্লোক পূতচেতার বিবরণ শ্রবণে কাহার না অভিকৃতি জন্মে? তাঁহার জীবনচরিত প্রণয়নে যে যে উপকরণের প্রয়োজন, ছুঃখের বিষয়, এবং তাহার অধিকাংশই ছুঃপ্রাপ্য হইয়া উঠিয়াছে। আমরা অনেক যত্নে সেই অকপট সাধুচরিত্রের মধুময়ী প্রতিকৃতির একটি ছায়া মাত্র সংগ্রহ করিয়া পাঠকের নিকট উপস্থিত করিতেছি।

উত্তর-পশ্চিমাঞ্চলে কায়স্থগণ “লালা” নামে বিখ্যাত, এইজন্ত ঐ প্রদেশে অবস্থিতকালে তদেশবাসিগণ কৃষ্ণচন্দ্রকে লালাবাবু নামে অভিহিত করিতেন।\*

লালাবাবুর পূর্ব-পুরুষগণের বিদ্যা, বুদ্ধি, প্রতিভা, দেবদ্বিজ ও অতিভক্তির পরিচয় আমরা ইতঃপূর্বেই প্রদান করিয়াছি, কিন্তু লালাবাবু তাঁহার অনতিদীর্ঘ জীবনের মধ্যে যে জ্ঞান, যে অধ্যবসায়, যে লোকোত্তর ধর্ম্মানুষ্ঠান ও যে দেবভক্তি জগৎকে প্রদর্শন করিয়াছেন, তাহা অতুল বলিলেও অতুলি হয় না। বাল্যকাল হইতে তাঁহার বুদ্ধিবৃত্তি যেমন উৎকৃষ্ট ও প্রশংসনীয় ছিল, ধর্ম্মপ্রবৃত্তিও তেমনই বলবতী ছিল। আশৈশব ধর্ম্মবৃক্ষের সুশীতল ছায়াতলে ছল্লভ মনুষ্য জীবনকে অবস্থানের অবসর প্রদান করিয়াছিলেন বলিয়াই লালাবাবু অদ্যাবধি অমরভাবে স্বর্গ ও মর্ত্যে উভয় ধামেই বিজিত রহিয়াছেন।

শশধরের অমৃতময় কিরণজাল সংস্পর্শে চন্দ্রকান্তমণি যেরূপ দ্রবীভূত হইয়া সেইরূপ দয়াময় সাধুচিত্ত ও জীবকুলের আর্তনাদ শ্রবণে স্বতঃই বিগলিত হইয়া থাকে। মর্ত্ত, সাধুহৃদয়ের উপমা-সংগ্রহে অপারগ।

ত্রিদিবের কমলপারিজাতপুষ্পদাম-পরিশোভিত ও অমরভোগ্য সুখ-ফল-ভারাবনত মনোহর বৃক্ষসম্বিত রমণীয় নন্দনোদ্যানই এই করুণা-হৃদয়-ক্ষেত্রের একমাত্র উপমার সামগ্রী। উন্নতচেতা সাধুর হৃদয়-পর্বত

\* কৃষ্ণচন্দ্রের, লালাবাবু নামের উৎপত্তি সম্বন্ধে কেহ কেহ এইরূপ বলেন যে—

উত্তর-পশ্চিমাঞ্চলে, উচ্চবংশীয় কায়স্থগণ ‘লালা’ নামে খ্যাত, তাই গঙ্গাগোবিন্দ ঠাকুর প্রিয় পৌত্র কৃষ্ণচন্দ্রকে আদরপূর্বক ‘লালাবাবু’ এই আদর সূচক নামে আহ্বান করিতেন। তদনুসারে অন্যান্য সকলেই তাঁহাকে ‘লালাবাবু’ বলিয়া আহ্বান করিতে থাকিত। এইরূপে কৃষ্ণচন্দ্র সর্বত্রই লালাবাবু নামে পরিচিত হইয়া উঠেন।

See *The Calcutta Review* No. CXV January, 1874, *The Terrestrial Aristocracy of Bengal* No. V, *The Kandi Family*.

সংস্কৃত করুণানদী কত সময়ে কত আর্তের অনুর্বর হৃদয়ে প্রবাহিত হইয়া হৃদয়েরও উর্বরতা বৃদ্ধি করে, তাহার সংখ্যা করা যায় না। দয়াদ্র-হৃদয়ের শক্তি অপরিমিত। অন্ধকারময়ী অমরজনীর সহিত, কৌমুদী-পরি-পিতা গুল্লা যামিনীর যেরূপ প্রভেদ, পুতিগন্ধময় অশেষ যন্ত্রণাকর নরকের সহিত মন্দার মন্দাকিনী; ছুঃশোভিত সর্বসুখদ স্বর্গধামের যেরূপ প্রভেদ, করুণাহীন কঠিন হৃদয়ের সহিত দয়াময় সাধুচিত্তেরও সেইরূপ পার্থক্য।

এই হৃদয় ধনি-দরিদ্রের বিচার করে না এবং বাল্যযৌবন ও বার্দ্ধক্যানির্বিশেষে এচিত্ত মনুষ্যদেহে অধিকার করিয়া থাকে। জীবের প্রতি দয়া প্রকাশই ধর্ম্ম। বৈষ্ণব ধর্ম্মেরও এই উপদেশ; সেই কারণেই বৈষ্ণবকবি লিখিয়াছেন—“জীবে

দয়া নামে রুচি বৈষ্ণব-সেবন। ইহা বৈ ধর্ম্ম নাই শুন সনাতন।” এই উপ-দেশের প্রথমাংশ লালাবাবুর অন্তঃকরণে বাল্যকাল হইতে স্বতঃই স্থানলাভ করিয়াছিল। একদা পিঞ্জরাবদ্ধ শুকপক্ষীর চীৎকার, তাহার পরাধীনতা-বলে অবরোধ-জনিত ছুঃখপ্রকাশ ও মুক্তিভিক্ষা-সূচক বলিয়া অনুমিত হওয়ায়, লালাবাবু করুণাপরবশ হইয়া তৎক্ষণাৎ সেই দ্বিজটীকে স্বাধীনতা

প্রদান করিয়াছিলেন। বালকের ক্রীড়াকৌতুকাদির অভিনয় সন্দর্শন করিয়া তাহার ভবিষ্যৎ চরিত্রের অনেকটা পরিচয় পাওয়া যায়। “child is the father of the man.” মহাবীর নেপোলিয়ান শৈশবে তাঁহার

সঙ্গিগণের সহিত যে সকল ক্রীড়ার অনুষ্ঠান করিতেন, সে সকল কেবল তাঁহার ভবিষ্যৎ বীরপ্রকৃতির পরিচায়ক, সন্দেহ নাই। সুতরাং যে লালাবাবু উত্তরকালে এক সাধুচরিত্রের প্রতিকৃতি প্রদর্শন করিয়াছিলেন, তাঁহার

বাল্যজীবনে এতাদৃশ করুণাসঞ্চার অবশ্যস্তাবী। বাল্যকাল হইতে লালাবাবুর অধ্যয়নেও বিশেষ আসক্তি ছিল। বহুদর্শী পুস্তকবৃন্দের অধ্যাপনায় অল্পকালের মধ্যেই তিনি আরবী ও পারসী ভাষায় বিশেষ ব্যুৎপত্তি লাভ করিয়া দেশের মধ্যে জনৈক উৎকৃষ্ট ‘মুন্সী’ নামে বিখ্যাত হইয়াছিলেন। সংস্কৃত ভাষাতেও তাঁহার যথেষ্ট অধিকার ছিল।

সুতরাং কি, তিনি অষ্টাদশ সহস্র শ্লোকপূর্ণ শ্রীমদ্ভাগবত গ্রন্থের জটিল অংশ হইতে ও স্বয়ং অনায়াসে অর্থ ও ব্যাখ্যা করিতে সমর্থ হইতেন এবং উক্ত

কৌশল গ্রন্থের অধিকাংশ স্থান তাঁহার কণ্ঠেষ্ঠে বিরাজ করিত। তাঁহার

স্বাক্ষরও বিশেষ প্রশংসনীয় ছিল। তিনি যেমন সুন্দর লিখিতেন, তেমন

সুন্দরও লিখিতে পারিতেন।

তিনি স্বভাবতঃই সাধুপ্রকৃতির মনুষ্য ছিলেন। ঐশ্বর্য্য, সম্মান, ধন-বিদ্যা, যে সকলের প্রত্যেকটি মনুষ্যের অভিমান বৃদ্ধির সাহায্যকারী, সে সমস্তেরই অধিকারী হইয়া লালাবাবু কখনই গর্ব্ব বা বিলাসবাসনায় মনোচালিত করেন নাই। যৌবনের ইঞ্জিয়-ভোগ-লালসা তাঁহার উপর আধিপত্য বিস্তারে সমর্থ হয় নাই। শুনা যায়, অনেক সময় তাঁহার বন্ধুবান্ধব তাঁহার চরিত্রের পবিত্রতা পরীক্ষার নিমিত্ত অসুখপায় অবলম্বন করিতে যাইয়া তাঁহার নিকট হইতে বিপরীত ফললাভ করিতেন।\* তিনি প্রকৃতই পরমাত্মবৎ সন্দর্শন করিতেন।

লালাবাবু গঙ্গাগোবিন্দের জীবিতাবস্থাতেই রশোড়ানিবাসী গৌরমোহন ঘোষের (ষটকের পুথিতে ইনি আঁকারী ঘোষ নামে বিখ্যাত) কন্যা বিখ্যাত রাণী কাত্যায়নীর পাণিগ্রহণ করেন। প্রাণকৃষ্ণ সিংহের সময়ে কান্দীর সম্পত্তি যথেষ্ট উন্নত হইয়াছিল, সুতরাং লালাবাবু রাজার সন্তান হইয়াও কিছুদিনের নিমিত্ত রাজদ্বারে দাসত্ব করিয়াছিলেন। কি কারণে তাঁহাকে এই দাসত্ব স্বীকার করিতে হইয়াছিল, সাধারণের অবগতির নিমিত্তে তাহা লিপি করা গেল। ক্রমশঃ

শ্রীশ্রীশচন্দ্র চট্টোপাধ্যায় ।

\* (১) প্রবাদ এই যে, একদা লালাবাবু নৈশভোজনে গমন করিলে তাঁহার অজ্ঞান জনৈক রূপলাবণ্যময়ী বারবিলাসিনীকে তাঁহার শয্যাশায়িনী করা হইয়াছিল। লালাবাবু বিশ্রাম-শয্যায় গমন করিয়া অপরিচিতা রমণীকে তথায় শায়িতা দেখিয়া আশ্চর্য্যবিত্ত হইয়া তাহার পরিচয় লাভ করিতে উৎসুক হন। বারবিলাসিনী আপনাকে লালাবাবুর চরণে বসিয়া পরিচয় প্রদান করিলে তিনি অথাক হইয়া যান এবং অবিচলিতচিত্তে রমণীকে দেশ প্রদান পূর্বক বিদায় দেন। সেই উপদেশ লাভেই বারবনিতার মতি ফিরিয়া যায়।

(২) লালাবাবু রূপবান ছিলেন না। একদা তিনি বিষয় কার্যে লিপ্ত রহিয়া তাঁহার জনৈক বন্ধুর পরামর্শক্রমে এক বারনারী তাঁহার নিকট উপস্থিত হইয়া রহনা বলিয়াছিল “আহা! বাবুর কি মনোহর রূপ! আমি আপনার রূপে মোহিত হইয়াছি।” ইত্যাদি। বারনারী সেস্থান পরিত্যাগ করিলে লালাবাবু বেশ্যার বিচরণ ভূমির উপর ছড়াইয়া দিয়া স্থানের বিশুদ্ধি সম্পাদন করেন।

## বঙ্গীয় সাহিত্যসেবক ।

ঈশ্বরচন্দ্র মল্লিক—

“জ্ঞানোল্লাস” রচিত।

এই পুস্তকে দাতৃত্ব, আতিথেয়তা, দয়া, ধৈর্য্য প্রভৃতি নীতিবিষয়ক উপদেশ আছে। এই পুস্তকের আকার ক্ষুদ্র—১৮ পত্র; ১৮৫৪ খ্রীঃ মুদ্রিত হয়।

নিবাস—বড়বাজার, কলিকাতা।

ঈশ্বরচন্দ্র রায়, রাজা—

“সারদামঙ্গল” নামক সংগীত-গ্রন্থরচিত।

ঈশ্বরচন্দ্র, নদীয়া কৃষ্ণনগরের রাজা ছিলেন। বংশতালিকা—৬ রুদ্র, ৫ রামজীবন, ৪ রঘুরাম, ৩ মহারাজ কৃষ্ণচন্দ্র, ২ গিরিশচন্দ্র, ১ ঈশ্বরচন্দ্র (১৭৮৯-১৮০২ খ্রীঃ, রাজত্বকাল), ২ গিরিশচন্দ্র, ৩ শ্রীশচন্দ্র, ৪ সতীশচন্দ্র, ৫ ক্ষিতীশচন্দ্র।

মহারাজ কৃষ্ণচন্দ্রের সময় পর্য্যন্ত, কৃষ্ণনগর রাজ্যের ক্রমিক উন্নতি হইতেছিল, কিন্তু রাজা ঈশ্বরচন্দ্রের অমিতব্যয়িতা ও উচ্ছৃঙ্খলতাদোষে, তাহার অনেক ক্ষয়প্রাপ্ত হয়।

রাজা শিবচন্দ্রের ভ্রাতা ঈশানচন্দ্র, তদীয় ভ্রাতৃপুত্র ঈশ্বরচন্দ্রের বিরুদ্ধে, নবদ্বীপের জমিদারীসম্পর্কীয় মহারাজা কৃষ্ণচন্দ্রের দানপত্র শাস্ত্রবিরুদ্ধ বলিয়া কলিকাতা সুপ্রীমকোর্টে নালিশ করেন; বিখ্যাত পণ্ডিতগণের মতামতানুসারে উক্ত দানপত্র শাস্ত্রসম্মত বলিয়া প্রমাণিত হয়। মহারাজ কৃষ্ণচন্দ্রের রাজসভা, দেশবিখ্যাত বহু গুণবান ব্যক্তি কর্তৃক সমুজ্জ্বল রহিত। রাজা ঈশ্বরচন্দ্রের সময় ও রাজসভায় প্রসিদ্ধ জ্যোতির্বেত্তা বিনয় বাচস্পতি, শিবনাথ বিদ্যাভাচস্পতি, কাশীনাথ চূড়ামণি, রামলোচন শ্রায়ভূষণ, রামনাথ তর্কসিদ্ধান্ত, রামদাস সিদ্ধান্ত, কালীকিঙ্কর বিদ্যাবাগীশ, রূপানাথ তর্কভূষণ প্রভৃতি বিখ্যাত পণ্ডিতগণ বিরাজ করিতেন। এতদ্ব্যতীত, ত্রিবেণীতে তৎকালে জগন্নাথ পঞ্চানন এবং শান্তিপুরে রাধামোহন গোস্বামী বর্তমান ছিলেন।

রাজা ঈশ্বরচন্দ্রের রচিত গীতগুলি গাহিয়া, তৎকালে কৃষ্ণনগর নিবাসী গোপ, তৈলকার এবং আচার্য্য ব্রাহ্মণগণ যথেষ্ট উপার্জন করিত।



ঈশ্বরচন্দ্র সরকার—

“প্রভাস খণ্ডের” অনুবাদক ।

উ

উদয়চন্দ্র আচ্য—

“সংবাদ পূর্ণচন্দ্রোদয়” নামক বঙ্গভাষার অতি প্রাচীন সংবাদপত্রের সম্পাদক ; এতদ্ব্যতীত তিনি, ইংরাজী বাঙ্গালা ‘অভিধান’, ‘শব্দাশুধি’, নূতন অভিধান প্রভৃতি সঙ্কলন এবং ভাগবত, রামায়ণ, মহাভারত প্রভৃতি পুরাণ ও শাস্ত্র সমূহ সম্পাদন ও প্রচার করিয়াছিলেন ।

জন্ম—অনুমান, ১৮২১ খ্রীঃ ।

মৃত্যু—১৮৫৬ খ্রীঃ মার্চ মাসে কলিকাতার বাটীতে, মাত্র ৩৫ বৎসর বয়সে, বিসৃচিকা রোগে ।

উদয়চন্দ্র, অদ্বৈতচন্দ্র আচ্যের কনিষ্ঠ ভ্রাতা ; পিতা, গোলকচন্দ্র আচ্য ।  
(‘অদ্বৈতচন্দ্র আচ্য’ দেখ)

উদয়চন্দ্র, একজন সিনিয়র স্কলার ছিলেন । প্রথমতঃ তিনি মাদিক এক শত টাকা বেতনে কলিকাতা ট্রেজরীতে কর্ম করিতেন । তদনন্তর লবণ বিভাগে কিছুদিন কার্য করিলে পর, আড়াই শত টাকা বেতনে আব-গারী সুপারিন্টেন্ডেন্ট পদে নিযুক্ত হন । এই কর্মোপলক্ষে তাঁহাকে ঢাকা, বরিশাল, প্রভৃতি স্থান পরিভ্রমণ করিতে হইয়াছিল । যেদিন তিনি গভর্ণমেন্ট হইতে ডেপুটির পদ প্রাপ্ত হন, সেই দিনই তিনি কলিকাতার বাটীতে বিসৃচিকা রোগে প্রাণত্যাগ করেন ।

উদয়চন্দ্র, মৃত্যুকালে এক বৎসরের একটি শিশুসন্তান রাখিয়া যান, নাম কার্তিকচন্দ্র আচ্য । গতবর্ষে তিনিও দেহত্যাগ করিয়াছেন ।

উদয়চন্দ্রের বিধবা পত্নী এখনও বর্তমান আছেন ।

কলিকাতা আচ্য পরিবার কর্তৃক ১৮৩৫ খ্রীঃ হইতে বঙ্গভাষার অতি প্রাচীন সংবাদপত্র, “সংবাদ-পূর্ণচন্দ্রোদয়” প্রকাশিত হয় । বাবু হরচন্দ্র বন্দ্যোপাধ্যায় ইহার সর্ব প্রথম সম্পাদক । তিনি কার্যান্তরে গমন করিলে, উদয়চন্দ্র আচ্য মহাশয় এই পত্রিকা সম্পাদন করিতেন । তৎপরে তিনি আবগারী বিভাগের সুপারিন্টেন্ডেন্ট নিযুক্ত হইয়া স্থানান্তরে গমন করিলে, এই পত্রিকার সম্পাদকীয় ভার পরিত্যাগ করেন ।  
(‘হরচন্দ্র বন্দ্যোপাধ্যায়’ দেখ)

উদয়চন্দ্র, অতিশয় অধ্যয়নশীল, মিষ্টভাষী ও উচ্চমনা পুরুষ ছিলেন ।

বড় লোক হইয়াও তিনি বাহাড়াঘরে একান্ত আস্থাশূন্য ছিলেন ।

(উদয়চন্দ্রের ভ্রাতৃপুত্র, সবিত্র শ্রীমদ্ভাগবতের প্রকাশক, শ্রীযুক্ত বাবু গোষ্ঠবিহারী আচ্য মহাশয় কর্তৃক “সাহিত্যসেবকের” নিমিত্ত বিশেষভাবে সঙ্কলিত বিবরণী, পরিষৎ পত্রিকা ৪—১১৩ )

উদ্বব দাস—

বৈষ্ণব পদকর্তা ।

উদ্বব দাস, পদকল্পতরু সঙ্কলয়িতা বৈষ্ণব দাসের (গোকুলানন্দ সেন) বন্ধু ছিলেন এবং উক্ত সুবিখ্যাত পদাবলীসংগ্রহ গ্রন্থের সঙ্কলন বিষয়ে সহায়তা করিয়াছিলেন ।

ইহার প্রকৃত নাম, কৃষ্ণকান্ত মজুমদার । জাতি, বৈদ্য ; নিবাস, মুর্শী-দাবাদ জেলার অন্তর্গত কান্দী মহকুমার অধীন বৈষ্ণা নামক গ্রাম ।

উদ্বব দাস, পদামৃত সমুদ্র সঙ্কলয়িতা শ্রীনিবাস আচার্যের প্রপৌত্র রাধা-মোহন ঠাকুর মহাশয়ের মন্ত্র শিষ্য ছিলেন । ইনি, বঙ্গীয় দ্বাদশ শতাব্দীর প্রথমার্শে বর্তমান ছিলেন ।

(পরিষৎ পত্রিকা ৬-২৯৮, গৌরপদ তরঙ্গিনী, বঙ্গভাষা ও সাহিত্য )

উদ্ববদাস বা উদ্বোধোগী—

কবি-সংগীত রচয়িতা ।

উদ্বব সামন্ত—

যাত্রার পালা রচয়িতা ।

উদ্ববানন্দ—

“রাধিকামঙ্গল” রচয়িতা ।

(পরিষৎ পত্রিকা )

উপেন্দ্রনাথ দাস—

“সুরেন্দ্র-বিনোদিনী,” “শরৎ-সরোজিনী,” “দাদা ও আমি” প্রভৃতি নাটকাবলী রচয়িতা ।

জন্ম—১২৫৫ সাল, কলিকাতা ।

মৃত্যু—১৩০২ সাল ২২শে শ্রাবণ, ৪৭ বৎসর বয়সে ।

পরিচয়—উপেন্দ্রনাথ কলিকাতা হাইকোর্টের সুবিখ্যাত উকীল কায়েদ-

কুলোদ্ভব শ্রীযুক্ত বাবু শ্রীনাথ দাস মহাশয়ের জ্যেষ্ঠ পুত্র । ইহার অপরাপর ভ্রাতৃগণ প্রায় সকলেই সুশিক্ষিত—(১) শ্রীযুক্ত বাবু জ্ঞানেন্দ্রনাথ দাস এম-এ, সুবিখ্যাত "সময়" পত্রের সম্পাদক ও স্বত্বাধিকারী, (২) শ্রীযুক্ত বাবু সুরেন্দ্রনাথ দাস, কলিকাতা হাইকোর্টের এটর্নী (৩) মিঃ ডি, এন্ দাস বিলাতে শিক্ষিত অধ্যাপক এবং গ্রন্থ-রচয়িতা (৪) সর্ব কনিষ্ঠ ভ্রাতা, পিতার জমীদারীর তত্ত্বাবধারণ করেন ।

শৈশব—উপেন্দ্রনাথ, কলিকাতা সংস্কৃত কলেজে অধ্যয়ন করিতেন এবং প্রায় সকল পরীক্ষায় সর্বোচ্চ স্থান অধিকার করিয়া পুরস্কারও স্কলারশিপ প্রাপ্ত হইয়াছিলেন । তৎকালীন প্রথামত দ্বাদশ বৎসর বয়সে উপেন্দ্রনাথের বিবাহ হয় । এণ্ট্রান্স পরীক্ষায় যথাকালে উপেন্দ্রনাথ প্রথম বিভাগে উত্তীর্ণ হইয়াছিলেন । বাল্যকাল হইতেই উপেন্দ্রনাথের মস্তিষ্কে এক বিদ্রোহভাব অঙ্কুরিত হইয়াছিল ; এখন বাহা প্রকাশ পাইল—তিনি পিতৃদ্রোহী হইয়া নানাস্থানে পলায়ন করিয়া বেড়াইতে লাগিলেন । এণ্ট্রান্স পরীক্ষার পর কিছুদিন মাত্র প্রেসিডেন্সি কলেজে অধ্যয়ন করিয়া বিদ্যালয়ের সংশ্রব পরিত্যাগ করিলেন । ফলে, আর কোন পরীক্ষাই দেওয়া হইল না । কিন্তু তিনি ইংরাজী ভাষায় অসাধারণ ব্যুৎপত্তি লাভ করিয়াছিলেন ।

স্বাধীন জীবন, স্বেচ্ছাচারিতা—উপেন্দ্রবাবু, আমূল সমাজ-সংস্কার বিষয়ে একান্ত পক্ষপাতী ছিলেন । এতৎসম্বন্ধে তিনি সভা-সমিতিতে বক্তৃতা করিয়া শ্রোতৃবৃন্দকে মোহিত করিতেন । বিধবা বিবাহ ও অসবর্ণ বিবাহ প্রচলনে তাঁহার বড়ই আগ্রহ ছিল । ১২৭৪ সালে তাঁহার প্রথমা পত্নী পরলোকগত হইলে, উগ্রক্ষত্রিয় জাতীয়া এক বিধবার পানিগ্রহণ করেন । তদবধি স্বীয় পরিবারবর্গের সহিত তাঁহার সম্বন্ধ বিচ্ছিন্ন হইয়া গেল ।

এই সময় তিনি ঝটিকা-তাড়িত কাণ্ডারী-হীন তরির খায় ইতস্ততঃ ঘুরিয়া বেড়াইতে লাগিলেন । কখন বা স্কুল স্থাপন করেন, কখন বা ইংরাজী সংবাদ পত্র প্রকাশিত করেন ; কিন্তু কিছুতেই তিনি মনঃসংযোগ করিয়া ভাবী স্কুলের নিমিত্ত প্রতীক্ষা করিতে পারিলেন না । এদিকে কিন্তু বহু অর্থ-নাশ করিয়া অতি মাত্রায় ঋণজালে জড়িত হইয়া পড়িলেন । তদনন্তর ১২৮১ সালে থিয়েটারে যোগদান করেন । এই সময় হইতে তাঁহার নাটক রচনার সূত্রপাত হইল । ক্রমশঃ

শ্রীশিবরতন মিত্র ।

# বীরভূমি

মাসিক পত্রিকা ও সমালোচনী

জ্যৈষ্ঠ, ১৩১২

[ ৬ষ্ঠ সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

বঙ্গীয় সাহিত্য-সেবক । (শ্রীশিবরতন মিত্র) ...	...	২০১
বৈজ্ঞানিকের ভুল নহে । (শ্রী..... শাস্ত্রী ।) ...	...	২০৮
লালাবাবু । (শ্রীশ্রীশচন্দ্র চট্টোপাধ্যায়) ...	...	২২১
বিদায় । (শ্রীরমণীমোহন ঘোষ, বি, এল ।) ...	...	২২৬
সংবাদ পত্র । (শ্রী... ..বাচস্পতি) ...	...	২২৭
বঙ্গভাষারব্যবচ্ছেদ প্রস্তাব প্রসঙ্গ । (শ্রীধনুনাথ চক্রবর্তী ।) ...	...	২৩৬

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

বায়ে বীরভূম জেলার অন্তর্গত

কীর্ত্তহার গ্রাম হইতে

শ্রীদেবিদাস ভট্টাচার্য্য বি, এ,

কর্ত্তক প্রকাশিত ।

২৫শে বৈশাখ—১৩১২ ।

# এডওয়ার্ডস্ স্পেসিফিক্

ম্যালেরিয়া ও সর্ববিধ জ্বররোগের একমাত্র  
মহৌষধ ।

অদ্যাবধি সর্ববিধ জ্বর-রোগে  
এমত আশু-শান্তিকারক মহৌষধ আবিষ্কার হয় নাই ।

লক্ষ লক্ষ রোগীর পরীক্ষিত

মূল্য—বড় বোতল ১০, প্যাকিং ও ডাকমাণ্ডল ১ টাকা  
ছোট বোতল ৫ আনা, ঐ ঐ ৫ আনা  
রেলওয়ে কিন্মা পীমার পার্শ্বলে লইলে খরচা অতি সুলভ হয়।

এডওয়ার্ডস্

লিভার এণ্ড স্পিন অয়েন্টমেন্ট

অর্থাৎ প্লীহা ও যকৃতের অব্যর্থ মলম ।

প্লীহা ও যকৃত নির্দোষে আরাম করিতে হইলে আমাদের “

ওয়ার্ডস্ টনিক বা য়্যান্টি ম্যালেরিয়াল্ স্পেসিফিক্” সেবনের

সঙ্গে সঙ্গে উপরোক্ত পেটের উপর প্রাতে ও বৈকালে

মালিশ করা আবশ্যিক । যতই বর্দ্ধিতায়তনের প্লীহা,

যকৃত বা অগ্রমাস হউক না কেন, ইহা নিয়মি-

রূপে মাসেককাল মালিশ করিলে, এক-

বারেই কমিয়া যাইবে । এই মলম

মর্দন দ্বারা আশু ফল পাইবেন ।

মূল্য প্রতি কোঁটা ১০ ছয় আনা । ডাঃ মাঃ স্বতন্ত্র লিখিত

পত্র লিখিলে কমিশনের নিয়মাদি সম্বন্ধীয় অন্ত্যান্ত জ্ঞাতব্য বিষয় অবগত হই

সোল্ এজেন্টস্ ; = বটক্রম পাল এণ্ড কো

৭ ও ১২ নং বন্ফিল্ডস্ লেন, চীনাবাজার—(কলিকাতা)

# বঙ্গীয় ভূমি

৫ম খণ্ড ।

জ্যৈষ্ঠ, ১৩১২

[ ৬ষ্ঠ সংখ্যা ।

## বঙ্গীয় সাহিত্য-সেবক ।

রচিত নাটকাদি—তদানীন্তন প্রচলিত প্রথানুসারে পৌরাণিক ঘটনা-  
বলধনে নাটক রচনা না করিয়া উপেন্দ্রনাথ, বাঙ্গালীর গাহঁহ্য ও সামাজিক  
জীবন এবং দেশের রাজনৈতিক অবস্থা অবলম্বন করিয়া “শরৎ-সরোজিনী”  
নামক নাটক রচনা করিলেন । ইহার কিছু দিন পর, “সুরেন্দ্র-বিনোদিনী”  
নামক আর একখানি নাটক রচনা করেন । তৎকালে “বঙ্গীয় রঙ্গভূমিতে”  
এই দুই নাটক এক যুগান্তর উপস্থিত করিয়া দর্শকবৃন্দের মন সমধিক  
উত্তেজিত করিয়া তুলিয়াছিল । এই পুস্তকদ্বয়ে অত্যাচারে রাজপুরুষদিগের  
অত্যাচার ও অবিচার-কাহিনী বর্ণিত থাকায়, উপেন্দ্র বাবুর এক মাস  
কারাদণ্ডাজ্ঞা হয় । পরে তিনি হাইকোর্টে আপীল করিয়া এই দণ্ডাজ্ঞা হইতে  
নিষ্কৃতি লাভ করেন ।

বিলাত গমন, ইত্যাদি—ইহার পর তিনি স্নেহপ্রবণ পিতার পুনরায়  
স্নেহ লাভে সমর্থ হইয়া ব্যারিষ্টার হইবার জন্ত বিলাত গমন করেন । তথায়  
অধ্যয়নের প্রতি আদৌ মনঃসংযোগ না করিয়া কেবল মাত্র বক্তৃতা ও  
অন্যান্য বৃথা কার্যে সময় নষ্ট করতঃ দীর্ঘ দ্বাদশ বর্ষ কাল বিলাতে পিতার  
ই অর্থ নাশের পর, ১২৯৩ সালে কলিকাতায় প্রত্যাগমন করেন । বিলাত  
হইতে প্রত্যাগমনের পর অনেক কার্যের স্মরণ পরিত্যাগ করিয়া স্বয়ং  
কিছোটখিটো খুলিলেন । পুনরায় ধ্বংস হইলে তাঁহাকে এ কল্পনা  
পাততঃ পরিত্যাগ করিতে হইল । বিলাত হইতে প্রত্যাগত হইবার

কয়েক মাস পরই, পূর্বেকৃত দুই নাটক হইতে বিভিন্ন প্রকারের, বিলাত প্রবাস কালে রচিত, "দাদা ও আমি" নামক নাটক প্রকাশ করেন। এই নাটকে উপেন্দ্রনাথের অভিনব সৌন্দর্য্য-সৃষ্টির পরিচয় প্রাপ্ত হওয়া যায়।

শেষ—নিজ অর্থবলে গঠিত থিয়েটারের শোচনীয় পরিণাম দর্শনে, উপেন্দ্র-বাবু সাধারণের অর্থ সাহায্যে এক প্রকাণ্ড থিয়েটার গঠনের জন্তু সচেষ্ট হইলেন এবং এতদুদ্দেশ্যে দেশে দেশে অর্থ সংগ্রহের জন্তু ঘুরিয়া ঘুরিয়া যশোহর জেলায় ম্যালেরিয়া জ্বরে আক্রান্ত হইলেন। কলিকাতায় প্রত্য-গমন করিয়া ১৩০২সালের ২২শে শ্রাবণ তারিখে স্বীয় পিতৃভবনে প্রাণ-ত্যাগ করেন। অকালে, ৪৭ বৎসর মাত্র বয়সে, উচ্ছৃঙ্খল জীবনের এইরূপ অবসান হইল।

পূর্বেকৃত নাটকত্রয় ব্যতীত, উপেন্দ্রনাথের কয়েকটি অপ্রকাশিত রচনাও আছে।

(উপেন্দ্রনাথের কনিষ্ঠ ভ্রাতা "সময়" সম্পাদক, শ্রীযুক্ত বাবু জ্ঞানেন্দ্রনাথ দাস এম্ এ মহা-শয় কৰ্ত্তৃক কৃপা পূর্বক "সাহিত্য-সেবকের" নিমিত্ত বিশেষ ভাবে সংগৃহীত বিবরণী হইতে সংকলিত )

### উমাকান্ত চট্টোপাধ্যায়—

বৃহৎকুর্মপুরাণ হইতে সংগৃহীত আখ্যায়িকা অবলম্বনে "দণ্ডীপর্ক" নামক গ্রন্থ রচয়িতা।

এই গ্রন্থে, শুকদেব বক্তা এবং পরীক্ষিত শ্রোতারূপে বর্ণিত হইয়াছে।

( বঙ্গভাষার লেখক—২৩২ পৃঃ )

### উমাচরণ মিত্র—

"গোলেব কায়লী" নামক পারস্য গ্রন্থের অনুবাদক।

উমেশচন্দ্র বটব্যাল, এম,এ, বিদ্যালঙ্কার—

"সাংখ্যদর্শন" ও "বেদ-প্রকাশিকা" রচয়িতা এবং বিবিধ সাময়িক পত্রিকায় বৈদিক প্রবন্ধাবলী ও "গৌরাজ্জরিত" ( অসম্পূর্ণ ) প্রভৃতির লেখক।

জন্ম—হুগলী জেলার অন্তর্গত খানাকুলের সন্নিকট রামনগর নামক গ্রামে, স্বীয় পৈত্রিক ভবনে ১২৫৯ সালের ১৬ই ভাদ্র ( ১৮৫২ খ্রী, ৩০শে অগষ্ট ) সোমবার, বেলা দুই প্রহরের সময়।

মৃত্যু—১৩০৫ সালে, ১লা শ্রাবণ ( ১৮৯৮ খ্রীঃ, ১৬ই জুলাই ) ম্যালেরিয়া জ্বরে কলিকাতার বাটীতে।

বংশ তালিকা—৯ কুমুদানন্দ বা রামমোহন বটব্যাল, ৮ ধর্মদাস, ৭ যাদবেন্দু, ৬ দয়ারাম, ৫ রামকানাই, ৪ কাশীনাথ, ৩ রাজচন্দ্র, ২ শ্রীচূর্ণা-চরণ বটব্যাল, ১ উমেশচন্দ্র বটব্যাল, ২ শ্রীসুরেন্দ্রনাথ বটব্যাল প্রভৃতি ছয় পুত্র। মাতা—প্রসন্নময়ী দেবী।

বংশ পরিচয়—এই বটব্যাল বংশীয়গণ, শাণ্ডিল্য গোত্রজ রাঢ়ীশ্রেণী শুদ্ধ শ্রোত্রীয় ব্রাহ্মণ-কুলোদ্ভব ভট্টনারায়ণ সন্তান। কুমুদানন্দ বা রামমোহন বটব্যাল, খানাকুলের মুখুটী বংশীয়দিগের বাটীতে বিবাহ করিয়া এই স্থানে বাস করেন। তাঁহার পুত্র ধর্মদাস ও যাদবেন্দু সমাজে সম্ভ্রম লাভ করিয়া গোষ্ঠীপতি শ্রোত্রীয় বলিয়া খ্যাতিলাভ করিয়াছিলেন। যাদবেন্দু, পারি-বারিক আরাধ্য দেবতা মদনগোপল দেবের বিগ্রহ প্রতিষ্ঠা করিয়া গিয়াছেন; অদ্যাবধি তাঁহার পূজা ষথাবিধি সুসম্পন্ন হইতেছে। দয়ারাম, বর্দ্ধমান রাজ সরকারে চাকুরী করিয়া এবং বর্দ্ধমান রাজের অধীন অনেক জমীদারী মহালও ইজারা গ্রহণ করিয়া এই বটব্যাল পরিবারকে বিশেষ সমৃদ্ধ করিয়া-ছিলেন। বৃহৎ পরিবারের স্থান সঙ্কুলান না হওয়ায়, দয়ারামই খানাকুল হইতে আপন ইজারা-ভুক্ত মহাল মধ্যে অদূরবর্তী রামনগর নামক গ্রামে আদিয়া বাটী নির্মাণ করেন। দয়ারাম, গভর্নর জেনেরেল হেষ্টিংস সাহেবের সময় বর্দ্ধমান ছিলেন। বর্দ্ধমানের তদানীন্তন কালেক্টর গ্রেহেম সাহেবের বিরুদ্ধে উৎকোচ গ্রহণাপরাধের জন্য কোর্সিলে বিচার কালীন আবশ্যকীয় পাতা পত্র দয়ারামের হস্তাক্ষরে লিখিত থাকায় তাঁহাকে সাক্ষ্য দান করিতে হইয়াছিল। ১১৭৬ সালের দারুণ দুর্ভিক্ষের বৎসর ( ছিয়ান্ডরের মন্বন্তর ), বিকৃত ধাতু বিক্রয় করিয়া তিনি অতিমাত্রায় লাভবান হন। দয়ারামের পুত্র রামকানাই, তান্ত্রিক মতের পক্ষপাতী ছিলেন—"জগদীশ্বরী" নামক মন্দির নির্মাণ করাইয়া তাহাতেই স্বয়ং ইষ্টদেবতার অর্চনা করিতেন। এই মন্দিরে ইষ্টদেবতার অর্চনা করা এক্ষণে পারিবারিক প্রথা হইয়া দাঁড়া-গাছে। রামকানাই, স্বর্গীয় মহাত্মা রামমোহন রায়ের সমসাময়িক ব্যক্তি। রামকানাইয়ের জ্যেষ্ঠ পুত্র কাশীনাথ, তেলেনীপাড়ার জমীদারদিগের নিকট হুত্বসম্পত্তি ইজারা গ্রহণ করিয়া ষথেষ্ট লাভবান হইয়াছিলেন। ইহার মাত্র পুত্র রাজচন্দ্র, শ্রীযুক্ত চূর্ণাচরণ ও অভয়চরণ নামক দুই পুত্র রাখিয়া

৪৬ বৎসর বয়সে দেহ ত্যাগ করেন। শ্রীযুক্ত দুর্গাচরণ বটব্যাল মহাশয়, স্বর্গীয় উমেশচন্দ্র বটব্যাল মহাশয়ের জনক। ইনি এখনও অনন্ত শোকের বোঝা বহন করিয়া জীবিত রহিয়াছেন।

শৈশব, শিক্ষা—পঞ্চমবর্ষ পর্যন্ত গ্রাম্য পাঠশালায় পাঠ করিয়া খানাকুল বঙ্গবিদ্যালয়ে প্রবিষ্ট হন। এখানে ২য় শ্রেণী পর্য্যন্ত পাঠ করিলে পর, পিতা দুর্গাচরণ, স্বর্গীয় প্রসন্নকুমার সর্বাধিকারী প্রতিষ্ঠিত 'খানাকুল কৃষ্ণনগর ইংরাজী সংস্কৃত বিদ্যালয়ে' (Khanakul Krishnanagur Anglo Sanskrit School) অনেক উপরোধের পর বালক উমেশচন্দ্রকে ভর্তী করিতে সমর্থ হন। এই স্কুল হইতে ১৮৬৮ খ্রীঃ এন্ট্রান্স পরীক্ষায় প্রথম বিভাগে উত্তীর্ণ হইয়া উমেশচন্দ্র, মাসিক ১৪ টাকা বৃত্তি পাইলে সংস্কৃত কলেজে এফ, এ, পড়িতে প্রবৃত্ত হইলেন। ১৮৭০ খ্রীঃ এফ, এ পরীক্ষায় প্রথম বিভাগে উত্তীর্ণ হইয়া বৃত্তি লাভ করেন। ১৮৭৩ খ্রীঃ প্রথম বিভাগে এম, এ এবং তাহার পর বৎসর ১৮৭৪ খ্রীঃ বিশ্ব-বিদ্যালয়ের সর্বোচ্চ স্থান অধিকার করিয়া এম, এ পরীক্ষায় উত্তীর্ণ হন। এই সময় সংস্কৃত শাস্ত্রে বিলক্ষণ ব্যুৎপাদি ও রায়চাঁদ প্রেমচাঁদ পত্রি লাভ করায় সংস্কৃত কলেজ হইতে বৃত্তিলাভ—মৌর্যাট্ মেডেল। "বিদ্যালয়কার" উপাধিতে ভূষিত হইলেন। ১৮৭৫ খ্রীঃ বি, এল পরীক্ষায় উত্তীর্ণ হন। ১৮৭৬ খ্রীঃ প্রেমচাঁদ রায়চাঁদ বৃত্তি লাভ করিয়া মৌর্যাট্ পদক পুরস্কার প্রাপ্ত হইয়া বিশ্ব-বিদ্যালয়ের পাঠ সমাপ্ত করিলেন।

প্রসন্নকুমার সর্বাধিকারী মহাশয় প্রথমতঃ বালক উমেশচন্দ্রকে অতি শিশু ভাবিয়া, স্বগ্রামে প্রতিষ্ঠিত বিদ্যালয়ে ভর্তি করিতে আপত্তি করিয়াছিলেন; এখন সেই উমেশচন্দ্রই, তাঁহার অধীনে সংস্কৃত কলেজ হইতে সর্ব প্রথম উপরোক্ত বৃত্তি লাভ করিয়া তাঁহাকে সমধিক গৌরবাবিত্ত করিলেন। উমেশচন্দ্র, প্রসন্নকুমারের প্রতি একান্ত অনুরক্ত ছিলেন—আমরা প্রায়ই তাঁহার নিকট প্রসন্নকুমারের সদস্রম নামোল্লেখ করিতে শুনিতে পাইতাম।

কর্মক্ষেত্র—এম, এ পরীক্ষায় উত্তীর্ণ হইবার অব্যবহিত পরই বটব্যাল মহাশয় নড়াইল ইংরাজী বিদ্যালয়ে মাসিক একশত টাকা বেতনে প্রধান শিক্ষকের পদে নিযুক্ত হন। এই সময় তিনি, প্রেমচাঁদ রায়চাঁদ বৃত্তি পরীক্ষার জন্ত প্রস্তুত হইতে ছিলেন; তজ্জন্ত বৎসর অতীত হইবার পূর্বেই তাহা

পরিত্যাগ করেন। তদনন্তর কিছু দিন সংস্কৃত ও প্রেসিডেন্সি কলেজে শিক্ষকতা করিলে পর ১৮৬৭ খ্রীঃ ১৪ই আগষ্ট তারিখে তিনি ডেপুটি মাজিষ্ট্রেটর পদে নিযুক্ত হইয়া আলিপুরে কার্য্য করিবার আদেশ প্রাপ্ত হন। তমলুক, মানভূম, কলিকাতা প্রভৃতি স্থানে দশবৎসরকাল কার্য্য করিলে পর, প্রতিযোগীতা পরীক্ষায় সর্বোচ্চ স্থান অধিকার করিয়া Statutory Civil Service এর জন্ত মনোনীত হইয়া ১৮৮৮ খ্রীঃ ২ই জুন তারিখে Assistant Magistrate এর পদে নিযুক্ত হইলেন। ১৮৯১ খ্রীঃ হইতে অস্থায়িভাবে মাজিষ্ট্রেটর ও কালেক্টর স্বরূপ বীরভূম, বাঁকুড়া, মালদহ, হাওড়া, বগুড়া প্রভৃতি স্থানে কার্য্য করিলে পর, ১৮৯৬ খ্রীঃ ১লা এপ্রেল তারিখে স্থায়িভাবে মাজিষ্ট্রেটর ও কালেক্টরের পদ প্রাপ্ত হন।

গবর্ণমেন্টের নিকট তিনি সমধিক প্রতিষ্ঠাভাজন হইয়াছিলেন। বঙ্গীয় ব্যবস্থাপক সভায় কোন কোন আইনের পাণ্ডুলিপি উপস্থিত করিবার পূর্বে গবর্ণমেন্ট অনেক সময়ে তাঁহার মতামত গ্রহণ করিতেন। উমেশচন্দ্র যখন বীরভূমে জয়েন্ট মাজিষ্ট্রেট ছিলেন, তখন তৎকালীন ছোটলাট সাহেব বাহাদুর (Sir Charles Elliot) উক্ত জেলা পরিদর্শন করিয়া তাঁহার সহিত কথোপকথনে ও তাঁহার কার্য্যতৎপরতা দর্শনে অতিশয় সন্তুষ্ট হইয়া কলিকাতা প্রত্যাগমন করিলে পর, তাঁহাকে জেলার মাজিষ্ট্রেট পদে অস্থায়িভাবে নিযুক্ত করেন। মালদহ জেলার অবস্থান কালে, তাঁহার কার্য্যে সন্তুষ্ট হইয়া ছোটলাট সাহেব বাহাদুর, স্বহস্তে পত্র লিখিয়া আপন সন্তোষ জ্ঞাপন করিয়াছিলেন। ১৮৯৪ খ্রীঃ নভেম্বর মাসে মালদহ হইতে বগুড়ায় স্থানান্তরিত করিবার সময়, তৎকালীন বাঙ্গালা গবর্ণমেন্টের চিফ সেক্রেটারী, শ্রীযুক্ত কটন সাহেব বাহাদুর তাঁহাকে যে পত্র লিখিয়াছিলেন, তাহার কতকাংশ এই স্থলে উদ্ধৃত হইল—

" \* \* \* Sir Charles Elliot is pleased to have heard a very favourable account of your work at Maldah and I am to say that one of the reasons you are selected for Bogra is that it is necessary to find an officer for that District who will not only stay there for some time but will be able to raise the standard of administration which has unfortunately been much neglected. You will find that all departments there require to be well worked after. \* \* \*

সাহিত্য-সেবা—বটব্যাল মহাশয়ের বৈদিক প্রবন্ধাবলী সাধারণ পাঠক-বর্গের মধ্যে তাদৃশ সমাদর লাভে অসমর্থ হইলেও, তৎসমুদয়ে যে বঙ্গভাষার প্রভূত উপকার সাধন করিয়াছে, তদ্বিষয়ে অণুমাত্র সন্দেহ নাই। তিনি স্বাধীন ভাবে, পাশ্চাত্য পদ্ধতি অবলম্বন করিয়া, এই প্রবন্ধ সমূহে, বৈদিক কালের আৰ্য্য সমাজের চিত্র অঙ্কিত করিতে প্রয়াসী হইয়াছিলেন। তৎসমুদয়ে তাঁহার অসাধারণ পাণ্ডিত্য ও গভীর গবেষণা শক্তির পরিচয় প্রাপ্ত হওয়া যায়। বটব্যাল মহাশয় গুরুতর সরকারী কর্তব্য কার্যে নিযুক্ত রহিয়াও যে সাহিত্য-সেবায় প্রবৃত্ত হইতে পারিয়াছিলেন, ইহা আমাদের পরম মৌভাগ্যের কথা।

বেদান্ত শাস্ত্রের প্রতি তাঁহার অতিশয় অনুরাগ ছিল। দর্শন শাস্ত্রের মধ্যে সাংখ্যদর্শন তাঁহার প্রিয় ছিল এবং তিনি এই দর্শনশাস্ত্রের হৃত্র ও কারিকাবলম্বনে স্বাধীনভাবে যেরূপ বৃত্তিতে পারিয়াছিলেন, তাঁহার সাংখ্যদর্শন ব্যাখ্যায় তাহাই প্রকাশ করিয়া গিয়াছেন। ব্যাখ্যা সকল স্থলে প্রচলিত মতানুযায়ী না হইলেও, ইহাতে তাঁহার গভীর দার্শনিক গবেষণা শক্তির পরিচয় প্রাপ্ত হওয়া যায়।

মালদহ জেলায় অবস্থান কালে, তিনি ধর্মপাল প্রদত্ত একখানি অতি প্রাচীন, সংস্কৃত ভাষার পালী অক্ষরে লিখিত, তাম্রশাসন আবিষ্কার করেন। এই তাম্রশাসন খানির পাঠোদ্ধার করিয়া, তিনি ইংরাজীতে Asiatic Society's Journal এবং বাঙ্গালার "সাধনা" নামক সাময়িক পত্রিকায় টীকা টিপনী সহ প্রকাশিত করেন। আদিশুর কাণ্ডকুজ হইতে যে পঞ্চব্রাহ্মণ এতদ্বিধে আনয়ন করেন, তাঁহাদের মধ্যে শাণ্ডিলাগোত্রজ ব্রাহ্মণগণের পূর্ব পুরুষ ভট্টনারায়ণকে, রাজা ধর্মপাল যে চারিখানি গ্রাম প্রদান করেন, এই তাম্রশাসন খানি তাহারই সনন্দ। ইহাতে তৎকালীন রাজকীর প্রথার অনেক পরিচয় প্রাপ্ত হওয়া যায়; এই নিমিত্ত ইহা প্রত্নতত্ত্বজদিগের অতি আদরের বস্তু স্বরূপ পরিগণিত হইয়াছে।

বঙ্গদেশে বৈষ্ণবধর্ম মহা অনর্থের মূল, এইরূপ একটা উৎকট ধারণা কিরূপে তাঁহার মনোমধ্যে স্থান পাইয়াছিল। এই নিমিত্ত তিনি প্রচলিত বৈষ্ণব ধর্মের প্রতিকূলে দণ্ডায়মান হইয়া, সাহিত্য পত্রিকায় "গৌরান্ধচরিত" নামক প্রবন্ধে প্রেমাবতার শ্রীচৈতন্যদেবের চরিতালোচনায় প্রবৃত্ত হইয়া ইতিপূর্বে তিনি সাধারণের নিকট যে শ্রদ্ধা ও ভক্তি প্রাপ্ত হইতেছিলেন তাহা হইতে এক প্রকারে বঞ্চিত হইলেন।

বটব্যাল মহাশয় রচিত প্রবন্ধাবলীর মধ্যে কতকগুলি, তাঁহার পরলোক-প্রাপ্তির পর, সম্প্রতি তদীয় পুত্রগণ কর্তৃক "সাংখ্যদর্শন" ও "বেদপ্রকাশিকা" নাম দিয়া পুস্তকাকারে প্রকাশিত হইয়াছে।

এতদ্ব্যতীত বহুতর অসম্পূর্ণ রচনাবলী, এখনও অপ্রকাশিত রহিয়াছে এবং কতকগুলি তাঁহার মৃত্যুর পর 'সাহিত্য-পত্রিকায় প্রকাশিত হইয়াছে।

মতামত—উমেশচন্দ্র, সাংখ্য মতানুবর্তী দ্বৈতবাদী ছিলেন; কিন্তু শেষ বয়সে ঈশ্বরবাদে আস্থাবান হইয়াছিলেন। ইংরাজা শিক্ষার গুণে তিনি প্রচলিত উপাসনা ও পৌত্তলিকতার প্রতি বীতশ্রদ্ধ হইয়াছিলেন; কিন্তু বাবনের শেষাংশে পারিবারিক প্রথানুযায়ী যন্ত্রযোগে উপাসনার পক্ষপাতী হইয়াছিলেন। 'সমাজধর্ম পালনে, তিনি চাতুর্ক্যের উপর প্রতিষ্ঠিত বেদ-মূলক ব্রাহ্মণ নিয়ন্ত্রিত সামাজিক ব্যবহারে অনুরাগী ছিলেন'।

বিবিধ—বটব্যাল মহাশয়ের স্বভাব অতিশয় নম্র ছিল; এই নিমিত্ত তিনি সমাজে সকলের প্রিয় হইতে পারিয়াছিলেন। তিনি কোনরূপ হুর্নীতির প্রশংসা দিতেন না; বাহ্যাদৃশ্যে তিনি ভালবাসিতেন না। বৈদেশিক পরিচ্ছদের প্রতি তিনি অনুরক্ত ছিলেন না—উপরিখন কর্মচারীগণ এই নিমিত্ত ইহাকে অনেক সময় প্রশংসা করিতেন।

শেষ—১৮৯৮ খ্রীঃ ফেব্রুয়ারী মাসে বগুড়া জেলায় মফঃস্বল পরিভ্রমণ কালে তিনি ম্যালেরিয়া জরে আক্রান্ত হন। চিকিৎসা বা স্থান পরিবর্তনে কোন ফলোদয় হইল না। অবশেষে ১৮৯৮ খ্রীঃ ১৬ই জুলাই তারিখে ৩০.৫ মাল ১লা শ্রাবণ) বৃদ্ধ পিতামাতা এবং অনেকগুলি শিশু সন্তান বিধিয়া অকালে ৪৬ বৎসর মাত্র বয়সে মানবগীলা সম্বরণ করেন। তাঁহার মৃত্যু সংবাদ প্রাপ্ত হইয়া গভর্নমেন্ট পক্ষ হইতে শ্রীযুক্ত বোর্টন সাহেব হুজর (Hon'ble Mr. C. W. Bolton C. S. I.) তাঁহার জ্যেষ্ঠ পুত্র যুক্ত বাবু সুরেন্দ্রনাথ বটব্যাল মহাশয়কে যে পত্র লিখিয়াছিলেন, তাহার দশ মাত্র উদ্ধৃত হইল।

"I heard yesterday with deep regret the sad death of your father. The Lieutenant Governor, to whom I communicated the news today is extremely sorry. His Honor has directed me to communicate to you and all the members of your family his deep sympathy. My own sym-

pathy is within your great affliction. The Government has lost in your father a most excellent officer whose work, wherever he was placed, was marked by conscientiousness, ability and vigour. The Public service has distinctly suffered by his untimely removal at an age when many years of active life appeared to be yet before him."

(স্বর্গীয় বটব্যাল মহাশয়ের জ্যেষ্ঠ পুত্র শ্রীযুক্ত বাবু সুরেন্দ্র নাথ বটব্যাল কর্তৃক "সাহিত্য-সেবকের" নিমিত্ত বিশেষ ভাবে সংগৃহীত জীবনী; সাহিত্য ১৯০৫; প্রদীপ)

শ্রীশিবরতন মিত্র ।

## বৈজ্ঞানিকের ভুল নহে ।

### অজ্ঞতা ও অপূর্ণতা ।

ছাদশ বর্ষ বয়স্ক বালক শ্বেতকেতুকে তদীয় পিতা আকর্ণি অধ্যয়নাৎ শুরুগৃহে প্রেরণ করিয়াছিলেন। শ্বেতকেতু গুরুগৃহে ছাদশ বৎসর অবস্থান করিয়া ষড়ঙ্গ সহিত সমগ্র বেদ অধ্যয়ন করিয়া গৃহে প্রত্যাগত হইলেন। আকর্ণি পুত্রকে উদ্ধত ও পণ্ডিতম্ভ্র অবলোকন করিয়া মনে মনে চিন্তা করিলেন—অজ্ঞতা ও অপূর্ণতাই ঔদ্ধত্যের ও অজ্ঞতার কারণ। তখন তিনি শ্বেতকেতুকে জিজ্ঞাসা করিলেন, "হে বৎস! তুমি কি গুরুর নিকট সেই বিদ্যা শিক্ষা করিয়াছ, যাহা শিক্ষা করিলে যাবতীয় অজ্ঞাত জ্ঞাত হওয়া যায়, অশ্রুত শ্রুত হওয়া যায়? যেমন মৃত্তিকা জানিলে সমস্ত মৃৎপদার্থ জানা যায়, সুবর্ণ-জানিলে সুবর্ণ-নির্মিত সমস্ত অলঙ্কারাদি জানা যায়, সেইরূপ এই বিশ্বে একমাত্র সত্য পদার্থ আছেন, তাঁহাকে জানিলে বিশ্বের যাবতীয় পদার্থ জানা যায়।" শ্বেতকেতু এই বিদ্যা গুরুর নিকট শিক্ষা করিয়াছিলেন না, আকর্ণি তাঁহাকে শিক্ষা প্রদান করেন। এই বিদ্যা নাক ব্রহ্মবিদ্যা। (১)

বিজ্ঞানই বলুন, দর্শনশাস্ত্রই বলুন, সকলেই এ কথা স্বীকার করেন যে একটা মহাশক্তি হইতে এই বিশ্ব প্রসূত হইয়াছে। মহাত্মা হার্বার্ট স্পেন্সারও বলিতে বাধ্য হইয়াছেন—"There is an everlasting energy

(১) ছান্দোগ্য উপনিষৎ ।

from which everything proceeds," কিন্তু তিনি তাঁহার "First Principles" নামক গ্রন্থে সৃষ্টি-প্রক্রিয়ার সর্বমতের প্রতি দোষারোপ করিয়া হাকে অজ্ঞেয় (The unknowable) সংজ্ঞা প্রদান করিয়াছেন। অজ্ঞেয় কেন? মানবের জ্ঞানেন্দ্রিয় যতদূর বিকাশ প্রাপ্ত হইয়াছে, তাহাতে মানবের এই বিষয় জানিবার পক্ষিকার জন্মে নাই। এই স্থানেই বৈজ্ঞানিকের অজ্ঞতা ও অপূর্ণতা। অজ্ঞতা কেন? মানবের জ্ঞানেন্দ্রিয়ের রাজা মন সর্বপ্রধান ইন্দ্রিয়। তদতিরিক্ত মানবের বুদ্ধি, অহঙ্কার ও জীবাশ্মা আছেন। মনও এই সকলকে বিকাশিত করিলে অজ্ঞেয় জ্ঞেয় হয়েন কিনা, তাহা অনুমান করা কর্তব্য। স্বেচ্ছাপূর্বক অন্ধ হওয়া জ্ঞানের কার্য্য নহে, গৌড়ামি। তৎপর প্রশ্ন, এই অপূর্ণতা কেন? সমস্ত জড়পদার্থকে ক্ষিতি, অপ, তেজ, মরুৎ ও আকাশের মধ্যে সীমাবদ্ধ করা যায়। এই পাঁচটি স্থূল জড়পদার্থ। এই পাঁচটির প্রত্যেকের এক একটি সূক্ষ্মাবস্থা আছে। জড় আকাশেরও সূক্ষ্মাবস্থা আছে। আকাশকে যদি বৈজ্ঞানিক ভাষায় ইথার (Ether) সংজ্ঞা দেওয়া যায়, তাহা হইলে ইথারও প্রথম, দ্বিতীয় ও তৃতীয় স্তরের আছে, তাহার প্রথমটি হইতে তৎপরপরটি সূক্ষ্ম হইতে সূক্ষ্মতর ও সূক্ষ্মতম। ক্ষিতি, অপ, তেজ, মরুৎ ও আকাশ সমন্বিত জগতে যত পদার্থ সৃষ্টিগোচর হইতেছে বা হইতে পারে, তৎসমস্তের অবিকল এক একটি সূক্ষ্ম আকার-নির্মিত নকল আকার আছে। বিজ্ঞান এখনও নৈশব অবস্থায় আছেন। অল্প দিন হইল অধ্যাপক জগদীশচন্দ্র বসু প্রথম স্তরের জড় আকারের কিছু কিছু গুণ আবিষ্কার করিয়াছেন, এখন পর্য্যন্ত সূক্ষ্ম ইথারের বিষয় চিন্তাগম্য হয় নাই।

মহাত্মা হার্বার্ট স্পেন্সার যে যে কারণে "অজ্ঞেয় মতে" উপনীত হইলেন, তাহার সেই সেই কারণ ও যুক্তি খণ্ডন করিয়া ভারতীয় ব্রহ্মবিগণ "ব্রহ্ম জ্ঞেয়, ব্রহ্ম হইতে প্রসূত যাবতীয় পদার্থ জ্ঞেয়" এই সিদ্ধান্ত স্থির করিয়াছেন। ব্রহ্মবিগণ ব্রহ্মতত্ত্বানুসন্ধানের জন্ত সমবেত হইয়া পরস্পর মধ্যে এই সিদ্ধান্ত উত্থাপিত করিলেন—"ব্রহ্মই কি এই বিশ্বসৃষ্টির কারণ? না কারণটিরেকেই এই বিশ্বের উৎপত্তি হইয়াছে? আমরা কোথা হইতে জন্মগ্রহণ করিয়াছি এবং কেনইবা জীবিত রহিয়াছি? মহাপ্রলয় সময়ে এই বিশ্বের বিনশ্ত কোথায় অবস্থান করিয়াছিল এবং কোথায়ইবা অবস্থান করিবে? জন্ত ও কাহার কর্তৃক আমরা সূত্রস্থে আবদ্ধ হইয়া কালাতিপাত

করিতেছি? ব্রহ্মই কি এই সমুদয় ব্যাপারের কারণ, না আপনা আপনি এই বিশ্ব সৃষ্ট ও পালিত হইতেছে? কালই কি এই বিশ্বের সৃষ্টিস্থিতি প্রলয়ের হেতু, অথবা পদার্থের প্রতিনিয়ত-শক্তি-স্বভাব হেতু, অথবা কোন কারণ ব্যতীত অকস্মাৎ এই বিশ্ব সৃষ্ট হইয়াছে, অথবা ক্ষিত্যপ্তেজো-মরুদ্যোম এই বিশ্বের কারণ, অথবা বিজ্ঞানময় আত্মাই এই জগৎপতির কারণ।" (১) মহর্ষিগণ বহু তর্কবিতর্কের পর নির্ণয় করিলেন যে—“একো-দেব সর্বভূতেষু গুঢ়ঃ” এক সংপদার্থ সমস্ত ভূতে সূক্ষ্মরূপে অবস্থান করিতেছেন, তাঁহার সত্তাতেই সকলে সত্তাবান্। প্লেটো ও তাঁহার শিষ্যের কথোপকথনে, অথবা শ্রীশঙ্করাচার্যের হস্তামলক পাঠে জানা যায়—মানুষকে চিন্তা করিতে হইলে, হস্ত আমার, পদ আমার, মস্তক আমার ইত্যাদি প্রকৃত কিন্তু “আমি” কে? অতীন্দ্রিয় সূক্ষ্ম পদার্থ। এইরূপ কোন জড়পদার্থকে, যেমন একখানা পুস্তককে, চিন্তা করিতে হইলে তাহার দৈর্ঘ্য, বিস্তৃতি, বর্ণ প্রভৃতি গুণমাত্র চিন্তা করা যায়, কিন্তু প্রকৃত বস্তু সূক্ষ্ম। এই সূক্ষ্ম পদার্থই আত্মা। সৃষ্টির পূর্বে একমাত্র ব্রহ্ম ছিলেন, তিনি স্বেচ্ছায় বুদ্ধি প্রাপ্ত হইয়া জড় পদার্থ (Matter) সৃষ্টি করিয়া তন্মধ্যে অনুপ্রবিষ্ট হইলেন (ensouls matter)। জড় পদার্থের সম্যক জ্ঞান, প্রকৃত জ্ঞান লাভ করিতে হইলে সূক্ষ্ম ইথারের জ্ঞান আবশ্যিক, অথবা একমাত্র ব্রহ্মজ্ঞান লাভ করিতে পারিলেই ব্রহ্ম হইতে উদ্ধৃত সমস্ত পদার্থের জ্ঞান অনায়াসেই লভ্য হয়। এই জগত্ই সমস্ত উপনিষৎ মাথার দিব্য দিয়া অনুরোধ করিয়াছেন—“ব্রহ্ম বিদ্যা লাভ কর, তাহা হইলেই তুমি পূর্ণজ্ঞানী হইবে ও মুক্ত হইবে।” ব্রহ্ম বিদ্যা দ্বারা জীব মুক্ত হয় কেন। এই যে যত আকৃতি বিশিষ্ট জীব বা জড়পদার্থ দেখিতেছেন, আকারই প্রকৃত জীবাত্তার ও প্রকৃত সূক্ষ্ম জড়পদার্থের পৃথক অস্তিত্বের কারণ, আকারই ইহাদের কারাগার। এই আকারের নাম আত্মা—অর্থাৎ পরমাত্তা নিয়মিত বা পরিমিত হইতেছেন (স্বীয়তে ব্রহ্ম অনয়া ইতি)। আকার ধ্বংস কর, দেহরূপ কারাগারের দ্বার অজ্ঞানরূপ অর্গল দ্বারা বন্ধ আছে, তাহা খুলিতে চেষ্টা কর, এই দ্বার খুলিতে সক্ষম হইলেই আকারের অর্থাৎ মায়া নশ হইবে, সূতরাং মুক্তি। কিন্তু মুক্তি বলিলেই সেই দ্বার খোলা যায় না। Knock, knock incessant-

(১) ধ্যেতবতরোপনিষৎ।

and it shall be opened unto you” ক্রমাগত, অবিশ্রান্ত আঘাত কর, তাহা হইলেই দ্বার খুলিবে।

For all that happens down here is but the reflection in gross matter of the happenings on higher planes. As above, so below. The physical is the reflections of the spiritual. (A study in Consciousness).

বিজ্ঞান অপূর্ণ হইলেও উন্নতিমার্গে অনেক দূর অগ্রসর হইয়াছেন। একত্রে উপনীত হওয়াই সর্বজ্ঞানের চরম উদ্দেশ্য। অগস্ত কোমৎ সমস্ত বিজ্ঞানকে এক সূত্রে গ্রথিত করিবার যত্ন পাইয়াছিলেন। বিদ্যুৎ, ম্যাগনেটিজম, আলো, তাপ প্রভৃতি সমস্ত শক্তি এক শক্তিতে পরিণত ও নীত হইয়াছে। এই সমস্ত শক্তিকে ঈশ্বরের বা আকাশের শক্তির অন্তর্ভুক্ত করিতে পারিলে, আকাশের শক্তির সম্যক জ্ঞান লাভ করিতে পারিলে, জড়-বিজ্ঞান পূর্ণতা লাভ করিতে পারিবে। তৎপর জড়পদার্থ (matter) ও আত্মা (soul) একই পরমাত্তার বিকাশ, এই জ্ঞান লাভ করিতে পারিলে, জীব পূর্ণজ্ঞানী হইয়া কারাগারের দ্বার ভগ্ন করিয়া ব্রহ্ম হইতে পারেন, কারণ ব্রহ্মবিদ ব্রহ্মৈব ভবতি। তাহা হইলে বলিতে পারেন, “এবার বাঘ ভেঙ্গেছে দ্বারটা।”

It is the self-conditioned (স্বেচ্ছায় মায়া রূপ সীমাবদ্ধ) Logos (পরম ব্রহ্ম) inseperate at every point with the matter, He has appropriated for his universe, ere He draws Himself a little part from it in the second manifestation.

As a workman chooses out the material he is going to shape into his product, so does the Logos choose the material and the place for His Universe. (A Study in Consciousness).

কিন্তু এ কথা যেন কেহ মনে না করেন যে, এই পরিদৃশ্যমান সৃষ্ট বিশ্বই ব্রহ্ম। প্রকৃত পক্ষে তাহা নহে। ব্রহ্ম স্বতন্ত্র বস্তু।

But He will not be merged in His work. That marvelous Individuality (অচিন্ত্য ভেদ বা ব্যক্তিত্ব) is not lost, and only a portion thereof suffices for the life of a Kosmos. The



Logos, the Oversoul remains the God of His Universe. (Do

প্রকৃতির অসীম ও অনন্ত শক্তির সম্যক্ জ্ঞান, লাভ ও সীমাবদ্ধ মানব, মায়াবদ্ধ জীব, লাভ করিতে পারে না। প্রকৃতির গতি, শক্তি ও নিয়মের মানব অধিক পরিমাণে জ্ঞাত হইয়াছেন, তিনিই অধিক বিজ্ঞ, সুতরাং বিজ্ঞতা একটী আপেক্ষিক শব্দ। মহাত্মা নিউটন বলিয়াছিলেন যে, তিনি বানকের ত্রায় বেলাভূমিতে উপলব্ধি সংগ্রহ করিতেছেন মাত্র, কিন্তু জ্ঞান-মহার্গবের পুরোভাগ অক্ষুণ্ণই রহিয়াছে। বাষ্প, গ্যাস, বিদ্যুৎ ও ইথারের সামান্য শক্তি মাত্র আবিষ্কৃত হইয়া জগতে অত্যাশ্চর্য ঘটনা সংঘটিত হইতেছে। অল্প দিন মাত্র ( অনন্ত কাল ও অনন্ত জ্ঞানের তুলনায় ) মানবচিত্তের বোধোদয় হইতে আরম্ভ হইয়াছে, এখনও জ্ঞান মহার্গবের পুরোভাগ অনাবিষ্কৃত অবস্থায় পড়িয়া আছে।

A force in Nature which is referred to in Sanskrit writings as *Akas* (আকাশ). Western science has done much in discovering some of the properties and powers of electricity.....

*Akas*, be it then understood, is a force for which we have no name, and in reference to which we have no experience to guide us to a conception of its nature. One can only grasp at the idea required by conceiving that it is as much more potent, subtle, and extra-ordinary an agent than electricity as electricity is superior in subtlety and variegated efficiency to steam. (A. P. Sinnett).

যদি অদ্য কেহ ঘোর নিদ্রায় অভিভূত হইয়া এক শত বৎসর পরে জাগ্রিত হন, তাহা হইলে তিনি যেকি অত্যদ্ভুত বিস্ময়কর কাণ্ড দেখিবেন, তাহা কল্পনাও করা যায় না। কবি টেনিসন্ বলিয়াছেন—

“—Sleep through terms of mighty wars,  
And wake on science grown to more,  
On secrets of the brain, the stars,  
As wild as aught of fairy lore.”

জড়বিজ্ঞান, মনোবিজ্ঞান ও ধর্মবিজ্ঞান পরস্পরের মধ্যে অবিশ্রান্ত দ্বন্দ্ব প্রবৃত্ত হইয়াছেন, এ পর্য্যন্ত কোন সন্ধি স্থাপন হয় নাই, কিন্তু সন্ধি স্থাপন

শান্তি আনয়নের চেষ্টা চলিতেছে। বোধ হয়, বিংশ শতাব্দীর মধ্যেই সেই আনন্দের দিন আসিবে।

Theologies opposed to Theologies ; Philosophies opposed to Philosophies, and Theology and Philosophy at war with each other. Such is the anarchy in the higher regions.

In France and Germany at least, great opposition between Theology and Philosophy openly pronounced.

In the sciences there is less dissidence, but there is the same absence of any general doctrine, each science is on a firm basis, and rapidly improves, but a Philosophy of Science was nowhere to be found.....Men of speculative ability saw clearly enough that however exact each science might be in itself, it could only form a part of Philosophy. (History of Philosophy)

উল্লিখিত তিন বিজ্ঞান পরস্পরের আবিষ্কার প্রতি বিশ্বাস স্থাপন করিয়া উন্নত হইবার চেষ্টা না করিলে সকলেই সীমাবদ্ধ ও দুর্বল হইয়া পড়িবেন। এই তিন বিজ্ঞান যে স্বীকার্য ও স্বতঃসিদ্ধ স্থাপন করিয়া উন্নত হইবার চেষ্টা করিতেছেন এবং স্বতন্ত্রভাবে স্বাধীন চিন্তা ও অনুসন্ধান বলে যে যে মত ও প্রতিজ্ঞা সপ্রমাণিত ও প্রামাণিক বলিয়া গ্রহণ করিয়াছেন, বাস্তবিক তাহা ভুল নহে, অদ্রান্ত সত্য, কিন্তু অসম্পূর্ণ ও আংশিক সত্য। পূর্ণতা প্রাপ্ত হইতে হইলে তিন বিজ্ঞানকেই একত্র হইয়া পরস্পরের সাহায্যে উন্নত হইবার চেষ্টা করিতে হইবে। যখন এই তিন বিজ্ঞান এক মূলজ্ঞানে পরিণত হইবেন, তিন তত্ত্ব ( Trinity ) এক তত্ত্বে উপনীত হইবেন, ব্রহ্মা বিষ্ণু মহেশ্বর এক মহাবিশ্বের বা ভগবানের অংশভূত থাকা সাব্যস্ত হইবেন, (ভাগবত ও চণ্ডী দ্রষ্টব্য), পিতা (Father) পুত্র (Son) ও পবিত্র আত্মা (Holy spirit) একই ঈশ্বর নির্ণীত হইবেন, সত্ত্ব রজ তম তিন গুণের উপ-বৈষম্য নষ্ট হইবে, তখন তিন এক হইয়া যাইবেন, তাহাই পূর্ণাবস্থা, তখন বহুত্ব একত্বে পরিণত হইবেন।

প্রমাণ তিন প্রকার, প্রত্যক্ষ, অনুমান, ও ভ্রমপ্রমাদশূন্য আপ্তবচন (ঋগ্বেদীয় সাক্ষীর বাক্য)। কোন বিষয়ের প্রকৃত তথ্য নির্ণয় করিতে হইলে

এই তিন প্রকার প্রমাণেরই সাহায্য অবলম্বন করিতে হয়। পূর্বেই কথিত হইয়াছে, এক পরমাণু হইতেই জড় পদার্থ (matter) বিকাশিত হইয়াছে, এবং পরমাণু জড়পদার্থে অণুপ্রবিষ্ট হইয়াছেন (ensouled)। অনন্তকাল, অনন্ত শূন্য, অসীম আকাশ বা সূক্ষ্ম ইথার, জড় ইথার, বায়ুমণ্ডল (Firmament), আত্মা বা আত্মিক বিকাশ, সূক্ষ্ম শরীর বা লিঙ্গ শরীর, কারণ শরীর প্রভৃতি নরচক্ষুর অগোচর হইলেও তাহাদের অস্তিত্ব অস্বীকার করা অথবা অস্তিত্বে সন্দেহান হওয়া পাণ্ডিত্যের কার্য্য নহে। ছানোগ্য উপনিষদে একটি দৃষ্টান্ত আছে। আরুণি তাঁহার পুত্র খেতকেতুকে একটি বটবৃক্ষের ফল আনয়ন করিতে বলিলেন। ফল আনীত হইলে আরুণি পুত্রকে ঐ ফল ভঙ্গ করিতে বলিলেন। খেতকেতু ঐ ফল ভঙ্গ করিলে আরুণি তাঁহাকে জিজ্ঞাসা করিলেন “কি দেখিতে পাইতেছ? খেতকেতু বলিলেন “সূক্ষ্ম বীজের মত”। তৎপর আরুণি খেতকেতুকে পুনরায় একটি সূক্ষ্ম বীজ ভঙ্গ করিতে বলিয়া জিজ্ঞাসা করিলেন “এখন কি দেখিতেছ?” খেতকেতু বলিলেন “ভগবন্! কিছুই নহে।” তখন আরুণি বলিতে লাগিলেন “তুমি বট বীজের যে অণিমা দেখিতে পাইতেছ না, তাহা হইতে শাখাফল সমন্বিত বৃহৎ বটবৃক্ষ উৎপন্ন হইতেছে। বৎস! আমার কথা সত্য বলিয়া শ্রদ্ধা কর। এই বট বীজ হইতে বটবৃক্ষের স্রাব, অতি সূক্ষ্ম পরমাণু হইতে নামরূপ আকার বিশিষ্ট বিচিত্র বিশ্ব সৃষ্ট হইয়াছে। এইজন্ত সেই আত্মা জগৎ আত্মময়। তিনি পরমার্থ সত্যবস্ত।”

প্রকৃতির ক্রিয়া ও গতি পর্য্যবেক্ষণ করিয়া, স্থূল ক্ষিতি, স্থূল অপ, স্থূল তেজ, স্থূল মরুৎ ও স্থূল ইথারের কার্য্য ও গতি শক্তি পর্য্যবেক্ষণ করিয়া জড় পদার্থ (matter) এবং জড়পদার্থের উপর স্পন্দন শক্তির কার্য্য (Vibrations) ও গতিশক্তি বা বল (motion, energy) প্রভৃতির স্বভাব ও কার্য্য প্রণালী পর্য্যবেক্ষণ করিয়া প্রকৃতিবিজ্ঞান যে সমস্ত নিয়ম আবিষ্কার করিয়াছেন, তাহা কখনই ভুল নহে। কিন্তু বিজ্ঞান এখনও শৈশব অবস্থায় আছেন। সূক্ষ্ম ক্ষিপ্তপতেজোমরুৎসোমের ও সূক্ষ্ম ইথার বা আকাশের শক্তির বিষয় এবং অতি সূক্ষ্ম আত্মার ইচ্ছাশক্তির অসীম ক্ষমতার বিষয়ে বিজ্ঞান সম্পূর্ণ অন্ধ ও অজ্ঞই আছেন।

সর্বোত্তম জ্ঞান কি? ডেল্ফিক দৈববাণী বলিয়াছেন “Know thyself” আত্মা, আকার (form) ও বর্ণ (Colour) রহিত। কিন্তু আত্মা

চিন্তাশক্তি ও ইচ্ছাশক্তি আছে। এই ইচ্ছাশক্তি বা চিন্তাশক্তি বাহুবস্তুর দ্বারা সংস্পৃষ্ট না হইয়া ইথার বা আকাশের উপর কার্য্য করিয়া একত্রীভূত, সনীভূত ও জননশক্তি সম্পন্ন (magnetised) হইলে প্রকৃতির জড় শক্তিকে পরাভব করিতে পারে, সময় ও দূরত্বের ব্যবধান, স্থূলত্বের আবরণ ও বস্তুর ভারত্ব প্রভৃতি সমস্তই জয় করিতে পারে এবং সূক্ষ্মতম পরমাণুকে দর্শনীয় আকারে পরিণত করিতে পারে। এই বিশ্বের সমস্ত শক্তি এক ইচ্ছাশক্তি বা চিন্তাশক্তির অন্তর্ভূত। যেমন আলো, তাপ, ম্যাগনেটিজম্, তড়িৎ প্রভৃতি সমস্ত বল (energy) কে এক গতি শক্তিতে (motion, vibrations,) পরিণত করিবার চেষ্টা হইতেছে, সেইরূপ সমস্ত শক্তিকে ইথারের বা আকাশের শক্তিতে ও তৎপর আত্মার ইচ্ছা বা চিন্তা শক্তিতে পরিণত করা যাইতে পারিবে। ইহার কিছু কিছু আভাস এখনই পাওয়া যাইতেছে।

প্রকৃতিবিজ্ঞান, মনোবিজ্ঞান ও ধর্ম্য বিজ্ঞানকে এক সূত্রে গ্রথিত করিয়া এক মহা বিজ্ঞানে পরিণত করিতে হইবে। তাহা কিরূপে করা যাইতে পারে? প্রকৃতিবিজ্ঞানকে মূলভিত্তি স্বরূপ গ্রহণ করিয়া তাহার চেষ্টা করিতে হইবে, কারণ প্রকৃতিবিজ্ঞানের আবিষ্কৃত সত্য অদ্রান্ত। (How is this to be effected? Obviously by taking Science as the basis;” History of Philosophy)। দর্শন শাস্ত্র বা মনোবিজ্ঞানকে ভিত্তি স্বরূপ গ্রহণ করিলে সেই উন্নতি মার্গে উপনীত হওয়া মুকঠিন।

The incompetence of Metaphysics has been clearly exhibited in this history (History of Philosophy), Nothing therefore but Science remains. Nevertheless, science only furnishes the basis. It must be transformed into a Philosophy before it can satisfy the higher needs. Even the encyclopaedic knowledge of a Humboldt was powerless, because it was scientific knowledge, not Philosophy, even as scientific knowledge it had the fatal defect of incompleteness, it embraced only cosmical knowledge only.)

মানব এই জগতীতলে ক্রিয়াশীল শক্তি সমূহের ক্রীড়নক মাত্র। সৃষ্টির দীর্ঘ অবস্থায় অশিক্ষিত মানব তাহা অপেক্ষা প্রবলতর শক্তিকে ব্যক্তিরূপে

কল্পনা করিয়া ভীতি বা প্রীতি বশতঃ তাহার নিকট যে যে বস্তু উপানের প্রতীতি হইত, তদ্বারা তাহাকে পূজা করিত, তাহার দৃষ্টিতে যে যে অনঙ্গর ও যেরূপ বেশ মনোরম বোধ হইত, তদ্বারা বিভূষিত করিত । কাল সহকারে বহু দর্শন, পর্যবেক্ষণ, ও সিদ্ধান্ত বলে মানব বুদ্ধিতে পারিল যে, তাহা অপেক্ষা প্রবলতর শক্তি এই জগতে কার্য্য করিতেছেন বটে, কিন্তু সেই শক্তি বহু নহে, এক মহাশক্তিরই বিভিন্ন বিকাশ, এবং সেই শক্তি এক শক্তি মাত্র, শক্তি ও শক্তিমাণে কোন পার্থক্য নাই । বুদ্ধিমান্ মানব আরও জানিতে পারিল যে, সে নিজেই সর্ব শক্তির সংক্ষিপ্ত সার । তাহার নিজকে নিজে পূর্ণ উন্নতি-পদবীতে আরুঢ় করাইতে পারিলে সে স্বয়ংই সেই শক্তিমানের সমান হইতে পারে । ব্রহ্মবিৎ ব্রহ্মই হইতে পারেন । অজ্ঞ অশিক্ষিত মানবকে উচ্চতম সত্য শিক্ষা দিবার জন্ত ভগবান্ অবতার রূপে, শিক্ষকরূপে অথবা স্বয়ং অবতাররূপে জগতে অবতীর্ণ হইতে পারেন । সমস্ত ধর্ম-শাস্ত্রকে এক পর্যায়ে নিবদ্ধ করিতে হইলে ইহাই এক মাত্র উপায় বলিয়া গ্রহণ করা যাইতে পারে । সেই মহাশক্তি ও শক্তিমানের প্রকৃতি অবগত হওয়া, তাঁহাকে উপাসনা করা ও তাঁহার সমীপে ক্রমশঃ অগ্রসর হইবার চেষ্টা করাই মানব জীবনের উদ্দেশ্য ।

জড়বিজ্ঞান প্রত্যেক পদার্থের ও গতি শক্তির উৎপত্তি ও ক্রিয়া পর্যবেক্ষণ করিয়া বস্তুত্বের গূঢ় রহস্য আবিষ্কার করেন । মনোবিজ্ঞান মনের ক্রিয়ার, জীবন মৃত্যুর ও জগতের অস্তিত্বের কারণ অনুসন্ধান প্রবৃত্ত হইয়া সাধারণ নিয়ম আবিষ্কার করিতে যত্ন করেন । জড়বিজ্ঞান, মনোবিজ্ঞান ও ধর্মশাস্ত্রকে একই বিজ্ঞানের অন্তর্ভুক্ত করা যায় কি না, এই বিষয় মনীষী বৃধগণের চিন্তাকে অধিকার করিয়াছে । সর্ব প্রথমে বিভিন্ন জড় বিজ্ঞানের নিয়ম এক বৈজ্ঞানিক নিয়মে, তৎপর দর্শন শাস্ত্রে ও তৎপর ধর্মশাস্ত্রে আবিষ্কার করিবার চেষ্টা হইতেছে । সে প্রণালী এইরূপ ।

Religious belief, philosophy, science, the fine arts, the industrial arts, commerce, navigation, government, all are in close mutual dependence on one another, in as much as that when any considerable change takes place in one, we may know that a parallel change in all the others has preceded it. It will follow it.

All bodies whatever present the elementary facts of Number, Form and Movement, ; they present other facts besides these, but these can be considered apart, and from them arise Algebra, Geometry and Mechanics. Physics is the abstract Science of Weight, Temperature, Luminousness &c. besides Number, Form, and Movement. Further, bodies present facts of combination and decomposition, and Chemistry results. Finally, we find certain bodies presenting facts of growth, reproduction and sensation, and these facts we abstract in Biology.

The truths of Number are the most general truths of all. A Science of Number, that is, Arithmetic and Algebra, may thus be studied without reference to any other Science. Next comes Geometry, Science of Form besides Number. Next comes Mechanics, Science of motion, besides number and form. In addition to these Astronomy is a science of gravitation. Physics succeeds. Then comes Chemistry, then Biology, then Sociology,

What is a law ? What is an elementary fact of existence ? It is the invariable relation between two distinct phenomena, according to which one depends on the other; the relation being invariable, the only variation which is possible is in the intensity of the phenomena or their direction. Here therefore we have two distinct aspects of Nature : one which is inaccessible to human intervention, uncontrolled by human skill, a Fatality which must be accepted ; and another which is accessible to human intervention, a Modifiability which enables us to convert the Fatality into a power for our benefit. The Laws of Nature are immutable. But owing to this, the resultant phenomena are so modifiable that their direction

may be adapted to our service. (A plan of the positive Philosophy by Auguste Compte).

পদার্থ (matter) এবং গতিশক্তি (motion, energy, force) অবি-  
নশ্বর । প্রত্যেক পদার্থের আকার পরিবর্তিত হইতে পারে, কিন্তু ভাষায়  
এক পরমাণুও বিনষ্ট হয় না । এইরূপ গতিশক্তিও নষ্ট হয় না, একশক্তি  
অন্য আকারে পরিবর্তিত হইতে পারে । ইহা পরীক্ষিত বৈজ্ঞানিক সত্য ।  
এই পদার্থ ও গতিশক্তি একত্র বাস করে, পৃথকভাবে অবস্থান করে না ।  
সমস্ত প্রকারের বৈজ্ঞানিক শক্তিকে এক গতিশক্তিতে পরিণত করা যায় ।  
সমস্ত পদার্থকেও এক মৌলিক পদার্থে পরিণত করা যায় । যদিও বিজ্ঞানে  
বহু প্রকার মৌলিক পদার্থের কথা শ্রুত হওয়া যায়, তথাপি প্রসিদ্ধ বিজ্ঞান-  
বিদগণ মনে করিতেছেন, পদার্থের অন্তর্গত অণু পরমাণুর বিভিন্ন প্রকারের  
স্পন্দন ও কম্পন দ্বারা পদার্থের আকৃতি পরিবর্তিত হয়, ও ভিন্ন ভিন্ন  
আকারের বিভিন্ন পদার্থ উৎপন্ন হয় । কিন্তু বাস্তবিক মৌলিক পরমাণু  
একই, বিভিন্ন নহে । এই মত অনুসারে ইতর ধাতুকে স্বর্ণে পরিবর্তিত  
করা যায় ও এক বস্তুকে অন্য বস্তুতে পরিবর্তিত করা যায় ।

Sir William Crookes put forward, some years ago, his  
belief that in all probability there is *only one* fundamental  
substance, which is called *protyle*, and that the differences in  
the elements are due simply to the various ways in which  
the atoms of this substance are built into molecules (Miss Lillian  
Edger).

অনেক বৈজ্ঞানিক এতদূর পর্য্যন্ত অগ্রসর হইয়াছেন যে, তাঁহারা বলেন,  
পদার্থ ও গতিশক্তি পৃথক নহে, পরমাণুর পৃথক কোন অস্তিত্ব নাই, পরমাণু  
শক্তি কেন্দ্র মাত্র । (Atom has no existence same as a centre  
of force). যদি শক্তিই পদার্থের জনয়িত্রী হয়, তাহা হইলে দেখিতে হইবে,  
শক্তি কি? দর্শন বলেন, শক্তি ও শক্তিমান্ অভেদ । পদার্থ ও শক্তি এক  
অবিজ্ঞাত সংপদার্থের বিকাশ মাত্র । ইহাই ধর্ম্মতত্ত্ব । কোন কোন  
মনোবিজ্ঞানবিদ পণ্ডিত ইহাও বলেন যে, মনই এক মাত্র সংবস্তু, দর্শনকারী  
মনের বাহিরে জড় পদার্থের কোন স্বতন্ত্র অস্তিত্ব নাই । সে যাহা হউক  
মহাত্মা হার্বাট স্পেন্সার বলেনঃ—

I have repeatedly and emphatically asserted that our

ceptions of matter and motions are but symbols of an un-  
knowable Reality; that this Reality can not be that which we  
symbolise it to be, and that as manifested beyond conscious-  
ness, under the forms of matter and motion, it is the same  
as that which, in consciousness, is manifested as Feeling and  
Thought. I recognise no forces within the organism or wi-  
thout the organism, but the variously conditioned modes of  
the Universal immanent force, and the whole process of or-  
ganic evolution is everywhere attributed by me to the co-  
operation of its variously conditioned modes, internal and  
external.

জড় বিজ্ঞান, পদার্থ ও গতিশক্তি এই দুই তত্ত্ব দ্বারা সৃষ্টিতত্ত্ব বুঝাইতে  
চেষ্টা করেন । মনোবিজ্ঞান মন ও জড়, চিৎ ও অচিৎ, এই দুই তত্ত্ব  
(duality) দ্বারা সৃষ্টির মর্ম্ম বুঝাইতে চেষ্টা করেন । ধর্ম্মবিজ্ঞান পরমব্রহ্মের  
চিন্তা বা সঙ্কল্প বা ইচ্ছা (Divine Thought or Divine Will) এবং অসীম শূন্য  
(Primordial homogeneous Substance) বাহার উপর সেই চিন্তা কর্ম্ম  
করেন, এই দুই তত্ত্ব (duality) দ্বারা সৃষ্টির রহস্য বুঝাইতে চেষ্টা করেন ।  
গতি শক্তি বিভিন্ন প্রকারের স্পন্দন বা বিকম্পন মাত্র, (vibrations) । চিন্তা  
(thought) দ্বারা স্পন্দন (vibration) সজাত হয় । পদার্থের অতি সূক্ষ্মা-  
বুঝাই অসীম শূন্য । মননকারী আত্মাই চিন্তা করেন এবং জড়ই আত্মার  
বাহিরে অচিৎ পদার্থ । সুতরাং সৃষ্টিতত্ত্ব সম্বন্ধে জড়বিজ্ঞান, মনোবিজ্ঞান  
এবং ধর্ম্ম বিজ্ঞানের আপাতপ্রতীকমান ভেদমত অচিন্ত্যরূপে অভেদ মতে  
পরিণত করা যাইতে পারে । কিন্তু যে নিয়মে এই একতা বা সামঞ্জস্য  
সংস্থাপন করিতে হইবে, তাহা বৈজ্ঞানিক নিয়ম ভিন্ন অন্য কিছুই নহে এবং  
বিজ্ঞান যতই উন্নত হইবে, ততই আমরা একত্বের অভিমুখে অগ্রসর হইতে  
পারিব ।

মানব রূপ, রস, গন্ধ, স্পর্শ, এই পঞ্চ বিষয়ের যেটীর চিন্তা ও  
পাশ্চাত্য সুখকর মনে করে, তাহারই ধ্যান করিলে তাহার মনে কাম বা  
সুখস্বপ্ন সজাত হয় । সুতরাং মানবকে কতকগুলি বাসনাসমষ্টি বলিলেও  
ভুলুক্তি হয় না । মানবের যেকোন বাসনা জন্মে, তাহার ইচ্ছাও তদনুরূপ

হয়। ইচ্ছা জন্মিলেই ইচ্ছানুরূপ কর্মে প্রবৃত্ত হয়। কর্ম করিলেই কর্মের শুভাশুভ ফলগ্রহণ করিতে বাধ্য হয়। (১) পরমাত্মা সম্পূর্ণ; জীবাত্মা মায়াবদ্ধ, সূত্রবাং ধণ্ড। ভগবানের ইচ্ছাশক্তি অসীম; মানবের ইচ্ছাশক্তি পরিমিত। প্রলয়কালে ব্রহ্ম অসীম শূন্যে নিষ্ক্রিয় অবস্থায় শয়ান থাকেন। তাঁহার বিকাশ প্রাপ্ত হইবার ইচ্ছা হইলে তিনি বর্দ্ধিত হইলেন। (He awakes, and becomes conscious of a desire for renewed activity and manifestation)। উপনিষদের—“তৎ ঐক্ষত বহুস্যাং প্রসংয়েয়” — ব্রহ্ম ইচ্ছা করিলেন বা সঙ্কল্প করিলেন, আমি বহু হইয়া জন্মগ্রহণ করি, ইহা বৈজ্ঞানিক সত্য। (That willed I shall multiply and be born and the many arise in the One by that act of Will)। ইহাকে বৈজ্ঞানিক সত্য বলিবার কারণ এই যে, চিন্তা (thought) যে শক্তি-শালিনী, তাহার প্রত্যক্ষ প্রমাণ পাওয়া বাইতেছে। আমরা যে কোন চিন্তা করি, তাহা আকাশ-পটে অঙ্কিত হইয়া থাকে, চিন্তা দ্বারা সূক্ষ্ম আকার উৎপন্ন হয়। ইচ্ছা শক্তির ক্রিয়াবলও প্রত্যক্ষ সত্য। (But beyond registering images we are told that the astral fluid registers every thought of man, so that it forms, as it were, the book of Nature, the Soul of the Cosmos, the Universal mind, the history of the world and all its sciences and schools of thought, from the day when the Para-Brahmic (পরব্রহ্মের) breath went forth and the eternal Logos awoke into activity.

(Psychometry).

শ্রীমদ্ভাগবতেও রূপকাকারে আছে, নামরূপহীন ব্রহ্ম অনন্ত শযায় শয়ন করিয়া শূন্যে শয়ান হইয়া সৃষ্টিসঙ্কল্প করিলে অসীম শূন্য বিক্ষুব্ধ হইল, শূন্য রূপ মনোবাহারি মথিত হইয়া জীবনরূপী পদ্ব হইতে নামরূপধারী ব্রহ্মা উৎপন্ন হইলেন। ব্রহ্মা এক শত বৎসর নিদ্রা ও সমাধিপরায়ণ হইয়া শক্তিলাত করতঃ চিন্তাধারী নামরূপধারী লোক সমূহ সৃষ্টি করিলেন। তাঁহার প্রথম সৃষ্টি আকাশ ও সূক্ষ্ম ইথার, তৎপর জড় ইথার, তৎপর মরুৎ (বায়ুমণ্ডল, firmament) তৎপর তড়িৎপ্রভৃতি তেজ, তৎপর জলীয় পদার্থ (অপ) ও তৎপর স্থলীয় পদার্থ (ক্ষিতি) ইত্যাদি।

শ্রী..... শাস্ত্রী।

(১) বৃহদারণ্যক উপনিষৎ।

## লালাবাবু।

( সংসার-জীবনী )

প্রাণকৃষ্ণ সিংহ কিঞ্চিং ব্যয়কুঠ ছিলেন। শুনা যায়, সেই কারণ পুত্রের সহিত তাঁহার বিশেষ সদ্ভাব ছিল না। বর্দ্ধমান জেলার অন্তর্গত বহরান নিবাসী বল্লভীকাণ্ড দাস নামক এক ব্যক্তি প্রাণকৃষ্ণের এষ্টেটের প্রধান কর্মচারী ছিলেন। একদা তিনি লালা বাবুর ভৃত্যকে এক খণ্ড ক্ষুদ্র পরিধেয় বস্ত্র প্রদান করেন। সেই বস্ত্র লাভে ভৃত্য বিশেষ অসন্তুষ্ট হয়। এই হুঃখ সে কাহারও নিকট প্রকাশ না করিয়া সেই বস্ত্র পরিধান করে এবং স্থায়ী প্রভুর নিকট বস্ত্রের ক্ষুদ্রত্বাতিশয়তা প্রতিপন্ন করিবার নিমিত্ত পরিহিত বস্ত্রের সহিত কতকটা রজ্জু সংযোগ করিয়া তাহার আয়তন বৃদ্ধি করিয়াছিল। রজ্জুর সাহায্যে দীর্ঘাকৃত বস্ত্র ভৃত্যকে ব্যবহার করিতে দেখিয়া একদিন লালা বাবু ভৃত্যের নিকট এবিষয়ের তত্ত্বজিজ্ঞাসা হইলে, সে সকল কথাই তাঁহার নিকট প্রকাশ করিয়াছিল। অতঃপর লালা বাবু বল্লভীকান্তকে তাঁহার ভৃত্যের ভ্রূ একখানি উপযুক্ত বস্ত্র প্রদান করিতে বলেন। প্রাণকৃষ্ণের নিকট বল্লভীকান্ত এ বিষয় বিজ্ঞাপিত করিলে তিনি পুত্রের প্রতি বিশেষ ক্রুদ্ধ হইয়া বলেন “পুত্র উপযুক্ত হইয়াছেন, সূত্রবাং আবশ্যক হইলে তিনি স্বয়ং উপার্জন করিয়া পুনরায় ভৃত্যকে দীর্ঘবস্ত্র প্রদান করিতে পারেন।” পিতার কথায় পুত্রের মনে বিশেষ ব্যথা জন্মিয়াছিল। তিনি পিতৃমুখ নিঃসৃত অপ্রিয় বচন পরম্পরা শ্রবণ করিয়া ঘৃণা ও লজ্জায় অধোবদন এবং গৃহত্যাগে কৃত-সংকল্প হন। স্ত্রীর অলঙ্কারের বিনিময়ে লালাবাবু তৎক্ষণাৎ অশীতি মুদ্রা সংগ্রহ করতঃ ভৃত্যকে উপযুক্ত বস্ত্র প্রদান পূর্বক অর্থোপার্জনের নিমিত্ত বাটার বাহির হন। বলা বাহুল্য যে, এই সময়ের ক্রোধই কৃষ্ণচন্দ্রের ভবিষ্যৎ অসুস্থতাকালে আর্থিক পূর্ণচন্দ্রোদয়ের একমাত্র কারণ। সংসারে এইরূপ ক্রোধ ও অধ্যবসায়ের বশবর্তী হইয়া কত ছুরদৃষ্ট ব্যক্তি লক্ষ্মীদেবীর সাক্ষাৎ লাভ করিয়াছে, কত অলস কার্যতৎপরতা শিক্ষা করিয়াছে, কত শুষ্ক হৃদয়-মরুভূমি সজলা ও মনপ্রাণতোষিণী চিরবসন্তময়ী প্রকৃতিদেবীর আবাসস্থানে পরিণত হইয়াছে, তাহার ইয়ত্তা করা হুঃসাধ্য।

যাহা হউক, লালাবাবু ১১১৯ সালে সপ্তদশ বর্ষ বয়ঃক্রমকালে প্রথমতঃ বর্দ্ধমানের ম্যাজিষ্ট্রেট কালেক্টর ও জজসাহেব বাহাছরের আফিসে সেরেষ্টা-

দারের কার্যে নিয়োজিত হন। তৎকালে বর্তমানের ন্যায় বংশনির্কীর্ণে উক্তপদ প্রদত্ত হইত না। রাজা, জমীদার বা উচ্চবংশীয়েরা উক্ত পদের উপযুক্ত হইলেই অধিকারী হইতে পারিতেন। লালবাবু বিদ্বান ও সম্ভ্রান্ত-বংশীয়, বিশেষতঃ তাঁহার পূর্বপুরুষেরা গভর্ণমেন্টের বিশেষ পরিচিত; সেই কারণে অচিরে লালবাবুর অর্থোপার্জনের পথ পরিস্কৃত হইয়াছিল। এই স্থানে কার্য করিতে করিতে লালবাবু বর্তমান জেলার অন্তর্গত লাটবিশাখা লাক্ষ্মীপুর জমীদারী ক্রয় করেন। লালবাবু যদিও অপ্রাপ্তবয়স্ক, তথাপি স্বীয় তীক্ষ্ণবুদ্ধি প্রভাবে অচিরে স্বীয় কার্যে যেরূপ যোগ্যতা ও রাজনীতি-জ্ঞতা প্রদর্শন করিয়াছিলেন, তাহা কেবল প্রবীণ এবং প্রতিভাশালী ব্যক্তি-গণের নিকট হইতেই আশা করা যায়। এই সকল গুণেই লালবাবুকে দীর্ঘকাল যাবৎ বর্তমানে সেরেস্টাদারের কার্য করিতে হয় নাই। গভর্ণমেন্ট ইতঃপূর্বেই তাঁহার বিশ্বস্ততা ও উপযোগিতার পরিচয় পাইয়া উড়িষ্যা বন্দোবস্তের সময় ( ১৮০৩ খ্রীঃ ) তথাকার রাজস্ব বিভাগের বন্দোবস্ত কার্যে তাঁহার হস্তে অর্পণ করিয়াছিলেন। উড়িষ্যা কার্য করিতে করিতে লালবাবু পরগণা রাহাং, সায়ার ও চাবিসকুদ ক্রয় করেন। এ সকল সম্পত্তি অধিকার লাভ করিতে তাঁহাকে কিঞ্চিৎ কষ্ট পাইতে হইয়াছিল। কীর্ত্তিনাম লালবাবু যেখানে কিছু দিন অবস্থিতি করিয়াছেন, সেই স্থানেই এক একটা অক্ষয়কীর্ত্তি স্থাপন করিয়া গিয়াছেন। পুরীধামে ৬জগন্নাথ দেবের সেবার জন্ত তিনি দৈনিক ১০ দশ টাকা খরচের বরাদ্দ করিয়া যান। ১২১৫ সালে সহসা একদিন তাঁহার পিতার রোগ সংবাদ প্রাপ্ত হইয়া লালবাবু কান্দীর আবাসে প্রত্যাগমন করেন। ছুঃখের বিষয়, সুদূর উড়িষ্যা প্রদেশ হইতে বাটী পৌঁছিতে পৌঁছিতেই তাঁহার পিতৃদেবের জ্ঞান ও বাকশক্তি লুপ্ত হইয়া যায়। তাঁহার মৃত্যুর পর লালবাবু গভর্ণমেন্টের কার্য হইতে অবসর গ্রহণ করেন। এই সময় হইতেই লালবাবু মনুষ্যের দাসত্ব পরিত্যাগ করিয়া ঈশ্বরে আত্ম সমর্পণ করেন। শাস্ত্রজ্ঞান লাভ করিবার নিমিত্ত তিনি সময়ে কলিকাতায় অবস্থান করিতেন এবং সর্বদাই বহুসংখ্যক শাস্ত্রজ্ঞ পণ্ডিত-নিকটে রাখিতেন।

শোভাবাজার রাজবংশীয় ও জোড়াসাঁকোর সিংহবংশীয় ব্যতীত কলিকাতার আর কাহারও সহিত তিনি ঘনিষ্ঠতা করিতেন না, কারণ তিনি কলিকাতা সমাজের অনেক অধিনায়কের অসচ্ছরিত্র দর্শনে তাঁহাদিগের

স্বত্রে ঘৃণাপোষণ করিতেন। রাজা রাজকৃষ্ণের জননীকে লালবাবু যথেষ্ট ভক্তি করিতেন, তিনিও লালবাবুকে পুত্রবৎ দর্শন করিতেন। কথিত আছে, লালবাবুর নীতিশিক্ষাদানপ্রভাবেই রাজা রাজকৃষ্ণের (১) চরিত্র বিশেষ পরিবর্তিত হইয়াছিল। লালবাবু রাজা রাজকৃষ্ণকে সোদরবৎ দর্শন করিতেন।

লালাবাবু নানা কার্যে ব্যাপৃত থাকিয়াও দিনেকের জন্ত ঈশ্বর চিন্তা বিস্মৃত হইতেন না। দিনমানের প্রায় অর্দ্ধাংশ সময় আত্মিক, পূজা, হরিনাম, শাস্ত্রগ্রন্থ পাঠ প্রভৃতি হিন্দুর দৈনিক অবশ্যকর্তব্য কর্ম সম্পাদনে অতিবাহিত করিতেন। লালবাবু তাঁহার কুলদেবতা শ্রীশ্রী৬রাধাবল্লভ জিউর নিত্য সেবার যথেষ্ট উন্নতি বিধান করেন।\* দেবসেবা, অতিথিসেবা ও সদাশ্রিত প্রভৃতি সংকার্য যাহাতে সুশৃঙ্খলায় নির্বাহিত হয়, সে বিষয়ে তাঁহার বিশেষ দৃষ্টি ছিল। রিপু সংঘের নিমিত্ত তিনি অনেক দিন হইতেই সতর্কতার সহিত আহালাদি করিতেন। নিরামিষ ও সামান্য উপাদানে প্রস্তুত (মসলা-বিহীন) শাক সবজী তাঁহার আহাৰ্য্য ছিল। চাকরী হইতে অবসর গ্রহণের

(১) ইনি শোভাবাজার রাজবাটীর রাজা নরেন্দ্রকৃষ্ণ দেব বাহাদুরের পিতা।

\* কান্দীর রাধাবল্লভের নিত্যসেবা যেরূপ সমারোহে সম্পন্ন হইয়া থাকে, অন্য কোন রাজ-বাটীর দেবসেবার সেরূপ বন্দোবস্ত আছে কিনা জানি না। যদিও পূর্বাপেক্ষা বর্তমানে সেবার সেবার কিঞ্চিৎ খর্বতা হইয়াছে, তথাপি এখনও রাধাবল্লভের ভোগের যেরূপ বন্দোবস্ত আছে, তাহাও বিশেষ উল্লেখযোগ্য। যিনি একবার এ ভোগ দর্শন করিয়াছেন বা যিনি দিনেকের জন্ত রাধাবল্লভের প্রসাদ লাভ করিয়াছেন, তিনিই জানেন যে, কান্দীর রাজবাটীর দেবসেবার সেবার বিধিব্যবস্থা। রাধাবল্লভের ভোগে নিতাই এক অন্ন পঞ্চাশব্যঞ্জন, নানাবিধ রাজ-বাটী চর্ক চোষা লেহু পেয় উপাদান। যে ঋতুতে যেরূপ আহাৰ উপযোগী, সেই ঋতুর জন্ত সেই ঋতুরই বন্দোবস্ত নির্দিষ্ট রহিয়াছে।

লালাবাবু ভোলানাথ চন্দ্র তাঁহার Travels of a Hindu নামক পুস্তকে কান্দীর ঠাকুর বাড়ী-নির্মাণের সেবার সম্বন্ধে যাহা লিপিবদ্ধ করিয়াছেন, নিম্নে তাহার কিয়দংশ উদ্ধৃত রাখা গেল। ইহা হইতেই পাঠক রাধাবল্লভের কিরূপ ঐশ্বর্য এবং সেবার কিরূপ পরিচর্যা জানিতে পারিবেন।—

"Of all the shrines, the one at Kandi is maintained with the greatest liberality. The god here seems to live in the style of the Great Mogul. His bed is musnud and pillows are of the best velvets and damusk richly embroidered. Before him are placed gold and silver salvors, cups, tumblers, brass duns and jugs, all of various size and pattern. He is fed every morning with fifty kinds of curries and ten kinds of pudding. His breakfast is over, gold Hookas are brought to him to smoke the most aromatic

পর তিনি অধিক দিন বাটীতে বাস করেন নাই। সম্পত্তির সুবন্দোস্ত করিয়া বৃন্দাবন বাসের নিমিত্ত তিনি বিশেষ উৎসুক হইয়াছিলেন। সেই কারণে অল্পকাল মধ্যেই লালাবাবু তাঁহার একমাত্র শিশু পুত্রের শিক্ষাদানের এবং বাটীর তত্ত্বাবধান ও কর্তৃত্বের বিশেষ রূপ বন্দোবস্ত করিয়াছিলেন। তিনি চোরবাগানের ( কলিকাতার ) নীলমণি বসু মহাশয়কে আইন ও জমীদারী সংক্রান্ত বিষয়ের সুবন্দোবস্তের নিমিত্ত নিযুক্ত করেন। অতঃপর কান্দীর বাটীতে কিছু দিন অবস্থিতি করিতে করিতে কোন বিশেষ কারণে তাঁহার অন্তঃকরণে বৈরাগ্যের সঞ্চার হওয়ায়, তিনি তাঁহার প্রভূত ঐশ্বর্য্য, প্রাণাপেক্ষা প্রিয়তম একমাত্র শিশুপুত্র ও প্রিয়তমা ভার্য্যা সমস্তই পরিত্যাগ করিয়া পবিত্র তীর্থক্ষেত্র বৃন্দাবন ধামে গমন করেন। লালাবাবুর অন্তঃকরণে মহা একরূপ সংসারের প্রতি অশ্রদ্ধা জন্মিবার কারণ সম্বন্ধে যে কয়টি জনশ্রুতি প্রচলিত আছে, তাহাদের মধ্যে কয়েকটি নিম্নে দেওয়া গেল।

(১) একদিন বৈকালে জটনৈক ধীবরপত্নী কান্দীর রাজবাটীতে মৎস্য দিয়া তাহার মূল্যের জন্য কিছুক্ষণ অপেক্ষা করার পর বলিয়াছিল যে, সন্ধ্যা হ'ল! কখনই বা পার হব? লালাবাবু ধীবরপত্নীর মুখ-নিঃসৃত সন্ধ্যা হ'ল, কখনই বা পার হ'ব, এই কথায় বুঝিয়াছিলেন যে, আমারও জীবন-সন্ধ্যা সমাগত, কখনই বা এই দুস্তর ভব-সমুদ্র পার হব? এরূপ চিন্তাস্রোতঃ তাঁহার মনোমধ্যে প্রবাহিত হওয়ায় তিনি ঐশ্বর্য্য সুখে জলাঞ্জলি দিয়া সংসার-ত্যাগী হন।

(২) একদা এক রজক তাহার পত্নীকে সম্বোধন করিয়া বলিয়াছিল, "সন্ধ্যা হ'ল এখনও বাসনায় আগুন দিস নাই?" রজকের এই কথা লালাবাবু কর্ণে প্রবেশ করিয়া এমনি তাঁহার মর্মে আঘাত করিল যে, তিনি ভাবিলেন, তাঁহার জীবনের সন্ধ্যাকাল উপস্থিত, এখনও বাসনায় আগুন দিতে পারি

tobacco. He then retires to his noonday *Siesta*. In the afternoon he tiffs and lunches and at night sups up on the choicest and richest viands with new names in the vocabulary at Hindu confectionery. The daily expense at this shrine is said to be 500 Rupees inclusive of alms and charity to the poor. In Kandi the *Ras jatra* was at its height and illumination, fire-work, nautches, songs, and frolic were the order of the day and followed upon each other. ( *The Travels of a Hindu*. Vol. I, P. 66.)

কেন না অর্থাৎ এখনও ভোগবাসনায় দগ্ধ করিতে সমর্থ হইলেন না। এখন হইতেই তিনি সংসারে অনাসক্ত ও বৈরাগ্য-পথে ধাবিত হন।

৩। লালাবাবু এক সময়ে বৃন্দাবনস্থিত পালঙ্কোপরি শয়ন করিয়াছেন, এমন সময়ে একটা পখিক মহিমা বর্ণিত হইল যে, "পালঙ্ক পুর-চুকা" ইহাতেই লালাবাবুর অন্তঃকরণে তত্ত্বজ্ঞান সমুদিত হয়, তিনি উৎসুক হইয়া ভাবিয়াছিলেন যে, আর কতকাল পালঙ্কে শয়ন করিয়া অমৃত্যু কাম্যায়ী মানব জীবন অতিবাহিত করিবেন। পখিকের মরণ কথায় জ্ঞান লাভ করিয়া লালাবাবু সংসারের অনার মায়া সমস্তই বিদর্জনে দিয়া বৈরাগ্য সংলগ্ন করেন।

(৪) লালাবাবুর জটনৈক কর্মচারী এক ব্রাহ্মণের কিঞ্চিৎ দেবোত্তর ও ব্রহ্মোত্তর সম্পত্তি বাজেয়াপ্ত করিলে সেই ব্রাহ্মণ কান্দীতে লালাবাবুর নিকট বিচার-প্রার্থী হন। লালাবাবু সে বিষয়ের বিচার করিতে প্রতিশ্রুত হইয়া দিন স্থির করিয়া দিনে ব্রাহ্মণ পুনরায় নির্দারিত দিবসে লালাবাবুর বাটীতে উপস্থিত হন। কিন্তু দেবোত্তর সে দিন লালাবাবুর সহিত তাঁহার সাক্ষাৎ না হওয়ায়, ব্রাহ্মণ লালাবাবুর চরিত্রে সন্দেহ করিয়া ও সম্পত্তির উদ্ধার সাধনে হতাশ হইয়া রজনীযোগে রাজধানীর নিকটবর্তী একটা চম্পক বৃক্ষে উৎকর্ষে প্রাণত্যাগ করেন। অতি প্রভূবে এই ব্যাপার লালাবাবুর কৃষ্টিগোচর হয়। তিনি সেই পূর্বপরিচিত বিচারপ্রার্থী ব্রাহ্মণের মৃত দেহ সন্দর্শনে অতীব ব্যথিত ও মর্ষাহত হন। তাঁহার সহিত সাক্ষাৎ না হওয়াতেই বে ব্রাহ্মণ অকালে এইরূপ অমঙ্গলপথে নিজের জীবন নিজেই নষ্ট করিয়াছে, ইহাও তিনি বেশ বুঝিতে পারিয়াছিলেন। সংসারে তুচ্ছ ধন সম্পত্তির নিমিত্ত মানুষকে এরূপ পাপেরও ভার বহন করিতে হয় এই আক্ষেপ সর্বদা মনে মনে উদিত হওয়ায় লালাবাবু তাঁহার প্রচুর সম্পত্তি মুখম্পদ প্রভৃতি সমস্তই বিস্মৃত হইয়া বাটীর বাহির হন এবং পঁচিশ লক্ষ টাকা গ্রহণ করিয়া হিন্দুর পবিত্র তীর্থ পূর্ণব্রহ্ম শ্রীকৃষ্ণের লীলাভূমি বৈষ্ণব-বৃন্দাবনের অশ্রয়স্থান রজনীর ধাম বৃন্দাবনে গমন করেন। ক্রমশঃ

শ্রী শ্রীশচন্দ্র চট্টো পাধ্যায় ।

## বিদায় ।

কেমনে বাঁধিয়া রাখিব আমারে  
আর যে সময় নাই ।  
কল্পিত ক্ষীণ দীপশিখাপ্রায়  
জগতের আলো বুঝি নিবে যায়,  
মোহ অাখিধারা বিদায় বিদায়  
আমি যাই, তবে যাই ।

কত বিনিদ্র দীর্ঘ রজনী  
বিজন প্রভাত সাঁঝ  
কাটায়েছ বসি শিয়রে আমার  
ক্রান্ত-মলিন দেহ সুকুমার ;  
শ্রান্ত হৃদয়ে আশা নিরাশার  
দ্বন্দ্ব থামুক আজ ।

একি সঙ্গীত কোন্ দূর হতে  
আসিয়া পশিছে কাণে,  
কে আমারে যেন ডাকে—“আয়, আয়,  
অকূল শাস্তি মিলিবে হেথায় ।”  
একি আশ্বাস নবীন আভায়  
জাগিয়া উঠিছে প্রাণে ।  
ক্ষণিক ক্ষুদ্র আবাস ছাড়িয়া  
আমি যাই,—যাই তবে ।  
হৃদনের এই বিচ্ছেদ শেষে  
উজ্জ্বল পূত নির্মূল বেশে  
চির দিন তরে পুনঃ নরদেশে  
নবীন মিলন হবে ।

নন্দন ফুলে তোমার লাগিয়া  
গাঁথিয়া রাখিব মালা,

একদা সে হার স্বর্ণতোরণে  
কণ্ঠে তোমার পরাব যতনে  
সে মধু মিলন মুগ্ধ নয়নে  
দেখিবে স্বরগ বালা ।

শ্রীরমণীমোহন ঘোষ, বি, এল ।

## সংবাদ পত্র ।

সুশাসিত সভ্যদেশে সংবাদ পত্র চতুর্থ রাজশক্তি নামে অভিহিত হইয়া থাকে । রাজা প্রথম রাজশক্তি, অভিজাতদিগের সভা দ্বিতীয় রাজশক্তি, মাধারণ অধিবাসীগণের প্রতিনিধি সভা তৃতীয় রাজশক্তি এবং সংবাদ পত্র চতুর্থ রাজশক্তি । এই চতুর্থ রাজশক্তিই সর্বশ্রেষ্ঠ রাজশক্তি, এই শক্তির নিকট অপর তিন রাজশক্তি মস্তক অবনত করিতে বাধ্য, অপর তিন রাজশক্তি এই প্রধান শক্তির উপদেশ ও অভিপ্রায় অনুসারে শাসনকার্য্য পরিচালন করিয়া ধরা হয় । এই চতুর্থ রাজশক্তির এত বল, এত প্রভাব কোথা হইতে জন্মিল ! ইহা কি আইনের বল ? না । ইহা কি পাশব বল ? না । তবে কিসের বল ? এই বল বিবেকবুদ্ধির বল, জ্ঞানের বল, নিরপেক্ষভাবে স্বাধীনভাবে ঘটনার বাহিরে দণ্ডায়মান হইয়া ঘটনাক্রমের প্রকৃত গতি সম্বন্ধে দর্শনের বল । প্রথম তিন রাজশক্তির বিবেকবুদ্ধি, জ্ঞান ও দর্শনশক্তি চতুর্থ রাজশক্তি অপেক্ষা কোন অংশে ন্যূন না হইলেও, ব্যক্তিগত, সমাজগত ও স্বীয় স্বীয় পক্ষগত স্বার্থ ও কুসংস্কার নিবন্ধন তাঁহাদের জ্ঞান আচ্ছন্ন ও দর্শনশক্তি সক্ষীর্ণ হওয়ায় তাঁহারা প্রকৃত তথ্য নির্ণয় করিতে পারেন না । এতদ্ব্যতীত সংবাদপত্রের অণু একটি অসাধারণ বল আছে । সুশাসিত সভ্যতাভিমानी শাসনকর্তৃগণ জানেন, এই বিশ্ব অরাজক নহে, একজন অধিকারী আছেন । এই পৃথিবীর ক্ষণস্থায়ী আবিপত্য ফুরাইলেই সংকার্য্যের, সুশাসনের, সততার, মতের পুরস্কার আছে, এবং পক্ষপাতিতা ও অত্যাচারে হুই শাসনের জন্ত দণ্ড আছে । রাজকীয় কার্য্যে নিযুক্ত অত্যাচারিত অধিকারকগণ নানা কারণে যে সমস্ত অত্যাচার কার্য্য ও অত্যাচার বিধিব্যবস্থা পরিচালনা করিতে সাহসী হন না, স্বার্থশূন্য নিরপেক্ষ সংবাদ পত্র তাহা অনা-  
গণের সর্বসাধারণের ও সর্বদেশের গোচরীভূত করিয়া সমগ্র মানব সমাজের



ও ভগবানের অভিসম্পাত, অন্য়কারীর মস্তকে আনিতে সক্ষম হন। ইহা সামান্য বল নহে। অনেকে যোগ্যে অনেক পাপাচরণ করিতে পারেন, কিন্তু প্রকাশ্যভাবে কোন মতেই তাহা করিতে সাহসী হন না, এবং সাহসী হইলেও স্বয়ং দণ্ডভাগী হন।

আমাদের দেশে দ্বিতীয় ও তৃতীয় রাজশক্তি নাই; একমাত্র রাজ্যের রাজাই জাতিতন্ত্রিতে প্রথম, দ্বিতীয় ও তৃতীয় রাজশক্তির স্থান অধিকার করিয়াছেন এবং কতিপয় বৎসর যাবৎ সংবাদ পত্র এক রাজশক্তির উপস্থিত হইয়া স্বীয় ভাষ্য অধিকার করায়ত্ত করিতে অগ্রসর হইলেও, কিন্তু এখন পর্য্যন্ত কৃতকার্য হইতে পারে নাই। রাজ্যের রাজা আমাদের একমাত্র রাজশক্তি বটে, কিন্তু তিনি কে? তিনি কি এক ব্যক্তি না সমষ্টি? আমরা রাজা দেখি না, রাজ্ঞী দেখি না, রাজপুত্রও দেখি না, দেখি এক জন বড়লাট সাহেব। ইনি রাজ-পরিবার ভুক্ত কোন ব্যক্তি নহেন, ইনি রাজার দেশবাসী অভিজাত বংশীয় কোন ব্যক্তিও হইতে পারেন, অথবা সাধারণ বংশে জন্মগ্রহণ করিলে আতিশয় উপাধিভূষিতও হইতে পারেন। ইনিই কি আমাদের রাজা? না। কোন কোন আইনজ্ঞ বলেন রাজা তাঁহার রাজশক্তি বড়লাট সাহেবের উপর অর্পণ করিয়াছেন (delegated)। সুতরাং তিনি রাজ-প্রতিনিধি। কিন্তু ঐক্যবিক তাহা নহে। তিনি একজন উচ্চ বেতনের কর্মচারী মাত্র। নতুন প্রকৃতি সেক্রেটারী সাহেবের আদেশানুসারে ও পরামর্শানুসারে বড়লাট সাহেবকে শাসনকার্য পরিচালন করিতে হয় এবং তিনি পার্লিয়ামেন্টের সভার নিকট, আবশ্যক হইলে, তাঁহার কার্যের নিকাশ দিতে দায়ী।

তবে আমাদের রাজা কে, আমরা কাহার নিকট আমাদের মর্মের কথা সুখ দুঃখের কথা জানাইব এবং কেই বা বুঝিবে? আমাদের প্রকৃত ব্যক্তি কে? তাঁহাকে দেখিতে পারিলে তাঁহার নিকট আমাদের দুঃখ-খুলিয়া সমস্ত দুঃখ দেখাইয়া শান্তিলাত করিতে পারিতাম তিনি আমাদের প্রার্থনায়, কাতর ক্রন্দনে কর্ণপাত না করিলেও আমাদের কোন দুঃখ কারণ হইত না। কারণ কবি বলিয়াছেন—“বাচ্ছা নোবা বরসবিধি নাথয়ে লক্ষণা।”

ইংলণ্ডের রাজা আমাদের এক চতুর্থ রাজশক্তি। ইংলণ্ডের রাজা ইংলণ্ডের অভিজাতদিগের সভা, সাধারণ অধিবাসীগণের প্রতিনিধি

ইংরেজ-প্রচারিত সংবাদ পত্র, সকলে একত্রীভূত হইয়া আমাদের শাসন করিতেছেন। আমাদের নিজ দেশের শাসন কার্যে আমরা মৃত। আমাদের শাসন কার্য সম্বন্ধে ও অভাব অভিযোগ সম্বন্ধে কোন বিষয় রাজশক্তির গোচরে আনিতে ইচ্ছা করিলে সর্ব্বাগ্রে ইংরেজী সংবাদ পত্রে, তদ্বারা পার্লিয়ামেন্ট মহা সভায় ও সর্ব্বশেষে ইংলণ্ডের রাজার কর্ণগোচরে আনিতে হয়। উক্ত চারি রাজশক্তির স্বীয় স্বীয় স্বার্থ অক্ষুণ্ণ রাখিয়া যদি আমাদের সম্বন্ধে কিছু করা সম্ভবপর হয়, তাহা হইলে আমাদের শাসন কর্তারা অন্তানবদনে তাহা আমাদের জ্ঞাত করিয়া থাকেন। আমাদের বড়লাট সাহেব এই চারি রাজশক্তির অধীনস্থ কর্মচারী হইলেও, সাক্ষাৎ সম্বন্ধে পার্লিয়ামেন্ট মহাসভায় যখন যে পক্ষ অধিক ক্ষমতাসালী থাকেন, তখন সেই পক্ষ কর্তৃক মনোনীত ও নিযুক্ত হন, এবং সেই পক্ষের মনোমত শাসন সংরক্ষণ করেন, সুতরাং সেই পক্ষের প্রচলিত শাসন কার্য আমাদের অনভিমত বা অসঙ্গত বোধ হইলেও, বড়লাট সাহেবকে তজ্জ্ঞ কোন জবাব দেহী করিতে হয় না, কারণ তিনি স্বীয় প্রভুর মনোভীষ্ট পূরণ করিলেই নির্দোষী হন। এই জ্ঞানই ব্যাপ্তি প্রবর Mr. W. C. Bonnerjee ভারতবর্ষীয় গবর্নমেন্টকে মহম্মদের কফিনের সহিত তুলনা করিয়াছিলেন। অর্থাৎ মহম্মদের কফিনের ন্যায় ভারত গবর্নমেন্টের দায়িত্ব কোথাও অহুসন্ধানে পাওয়া যায় না।

সভ্য দেশে শিক্ষিত অধিবাসীগণের ধর্মসম্পন্ন, ত্রায়ানুমোদিত ও সুষুক্রিপূর্ণ মতের দ্বারা দেশ শাসিত হয়। সংবাদ পত্রই সর্ব্ব শ্রেণীর স্বাধীন মতামত প্রকাশ করিবার ও সমালোচনার দ্বারা উচিত ও যথার্থ মত নির্ণয় করিবার প্রধান উপায়। সংবাদ পত্র সুষুক্রি দ্বারা ভ্রম প্রমাদ সংশোধন করিয়া দেয়। কর্তব্য পথ দেখাইয়া দেয় এবং ব্যক্তিগত স্বার্থপরতা, অকর্মণ্যতা, ভীকতা ও অন্য় অধর্ম্মাচরণ জন সাধারণের নিকট প্রকাশ করিয়া দেয়, সভ্যদেশে শিক্ষিত লোকে সর্ব্বান্তঃকরণের সহিত দেশের শাসন সংরক্ষণের ও উন্নতি অবনতির দায়িত্ব গ্রহণ করিয়া কর্মক্ষেত্রে প্রবিষ্ট হন। যে দেশ পূর্ণমাত্রায় স্বাধীন, সে দেশের সমগ্র অধিবাসীগণ শিক্ষিত এবং দেশের শাসন কার্যে ও চিত্তজনক কার্যে সহায়তাকারী। ইহার নামই রাজনৈতিক স্বাধীনতা, ইহার নামই স্বায়ত্ত শাসন।

আমাদের দেশে রাম রাজার রাজত্ব কালে যথেষ্টাচার শাসন-প্রণালী প্রচলিত ছিল। তখন দেশে কোন সংবাদ পত্র প্রচলিত ছিল না। রাজা

গুপ্তচর বা ত্রিকালজ্ঞ ঋষিগণের গণনার সাহায্যে লোকের অভাব ও দুর্ভিক্ষ সূক্ষ্মতরূপে জানিতে পারিতেন এবং তদনুসারে দণ্ড ও পুরস্কার বিধান করিতেন। সাধারণ লোকে তখন রাজনীতির, সমাজ নীতির, শাসন কার্যের ও দেশচিহ্ন-কর কার্যের ধার ধারিত না, নিজের গ্রামাচ্ছাদন অর্জন, পুত্রকলত্রাবির ভরণ পোষণ, মানব ধর্ম শাস্ত্র প্রতিপালন ও রাজার অনুশাসন প্রতিপালন করিয়া স্নেহে জীবন যাত্রা নির্বাহ করিত। এই জন্তই দেখা যায়, প্রাচীন কালের লোকেরা ত্রায় বিচারের সাহায্যার্থে স্বতঃপ্রবৃত্ত হইয়া সাক্ষ্য দেওয়া দূরে থাকুক, সাক্ষ্য দিবার দায় হইতে অব্যাহতি পাওয়ার জন্ত “শাসন পাই নাই,” “পরোয়ানা জারী হয় নাই” প্রভৃতি অলীক কথা কহিতে কুণ্ঠিত হয় না। তখন মুনি ঋষি ব্যতীত সাধারণ অধিবাসিগণ ‘স্বরের খাইয়া বনের মহিষ তাড়াইতে’ প্রস্তুত ছিলেন না। কিন্তু চিরকাল ভগবানের অবতার, ত্রিকালজ্ঞ গণনাভিজ্ঞ রাজা পাওয়া যায় না, মানব রাজার শাসন সময়ে অধিবাসিগণের মুক ও বধিরের ত্রায়, পুতুলের ত্রায় আচরণ করিলে চলিবে না।

অতি পূর্বকালে গুপ্তচরের সাহায্যে বহুব্যয়ে রাজাদিগের সংবাদ সংগ্রহ করিতে হইত। রাজা রামচন্দ্রের গুপ্তচরের নাম ছিল দুম্মুখ। বাস্তবিক ত দুম্মুখ ভিন্ন উচিত সংবাদ কেহ প্রচার করিতে পারে না। এই জন্ত এক আরও অনেক কারণ বশতঃ সংবাদ পত্রের লেখকগণের নাম জনসমক্ষে প্রায়ই অপ্রকাশিত থাকে।

সর্বপ্রথম “সাপ্তাহিক সংবাদ” ( The Weekly News ) নামধেয় এক পত্রিকা ১৬২২ খ্রীষ্টাব্দে নাথানিয়াল্ বাটলার ( Nathaniel Butler ) সাহেব বিলাতে প্রচারিত করেন। এই সময়ে পুস্তিকার সাহায্যে রাজনীতির দনর চলিত, উভয় পক্ষের প্রধান প্রধান বুদ্ধিমান ব্যক্তিগণ ও মন্ত্রীসমাজ পুস্তিকা লিখিয়া স্বীয় স্বীয় মত প্রচার, বিপক্ষের মত খণ্ডন ও স্বপক্ষ সমর্থন করিতেন। ১৬৪০ হইতে ১৬৭০ সালের মধ্যে ৩০ সহস্র পুস্তিকা প্রচারিত হইয়াছিল। রাজা প্রথম চার্লস্ ও তাঁহার পার্লামেন্টের মধ্যে বিবাদের সময় রাজার পক্ষ সমর্থন জন্ত পিটার হেলিন্ Peter Haylin এক সাপ্তাহিক সংবাদ পত্র বাহির করেন, এবং তাঁহার দেখাদেখি পার্লামেন্টের পক্ষ সমর্থন জন্ত ম্যাথিউ নিট হাম ( Mathew Needham ) Mercurius Britannicus নামক এক সংবাদ পত্র প্রচার করেন। ১৬৬৩ খ্রীষ্টাব্দে Public Intelligencer বাহির হয়, ইহা পরে London Gazette ( লণ্ডন গেজেটের ) সহিত মিশিয়া যায়।

ব্যাকী সাহেব (Mr. Blakey) বলেন রাজা দ্বিতীয় চার্লস্‌এর রাজত্বকালে সংবাদ পত্রের সংখ্যা ৭০ হইয়াছিল। রাজা উইলিয়মের রাজত্বকালে মুদ্রা যন্ত্রের স্বাধীনতা সংস্থাপিত হয় এবং অনেক সংবাদ-পত্র প্রকাশিত হয়। কিন্তু রাণী ম্যানের (Anne) সময়ই সংবাদ পত্র বহুল পরিমাণে প্রচারিত হয়, এবং এই সময়ে পার্লামেন্টের সভ্যগণের বক্তৃতা ছাপা হইতে আরম্ভ হয়। এই সময় হইতে মন্ত্রিগণ ও প্রসিদ্ধ সাহিত্য-সেবকগণ সংবাদ পত্রের সহিত সংশ্লিষ্ট হইতে কুণ্ঠিত হইতেন না। Swift, Addison, Steel, Bolingbroke প্রভৃতি সকলেই সংবাদ পত্রের সহিত সংশ্লিষ্ট ছিলেন। ১৭৬৮ খ্রীষ্টাব্দে জুনিয়াসের পত্র বাহির হইতে আরম্ভ হয় এবং তদ্বারা সংবাদ পত্র বহুল পরিমাণে প্রচারিত হয়।

১৬৮৮ খ্রীষ্টাব্দে ইংলণ্ডের রাজ বিপ্লবের সময় Orange Intelligencer প্রচারিত হয়, এবং তাহার ঠিক এক শত বৎসর পরে ১৭৮৮ খ্রীষ্টাব্দের জানুয়ারী মাসে সংবাদ পত্রের রাজা জগতের সুপ্রসিদ্ধ টাইম্‌স্ (Times) নামক পত্রিকার প্রথম সংখ্যা প্রচারিত হয়। তখন ইহার চারি পৃষ্ঠা ছিল, প্রত্যেক পৃষ্ঠায় চারিস্তম্ভ (Column) ছিল। বর্তমান Globe ও Standard পত্রিকা অপেক্ষা কিছু ক্ষুদ্র কলেবর ছিল। ইহাতে ৬৩টি বিজ্ঞাপন ছিল। ইহাতে কবিতা, জাহাজের খবর, গল্প গুজব, দেশীয় ও বিদেশীয় সংবাদ ছাপা হইয়াছিল। ১৮৫৫ খ্রীষ্টাব্দে এই Times ( টাইম্‌স্ ) পত্রিকায় ২৬ স্তম্ভ ছাপা হইতে আরম্ভ হয়। পৃথিবীর সর্ব স্থানের সঠিক ও বিশেষ বিবরণ বাহির হয়। প্রত্যেক বিষয়ে অতি পারদর্শী বিচক্ষণ ব্যক্তিগণের লেখা দৃষ্ট হয়। সাহিত্য সম্বন্ধেও অতি উচ্চ অঙ্গের সমালোচনা বাহির হয়। পার্লামেন্টের সমস্ত প্রকারের তর্ক বিতর্ক ও কার্য বিবরণী প্রকাশিত হয়। এবং দৈনিক দুই হাজারের অধিক বিজ্ঞাপন ছাপা হয়। বর্তমান রুশ-জাপান যুদ্ধের সংবাদ সংগ্রহ জন্ত “টাইম্‌সের” তারহীন টেলিগ্রাফ ও যুদ্ধ জাহাজ আছে।

সংবাদ পত্রের এইরূপ একাধিপত্য লাভ করিতে অনেক কষ্ট সহ করিতে হইয়াছে। আজ কাল প্রতি দিনের প্রত্যেক কাগজে যেরূপ ভাষা প্রয়োগ হয় সেইরূপ কথা লিখিবার অপরাধে লেইটন্ (Leighton) সাহেবকে বেত্রাঘাত করা হয়, নাক কাটয়া দেওয়া হয়, গালে কাল দাগ করিয়া দেওয়া হয়, চির জীবন জাহাজের মধ্যে আবদ্ধ করিয়া রাখা হয় এবং দেড় লাফ

টাকা জরীমানা করা হয়। গোপনে হল্যাণ্ডে এক পুস্তিকা ছাপা করার অপরাধে লীলবরণকে (Lilburne) পাঁচ শত বেত্রাঘাত করা হয়। বাটিন, বাষ্টউহক্ ও প্রীন্ প্রত্যেককে ৭৫ হাজার টাকা দণ্ড করা হয়, কর্ণ কাটি দেওয়া হয়, গালে কাল দাগ দিয়া দেওয়া হয় ও চিরকালের জন্তু জেলে আবদ্ধ রাখা হয়। সামুয়েল্ জনসন্ (ডাক্তার জনসন্ নামে লেখক) এক ব্যক্তিকে ঘোড়ার গাড়ীর ঘোড়ার লেজের সহিত বাঁধিয়া নিউগেট্ টীবার্গ পর্যন্ত টানিয়া লওয়া ও কশাঘাত করা হয়। ১৬৬৩ খ্রীষ্টাব্দে টাইন্ নামক এক ব্যক্তিকে রাজদ্রোহের অপরাধের শাস্তি দেওয়া হয়। তৎপরবর্তী শতাব্দীতে ১৭০২ সালে ডিফোকে দুই শত মার্ক জরীমানা দিতে হয়, তিনবার অপমানসূচক পরিচ্ছদে সাধারণে প্রদর্শিত হইতে হয় এবং সাত বৎসরের জন্তু জামীন দিতে হয়। তাহার পরেও সংবাদ পত্রের বিরুদ্ধে নানারূপ মোকর্দ্দমা স্থাপন ও লেখকগণের অনেক প্রকার শাস্তি হইয়াছে। অবশেষে সংবাদপত্র বর্তমান একাধিপত্য লাভ করিয়াছে। আয়রল্যান্ড বন্দিদান না দিলে শক্তিদেবী প্রসন্না হন না ও শক্তিলাভ হয় না। হালাম সাহেবের পুস্তকে আছে (Hallam's Literature of Europe) সর্বপ্রথমে ১৪৮৬ খ্রীষ্টাব্দে মেন্জের আর্কবিশপের আদেশক্রমে মুদ্রাবন্ত্রের স্বাধীনতার বিরুদ্ধে আইন প্রচারিত হয়। ১৭৯২ খ্রীষ্টাব্দে ফক্স (Fox) সাহেবের কৃপা মানহানির আইনের দ্বারা মুদ্রাবন্ত্র স্বাধীনতা লাভ করে। কিন্তু সম্পূর্ণ স্বাধীনতা লাভ করিতে আরও অনেক সময় লাগিয়াছে। ১৭৯৯ খ্রীষ্টাব্দে কোরিয়ার নামক পত্রিকার সম্পাদক ও পরিচালকগণকে নিম্নলিখিত কথা লিখিবার জন্তু জরীমানা করা হয় ও জেলে দেওয়া হয় :—“রুসিয়ার সত্রাট তাঁহার প্রজাদিগকে পীড়ন করেন এবং ইয়ুরোপের মধ্যে হাশ্বাস্পদ ব্যক্তি”। ১৮০৭ সাল হইতে ১৮২১ সালের মধ্যে সংবাদপত্রের বিরুদ্ধে ১০১টী মোকর্দ্দমা হয় ও সর্বসম্মত ১৭১ বৎসরের কারাদণ্ডের শাস্তি দেওয়া হয়। ১৮৩০ খ্রীষ্টাব্দে মোকর্দ্দমার যে সংখ্যা গৃহীত হয় তাহাতে জানা যায় যে রাজা তৃতীয় জর্জ চতুর্থ জর্জের সময়ে সংবাদ পত্রের বিরুদ্ধে মোট ২৫টী মোকর্দ্দমা হয়। কিন্তু আজ কাল সংবাদপত্রের অসীম স্বাধীনতা পরিলক্ষিত হয় এবং সংবাদ পত্র সমূহ ও এমন সুন্দর ভাবে পরিচালিত হয় যে কদাচ সেই স্বাধীনতা অপব্যবহৃত হইয়া থাকে। এখন আমাদের এই দেশের সংবাদ পত্র সম্বন্ধে কিছু আলোচনা করা যাইতেছে। এদেশের সংবাদ পত্র ওয়ারেন হেস্টিংসের

সময়ে লর্ড ওয়েলেসলীর সময় পর্যন্ত স্বাধীন ছিল। এই শেষোক্ত গভর্নর ওয়ারেন ও লর্ড মিল্টোর সময়ে সংবাদপত্রের স্বাধীনতা ক্রমশঃ খর্ব করিবার চেষ্টা করা হইয়াছে। লর্ড হেস্টিংসের শাসন সময় তিনি সংবাদপত্রের স্বাধীনতার উপর হস্তক্ষেপ করেন নাই। তিনি মিল্টোর জন্ আডামের হাতে শাসনভার গ্রহণ করেন। জন্ আডাম্ সামান্য কারণে কলিকাতা জার্নালের (Calcutta Journal) স্বত্বাধিকারী ও সম্পাদককে বিক্ষিপ্ত করেন এবং সংবাদ পত্রের বিরুদ্ধে কঠোর আইন বিধিবদ্ধ করেন। লর্ড আমহাষ্ট্ ক্রমশঃ উক্ত আইনের কঠোরতা শিথিল করিতে যত্নবান্ হন এবং লর্ড উইলিংবোর্টনের সময়ে ঐ আইন অব্যবহার্য্য ও অকর্ম্মণ্য হইয়া পড়িয়া থাকে। লর্ড বেণ্টিন্ বলিতেন যে সংবাদপত্রে যে গালাগালি দেয়, তজ্জন্তু তিনি অনুভব করিতেন নহেন। কিন্তু তথাপি তিনি সংবাদপত্রকে বন্ধুর আশ্রয় শ্রদ্ধা করিতেন ও সুশাসনের সহায় বলিয়া মনে করিতেন। তিনি ভারতবর্ষে শাসিবার কয়েক বৎসর পরে বলিয়াছেন যে, ভারতবর্ষের শাসনভার গ্রহণ করিবার পর সংবাদপত্র হইতে শাসন সম্বন্ধে যত সংবাদ পাইয়াছেন, তত সংবাদ আর কোন উপায়ে প্রাপ্ত হন নাই, সুতরাং একরূপ শাসনকর্তার অধীনে সংবাদপত্রের আইন কঠোর হইলেও প্রকারান্তরে সংবাদপত্র একেবারে স্বাধীন ছিল।

১৮৩০ খ্রীষ্টাব্দে বিলাতের ডাইরেক্টর-সভা সমর-বিভাগের উচ্চশ্রেণীর কর্মচারীগণের একটী আয় কমাইয়া দেন, তাহাতে এদেশে সংবাদপত্রে তুমুল আন্দোলন উপস্থিত হয়। লর্ড বেণ্টিন্ ডাইরেক্টর সভায় মস্তব্য প্রকাশ করিবার পূর্বে সংবাদ পত্র সম্বন্ধীয় কঠোর বিধি পুনরুজ্জীবিত করিতে অভিপ্রায় করিয়াছিলেন। কিন্তু তাঁহার মন্ত্রীসভার প্রধান সভ্য মেটকাফ্ (Sir Charles Metcalfe) এক মস্তব্য লিখিয়া বোর প্রতিবাদ করেন। তিনি বলেন, “এ যাবৎ এই বিষয়ে আন্দোলন ও তর্ক করিবার অবাধ স্বাধীনতা দেওয়া হইয়াছে। এখন তাহা বন্ধ করিবার কোনই কারণ নাই। আমি যতদূর যত্ন করিয়াছি যে, হাফ বাট্টা সম্বন্ধীয় প্রশ্ন স্বাধীন আলোচনায় সুফল প্রসব করিয়াছে। জনসাধারণের অপ্রীতিকর বিধানের বিরুদ্ধে সংবাদপত্রে আলোচনা হইলে সাধারণের মতামত পাওয়া যায় এবং যাহারা অনিষ্টের চেষ্টা করে, তাহারাও জানিতে পারে যে, তাহাদের আবেদন অভিযোগ লর্ড মিল্টোর শ্রুতিগোচর হইয়াছে এবং গবর্নমেন্ট তৎসম্বন্ধে উচিত বিবেচনা

করিবেন। আমি সর্বদাই মুদ্রাযন্ত্রের স্বাধীনতার পক্ষ সমর্থন করিয়াছি, এবং আমার বিশ্বাস এই, স্বাধীনতাতে অনিষ্ট অপেক্ষা উপকারের ভাগই বেশী হইয়া থাকে। যদি এই স্বাধীনতা বন্ধ করিতে ইচ্ছা হয়, তাহা হইলে সময় সময় গভর্নমেন্টের স্বেচ্ছাচারিতা অপেক্ষা কোন নির্দিষ্ট ও নিশ্চিত বিধি প্রণয়ন করা আবশ্যিক। বাঙ্গলা গভর্নমেন্ট যে সংবাদপত্রের সম্পাদকদিগের সহিত পত্র লেখালেখি করেন, তাহা অতি হাস্যজনক। এবং ইহাতে দেখা যায় যে, সংবাদপত্রের সম্পাদককে যে সময় সময় শাস্তি দেওয়া হয়, তাহাও একটা প্রহসনের ত্রায় হইয়া দাঁড়ায়, প্রকৃত অপরাধী শীঘ্রই অস্ত্র পরিচ্ছদে আবিভূত হয়, এবং স্বদেশের স্বাধীনতার জন্ত, সাধুকার্যের জন্ত শাস্তিভোগ করিয়াছে, এইরূপ অলীক মাল্যে বিভূষিত হয়। সাধারণের স্বাধীন মনোগত ভাব প্রকাশ করিবার জন্ত সংবাদপত্রই সুবিধাজনক উপায়, তাহাতে বাধা দেওয়া কর্তব্য নহে।”

১৮৩২ খ্রীষ্টাব্দে বোম্বের গভর্নর্ লর্ড ক্লেয়ার্ কলিকাতার এক সংবাদপত্রের লাইসেন্স (সনদ) প্রত্যাহার করিবার জন্ত ভারতবর্ষের গবর্নমেন্টকে লিখিত মেট্‌কাক্‌ সাহেব পুনরায় এক মন্তব্য লেখেন। কার্ডিনাল্‌ গ্রান্ডিও সংবাদপত্র সম্বন্ধে যাহা বলিয়াছিলেন, এই মন্তব্যও প্রায় সেইরূপ ভাষা ছিল। তিনি গভীর ভাবে বলিয়াছিলেন, “আমার নিকট মানহানির কথা উঠাইও না। আমার বিরুদ্ধে ফ্লাগোসেঁ যাহা খেলা হইয়াছে, তাহা দেখা জার্মেনীতে যাহা লেখা হইয়াছে, তাহা পাঠ কর, মার্কুইস্‌ আলবার্টের জন্ত এবং অন্যান্য কারণে আমার বিরুদ্ধে ল্যাণ্ডগ্রেভে যাহা লেখা হইয়াছে, তাহাও পড়। আমি সমস্তই ছুঙ্কের ত্রায় গলাধঃকরণ করিয়াছি। কাগজের অনায়াসেই লেখা যায়! এক কথায় বলিতে গেলে, লেখনী তরবারি নহে। (After all, a pen is not a poniard)।

১৮৩৪ খ্রীষ্টাব্দে কলিকাতাবাসিগণ, মুদ্রাযন্ত্রের বিরুদ্ধে যে নিয়মাবলি ছিল, তাহা রহিত করিবার জন্য লর্ড উইলিয়ম্‌ বেন্টিন্‌কের নিকট আবেদন করেন, এবং আশাশ্রিত উত্তর প্রাপ্ত হন। ১৮৩৫ খ্রীষ্টাব্দে সার্‌ মেট্‌কাক্‌ অস্থায়ী গভর্নর্ জেনারেল্‌ হইয়া মুদ্রাযন্ত্রের স্বাধীনতা ঘোষণা করিয়া আইন প্রণয়ন করেন। এই জন্য তিনি বিলাতের ডাইরেক্টরদের সহিত বিরাগভাজন হন। ডাইরেক্টর সভা মনে করিলেন যে, সংবাদপত্রের স্বাধীনতা দেওয়ায় তাঁহাদের ভারতবর্ষের রাজত্ব বৃদ্ধি যায় যায় হইল।

হৃদয়িতার দ্বারা দেখা যাইতেছে, সংবাদ-পত্রের দ্বারা শাসনকর্তাদিগের ও পণ্ডিতদিগের বহু বহু উপকার সংসাধিত হইয়াছে, দেশের শিক্ষার ও সভ্যতার বিস্তার হইয়াছে, অনেক অন্যায় কার্যেরও ভ্রম প্রমাদের প্রতিবিধান হইয়াছে এবং সংবাদ-পত্র দেশের সুশাসনের এক প্রধান অঙ্গ হইয়া দাঁড়াইয়াছে।

ইহার বহুদিন পরে লর্ড লীটনের শাসনকালে সংবাদ-পত্রের স্বাধীনতা বন্ধ করা হয়। মহাত্মা লর্ড রিপনের সময়ে পুনরায় অবাধ স্বাধীনতা প্রদত্ত হয়। লর্ড ডাফ্রিণের শাসন সময়ে দেশীয় সংবাদ-পত্রের স্বাধীনতা বিলোপ করিবার চেষ্টা করা হয় এবং কতিপয় সংখ্যক মর্কর্দমাও গবর্নমেন্টের পক্ষ হইতে আনীত হয়। কিন্তু সংবাদ-পত্রের স্বাধীনতা লোপ করিবার আইন কার্যী না করিয়া ভারতীয় দণ্ডবিধি আইনের দ্বারা সংশোধন করা হয়। বর্তমান কালে লর্ড কার্জেন পুনরায় State Secrets বিল আইনরূপে পাশ করিয়াছেন, কিন্তু এই আইন অল্পদূরে এ পর্যন্ত কোন মর্কর্দমা স্থাপিত হয় নাই। সুতরাং এই আইন দেশীয় সংবাদপত্রকে কি ইংরেজী সংবাদপত্রকে ভয় প্রদর্শনার্থ বিধিবদ্ধ হইয়াছে, তাহা এখন পর্যন্ত জানা যায় নাই। বড়লাট্‌ সাহেব আমাদিগকে আশ্বাস দিয়াছেন যে “এই আইন প্রয়োগ করিবার প্রয়োজন হইবে না।” যদি তাহাই হয়, তাহা হইলে সংবাদপত্রের শিরোপরি (Damocle's sword) তরবারি ঝুলাইয়া রাখিয়া স্বাধীন চিন্তার ও উচিতবক্তার মুখ বন্ধ করা কেন?

যাঁহারা মনে করেন, মুদ্রাযন্ত্রের স্বাধীনতা হরণ করিয়া ও দেশবাসীদিগকে উপযুক্ত শিক্ষা না দিয়া চিরকাল এই দেশে রাজত্ব করা যাইতে পারে, তাহাদের জন্য লর্ড মেট্‌কাক্‌ফের মিনিট্‌ হইতে নিম্নে উদ্ধৃত করা গেল।

“The world is governed by an irresistible power, which giveth and taketh away dominion, and vain would be the impotent prudence of men against the operations of its Almighty influence. All that rulers can do is to merit dominion by promoting the happiness of those under them. If we perform our duty in this respect, the gratitude of India and the admiration of the world will accompany our name throughout all ages, whatever may be the revolutions of futurity; but if we withhold

blessings from our subjects, from a selfish apprehension of possible danger at a remote period, we shall merit that reverse which time has possibly in store for us, and shall fall with the mingled hatred and contempt, the hisses and execrations, of mankind.

Whatever be the will of Almighty Providence respecting the future government of India, it is clearly our duty, as long as the charge be confided to our hands, to execute the trust to the best of our ability, for the good of the people. The promotion of knowledge (of which the liberty of the Press is one of the most efficient instruments), is manifestly an essential part of that duty. It can not be that we are permitted by Divine Authority to be here merely to collect the revenues of the country, have the establishment necessary to keep possession, and get into debt to supply the deficiency.

শ্রীঃ—বাচস্পতি ।

## বঙ্গভাষাব্যবচ্ছেদ প্রস্তাব প্রসঙ্গ ।

সম্প্রতি গবর্ণমেন্ট হইতে প্রাথমিক শিক্ষা সম্বন্ধে যে রিপোর্ট বাহির হইয়াছে, তাহা লইয়া আমাদের দেশীয় সংবাদপত্রে নানা প্রকার আন্দোলন হইতেছে । আমরাও বঙ্গভাষা, সাহিত্য এবং শিক্ষার পক্ষ হইতে আমাদের ক্ষুদ্র শক্তির অনুরূপ কিঞ্চিৎ আলোচনা করিতে প্রয়াসী হইলাম ।

সরকারী রিপোর্ট হইতে বুঝা যায় যে, দেশীয় কৃষককুলের শিক্ষা সৌকর্য্য সাধন উদ্দেশ্যেই এইরূপ বিধি ব্যবস্থা করার প্রয়োজন হইয়াছে যে বঙ্গদেশকে নানা ভাগে বিভক্ত করিয়া প্রত্যেক ভাগে তত্তৎদেশীয় কবি ভাষায় প্রণীত পুস্তক অধ্যাপনা করার আয়োজন করিতে হইবে । নতুন কৃষক কুমারগণ কঠিন ভাষার পুস্তক বুঝিয়া উঠিতে পারে না । আপাতদৃষ্টিতে সরকার বাহাদুরের যুক্তি কলাপ বেশ মনোরম বলিয়া বোধ হইতে পারে বটে ; কিন্তু একটু প্রণিধান করিয়া দেখিলে আর যুক্তিগুলি সে

সম্মার বলিয়া বোধ হয় না । আর মনে মনে একটা বিষয়ের উদ্রেক হয় যে, মহামনস্বী ব্যক্তিবর্গগঠিত সভায় এইরূপ সব প্রস্তাব কিরূপে বিধিবদ্ধ হইতে পারে । সরকার বাহাদুর যাহা ইচ্ছা করেন করিতে পারেন, সে বিষয়ে তাঁহাদের পস্থা নিষ্ফল ; কিন্তু যাহাই করিতে যাওয়া হউক, কোনও এক প্রকার যুক্তি দ্বারা তাহাকে দাঁড় করাইয়া করার কি প্রয়োজন, তাহাই আমাদের উপলব্ধি হয় না ।

সরকার বাহাদুর অবশ্য সত্বদেষ্ণু-প্রণোদিত হইয়াই এ সব করিতেছেন, কি আমাদের কৰ্ম্মক্রমে ফল বিপরীত হইতেছে । বর্তমান প্রাথমিক শিক্ষা বিধির বিপর্যায় প্রস্তাবেও যে ফল বড় ভাল হইবে, সে প্রত্যাশা আমরা করিতে পারিতেছি না ।

প্রথমতঃ পাঠ্য পুস্তক প্রণয়ন বিষয়িনী নীতিই দোষাশ্রিতা । বাঙ্গালী বালকদিগের পাঠের জন্ত বঙ্গ ভাষায় যে পুস্তক রচিত হইবে, তাহা প্রথমে ইংরাজি ভাষায় রচনা করিবার আবশ্যিকতা কি, তাহা আমরা মোটেই বুঝিতে পারি না । ইংরাজি হইতে অনূদিত বাঙ্গলা পুস্তক না পড়াইয়া বঙ্গ ভাষায় রচিত পুস্তক পঠিত হইলে কি অপকারের সম্ভাবনা, তাহা সরকার বাহাদুর খুলিয়া বলেন নাই ; আমাদেরও স্থূল মস্তিষ্কে সে স্থূল তত্ত্বের ধারণা হয় না । সরকার বাহাদুর একবার বিবেচনা করিয়া বুঝিতে পারেন যে, তাঁহার স্বদেশীয় বালকগণের জন্ত রচিত পুস্তক যদি প্রথমে বাঙ্গলায় রচিত হইয়া তৎপর ইংরাজিতে অনুবাদ করা হয়, তাহা হইলে তাহা কতদূর কুটিপ্রদ হইবে !

ইংরাজিতে রচিত হইবার আবশ্যিকতা যদি এই হয় যে, ডিরেক্টর বাহাদুর প্রভৃতি উচ্চ পদস্থ ইংরেজ কৰ্ম্মচারীগণ কর্তৃক ঐ পুস্তক পরীক্ষিত হইতে পারিবে ; তত্বতরে আমাদের বক্তব্য এই যে, সরকার বাহাদুরের অসংখ্য বঙ্গীয় কৰ্ম্মচারীগণের মধ্যে একরূপ ব্যক্তি কি এতই অল্প যে, ঐ সব পুস্তক তাঁহাদের দ্বারা পরীক্ষিত হইতে পারে না ? এ কথা বোধ হয় সরকার বাহাদুর স্বীকার করিবেন না । আর যদি রাজকীয় প্রয়োজন ও উদ্দেশ্য সাধনোদ্দেশ্যে ইংরাজ কৰ্ম্মচারীগণের দ্বারাই ঐ সব পাঠ্য পুস্তক পরীক্ষিত হওয়া একান্তই আবশ্যিক হয়, তাহা হইলে আমরা বলিব যে, কর্তব্যের অনুরোধে ঐ সব ইংরাজ কৰ্ম্মচারীগণকে বঙ্গ ভাষা শিখিয়া লইতে হইবে । তাঁহারা প্রয়োজন সিদ্ধির জন্ত লাতিন, হিব্রু, প্রভৃতি শতশত ভাষা

শিক্ষা করিতেছেন, প্রজাকুলের মঙ্গলের জন্য বঙ্গ ভাষা, হিন্দী প্রভৃতি শিক্ষা করিয়া লউন। নতুবা জন কতক ব্যক্তির সুবিধার উদ্দেশ্যে লক্ষ লক্ষ ব্যক্তির অসুবিধা করা কোন ক্রমেই সম্ভব বোধ হয় না। বাঙ্গালা ভাষা ইংরাজীতে প্রকাশ করিয়া আবার তাহাকে বাঙ্গালার ছাঁচে ঢালিয়া ছাত্রগণের হাতে দিলে তাহা প্রকৃত বাঙ্গালা হইবে কিনা সে বিষয়ে একান্তই সন্দেহ। খ্রীষ্টানি বাঙ্গালা পুস্তক বিশ্ব বিদ্যালয়ের অনুবাদের প্রশ্ন পত্র প্রভৃতির আলোচনা করিলেই সে সন্দেহ নিরাকৃত হইবে। কি বিভক্তি কি কৰ্তৃক সংস্থান প্রত্যেক বিষয়েরই উভয় ভাষার প্রকৃতি ও গঠন বিবেচনা করিয়া দেখিলে তাহা সহজেই বুঝিতে পারা যায়। এইরূপ পুস্তক প্রণয়নের আদেশ প্রচার করা একটা ধামখেয়ালির রূপান্তর ব্যতীত আমরা আর কিছু বলিতে পারি না। ইহাতে উন্নতিশালিনী বঙ্গ ভাষার তেজঃ বর্ধিত হইবে বলিয়াই আমাদের দৃঢ় বিশ্বাস। যদি তাহাই সরকার বাহাদুরের অভিপ্রেত হয়, তবে সে উদ্দেশ্য এতদ্বারা সাধিত হইবে বলিয়া আমরা বলিতে পারি। এইরূপ ইংরাজি পুস্তক রচনার আদেশ প্রচারের উদ্দেশ্য কি সরকার বাহাদুর তাহা খুলিয়া বলেন নাই, এ জন্যই আমরা অন্ধকারে পড়িয়া আছি।

তার পর পূর্ব পশ্চিম উত্তর দক্ষিণ বঙ্গদেশের এই চারি বিভাগ ভেদে চারি প্রকার ভাষাভেদ করিয়া তদনুযায়ী পাঠ্যপুস্তক প্রণয়ন করিবার প্রস্তাব হইয়াছে, ইহাও বিশেষ চিন্তা-প্রসূত বলিয়া আমাদের ধারণা হয় না। লিখিত ও কথিত ভাষায় একটা পার্থক্য চিরদিনই সর্বদেশে চলিয়া আসিতেছে। কথিত ভাষাতে পাঠ্যপুস্তক প্রণীত হওয়া বাঞ্ছনীয় কিনা, সে বিষয়ে বলবান সন্দেহ বর্তমান। সংস্কৃত শব্দশাস্ত্রে কথিত হইয়াছে যে, কথিত ভাষার আকৃতি প্রতি যোজনেই পরিবর্তিত হয়, কথিত ভাষার রূপ এক প্রকার কখনই থাকিতে পারে না। নিম্নশ্রেণীর নিরক্ষর জন সাধারণের মধ্যে তাহার প্রকৃতির পরিবর্তন লক্ষ্য করা গিয়া থাকে। পাশ্চাত্য শব্দ শাস্ত্রে কথিত ভাষার এই পরিবর্তনশীলতা স্বীকার করেন। পাশ্চাত্য ভাষাতেও যে সমস্ত পাঠ্য পুস্তক রচিত হয়, তাহা কথিত ভাষায় কি লিখিত ভাষায় তাহা বোধ হয় সকলেই বুঝিতে পারেন। বিশেষতঃ সরকার বাহাদুরের তাহা অজ্ঞাত থাকিবার কোনও কারণ নাই। কথিত ভাষা প্রাদেশিকতা ছুটি বলিয়াই গ্রন্থাদি প্রণয়নে পরিত্যক্ত হইয়াছে। কোন নাটকাদি দৃশ্যকর্ম

তথাবৎ গ্রন্থে প্রাদেশিকতা পূর্ণ গ্রাম্য ভাষার প্রদর আছে। একরূপস্থলে প্রাথমিক শিক্ষার পুস্তকাবলী প্রাদেশিক ভাষায় প্রণয়নের আদেশ প্রচার করা কতদূর সম্ভব, তাহা সুধীগণের বিবেচ্য।

সরকার বাহাদুর একবার প্রণিধান করিয়া বুঝিতে পারেন যে, ইংলণ্ডের নানা প্রদেশের জন্ত যদি তত্ত্বৎদেশীয় প্রাদেশিকতা-পূর্ণ গ্রাম্য ভাষায় পুস্তক রচিত হয়, তাহা হইলে সেটা কিরূপ প্রিয় হইবে? ইয়র্কশায়ারের কথায় নপ্তে মিডল্ সেক্সের কথায় যে বাক্যে, উচ্চারণে ও স্বরে অনেক বৈলক্ষণ্য আছে, তাহা সকলেই জানেন। এইরূপ অন্যান্য প্রদেশেরও কথিত ভাষায় নপ্তে অনেকই পার্থক্য দেখা যাইবে। কিন্তু ইংলণ্ডাদি প্রদেশে শ্রমজীবীগণের জন্ত রচিত পুস্তক সমূহে এই প্রাদেশিক ভাষা স্থান পাইয়াছে কি, লিখিত সাধারণ ভাষা স্থান পাইয়াছে, তাহা অভিজ্ঞেরা বলিতে পারেন। আমরা যতদূর বুঝিতে পারি, তাহাতে এইরূপ ভাষা-বিভাগ দ্বারা উন্নতিশালিনী বঙ্গভাষার বিশেষরূপ অনিষ্ট সাধিত হইবে।

কিন্তু এতদ্বারা দেশীয়গণের কি কল্যাণ সাধিত হইবে, তাহা আমরা ধারণা করিতে অক্ষম। সরকার বাহাদুর বলিতে চাহেন যে, বর্তমান প্রণালিতে শিশু শ্রেণীর পাঠ্য পুস্তক একরূপ ভাষায় প্রণীত হয় যে, তাহা তাহাদের বোধগম্য হওয়া কঠিন! এ কথা কতকাংশে সত্য হইতে পারে, কিন্তু তন্নিবারণ কল্পে যে উপায় উপদিষ্ট হইয়াছে, তাহাতো আমাদের নিকট সমীচীন বলিয়া বোধ হয় না। উপযুক্ত লোক দ্বারা প্রণীত হইলে এই লিখিত ভাষাতেই একরূপ সহজ পুস্তক লিখিত হইতে পারে যে তাহা অনায়াসে বাঁকুড়া, বীরভূম, মেদিনীপুর হইতে ত্রিপুরা, নোয়াখালি, চট্টগ্রাম পর্যন্ত সর্ব জেলায় পঠিত হইতে পারে। মধ্য মধ্য বিষয়ানুরোধে যেখানে নিত্য আহাৰ্য্য, অস্ত্র শস্ত বস্ত্রজাত প্রভৃতির উল্লেখ করিতে হয়, সেই সেই স্থলে পাদটীকায় ঐ সমস্ত শব্দের প্রাদেশিক নামগুলি লিখিত থাকিলে বর্তমানের অসুবিধাটুকু অনায়াসেই দূরীভূত হইতে পারে। কৃষিকার্য্য, গৃহস্থালী, প্রভৃতিতে ব্যবহার্য্য বস্তুজাতের এবং এইরূপ আরও অনেক জিনিসের প্রদেশ ভেদে নানারূপ নাম আছে। সে গুলির ঐ সমস্ত বিভিন্ন নাম পুস্তকে প্রদত্ত না হইলে শিক্ষা-দৌর্ভাগ্যের অসুবিধা হয়, তাহা আমরা অভিজ্ঞতা হইতেই বুঝিতে পারি। বর্তমান পাঠ্য পুস্তকে এমন অনেক শব্দ আছে, যাহা পল্লীর ছাত্রবর্গ দূরে থাকুক, শিক্ষকগণও বুঝিতে পারেন না; সেজন্ত অনেক সময় 'কপিথ'

‘কালকচু’ এবং ‘নারিকেল’ লতা বিশেষরূপে ব্যাখ্যাত হইবার ন্যায় অনেক আনুমানিক অর্থ ব্যবহৃত হইয়া থাকে। যদি গ্রন্থকর্তৃগণ গ্রন্থ প্রণয়নের সময় এই বিষয় স্মরণ রাখিয়া প্রাদেশিক শব্দাবলীর বিভিন্ন নাম যুক্ত একটি তালিকা পুস্তকের সহিত সংলগ্ন করিয়া দেন, তাহা হইলে আমাদের বিবেচনার এই অভাবের মোচন হয়। আর শিশুগণের পাঠের জন্য রচিত পুস্তক সকল লিখিত ভাষাতেই যে অপেক্ষাকৃত অনেক সহজ করিয়া রচিত হইতে পারে, সে বিষয় আমরা সন্দেহ করি না; তবে যে সে ব্যক্তিই গ্রন্থকার হইলে তাহার আশা কম। বঙ্গ ভাষায় অধিকারী মনীষিগণ যদি এইরূপ পুস্তক রচনা করেন, তাহা হইলে অতি সহজ অথচ সুললিত বাঙ্গালা পাঠ্যপুস্তক প্রণীত হইয়া বঙ্গ ভাষার পুষ্টি ও শ্রীবৃদ্ধি এবং সঙ্গে সঙ্গে শিশুগণের পাঠমৌক্য উভয়ই সংসাধিত হইতে পারে। শিক্ষা বিভাগের কর্মচারী হইলেই যে তাহারা বঙ্গ ভাষায় অভিজ্ঞ হইবেন, এরূপ প্রত্যাশাও যেমন বৃথা, উক্ত উপাধিধারীগণের প্রত্যেকেই বঙ্গ ভাষা প্রয়োগকুশল হওয়ার আশাও তেমনই অলীক। তৈল মর্দনের ভয়ে অনেক সুশিক্ষিত বঙ্গ সাহিত্যসেবী বালাপাঠ পুস্তক রচনাতে হস্তক্ষেপ করিতে একান্তই বীতস্পৃহ। একখানি পুস্তক লিখিয়া তাহাকে পাস করাইবার জন্য যেরূপ তোষামোদ, লাঞ্ছনা এবং ব্যয় করিতে হয়, তাহা ভুক্তভোগী অবগত আছেন। অনেকে যে এই কার্যে পশ্চাৎপদ, তাহা তাঁহাদিগের সঙ্গে আলাপে বুদ্ধিতে পারা যায়। শুনা যায় যে, যাহাদের শ্রীমন্ত, কি শশুর, কি পিতা, কি বন্ধু, কি অন্য কোন আত্মীয় অথবা আত্মীয়ের আত্মীয় তন্ত্র আত্মীয় শিক্ষাবিভাগের কোন উচ্চ পদে অধিষ্ঠিত আছেন, তাহারা অনায়াসেই সাহিত্য, ব্যাকরণ, গণিত, বিজ্ঞান, ভূগোল, ইতিহাস ইত্যাদি সকল বিষয়ের পাঠ্য পুস্তক লিখিয়া অর্থবান হইতে পারেন, কিন্তু যাহারা সে সৌভাগ্যে বঞ্চিত, তাহাদের ভাগ্যে পুস্তকের মুদ্রণ ব্যয় দণ্ড দান ভিন্ন অন্য কোন লাভ কদাচিত্ দেখা যায়। এই কলঙ্ক দূর করিয়া যদি সরকার বাহাদুর অভিজ্ঞ লোকের প্রণীত পুস্তকের গুণানুগুণ বিচার করিয়া পাঠ্য নির্বাচন করেন, তাহা হইলে এতদপেক্ষা উৎকৃষ্টতর পুস্তক প্রণীত হইবে, তাহাতে আমরা সন্দেহ করি না।

ক্রমশঃ

শ্রীবহুনাথ চক্রবর্তী, বি-এ।

# বীরভূমি

মাসিক পত্রিকা ও সমালোচনী

মে ১৩]

আষাঢ়, ১৩১২

[ ৭ম সংখ্যা।

শ্রীনীলরতন মুখোপাধ্যায় বি, এ,

সম্পাদিত।

সূচী।

১।	বৈজ্ঞানিকের ভুল নহে।	...	...	২৪১
২।	বঙ্গীয় সাহিত্য-সেবক। (শ্রীশিবরতন মিত্র)	...	...	২৪২
৩।	কৃপা ভিক্ষা। (শ্রীবীরেন্দ্রনাথ শাসনাল)	...	...	২৫৭
৪।	শূন্যহস্তে। (শ্রীনগেন্দ্রনাথ বসু)	...	...	২৫৫
৫।	হিন্দু জ্যোতিষ। (শ্রীকালী প্রসন্ন চট্টরাজ, এম-এ)...	...	...	২৫৯
৬।	মারাঠা রাজ্যশাসন প্রণালী (শ্রীবৈকুণ্ঠনাথ দাস)	...	...	২৬৭
৭।	লালাবাবু। (শ্রীশ্রীশচন্দ্র চট্টোপাধ্যায়)	...	...	২৭৪

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

ব্যয়ে বীরভূম জেলার অন্তর্গত

কীর্ত্তহার গ্রাম হইতে

শ্রীদেবিদাস ভট্টাচার্য্য বি, এ

কর্তৃক প্রকাশিত।

২৫শে জ্যৈষ্ঠ—১৩১২।

বটক্রম পালের

# এডওয়ার্ডস স্পেসিফিক ম্যালেরিয়া স্পেসিফিক

ম্যালেরিয়া ও সর্ববিধ জররোগের একমাত্র  
মহৌষধ।

অন্যাবধি সর্ববিধ জর-রোগে

এমত আশু-শান্তিকারক মহৌষধ আবিষ্কার হয় নাই।

লক্ষ লক্ষ রোগীর পরীক্ষিত।

মূল্য—বড় বোতল ১০, প্যাকিং ও ডাকমাশুল ১ টাকা।

ছোট বোতল ৫০ আনা, ঐ ঐ ৫০ আনা।

রেলওয়ে কিস্বা পীমার পার্শ্বলে লইলে খরচা অতি সুলভ হয়।

এডওয়ার্ডস্

## লিভার এণ্ড স্পিন অয়েন্টমেন্ট

অর্থাৎ প্লীহা ও যকৃতের অব্যর্থ মলম।

প্লীহা ও যকৃত নিৰ্দোষে আরাম করিতে হইলে আমাদের “এড-  
ওয়ার্ডস্ টনিক বা স্পেসিফিক ম্যালেরিয়া স্পেসিফিক” সেবনের

সঙ্গে সঙ্গে উপরোক্ত পেটের উপর শ্রাতে ও বৈকালে

মালিশ করা আবশ্যিক। যতই বর্দ্ধিতায়তনের প্লীহা,

যকৃত বা অগ্রমাস হউক না কেন, ইহা নিয়মি-

রূপে মাসেককাল মালিশ করিলে, এক-

বারেই কমিয়া যাইবে। এই মলম

মর্দন দ্বারা আশু ফল পাইবেন।

মূল্য প্রতি কোটা ১০ ছয় আনা। ডাঃ মাঃ স্বতন্ত্র লাগে-  
পত্র লিখিলে কমিশনের নিয়মাদি সম্বন্ধীয় অগ্রান্ত জ্ঞাতব্য বিষয় অবগত হইবেন।

সোল্ এজেন্টস্ ; = বটক্রম পাল এণ্ড কোং

৭ ও ১২ নং বনফিল্ডস্ লেন চীনা বাজার—(কলিকাতা)।

# বীরভূমি

নং ৩।।

আষাঢ়, ১৩১২

[ ৭ম সংখ্যা ]

বৈজ্ঞানিকের ভুল নহে।

অজ্ঞতা ও অপূর্ণতা।

(৩)

ধর্মশাস্ত্র বলেন যে, আদিতে একমাত্র পরব্রহ্ম, অদীম আকাশ (space) অনন্তকাল (eternity) ব্যাপিয়া বিদ্যমান ছিলেন, আছেন, ও থাকি-  
না। এই পরব্রহ্ম চিন্তাগম্য নহেন, তিনি অপার ও অগম্য। বেদান্ত-  
মত আকাশকে ও মহাকাশকে (অনন্তকালকে) তাঁহার অস্তিত্বের চিহ্ন-  
রূপ উল্লেখ করিয়াছেন। “আকাশ স্তম্ভিত্বাৎ”। তিনি অপ্রকাশ,  
অবিকাশিত (Unmanifested) পরব্রহ্ম, তাঁহাকে মাত্র “তৎ” (It is)  
হইয়া থাকে। ইহামহাপ্রপঞ্চের অবস্থা। তিনি এক মাত্র সৎ, অনন্ত  
ব্রহ্ম (আকাশে) বিরাজিত, অনন্ত গাঢ় অন্ধকার বন অন্ধকারে আবৃত,  
সৎ তখন নাম-রূপ-বিশিষ্ট (মায়া দ্বারা সীমাবদ্ধ) জগৎ ও তাঁহার অপ্র-  
কাশিত ও অবিকাশিত (Unmanifested) থাকেন। তৎপর তিনি মায়া  
রূপ এবং সত্ত্ব, রজঃ, তমঃ এই তিন গুণ) সাহায্যে প্রকৃতিত (mani-  
fested) হইবার ইচ্ছা (Will) বা চিন্তা (তৎ ঐক্ষত বজ্রাৎ—Thought)  
দ্বারা অনন্ত আকাশের এক অংশ গ্রহণ করিয়া স্বীয়রূপে প্রকৃতিত হইলেন  
(manifested)। শ্রীভগবান অর্জুনকে বলিয়াছেন “বিশ্বেত্যাহমিদং কংম  
সংশেন হিতো জগৎ”—আমি এই সমুদয় বিশ্ব আমার এক অংশের দ্বারা  
প্রকৃতিত হইয়া অবস্থান করিতেছি। পরব্রহ্ম একাংশ দ্বারা প্রকৃতিত হইয়া ব্রহ্মা,  
বিষ্ণু, মহেশ্বর, এই ত্রিমূর্তি ধারণ করিয়া, সত্ত্ব (রক্ষণশীল), রজঃ (বর্দ্ধনশীল)



ও তমঃ ( ধ্বংসশীল ) এই তিন গুণ অবলম্বনে সৃষ্টি-স্থিতি-প্রলয়কার্যে প্রাণী ( active ) হইলেন, এই কর্ম তৎপরতার ( activity ) নামই প্রাণ। পরম ব্রহ্ম অসীম শূন্য বা অনন্ত আকাশের অংশ মাত্র গ্রহণ করিয়া একাংশ স্বাভাবিক তন্মধ্যে অনুপ্রবিষ্ট হইয়া ( ensouling ) স্বকীয় ইচ্ছা বা চিন্তাবলে স্পন্দন বা তরঙ্গ ( vibrations, waves ) উৎপাদন করিয়া আদিভুবন, পরে অল্পপাদক ভুবন, পরে ব্যোম-ভুবন ( region ), পরে মরুৎ-ভুবন, পরে তেজোভুবন, পরে অপ-ভুবন, ও পরে ক্ষিতি বা স্থল-ভুবন প্রকটিত করিলেন। এই সপ্তভুবনের অনুরূপ সপ্তলোক যথা—ভূঃ বা পৃথ্বীলোক, ভুবঃলোক ( স্থল ), স্বর্লোক ( সূক্ষ্মতম ), মহঃ ( অরূপ ), জন ( অরূপ ), তমঃ ( অরূপ ) সপ্তলোক ( অরূপ )। এই সপ্তভুবন বা সপ্তলোকের সর্ব নিম্নের তিন লোক রূপ ( having forms ), তৎপরবর্তী চারি লোক অরূপ ( formless ) ক্ষিতি লোকের অধিবাসিগণ স্থল ও প্রত্যক্ষ রূপধারী, ভুবলোক বা মরুৎ লোকের অধিবাসিগণ সূক্ষ্ম রূপধারী, স্বর্লোক বা স্বর্গলোকের অধিবাসিগণ তেজোময় সূক্ষ্মতম রূপধারী। ক্ষিতিলোকে ক্ষিতি, অপ, তেজ, মরুৎ, ব্যোম ( ইথার ) স্থল অবস্থায় ( dense ) আছে, ভুবলোকে ক্ষিতি, অপ, তেজ, মরুৎ, ব্যোম সূক্ষ্মাবস্থায় ( subtle ) অবস্থায় আছে। তৎপরে কয়েক লোকেও ক্ষিতি, অপ, তেজ, মরুৎ, ব্যোম আছে, কিন্তু তাহা অতি সূক্ষ্মাবস্থায় ( very, very, subtlest ), তাহাদিগকে অরূপই বলা হইয়া থাকে। এই সপ্তভুবন বা সপ্তলোক পরস্পর ওতঃপ্রোতঃ ( interpenetrating or intermingling ) বিরাজমান, একটি অপরিবাহিক বাহিরে নহে। তবে সমস্ত গুলির জ্ঞান হয় না কেন? কারণ সীমাবদ্ধ জ্ঞান জ্ঞাতার জ্ঞান। মানবের ইন্দ্রিয়বর্গ যে জ্ঞান লাভের উপযোগী, সেই জ্ঞান মাত্র লাভ হয়। বাহবস্তুর সহিত মানবের ইন্দ্রিয় সংস্পৃষ্ট হইলে অনুভূতি জন্মে। মানবের ইন্দ্রিয়বর্গ যে জ্ঞান আনয়ন করিতে পারে মাত্র, তাহাই মানব জানিতে পারে। যেমন সুন্দর দৃশ্যাবলি অদৃশ্য, মনোহর সংগীত বধিরের শ্রবণাশক্য। যেমন পরব্রহ্ম ( unmanifested God ) বিকাশ প্রাপ্ত হইয়া ঈশ্বর ( manifested God বা Word Logos ) হইলেন, সেইরূপ এই পরিদৃশ্যমান বিশ্ব ঈশ্বরের বিকাশ, অসৃষ্টি নহে ( Out of nothing, nothing is created )। খ্রীষ্টীয় গীতায় অর্জুনকে বলিয়াছেন—“নাসতো বিদ্যাতেহভাবো নাভাবো বি

তঃ”—অসৎ বস্তুর ( যাহা নাই, nothing ) সৃষ্টি বা উৎপত্তি সম্ভবে না, পদার্থের ( যাহা আছে ) একান্ত অভাব বা অত্যন্ত বিনাশ সম্ভবে না, প বা আকারের পরিবর্তন হয় মাত্র। পঞ্চ মহাভূতের তৃতীয় তেজ বা আপকে বায়ু বলা যায়, কারণ তাপ হইতে বায়ুর উৎপত্তি। মরুৎকে ১নং ইথার, ব্যোমকে ২নং ইথার, অনুপাদক স্তরকে ৩নং ইথার ও আদি ভুবন স্তরকে ৪নং ইথার বলা হইয়া থাকে, ইহারা জড়শক্তির বা প্রাণশক্তির বা জ্ঞানশক্তির সঞ্চালক ( medium )।

উপরে যে মত বলা হইল, ইহা, তত্ত্ববাদিগণের ধর্মমতের সার সংগ্রহ। পূর্বেরও প্রায় ইহাই মত, এবং এই মত বিজ্ঞানেরও অসম্মত নহে। এই সম্বন্ধে বিজ্ঞান কত দূর অগ্রসর হইয়াছেন, তাহার কিছু বিচার করা আবশ্যিক। আত্মা ( spirit ), বুদ্ধি ( intelligence ) ও দেহ বা আকৃতি ( form ), এই ত্রিমূর্তিধারী ( trinity ) মনুষ্যের তত্ত্ব নির্ণয় করিতে প্রয়াস পান। আকৃতি বা দেহ আবার তিন প্রকার—স্থল শরীর, সূক্ষ্ম বা লিঙ্গ শরীর ( astral body ) এবং অতি সূক্ষ্ম বা কারণ শরীর ( casual body )। বিজ্ঞান মাত্র স্থল শরীরের বিষয়ই আলোচনা করিয়া থাকেন। এই প্রত্যক্ষ দেহধারী মানব ভিন্ন অতিরিক্ত কোন আত্মা, বুদ্ধি, সূক্ষ্ম শরীর, কারণ শরীর প্রভৃতির বিদ্যুৎ আছে কিনা, ও থাকিলে তাহারা জড় শক্তির অতিরিক্ত কোন কার্য করিবে কিনা, এই সম্বন্ধে বিজ্ঞান কিছু নির্ণয় করিতে অগ্রসর হন নাই; কারণ মনুদয় কার্য ও সৃষ্টিই যদি জড় শক্তির সাহায্যে বৃদ্ধিতে পারা যায়, তাহা হইলে অতীন্দ্রিয় পদার্থের অনুমান করিবার আবশ্যিকতা কি?

বিজ্ঞান প্রমাণ করিয়াছেন যে, এই পরিদৃশ্যমান বিশ্বকে অণু, পরমাণু বা গুণে বিশ্লেষণ করিলে পদার্থ ( matter ) এবং আদ্যাশক্তি ( Energy ) প্রমাণ পাওয়া যায়। পদার্থ ও শক্তি অবিনশ্বর এবং অল্পপন্ন, অর্থাৎ তাহার বিনাশও নাই, অভিনব উৎপত্তিও নাই। (এই বিষয় পরে বিস্তৃত ভাবে বলা হইবে)। মূল পদার্থও একমেবাদ্বিতীয়। আদ্যাশক্তিও একমেবাদ্বিতীয়। আদ্যাশক্তি ( Everlasting energy ) যে একমাত্র শক্তি, বহু শক্তি নহে, তাহা নিঃসন্দ্বিগ্নরূপে প্রমাণিত হইয়াছে। এবং ইহাও অনেক কালবিৎ পণ্ডিতের ধারণা যে পদার্থ ( matter ) স্বতন্ত্র কিছুই নহে, শক্তির ( energy ) প্রকল্পন, স্পন্দন, আন্দোলন বা সঞ্চালন ( vibrations ) মাত্র। আদ্যাশক্তিই একমাত্র সৃষ্টি-রচয়িত্রী অর্থাৎ সমস্ত জাগতিক কার্যের ( ক্রম

পরিবর্তনের, উৎপত্তি-স্থিতি-বিনাশের) একমাত্র মূল কারণ। পদার্থ ও শক্তি পরস্পর সম্বন্ধ, তাহার একের বিহনে অপরের অস্তিত্বের কল্পনা সম্ভবে না।

এক অবিদ্যমান মহাশক্তিই যে রূপান্তরিত হইয়া বিভিন্ন আকারে পরিণত হয়, ইহা বিজ্ঞানের পরীক্ষিত সত্য। এক প্রকারের ভৌতিক শক্তি (Physical force) অল্প প্রকার শক্তির আকার ধারণ করিতে পারে। গতি (Motion) তাপে (heat) পরিবর্তিত হইতে পারে। তাপ হইতে গতি, আলোক (Light), ও বিদ্যুৎ (electricity) উৎপন্ন হইতে পারে। গতি হইতে চুম্বকাকর্ষণী শক্তি (Magnetism) উৎপন্ন হইতে পারে। এইরূপ এক শক্তি অল্প শক্তিতে পরিবর্তিত হইতে পারে। এই ভৌতিক শক্তি নিচয়ের মধ্যে যদি ইথার (ether) সঞ্চালকের মধ্য দিয়া তরঙ্গ বা স্পন্দন উৎপন্নকারী প্রাণ-শক্তিকে ভুক্ত করা যায়, তাহা হইলে এমন দিন আদি যখন বিজ্ঞান প্রমাণ করিতে পারেন যে, সমস্ত ভৌতিক শক্তির মূল কারণ প্রাণ বা ইচ্ছা শক্তি। এই যে এক শক্তি অল্প শক্তিতে রূপান্তরিত হইতে পারে, ইহার কারণ কি? মনে করুন, গতি (Motion) এবং তাপ (heat) ইহারা কিরূপে উৎপন্ন হয়? পদার্থের পরমাণুর (molecules) স্পন্দনের (vibrations) দ্বারা উৎপন্ন হয়। এইরূপ আলোক, বিদ্যুৎ প্রভৃতি শক্তি নির্দিষ্ট সংখ্যক পরমাণুর নির্দিষ্ট সংখ্যক বিকল্পনের (vibrations) দ্বারা উৎপন্ন হয়। বিকল্পনের সংখ্যার বিভিন্নতাই শক্তির পার্থক্যের কারণ। এই স্পন্দন সঞ্জাত হয়, তাহা সঞ্চালক পদার্থের (medium) মধ্য দিয়া সঞ্চালিত হয়। সব পদার্থ সব শক্তির সঞ্চালক পদার্থ হইতে পারে না। শ্রবণশক্তি সম্পন্ন জীবের শ্রবণেন্দ্রিয়ের মধ্যদিয়াই শব্দ (Sound) স্নায়ু মস্তিষ্কে কল্প উৎপন্ন করিতে পারে। চুম্বকাকর্ষণ-সম্পন্ন পদার্থ আকর্ষণোপযোগী সঞ্চালক পদার্থের মধ্য দিয়া আকর্ষণ করিতে পারে। নদী, সমুদ্র, বৃক্ষ, বনজঙ্গল ইষ্টকালয়, কঠিন পর্কিত প্রভৃতির মধ্য দিয়াও ইথার সঞ্চালিত হইতে পারে। যদি এই মহাশক্তি (everlasting energy) অজ্ঞেয় পরব্রহ্মের ইচ্ছাশক্তি সঞ্চালের আন্দোলনে (vibrations) উৎপন্ন হইয়াছে, ইহা প্রমাণ করা যায় তাহা হইলে বিশ্ব-বিকাশের মূল কারণ—“তৎ ঐক্যত বহুমাং প্রজ্ঞায় ইচ্ছাশক্তি যে একটি মহতী শক্তি এবং চিন্তার (Thoughts) দ্বারা স্পন্দন (vibrations) ও রূপ (form) উৎপন্ন হইয়া চিত্তের বিনিময় হইতে পারে, ইহাও আজ কাল পরীক্ষিত হইতেছে। শব্দ (sound) দ্বারা

উৎপন্ন হইয়া আকার (sound form) জন্মে, ইহা বৈজ্ঞানিক সত্য। চিন্তা দ্বারাও তরঙ্গ আকার (Thought-forms) জন্মিতে পারে, ইহার নাম চিন্তার বিনিময়—Telepathy. ইহাও এক প্রকার পরীক্ষিত সত্যই বলিতে হইবে। এই আকারের ফটোগ্রাফ লওয়া হইয়াছে। আত্মা অবিনশ্বর, পরমাণু অবিনশ্বর, ইহা স্বীকার্য্য সত্য, ও পরীক্ষিত সত্য। শক্তি (energy) যে নূতন উৎপন্ন হয় না ও বিনষ্টও হয় না, ইহা বৈজ্ঞানিক সত্য (Conservation of energy)। শক্তি (energy) দুই প্রকার অবস্থায় দৃষ্ট হয়, এক অপ্রকাশিত অবস্থায় (Latent state—potential energy) স্থিতিভাবাপন্ন, অপর প্রকাশিত অবস্থায় কার্য্যকরী গতিশীল (kinetic energy)। তাপ শক্তি পদার্থের ভিতর, যেমন কাঠের ভিতর অপ্রকাশিত অবস্থায় থাকে, কাঠ অল্প পদার্থের সহিত সংযুক্ত হইলে তাপ প্রকাশিত হয়। কোন বস্তুকে আঘাত করিয়া উদ্ধার দিকে চালিত করিলে প্রকাশিত শক্তি ঐ বস্তুর ভিতরই অপ্রকাশিত অবস্থায় সঞ্চিত রহিল। সংভাবায়ক বিদ্যুৎ (Positive electricity) যখন অভাবায়ক (negative electricity) বিদ্যুতের সহিত মিলিত হয়, তখন বৈদ্যুতিক আকর্ষণের কোন চিহ্নই থাকে না, উভয়েই বিনষ্ট হইয়াছে বলিয়া বোধ হয়। বাস্তবিক তাহা নহে, অপ্রকাশিত অবস্থায় থাকে, ইচ্ছা করিলে পৃথক করা যাইতে পারে। প্রত্যেক পদার্থে এবং আত্মাতে এই মহাশক্তি নিহিত আছেন—অপ্রকাশিত অবস্থায়। এই জগতই বিজ্ঞানের সিদ্ধান্ত এই যে শক্তির বিনাশ ও উৎপত্তি সম্ভবে না। বিজ্ঞান উন্নত হইলে বলিতে পারিবেন, ইচ্ছাশক্তির বা চিন্তা শক্তির বা প্রাণ শক্তির একান্ত বিনাশ ও অভিনব উৎপত্তি সম্ভবে না। সৃষ্টির আদিতে পরমব্রহ্ম বৃক্ষি প্রাপ্ত হইবার বা বিকাশিত হইবার ইচ্ছা বা সঞ্চালন করিয়া যে শক্তি পরিচালিত করিলেন (Kinetic energy), তাহা আমাদের উপর সংক্রামিত হইয়াছে, আমাদের উপর কখনও কার্য্য করে (মিডিয়াম্ অনুসারে Kinetic হয়), কখনওবা প্রকাশিত অবস্থায় থাকে (বিকাশের উপযুক্ত মিডিয়াম্ অনুসারে Potential হয়)। বায়ুমণ্ডলে তাড়িত-তরঙ্গ প্রবাহিত হইতেছে; চুম্বক শক্তি দূরত্ব ও কঠিন পদার্থ ভেদ করিয়া এক ব্যক্তি হইতে অপর ব্যক্তির চিত্তে সঞ্চালিত হইতেছে, ইহাও এক প্রকার স্বীকৃত।

এখন দেখা যাউক, জীবনী শক্তি (Vital energy) কি, এবং সেই তত্ত্ব নির্ণয় সম্বন্ধে বিজ্ঞান কতদূর কৃতকার্য্য হইয়াছেন। বিজ্ঞানের বর্তমান জ্ঞান

অনুসারে বিজ্ঞান জড় পদার্থকে ( কারণ জড়ের অতিরিক্ত আত্মাকে বিজ্ঞান স্বীকার করেন না, ) দুই ভাগে বিভক্ত করেন, চেতন জড় পদার্থ ও অচেতন জড় পদার্থ। বাস্তবিক এই পার্থক্য হাস্যোদ্দীপক হইলেও অর্থোক্তিক নহে। “চেতন” অর্থে এই বৃত্তিতে হইবে, যাহার উপর Kinetic energy কার্য করিতেছে, এবং “অচেতন” অর্থে এই বৃত্তিতে হইবে যাহার ভিতর শক্তি Potential অবস্থায় আছে, প্রকাশিত হইতে পারিতেছে না। হিন্দু দর্শন মতে জড় পদার্থেরও জীবন আছে, জড় পদার্থের অভ্যন্তরে—মহাপুরুষ অভ্যন্তরে—সূক্ষ্ম ইথার ওতঃপ্রোতোভাবে (interpenetrating, enter-mingling) বিরাজিত। পূর্বেই কথিত হইয়াছে, ঈশ্বর আকাশের অভ্যন্তরে আত্মরূপে অনুপ্রবেশ (ensouled) করিয়াছেন। বৈদ্যুতিক শক্তি চালনা করিলে জড় পদার্থ জীবিতের কার্য করে। তত্ত্বাবদিগণ আত্মাকে দুই ভাগে বিভক্ত করেন। এক প্রাণ (vital energy), অপর চৈতন্য (spirit)। আমাদের সৌর জগতের সূর্য্যমণ্ডলই প্রাণ শক্তির কেন্দ্র (centre)। সূর্য্যমণ্ডল হইতে জীবনী শক্তি সঞ্চালক ইথারের মধ্য দিয়া আগমন করে। যদি সমস্ত ভৌতিক শক্তিকে (Physical forces) এক বৈদ্যুতিক শক্তিতেও তদূর্ধ্বে জীবনী শক্তিতে পরিণত করা যায়, তাহা হইলে বিজ্ঞান বলিতে বাধ্য হইবেন, সূর্য্যমণ্ডল জীবনী শক্তি নামক নূতন শক্তির ও সর্ব শক্তির আধার। এই সম্বন্ধে বিজ্ঞান কত দূর অগ্রসর হইয়াছেন, তাহা আলোচনা করা যাউক।

বিজ্ঞানের মতে অচেতন জড় পদার্থের আদিম অবস্থা পরমাণু। (দাখা দর্শন মতে সত্ত্ব, রজ ও তম গুণ, যাহার সংযোগে বিয়োগে এই বিশ্ব রচিত হইয়াছে, তাহারাত্তম মাহাণু)। চিকিৎসা-বিজ্ঞানের (Physiology) মতে চেতন জড় পদার্থের আদিম অবস্থা বা উপাদক প্রোটোপ্লাজম (Proto-plasm) নামক জীবাণু। এই জীবাণু পরমাণু হইতে পৃথক। বিজ্ঞান উন্নত হইলে বলিবেন, জীবাণু ও পরমাণু একই পদার্থ। সে যাহা হউক, প্রোটোপ্লাজম পদার্থটা কি, তাহাই দেখা যাউক।

প্রোটোপ্লাজমকে বৈজ্ঞানিক ভাষায় জীবাণু বলা সঙ্গত নহে, কারণ বৈজ্ঞানিকের মতে প্রোটোপ্লাজম জড়পদার্থ। কিন্তু জড়পদার্থের পরমাণু জীবনহীন জড়বস্তু, প্রাণিশরীরের (মনুষ্য, পশু পক্ষী, কীট, পতঙ্গ, উদ্ভিদ প্রভৃতি যাবতীয় জীবিত প্রাণীর) উপাদান প্রোটোপ্লাজম নামক জীবিত

জড়পদার্থ (Living substance)। বিজ্ঞান, আত্মা বা দশ প্রাণকে (প্রাণ, অপান, ব্যান, সমান, উদান, ধনঞ্জয় প্রভৃতি বায়ুকে) জীবন বলে না। প্রাণ নামে স্বতন্ত্র কোন পদার্থ নাই। তবে জীব কাহাকে বলা যায়? জীবের (প্রাণী বা উদ্ভিদ) বিভিন্ন ইন্দ্রিয় (organ) আছে, তদ্বারা জীব আবশ্যকমত বর্ধনের কার্য করিতে পারে, কিন্তু জড়পদার্থ তাহা পারে না। ইন্দ্রিয় সমূহের কার্যসমষ্টির (activity) নাম প্রাণ (vital energy)। প্রাণী ও উদ্ভিদের শরীর প্রোটোপ্লাজম দ্বারা গঠিত। প্রোটোপ্লাজম প্রতি মুহূর্ত্তে যুগপৎ ক্ষয় প্রাপ্ত হইতেছে ও বর্ধিত হইতেছে। তজ্জন্ত বলা যায়, প্রাণী প্রতি মুহূর্ত্তে মরিতেছে ও জন্মিতেছে। ইহার নাম সূক্ষ্ম জন্ম মৃত্যু। প্রোটোপ্লাজম জীবনহীন জড়পদার্থকে আত্মসাৎ করিয়া নিজের অংশীভূত করিয়া লইতে পারে, অর্থাৎ জীবনহীন জড়পদার্থকে সজীব পরিণত করিতে পারে। যেমন প্রাণী নির্জীব জড়পদার্থকে আহাৰ করিয়া সজীব পরিণত করিতে পারে। সাধারণ জড়পদার্থ ইহা পারে না। প্রোটোপ্লাজম এক প্রকার স্বচ্ছ, ঘন, তরল পদার্থ। ইহাকে যতদূর বিশ্লেষণ করা যায়, তাহাতে জানা যায় যে, ইহার মধ্যে শতকরা ৮০ ভাগ জলীয় পদার্থ, এবং অক্ষার, যবক্ষার, লবণ ও তৈলাক্ত পদার্থ। অণুবীক্ষণ যন্ত্র দিয়া দেখিলে দেখা যায়, কতকগুলি গোলাকার পরমাণু পরস্পর একত্রিত হইয়া একটী সূক্ষ্ম জাল প্রস্তুত করিয়া আছে, ঐ জালের ছিদ্রের মধ্যেও অপরাপর পদার্থ আছে। মরুতের উর্দ্ধদেশে তিন স্তরের ইথার আছে। প্রোটোপ্লাজমের মধ্যে ইথার নিশ্চয়ই আছে, কিন্তু বিজ্ঞান ইথার পৃথক করিতে পারেন নাই, ইথারের গুণ ও কার্য প্রণালী অবগত নহেন। এই জন্তই বোধ হয়—বিজ্ঞান রক্ত বিশ্লেষণ করিয়া পরিজ্ঞাত উপাদানরাজি বলিয়া দিতে পারেন, কিন্তু এক বিন্দু রক্তকণা সৃষ্টি করিতে পারেন না। সে যাহা হউক, প্রোটোপ্লাজম জলের সহিত মিশ্রিত হয় না, অধিক উত্তাপে ও অধিক শৈত্যে বিনষ্ট হয়। অনায়াসে জলশোষণ করিয়া বইতে পারে। শৈত্যাধিক্যে মৃতবৎ প্রোটোপ্লাজম উত্তাপ প্রয়োগে সজীব হয়, উত্তাপাধিক্যে মৃতবৎ প্রোটোপ্লাজম জল সিকনে জীবিত হয়। ইহা সর্বদাই পরিবর্তনশীল ও কন্ঠ। প্রাণিশরীরের ও উদ্ভিদের প্রোটোপ্লাজম একই পদার্থ, কিছু কার্যের কিছু বৈলক্ষণ্য দৃষ্ট হয়।

প্রাণী সচল, উদ্ভিদ অচল। প্রাণীর প্রোটোপ্লাজম অতি শীঘ্র ক্ষয়প্রাপ্ত

হয়, উদ্ভিদের তাহা হয় না। প্রাণীর প্রাণ ধারণের জন্য যৌগিক পদার্থের (Compound substance) প্রয়োজন। উদ্ভিদ মৌলিক পদার্থ (elements) গ্রহণ করিয়া তাহা যৌগিক পদার্থে পরিণত করিয়া নিজ দেহাভ্যন্তরে সংস্থিত করিয়া রাখে, প্রাণী তাহা আহার করিয়া পুষ্ট হয়। জীবগণ অন্য প্রাণীর রস কিম্বা উদ্ভিদের রস ব্যতীত জীবিত থাকিতে পারে না, কিন্তু উদ্ভিদ মৃত্তিকার রস দ্বারাই জীবিত থাকিতে পারে।

সূর্যমণ্ডলকে যে প্রাণ শক্তির উৎস বলা হইয়া থাকে, ইহার কারণ কি? সূর্য হইতে যে রশ্মিজাল অবতরণ করে, তাহা গতিভাবাপন্ন শক্তি (kinetic energy)। এই সূর্যরশ্মি উদ্ভিদ শরীরের সবুজবর্ণ কণার (Chlorophyl) মধ্যে প্রবেশ করিয়া স্থিতিভাবাপন্ন হয়। সূর্যরশ্মি উদ্ভিদের সবুজবর্ণকণার মধ্য দিয়া গমন করিলে ঐ কণা সূর্যমণ্ডলের নীল লোহিত প্রভৃতি রশ্মিজালের কতকগুলি বিশেষ রশ্মি শোষণ করিয়া আত্মভূত করিয়া লয়, তদ্বারা ঐ কণা সমূহের এক অদ্ভুত শক্তি জন্মে। ঐ কণা সমূহ প্রোটোপ্লাজম হইতেই উৎপন্ন হইয়াছে, সন্দেহ নাই। কিন্তু সূর্যমণ্ডলের রশ্মি বিশেষকৈ শোষণ করিয়া লওয়ায় তাহাদের এই ক্ষমতা জন্মে যে দূষিত অঙ্গারজ বায়ু (carbon dioxide gas) হইতে তাহারা অঙ্গার অংশ পৃথক করিয়া লইয়া উদ্ভিদের পুষ্টি সাধন করে, এবং অক্সিজনের অংশ পৃথক করিয়া দেওয়ায় প্রাণিগণ তাহা শ্বাসের দ্বারা দেহাভ্যন্তরে লইয়া তদ্বারা রক্ত শোধনাদি কার্য করায় এবং পুনরায় দূষিত অঙ্গারজ বায়ুতে পরিণত করিয়া তাহা নিঃশ্বাসের সহিত পরিত্যাগ করে। এই প্রক্রিয়া দ্বারা প্রাণী ও উদ্ভিদ উভয়ই জীবিত থাকে। প্রোটোপ্লাজম আবিষ্কৃত হওয়া অবধি বিজ্ঞান-জগতে নানা প্রকার নূতন নূতন তত্ত্ব আবিষ্কৃত হইয়াছে। কিন্তু প্রাণতত্ত্ব সম্বন্ধে এখন পর্যন্ত বিজ্ঞান তিমিরেই আছেন, আলোক হইতে অন্ধকারে বাওয়ার ছায় প্রাণতত্ত্ব অধিক তমসচ্ছন্ন বোধ হইতেছে, এবং বিজ্ঞান নিজের অজ্ঞতা ঘোষণা করিতে বাধ্য হইয়াছেন। তাই বলিয়া, প্রোটোপ্লাজমের আবিষ্কৃত তত্ত্ব ও অন্যান্য সমস্ত বিজ্ঞানের আবিষ্কৃত তত্ত্ব সমূহ কদাচ ভুল নহে, এবং তাহা-দিগকে ভুল কল্পনা করাই মহাভুল। হিন্দুদর্শন এক অজ্ঞেয়, তুরবগাহ পরব্রহ্মকে স্বীকার করিয়া লইয়া তাহার ক্রমবিকাশ বা জগজ্জপে পরিণতির বিষয় চিন্তা করিয়াছেন, কিন্তু পাশ্চাত্য বিজ্ঞান সে পন্থা ত্যাগ করিয়া জ্ঞাত হইতে জ্ঞাততে এবং জ্ঞাত হইতে অজ্ঞাততে উপনীত হইবার চেষ্টা

করিতেছেন। কিন্তু বর্তমান মানব জাতির জিনেত্র নাই (তত্ত্ববাদিগণের মনুষ্যত্বের বিকাশ প্রণালী চিন্তনীয়), সুতরাং সূক্ষ্ম শরীর ও কারণ শরীর দেখিবার শক্তিও নাই। প্রত্যেক স্থূল পদার্থের (অর্থাৎ এই পৃথ্বীলোকের) বা মনুষ্য উদ্ভিদ প্রভৃতি জীবগণের স্থূল অবয়বের অবিকল একটা সূক্ষ্ম অবয়ব (etheric double) আছে। সেই ভুবলৌক বা স্বর্গলোকবাসী সূক্ষ্মশরীরীদিগের দর্শন শক্তি স্থূলদেহধারী ক্ষুদ্র মানবের ক্ষুদ্র শক্তি অপেক্ষা অনেক অধিক উন্নত। তাহারা এক কালীন ঘন কঠিন পদার্থের অন্তর বাহির দেখিতে পারেন, তাহাদের জ্ঞান শক্তি ও চিন্তাশক্তি স্থূল আবরণ দ্বারা কারাবদ্ধ নহে। তাহাদের মন বুদ্ধি অনেক উন্নত। বর্তমান মানব জাতিও জ্ঞানোন্নতির সঙ্গে সঙ্গে যখন সেই সূক্ষ্ম দেহ এই পৃথ্বীলোকেই স্থূল দেহ হইতে (শ্রীশঙ্করাচার্যের ছায়) পৃথক করিতে পারিবেন, তখন এ যুগের অজ্ঞেয় বিষয় অন্য যুগের হস্তস্থিত আমলকীবৎ সূক্ষ্মত হইবে। আমরা বিজ্ঞানের সাহায্যে ক্রমোন্নতির পথে অগ্রসর হইতেছি, এক লক্ষ্যে পরব্রহ্মের সাক্ষি (সমান ঐশ্বর্য্য) লাভ করিতে পারিলাম না বলিয়া বৃথা রোদন ও বিলাপ করা কর্তব্য নহে। একবার স্থিরচিত্তে চিন্তা করিয়া দেখ—ভুল বলিয়া বিজ্ঞানিকের আবিষ্কৃত তত্ত্ব, প্রমাণ, যুক্তি, স্বীকার্য্য ও স্বতঃসিদ্ধ পরিত্যাগ করিলে তোমার “গতি কি হবে?”

ক্রমশঃ ।

শ্রী—শাস্ত্রী ।

## বঙ্গীয় সাহিত্য-সেবক ।

উমেশচন্দ্র মিত্র—

“বিধবা বিবাহ” নাটক রচয়িতা ।

এ

এণ্টুণী ফিরিঙ্গী—

কবি সঙ্গীত রচয়িতা ।

পর্ভুগীজ জাতীয় বণিক এণ্টুণী ফিরিঙ্গী, ব্যবসায় উপলক্ষে বঙ্গদেশে আসিয়া ফরাসডাঙ্গায় বাস স্থাপন করেন। ইহার ভ্রাতা কেলী সাহেব তৎকালে একজন অর্থশালী ক্ষমতাপন্ন ব্যক্তি বলিয়া প্রতিষ্ঠান্নত করিয়াছিলেন।

এন্টুণী, যৌবনের প্রারম্ভে ফরাসডাঙ্গার কয়েকটি নীচপ্রকৃতিবিশিষ্ট গঞ্জিকাসেবীদিগের কুসংসর্গে পড়িয়া নষ্টচরিত্র হন এবং পরিশেষে এক ব্রাহ্মণ যুবতীর প্রেমাস্পদ হইলে বাণিজ্য ব্যবসায়ে জলাঞ্জলী দিয়া ফরাসডাঙ্গার সন্নিকট গরিটীর বাগান বাটীতে তাহার সহিত বাস করিতে লাগিলেন ।

ব্রাহ্মণ-রমণীর সংসর্গে এন্টুণী বঙ্গভাষায় প্রবেশাধিকার লাভ করিয়া অনেকটা হিন্দুভাবাপন্ন হইয়া পড়িয়াছিলেন । ব্রাহ্মণ-কথা জাতিভেদ হইলেও হিন্দুধর্মের আস্থা-শূন্য হন নাই, বাটীতে যথারীতি দোল ছুর্গোৎসবাদি হইত এবং এতদুপলক্ষে তৎকালীন প্রথামত কবি সঙ্গীত, ও কবির লড়াই হইত । এন্টুণী ক্রমে এই সকল গানের মর্ম্ম বেষণ করিয়া বৃদ্ধিতে লাগিলেন এবং উত্তরোত্তর এ বিষয়ে তাহার একটা উৎসুক্য বাড়িতে লাগিল । তিনি নষ্টাবশেষ যৎকিঞ্চিৎ সঞ্চিত ধন লইয়া একটা সখের কবির দল সংগঠন করিলেন । অর্থাভাবে এই সখের দল “পেশাদারী” দলে পরিণত হইল । এই দল এক সময় বিলক্ষণ পসার প্রতিপত্তি লাভ করিয়া এন্টুণীর অর্ধেক অসচ্ছলতা অনেক পরিমাণে বিদূরিত করিতে সমর্থ হইয়াছিল ।

গোরক্ষনাথ ঠাকুর নামক এক ব্যক্তি এই দলের জ্যেষ্ঠ প্রথমতঃ গান রচনা করিয়া দিতেন । পরে এন্টুণী স্বয়ং গীত রচনা করিতে আরম্ভ করেন । বাঙ্গালীর স্ত্রীর ধুতী চাদর পরিধান করিয়া এন্টুণী আসরে দলমধ্যে গান করিতেন । তিনি তৎকালীন আক্রমণকারী প্রতিপক্ষ কবিওয়ালাদিগের প্রতিযোগিতা করিতে কিছুমাত্র পশ্চাৎপদ হইতেন না । বলা বাহুল্য, এই নিমিত্ত তিনি সর্বস্থলে শ্রীলতার সম্মান রক্ষা করিতে পারিতেন না ।

এন্টুণীর দুর্গাবিষয়ক একটা গানের আরম্ভ যথা—

জয়া, যোগেন্দ্র জয়া, মহামায়া মহিমা অসীম তোমার ।  
একবার দুর্গা দুর্গা বোলে, যে ডাকে না তোমায়  
তুমি কর তার ভবসিদ্ধি পার ॥ ইত্যাদি

এবাদোল্লা—

শ্রীকৃষ্ণ লীলা বিষয়ক পদ রচয়িতা ।

নিবাস—অনুমান, চট্টগ্রাম ।

এসাদোল্লা—

পরমার্থ বিষয়ক সঙ্গীত রচয়িতা ।

এসাদোল্লা, ‘জ্ঞানসাগর’, ‘সিরাজকুলুপ’ প্রভৃতি গ্রন্থ-রচয়িতা আলি-  
রাজার প্রথম স্ত্রীর গর্ভজাত জ্যেষ্ঠ সন্তান ।

“আলিরাজা” দেখুন ।

নিবাস—চট্টগ্রাম অধীন বংশখালী থানার অন্তর্গত ওশখাইন নামক  
গ্রাম ।

## ক

কবিকঙ্কণ—

“বলরাম কবিকঙ্কণ” ও “মুকুন্দরাম চক্রবর্তী” দেখুন ।

কবিকর্ণপুর— মনসার গীতি-লেখক ।

কবিকর্ণপুর—পদকর্তা ।

“পরমানন্দ সেন” ও “পুরীদাস” দেখুন ।

কবিচন্দ্র—বিবিধ ব্যঙ্গ কবিতা রচয়িতা ।

ইহার প্রকৃত নাম সম্ভবতঃ রামচন্দ্র (পণ্ডিত) ছিল । অনুমান, শত বর্ষ  
পূর্বে, বশোহর জেলার অন্তর্গত বারুইখালি গ্রামে কবিচন্দ্র বর্তমান ছিলেন ।  
মৌখিক কবিতা রচনা ও সমস্তা পূরণে খ্যাতিলাভ করিলে, রামচন্দ্র পণ্ডিত  
সাধারণ্যে “কবিচন্দ্র” বলিয়া পরিচিত হইয়াছিলেন ।

টোলে অল্পদিন মাত্র সংস্কৃত ব্যাকরণ পাঠ করা ভিন্ন ইনি পাঠশালায়  
অন্য কোনরূপ শিক্ষা প্রাপ্ত হন নাই । কবিচন্দ্রের কবিতাগুলির ভাষা  
প্রধানতঃ সংস্কৃত, বাঙ্গালা ও পারস্য ভাষা মিশ্রিত ; বিশুদ্ধ সংস্কৃত ভাষায়ও  
কবিচন্দ্র অনেক গুলি রহস্যাত্মক শ্লোক রচনা করিয়াছিলেন ।

কবিচন্দ্র—

“শিবায়ণ” রচয়িতা ।

“রামকৃষ্ণ দাস কবিচন্দ্র” দেখুন ।

কবিচন্দ্র—

‘গঙ্গারবন্দনা’, ‘গুরুদক্ষিণা’, ‘সত্যনারায়ণ’ কথা প্রভৃতি রচয়িতা ।

ইহার প্রকৃত নাম অঘোধ্যারাম (কিন্দা নিধিরাম) মিশ্র (রায়,  
চক্রবর্তী) ।

পিতা—হৃদয়মিশ্র (গুণরাজ) ; চণ্ডীকাব্য রচয়িতা, কবিকঙ্কণ মুকুন্দরাম চক্রবর্তী, কবিচন্দ্রের কনিষ্ঠ ভ্রাতা ।  
মুকুন্দরাম চক্রবর্তী দেখুন ।

কবিচন্দ্র, অনুমান খ্রীঃ ষোড়শ শতাব্দীর মধ্য বা শেষ ভাগে ( বঙ্গীয় দশম শতাব্দীর শেষ অথবা একাদশ শতাব্দীর প্রথমার্শে ) বর্তমান ছিলেন ।

### কবিচন্দ্র—

মহাভারত, ভাগবত, ও রামায়ণ প্রভৃতি গ্রন্থাবলম্বনে কবিতাকারে বহু-সংখ্যক উপাখ্যান রচয়িতা ।

সম্ভবতঃ, কবিচন্দ্র এই তিনখানি গ্রন্থের সমগ্র অথবা অধিকাংশই বঙ্গ ভাষায় পদ্যানুবাদ করিয়াছিলেন । সাধারণে সমগ্র বহু গ্রন্থের প্রতিনিধি করিতে পরাজুখ হইয়া আপনাপন পছন্দ মত এক একটী উপাখ্যান নকল করিয়া থাকিবেন । এইরূপে তৎসমুদয় এক একটী পৃথক পুস্তকরূপে পরিগণিত হইয়াছে, নিম্নে কতকগুলি উপাখ্যানের তালিকা প্রদত্ত হইল—

(১) অক্রুর আগমন (২) অজামিলের উপাখ্যান (৩) অর্জুনের দর্পচূর্ণ (৪) অর্জুনের বান্ধবান্ধা পালা (৫) আধ্যাত্ম্য রামায়ণ (৬) অঙ্গদ রায়বার (৭) উজ্জ্বলিত পালা (৮) উল্লব সংবাদ (৯) একাদশী ব্রতপালা (১০) কংশবধ (১১) কন্বুমুনির পারণ (১২) কপিল মঙ্গল (১৩) কুন্তীর শিবপূজা (১৪) কুম্ভকর্ণের রায়বার (১৫) কুবেয় স্বর্গারোহণ (১৬) কোকিল সংবাদ (১৭) গেড়চুরি (১৮) চিত্রকেতুর উপাখ্যান (১৯) দশম পুরাণ (২০) দাতাকর্ণ (২১) দিবাবাদ (২২) ছুর্যাসার পারণ (২৩) দ্রৌপদীর লজ্জানিবারণ (২৪) দ্রৌপদীর বস্ত্রহরণ (২৫) দ্রৌপদীর স্বয়ম্বর (২৬) ক্রব চরিত্র (২৭) নন্দবিদায় (২৮) পরীক্ষিতের ব্রহ্মশাপ (২৯) পারিজাত হরণ (৩০) প্রহ্লাদ চরিত্র (৩১) ভারত উপাখ্যান (৩২) মহাভারত, বনপর্ব (৩৩) ক্রী, উদ্যোগ পর্ব (৩৪) ক্রী, ভীষ্মপর্ব (৩৫) ক্রী, দ্রোণপর্ব (৩৬) ক্রী, কর্ণপর্ব (৩৭) ক্রী, শলাপর্ব (৩৮) ক্রী, গদাপর্ব (৩৯) রাধিকামঙ্গল (৪০) রামায়ণ—লক্ষ্মাকাণ্ড (৪১) ক্রী, রাবণ বধ (৪২) রুক্মিণীহরণ (৪৩) শিবরামের যুদ্ধ (৪৪) শিব উপাখ্যান (৪৫) সীতাহরণ (৪৬) হরিশ্চন্দ্রের পালা প্রভৃতি ।

পিতা—মুনিরাম চক্রবর্তী ; নিবাস পাণ্ডুরা (পাণ্ডুরা) ।

কবিচন্দ্রের শঙ্কর (দ্বিজ) নামক একজন বন্ধু ছিলেন ; দুই বন্ধু একত্র কয়েকখানি গ্রন্থও লিখিয়াছিলেন ।

[কবিচন্দ্রের গ্রন্থাবলী মধ্যে তাঁহার আত্মপরিচয়চক এইরূপ কয়েকটি ভণিতা দৃষ্ট হয়

- (১) চক্রবর্তী মুনিরাম অশেষ গুণের ধাম  
তত্ত্ব স্তুত কবিচন্দ্র গায় ॥
- (২) কবিচন্দ্র দ্বিজভাবে ভাবি রমাপতি ।  
মেত্রেয় দক্ষিণে ঘর পাণ্ডুরায় বসতি ॥
- (৩) শ্রীযুক্ত গোপাল সিংহ নৃপতি আদেশে ।  
সংক্ষেপে ভারত কথা কবিচন্দ্র ভাসে ॥

ইহা হইতে সংক্ষেপে বুঝা যাইতেছে যে, কবিচন্দ্র মুনিরাম চক্রবর্তীর পুত্র ; তাঁহার নিবাস পাণ্ডুরা (পাণ্ডুরা) এবং তিনি গোপাল সিংহ নৃপতির আদেশে সংক্ষিপ্ত ভারত কথা রচনা করিয়াছিলেন ।

পাণ্ডুরা (পাণ্ডুরা, পাঁড়ুরা বা পাঁড়ুরা) নামক একটী গণ্ডগ্রাম (ইহার অপরা নাম পোদার ডিহি) বর্তমান মানভূম জেলা মধ্যে অবস্থিত আছে । এই গ্রাম পূর্বে বীরভূম জেলার অন্তর্গত ছিল ; পরে ১৮১৫ খ্রীঃ বাঁকুড়া জেলার অন্তর্নিবিষ্ট হয় এবং ১৮৩৯ খ্রীঃ মানভূম জেলার অধীনে আইসে । এই গ্রামে একটী প্রাচীন জমীদার বংশের বাসস্থান ; ইঁহারা এখনও জনসাধারণ কর্তৃক “রাজা” বলিয়া আখ্যাত হইয়া আসিতেছেন । এই রাজবংশে গোপাল সিংহ নামক এক রাজভ্রাতা (নৃপতি), অনুমান বঙ্গীয় দশম শতাব্দীর শেষ বা একাদশ শতাব্দীর প্রথমার্শে বর্তমান ছিলেন । (এই রাজবংশাবলীর বিস্তারিত বিবরণ, বংশ তালিকা, প্রভৃতি “বীরভূমি” ৫ম খণ্ডে বর্তমান লেখক-রচিত “প্রাচীন জমীদার বংশাবলীর সংক্ষিপ্ত ইতিহাস” নামক প্রবন্ধে দ্রষ্টব্য) ।

যদি কবিচন্দ্র, এই পাঁড়ুরা গ্রামে গোপাল সিংহ নৃপতির আদেশে “ভারত কথা” রচনা করিয়া থাকেন, তাহা হইলে তিনি উক্ত সময়ে অবস্থিত বর্তমান ছিলেন । এ দিকে, কবিকঙ্কণ মুকুন্দরাম চক্রবর্তীর ভ্রাতা কবিচন্দ্রও, অনুমান এই সময়েই বর্তমান ছিলেন । উভয় কবি দুই চক্রবর্তী উপাধিধারী ব্রাহ্মণ । কিন্তু ইঁহাদের পিতার নাম ও বাসস্থান পৃথক বলিয়া প্রমাণ পাণ্ডুরা বাইতেছে, সুতরাং “চক্রবর্তী কবিচন্দ্র” উপাধিধারী দুই জন কবি, বিভিন্ন স্থানে একই সময়ে বর্তমান ছিলেন, এইরূপ অনুমান করা আপাততঃ অসম্ভব বলিয়া বোধ হইতেছে না ।]

### কবিচন্দ্র পতি—

মনসার গীতি লেখক ।

কবিবল্লভ—মনসার গীতি লেখক ।

কবিবল্লভ ও বংশীদাস (দ্বিজ) নামক দুই জন কবি, নারায়ণ দেব রচিত পদ্যপুরাণ গ্রন্থ মধ্যে এত বহুল পরিমাণে নিজ নিজ রচনা অন্তর্নিবিষ্ট করিয়া দিয়াছেন যে প্রায় উহা একখানি স্বতন্ত্র গ্রন্থরূপে পরিগণিত হইয়াছে ।

## কবিবল্লভ—

“রসকদম্ব” রচয়িতা ।

এই গ্রন্থখানি ২২ অধ্যায়ে বিভক্ত । প্রতি অধ্যায়ে শ্রীকৃষ্ণ লীলা বর্ণনা হলে এক একটা ‘রস’, লইয়া আলোচনা করা হইয়াছে, যথা তৈরব রস, হান্য-রস, প্রেমরস, অদ্ভুতরস, বীভৎস রস, বীররস, স্ততিরস ইত্যাদি । এই গ্রন্থে এক সহস্র শ্লোক আছে ।

বনমালি দাস, রূপসনাতনের নিকট রসজ্ঞ অবগত হইয়া কবিবল্লভকে তদ্বিষয়ে শিক্ষা প্রদান করেন । এই শিক্ষা লাভ ব্যতীত শ্রীকৃষ্ণ সংহিতা ও পুরাণ হইতে উপকরণ সংগ্রহ করিয়া কবিবল্লভ, নরহরি দাসের শিষ্য যুকুট রায় নামক এক ব্রাহ্মণ বন্ধুর অনুরোধে ১৫২০ শকাব্দে (২০ শে ফাল্গুন) ‘রসকদম্ব’ গ্রন্থখানি রচনা করিয়াছিলেন ।

কবিবল্লভের পিতার নাম, রাজবল্লভ এবং মাতার নাম বৈষ্ণবী।  
পুত্র—উদ্ধব দাস ।

বগুড়া জেলার অন্তর্গত করতোয়া নদীতীরস্থিত মহাস্থানের সন্নিকট আরোড়া নামক গ্রামে কবিবল্লভের আবাস ছিল ।

“কবিবল্লভ,” কবির উপাধি কি প্রকৃত নাম, তাহা জানিবার উপায় নাই ।

## কবিরঞ্জন—

বৈষ্ণব পদকর্তা ।

## কবিরঞ্জন—

“রাম প্রসাদ সেন কবিরঞ্জন” দেখুন ।

## কবিশেখর—

বৈষ্ণব পদকর্তা এবং “গোপাল বিজয়” নামক সুবৃহৎ কাব্য গ্রন্থ রচয়িতা ।

কবিশেখর অনেকগুলি পদ রচনা করিয়াছেন । ইহার রচিত “গোপাল বিজয়” নামক সুবৃহৎ গ্রন্থখানি এখনও অপ্রকাশিত ।

[ বিশ্বকোষ কার্যালয়ে ‘গোপাল বিজয়’ গ্রন্থের একখানি হস্তলিখিত প্রতিলিপি আছে লেখার তারিখ ১৭০১ শকাব্দ । লেখকের ‘রতন’ লাইব্রেরীতেও এই গ্রন্থের একটি প্রতিলিপি রক্ষিত আছে । (রতন) লাইব্রেরীর হস্তলিখিত পুঁথি তালিকা নং ৮৮ । এই পুঁথিটির হস্ত লিপির তারিখ ১৫৩৫ শকাব্দা প্রথমতঃ পত্র পাই । বঙ্গীয় সাহিত্য পরিষদের গ্রন্থপ্রকাশ সমিতি এই গ্রন্থের প্রতি একটু মনযোগী হইলে কৃতার্থ হইব । ]

## কবীন্দ্র, পরমেশ্বর—

“মহাভারত” (আদি হইতে অভিষেক পর্য্যন্ত) রচয়িতা । কবীন্দ্র পরমেশ্বর, গোড়াধীপ হুসেন সাহের (১৪৯৪ খ্রীঃ হইতে ১৫২৫ খ্রীঃ পর্য্যন্ত রাজত্বকাল) সেনাপতি, পরাগল খাঁর আদেশে এই মহাভারত গ্রন্থ রচনা করিয়াছিলেন বলিয়া ইহা “পরাগলী মহাভারত” নামে অভিহিত হইয়া থাকে । এই পুস্তকে অনুমান ১৭০০০ শ্লোক আছে ।

সেনাপতি পরাগল খাঁ ও রাজকুমার নসরত সাহ, হুসেন সাহ কর্তৃক চট্টগ্রাম হইতে আক্রমণকারী মগী সৈন্যদিগকে বিদূরিত করিবার নিমিত্ত তথায় প্রেরিত হন । পরাগল খাঁর ভগ্ন প্রাসাদাবলী, চট্টগ্রাম মধ্যে জোর-ওয়ারগঞ্জ থানার অধীন পরাগলপুরে ফেনী নদীর তীরে এখনও দেখিতে পাওয়া যায় । সেনাপতি পরাগল খাঁর পুত্র, সেনাপতি ছুটী খাঁ ও শ্রীকর নন্দী নামক একজন কবি দ্বারা মহাভারত অন্তর্গত অশ্বমেধ পর্ব রচনা করাইয়া ছিলেন ।

“শ্রীকর নন্দী” দেখুন ।

কবীন্দ্র পরমেশ্বরের নিবাস অনুমান, চট্টগ্রাম ।

কবীন্দ্র রচিত মহাভারত ও বিজয় পণ্ডিত রচিত মহাভারত গ্রন্থে প্রায় অনেক স্থলে বর্ণিত বিষয়ের ভাষায় ও শ্লোক রচনায় অপূর্ব সৌন্দর্য আছে । আবার, কবীন্দ্র স্থানে স্থানে সজয় রচিত মহাভারতেরও অনুসরণ করিয়াছেন ।

কবীন্দ্র রচিত মহাভারতে মধ্যে মধ্যে ব্যাস-বিরচিত সংস্কৃত মহাভারতের মূলানুরূপ অনুবাদ রহিলেও, তিনি ইহার যথাযথ অনুসরণ করিয়াছেন বলিয়া বোধ হয় না । তিনি জৈমিনি মুখে ভারত কথা আরম্ভ করিয়াছেন ; এত-দাতীত স্বকপোল-কল্পিত অনেক কথাই স্বীয় গ্রন্থমধ্যে সন্নিবেশিত করিয়াছেন ।

(পরিষদ গ্রন্থাবলী, বিজয় পণ্ডিত কৃত মহাভারত, বঙ্গভাষা ও সাহিত্য ১৩৬, ৪৪)

## কমর আলি, পণ্ডিত—

‘রাধার সংবাদ’, ‘স্বাতুর বার মাস’ এবং শ্রীকৃষ্ণলীলা বিষয়ক পদ রচয়িতা ।  
নিবাস—অনুমান, চট্টগ্রাম মধ্যে পটীয়া থানার অন্তর্গত কারুলডাঙ্গা নামক গ্রামে ।

(বীরভূমি ৩২৮০; পরিষদ পত্রিকা ১০ অতি, ১৮৮ পৃঃ)

কমল নয়ন—

মনসার গীতিলেখক ।

কমলাকান্ত দত্ত—

‘রাস রসকণিকা’ ‘গঙ্গার বন্দনা’ এবং অত্র কবিতা ও গীত রচয়িতা। বর্তমান জেলার অন্তর্গত মঙ্গলকোট থানার অধীন চানক নামক গ্রামের নিকট অজর নদীর তীরে সিউড় (সিউড়-নাকুড়) নামক গ্রামে কায়স্থ কুলে কমলাকান্ত জন্ম গ্রহণ করিয়াছিলেন ।

অনুমান শতবর্ষ পূর্বে বর্তমান ছিলেন ।

(শ্রীযুক্ত বাবু রসময় মিত্র এম, এ, ও শ্রীযুক্ত বাবু নবীনচন্দ্র লস্কর মহাশয়ের নিকট হইতে এই কবির বিবরণ সংগৃহীত হইল) ।

কমলাকান্ত ভট্টাচার্য—

প্রসিদ্ধ শ্যামা বিষয়ক সঙ্গীত রচয়িতা ।

শক্তি সাধক কমলাকান্ত ভট্টাচার্য পূর্বে নিবাস অধিকা কালনা পরিত্যাগ করতঃ ১৮০০ খ্রীঃ বর্ধমানের নিকটবর্তী কোলহাট নামক গ্রামে বাস স্থাপন করেন ।

বর্ধমানাধিপতি মহারাজ তেজচন্দ্র বাহাদুর কমলাকান্তকে প্রথমতঃ সভাপণ্ডিত রূপে নিযুক্ত করিয়া পরে তাঁহাকে স্বীয় গুরুপদে অভিষিক্ত করিয়াছিলেন । মহারাজ তেজচন্দ্রই কোলহাটে কমলাকান্তের বনভাগী নিশ্চয় করাইয়া দেন । এই স্থানে, তিনি আপন গৃহে কালী মূর্তি প্রতিষ্ঠা করিয়া পঞ্চমূর্তি আসনোপরি শক্তি সাধনা করিতেন ।

কমলাকান্তের শ্যামা বিষয়ক পীযুষবর্ষী পদাবলী জনসাধারণে এখনও সমধিক প্রচলিত রহিয়াছে ।

মহারাজ কুমার প্রতাপচন্দ্রও কমলাকান্তের শিষ্য হইয়াছিলেন ।

(বঙ্গভাষার লেখক ২২২-৮, সঙ্গীত সার সংগ্রহ ২য়, ১৫৮।)

করিমল্লা—

‘ধামিনী বাহাল’ নামক গ্রন্থ রচয়িতা । এই গ্রন্থখানি ১৫৩ পৃষ্ঠায় সম্পূর্ণ রচনা কাল, অনুমান ১২৫ বর্ষ পূর্বে । কবি, সীতাকুণ্ডের নিকটবর্তী কোন স্থানে জন্মগ্রহণ করিয়াছিলেন ।

গ্রন্থোক্ত নারিকা মুখে, মুসলমান কবি, হিন্দু দেব দেবীর উপাসনা বর্ণনা করিয়াছেন ।

(পরিষদ পত্রিকা ১০। অতি ১২৬ পৃঃ)

ফয়েজনেসা চৌধুরাণী, নবাব—

‘রূপজালাল’ নামক বৃহৎ কাব্য রচয়িত্রী ।

ইনি ত্রিপুরার জমীদার ছিলেন ।

(পূর্ণিমা ১০।১৪৫ পৃঃ)

কান্দাল ফিকির চাঁদ—

(‘হরিনাথ মজুমদার’ দেখুন ।)

কাণাদাস—

বৈষ্ণব পদকর্তা ।

কাণা হরিদত্ত—

‘মনসার গীতি’ লেখক ।

হরিদত্তই পদ্মপুরাণ অবলম্বনে সর্বপ্রথম মনসার গীতি বঙ্গভাষায় রচনা করেন ।

রচনা কাল—খ্রীষ্টীয় পঞ্চদশ শতাব্দীর প্রথমার্ধ ।

(বঙ্গভাষা ও সাহিত্য ১৬৬ পৃঃ)

(ক্রমশঃ)

শ্রীশিবরতন মিত্র ।

কৃপা ভিক্ষা ।

মাঝা ভূমি মোর আমি প্রজা তব  
এ জীবনটুকু তোমার দান,  
তোমার হাতের গড়া এ পুতুল  
তোমা হ’তে সে তো পেয়েছে প্রাণ ।

তোমার শক্তি সারা হৃদিময়  
শিরা ধমনীতে খেলিছে খেলা,  
শয়নে স্বপনে আহারে বিহারে  
দক্ষা কি হৃথের সকাল বেলা ।

তোমার ইচ্ছায় এ সৌর জগত—  
আরো কোটি কোটি কেমন চলে,  
এ ক্ষুদ্র নগণ্য এতটুকু আমি  
চলিব কি কতু তোমার বলে ?

কোথায় কিকাজ করিতে হইবে  
কাহার কারণে কিসের ভরে,  
তব তাড়নায় পারিব কি প্রভো  
সবটুকু দিতে হৃদয় ভ’রে ?

তোমার হৃথের এ জগত মাঝে  
তুখ খুঁজি খুঁজি হারিয়ে যাবো,  
কাণা খোঁড়া আদি কাঙ্গালের হৃদে  
কতু কিগো পিতা বিরাম পাবো ?

চির হাস্যময় ধন কোলাহলে  
চিরদিন কিগো পারের লাগি,  
শোণিতের পাশে তোমার কৃপায়  
সহ অনুভূতি রহিবে জাগি ?



পর দুঃখ স্রোতে নয়নের কোণে  
বিখাদের লোর আসিবে ভাসি,  
পর সুখ হেরি এ মুখ ভরিয়া  
উঠিবে কি ফুটি সরল হাসি ?

অতি ছোট আমি কোন গুণ নাই  
তুমি যদি দয়া নাহি কর নাথ,  
কি ক্ষমতা আছে উঠিব অতটা  
তুমি যদি বিভো না ধর হাত !

শ্রীবীরেন্দ্রনাথ শশমল  
লণ্ডন ।

## শূন্যহস্তে ।

১

এ জীবনে সাঁবাদিন পরিশ্রম পরে,  
খুলি ভার বোঝা হয়ে দীন অকিঞ্চন হয়ে,  
শূন্য হস্তে শুক মুখে ফিরিয়াছি বরে ।  
অতৃপ্ত কামনাময়, এ জীবন মনে হয়,  
পূরে নাই কোন আশা ক্ষণেকের তরে ।  
হে করুণাময় বিধি ! অশ্রু প্রবাহে এ হৃদি,  
ভাসিয়া গেছিল কোন দূর দূরান্তরে ;  
স্মরিয়া তোমারি কথা আজি গো অভাগা হেথা  
ফিরিয়া আসিল পুন কাতর অন্তরে ।

২

শূন্য হস্ত শুক মুখ, দিন অকিঞ্চন,  
ভনিয়া তোমারি নাম— অনন্ত আরাম ধাম,  
পরশ করিতে পিতা, তব শ্রীচরণ;  
দূর দূরান্তর হ'তে আসিয়াছে কোন মতে ;  
দাও দরশন—দাও আশীষ-বচন ।  
এদানে হৃদয়ভরি— তব নাম লক্ষ্য করি,  
যাই চলি তব কাছে অমর-ভবন ।  
ফিরিবে পাপীর মতি লভিব পুণ্যের জ্যোতি  
তোমার প্রেমের বারি কর বিতরণ ।  
পাইয়া করুণা সুধা, মিটে যাক্ সব ক্ষুধা,  
মিশে যাক্ তোমাতেই আমার জীবন ।

শ্রীনগেন্দ্রবাবা বসু ।

## হিন্দু জ্যোতিষ ।

আজকাল হিন্দু জ্যোতিষ সম্বন্ধে নানারূপ আলোচনা চলিতেছে । সভ্য-  
সমিতিও গঠিত হইয়াছে । প্রাচীন গণিতানুসারে গ্রহদিগের যে যে স্থান  
পাওয়া যায়, ও আধুনিক গণিত ও উৎকৃষ্ট যন্ত্রানুসারে যে যে স্থান পাওয়া  
যায়, তাহাদের অনেক অন্তর ঘটিরাছে । এজন্ত যথার্থরূপে হিন্দুজ্যোতিষের  
আধাত জন্মিতেছে । শিক্ষিতসমাজ পঞ্জিকা সংস্কারের আবশ্যকতা বুঝিতে-  
ছেন, কিন্তু এখনও ঐকান্তিক উদ্যম হয় নাই । যতটা হইতেছে তাহাও  
অল্পটুকু বলিয়া বোধ হয় । এ বিষয়ের সমালোচনা বর্তমান প্রবন্ধের উদ্দেশ্য  
সেই । বিষয়টা বড়ই জটিল, তর্কপূর্ণ, এবং সমাজের সহিত নানারূপে সংশ্লিষ্ট  
স্বাক্ষর বিপৎসঙ্কুল । ক্রমে ইহার সম্বন্ধে সাবশেষ তর্কবিতর্কের অবতারণা  
করা যাইবে । হিন্দু জ্যোতিষী সম্বন্ধে কোন বিচার সম্যকরূপে অবধারণা  
করিতে হইলে, অগ্রে প্রাচীন মনীষাদিগের মত জানা উচিত । এইজন্ত  
আমরা প্রথমে প্রাচীন জ্যোতিষের চিত্র পাঠকদিগের সম্মুখে উপস্থিত করিতে  
প্রস্তুত হইলাম । অদ্য পৃথিবীর আকার ও অবস্থান এবং নক্ষত্রচক্রের গতির  
সম্বন্ধে প্রাচীন মত কথঞ্চিৎ বর্ণনা করিতে প্রবৃত্ত হইলাম ।

ভূমিঃ পিণ্ডঃ শশাঙ্ক জ্ঞ কবিরবি কুজেজ্যার্কি নক্ষত্রকক্ষা বৃষ্টেবৃষ্টো বৃত্তঃ  
মুদনিল সলিলব্যোম তেজোময়োহয়ম । নাভ্যাধারঃ স্বশক্ত্যাব বিষতি  
সং তিষ্ঠতীহাশ্রপৃষ্ঠে নিষ্ঠং বিশ্বক শশ্বৎ সদনুজমনুজাদিত্যদৈত্যঃ সমস্তাং ॥

সর্বতঃ পর্বতারাম গ্রাম চৈতাচৈশ্চিতঃ ।

কদম্ব-কুম্ভগ্রহি-কেশর প্রসরৈরিব ॥ ইতি ভাস্করঃ ॥

সরলার্থঃ—ভূপিণ্ড গোলাকার, এবং চন্দ্র, বুধ (জ), শুক্র (কবি) সূর্য্য,  
শনি (কুজ), বৃহস্পতি (ইজ), শনি (আর্কি) ও নক্ষত্রদিগের কক্ষগণ দ্বারা  
সংগঠিত । ইহা পঞ্চভূগোলক (মুদনিল সলিল ব্যোম তেজোময়), এবং  
স্বাধার হইয়াও স্বশক্তিতে শূন্যে সর্বক্ষণ রহিয়াছে । যেরূপ কদম্ব পুষ্পের  
চতুর্দিকে কেশরগুলি দণ্ডায়মান থাকে, সেইরূপ পৃথিবীর পৃষ্ঠে নানাবিধ  
গা, গ্রাম, পর্বত ও বৃক্ষ সকল সতত অবস্থিত করিতেছে ।

এই শ্লোকে পৃথিবীর সহিত কদম্বপুষ্পের যে উপমা দেওয়া হইয়াছে, তাহা  
অসম্ভব বোধ হয় । পৃথিবীর কোন ব্যাসের দুই প্রান্তস্থিত দুইজন লোক

পরস্পরের কোন দিকে থাকে, ইহা ছাত্রদিগকে বুঝাইতে বোধ হয় অনেক শিক্ষকই ভগ্নস্বর হন। কিন্তু কদম্বপুষ্পের সহিত সাদৃশ্যের উল্লেখ করিলে স্বল্পমাত্রায় তাহা ছাত্রদের বোধগম্য হইবে। ভাস্করাচার্য্য প্রথমে কোন যুক্তির অবতারণা না করিয়াই পৃথিবীকে গোলাকার ও শূন্যস্থ বলিলেন, এবং সৌরজগতের কেন্দ্রীভূত করিলেন। এই সকল বিষয়ের পোষকতা করিয়া তিনি যে যুক্তি পরে প্রকাশ করিয়াছেন, তাহা জানা উচিত। অনেক বিষয়ে আধুনিক বিজ্ঞানের ও তর্কশাস্ত্রের চক্ষে ভাস্করের যুক্তিসকল কখন কখন অসম্পূর্ণ বা সংশয়াত্মক বলিয়া বোধ হইবে। আবার অনেকস্থলে প্রাচীন মনীষীদিগের দূরদর্শিতা, নিরপেক্ষতা ও জ্ঞানানুরাগ দেখিয়া নিরন্তর শয় আনন্দলাভ হইবে।

পুরাণে কথিত আছে যে পৃথিবীকে বাসুকী নাগ ফণার উপর ধরিয়া আছে। কিন্তু স্বাধীনচেতা ভাস্করাচার্য্য পুরাণমতকে অগ্রাহ্য করিলেন এবং পৃথিবীকে নিরাধার ও শূন্যস্থ সমপ্রমাণ করিবার জন্য যুক্তি দেখাইলেন।

মূর্ত্তো ধর্ত্তা চেদ্ ধরিত্র্যাস্ততোহস্ত  
স্তস্ত্রাপ্যন্তোহ শ্ৰৈবমত্রা ন বস্থা।

অস্ত্যে কল্যা চেৎ সশক্তিঃ কিমাদ্যে  
কিং নো ভূমেঃ সৃষ্টমূর্ত্তেষ্ট মূর্ত্তিঃ ॥

সরলার্থঃ—যদি পৃথিবীর কোন সাকার ধারণকর্ত্তা থাকে, তবে ঐ ধারণকর্ত্তারও ধারণকর্ত্তা আবশ্যিক, দ্বিতীয় ধারণকর্ত্তারও স্বতন্ত্র ধারণকর্ত্তা আবশ্যিক; তদ্রূপ তৃতীয়, চতুর্থ, পঞ্চম ইত্যাদি যাবতীয় ধারণকর্ত্তারও ধারণকর্ত্তা থাকিবে। ধারণকর্ত্তার সংখ্যার শেষ কোথায়? যদি বল সর্বশেষের ধারণকর্ত্তা নিরবলম্বন, তবে পৃথিবীকে নিরবলম্বন বলার দোষ কি? যদি বল এক ঈশ্বরই নিরবলম্বন হইতে পারেন, তন্নিম্ন কেহ আশ্রয়ানপেক্ষী হইতে পারে না, তবে মনে করা উচিত যে পৃথিবী অষ্টমূর্ত্তির ( শিবের ) মূর্ত্তি বিশেষ স্মৃতরাং ঐশীশক্তি সম্পন্ন।

এস্থলে ভাস্কর কেবল তর্কশাস্ত্রের কঠোরযুক্তি দেখাইয়া নিরন্তর থাকিতে পারিলেন না, ধর্ম বিশ্বাসেরও আশ্রয় লইয়া স্বমতপোষক যুক্তির প্রয়োগ করিলেন। ভাস্কর যে পুরাণের প্রধান বিশ্বাসের উপর কুঠারাঘাত করিয়া সাহসী হইয়াছিলেন, ইহা সামান্য দৃঢ়চিত্ততার কার্য্য নহে। তাঁহার সমস্ত ধর্মপাশ এখনকার মত শিথিল ছিল না। কত শত কদাচার আমাদে

সমাজকে পীড়িত, জীর্ণ শীর্ণ ও শ্রাণহীন করিতেছে, তাহাদের সংখ্যা নাই। ঐ সকল দূরীকরণ করা যে কর্তব্য, তাহা কেনা স্বীকার করেন? 'কিন্তু বিড়ালের গলায় কে ঘণ্টা দিবে' এই ভাবনার কি সকলে অভিভূত নহেন? বীরহৃদয় জ্যোতিষগণ সত্যের ও জ্ঞানের অহুরোধে নির্ভয়ে ভ্রমসঙ্কুল পৌরাণিক মতকে খণ্ডিত করিয়াছিলেন। পৃথিবী জলের প্রতিষ্ঠিত বলিয়া যে মত ছিল, তাহার বিরুদ্ধে লব্ধ কি বলিতেছেন, শুনুন।

সলিলে বিলয়ো মৃদোভবেদিতি গোরস্পু ন যুজ্যতে স্থিতিঃ।

সরলার্থঃ—মৃত্তিকা জলে গলিয়া যায়, স্মৃতরাং পৃথিবীর জলের উপর থাকিবে অসম্ভব।

যদিবাস্তসি সংস্থিতা মহী সলিলং তদ্যুবদপ্রতিষ্ঠিতম্।

গুরুণোহস্তসি চেৎস্থিতির্ভবেৎ ক্ষিতিগোলস্ত নকিং বিহারসি ॥

বতি লব্ধঃ ॥

সরলার্থঃ—যদি পৃথিবী জলের উপর প্রতিষ্ঠিত হয়, তবে ঐ জল শূন্যের মায় অপ্রতিষ্ঠিত থাকে। গুরুবস্তুও যখন জলে ভাসে, পৃথিবী শূন্যে থাকিতে তা পারে কেন?

পৃথিবী আপনা হইতেই শূন্যে কিরূপে থাকিতে সমর্থ, এই সংশয় অপনোদন করিবার উদ্দেশ্যে ভাস্কর যে শ্লোকদ্বয় রচনা করিয়াছেন, তাহার মধ্যে দ্বিতীয়টি অতীব মূল্যবান।

প্রথম শ্লোকঃ—যথোষ্ণতাকানলয়োশ্চ শীততা

বিধৌ দ্রুতিঃ কে কঠিনত্ব মশ্মনি।

মরুচ্চলো ভূরচলো স্বভাবতো

যতো বিচিত্রা বত বস্তু শক্তয়ঃ ॥

সরলার্থঃ—যে রূপ সূর্য্য ও অগ্নিতে উষ্ণতা, (কিন্তু) চন্দ্রে শৈত্যগুণ, জলে (কে) দ্রবত্ব, কিন্তু প্রস্তরের কঠিনত্ব আছে, সেইরূপ বায়ুতে চঞ্চলতা ও পৃথিবীতে স্থৈর্য্যগুণ বর্ত্তমান। বস্তুশক্তি বিচিত্র।

এই শ্লোকে পৃথিবী সৌরজগতের কেন্দ্র বলিয়া সূচিত হইল। কেহ সন্দেহ করিতে পারেন যে যখন শূন্যস্থ গুরুবস্তুকে পৃথিবীতে পড়িতে দেখা যায়, তখন পৃথিবীও নিশ্চয় নীচের দিকে পড়িয়া যাইতেছে। এই সন্দেহের দূরীকরণ করিয়া ভাস্করাচার্য্য বাহা বলিয়াছেন, তাহা আমাদের পক্ষে বড়ই গৌরবের জিনিস।

আকৃষ্টি শক্তিশ্চ মহী তয়া যৎ  
ধস্থং গুরু স্বাভিমুখং স্বশক্ত্যা ।  
• আকৃষ্যতে তৎ পততীব ভাতি  
সমে সমস্তাৎ ক পতত্বিয়ং যে ॥

সরলাধঃ—পৃথিবীর আকর্ষণ শক্তি আছে। এই শক্তি দ্বারা পৃথিবী শূন্যস্থ গুরুবস্তুকে নিজের দিকে টানিয়া আনে বলিয়াই উহা পড়িতেছে বলিয়া বোধ হয়। কিন্তু পৃথিবীর চারিদিকই সমান, অর্থাৎ সকল দিকেই গ্রহ নক্ষত্রাদি প্রায় সমভাবে বিরাজমান। তাহাই হইলে পৃথিবী কোন্ দিকে পড়িবে ?

আমাদের অনেকেরই ধারণা আছে যে পৃথিবীর আকর্ষণের সম্বন্ধে অভিজ্ঞতার জন্ত আমরা পাশ্চাত্য পণ্ডিতদিগের নিকট সম্পূর্ণভাবে ঋণী। সাধারণ পাশ্চাত্য মত ও এই যে বিজ্ঞানের প্রকৃত সত্যগুলি ইউরোপ ধরে প্রসূত, বিকশিত ও পরিপুষ্ট হইয়াছে। ইউরোপীয়েরা বিশ্বাস করিতে পারেন না যে প্রাচ্য ভূখণ্ড বিজ্ঞান সম্বন্ধে সম্পূর্ণ অস্বীকার নহে, যে জ্ঞানের জন্য বিদ্যোপার্জন ক্রমশঃ থাকিতে পারে, যে কেবল প্রভাষণ, ভোষামোদ, বর্করতা ও অন্ধ বিশ্বাসই প্রাচ্য হৃদয়কে অধিকার করিয়া থাকে নাই। সে দিন লর্ড কর্জন বিশ্ববিদ্যালয়ের উপাধি বিতরণকালে যে অশ্রুতপূর্ব কাহিনী মূল লিখিত ভাষায় শ্রোতৃবর্গের কর্ণকুহরে অনুপম উপহারস্বরূপ প্রদান করিয়াছিলেন তাহাতে এসিয়াখণ্ডের পিতৃচ্চারণ করিয়া স্বয়ং ধন্য হইয়াছেন। সত্যের প্রকৃত আদর্শ প্রাচ্যভূমিতে ছিল না, একথা বলার ত্রায় ধ্বংসতা আর কিছুই হইতে পারে না। বড়লাটের মত লোকেরা মনে করেন যে গ্যালিলিওর রক্ত পাশ্চাত্য সত্যমন্ত্রে সংস্কৃত থাকাতাই তিনি বলিতে পারিয়াছিলেন 'তব পৃথিবী সচল'। কিন্তু ভাস্কর প্রভৃতি সুধীগণ যখন সত্যের অনুবোধে পৌরাণিক বাক্য ভ্রমাত্মক বলিয়া অসঙ্কোচে জনসাধারণে প্রকাশ করিয়াছিলেন, তখন কি তাহারা গ্যালিলিও অপেক্ষা ষথার্থই নিরাপদ ছিলেন? যিনি সর্ব প্রথমে প্রকাশ্যভাবে পুরাণকে আক্রমণ করিয়াছিলেন, তাহাকে নিশ্চয়ই নানা লাঞ্ছনা ভোগ করিতে হইয়াছিল। মূল কথা এই যে আদর্শ ছিল, কিন্তু আমরা তাহা হইতে ঘটনাচক্রে অনেকদূরে অপনোত হইয়াছি। প্রাচীন ভারতবর্ষে যে প্রকৃত তথ্যের আবিষ্কার ও প্রচার হইয়াছিল, তাহা আমাদের আর সন্দেহ নাই। জ্যোতিষ সম্বন্ধে পাশ্চাত্য ভূখণ্ড প্রাচ্যের নিকট ঋণী

অনেকে বলেন যে গ্রীকদিগের নিকট হইতেই আরবীয়েরা জ্যোতিষ শাস্ত্র শিক্ষা করেন, এবং হিন্দুরা আরবীদিগের নিকট হইতে শিক্ষা পান। কিন্তু সুপণ্ডিত ব্রেনাও সাহেব অল্পদিন হইল হিন্দুজ্যোতিষ সম্বন্ধে যে গবেষণাপূর্ণ পুস্তক প্রণয়ন করিয়াছেন, তাহাতে তিনি প্রমাণ করিয়াছেন যে হিন্দুরা কাহারও নিকট হইতে জ্যোতিষ শাস্ত্র অপহরণ বা শিক্ষা করিয়া লন নাই, পরন্তু তাহাদের প্রণালীর মৌলিকতা অস্বীকার করা যায় না। এই হেতু এবং অত্যাচার কারণে অনুমান করা যায় যে আরবীয়েরাই হিন্দুদিগের দ্বারা, এবং গ্রীকেরা আরবীয়েদের দ্বারা উক্ত শাস্ত্রে দীক্ষিত হয়। এদেশে ও পুরাতন কালে ধারণা ছিল যে পৃথিবীর আকর্ষণ শক্তি আছে। অবশ্য প্রাচীনকালের গ্রন্থে তথ্যগুলির আভাষ মাত্র পাওয়া যায়। অধুনা ইউরোপে যাহা দেখিতে পাওয়া যায়, তাহা অতীব বিস্তৃত, পরিমার্জিত ও উন্নতিশীল। বিংশ শতাব্দীর মধ্য ভাগমান প্রাকৃতিক শতদলের ত্রায় পাশ্চাত্য-দেশে বিজ্ঞান তথ্য সকল বিরাজ করিতেছে। এই প্রসঙ্গে আমাদেরও অথবা অভিমান-মূলতা সম্বন্ধে দুই একটা কথা বলা আবশ্যিক। যখনই প্রাচ্য ও প্রতীচ্যের মধ্যে বুদ্ধিবিশেষ সম্বন্ধে তুলনা হয়, তখনই আমরা গর্ভস্বীত উন্নতগ্রীব হইয়া লিয়া উঠি, আমাদের দ্রোণ ছিল, ভীষ্ম ছিল, ইত্যাদি; যখনই জ্যোতিষ-সম্বন্ধে কথা হয়, তখনই বলি, আমাদের বরাহমিহির, ব্রহ্মগুপ্ত, শ্রীপতি, লব্ধ, ভাস্কর প্রভৃতি উজ্জ্বল রত্নরাজি ছিল; যখনই বাস্পীয় শকট ও ব্যোমযানের আলোচনা হয়, তখনই বলি আমাদেরও পুষ্পক রথ ছিল, যখনই আধুনিক গণিত্যপাত গুলি দেখি, তখনই শ্রীমন্ত সওদাগরের কথা মনে করিয়া আভিমাণে শরীর চালিয়া দিই। ভাবিয়া দেখা উচিত যে সেকালের যিনি আর একালের জিনিসে তুলনা হইতেই পারে না। যদিও মনে করিতে পার যে ঐরূপ তুলনা ষথার্থই সম্ভবে, যদিও আপনাদিগকে মহাপুরুষ-বংশধর বলিয়া উল্লসিত হইতে পার, তথাপি একবার ভাবিয়া দেখ, আমি কি? ছোটমুখে বড়কথা শোভা পায় না। লর্ড কর্জন অসতর্ক-বে যাহা বলিয়াছেন তাহার তাৎপর্য এইরূপ গ্রহণ করিলে, তদীয় বক্তৃ-তা অনেকস্থলে হৃদয়ঙ্গম করিতে পারা যায়।

বৌদ্ধদিগের মতে পৃথিবী আধারশূন্য বটে, কিন্তু অধোগামী।

বাস্করস্ব ভ্রমণাবলোকাদাধারশূন্য কুরিতি প্রতীতিঃ।

কন দৃষ্টক গুরু ক্ষমাতঃ খেহধঃ প্রয়াতীতি বদন্তি বৌদ্ধাঃ। ইতি ভাস্করঃ।

সরলার্থঃ—বৌদ্ধেরা বলেন যে যেহেতু নক্ষত্রগণ পৃথিবীকে প্রদক্ষিণ করিয়া ভ্রমণ করে, সেই হেতু পৃথিবী আধারশূণ্য, কিন্তু যেহেতু কোন গুরু বস্তুকে শূণ্য স্থির থাকিতে দেখা যায় না, সেইহেতু পৃথিবীও নীচে পড়িয়া যাইতেছে ।

ভাস্করাচার্য্য পৃথিবীর অধঃপতন সম্বন্ধে পূর্বে এক যুক্তি দিয়াছেন। তাহার উল্লেখও করা হইয়াছে । বৌদ্ধমতের ছেদনকালে তিনি নূতন যুক্তির অবতারণা করিয়াছেন ।

ভূঃ খেহধঃ খলু যাভীতি বুদ্ধিবৌদ্ধ মুখা কথম্ ।

জাতা যাতস্তু দৃষ্ট্যপি থে যৎক্ষিপ্ত গুরুক্ষিতম্ ॥

সরলার্থঃ—হে বৌদ্ধ, পৃথিবী শূণ্যে নীচের দিকে যাইতেছে তোমার এরূপ যুক্তি কেন হইল ? তুমিই দেখিতেছ যে শূণ্যে নিক্ষিপ্ত গুরুবস্তু পৃথিবীতে পতিত হয় ।

এই শ্লোকের প্রকৃত তাৎপর্য্য ভাস্করাচার্য্যের সংস্কৃত ব্যাখ্যায় স্পষ্টীকৃত হইয়াছে । তিনি বৌদ্ধদিগকে বলিতেছেন “তোমরাই বলিতেছ যে শূণ্যে গুরুবস্তু মাত্রই পৃথিবীতে পতিত হয় । ইহাতেই সপ্রমাণ হয় যে পৃথিবী অধোগামী হইতে পারে না । কারণ মনে কর, একটা শর ধনুক হইতে উৎক্ষিপ্ত হইল । কিছুদূর উঠিয়াই শরটা অধোগামী হইল । কিন্তু পৃথিবী অধোগামী হইলে, শরটা পৃথিবীতে পৌঁছিতে পারে না । যদি বল যে পৃথিবীর অধোগতি অপেক্ষা শরের অধোগতি শীঘ্রতর, তাহা নহে, কারণ লক্ষ বস্তুর অপেক্ষা গুরুবস্তুর পতন অধিক দ্রুত । শরটা লঘু, পৃথিবী গুরু, সুতরাং পৃথিবীর অধোবেগই অধিক প্রবল” ।

এস্থলে বিবেচ্যবিষয় অনেক আছে । যে সকল শ্লোকে পৃথিবীর আকর্ষণের উল্লেখ আছে, তাহার কোনটিতেই ভাস্করাচার্য্য বলেন নাই যে পৃথিবী শূণ্যস্থ গুরু বস্তুকে আকর্ষণ করে, এবং ঐ বস্তুও পৃথিবীকে আকর্ষণ করে, তাহার সময়ে বস্তু সকল পরস্পরকে আকর্ষণ করে, এরূপ মত গঠিত হয় নাই ; নয়ত, সম্পূর্ণরূপে বিশুদ্ধ মত তখনও প্রচলিত ছিল, কিন্তু উক্ত শিথিল যুক্তিতে ভাস্কর তাহাকে সম্যক্রূপে প্রকাশ করা আবশ্যক বিবেচনা করেন নাই । ইহার মীমাংসা অপরাপর প্রাচীন গ্রন্থ হইতে হওয়া উচিত। তবে প্রথম অনুমানটাই অধিক সম্ভবপর বলিয়া বোধ হয় । আর একটা বিষয় দোষীভাব আছে । ভাস্কর বলিয়াছেন যে লঘুবস্তু অপেক্ষা গুরুবস্তুর অধোগতি

দ্রুততর । এখানে অবশ্যই আপেক্ষিক গুরুত্ব বুঝিতে হইবে । ভাস্করের শ্লোকের মর্ম্ম সম্বন্ধে অনেক তর্ক বিতর্ক মনে উদয় হয় । কিন্তু সে সকলের আলোচনা করিতে হইলে প্রবন্ধটা সুদীর্ঘ হইয়া পড়ে । পাঠকের বিবেচনার জন্য আধুনিক মত অতি সংক্ষেপে দেওয়া যাইতেছে, যথাঃ—

সকল বস্তুই পরস্পরকে সমান বলে আকর্ষণ করে । ছইলী বস্তুর মধ্যে আকর্ষণ বল সমান হইলেও তাহার সাধারণতঃ সমান বেগে পরস্পরের দিকে আকর্ষিত হয় না । যেটা যত গুরু, সেটি তত মন্দগামী, পৃথিবী শূন্যস্থ বস্তুকে যত বলে আকর্ষণ করে, পৃথিবীও তাদৃশবেলে ঐ বস্তুর দ্বারা আকৃষ্ট হয় । কিন্তু পৃথিবী সাতিশয় গুরুবস্তু, সুতরাং পৃথিবীর উদ্ধগতি অগ্রাহ্য ; উৎক্ষিপ্ত বস্তুটা অপেক্ষাকৃত সাতিশয় লঘু, সুতরাং তাহারই গতি দৃষ্ট হয় । নির্ঝাঁত স্থানে সকল বস্তুরই অধোগতি সমান । কিন্তু ভূপৃষ্ঠে বায়ুর প্রতিঘাতে গতির বিষয়া ঘটে ।

পৌরাণিকেরা বলেন যে, পৃথিবী দর্পণের ন্যায় সমান । মধ্যস্থলে মেরু-বর্ত বিদ্যমান । ইহার চতুর্দিকে লক্ষ যোজন ব্যাস বিশিষ্ট জম্বুদ্বীপ । তাহার লক্ষ যোজন প্রমাণ ক্ষীর সমুদ্র । তাহার পর একটা দ্বীপ । তৎপর একটা সমুদ্র, ইত্যাদি । পৃথিবীর নামক সপ্তম দ্বীপে মানসোত্তর নামে এক বর্ত আছে । উহা বলয়াকারে বিস্তৃত, এবং উহারই মস্তকোপরি সূর্য্যের উৎক্রমণ করে । সূর্য্য মেরুর পশ্চাত্তাগে যাইলেই রাত্রি হয় ।

জ্যোতিষীগণ এই মতের নিকট মস্তক অবনত না করিয়াই অকুতোভয়ে তাহার প্রতিবাদ করিয়াছেন । পুরাণের প্রবল শাসনকে তাহার উপেক্ষা করিয়াছিলেন । মনে রাখুন যে যে বিশ্বাস রামায়ণ, মহাভারত প্রভৃতি দ্বারা প্রচলিত ছিল, তাহা মূল প্রোথিত করিয়াছিল, প্রাচীন বিদ্যোৎসাহী মনুষীগণ সেই বিশ্বাসকে যুক্তিবলে উৎপাটিত করিতে প্রয়াসী হইয়াছিলেন । এরূপ সাহসিতার উল্লেখ পূর্বে করা হইয়াছে । একবার নয়, দুইবার নয়, যতবার বশুক হইয়াছে, ততবারই জ্ঞানবীরেরা নিঃশঙ্কে অটলভাবে স্পষ্টস্বরে যুক্তি-ভাষায় বিক্রম ও উপহাসে অবিচলিত থাকিয়া স্বীয় কর্তব্য সাধন করিয়াছেন ।

হায় রে আধুনিক বঙ্গসমাজ ! কর্তব্যের ধারও কখন ধারিলে না । পদ, প্রাণহীন, জ্ঞানবর্জিত অথচ জ্ঞানাভিমानी, স্বার্থী, স্বদেশদ্রোহী,

উদরসর্বস্ব, উচ্চলক্ষ্যবিহীন হইয়া পৃথিবীর সঙ্গে দিন দিন পূর্ণ্যমান বিস্ফোটকের ত্রায় আর কতদিন থাকিবে? শেষের দিন যে ক্রমেই নিকটবর্তী হইতেছে। এখন ভাস্করের প্রতিবাদ শুনুন।

যদি সমা মুকুরোদরসন্নিভা ভগবতী ধরণী তরণীঃ ক্ষিতেঃ ।

উপরি দূরগতোহপি পরিভ্রমন্ কিন নটৈরমটৈরিব মেক্ষ্যতে ॥

যদি নিশাজনকঃ কনকাচলঃ কিমু তদন্তুরগঃ সন দৃশ্যতে ।

উদগয়ং ননুমেরুরথাংশুমান্ কথমদেতি চ দক্ষিণ ভাগকে ॥

সরলার্থঃ—যদি পৃথিবী দর্পণের ত্রায় সমতল হয়, তবে তত্পরি সুদূরস্থ সূর্য্যকে অমরেরা ঘেরূপ সর্ব সময়ে দেখিতে পান, আমরাও বা কেন দেখিতে পাই না? যদি মেরুর দ্বারাই রাত্রি সংঘটিত হয়, তবে মধ্যাহ্ন মেরু কেন দেখা যায় না? মেরু উত্তরদিকে অবস্থিত; তবে সূর্য্য (পূর্ব্বে) দক্ষিণ দিকে কিরূপে (শীতকালে) উদিত হন? এ সম্বন্ধে অপর জ্যোতিষীরাও একই মত প্রকাশ করিয়াছেন, যথাঃ—

সমতা যদি বিদ্যাতে বভূস্তরবস্তালনিভা বহচ্ছ্রয়াঃ ।

কথমেবন দৃষ্টিগোচরং নুরহোষান্তি সুদূর সংস্থিতাঃ ॥

সরলার্থঃ—যদি পৃথিবী সমতল হয়, তবে তাল প্রভৃতি অত্যাচ্ছ বৃক্ষ সকল অধিক দূরবর্তী হইলে কেন মানুষের দৃষ্টিগোচর হয় না?

যদি পৃথিবী গোলাকার হয়, তবে সমতল দেখায় কেন, এই প্রশ্নের নিরাকরণ করিতে ভাস্করাচার্য্য বিস্মৃত হন নাই।

সমো যতঃশ্রাৎ পরিধেঃ শতাংশঃ পৃথ্বী চ পৃথ্বী নিতরাং তনীয়ান্ ।

নরশ্চ তৎপৃষ্ঠনতশ্চ কৃৎস্না সমেব তশ্চ প্রতি ভাত্যতঃসা ॥

সরলার্থঃ—বৃত্তপরিধির শতাংশ ঋজু বলিয়াই বোধ হয়। পৃথিবী অতি বৃহৎ, আর তৎপৃষ্ঠস্থ মানুষ অতীব ক্ষুদ্র। (সুতরাং ভূপরিধির যৎসামান্য অংশই মানুষের দৃষ্টিগোচর হয়।) অতএব ভূপৃষ্ঠ সমতল দেখায়।

শ্রীকালীপ্রসন্ন চট্টরাজ এম, এ।

## মারাঠা রাজ্যশাসন প্রণালী ।

দুঃখ মানুষের চির অবাঞ্ছিত। দুঃখের নামে মানুষ শিহরিয়া উঠে— মানুষ দুঃখকে কালসর্পবৎ পরিত্যাগ করে। দুঃখকষ্টদায়ক ও সুখ সুবিধার হানিকারক বটে, কিন্তু মানবের শত্রু নহে। চির সুখিঙ্গনের উন্নতি সীমাবদ্ধ। যে কখনও উত্থান ও পতনের মধ্য দিয়া দুঃখ ভোগ করে নাই, তাহার সুখ অনিশ্চিত। ব্যক্তিগত জীবনে ও জাতীয় জীবনে ইহার দৃষ্টান্ত আমরা সচরাচর দেখিতে পাই। রোম পরপদদলিত হইয়া অশেষ পরিমাণে দুঃখভোগ করিয়াছিল বলিয়াই এক দিন সুখের লাগাল পাইয়াছিল। এবং ভারতের মোগল সম্রাটগণ চিরসুখে ভাসিয়াছিলেন বলিয়াই, আজ কালগর্ভে নিমজ্জিত।

মোগল ভারতে আবার দুঃখের কালিমা পড়িয়াছে। চারিদিকেই দুঃখের হাহাকার। কিন্তু এই দুঃখের আতিশয্যেই ভারত আপনাকে চিনিতে শিখিয়াছে। যে ভারতে পূর্ব্বে হিংসাই মূল মন্ত্র ছিল, সেই ভারত হইতে একতার মধুর ধ্বনি আবার উঠিতেছে। ভারতবাসী জাতিবিদ্বেষ ও স্বার্থপরতা ভুলিয়া পরস্পরকে ভাই ভাই বলিয়া আলিঙ্গন করিতে শিখিতেছে। ভারতীয় জাতীয় মহাসমিতি ও অন্যান্য সম্মেলনী, ইহার প্রত্যক্ষ আলেখ্য এবং দুঃখেরই শুভ ফল।

জীবনী শক্তি যদি একেবারে লোপ হইয়া না যায়, তবে দুঃখ মানুষকে সংপতিত করে না; বরং উপরের দিকেই ঠেলিয়া তুলে। ঔরঙ্গজেবের সর্বস্ব অত্যাচারের ফলেই মারাঠা জাতি একদিন স্বাধীনতার উচ্চ শ্বরে সমাসীন হইয়াছিল। ১৭শ শতাব্দীর অত্যাচার ও দুঃখরাশিই যেন মূর্ত্তি পরিগ্রহ করিয়া মহারাষ্ট্রের মহাশক্তি শিবাজীরূপে প্রকাশিত হইয়াছিল। মোগল পৃথিকের শিথিল-মুষ্টিচূত যষ্টির ত্রায় যখন মোগল হস্ত হইতে ভারত সাম্রাজ্য খসিয়া পড়িল, তখন তরুণবয়স্ক বলদৃপ্ত মারাঠা তাহা সাদরে হুড়াইয়া লইল। সেই গৃহীত যষ্টি যে মারাঠার নবীন হস্তে নিতান্ত অশোভায় হয় নাই, তাহা কে অস্বীকার করিবে?

ষোড়শ ও সপ্তদশ শতাব্দীর ভারত, মোগল স্মৃতিতে পূর্ণ; কিন্তু অষ্টাদশ শতাব্দীর ভারত মারাঠাময়। ভারতের অষ্টাদশ শতাব্দীর আলেখ্য

আঁকিতে গেলেই, মারহাট্টাচিত্র আসিয়া পড়ে। ব্রিটিশ সিংহ মোগলের নিকট হইতে ভারত গ্রহণ করেন নাই, যে প্রকারেই হউক হিন্দুর নিকট হইতেই হিন্দুর ভারত গ্রহণ করিয়াছেন। ব্রিটিশ আগমনের প্রাকালে মোগল হতবল, তখন মোগলের মূর্তি ছিল মাত্র, কিন্তু প্রাণ ছিল না। পাঞ্জাবে শিখ ও দাক্ষিণাত্যে মহারাষ্ট্র শক্তিই তখন বলবান। \*

ঔরঙ্গজেবের পর আরও পাঁচ জন সম্রাট কোন প্রকারে সাম্রাজ্য পরিচালনা করেন। ষষ্ঠ ব্যক্তি ১৭৫৯ সালে কোন আততায়ীর হস্তে প্রাণত্যাগ করিলে পর, তদীয় পুত্র শাহ আলম পৈতৃক সিংহাসনে অধিষ্ঠিত হন। কিন্তু ইঁহার যোগ্যতা অতি অল্পই ছিল। স্বপ্নাতীত ভারত সাম্রাজ্যের অধীশ্বর হইয়াও তিনি তাহা পরিচালন করিতে পারিলেন না। আপনার শক্তি সামর্থ্য থাকিতেও পর দ্বারে ভিক্ষার্থী হইলেন। ইংরাজের সাহায্য পাইয়া আপনাকে পরম ধন্য বোধ করিলেন। নামে তিনি সম্রাট রহিলেন বটে কিন্তু কার্যতঃ সম্রাটত্বের কিছুই তাঁহার হস্তে রহিল না।

অপর পক্ষে, মারাঠারা বলদৃপ্ত সিংহের শ্রায় ক্রমশঃ উন্নতির দিকে অগ্রসর হইতে লাগিল। যমুনা হইতে কৃষ্ণা পর্যন্ত রাজ্য বিস্তার না করিয়া তাহারা কিছুতেই ক্ষান্ত হইল না। এই সময়ে শিবাজীর বংশধরগণ হীনবল হইয়া পড়িলেও পেশওয়ার নামধের ব্রাহ্মণ বংশ মহারাষ্ট্রের প্রাণবৎ মন্ত্রিরূপে রাজ্য পরিচালনা করিতেছিলেন।

ঔরঙ্গজেবের মৃত্যুর একাদশ বৎসর পর (১৭১৮ খৃঃ অক) বালাজী পেশওয়ার (১ম) সনৈতে দিল্লী যাত্রা করেন এবং তৎকালীন মোগল সম্রাটের নিকট হইতে তিনটী ক্ষমতা প্রাপ্ত হন। এবং ইহা হইতেই মারহাট্টা রাজ্যের পত্তন-ভূমি দৃঢ়ীকৃত হয়।

(১ম) চৌথ অর্থাৎ হায়দরাবাদ, মহীশূর, তাজোর, কণাট এবং দক্ষিণ ভারতের অন্যান্য প্রদেশে যে রাজস্ব উৎপন্ন হইবে, তাহার এক চতুর্থাংশ মারহাট্টা সম্রাট প্রাপ্ত হইবেন।

\* The British won India, not from the Mughals, but from the Hindus. Before we appeared as conquerors, the Mughal Empire had broken up. Our conclusive wars were neither with the Delhi king nor with the revolted governors, but with two Hindu confederacies, the Marathas and the Sikhs.

Sir W. W. Hunter's Indian Empire (1893) P 375.

(২য়) সর্দেশমুখী—অর্থাৎ উল্লিখিত চৌথের উপর আরও এক দশমাংশ রাজস্ব প্রাপ্ত হইবেন।

(৩) স্ব-রাজ্য—অর্থাৎ পুণা এবং তন্নিকটবর্তী পোনেরটী জেলার উপর তাহাদেরই সম্পূর্ণ কর্তৃত্ব ও আধিপত্য থাকিবে।

১৭২০ খৃঃ অক্কে, বাজী রাও পেশওয়ার পদে অধিষ্ঠিত হন। উচ্চ আকাঙ্ক্ষায় ইনি আপন পিতাকেও অতিক্রম করিলেন। বাজীরাও শুধু দক্ষিণ ভারতবর্ষ লইয়া সন্তুষ্ট রহিলেন না, উত্তর দিকেও ইঁহার চক্ষু পড়িল। মোগল রাজত্বের ফুল ফলেই এত দিন মারাঠারা সন্তুষ্ট ছিলেন, ইনি তাহার উচ্চ শিকড়টীও উপড়াইয়া তুলিতে ইচ্ছুক হইলেন। বাজীরাও গুজরাটের রাজস্বের এক অংশ গ্রহণ করিলেন এবং অনতিকাল মধ্যে মালব ও বৃন্দেল-ও অধিকার করিয়া ১৭৩৯ সালে পর্তুগিজদের নিকট হইতে বেসিন দেশও কাড়িয়া লইলেন।

বাজী রাওয়ের পুত্র বালাজী রাও ১৭৪০ সালে পেশওয়ার পদে অধিষ্ঠিত হন। এই সময়ে রাজ্যলোলুপ মারহাট্টাদিগের দৃষ্টি সমৃদ্ধিশালিনী বঙ্গভূমির দিকে পতিত হইল। নাগপুরের ভোঁসলা নামধের জনৈক মারহাট্টা প্রধান দেশে আসিয়া ক্রমাগত উৎপাত করিতে লাগিলেন এবং তাহার ফলে ১৭৫১ সালে উড়িষ্যা জয় করিয়া বাঙ্গলার নবাবের নিকট হইতে বাঙ্গলা ও হারের চৌথ আদায় করিয়া লইলেন। বলা বাহুল্য, উত্তর ভারতও তাহাদের হস্ত হইতে নিষ্কৃতি পাইল না।

এই প্রকার উল্লিখিত তিন জন পেশওয়ার সাহায্যে মারাঠাশক্তি শক্তিমান হইল। পুণা ও তন্নিকটবর্তী স্থানে তাহাদের বিজয়পতাকা সগর্বে উড়ীন হইল। সত্যের অনুরোধে বলা আবশ্যিক, রাজ্যলোলুপতাই ইঁহাদের লক্ষ্য হইল। ইঁহারা যুদ্ধ বিগ্রহের সময় সর্কদা শ্রায় ও ধর্মের সম্মান রক্ষা করা চলিতেন না। সময় সময় আততায়ীর শ্রায় দুর্বল ও অসহায়ের অত্যাচার করিতেও কুণ্ঠিত হইতেন না। ইঁহাদের নিপীড়নে দেশের লোক এতই ভীত হইয়া পড়িয়াছিল যে, হরস্ত রোরুদ্যমান বাঙ্গালী শিশুও মারাঠা-বর্গীর নামে চুপ করিয়া যাইত।

“খোকা ঘুমালো                      পাড়া জুড়াল  
বর্গী এল দেশে  
বুলবুলীতে                      ধান খেয়েছে  
খাজনা দিব কিসে ?”

প্রভৃতি প্রাচীন ছেলে ভুলানো ছড়া তাহারই উজ্জ্বল দৃষ্টান্ত । কিন্তু “নির্যাতন কেন বাধ্যতে” কস্মফল ক্রমেই ফলিতে আরম্ভ হইল ।

১৭৫৭ খ্রীঃ অব্দে পলাসীর যুদ্ধে (?) জয় লাভ করিয়া ব্রিটিশসিংহ বঙ্গদেশে মস্তক উত্তোলন করিয়া দাঁড়াইলেন, এবং ১৭৬৫ সালে দেওয়ানীপদ প্রাপ্ত হইয়া দেশের সর্ব্ব সর্ব্বা হইয়া উঠিলেন । ১৭৬১ সালে ফরাসীদিগকে পরাজিত করিয়া ইহার কৰ্ণাট প্রাপ্ত হন । প্রায় এই সময়ে সুবিখ্যাত হায়দর আলি অপ্রতিহত প্রভারে মহীশূরে আপন ক্ষমতা বিস্তার করিতেছিলেন । মোগল রাজত্বের পতনের সঙ্গে সঙ্গে অযোধ্যা ও হায়দরাবাদের ভূপালগণ স্বাধীন হইয়া উঠিলেন । ১৭৬১ সালে কাবুলের আহম্মদশাহ ভারত আক্রমণ করেন এবং পাণিপথের যুদ্ধে মারাঠাদিগকে পরাজিত করেন । এই সময়ে শিখগণ ধর্ম্মোন্মাদে উন্মত্ত হইয়া উঠেন এবং ১৭৬৩ সালে সিরহিন্দী যুদ্ধে আহম্মদ শাহকে পরাজিত করিয়া সমগ্র পঞ্চনদ প্রদেশের আধিপত্য লাভ করেন ।

আমরা উপরে যাহা লিখিলাম, তাহাতে ইহাই প্রতিপন্ন হইল যে মোগলের পর মারাঠারাই ভারতে আধিপত্য লাভ করেন । এবং দশক সরের মধ্যেই বঙ্গদেশে ও কৰ্ণাটে ইংরেজ, মহীশূর ও উত্তর ভারতে মুসলমান এবং পঞ্চনদ প্রদেশে ধর্ম্মোন্মত্ত শিখগণ মস্তক উত্তোলন করিয়া দাঁড়াইলেন । দশটী বৎসর যাইতে না যাইতেই মারাঠার শত্রু চারিদিকে জাগ্রত হইয়া উঠিল ।

১৭৬১ সালে তৃতীয় পেশওয়ার মৃত্যু হইলে, তৎপুত্র মাধব রাও পেশওয়া পদে অধিষ্ঠিত হন । এই সময়ে হায়দর আলীর সহিত মারাঠাদের কলহ বাধিয়া উঠে । মারাঠাদের সহিত দুইটি যুদ্ধে হায়দর আলী পরাজিত হন এবং তাহাদের গ্রাম্য প্রাপ্য স্থান ছাড়িয়া দিয়া ও করদানে স্বীকৃত হইয়া শান্তি স্থাপন করেন । ক্রমে উত্তর ভারতবর্ষেও মারাঠারা জাগ্রত হইয়া উঠিলেন । এই সময়ে প্রাতঃস্মরণীয় হোঙ্কার মহিষী অহল্যা অতি দক্ষতার সহিত ইন্দোর রাজ্যশাসন করিতেছিলেন । তাহার অমিত প্রতিভা অপ্রভূত পরিমাণে ইন্দোরের শ্রীবৃদ্ধি সাধিত হয়, এবং রাজ্যের যাবতীয় কার্য প্রণালী অতীব সুশৃঙ্খলার সহিত সম্পাদিত হইতে থাকে । তিনি রাজ্যশাসনে যেরূপ দক্ষতা প্রদর্শন করিয়াছিলেন, তাহা অনেক নৃপতির পক্ষে অসম্ভব ।

১৭৬১ সাল হইতে ১৭৭২ সাল পর্য্যন্ত, মাধবরাও পেশওয়ার শাসনকালে, উত্তর, মধ্য ও দক্ষিণ ভারতবর্ষে মহারাষ্ট্র বিজয়পতাকা অপ্রতিহতরূপে উড়ীন ছিল বলিলেও অতুক্তি হয় না এই সুবিশাল রাজ্য ইহার। কি প্রণালীতে শাসন করিতেন, জানিবার জন্ত স্বতঃই আগ্রহের উদ্রেক হইয়া থাকে । আমরা কাপ্তান গ্রান্ট ডুফের ‘মহারাষ্ট্র ইতিহাস’ নামক (History of the Marathas by Captain Grant Duff) গ্রন্থ হইতে তাহার সার-সংক্ষেপে লিপিবদ্ধ করিয়া দিলাম ।

### রাজস্ব-আদায়-প্রণালী ।

বার্ষিক রাজস্ব আদায় করিবার জন্ত প্রতিবর্ষে একজন করিয়া মামলদার নিযুক্ত হইতেন । অবশ্য মামলদার নির্দোষরূপে কার্য্য করিতে পারিলে অধিক সময়ের জন্ত থাকিতে পারিতেন । মামলদারেরা সংগৃহীত রাজস্বের উপর শতকরা পাঁচ টাকা হিসাবে কমিশন পাইতেন । এতদ্বিন্ন তাহাদের কোন নির্দ্ধারিত বেতন ছিল না । নিযুক্তির সময়ে মামলদারকে রাজসরকারে কতক টাকা অগ্রিম জমা দিতে হইত । রাজস্ব আদায় হইলে ঐ টাকা তিনি পরে কর্ত্তন করিয়া লইতেন । কিন্তু অগ্রিম জমা টাকার জন্ত, রাজস্ব সম্পূর্ণরূপে আদায় না হওয়া পর্য্যন্ত শতকরা দুই টাকা হিসাবে তিনি রাজসরকার হইতে সুদ পাইতেন । একানি হাতচিঠা থাকিত, তাহাতে মামলদারের নিযুক্তি বিবরণ ও যখন যে টাকা রাজসরকারে জমা হইত, তাহা লিপিবদ্ধ হইত । কোন মামলদারকেই পাঁচ লক্ষ টাকার অধিক রাজস্ব আদায় করিবার ক্ষমতা দেওয়া হইত না । অনেক সাউথার্ন রাজ্যে রাজস্ব কার্য্যের ইজারা লইতেন । সিপাহি ও অগ্রাণ্ড কস্মচারী-বেতন প্রভৃতি দিবার ভারও মামলদারের উপর গুস্ত হইত । আদায়ের শেষ হইলে জেলার ফড়নবীশ আসিয়া মামলদারের নিকট সমস্ত হিসাব পত্র লইয়া রাজধানীতে যাইত । এবং তাহা মঞ্জুর করিবার পূর্বে বিশেষরূপে পরীক্ষা করা হইত ।

### পুলিস ।

পুলিস, বিচার ও শাসন কার্য্যের বন্দোবস্তের ভার অনেকটা মামলদারের হস্তেই থাকিত । দেশের প্রধানগণ এবং মামলদার ফৌজদারী করিতেন ; কিন্তু কোথাও স্থায়ী কাছারী থাকিলে সার-স্বাদারেরাই

মপ্যুত্তমাঙ্গং ন নমেনুকুন্দং ।  
 শাবৌ করৌ স্নো কুরতঃ সপর্ঘ্যাং ।  
 হরেল্ল সৎ কাঞ্চন কঙ্কনৌবা ॥  
 বর্হায়িতে তে নয়নে নরাণাং  
 লিঙ্গানি বিশেষান্নিরীক্ষতো যে ।  
 পাদৌনৃণাং তৌ ক্রমজন্মভাজ্যৌ  
 ক্ষেত্রাণি নানুব্রজতো হরেষৌ ॥  
 জীবন্তবো ভাগবতাজ্জ্বরেণু  
 ন জাতু মর্ত্যোহভিলভেতযন্ত ।  
 ইত্যাদি প্রকারে মন সিঞ্চাইল তোরে ।  
 ভজিঞা গোবিন্দ পদ কৃতার্থ কর মোরে ।  
 ভক্তি করি ভজ হরি সকল ছাড়িঞা ।  
 কায় মন বাক্যানিষ্ঠা সুদৃঢ় করিঞা ॥  
 আধ্যাত্মিক জ্ঞানযোগ সাংখ্য জ্ঞান জত ।  
 কর্মযোগ ক্রিয়াযোগ হইঞা বিরত ॥  
 ভক্তিযোগে সেব হরি পরম আনন্দে ।  
 মতি নিবেসিঞা পুন গুরুপদ দ্বন্দে ॥  
 ভক্তিভাবে ভক্তবশ্ত হয় ভগবান ।  
 উদ্ধবে কহেন কৃষ্ণ ভাগবতে প্রমাণ ॥  
 কৃষ্ণ কহেন সুন উদ্ধব প্রিয় মোর ।  
 ভক্তিভাবে বসীভূত আমি হই তোর ॥  
 যোগের সাধনে আমি জত বস নই ।  
 সাংখ্য যোগ দান তপস্যা আদিকই ॥  
 এ সব সাধনে বস করিতে সে ত নারে ।  
 ভক্তিভাবে ভক্তগণ বস করে মোরে ॥  
 একাদশে  
 ন সাধয়তি মাং যোগো ন সাংখ্যং ধর্মউদ্ধব ।  
 ন স্বাধ্যায়ো তপো যোগো যথা ভক্তি মমোর্জিতা ॥  
 এই কথা কহেন ব্রহ্মা সাক্ষাতে ভগবানে ।  
 দত্তকরি আপনাকে প্রভুর চরণে ॥  
 মুক্তি হেতু ভক্তি ছাড়ি জ্ঞান উপাসয়ে ।  
 তার সিদ্ধি নাহি হয় ক্লেশভাগি হয়ে ॥

## বিজয়া ।

আনন্দময়ীর আগমন জগতের অত্যাগ্র ঘটনার মত চঞ্চল জগতের একটি সাধারণ ঘটনা নহে। আমাদের মায়িক জগতের ঘটনাগুলি দেশ ও কালের দ্বারা সীমাবদ্ধ—এক স্থানে হয়, অত্র স্থানে হয় না; সময়ের এক মুহূর্তে আরম্ভ হয় অত্র মুহূর্তে শেষ হইয়া যায়,। প্রাচীনকালের সাধুগণ বার বার বলিয়া গিয়াছেন আনন্দময়ীর আগমন এ প্রকারের একটি ঘটনা নহে। ইহা নিত্যলীলা। আগমনও নিত্য, বিসর্জনও নিত্য। তিনি সর্বদাই আসিতেছেন, সকল যুগে, সকল দেশে সকল জাতির ও সকল ব্যক্তির জীবনে স্বচ্ছ শরতের হরিদ্রাভ কোমল কিরণ সঞ্চারিত করিয়া তিনি আসিতেছেন, তাঁহার চরণ নখরের বিমল আভায় আমাদের সকল মোহ, সকল হিংসা, সকল দ্বন্দ্ব ও সকল ভেদ দূর করিয়া তিনি আবিভূত হইবেন, স্পর্শমণির স্পর্শে কয়েকদিনের জন্ত পৃথিবীর ধূলাও সোণা হইয়া যায়। মাটির জগতের মধ্য দিয়া গোলকবৈকুণ্ঠের দিব্যজ্যোতি ফুটিয়া উঠে। তিনি আসেন, নিত্যই আসেন। আমরা ধরিতে পারিনা—তিনি চলিয়া যান, কিন্তু এই চলিয়া যাওয়া, চলিয়া যাওয়ার জন্ত নহে “পুনরাগমনায় চ” আবার আসিবার জন্ত। বিজয়ার দিন বিসর্জন হয়—আমরা কাঁদি—কিন্তু এই ক্রন্দনের মধ্যেই বিজয়া। আনন্দময়ী চলিয়া গেলেন—এইটুকু বুঝিয়া যদি কাঁদিতে পারি—সত্যই যদি অনুভব করি—

“এই ছিল কোথা গেল কমলদলবাসিনী” তাহা হইলেই আমরা বিজয়া। ভূমি ছিলে, চলিয়া গিয়াছ, আবার আসিবে—এই চিন্তায় তন্ময় হওয়া, ইহার সাধারণ অর্থ এই, আমরা বিশ্বজননীর সন্তান—‘অমৃতস্র পুত্রাঃ’ কিন্তু কি জানি কেন আজ মরণের আঁধারে ডুবিয়াছি, কিন্তু এ আঁধার থাকিবে না—আবার আমরা নিজের স্বরূপে আরোহণ করিব, এই জ্ঞান ও বিশ্বাসের ভূমিতে দাঁড়াইয়া বিজয়ার উৎসব করা। বিজয়ার উৎসব কি? প্রেমে কোলাকুলি করা—হৃদয়ে হৃদয়ে সুমধুর মিলন প্রতিষ্ঠা করা। আর কি? আজ এই বিজয়া। আমরা এই আগমণী ও বিজয়ার নিত্যলীলা অনুভব করিতে চাই—এই নিত্যলীলার অনুভূতিতে বিশ্ববাসীকে আনয়ন করিয়া ভবিষ্যতের ভারতবর্ষ গড়িয়া তুলিতে চাই।



কঙ্কণ-পদাতিকেরা বিশেষ প্রশংসার্হ ছিল। আবশ্যক হইলে ভোঁসলে গায়কোয়ার দশ হাজার হইতে পনর হাজার এবং হোলকার, সিন্ধিয়া ধারের রাজা তেত্রিশ হাজার পর্য্যন্ত সৈন্য সরবরাহ করিতেন। সুতরাং পেশওয়ারা ইচ্ছা করিলে অনায়াসে এক লক্ষ অশ্বারোহী সৈন্য যে কোন সময়ে চালনা করিতে পারিতেন।

\* \* \* \* \*  
আমরা এই পর্য্যন্ত কাথান গ্রাণ্ট ডফের ইতিহাস হইতে মারাঠাদিগের রাজ্যশাসন প্রণালী উল্লেখ করিলাম। কিন্তু গ্রাণ্টডফের পুস্তক প্রকাশিত হইবার পর মারাঠাদের সম্বন্ধে আরও অনেক নূতন তথ্য প্রকাশিত হইয়াছে। পেশওয়ারা বিবিধ জাতব্য কথায় পূর্ণ যে সব রোজনাম্চা লিপিবদ্ধ করিয়া গিয়াছিলেন, তাহা রায় বাহাদুর বাদ (wad) ও জষ্টিস রাণাডের রূপে সাধারণে প্রকাশিত হইয়াছে। ১৭০৮ সাল হইতে ১৮১৬ সাল পর্য্যন্ত মারাঠা-জীবনে যে সকল ঘটনা ঘটিয়াছিল, তাহা উল্লিখিত গ্রন্থে প্রচুর বর্ণিত হইয়াছে। আগামী সংখ্যা বীরভূমিতে ঐ সকল কোতূকাবহ চিত্তাকর্ষক বৃত্তান্ত প্রকাশ করিয়া পাঠক পাঠিকাদের কোতূহল চরিত করিব।

শ্রীবৈকুণ্ঠনাথ দাস।

## লালাবাবু।

(৫) \* কথিত আছে, একদিন লালাবাবু বিষয় কর্মে সাতিশর ছিলেন। বেলা দুই প্রহর অতীত হইয়াছিল, তথাপি স্নান আহার কইলেন না। বাটীর ভিতর হইতে কয়েকবার তাঁহাকে ডাকিতে আসিল, তবুও তিনি উঠিলেন না। অবশেষে তাঁহার কন্যা \* আসিয়া “বাবা! বেলা গেল যে।” বেলা গেল এই দুইটি কথায় লালাবাবুর ওস্তী বাজিয়া উঠিল। সেই মুহূর্ত্ত হইতে সংসারের প্রতি তাঁহার জন্মিল।” (বঙ্গবাসী ১৩০৭। ২৫শে ফাল্গুন)

\* লালাবাবুর কন্যা ছিল না, শ্রীনারায়ণ সিংহই তাঁহার একমাত্র পুত্র ছিলেন।

৬। তিনি (লালাবাবু) মানে, রূপে + গুণে, কুলে শীলে সর্ব বিষয়ে প্রধান। একদা মহারাজ আহারাতে সুখের শয্যায় নিদ্রাদেবীর ক্রোড়ে বিশ্রাম লাভ করিতেছিলেন। দিবাবসান হয় দেখিয়া দ্বারবান ডাকিল, মহারাজ! উঠিয়ে, দিন আখের হয়। শব্দ “কাণের ভিতর দিয়া মরমে শিল গো আকুল করিল তার প্রাণ।” মহারাজ জাগ্রত হইয়াও ক্ষণকাল সমীলিত নেত্রে শয্যায় রহিলেন, যেন কি একবলন! তারপর উঠিয়াই গড়কীর পথে বাহির হইয়া ভিক্ষা-সম্বল একাক সাহেবকে একেবারে বৃন্দাবনে পহিত। মহারাজ দ্বারবানের কথাস্নান। মথুরার, দ্বারবানের মুখে গবান্ তাঁহাকে ডাকিতেছেন। দ্বারবাসমস্ত মথুরাবাসকেবল কাকতালীর। মহারাজ কথা শুনিলেন, বুঝিলেন,—বুঝিলেন যে সীতাপু তাঁহার দিন আখের হইয়াছে। † (পূর্ণিমা, ৮ম বর্ষ, ৩য় সংখ্যা)

### ( বৃন্দাবন-জীবনী )

লালাবাবুর বাল্য ও সাংসারিক জীবন এবং বৈরাগ্যের কথা ইতঃ পূর্বেই বর্ণিত হইয়াছে। এইবার আমরা তাঁহার বৃন্দাবনের অমুষ্টিত ক্রিয়া কলাপ বর্ণনা করিতে অগ্রসর হইব।

তিনি বৃন্দাবন ধামে গমন করিয়া কৃষ্ণচন্দ্রিমার মন্দির নির্মাণ ও মূর্ত্তি স্থাপনের নিমিত্ত কিয়ৎকাল অতিবাহিত করতঃ বৈষ্ণব ধর্মে দীক্ষিত হইয়া বৃন্দাবনে অবস্থিতি করেন এবং অবশেষে অকালে অপমৃত্যুর ক্রোড়ে শয়ন করিয়া পবিত্র জীবনের লীলা শেষ করিতে বাধ্য হন। লালাবাবু নূন্যাত্মিক হইয়া দশ বর্ষকাল ব্রজধামে জীবন যাপন করেন। এই অনতিদীর্ঘ সময়ের

লালাবাবু রূপে প্রধান ছিলেন না।

শিৱাবাদ জেলায় ও অন্যান্য অনেক স্থানে লালাবাবুর বৈরাগ্য সম্বন্ধে অসংখ্য জনশ্রুতি বিদ্যমান আছে। বলা বাহুল্য যে, ৪র্থ জনশ্রুতি ভিন্ন আর সমস্তই অসার। সংসারে থাকিতে লালাবাবুর অন্তঃকরণে বৈরাগ্যের সঞ্চার হয় সত্য, কিন্তু তিনি বৈরাগ্যের উদয় পর্য্যন্ত বৃন্দাবন যাত্রা করেন নাই। বৈরাগ্য সঞ্চারের পর সংসারের সুবাবস্থা করিয়া বৃন্দাবন গমন করেন।

পাঁচখুপী গ্রামের খোষ ও মৌলিক বংশীয় কায়স্থগণের সহিত বহুকাল হইতে কান্দীরাজের সম্বন্ধ অতি ঘনিষ্ঠ। রাণী কাত্যায়ণীর (লালাবাবুর স্ত্রীর) অধীনে পাঁচখুপীর কায়স্থ সন্তান কার্য্য করিয়াছিলেন। লেখক তাঁহাদের সাহায্যেই লালাবাবুর সংগ্রহ করিয়াছেন।]

এই পর্য্যন্ত লালাবাবুর সংসার জীবনী ‘সুধার’ ৩য় খণ্ড ভাদ্র ও অগ্রহায়ণ+পৌষ প্রকাশিত হইয়াছিল। তাহাই কিঞ্চিৎ পরিবর্তিতাকারে পুনঃ প্রকাশিত হইল।

মধ্যে তিনি তথায় যে সকল সংকার্য সম্পন্ন করিয়া গিয়াছেন, তাহা অনির্কচনীয় ।

লালাবাবু বৃন্দাবনে পৌঁছিয়াই প্রথমতঃ ভরতপুরের মহারাজার অধিকৃত একটা বৃহৎ প্রাসাদে বাস করিতে আরম্ভ করেন । মানুষ একেবারে সমস্ত স্বার্থ ত্যাগ করিতে পারে না । বলা বাহুল্য যে, তৎকাল পর্য্যন্ত লালাবাবু সম্পূর্ণ রূপে স্বার্থত্যাগ করিতে সমর্থ হন নাই । স্বার্থত্যাগ মহামন্ত্র অভ্যাস করিতে ছিলেন মাত্র শু কাপ্তান গ্রীক ? এবং কি জন্যই বা তিনি ব্রজধাম আগমন করিয়াছেন উল্লেখ করিলামতঃ কোন ব্রজবাসীই অবগত ছিলেন না কিন্তু তাঁহার অসাধদের সম্বন্ধে আর অচিরেই তাঁহাকে বৃন্দাবনের প্রত্যেক অধিবাসীর নিকট জ্ঞাত হইতে করিয়াছিল । তাঁহার অর্থাধিক্যের সংবাদ শ্রবণে স্থানীয় দস্যু তরুর বৃন্দেরও লালসা উত্তেজিত হইয়া উঠিয়াছিল । অবশেষে সহসা একদিন তাঁহার বাস গৃহের বহুসংখ্যক দ্রব্যনামগ্রী লুণ্ঠিত হইয়া তিন লক্ষ টাকা অপহৃত হইয়া যায় ।

অতঃপর, ১৮২০ খৃঃ লালাবাবু উত্তর ভারত পরিদর্শনের মুখ্য উদ্দেশ্য সিদ্ধির নিমিত্ত মনোযোগ প্রদান করেন ।

বৃন্দাবনের যেখানে শ্রীকৃষ্ণ গোপিনীগণসহ ক্রীড়ারস সম্ভোগ করিতেন ষমুনার সেই সুপরিষ্কৃত ও মনোহর পুলিন প্রদেশে তিনি স্মরন্য মন্দির নির্মাণ করাইয়া তাহাতে শিলাময় কৃষ্ণচন্দ্রমার একটা মূর্তি প্রতিষ্ঠা করিতে হইতে সংকল্প হ'ন ।

প্রথমতঃ দেবমন্দিরের প্রধান উপকরণ সংগ্রহার্থ লালাবাবু রাজধানী জর্নৈক রাজার নিকট আবেদন করেন । উক্ত রাজা লালাবাবুর সহযোগিতায় অবগত হইয়া তাঁহার রাজ্য হইতে বিনা মূল্যে আবশ্যিকমত প্রস্তর ও মার্বেল বহন করাইয়া লইয়া যাইবার অনুমতি প্রদান করিয়াছিলেন । তদনুসারে লালাবাবুও মন্দির নির্মাণের প্রধান উপকরণ সমূহ বৃন্দাবনে আনয়ন করাইয়া ছিলেন । রাণা ও মন্দির নির্মাণ কার্যে লালাবাবুকে যথেষ্ট সাহায্য করিয়া ছিলেন । এই সূত্রে রাণার সন্তিত লালাবাবুর ঘনিষ্ঠতা হওয়ায় লালাবাবু এক ভয়ানক বিপদের সম্মুখীন হইতে হইয়াছিল ।

তৎকালে ইংরাজ গভর্নমেন্ট তাঁহাদের সন্ধিপত্রে স্বাক্ষর করাইবার নিমিত্ত রাণাকে আহ্বান করেন ; কিন্তু রাণা তদ্বিষয়ে বিধা প্রদর্শন করায় তাহা কারণ অনুসন্ধানার্থ তদন্ত আরম্ভ হয়, সেই সময় সার চার্লস মেটকাফ

ব্রিটিশ গভর্নমেন্টের বিরুদ্ধে কেহ দোষী সাব্যস্ত হইলে তাহার বিচারার্থ কমিশনারের দ্বারা সম্পূর্ণ ক্ষমতার অধিকারী হইয়া ) দিল্লীর দরবারে রাজ-প্রতিনিধি নিযুক্ত ছিলেন । তিনি এই সংবাদ অবগত হন যে রাণার সহযোগিতায় কৃষ্ণচন্দ্রের (লালা বাবুর) কুমন্ত্রণায় রাণা সন্ধিপত্রে নাম স্বাক্ষর করিতে ইতস্ততঃ করিতেছেন । এই জনরব কোথা হইতে উদ্ভূত হইল, তাহার কোন তথ্যই অনুসন্ধান না করিয়া একবারে গভর্নমেন্টের বিরুদ্ধে মেটকাফের অপরাধে অভিযুক্ত করতঃ মেটকাফ সাহেব লালাবাবুকে অবিলম্বে গৃহীত করিবার অনুমতি বাহির করিয়া দেন । মথুরার বিচারকের (Magistrate) নিকট এই আদেশ পৌঁছিলে সমস্ত মথুরাবাসী আশ্চর্য্যান্বিত হইয়া পরস্পর এই জিজ্ঞাসা করিতে আরম্ভ করে যে "একুপ উপচিকীর্ষ ধর্ম্মপরাগণ ব্যক্তি এতাদৃশ গুরুতর দোষে কিরূপে লিপ্ত হইতে পারে," তাহারা বলিয়াছিল যে "নিশ্চয় কতকগুলি ঈর্ষাপরাগণ ব্যক্তি সাধুচরিত্র লালাবাবুর নামে এই কুৎসা রটনা করিয়া কমিশনারের কাণ ভারি করিয়াছে । বাহা হউক, আমরা লালাবাবুর অনুগমন করিয়া বিচারফল সন্দর্শন করিবা ।" এই বলিয়া প্রায় দশ সহস্র মনুষ্য লালাবাবুর পশ্চাৎ পশ্চাৎ ধাবিত হয় । অনুগমনকারীদের অধিকাংশই মেত্রতিজ, জাট ও গুজার জাতীয় । তাহারা দিল্লীতে লালাবাবুর চতুর্দিকে শরীররক্ষক-স্বরূপ দণ্ডায়মান হইয়াছিল এবং তাঁহার প্রতিকূলে কোন কিছু ঘটিলে সকলেই তাঁহার জঘন প্রাণ বিনর্জনে প্রচেষ্টা করিয়াছিল । যতই তাহারা দিল্লীর দিকে অগ্রসর হইতেছিল, ততই তাহাদের দল পরিপুষ্ট হইয়াছিল, এমন কি, অবশেষে তাহাদের সংখ্যা বিংশতি সহস্রে পরিণত হয় । তৎকালে দিল্লী এবং তৎপার্শ্ববর্তী স্থান সমূহ বর্তমানের দ্বারা ছিল না ।

মেটকাফ দিল্লীর রাজপথে এতাদৃশ জনতা সন্দর্শনে অতীব ভীত হইয়াছিলেন, এবং উক্ত ষড়যন্ত্র-লিপ্ত দোষী ব্যক্তি (লালাবাবু) কিরূপে এতাদৃশ সংখ্যক মানবেরও অনুরাগ আকর্ষণ করিয়াছে, তাহা সহজে বিবেচনা করিতে অক্ষম হইয়া এই স্থির করেন যে, প্রথমতঃ লালাবাবুর চরিত্র এবং অতীত ক্রিয়া কলাপ সম্বন্ধে গোপনভাবে তদন্ত করিয়া, আবশ্যক বোধ করিলে অবশেষে তাঁহাকে বিচারার্থ আনয়ন করা যাইবে । সেই সময় শান্তিপুর-নিবাসী দেবীপ্রসাদ রায় নামক পারশ্ব ভাষাভিজ্ঞ জর্নৈক বঙ্গবাসী মেটকাফের অধীনে কার্য্য করিতেন । তাঁহার নিকট হইতে ও অত্যাশ্রয় উপায়ে মেটকাফ

লালাবাবুর ও তাঁহার পূর্বপুরুষগণের বিবরণ এবং তিনি স্বয়ং ও তাঁহার পিতৃ পিতামহাদি সকলেই পূর্ব হইতে ইংরাজ গভর্নমেন্টের কিরূপ বিশ্বস্ত কর্মচারী ছিলেন, তৎসমুদয় বিশেষরূপে অবগত হন। অতঃপর তিনি লালাবাবুকে সম্পূর্ণ নির্দোষী বুঝিতে পারিয়া তাঁহার প্রতি প্রসন্ন হন এবং তাঁহাকে নিজ সম্মুখে আহ্বান পূর্বক পর্য্যাপ্তিকায় উপবেশন করান।

উপবেশনান্তর লালাবাবু তাঁহার পবিত্র আত্মা ও অন্তঃকরণের উপযুক্ত স্বরে মেটকাফকে বলিয়াছিলেন “যখন আমি এ পর্য্যাপ্ত কোন ব্যক্তিরই অনিষ্ট সাধনে প্রবৃত্ত হই নাই, তখন আমি যাহার অন্তে প্রতিপালিত, সেই কোম্পানী বাহাদুরের বিরুদ্ধে মত প্রকাশ করিয়া নিমকহারামীর পরিচয় দিব, একথা সম্পূর্ণ অসম্ভব”। অবশেষে লালাবাবু রাণার সহিত তাঁহার যে সকল ব্যাপার সংঘটিত হইয়াছিল ও কোম্পানি বাহাদুরের সদভিপ্রায় লাভের নিমিত্ত তিনি রাণাকে যে সহপদেশ প্রদান করিয়াছিলেন, তাহাও মেটকাফের নিকট বর্ণনা করেন এবং রাণার দেওয়ানী সম্বন্ধীয় জনরবের কথা উত্থাপিত হইলে বলেন, আমি মানব জীবনের যথেষ্ট চাকরি করিয়াছি। এক্ষণে জগদীশ্বরের নির্দ্ধারিত কার্য আমার দ্বারা কিরূপে সম্পাদিত হইবে, তাহার উপায় অনুসন্ধানই আমার মুখ্য চাকরি।”

পরদিন মঃ মেটকাফ লালাবাবুকে দিল্লীশ্বরের দরবারে লইয়া যান এবং তাঁহার সহিত সম্রাটের পরিচয় করিয়া দেন। - মেটকাফ লালাবাবুর অনুরোধে সম্রাট সকাশে এই কথা প্রকাশ করেন যে, ইহার পুরুষানুক্রমে কোম্পানী বাহাদুরের দায়িত্বপূর্ণ পদ প্রাপ্ত হইয়া উল্লেখযোগ্য বহুকার্য সম্পাদন করিয়াছেন। মেটকাফের অনুরোধে তাৎকালিক উপাধিদাতা দিল্লীশ্বর লালাবাবুকে “মহারাজা” উপাধি প্রদান করিতে স্বীকৃত হইলে সংসার-বিমুগ্ধ লালাবাবু সবিনয়ে উক্ত উপাধি গ্রহণে অনিচ্ছা প্রকাশ করিয়াছিলেন। প্রায় একমাস পরে লালাবাবু দিল্লী হইতে বৃন্দাবনে প্রত্যাগমন করেন। দর্শনমাত্র তৎকালে ব্রজবাসীবৃন্দ তাঁহার মুক্তিতে আনন্দিত হইয়া তাঁহাকে বেষ্টন পূর্বক “জয় লালাবাবুর জয়” বলিয়া উচ্চৈঃস্বরে চীৎকার করিয়াছিল।

বহু যত্ন, অধ্যবসায় ও ব্যয় স্বীকার করিয়া লালাবাবু যমুনার পুলিন প্রদেশে কৃষ্ণচন্দ্রিমাজীর মন্দির নিৰ্ম্মাণ করাইয়াছিলেন। জগন্নাথ দেবের মন্দিরের অনুরোধে এই মন্দির নিৰ্ম্মিত হয়। মন্দিরটী অতি উচ্চ এবং একটী মাত্র চূড়া বিশিষ্ট। ইহার নাট্য মন্দিরটী অতি মনোহর ও আড়ম্বর

পূর্ণ এবং প্রাচীন ভারতের স্থপতি-বিদ্যার পরিচায়ক। ইটালির শিল্পনৈপুণ্য জগদ্বিখ্যাত, কিন্তু এই নাট্য মন্দিরের কারুকার্য সন্দর্শন করিয়া ইটালীবাসী স্থপতিগণকেও অধোবদন হইতে হয়।

বর্তমান জেলার অন্তর্গত দাঁইহাট-নিবাসী বিখ্যাত কৃষ্ণচন্দ্র ভাস্কর কৃষ্ণচন্দ্রিমার পবিত্র মূর্তির নিৰ্ম্মাতা। অধুনাপি ব্রজধামে মন্দিরের মধ্যস্থলে সেই সুন্দর প্রস্তরময় দেব দেবীর মনব যৌবনাবস্থার মূর্তি মার্কেল প্রস্তর নিৰ্ম্মিত পাদ পদ্মাননের উপর সুশোভিত রহিয়াছে। আহা! মূর্তিবয় কিবা মনোহর! এমন সুন্দর গঠন পারিপাট্য অতি হুলভ। ভক্ত যখনই সেই মূর্তি সন্দর্শন করে, তখনই প্রেমে বিভোর হইয়া উঠে। একে সুপবিত্র ব্রজধাম, তথায় রাধাকৃষ্ণের যুগল মূর্তি, তাহার উপর আবার বিগ্রহের কমনীয় ও লোচনলোভন এবং ভক্তি-রসোদ্দীপক শক্তি, স্মরণ্য ভাবুক ভক্তবৃন্দ সেই দিব্য মূর্তির দিকে নেত্র সঞ্চালন করিয়াই যে অবিরল ধারায় অশ্রুবির্জ্বল করিবেন, তাহাতে আর আশ্চর্য্য কি?”

কৃষ্ণচন্দ্রিমার মন্দির এবং মূর্তি প্রতিষ্ঠা করিয়া লালাবাবু উক্ত বিগ্রহের সেবার চিরস্থায়ী সুবন্দোবস্তে মনোযোগ প্রদান করেন। তিনি বুলন্দসহর, আলিগড় ও মথুরার অন্তর্গত অনেকগুলি সম্পত্তি (চল্লিশ হাজার টাকার সম্পত্তি) এবং রাজা সের সিংহ বংশীয়দের নিকট হইতে বিস্তুত জমিদারী পরগণা অনুপসহর ক্রয় করিয়া কৃষ্ণচন্দ্রিমার নামে উৎসর্গ করিয়া দিলেন। কৃষ্ণচন্দ্রিমার ভোগের বরাদ্দ দৈনিক একশত টাকা এবং তাঁহার কুঞ্জে প্রত্যহ পাঁচ শত লোক যাহাতে প্রসাদ পায়, লালাবাবু তাহারও সুবন্দোবস্ত করিয়া যান। পঞ্চাধিক কাল এক জনকে প্রসাদ বিতরণের নিয়ম নাই। শুনা যায়, তিনি একরূপ নিয়মও করিয়া গিয়াছিলেন যে “আমার বংশীয় কেহই একদিনের অধিক কাল বিনামূল্যে প্রসাদ লাভ করিতে পাইবে না \*।”

\* লালাবাবুর দেবভক্তি অত্যন্ত প্রবল ছিল। ৮ কৃষ্ণচন্দ্রিমার উপর তাঁহার এতাদৃশ অনুরাগ ছিল যে, কৃষ্ণচন্দ্রিমা কখন কখন তাঁহাকে স্বপ্নাদেশ করেন। এ সম্বন্ধে গয়ায় প্রসিদ্ধ উকীল শ্রদ্ধাম্পদ শ্রীযুক্ত বাবু যোগেশ চন্দ্র সিংহ বি-এল অনুগ্রহ পূর্বক লিখিয়াছেন, নিম্নে তাহা প্রকাশিত হইল।

“এক দিন রাত্রিতে তিনি (লালাবাবু) এই স্বপ্ন দেখিয়াছিলেন যে ৮ কৃষ্ণচন্দ্রিমা তাঁহার সম্মুখে আবির্ভূত হইয়া যেন বলিতেছেন, যে “আজ আমার বড় ক্ষুধা পাইয়াছে, খাদ্য দ্রব্যে কেশ থাকায় আমি উহা খাইতে পারি নাই। অমনি নিদ্রা ভঙ্গ হইবামাত্র লালাবাবু তখনই গোবর্ধন হইতে পদব্রজে ৬ ক্রোশ পথ চলিয়া গিয়া প্রভাত হইবার পূর্বেই বৃন্দাবন পৌছিয়া

লালাবাবুর দ্বিতীয় কীর্তি রাধাকুণ্ডের সংস্কার এবং প্রস্তর দ্বারা মণ্ডিত করণ । এই কার্যে লালাবাবুকে নানাধিক লক্ষমুদ্রা ব্যয় করিতে হইয়াছিল ।

বৃন্দাবনের সম্পত্তি ক্রয় সম্বন্ধে অনেকের মুখে লালাবাবুর পবিত্র চরিত্রে কিঞ্চিৎ কলঙ্কের কথা শুনিতে পাওয়া যায় । তিনি অল্প মূল্যে উত্তর-পশ্চিমাঞ্চলের সম্পত্তি ক্রয় করিয়াছিলেন, তজ্জন্য অনেকেই বলিয়া থাকেন যে, লালাবাবু চর্ক্যা চোষ্য, লেহু, পেয়, নানা উপাদানে সরলমতি ব্রজবাসী জমিদারগণের রসনার তৃপ্তি সাধন করিয়া প্রতারণা পূর্বক সামান্য মূল্যে তাঁহাদের জমিদারী আশ্রমাৎ করিয়াছিলেন ।

লালাবাবুর চরিত্র সম্বন্ধে আমাদের ষেরূপ ধারণা তাহাতে এই জনশ্রুতির উপর কিছুতেই আস্থা স্থাপন করিতে পারা যায় না । যিনি ইচ্ছা পূর্বক স্বদেশের আধিপত্য রাজ সন্মান, বিষয়-ভোগ-সম্পূহা প্রভৃতি বিসর্জন দিয়াছিলেন, যিনি সংসারের সারস্বত প্রিয়তম শিশুপুত্রের মায়া পরিত্যাগ করিয়া নানাধিক ত্রয়োদশ বর্ষকাল অনায়াসে বিদেশে জীবন যাপন করিয়াছিলেন, যিনি স্বীয় আহাৰ্য্য অপরের উদর জালা নিবারণ জন্য প্রদান করতঃ স্বয়ং পরের দ্বারে দ্বারে ভিক্ষা করিয়া বেড়াইতেন । সেই দেবোপম সাধু সন্ন্যাসীর চরিত্রের উপর একরূপ ভয়ানক দোষারোপ ঈর্ষ্যাপরবশ ব্যক্তিবর্গের দ্বারাই সংঘটিত হইয়াছে বলিয়াই আমাদের বিশ্বাস । যদিও বৃন্দাবনে গমন করিয়া প্রথমতঃ লালাবাবু সম্পূর্ণরূপে সংসারত্যাগীর পরিচয় সাধারণ্যে প্রদর্শন করিতে পারেন নাই, তথাপি তথায় সর্বদাই যে তিনি সংসারে বীতস্পৃহ ছিলেন, এবং অবিরত মনে মনে বৈরাগ্য ভাব পোষণ করিতেন, তাহারও যথেষ্ট প্রমাণ পাওয়া যায় ।

এক সময়ে আলোয়ারের অধিপতি লালাবাবুর দ্বারা সবিশেষ উপকার লাভ করিয়া কৃতজ্ঞতা প্রকাশের নিমিত্ত বহু সংখ্যক উৎকৃষ্ট ও বহুমূল্য দ্রব্য নিচয়, পরোপকারপরায়ণ ভক্ত লালাবাবুর নিকট উপহার স্বরূপ প্রেরণ করেন । দ্রব্য সমূহ সন্দর্শন করিয়া লালাবাবু প্রথমতঃ সমস্তই ফেরত পাঠাইতে মনস্থ করেন, কিন্তু অবশেষে বহু চিন্তার পর পাছে আলোয়ারাধিপতি হুঃখিত হন ভাবিয়া তাঁহার সন্মান রক্ষার্থ প্রেরিত উপহারের মধ্য হইতে নিজের ব্যবহারোপযোগী বস্ত্রখণ্ড এবং হীরকাসুরীয় গ্রহণ করতঃ অবশিষ্ট সমস্ত দ্রব্যই ফেরত পাঠাইয়া দেন ।

ক্রমশঃ

শ্রীশ্রীশচন্দ্র চট্টোপাধ্যায় ।

মন্দিরের বহির্দ্বারে আঘাত করিয়া দ্বাররক্ষকদিগকে জাগ্রত করিলে তাহারা ব্যস্ত সমস্তভাবে দ্বার খুলিয়া দিলে তিনি কাহাকেও কিছু না বলিয়া একেবারে মন্দিরের মধ্যে প্রবেশ করিয়া রাত্রির ভোগ বাহা বিতরিত হইয়া অবশিষ্ট ছিল, সেই সমস্ত বাহিরে আনাইয়া দেখেন যে, তাহাতে অনেকগুলি চুল । বাহাদের হাতে ভোগ প্রস্তুতের ভার ছিল তাহাদিগকে অত কার্যে নিযুক্ত করিয়া তাহাদের পরিবর্তে অন্যলোক রাখিয়া পুনরায় পোবর্ধন প্রত্যাবর্তন করিয়াছিলেন ।”

# বীরভূমি

মাসিক পত্রিকা ও সমালোচনী ।

মে ৩৩ ]

আষাঢ়, ১৩১২

[ ৮ম সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

১। ভারতবর্ষের প্রধানতম শত্রু কে ? (শ্রীবীবেক্রনাথ শাস্ত্রী)	২৮১
২। ইংরাজত্বে ভারতীয় মহাত্মাদিগের বিষয় । (শ্রীভুবনমোহন বোষ)	২৮২
৩। বৈজ্ঞানিকের ভুল নহে । (শ্রীজানকীনাথ শাস্ত্রী বি,এল, )	২৯২
৪। আলোকে আঁধার । (শ্রীজীবেক্রকুমার দত্ত)	...
৫। উদ্ধার । (শ্রীযতীন্দ্রনাথ চট্টোপাধ্যায়)	...
৬। বঙ্গীয় সাহিত্য-সেবক । (শ্রীশিবরতন মিত্র)	...
৭। বায়ু সনে । (শ্রীস—ক)	...
৮। লালাবাবু । (শ্রীশ্রীশচন্দ্র চট্টোপাধ্যায়)	...

কীর্তহারের সুপ্রসিদ্ধ স্বদেশ হিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

ব্যয়ে বীরভূম জেলার অন্তর্গত

কীর্তহার গ্রাম হইতে

শ্রীদেবিদাস ভট্টাচার্য্য বি, এ

কর্তৃক প্রকাশিত ।

২৯শে আষাঢ়—১৩১২ ।

বটফ্রুট পালের

# এডওয়ার্ডস্ স্ট্রিক্টলি ফ্র্যাঙ্ক ম্যালেরিয়া স্পেসিফিক

ম্যালেরিয়া ও সর্ববিধ জ্বররোগের একমাত্র  
মহৌষধ ।

অদ্যাবধি সর্ববিধ জ্বর-রোগে  
এমত আশু-শান্তিকারক মহৌষধ আবিষ্কার হয় নাই ।

## লক্ষ লক্ষ রোগের পরীক্ষিত ।

মূল্য—বড় বোতল ১০, প্যাকিং ও ডাকমাশুল ১ টাকা ।  
ছোট বোতল ৫০ আনা, ঐ ঐ ৫০ আনা ।  
বেলগুয়ে কিন্না পীমার পার্শ্বলে লইলে খরচা অতি সুলভ হয় ।

## লিভার এণ্ড স্প্লিন অয়েন্টমেন্ট

অর্থাৎ প্লীহা ও যকৃতের অব্যর্থ মলম ।

প্লীহা ও যকৃত নির্দোষে আরাম করিতে হইলে আমাদের “এড-  
ওয়ার্ডস্ টনিক বা ফ্র্যাঙ্ক ম্যালেরিয়া স্পেসিফিক” সেবনের  
সঙ্গে সঙ্গে উপরোক্ত পেটের উপর প্রাতে ও বৈকালে  
মালিশ করা আবশ্যিক । যতই বর্দ্ধিতায়তনের প্লীহা,  
যকৃত বা অগ্রমাস হউক না কেন, ইহা নিয়মি-  
রূপে মাসেককাল মালিশ করিলে, এক-  
বারেই কমিয়া যাইবে । এই মলম  
মর্দন দ্বারা আশু ফল পাইবেন ।

মূল্য প্রতি কোটা ১০ ছয় আনা । ডাঃ মাঃ স্বতন্ত্র লাগে ।  
পত্র লিখিলে কমিশনের নিয়মাদি সম্বন্ধীয় অগ্রান্ত জাতব্য বিষয় অবগত হইবেন ।

সোল্ এজেন্টস্ ; = বটফ্রুট পাল এণ্ড কোং

৭ ও ১২ নং বনফিল্ডস লেন চীনা বাজার (কলিকতা)

# বীরভূমি

মে ৩০ । ]

শ্রাবণ, ১৩১২

[ ৮ম সংখ্যা ]

## ভারতবর্ষের প্রধানতম শত্রু কে ?

‘শীর্ণ শান্ত, মাধু তব পুত্রদের ধরে,  
দাও সবে গৃহছাড়া লক্ষীছাড়া করে ।’

রবীন্দ্রনাথ—

প্রায় এক বৎসর অতিক্রম হইল আমি ইংরাজ গভর্নমেন্টকে আক্রমণ  
করিয়া একটা সুদীর্ঘ প্রবন্ধ লিখিয়াছিলাম । সময়ে তাহা দেশের কোনও  
বরের কাগজের সম্পাদকের নিকট পাঠাইয়া দেওয়া হয় । কিন্তু তাহা  
অনি নানা কারণে প্রকাশ করিতে অসম্মত হওয়ায়, তাহা আজো আমার  
নিকট বর্তমান রহিয়াছে । আজো আমি আমার সে সকল মতের জন্ত  
কতটুকু ভীত বা বিচলিত হই নাই । আজো আমার বিশ্বাস আমি তাহাতে  
সহায়তা লিখিয়াছিলাম, তাহার সকলি সত্য ।

কিন্তু এই এক বৎসরে আমার বিপুল পরিবর্তন হইয়া গিয়াছে । এখন  
নিও আমি স্বীকার করি যে, ইংরাজগণকে আমাদের জাতীয় উন্নতির জন্ত  
গবানের নিকট একদিন করযোড়ে দণ্ডায়মান হইতে হইবে, এখন যদিও  
আমি স্বীকার করি যে, ইংরাজগণ আমাদের এক হিসাবে আমাদের  
অভিগত শান্তি প্রদান করিয়া অল্পদিকে আমাদের জাতীয় শান্তি মহা  
দুর ভাবে বিলুপ্ত করিতেছেন, আমি কিন্তু এখন বলি যে ভারতবাসী যদি  
শেগের হর্তা কর্তা বিধাতা হইত এবং ইংলণ্ডবাসী যদি ভারতবাসীদিগের  
ত স্বীয় স্বীয় দাসত্ব শৃঙ্খল স্বীয় স্বীয় আপাদ মস্তকে অহুতব করিতে না

জানিত, তবে ইংলণ্ড আমাদিগের যাহা না করিয়াছে, ভারতবাসী ইংলণ্ডের তাহার চতুর্গুণ করিত ।

ইহা অতি সত্য কথা যে, ইংরাজগণ সোণার 'সভারেণের' মূল্য দশ টাকা হইতে পনের টাকায় উঠাইয়া দেওয়ার আমাদের অনেক ক্ষতি হইয়াছে। ইহা অতি সত্য কথা যে, আমাদের প্রচলিত মুদ্রা আবার নিকেলের পরিণত হইলে আমাদের অনেক ক্ষতি হইবে। ইহা অতি সত্য কথা যে, আমরা বিনা কারণে ইংলণ্ডকে প্রতি বৎসর প্রায় ১৫ মিলিয়ন পাউণ্ড দান করিয়া থাকি। ইহা অতি সত্য কথা যে, লর্ড ক্লাইব হইতে লর্ড কার্জন পর্যন্ত সকলেই আমাদের ধন দৌলতের দিকে দৃষ্টিপাত করিয়া আসিতেছেন। ইহা অতি সত্য কথা যে, আমাদিগের জন্ত ইংলণ্ডের যাহা করা উচিত ছিল ইংলণ্ড তাহা করে নাই। কিন্তু ইহাও কি সত্য কথা নহে যে, শিক্ষিত ভারতবাসিগণের যাহা একান্ত কর্তব্য, সে বিষয়ে তাঁহারা এই পঞ্চাশ বৎসরের পাশ্চাত্য শিক্ষার পরেও সম্পূর্ণরূপে নিশ্চেষ্ট রহিয়াছেন? কিন্তু ইহাও কি সত্য কথা নহে যে, কাঙ্গালিনী ভারতজননী তাঁহাদের নিকট অধিক কান্না করেন, তাঁহারা তাঁহাকে বিবস্ত্র করিয়া বিধবার বেশে জগতের প্রদর্শন কাননে কাঁদিয়া বেড়াইতে ছাড়িয়া দিয়াছেন? সকলের সিংহাসন আছেন—সকলের জয়ঢাক গর্জন করিতে জানেন—সকলের সন্তান সন্ততি হাদি আফ্রাদে আটখানা, কিন্তু আমাদের মা ভারত জননীর ৩০ কোটি পুত্র কন্যা নষ্ট হইয়াছে না আমাদের তাঁহার পিণ্ডের জন্তও আশা রাখেন না!

বলিতে দুঃখ হয়, ভারতবর্ষে এখন সমাজ-সংস্কারক হওয়া অপেক্ষা নীতি বিশারদ হওয়া সহজসাধ্য। ভারতবর্ষের এমনি দুর্দশা যে, প্রাকৃতিক স্বরণীয় বিদ্যাশাগরের মত মহাপ্রাণকে কাঁদিয়া মরিয়া যাইতে হইয়াছে। ভারতবর্ষের এমনি দুর্দশা যে, মহামতি মহাদেও গোবিন্দ রাগাড়ে মরণ জীবনে কিছুই করিতে পারেন নাই বলিলে অত্যাক্তি হয় না। ভারতবর্ষে এমনি দুর্দশা যে, রাজা রামমোহন রায়েব আদর্শ সকল ধীরে ধীরে এক এক ধাপ নামিয়া আসিয়া এখন সেই অগাধ তিমিরাচ্ছন্ন, গভীর অন্ধকার নিমীলিত হয় প্রায়। ভারতবর্ষের এমনি দুর্দশা যে, যখন কেহ মহাপুরুষ আসিয়া আমাদিগের অজ্ঞান অন্ধকারের সুদৃঢ় বন্ধন ছিন্ন করিয়া দিচ্ছেন, তখন পশ্চাৎ হইতে এক দলকে ভূতের সহিত বর্তমানের সমন্বয় সম্পাদনে ব্যতিব্যস্ত হইতে দেখা গিয়াছে।

আমি ভারতবর্ষকে কাহারো সম্মুখে হীন বলিয়া প্রতিপাদন করিতে চেষ্টা পাইতেছি না। কিন্তু ইহা সত্য যে, আমাদের পূর্ব পুরুষগণ, ইতিহাস ও রাজনীতি অর্থে আমরা বর্তমানে যাহা বুঝিয়া থাকি, কখনো তাহার কিছুই উপলব্ধি করিতে পারেন নাই। হইলেও হইতে পারে যে, তাঁহারা এই দুই জিনিষকে তাঁহাদের আধ্যাত্মিক উন্নতির প্রতিবন্ধক স্বরূপ অবধারণ করিয়াছিলেন; কিন্তু এই দুই জিনিষ এখন এই বিংশ শতাব্দীর প্রারম্ভে আমাদের সম্মুখে হৃদয় ও আত্মগত না করিতে পারিলে এ পৃথিবীতে কোনও উন্নতির কেবল বাহ্যিক বর্তমানতা সম্বন্ধেও আমরা সন্দেহ হয়। পাশ্চাত্য জগৎ বহুদিন হইতে প্রতীচ্যের এই সংসারের প্রতি বীররাগ—এই ব্যক্তিগত সুখাশ্রয়ণ, এই জড়বাদের প্রতি ঘৃণার আভাংশটুকু অন্নাগাসে সুসন্তোষ করিতেছে। পাশ্চাত্যকে পাশ্চাত্য বিজ্ঞান দ্বারা সর্বত্রই না পরাজিত করিলে, পাশ্চাত্য জগৎ প্রতীচ্যের কোনও আধ্যাত্মিকতা কখনো গুনিবে না। যদি প্রতীচ্যের আধ্যাত্মিকতা সত্য, অথবা তুলনায় উৎকৃষ্ট হয় এবং যদি প্রতীচ্য তাহা নিশ্চিতরূপে অনুভব করিয়া থাকে, তবে জগতের মঙ্গলের জন্ত প্রতীচ্যকে মহা সমারোহে কার্যক্ষেত্রে অবতীর্ণ হইতে আমি অনুরোধ করি। এই কার্যক্ষেত্রে অবতীর্ণ হইবার জন্ত কেবল ভারতের কেন, সমগ্র বিশ্বের রাজনীতি সংস্কারের পূর্বে কিম্বা সঙ্গে সঙ্গে সমাজনীতি সংস্কারে প্রচেষ্টা করা উচিত। সে হস্তক্ষেপে অধিক উত্তেজনা, অধিক আন্তরিকতা অধিক স্বার্থত্যাগের প্রয়োজন। যে সকল দেশে এখনো মাতা ঠাকুরাণীগণ সন্তানকে বিদেশে পাঠাইয়া দিতে হইলে জগতে অন্ধকার দেখেন, যে সকল দেশে এখনো ধর্ম্মের নামে দেবমন্দিরে বেশ্যাবৃত্তির উৎকর্ষ সাধন চলিতেছে, আমেরিকার দক্ষিণাত্যের Temple girls এবং উড়িষ্যার সেবাদাসীর কথা (যদি প্রথম গুনিতে পাই), যে সকল দেশে এখনো বাল্য বিবাহের স্রোত যমুনার ত্রাঘ খরস্রোতে প্রবাহিত, সে সকল দেশে বিংশ বৎসর কেন এক শত বৎসর কংগ্রেস হইলেও তাহাদের কোন আশা নাই। কংগ্রেস সকল দেশের উপকার করিতে পারে, কিন্তু যে উপকারে আমার মতে তাহাদের পরমার্থ লাভ, সে উপকার কংগ্রেসের বক্তৃতায় পাওয়া যাইতে পারে না। সে উপকার হৃদয়গত, মাতৃগত ও বিভিন্ন ব্যাপ্তির উচ্চাশাগত। সকল দেশে উচ্চাশা কেবল সুখঃ ও সুনাম, সে সকল দেশের উন্নতি হইতে এখনো অনেক বাকী।

আমাদের কংগ্রেস আমাদের কি করিয়াছে? অনেক। কিন্তু ভারতবর্ষে এই মুহূর্তেই কংগ্রেস অপেক্ষাও বৃহৎ আকারের (যদি সম্ভব হয়) একটি সমাজ সংস্কারের সমিতি থাকা একান্ত বিধেয়। মহারাজা গাইকোয়ার ও মাইসোরের মহারাজা ভারতবর্ষে এই কার্যে সর্বপ্রথমে হস্তক্ষেপ করিলে ভারতবাসী তাঁহাদের নিকট চিরঞ্চনী থাকিবে। দুই জনেই স্বীয় স্বীয় রাজ্যে সামাজিক রীতি নীতির স্রোত যেরূপ ভাবে অল্প সময়ের মধ্যে পরিবর্তিত করিতে কৃতকার্যতা লাভ করিয়াছেন, দুই জনেই যেরূপ ভাবে দেশের মঙ্গলের জন্য জীবন দান করিতে প্রস্তুত, তাহাতে মনে হয়, তাঁহারা দুই জন কৰ্ম্মপ্রাণ ব্যক্তি পাইলেই এ কার্যে কখনই পরাজয় হইবেন না। কংগ্রেসে অনেকে কৰ্ম্মবীর ও ভারতের প্রকৃত মঙ্গলাকাজী ব্যক্তি রহিয়াছেন, তাঁহারা যে আজো কেন এ কার্যে নিজ নিজ হৃদয় মন উৎসর্গ করেন নাই, তাহা তাঁহারা জানেন।

পণ্ডিতপ্রবর জৈধরচন্দ্র বিদ্যাসাগরের সময়ে ভারতবর্ষে সমাজ-সংস্কারে যে সকল প্রতিবন্ধক পৰ্ব্বতাকারে তাঁহার গতিরোধ করিয়া, দাঁড়াইয়াছিল এখন সে সকল প্রতিবন্ধকের অনেকগুলিই আপনা হইতে সরিয়া পড়িয়াছে শুধু তাহাই নহে, রুষ জাপানের যুদ্ধে ভারতবাসীর মনে অলক্ষ্যে অনেক কার্য্য সুসম্পাদন করিতেছে বলিয়া বোধ হয়। পৃথিবীও এই বিংশ শতাব্দী প্রারম্ভে এক মহাসমুদ্রের তীরে আসিয়া দণ্ডায়মান। ষাঁহারা সমগ্র পৃথিবীতে রাজনৈতিক শান্তি স্থাপনের জন্য এত দিন চেষ্টা করিয়া আসিয়াছিলেন, তাঁহারা আজ কোথায়? মনুষ্যসৌভাগ্যে এমন শুভদিন পুঁজি আর কখনো উপস্থিত হয় নাই।

আজো যদি তাঁহারা প্রত্যেক বিভিন্ন পৰ্ব্বতের ধর্ম্ম ও সমাজগত কুসংস্কারগুলি খসাইয়া একটু সমান না করিয়া দেন, আজো যদি প্রতীচ্য পাশ্চাত্য আলিঙ্গন করিতে অর্দ্ধ পথ না অগ্রসর হইয়া আসে, আজো যদি পাশ্চাত্য প্রতীচ্যকে প্রাণ খুলিয়া এক মানবজাতিসমূহ লাভা ভগিনী বলিয়া সম্বোধন করে, তবে এ জগতে যে রাজনৈতিক শান্তি স্থাপনের এক দুর্লভ বংশী ধ্বনি শুনিতে পাওয়া যাইতেছে, তাহা অচিরে মনুষ্যজাতির গর্ব্ব অদূরদর্শিতা ও হিংসার চির-বিলুপ্ত হইবে। এই সমগ্র ব্রহ্মাণ্ডে রাজনৈতিক শান্তি স্থাপন কেবল তখনই সম্ভব, যখন এই সমগ্র ব্রহ্মাণ্ডের প্রত্যেক জাতি তাহাদের ন্যায়তঃ ও ধর্ম্মতঃ যাহা প্রাপ্য, তাহা প্রাপ্ত হইবে।

তাহাদিগকে তাহাদের ন্যায্য প্রাপ্য দেওয়া না হইতেছে, ততদিন তাহারা তাহা কাড়িয়া লইতে ইচ্ছা করিবে। এবং কাড়িয়া লইবার জন্য একটা জাতিকে প্রস্তুত করাইলে, তাহাদিগকে তোমাকে ঘৃণা করিতে শিক্ষা দেওয়া হয়।

ইতিমধ্যেই ভারতের ভাগ্য পরিবর্তন হইতে আরম্ভ হইয়াছে। আমার মতে লর্ড কার্জনের মত আটো তিন চারি জন বড় লাটকে আর ১৫।১৬ বৎসরের মত ভারতবর্ষ শাসন করিতে পাঠাইয়া দেওয়া হইলে ভারতবর্ষের দীনতার অবসান, আমরা আমাদের জীবনেই দেখিতে পাইব। কংগ্রেস যতই করুক, আমার বিশ্বাস ইংলণ্ড ভারতবর্ষের উপর কৃপাদৃষ্টি না নিষ্ক্ষেপ করিয়া ক্রমে রক্তচক্ষু কটাক্ষপাতই করিবে। ক্যানডা আমেরিকার আধিপত্য, যেমন গাছ হইতে ফল পাকিলে খসিয়া পড়ে, শীঘ্রই ঠিক সেইরূপ হইবে। অষ্ট্রেলিয়ার অদূরেও আমেরিকার আবির্ভাব কিছুদিন পূর্বে দৃষ্টিগোচর হইয়াছে। দক্ষিণ আফ্রিকায় বুয়রগণ ওলন্দাজ জাতি। ইংলণ্ডেও বহু দিনের বড় লোকীতে আর সে নব্রতা, সরলতা পরিলক্ষিত হয় না। শুধু তাহাই নহে, এ জগতে গত এক শতাব্দীতে অনেকগুলি মহাপ্রাণকে অকা-রণে বিনষ্ট করা হইয়াছে। কোরিয়ার সম্রাট, ব্যাজেবিয়ার রাজা ও রাণী, সিমের জার, ফ্রান্সের সভাপতি ও মার্কিনের প্রেসিডেন্টের বিনা কারণে সকালে জীবনলীলা সম্বরণ করেন। বিনা কারণেই বা বলি কেন, পাশ্চাত্য জগতে এক নূতন আদর্শের প্রভাব চারিদিকে ইতিমধ্যেই পরিলক্ষিত হই-তেছে। অন্য দিকে সুরেন্দ্র ক্যানেল ভারতবর্ষকে পাশ্চাত্যের বুকের উপর আনিয়া আনিয়াছে। জাপান মাত্র ৫০ বৎসরে তাহার চন্দন-চর্চিত গৌরব-মস্তক উত্তোলন করার ভারতবাসীর পক্ষে কম সৌভাগ্যের বিষয় সংঘ-ত হয় নাই। মাকুইন্স ইটো যখন টকিয়োতে প্রথম ইঞ্জিনিয়ারিং কলেজ স্থাপন করেন, তখন তিনি তাহা সকল প্রতীচ্য জাতির জন্য সংস্থাপন করিয়াছিলেন। তিনি তাঁহার লিখিত প্রবন্ধসমূহে তাহা স্পষ্ট করিয়া লিখিয়া বলিতে কখনও এতটুকুও বিধা বোধ করেন না। আমেরিকাও তাহার উন্নত প্রাজ্ঞল রাজনীতি লইয়া ফিলিপাইন দ্বীপপুঞ্জে বর্তমান। রত গবর্নমেন্টও নিজ কার্য্য সমাধান মানসে ভারতবর্ষ হইতে আফগানি-স্তান একটা রেলওয়ে সংস্থাপন করিতে যত্নবান হইয়াছেন। ইংলণ্ডে ইতি-মধ্যেই রুষ জাপানের যুদ্ধ শেষ হইতে না হইতেই ভারতবর্ষে যুদ্ধ জাহাজ

প্রস্তুতের জন্য ডকইয়ার্ড নির্মাণ আবশ্যিক মনে করিতেছে। কেবল তাহাই নহে, এখানে কাহারো কাহারো মত এই যে, ভারতবাসীকে যুদ্ধ জাহাজ প্রস্তুত করিতে শিক্ষা দেওয়া হউক।

তাই বলিতেছিলাম, আমাদের সুপ্রভাত সন্নিকট। এই সুপ্রভাতের জন্য যেমন জাপান চিরদিন পাশ্চাত্যের নিকট চিরঋণী থাকিবে, সেইরূপ আমরাও কৃতজ্ঞ হৃদয়ে ইংলণ্ডের নিকট চিরবাধ্য রহিতে কখনো তুলিব না। আমরা এখন যাহাই কেন বলি না, পৃথিবীর ঐতিহাসিকগণ আমাদের এই অভিনব পরিবর্তনের মূল কারণ কি, তাহা তলাইয়া দেখিবে। এই সময় আমাদের যে সকল সামাজিক ও ধর্মজ্ঞ কঠিনতা এখনো বর্তমান রহিয়াছে তাহার সংস্কার মানসে প্রত্যেক শিক্ষিত জয়মঙ্গলাকাজ্জীব মনোনিবেশ করা একান্ত কর্তব্য। নহিলে আমার এক বন্ধু যেমন একদিন বলিয়াছিলেন, I would rather be a traitor to my country than to see humanity disgraced in this way, অনেকেই তাহাই বলিবে।

ইংরাজ ভারতবর্ষের প্রধান শত্রু নহে এবং তাঁহারা কখনো ভারতবর্ষের শত্রুও ছিলেন না। ভারতবর্ষ তাঁহারা কখনো জয় করেন নাই, আমাদের ভারতবর্ষকে তাঁহাদের হাতে তুলিয়া দিয়াছি। ভারতবর্ষ শাসনের জন্ত ইংরাজ অধীনে যত দিন ভারত সৈন্য মিলিবে, ততদিন ভারতবর্ষের সর্বোৎকৃষ্ট আর্থিক উন্নতি কেবল কল্পনার বস্তু। সত্য কথা বলিলে গেলে ইংরাজ ভারতের অনেক করিয়াছেন। আজ আমি যে এই সকল কথা লিখিতেছি, ইহা ইংরাজগণের কৃপার। রাজা রামমোহন রায়ের মত মহাত্মাপুরুষ ভারতবর্ষে জন্মগ্রহণ করিয়াছিলেন, তাহার মধ্যেও ইংরাজগণের লুকাইত হস্ত দৃষ্টিগোচর হয়। আমরা, আমাদের ধর্ম ও সমাজই আমাদের প্রধানতম শত্রু। যতদিন দেশের গ্রামে গ্রামে সমাজ সংস্কারের জন্ত সমিতি না বসিয়াছে—যতদিন দেশের প্রত্যেক বিভিন্ন গ্রাম হইতে সমাজ সংস্কারের জন্ত কোনও বড় মহাসমিতিতে প্রতিনিধি প্রেরণ করা না হইতেছে, ততদিন ভারতবর্ষের কোনও কথা যেন কেহ আমাদের না বলেন। যতদিন ভারতবাসী সমাজসংস্কার তাহার, সর্বোচ্চ কর্তব্য কর্ম, এক বুদ্ধিগোচর না করিয়া থাকিতে পারিবে—যতদিন বালি পত্রীর সহিত পুতুলের মত দিন যাপন করিয়া কেবল অদৃষ্টকে দোষ দিবে—যতদিন ভারতবাসী তাহার দর্শন শাস্ত্র কথায় কথায় আঙড়াইবে 'তুমিও

হে আমিও ঠিক নহি,' ততদিন অদৃষ্ট—অদৃষ্টবা বলি কেন, আমাদের কর্ম-ভাগ পরাধীনতা, দারিদ্র্য, কাপুরুষতা, লাম্পট্য সমভাবে বর্তমান থাকিবে।

ভারতবর্ষের হিন্দুধর্মসমষ্টির সারাংশটুকু ইংরাজী একটী কথায় প্রকাশিত হয়। সে কথাটা 'Self-effacement' তুমি তোমার অস্তিত্বকে এ জগতের ক্ষেত্র একবারে মুছিয়া ফেল—ভগবানপ্রদত্ত তোমার ইন্দ্রিয় সমূহকে তুমি পশু ইহুয়া বাইতে দাও—তুমি তোমার প্রবৃত্তিগুলিকে অষাড়া কাঠবৎ করিতে চেষ্টা কর, ইহাই আমাদের ধর্ম। কে এ ধর্ম শিক্ষা দিয়াছিল, জানি না, কিন্তু বাল্যকাল হইতেই 'এটা করিওনা' 'ওটা করিওনা' এইরূপে শিক্ষিত হইয়াছি। মানুষ মানুষ, সে তাহার নিজের জ্ঞানপিপাসা চরিতার্থের জন্ত কালমন্দ আপনিই স্থির করিয়া লইবে। তাহাকে তোমার নিগূঢ় বন্ধনে একটা কায়াময় কিন্তু ব্যক্তিহীন প্রাণীমাত্রের পরিণত কর কেন? যদি সে ডিগ্গা যায় যাউক, যে কখনো না পড়িয়াছে সে কখনো উঠিতে জানে না।

'Self-effacement' যদি সমগ্র জগতের ধর্ম হইত, তাহা হইলে আজ উচ্চ মানুস শুধু উচ্চ নহে, ব্রহ্মাণ্ডের হইয়া ঈশ্বর মহিমার গুণকীর্তন করিতনা। আজ যে এই জলে জাহাজ চলিতেছে এবং শূণ্ডে বেলুন উঠিতেছে, তাহার অস্তিত্ব আমাদের কল্পনায়ও উপলব্ধি করা অসম্ভব হইত। মানুষ ভগবানপ্রদত্ত ইন্দ্রিয় সমূহের উন্নতি সাধনে যত্নবান হওয়ায় মানুষ এতদূর গিয়াছে যে, তাহারা হয় তো একদিন বিলাতে বসিয়া ভারতবাসী চলিয়া আঙড়াইতেছে দেখিতে পাইবে। শুধু তাহাই নহে, বিজ্ঞান এতদূর গিয়াছে যে, একদিন লণ্ডন সহরে বসিয়া ভারতস্থিত বন্ধুর কর্মদিন সম্ভব হইতে পারে। কঠিন তো ইতিমধ্যে শত শত মাইল পরিভ্রমণ করিতেছে। যদি গত তাহার সকল আকাঙ্ক্ষাকে মুছিয়া ফেলিত, তবে জগতের এই উন্নতি হইত কেমন করিয়া?

তুমি যদি তোমাকেই মুছিয়া ফেলিলে, তবে তুমি তোমার কোন্ মাপ-টা দিয়া অন্তকে বুঝিবে? যদি নিজে কখনো নির্জ্বল গৃহে বুকে হাত রাখা উদ্ভবনেত্র নয়নাশ্রু নিপাত করিতে পারিয়াছ, তবে তুমি অন্যের ক্রন্দন কাল উপলব্ধি করিতে পার। যদি নারী জাতির প্রতি তোমার শ্রদ্ধা ও ভক্তি জন্মিয়া থাকে, তাহা দেখিলে বুঝিতে পারিবে, একজন নারীর অতুল-প্রতিভা তোমাকে সমগ্র নারী জাতিকে শ্রদ্ধা করিতে শিক্ষা দিয়াছে,



ভাবিয়া দেখিলে বুঝিতে পারিবে যে, তুমি কেবল একজন মাতার দ্বারা ভগবানের মাতৃ অমৃত্যু করিতে পার। তবে এ আত্মোচ্ছেদ কেন?

প্রকৃতি দেবীর ব্যক্তিত্ব যদি আজ কোনও প্রকারে নিস্মূল করিয়া দিতে পারা যাইত, তাহা হইলে এ পৃথিবীতে আজ আর কোন গাছ থাকিত না। তাহা হইলে জগতের বিভিন্ন কাননে আর কখনো কোন কোকিল কোন গান গাহিত না, এ জগতের প্রাকৃতিক সৌন্দর্য, গৌরব, মধুরিমা সকল বিনষ্ট হইয়া এ জগত এক মহা মরুভূমিতে পরিণত হইত। যেমন গোলাপ বাগানে গোলাপ গাছ বাড়িলে বাগানের সৌন্দর্য্য বৃদ্ধি হয়—যেমন একটা ঘোড়া বড় হইয়া বেশ মোটা ষোটা হইলে আমাদের চক্ষু পরিতৃপ্তি লাভ করে, ঠিক সেইরূপ মানুষ যদি তাহার ব্যক্তিত্ব না মুছিয়া তাহার উৎকট সাধনে যত্নবান হয়, তবে সে ভগবানের প্রিয় পুত্র। তাই বলি, 'Self-effacement' প্রকৃত ধর্ম্য নহে, 'Self-fulfilment' প্রকৃত ধর্ম্য। 'Self-effacement' এর সহিত 'Self-denial' এর আকাশ পাতাল প্রভেদ, এবং 'Self-denial' বর্তমান সময়ে ভারতবর্ষের ধর্ম্য নহে।

মনে পড়ে, অনেক দিন পূর্বে একবার কেম্ব্রিজ্‌তে যেন কোন বন্ধু ভারতবর্ষের এই ধর্ম্মের একটা মীমাংসা হওয়া আবশ্যিক বলিয়া মত প্রদান করিয়াছিলেন। সত্যই ভারতের ধর্ম্ম ও সমাজ পদ্ধতির শীর্ষই একটা মীমাংসা না হইলে ভারতের ভবিষ্যত ভয়ানক অন্ধকারে পরিপূর্ণ। ভগবান কখনো শিক্ষিত ভারতবাসীর শীর্ষই মতিগতি ফিরিবে—দেশাচার ও লোকাচারের ভয় কাটিবে এবং তাঁহারা নিজ-স্বার্থ ভুলিয়া অথবা নিজ-স্বার্থ ভাল করিয়া বুঝিয়া এ জগতে আপনাদের দেশের এবং আপনাদের একটা চিরস্থায়ী কিছু করিয়া যাইতে চেষ্টা পাইবেন। ভারতের প্রধানতম শত্রু ভারতের সমাজ ও ধর্ম্ম, এ কথা এখনো স্বীকার না করিলে আমাদের উদ্ধার নাই। British honestyতে আমি কখনো বিশ্বাস করিয়াছিলাম বলিয়া মনে হয় না, কিন্তু British politics এ আমি বিশ্বাস করি। এ পৃথিবীতে এখনো সে সমাজ উপস্থিত হয় নাই, যখন Politics অর্থে লোকে Honesty বুঝিবে। আমরা যদি প্রাণ দিয়া আমাদের দেশের মঙ্গল সাধন করিতে প্রস্তুত হই, ইংরাজগণ এখনি আমাদের কথা না শুনিয়া থাকিতে পারিবে না। \*

শ্রীবীরেন্দ্রনাথ শাস্ত্রী। লণ্ডন

\* এ প্রবন্ধ সম্বন্ধে যদি কাহারও কিছু বক্তব্য থাকে, আমরা সাদরে তাহা প্রকাশ করিব। দেশহিতকর বিষয়ের যত আলোচনা হয়, ততই ভাল। বীরভূমি-সম্পাদক

## ইংরাজ রাজত্বে ভারতীয় মহাত্মাদিগের বিষয় । (১)

রাজা সার টাজোর মাধবরাও, কে, সি, এস, আই।

ষোড়শ শতাব্দীতে মহারাষ্ট্রীয়দিগের কর্তৃক টাজোর অধিকৃত হইলে, তদনন্তর মহারাষ্ট্রীয় ব্রাহ্মণ পরিবার তথায় আসিয়া বাস করেন। সার টাজোর মাধবরাও উক্ত ব্রাহ্মণ পরিবারদিগের এক জনের বংশসম্ভূত। তিনি ১৮২৮ খ্রীষ্টাব্দে কুন্‌বাকোনন্‌ নগরে জন্ম গ্রহণ করেন। তাঁহার পিতা আর, রঙ্গরাও এবং তদুত্তরা আর, তেন্‌কাটরাও বহুকাল ত্রিবাঙ্কুর রাজ্যের দেওয়ানের পদে নিযুক্ত ছিলেন। ১৮৪১ খ্রীষ্টাব্দে তিনি তত্রস্থ প্রেসিডেন্সী হাই স্কুলের মিঃ বি, পাউয়েনের অধীনে বিদ্যাভ্যাস আরম্ভ করেন। তিনি শ্রেণীমধ্যে একজন অত্যন্ত মেধাবী ছাত্র ছিলেন। ১৮৪৬ খ্রীষ্টাব্দে তিনি প্রথম শ্রেণীর পদে ডিপ্লোমা প্রাপ্ত হইলেন। অল্পদিনের মধ্যে তিনি ঐ স্কুলেই অস্থায়ীভাবে অধ্যাপক পাউয়েনের পদে গণিত এবং প্রাকৃতিক দর্শনের অধ্যাপক নিযুক্ত হইয়াছিলেন। এ সম্মান বড় কম নহে।

১৮৪৭ খ্রীষ্টাব্দে তিনি অ্যাকাউন্ট্যান্ট জেনারেলের আপিসে প্রবেশ করেন এবং ১৮৪৯ খ্রীষ্টাব্দের এপ্রেল মাস পর্যন্ত তথায় কার্য্য করিয়াছিলেন। তদনন্তর ত্রিবাঙ্কুরাধিপতি তাঁহার ভ্রাতৃব্যদিগকে বিদ্যা শিখাইবার জন্ত মাধবরাওকে নিযুক্ত করিয়াছিলেন। মাধবরাও উক্ত শিক্ষকতা কার্য্য এরূপ দক্ষতা ও সত্বের সহিত নির্বাহ করিয়াছিলেন যে, ত্রিবাঙ্কুরাধিপতি সন্তুষ্ট হইয়া ১৮৫৩ খ্রীষ্টাব্দে স্থায়ী রাজ্যের সরকারী কার্য্যে তাঁহাকে নিযুক্ত করিয়াছিলেন। তিনি স্থায়ী বুদ্ধি ও ক্ষমতাবলে সামান্য পেন্সারের কার্য্য হইতে দেওয়ানের পদে উন্নীত হইলেন এবং বিশেষ যোগ্যতার সহিত চৌদ্দ বৎসর কাল ঐ কার্য্য নিৰ্বাহ করেন।

১৮৫৮ খ্রীষ্টাব্দ হইতে ১৮৭২ খ্রীষ্টাব্দ পর্যন্ত ত্রিবাঙ্কুর রাজ্য প্রকৃত প্রস্তাবে মাধবরাওয়ের হস্তে ছিল। তিনি তৎকালে রাজ্যমধ্যে যে সমস্ত সংস্কার প্রবর্তিত করিয়াছিলেন, তদ্বারা তাঁহাকে একজন বিশেষ পারদর্শী, কৃতকর্ম্মী রাজকর্ম্মচারী বলিয়া প্রতীয়মান হয়। তিনি রুদ্धानি ও আম-

দানি দ্রব্যের উপর উচ্চ শুল্ক হ্রাস করিয়া ত্রিবাঙ্কুর রাজ্যের সাধারণ বাণিজ্য-বস্থা অনেক পরিমাণে সংশোধিত ও পরিবর্তিত করিয়াছিলেন। সরকারী কার্যসম্বন্ধে সুনিয়ম করিয়া তিনি বিলক্ষণ বিচক্ষণতার পরিচয় দিয়াছিলেন। চিরন্তন দেওয়ানী ও ফৌজদারী বিচারপ্রথা সংশোধিত করিয়াছিলেন। তিনি সাধারণ বিদ্যাশিক্ষার উৎকৃষ্ট প্রণালী প্রচলিত করিয়াছিলেন; পাড়িত প্রজাদিগের ঔষধের অভাব দূরীকরণ জন্ত সুন্দর ব্যবস্থা করিয়াছিলেন; এবং পূর্ভবিভাগে অনেক নূতন নূতন কার্যের অনুষ্ঠান করিয়া তাহার সংস্কার সাধন করিয়াছিলেন। যদিও উপরোক্ত কার্য সকল রাজ্যের ব্যয় বর্ধিত করিয়াছিল, তথাপি রাজ্যের বাৎসরিক আয় হইতে খরচ খরচা বাদ অনেক টাকা উদ্ধৃত হইত। ১৮৬৬ খৃষ্টাব্দের ৩০শে এপ্রেল তারিখে দেওয়ান মাধবরাজকে ইন্সিগনীয়া অব এ নাইট কম্যান্ডার অব্ দি মোষ্ট একজনটে অর্ডার অব্ দি ষ্টার অব্ ইণ্ডিয়া উপাধি প্রদত্ত হইয়াছিল।

১৮৭২ খৃষ্টাব্দে সার মাধবরাজ মাসিক ৫০০ পাঁচ শত টাকা পেনশন ত্রিবাঙ্কুরের দেওয়ানের পদ পরিত্যাগ করিয়া অবসর লয়েন। সেই বৎসরে মার্চ মাসে যখন মাদ্রাজ-শাসনকর্তা লর্ড নেপিয়ার অস্থায়িতাবে রাজপ্রতিনিধির পদে নিযুক্ত হইয়াছিলেন, তখন তিনি সার মাধবরাজকে উহার ব্যবস্থাপক সভায় আসন গ্রহণ করিবার জন্ত প্রস্তাব করেন। মাদ্রাজের গবর্নর সার এ, জে, আরবখনট ও তাঁহাকে এই সম্বন্ধে বিস্তর অনুরোধ করিয়াছিলেন, কিন্তু তিনি কোন বিশেষ গুঢ় কারণ প্রযুক্ত উক্ত প্রস্তাব সম্মত হইয়েন নাই।

সার মাধবরাজের নাম ও সুখ্যাতি ভারতের সর্বত্র এতদূর প্রচারিত হইয়াছিল যে, বৃটীশ গবর্নমেন্ট তাঁহার উচ্চ চরিত্রবল এবং অসাধারণ ক্ষমতা প্রশংসা না করিয়া থাকিতে পারেন নাই। ইন্দোরের মহারাজার প্রাথমিক মন্ত্রীর পদ শূন্য হইলে, গবর্নমেন্ট সার মাধবরাজকে উহা গ্রহণ করিবার বিস্তর অনুরোধ করেন। যুবক সার মাধবরাজ উচ্চাভিলাষী এবং উদ্যমশীল থাকায় ঐ পদ গ্রহণ করিয়াছিলেন। তিনি ইন্দোরে তিন বৎসরকাল কাটা স্থিতি করিয়াছিলেন। রাজ্যের প্রত্যেক বিভাগে তাঁহার সংস্কারক কার্যসম্পন্নরূপে দৃষ্ট হয়। সেই সময়ে রেসিডেন্টের বিরুদ্ধে ষড়যন্ত্রের অপরাধ গায়কোয়ারকে রাজ্যচ্যুত করা হইয়াছিল। লর্ড নর্থব্রুক বর্তমান শাসনকর্তাকে তাঁহার পদে অভিষিক্ত করিয়া একজন উপযুক্ত দেশীয় রাজনীতি

কর্মের অনুসন্ধান করিতেছিলেন। এমন সময়ে সার টি মাধবরাজ তাঁহার উপস্থিতিতে পড়িলেন। লর্ড নর্থব্রুক তাঁহাকে বরদার শাসনভার গ্রহণ করিবার জন্ত অনুরোধ করিলেন। ১৮৭৫ খৃষ্টাব্দ হইতে ১৮৮৩ খৃষ্টাব্দ পর্যন্ত বরদারাজ্য মাধবরাজের সম্পূর্ণ কর্তৃত্বাধীনে ছিল। এই আট বৎসরের মধ্যে তিনি উহার উদ্ভাবনশীল ক্ষমতা, স্বাধীনতা, মনের তেজস্বিতা এবং কার্যপটুতার বিশেষ পরিচয় দিয়াছিলেন। এমন কি, ভারতে বৃটীশ রাজ্যের সংস্থাপন হইতে আজ পর্যন্ত একরূপ ভারতীয় রাজনীতিজ্ঞ দৃষ্টিগোচর হয় নাই, ইহা বলিতে পারা যায় না।

মাধবরাজ বরদারাজ্যের কতদূর উন্নতি ও মঙ্গল সাধন করিয়াছিলেন, তাহা তিনি যে অবস্থায় বরদারাজ্যের ভার গ্রহণ করিয়াছিলেন এবং যে স্থায়ী উহা পরিত্যাগ করিয়াছিলেন, এই উভয় অবস্থার তুলনা করিলে, এই বুদ্ধিতে পারা যায়। রাজ্যের প্রত্যেক বিভাগে একরূপ সংস্কার কার্যসম্পন্ন হইয়াছিল যে, ঐ সকল বিভাগ যেন নূতন সংগঠিত হইয়াছে বলিয়া মনে হয়। গায়কোয়ার এবং তাঁহার অধীনস্থ প্রধানদিগের মধ্যে যে সমস্ত বিবাদ থাকিয়া রাজ্যের সুশৃঙ্খলতা এবং শান্তি নষ্ট করিতেছিল, মাধবরাজ ঐ সমস্ত বিবাদ ভঞ্জন করিয়া দিয়াছিলেন। এই অসাধারণ জিনিসম্পন্ন ব্যক্তি ক্রমান্বয়ে ত্রিবাঙ্কুর, ইন্দোর, এবং বরদারাজ্যের কর্ণধার হইয়া প্রবল ঋটিকায় এবং অন্ধকারপূর্ণ ছুদ্দিনের মধ্য দিয়া তাহাদিগকে উজ্জ্বল করিয়া চালাইয়াছেন—ইহা বড় কম ক্ষমতার কথা নহে। উপরোক্ত তিনটি রাজ্যে তিনি তাঁহার জীবনের উৎকৃষ্ট ২৫ বৎসরকাল ব্যয় করিয়াছিলেন। উক্ত ব্যবস্থা এবং ইংরাজ রাজ্য প্রণালীর পক্ষপাতী থাকিয়া ভারতে সংস্কার কার্য প্রবর্তিত করিলে উহার মঙ্গল হইবে, তাহা তিনি উত্তম-জানিতেন ও বুঝিতেন। তিনি বাণিজ্যের উন্নতি সাধন করিয়া রাজস্বের একরূপ মঙ্গল করিয়াছিলেন যে ইংলণ্ডবাসী মহাত্মা ফসেট সাহেবকে ভারতীয় টরগট্ (Torgot of India) নামে অভিহিত করিয়াছিলেন। বৃটীশ গবর্নমেন্ট ও তাঁহাকে অত্যাচ্ছ সম্মানের দ্বারা ভূষিত করিতে হইয়েন নাই। তিনি বরদারাজ্যের প্রধান মন্ত্রীর পদ পরিত্যাগ করিয়া শেষ দিন পর্যন্ত মাদ্রাজে অবস্থিতি করিয়াছিলেন।

শ্রীভুবনমোহন ঘোষ।

# বৈজ্ঞানিকের ভুল নহে।

অজ্ঞতা ও অপূর্ণতা।

প্রাণ কি পদার্থ, এ সম্বন্ধে পাশ্চাত্য বিজ্ঞান কোন সঠিক তত্ত্ব উপনীত হইতে পারেন নাই। ক্রমশঃই জড়বিজ্ঞান অগ্রসর হইয়া অগ্রগামী বিদ্যা দর্শনের সহিত সম্মিলিত হইতে চেষ্টা করিতেছেন। এ চেষ্টা ইচ্ছাপূর্ণ নহে। বিজ্ঞান হতাশ হইয়া নিজের দুর্বলতা ঘোষণা করিতেছেন। বিদ্যা দর্শন (যেমন বেদান্তদর্শন) প্রাণ-তত্ত্বের ও প্রকৃতি-তত্ত্বের অন্তরালে নিহিত গূঢ় রহস্য উদ্ঘাটনের জন্তু যে দিব্যচক্ষু প্রদান করিয়াছেন, তাহা পূর্ণপ্রমাণ বলিয়াই বিশ্বাস হয়।

টীণ্ডাল সাহেব (Tyndall) একদিন ঘোষণা করিয়াছিলেন—“In matter he saw the promise and potency of every form of life”—তিনি জড় পদার্থের অভ্যন্তরেই প্রত্যেক বিধ জীবনের উদ্ভাবনের সম্ভাবনা ও শক্তি অবলোকন করিয়াছেন।” অর্থাৎ তাঁহার মতে জড়পদার্থই আদি তাহা হইতে প্রাণ উৎপন্ন হইয়াছে। সার্ ক্রুক্‌স্ (Sir William Crookes) টীণ্ডাল সাহেবেরই পরবর্তী, তিনি অনেক চিন্তা ও গবেষণার পর বর্ণিত বাধ্য হইলেন—In life I see the promise and potency of all forms of matter—আমি প্রাণ-তত্ত্বের মধ্যেই সর্ব প্রকার জড়পদার্থের জন্ম শক্তি দেখিতে পাইতেছি।

বেইন্স সাহেবের মনোবিজ্ঞান কিছু দিন পূর্বে কলিকাতা বিশ্ব-বিদ্যালয়ে বি, এ, ও এম, এ, পরীক্ষার্থীদের পাঠ্য ছিল। তাঁহার মতে—Thought is produced by the brain—মস্তিষ্ক হইতে চিন্তা প্রসূত হয়। মস্তিষ্ক বিভিন্ন স্থানে ভিন্ন ভিন্ন প্রকার আঘাত করিলে হাস্য, ক্রন্দন প্রভৃতি বিভিন্ন অনুভূতির কার্য প্রকাশিত হয়। মস্তিষ্ক না থাকিলে কোন চিন্তা জন্ম পাবে না।

কিন্তু এখন অধিকাংশ বিজ্ঞানবিদের মতই এই যে—Brain has been formed under the vibrations of intelligence, because it is a fundamental principle that always the organ comes after

function, and through the organ the function expresses itself more and perfectly. অগ্রে দর্শন শক্তি, ভ্রাণ গ্রহণের শক্তি, চিন্তা শক্তি জীবের সজাত হয়, তৎপরে সেই সেই কার্য সম্পূর্ণরূপে প্রকাশিত করিবার উপযুক্ত ইন্দ্রিয়বর্গ, যথা, চক্ষু, কণ, মস্তিষ্ক বিকাশিত হয়। যে জন্তুর যে শক্তি নাই, তাহার সেই শক্তি গ্রহণের বা পরিচালনের ইন্দ্রিয়ও নাই। অথবা ইন্দ্রিয় কর্মক্ষম নাই।

সুপ্রসিদ্ধ গ্রন্থে (Encyclopædia Britannica) একজন প্রসিদ্ধ বিজ্ঞান-বিদ প্রাণ-তত্ত্ব সম্বন্ধে লিখিয়াছেন :—A mass of living protoplasm is simply a molecular machine of great complexity, the total results of the working of which, or its vital phenomena, depend, on the one hand, upon its construction, and on the other, upon the energy supplied to it; and to speak of vitality as any thing but the name of a series of operations is as if any one should talk of the 'horology' of a clock.

এক পুঞ্জ জীবিত প্রোটোপ্লাজম, কেবল একটি অতি ক্ষুদ্র, অতি জটিল যন্ত্র বিশেষ। এই যন্ত্রের কার্য সমষ্টি, অথবা, ইহার প্রাণ ক্রিয়া, একদিকে ইহার নিৰ্ম্মাণ কৌশলের উপর, অন্য দিকে বাহির হইতে প্রাপ্ত শক্তির উপর নির্ভর করে। প্রাণ শক্তিকে কতকগুলি ক্রমিক কার্য সমষ্টির অতিরিক্ত কিছু বলাও যে কথা, আর, একটি ঘটিকা যন্ত্রকে সময় নিরূপক বিজ্ঞান বিশেষ বলাও সেই কথা, অর্থাৎ উভয়ই তুল্য বোধহয়।

উল্লিখিত উক্তির ভাবার্থ এইরূপ :—কোন ঘটিকা যন্ত্রকে দেখিয়া তুমি যদি এই যন্ত্রের চলন শক্তিকে, ইহার সর্ব অবয়বের নিৰ্ম্মাণ ও কার্যের অতিরিক্ত কিছু মনে কর, তাহা হইলে তোমার অজ্ঞতা প্রকাশ পাইবে। প্রাণ শক্তি ও অণু কোন স্বতন্ত্র তত্ত্ব ও পদার্থ নহে। ইহা জড়পদার্থরূপী একটি যন্ত্র বা যন্ত্র বিশেষ; ইহাতে একটির পর একটি করিয়া অনবরত ঐ কালের কার্য চলিতেছে মাত্র। প্রোটোপ্লাজমের ক্রমিক পরিবর্তনেই (আমরা পূর্বে লিখিয়াছি যে প্রোটোপ্লাজম যুগপৎ বৃদ্ধিশীল ও ক্ষয়শীল) এই জীবন ব্যাপার সংঘটিত হইতেছে। জীবন ব্যাপার একটি যন্ত্রের যান্ত্রিক কার্যমাত্র।

উক্ত মত বিবোধিত হইবার পর ডাক্তার জাপ (Dr. Japp, President of the Chemical Section of British Association) বলিয়াছেন :—  
“The operator exercises a guiding power which is akin, in its results, to that of the living organism. Every purely mechanical explanation of the phenomenon must necessarily fail. I see no escape from the conclusion that at the moment when life first arose a directive force came into play a force precisely of the same character as that which enables the intelligent operation, by the exercise of his will, to select one crystallised enantiomorph and reject its asymmetric opposite.”

ডাক্তার জাপ্‌ নানা প্রকার পরীক্ষা দ্বারা দেখাইলেন যে জীবন শক্তির কার্য ও কোন কর্মীর কার্য একই রূপ। কর্মীকে কোন নির্দিষ্ট কার্য সম্পাদন করিতে হইলে, সেই কার্য সম্পাদনের অভিসন্ধি, জ্ঞান, ও নির্দিষ্ট ফল লাভের ইচ্ছা লইয়া কার্য করিতে হয়। সুতরাং দেখা যাইতেছে, জীবন উদ্ভবের সঙ্গে সঙ্গেই পরিচালক বুদ্ধি ও জ্ঞান উদ্ভূত হইতেছে, জীবন শক্তির কার্য দ্বারা এইরূপ অভিসন্ধি মূলক, জ্ঞানমূলক, ইচ্ছামূলক কার্য সম্ভবে না। বুদ্ধিমান্ কর্মী বা শিল্পী যেমন এক উপকরণ অগ্রাহ করিয়া তৎস্থলে অন্য উপকরণ দ্বারা স্বকর্ম সাধন করে, জীবন ব্যাপারে, প্রাণ ক্রিয়াতেও তাহাই দৃষ্ট হয়।

বেদান্ত দর্শনও এই কথাই বলেন। আদিতে এক মাত্র সং (অস্তিত্ব বা প্রাণ) ছিলেন, একমাত্র চিৎ (বুদ্ধি) ছিলেন, একমাত্র আনন্দ (সুখ ভূষণ অনুভবের শক্তি) ছিলেন, অর্থাৎ সচ্চিদানন্দময় পুরুষ ছিলেন। তাঁহার অসীম প্রাণ বিকাশিত হইয়াই প্রকাণ্ড ব্রহ্মাণ্ডকে প্রাণিত করিয়াছেন। সেই প্রাণ বুদ্ধিশক্তি (intelligence) ও আনন্দ (Bliss) সম্পন্ন। সৃষ্টি প্রক্রিয়াতে আনন্দ শক্তিরও কার্য আছে। মিলন (Harmony) ও অমিল (discordance) না হইলে “ভাঙ্গা গড়া” চলে না।

ডার্বিন (Darwin) সাহেবের মত এই যে ইতর প্রাণী, যেমন, এক প্রকার অর্ধেক বানর ও অর্ধেক মানবাকৃতি পশু হইতে মনুষ্য ক্রমবিকাশ

প্রণালীর নিয়ম অনুসারে সৃষ্ট হইয়াছে। কিন্তু তিনি বানর ও মনুষ্যের মধ্যের ‘মাত হারাইয়া’ ফেলিয়াছেন, তিনি Missing link আঁকারা (আবিষ্কার) করিতে পারেন নাই। মহাত্মা হার্বার্ট স্পেন্সার সাহেবও বলিয়াছেন—ক্রমবিকাশ প্রণালীই জীবন তত্ত্বের মূলভিত্তি। ঈশ্বর প্রতি মূর্ত্তে জননীর উদভাভ্যন্তরে প্রবেশ করিয়া জীবের কর্ণ ও নাসিকারন্ধুর ভিতর ফুৎকার দিয়া প্রাণ সঞ্চালন করিতেছেন, এ কথা যুক্তিযুক্ত নহে। অনেক নব্যশিক্ষিত হিন্দু যুবকও বলিয়া থাকেন, যখন ব্রহ্মাণ্ড জলমগ্ন ছিল তখন ভগবান্ মৎস্যাবতার; যখন কর্দমময় ছিল তখন কুম্ভাবতার, পরে বাহুবতার, পরে অর্ধেক পশু ও অর্ধেক মানুষ নরসিংহ অবতার, তৎপর পূর্ণ মনুষ্যাবতার হইয়াছিলেন, অতএব অতীত সৃষ্টির পর মানব সৃষ্টি হইয়াছিল, এবং ক্রমবিকাশের প্রণালী অনুসারে ইতর প্রাণী হইতে মানব সৃষ্টি হইয়াছে।

উল্লিখিত সমস্ত উক্তির মধ্যেই আংশিক সত্য গূঢ়াকারে নিবদ্ধ আছে। প্রাকৃতিক ও মানব জীব সৃষ্টির বহু পরে সৃষ্ট হইয়াছে, এবং ক্রমবিকাশের নিয়ম অনুসারেই সৃষ্ট হইয়াছে। কিন্তু সেই ক্রমবিকাশ ইতর প্রাণীর ক্রমবিকাশ নহে। ইতর প্রাণীর দেহ যে জড় পদার্থের দ্বারা গঠিত হইয়াছে, সেই জড় পদার্থের ক্রমোন্নতি ও বিকাশের দ্বারা মানব দেহ গঠনের উপযোগী পূর্ণ নূতন পদার্থ বিকাশিত হইয়া মানবদেহ গঠিত হইয়াছে। ইহার নাম (Evolution of forms) ইতর প্রাণীর দেহাভ্যন্তরে যে প্রাণ কার্য করিতেছে, সেই প্রাণের উৎস যিনি, যাঁহাকে ঈশ্বর বলা যায়, তাঁহার পরিণতি দ্বারা মানব প্রাণ গঠিত হইয়াছে। ইতর প্রাণীরও মানব প্রাণের পার্থক্য এই যে, মানবে সং চিৎ আনন্দের অংশ আছে, ভগবানের আকৃতির অনুরূপ প্রতিকৃতি বা প্রতিবিম্ব মানব। মানবের দেহ স্থলজগতে, পৃথিবীলোকে, জড় পদার্থের পূর্ণ বিকাশ এবং মানবের জীবন পৃথিবীলোকে পূর্ণ প্রাণ শক্তির প্রায় পূর্ণ বিকাশ। আমি প্রায় পূর্ণ বিকাশ বলিলাম, কারণ এই যে, তত্ত্ববাদিগণের মতে পৃথিবীলোকে সপ্ত প্রকার মনুষ্যজাতি (seven races) ও এক এক জাতির অধীন সপ্ত প্রকার উপজাতি (sub-races) বিকাশ প্রাপ্ত হইলেই মনুষ্যত্বের পূর্ণ বিকাশ হইবে, তাহা হইলে পৃথিবীলোকের যাবতীয় পদার্থ সূক্ষ্ম মহাত্মতে পরিণত হইয়া (disintegrate) জলজগতের বা ভূলোকের ধ্বংস সাধিত হইয়া তদূর্ধ্ব ভূবলোকের, অপঃ

প্রধান লোকের (যে লোকের ক্ষিতিই অপ, অর্থাৎ অপ তুল্য সূক্ষ্ম, অপ তদপেক্ষা সূক্ষ্মতর, তেজ তদপেক্ষা সূক্ষ্মতর, মরুৎ তদপেক্ষা সূক্ষ্মতর, বোম তদপেক্ষা সূক্ষ্মতর) নিম্নতর হইতে নূতন জীবের বিকাশ আরম্ভ হইবে, তদনন্তর উল্কাঙ্কলোকে উন্নততর লোকের জীবের বিকাশ হইবে। আমরা এক্ষণে পঞ্চম জাতীয় মনুষ্যের মধ্যে পঞ্চম উপজাতীয়। ইহার পরে ষষ্ঠ উপজাতীয় মনুষ্য উত্তর আমেরিকায় এবং সপ্তম উপজাতীয় মনুষ্য দক্ষিণ আমেরিকায় প্রাকৃত হইবে। আমরা সপ্ত ভুবনের মধ্যে স্থূল মস্তিষ্ক লইয়া ও স্থূল পদার্থের জ্ঞানলাভসমর্থ ইন্দ্রিয়বর্গ লইয়া স্থূল ভুবন পৃথিবীলোকে বিরাজ করিতেছি। ইহার উল্কে আরও ছয়টি ভুবন আছে--অবশ্য ওতঃপ্রোতভাবে (interpenetrating and intermingling) আছে, কিন্তু তাহা আমাদের স্থূল ইন্দ্রিয়গ্রাহ্য নহে। কারণ, সূক্ষ্ম না হইলে কে সূক্ষ্মকে জানিতে পারে? ঈশ্বর না হইয়া কে ঈশ্বরকে জানিতে পারে? No man could be wise until he was pure, for how should impure eyes behold the Pure? বৈদান্ত দর্শনের প্রথমেই আছে "অথাতো ব্রহ্ম জিজ্ঞাসা" এখানে "অথ" শব্দের অর্থও ঈশ্বর তুল্য পবিত্র হওয়া। (যুগধর্ম ৪১ পৃষ্ঠা)। ইহার দ্বারা স্পষ্টই বুঝা যাইতেছে যে, আমাদের ত্রায় স্থূলবুদ্ধি লোকের আবিষ্কৃত স্থূল পদার্থের তত্ত্ব প্রতিপদে অপূর্ণতা ও অজ্ঞতা পরিপূর্ণ হইবেই হইবে। কিন্তু তাই বলিয়া এ কথা যেন কেহ মনে না করেন যে, বিজ্ঞানের অনুসন্ধান প্রণালী বা আবিষ্কৃত্য ভুল।

উপরে শরীর ও প্রাণের কথা বলা হইতেছিল। সব প্রকারের শরীর পদার্থ সব প্রকার প্রাণশক্তি ধারণ করিতে পারে না, শক্তি অত্যধিক হইলে আকার ভগ্ন ও ধ্বংস হয়। বাহিরের শক্তি তরঙ্গ বা স্পন্দন (vibrations) গ্রহণ করিলে বোধ হয় ও অনুভূতি জন্মে। সমস্ত প্রকারের পদার্থ নির্ধিক, ত্বক্, চক্ষু, কর্ণ, নাসিকা জিহ্বা প্রভৃতি ইন্দ্রিয় সর্ব প্রকারের স্পন্দন গ্রহণ করিতে পারে না। মনুষ্যের মধ্যেও দেখা যায়, সকলের কর্ণ (musical ear) নাসিকা, জিহ্বা, চক্ষু, ত্বক্ সমান শক্তিশালী নহে। মনুষ্য দেহ ও জড়পদার্থে গঠিত বটে, কিন্তু ইহা অত্যুচ্চ বিকাশ প্রাপ্ত জড়পদার্থ। মনুষ্য সব প্রকার জল বায়ুতে প্রাণ রক্ষা করিতে পারে, কিন্তু উদ্ভিদ বা ইতর প্রাণী তাহা পারে না। মনুষ্যদেহষন্ত্র অতীব জটিল ও কোশলময়। মনুষ্যদেহে উচ্চতর জীবের "অপ্রাকৃত দেহ মন। মনুষ্য দেহ ধূলিময় বটে, কিন্তু

"ব্রহ্মের ধূলি।" যাহারা শরীরকে আত্মার যান বা বাহন বলিয়া তুচ্ছ মনে, তাহাদের মহা ভুল। দেহ উত্তমরূপে বিকাশ প্রাপ্ত না হইলে শরীরসার্থী বিকাশ প্রাপ্ত হইতে পারেন না—"শরীর মাদ্যং ঐলু ধর্ম্মসাধনং।" সূক্ষ্ম বা বাস অকিঞ্চিৎকর পদার্থ হইলেও রাজাকে রাজোচিত ও রাজাকে বীরোচিত পরিচ্ছদই ধারণ করিতে হয়; তাত্ত্বিক সভার সভ্য-এ সম্বন্ধে এই উদাহরণ দিয়া থাকেন;—এক খণ্ড কাচ বা কাচ-ল্যাম্পের তৃষ্টিপাত করুন। ইহাতে এক প্রকার সঙ্গীত আছে, যে সঙ্গীতে ইহা সঙ্গীত হইতে পারে। যদি ইহার সমীপে সেই সঙ্গীত গীত হয়, তাহা হইলে ইহা যাইবে যে, ঐ কাচখণ্ড হইতেও স্বতন্ত্রভাবে গীতধ্বনি উথিত হইতেছে, ঐ কাচ খণ্ড নিজে গান করিতেছে। বাহিরে যে সঙ্গীত শব্দ হইতেছে, কাচখণ্ডও সেই গীতের অনুরূপ উত্তর (respond) প্রদান করিতেছে ও সঙ্গীত হইতেছে। কারণ ইহার ভিতর সেই স্পন্দনের শক্তি আছে, এবং সঙ্গীত ধ্বনির উত্তর (corresponding answer) দিতেছে। যদি বাহিরের সঙ্গীতের বল অধিক চড়ান যায়, এবং ঐ কাচখণ্ড যে পরি-পূর্ণ উত্তর (respond) দিতে পারে, তদপেক্ষা অধিক ক্রত শব্দ করা তাহা হইলে কাচখণ্ড ভগ্ন হইবে, কারণ কাচখণ্ড ইহার ক্ষমতার সীমা অতিক্রম করিয়া বাহিরের শব্দের উত্তর (respond) দিতে চেষ্টা করিয়া ভগ্ন হইবে।

অনেক পরিব্রাজক বলেন, স্থানে স্থানে পাষণ্ড সঙ্গীতে দ্রব হয়)

ই জন্ত মনুষ্যের প্রাণশক্তি ধারণের জন্ত মনুষ্যদেহের প্রয়োজন হয়। জন্তর দেহাদির জড় পদার্থ সম্যক্ বিকাশপ্রাপ্ত হইয়া মনুষ্যদেহ নিৰ্ম্মাণে হইলে ঐ ইতর জন্তর দেহ মহাগুতে পরিণত হইয়া (disintegrated) পরে অভিন্ন আকার অর্থাৎ মনুষ্যাকার ধারণ করে। ইতর জন্তর হইয়া মনুষ্য হইতে পারে না।

The true theory of evolution is different from the somewhat view that there is a regular succession of births from animal into the man. The matter has been made plastic animal, but man in his form is the result of a higher ing; the germ of his life can never develop into the animal, but only into the human, because more has been

infolded into it, and that germ must unfold along a line which is that of direct human growth.

### Evolution of Form.

জ্যোতিষ শাস্ত্র পাঠ করিয়া অসীম আকাশে দিবস রজনী ভ্রাম্যমান উপগ্রহ এবং নেবুলা (Nebulae) প্রভৃতির পদার্থ ও প্রাণ-শক্তির বিষয় দূর অবগত হওয়া যায়, তাহাতেও জানা যায়, একই পদার্থ এবং একই ক্রমশঃ বিকসিত হইতেছে, এবং এক অচ্ছেদ্য প্রেম-রজ্জুতে সকলেই স্পরের প্রতি আকৃষ্ট হইতেছে, আবার সকলে সাধারণ ভাবে সূর্যমণ্ডলের প্রতি আকৃষ্ট রহিয়াছে। সূর্যমণ্ডলকে সৌর-জগতের সকল জীবনী শক্তি উৎস ও কেন্দ্র বলিয়া গ্রহণ করা যায়। Bode's Law অনুসারে সূর্যমণ্ডলের নিকট অনাবিকৃত গ্রহ Vulcan, তৎপর Mercury (বুধ), Venus (শুক্রে), তৎপর পৃথিবী (Earth), Mars (মঙ্গল), Jupiter (বৃহস্পতি), Saturn (শনি), Uranus, নেপচুন (Neptune), তৎপর বহু দূরে দূরে অপর অপরিজ্ঞাত গ্রহ আছে। ইহার মধ্যে বুধ ও মঙ্গল পৃথিবীলোকের সহিত সূত্রে গ্রথিত। শুক্রগ্রহের অধিবাসিগণ অনেক উপরে উঠিয়াছেন বৃহস্পতির অধিবাসিগণ সর্বোপরি উঠিবেন। এক সৌর-জগতের আয়ুঃসপ্তবিকাশ পদ্ধতি (schemes of evolution), এক বিকাশকালে মন্বন্তর, এক মন্বন্তরে সপ্ত পাক (rounds), এক পাকে সপ্ত ভুবনের কাল (world period), এক ভুবনের আয়ুঃকালে সপ্ত মনুষ্যজাতি (Race), এক জাতিতে সপ্ত উপজাতি (Sub-race) হয়। সপ্তভুবনের এখন পর্য্যন্ত পৃথিবীলোক disintegrated হইতে পারে নাই। এই জগতের পরমাযুঃকাল কত, তাহা পাঠকগণ কল্পনা করিয়া দেখিবেন। বিশ্বকে একটা অশ্বখ বৃক্ষের সহিত তুলনা করা যাইতে পারে। পূর্বে হইয়াছে, বটবৃক্ষের ফলের অভ্যন্তরস্থ ক্ষুদ্র বীজের মধ্যস্থ নিরাকার প্রাণী হইতে কালে (এক দিনে বা সহস্রা নহে) এক বৃহৎ বৃক্ষ স্থান (space) ব্যাপিয়া জন্মিয়াছে। প্রকৃতপক্ষে নিরাকারে ও সাকারে পার্থক্য সূক্ষ্ম নিরাকার পদার্থ সূক্ষ্ম ইন্দ্রিয় গ্রাহ্য, স্থূল সাকার পদার্থ স্থূল ইন্দ্রিয় গ্রাহ্য। ঈশ্বর কিম্বা তাঁহার অধীনস্থ দেবগণ বা উচ্চশ্রেণীস্থ প্রাণিগণ করিলে প্রত্যেক ভুবনের প্রত্যেক প্রকার জড়পদার্থকে কেজ্জীভূত করতঃ সূক্ষ্ম বা স্থূল আকার নির্মাণ করতঃ তন্মধ্যে

হইতে পারেন। মহাশূন্তে (Space) পরব্রহ্ম নামরূপ বর্জিত থাকেন, তিনি সৃষ্টি হইবার বা বহু রূপে জন্মবার ইচ্ছা করিলে মায়া সাহায্যে প্রকৃতি করেন। মায়া দ্বারা তিনি সীমাবদ্ধ করেন, তাঁহার নানা নামরূপ হয়। এই নামরূপ অশ্বখবৃক্ষের মূল উর্দ্ধদিকে, শাখা প্রশাখা পল্লবাদি অধোদিকে (উর্দ্ধ-নিম্ন অধঃশাখ), অর্থাৎ এক পরব্রহ্ম হইতে উদ্ভূত হইয়া নানা রূপে ঈশ্বর কল্পিত ও পরিণমিত হইয়া পুনরায় নিম্নতম স্তর হইতে ক্রমবিকাশের নিয়মানু-সারে উচ্চে উঠিতেছেন, অর্থাৎ পদার্থেরও প্রাণশক্তির ক্রমোন্নতি হইতেছে। ধর্মশাস্ত্র (যেমন বেদান্ত দর্শন) এক ব্রহ্ম হইতে পরিণাম বর্ণনা করেন, অর্থাৎ উর্দ্ধদেশস্থ মূল হইতে ক্রমে অবতরণ করিয়া শাখা পল্লবে উপ-স্থিত করেন। জড় বিজ্ঞান ধর্মশাস্ত্রের গর্ভিত বচন অগ্রাহ্য করিয়া ঐ বৃক্ষের শাখা পল্লবাদি অবলম্বন করিয়া ক্রমে মূল প্রদেশে উপনীত হইবার চেষ্টা করি-তছেন। ভাগ্যক্রমে যদি দর্শন ও ধর্মশাস্ত্রের সহিত জড়বিজ্ঞানের মধ্যপথে সাক্ষাৎ হয়, তাহা হইলে ভালই, উভয়েই অল্পকাল মধ্যে গন্তব্য স্থানে উপস্থিত হইবেন, যদি দেখা নাও হয়, তাহা হইলেও কোন ক্ষতি নাই, উভ-ই শঠেঃ শঠেঃ এক দিন না এক দিন কুল পাইবেনই পাইবেন। কিন্তু ঈশ্বর সময়ে দেখা যাইতেছে, উভয়েই অকূল সমুদ্রে ঝাঁপ দিয়াছেন, এবং সময় সংশয় বাতায় ও অজ্ঞান কুহেলিকার অগাধ সমুদ্রে পড়িয়া হাবু-চাবু হইতেছেন।

ধর্মশাস্ত্রের সহিত বিজ্ঞানের শত্রুতা কেন জন্মিল? যদি ধর্মশাস্ত্র উত্তর দিকে যাইতে বলে, বিজ্ঞান তাহা অগ্রাহ্য করিয়া বিপরীত দিকে গমন করে? যখন ইসলাম ধর্ম বিজ্ঞান লইয়া স্পেইন দেশের দক্ষিণে বিজ্ঞান গ্যালিলিও স্থাপন করিয়াছিলেন, তখন খ্রীষ্টান ধর্ম বলদর্পে গর্ভিত হইয়া শিশু-বিজ্ঞানের কত অনিষ্টই না করিয়াছেন! কোপারনিকাস (Copernicus) গোলকীয় শাস্ত্র প্রচারিত হইয়া তাঁহার বিজ্ঞান গ্রন্থের নিকট শেষ বিদায় লইয়া গেলেন। যখন গ্যালিলিও (Galileo) বধাভূমিতে নীত হইয়া অক্ষুট কল্পিত-সত্য তাঁহার আবিষ্কৃত বৈজ্ঞানিক সত্য অস্বীকার করিতে বাধ্য হইয়াছিলেন, তখন জীবিত মনুষ্যকে বৈজ্ঞানিক সত্য প্রচারের জন্ত অগ্নিতে দগ্ধ হইতে হইত বা কুঠারাঘাতে রাজ আজ্ঞায় বাতকের হস্তে প্রাণ দিতে হইত, সেই দিনের কথা একবার স্মরণ করিয়া দেখুন! এখন বিজ্ঞান আর শিশু-বিজ্ঞান, বলিষ্ঠ যুবক হইয়াছেন, এবং বৃদ্ধ ধর্মশাস্ত্রের উপর প্রতিশোধ লইতে

ছেন । কিন্তু বেদান্ত দর্শন জড়-বিজ্ঞানের কোন অনিষ্ট করেন নাই, অধিকন্তু বেদান্ত, জড়পদার্থকে প্রাণরূপ মহামূল্যবান্ মণিদ্বারা বিভূষিত করিয়াছেন । তজ্জগৎই মনে হইতেছে বেদান্ত ও পাশ্চাত্য বিজ্ঞান অচিরে পরস্পর সাক্ষাৎ করিয়া কোলাকুলি করিবেন ।

শ্রীজ্ঞানকীনাথ পাল, বি, এল, শাস্ত্রী ।

## আলোকে আঁধার ।

দয়াময়,

উষাটী আসিয়া বাইবে যদিগো

কেন তবে উষা আনিলে ?

ফুলটী ফুটিয়া ঝরিবে যদিগো

কেন তবে ফুল ফুটালে ?

গাহি পাখী গান থামিবে যদিগো

কেন তারে গান শেখালে ?

আঁধারের মাঝে ঘুরাবে যদিগো

কেন তবে আলো দেখালে ?

মলয় বহিয়া ফুরাবে যদিগো

কেন তবে তারে বহালে ?

নিরাশ বেদনে লুটাবে যদিগো

কেন আশা-স্থখে মাতালে ?

হাসিয়ে চপলা লুকাবে যদিগো

কেন তবে তারে হাসালে ?

ভালবাসি ঝারে না দিবে যদিগো

কেন তারে ভাল বাসালে ?

চাঁদিয়া নিয়ত না রবে যদিগো

কেন তবে চাঁদ দেখালে ?

মিলন বিরহে চাকিবে যদিগো

মিলন কি কেন বুঝালে ?

জীবনে মরণ প্রাসিবে যদিগো

জীবন কেন বা গড়িলে ?

না বুঝে কিছুই কেবলি কাঁদিগো

আলোকে আঁধার হেরিলে !!

শ্রীজীবেন্দ্র কুমার দত্ত

## উদ্ধার ।

(কাব্য)

প্রথম সর্গ ।

সাগর সৈকতে ।

নীল নভস্তল উর্ধ্বে অনন্ত বিস্তৃত,  
অসীম বিস্তৃত নিম্নে সুনীল অর্ণব  
নিরখিছে পরস্পরে ; মিশাইছে স্থখে  
উভয়ের প্রতিবিশ্ব উভয়ের বুকে ।

গম্ভীর সায়াহ্নকাল, স্থির নীরবতা  
দিকদিগন্ত ব্যাপিয়া, বায়ু মন্দগতি  
জড় জগতের অন্ধ আচ্ছন্ন করিয়া  
কি ভীষণ নীরবতা ! কি দৃশ্য মহান !

নিশ্চল, নিস্তব্ধ, স্থির, গম্ভীর প্রকৃতি !

শ্বেত সৈকতের প্রান্তে অর্ণব বেলায়

ফেনিল তরঙ্গঘাত ধীরে ধীরে ধীরে,

অক্ষুট আবার, ক্রমে যেতেছে মিশিয়া

সাক্ষ্য সমীরণ সনে নীরবতা মাঝে ।

মহাশূন্য ভীতিকর অনন্তে মিশিয়া,

মহান প্রকৃতি অন্ধ দেখায় খুলিয়া ।

কেবা তুমি কেবা আমি সে অসীম মাঝে !

তুমি আমি রেণুকণা, ক্ষুদ্র ততোধিক ।

পশ্চিম গগন প্রান্তে স্তরে স্তরে স্তরে

অচঞ্চল বলাহক আহা কি সুন্দর !

নীল, লাল, পীত, শুভ্র কোথাও হরিৎ

বজ্রবের চারুচিত্র, নৈপুণ্য অপার !

অস্তাচলগামী ভানু সুগোল, বিশাল,

সুসজ্জিত, শান্তদৃশ্য হীনপ্রভ এবে ।

নীল বারিধির প্রান্তে সীমান্ত যেথায়

নীলাধর চুম্বিতেছে নীল অম্বরশি

ধীরে ধীরে প্রভাকর শ্রান্ত দিব্যশ্রমে

মহাসিন্ধু গর্ভে যেন করিছে প্রবেশ ।

রক্তিম ভানুর আভা পয়োধির বুকে

মরি কি সুন্দর ; আহা নয়নরঞ্জন !

কে যেন দিগ্বেছে মরি সিন্দূর ঢালিয়া

তর্কাদলসুশোভিত বিস্তীর্ণ ভূভাগে ।

চারু নীলিমার চারু সুবর্ণের আভা

বাসবের অঙ্কে যেন অমরার রাণী

নারায়ণ নীল বক্ষে যেন নারায়ণী !

বসিয়া যুবক এক পারাবার কুলে

বৃহৎ উপলখণ্ডে সন্নিহিত বদন,

অন্তমিত; দীননাথে করে নিরীক্ষণ ।

নিবিল চিত্তের আলো, ডুবিল তপন,

আইল গোধূলি ধীরে মলিন বসনা ;

ধূসর গগন তল—প্রতিচ্ছায়া তার

পড়িয়াছে সিন্ধু বক্ষে নীলতর এবে ।

উঠিল প্রবল ঝড় ভীষণ গর্জনে

হুকারিল পয়োনিধি, তরঙ্গে তরঙ্গে,

শ্বেত ফেনমালা বক্ষে, লাগিল নাচিতে ;

মত্ত যেন রণরঙ্গে ভাণ্ডব নর্তনে,

মহাকাল, গলে দোলে শ্বেত শাখ মালা ।

ওই হের, মনস্তাপে প্রকৃতি সুন্দরী,

মলিন বসনে দেহ আবৃত করিয়া

করণা নিধান পদে, আনত বদনে

করিছে করুণা ভিক্ষা, মাগিছে কল্যাণ,

করিতেছে শাস্তি ভিক্ষা জগতের তরে

শাস্তি প্রস্রবণ কাছে ; কহিছে কাতরে—

‘ফুরাল’ একটা দিন ফিরিবে না আর ;

বিহঙ্গের কণ্ঠে উঠি ভিক্ষা করুণার

মর্ম্মভেদী, মিশিতেছে সাক্ষ্য সমীরণে,

সে ভিক্ষা অনন্তে মিশি কহিছে কাতরে—

‘ফুরাল’ একটা দিন আসিবে না আর !

সাবধান জীবগণ ! ফুরাবে এক্রূপে

দিনগুলি দিন দিন,—আসিবে তখন

মহানিশা—মিশাইবে মহা অন্ধকারে ;

কে জানে কোথায় হায় ! নিয়তির শেষ,

যে অনন্ত জ্যোতিঃকণা জীবে প্রকাশিত

মিশিবেকি পুনঃ সেই অনন্ত জ্যোতিতে ?

কিষ্কা যথা বাহিরিয়া পর্বত হইতে

অবিরত ধায় নদী সাগর উদ্দেশে,

না ফিরি আবার সেই পর্বত শিখরে ;

ধাইছে কি জীব শ্রোত হইতে বিলীন

মহাকাল সিন্ধুগর্ভে অনন্তের তরে ?

অথবা বাষ্পের ত্রায় তিন্ন রূপ ধরি

আসে যায় বার বার ধরণী ভিতরে ।

কে জানে কেমনে হয় নিয়তির শেষ !

পুণ্য গীত গাও, পাখি ! মনের উল্লাসে,

জগতের জীবগণে শিখাও গাহিতে ।

প্রকৃতির লেখা হেরি বিহ্বল মানসে,

কহিতে লাগিল যুবা আপনার মনে—

কেবা আমি? অতি ক্ষুদ্র অনীম মাঝারে,  
সিন্ধু বৃকে অশুবিধ—ক্ষুদ্র ততোধিক!  
বসি এই শিলাখণ্ডে সাগর সৈকতে  
বিশ্বব্যাপী ভয়াবহ এ অনন্ত মাঝে  
দেখিতেছি আমি এ যে ক্ষুদ্র রেণু কণা!  
এ মহিমা তবে আমি বুঝিব কেমনে?  
বুঝিব কেমনে আমি, কি অব্যক্ত ভাষা  
প্রকৃতির মুখে নিতা উঠিছে কুটিয়া।  
বৃক্ষে, তৃণে, ফুলে, ফলে, পাতায়, পাতায়,  
অনলে, অনিলে, জলে, গ্রহে, উপগ্রহে  
হইতেছে, সঞ্চারিত কি শক্তি মহান?  
সকলেই মহাশক্তি করে সপ্রমাণ;  
অনন্ত শক্তির হ্রস্ব, সর্বশক্তিমান.  
কেমনে এ ক্ষুদ্র হৃদে দিন তাঁর স্থান?  
নখর নানব দেহ ধূলিতে গঠিত:  
সৌন্দর্য, বীরত্ব, গর্ব, ধন, কুল, মান,  
উজ্জল চিত্রিত বলি হর অনুমান  
ক্ষণতরে—কিন্তু সব মিশায় ধূলায়!  
অলীক আলোয়া মত্ত নখর জীবন  
জলে ক্ষণে, নিভে যায়, মিশায় আঁধারে।  
কাঞ্চন যশিত সেই নরপতি দেহ  
গোরস্থান হতে যবে আনিল বাহিরে,  
রেণুসম গেল বারে আলোক পরশে,  
মিশাইল বায়ুসনে। কুরুকুল পতি  
দুর্যোধন, সমাগরা ধরার নৃপতি  
মহাদত্তী, মহামানী, উন্নত মস্তক,  
পরিণত চিত্তভঙ্গ। শুষ্ক তৃণ যথা  
ভাসিয়া ক্ষণেক মাত্র অর্ণব সলিলে  
নির্মজ্জিত হয় তলে তরঙ্গ আঘাতে,  
কালের তরঙ্গাঘাতে নিঃসহায় জীব  
ডুবিছে কালের গর্ভে। নখর সকল!  
কত শত মহাজ্ঞানী, বীর, সতী, মানী  
মহাদত্তে মহাতেজে মহিমা বিস্তারি

মিশায়েছে ধূলিসনে কে করে সন্ধান।  
প্রহেলিকা এ জীবন ছায়াবাজী প্রায়!  
মুহূর্ত্ত নীরব যুবা, স্থির, অচঞ্চল;  
কি যেন ভাবিলা মনে, কহিলা আবার—  
এই যে কালের চক্র ঘুরিছে নিয়ত  
প্রবর্তিত ক্ষণে ক্ষণে, মুহূর্ত্তে নূতন।  
দিনে, দিনে, পলে, পলে, নিমেষে, নিমেষে,  
কত শত নূতনত্ব হইতেছে বিকাশ,  
এই আছে এই নাই জগতের গতি।  
কেহ জন্মে, কেহ মরে,—ভাঙ্গা গড়া হার  
কালের কৌতুক নিতা-রহস্য নিপুট।  
মরে নর, জন্মে নর, মরেনা মানব,  
এক যায় আর আসে—সমগ্র জগৎ  
নহে ক্ষতিগ্রস্ত তাহে, সাগরে যেমতি  
একধারে বাষ্পাকারে শুকাইছে বরি,  
অন্যধারে নদীমালা করিছে পূরণ।  
এই বিশ্ব বিবর্তন বিশ্ব নিয়ন্ত্রার,  
কালে অবহেলা করে হেন সাধা কার?  
কিন্তু কৰ্ম্মরত জীবগণ—কৰ্ম্ম প্রয়োজন,  
কৰ্ম্ম উন্নতির পথ—কৰ্ম্মে অবহেলা  
মহাপাপ, মহাপাপ জড়ত্ব চেতনে,  
অন্য করিব কৰ্ম্ম শিবজির তরে  
করিব এ প্রাণপাত—তুচ্ছ ম্লেচ্ছরাজ?  
ভরিয়াছি বহুরাজা, করিয়াছি রণ  
বহুকাল বীরদর্পে কাঁপায়ে বন্থা,  
পার্থ যথা একেশ্বর গোগৃহের রণে,  
একেশ্বর পরাজিত সেই সিন্ধুতীরে  
মহাবল নৃপগণে—ধূমপুঞ্জ যথা  
বায়ুমুখে, উড়াইনু ফুৎকারে তেমতি—  
মহাসৈন্য, মহাশূণ্য করিয়া আঁধার  
বরষিনু অস্ত্রজাল, ভীষণ গর্জনে  
দীপ্ত অসি করতলে পশি অরিনায়ে  
সেনাপতি শির কাটি করিনু শিকণ

দূরশূণ্যে, শক্রবৃন্দ পলাইল ভয়ে।  
করিয়াছি নিষ্পেষিত বনের শাদ্দলে  
বাহুবলে, বাহুবলে পুনঃ রণস্থলে  
বিমর্দিব ম্লেচ্ছরাজে, যবন কেশরী।  
উৎসাহে চঞ্চল যুবা ভ্রমিতে লাগিলা

ইতস্ততঃ ক্ষণপরে চাহি উর্দ্ধপানে  
দেখিলা উদিছে ধীরে পূর্ণ শশধর,  
ধীরে ধীরে পুণ্যালোক প্রফুট হইয়া  
পাপময় পৃথিবীর নাশিছে কলুষ। (ক্রমশঃ)  
শ্রীযতীন্দ্রনাথ চট্টোপাধ্যায়।

## বঙ্গীয় সাহিত্য-সেবক।\*

কার্ত্তিকের চন্দ্র রায়; দেওয়ান (চক্রবর্তী)।

‘ক্ষিতীশ-বংশাবলী চরিত’, ‘আত্মজীবন চরিত’, ‘গীতমঞ্জরী’, ও ‘সঙ্গীত  
রচয়িতা’।

জন্ম—কৃষ্ণনগরে রাজাদিগের দেওয়ান বংশে ১২২৭ সালের কার্ত্তিক  
সংক্রান্তির দিন জন্মগ্রহণ করেন।

মৃত্যু—১৮৮৫ খ্রীঃ ২রা অক্টোবর, শুক্রবার অপরাহ্ন ৪ ঘটিকার সময়  
মানবলীলা সম্বরণ করেন।

বংশ তালিকা—৬ষ্ঠী দাস চক্রবর্তী, ৫ রাম রাম চক্রবর্তী, ৪ (ক) মদন  
গোপাল, ৩ (ক) রাধাকান্ত (রায়), ২ উমাকান্ত, ১ কার্ত্তিকের চন্দ্র রায় ২ (ক)  
শ্রীজ্ঞানেন্দ্র লাল রায়, এম, এ, বি, এল (খ) শ্রীযুক্ত বিজেন্দ্র লাল রায় (গ)  
শ্রীযুক্ত হরেন্দ্র লাল রায় B. L.

বংশ পরিচয়—এই দেওয়ান বংশীয়গণ তাম্রনাথ গোত্রজ বারেন্দ্র শ্রেণীয়  
ব্রাহ্মণ, কুতব শাখা, পঞ্চ প্রবর, সঙ্গামণি গাঁঞী।

দেওয়ান কার্ত্তিকের চন্দ্র ‘আত্মজীবন চরিতে’ লিখিয়াছেন—“ভবানন্দের  
প্রপৌত্র রাজা কুন্দের সময় হইতে, কুন্দের পৌত্র রাজা রঘুরামের সময়  
পর্যন্ত আমার অভিবৃদ্ধ প্রপিতামহ ষষ্ঠী দাস চক্রবর্তী ও রাম রাম চক্রবর্তী  
দেওয়ানী পদে নিযুক্ত ছিলেন, এইরূপ বোধ হয়। আমাদের কুল শাস্ত্রে যে  
যে স্থানে ষষ্ঠী দাস চক্রবর্তী ও রাম রাম চক্রবর্তীর নামের উল্লেখ আছে,  
তাহারা দেওয়ান বলিয়া বর্ণিত হইয়াছেন”। স্মরণ্য দেখা যাইতেছে যে,  
এই চক্রবর্তী বংশীয়গণ বহুকাল হইতেই কৃষ্ণনগর রাজ সংসারের সহিত  
বংশানুক্রমিক ঘনিষ্ঠভাবে সংসৃষ্ট রহিয়াছেন। কার্ত্তিকের চন্দ্রের পূর্বপুরুষ-

\* লেখক এখন কেবল মৃত গ্রন্থকারগণেরই জীবনী লিখিতেছেন। বিগত পৌষ মাসের  
‘বীরভূমিতে’ এ কথা স্পষ্ট বলা হইয়াছে। অনেকে ইহা না জানিয়া অনেক কথা বলিতেছেন।  
বীঃ সঃ।



গণ সকলেই কৃষ্ণনগর রাজ সংসারে দেওয়ানী করিয়া আসিয়াছেন, কেবলমাত্র প্রপিতামহ মদন গোপাল চক্রবর্তী 'রায় বংশী' পদাভিষিক্ত ছিলেন। তদনন্তর পিতামহ রাধাকান্ত দেওয়ান পদ প্রাপ্ত হইলে 'রায় দেওয়ান' উপাধি প্রাপ্ত হন। কার্তিকেয় চন্দ্রের পিতৃব্য বংশীয়গণ এখনও চক্রবর্তী উপাধিধারী।

ষষ্ঠী দাস চক্রবর্তী বারেন্দ্র শ্রেণীর মধ্যে কুলীনদের এক নূতন দল প্রতিষ্ঠিত করেন। এই নিমিত্ত ইঁহারা বারেন্দ্র শ্রেণীর মধ্যে 'মত কর্তার' বংশ বলিয়া সম্মানিত হইয়া থাকেন।

শৈশব শিক্ষা—পঞ্চম বৎসর বয়সে কার্তিকেয় চন্দ্র স্বীয় পিতৃদেবের নিকট বিদ্যারম্ভ করিয়া অষ্টম বৎসর বয়সে ওস্তাদের নিকট পারস্য ভাষা শিক্ষা করিতে আরম্ভ করেন। ত্রয়োদশ বৎসর মাত্র বয়সে তাঁহার পরিণয় কার্য সম্পন্ন হয়। বিবাহের কিছুদিন পর শিক্ষা লাভ করিবার নিমিত্ত কৃষ্ণনগর জজ আদালতে প্রবিষ্ট হন। এই সময় হইতে আদালত সমূহে পারস্য ভাষার প্রচলন রহিত হইয়া যায়। কার্তিকেয় চন্দ্র এখন হইতে ইংরাজী ভাষা শিক্ষা করিবার নিমিত্ত যত্নপর হইলেন। তদনন্তর তিনি কলিকাতা মেডিকেল কলেজে ডাক্তারি পড়িবার জন্য ভর্তি হন। কিন্তু অনতিবিলম্বে তাঁহাকে মেডিকেল কলেজ পরিত্যাগ করিতে হয়।

কার্যক্ষেত্র—রাজা শ্রীশ চন্দ্র কার্তিকেয় চন্দ্রকে প্রথমতঃ 'খাস মেডিকেল টার্নার' পদে নিযুক্ত করেন। কুমার সতীশ চন্দ্রের শিক্ষার ভারও ইঁহার উপর অর্পিত হয়; পরে ১৮৪৬ খ্রীঃ কৃষ্ণনগর কলেজ স্থাপিত হইলে কুমার বাহাদুর কলেজে অধ্যয়ন করিতে লাগিলেন। তদবধি, কার্তিকেয় চন্দ্র রাজ্য সংক্রান্ত যাবতীয় মকদ্দমা তত্ত্বাবধারণের ভার গ্রহণ করেন। অতঃপর রাজা শ্রীশচন্দ্র গবর্ণমেন্ট হইতে মহারাজা উপাধি প্রাপ্ত হইলে তিনি মাসিক ৫০ টাকা বেতনে মহারাজার দেওয়ান পদে নিযুক্ত হন। বেতন ক্রমশঃ বর্দ্ধিত হইয়া ১২৮১ সালে ২৫০ টাকা পর্য্যন্ত হইয়াছিল, শেষ সময়ে তিনি মাসিক ৩০০ করিয়া বেতন প্রাপ্ত হইতেন।

কার্তিকেয় চন্দ্র নবদ্বীপ রাজ সংসারে তিন পুরুষ দেওয়ানী করিয়া ছিলেন। তিনি রাজার অন্যান্য কার্যে সরলভাবে নির্ভীক হৃদয়ে প্রতিবাদ করিতে কুণ্ঠিত হইতেন না। ইঁহার চরিত্রবল অতিশয় দৃঢ় ছিল। রাজা অনুকূল হউন বা প্রতিকূল হউন, রাজার অনুগত অপরাপর কর্মচারীগণ তাঁহার স্বার্থই অনুগত হউন বা পরোক্ষভাবে শত্রুতা সাধন করুন, তিনি

কছুতেই ক্রক্ষেপ না করিয়া অবিচলিতভাবে কঠোর কর্তব্য সাধনে আদৌ পরাধীন হইতেন না। অন্যান্য কার্যে প্রশ্রয় দেওয়া অপেক্ষা তিনি নিজ কার্যভার পরিত্যাগ করা অতি সহজ জ্ঞান করিতেন। তাঁহার বিমল চরিত্র ও কার্যদক্ষতা গুণে সরকারী উর্দ্ধতন কর্মচারীগণও তাঁহার প্রতি যথোচিত মান প্রদর্শন করিতেন। তদানীন্তন ছোট লাট টমসন্ সাহেব বাহাদুর খন ১৮৮৫ খ্রীঃ সেপ্টেম্বর মাসে কৃষ্ণনগর পরিদর্শনার্থ গমন করেন, তখন দেওয়ান কার্তিকেয় চন্দ্র শয্যাগত ছিলেন, এই নিমিত্ত তিনি স্বয়ং তাঁহার নিকট আসিয়া সাক্ষাৎ করেন এবং উপস্থিত রাজকুমারকে বলেন 'দেখ তোমার জমিদারি এই দেওয়ানের হস্তে আছে, ইহা তোমার পরম সৌভাগ্য মানিবে। আমি ভরসা করি, ইনি যতদিন জীবিত থাকিবেন, তুমি তোমার গুণ ও পিতামহের স্মরণ ইঁহাকে সম্মান করিবে'। ইহা কম সম্মানের বিষয় নহে।

বিপুল রাজ্যের ভার তাঁহার হস্তে ছিল, তিনি ইচ্ছা করিলে খুব বড় শত্রু হইতে পারিতেন। কিন্তু বৈষয়িক লোকদিগের মধ্যে দেওয়ানজীর জন্য স্বার্থত্যাগ ও সাধুতা অতি দুর্লভ। সুদীর্ঘ কার্যকালের মধ্যে কথ-ও অজ্ঞায়রূপে কপর্দক মাত্রও গ্রহণ করেন নাই। এতদ্ব্যতীত, তিনি কর্তব্যবোধে অশ্রুত অধিকতর উচ্চ বেতন প্রাপ্তির প্রলোভনও অমানবদনে পরিত্যাগ করিয়াছিলেন।

নদীয়া জেলার প্রায় সমস্ত লাখেরাজ ভূমি গবর্ণমেন্টের বিচারে অসিদ্ধ হইয়া তাঁহার উপর কর নির্দ্ধারিত হয়। লাখেরাজদারগণ ভূমির নির্দ্ধারিত বাৎসরিক খাজনার অর্দ্ধাংশ গবর্ণমেন্টকে দিবেন এবং অর্দ্ধাংশ জেরা লইবেন, এইরূপ মর্মে বন্দোবস্ত লন। কিন্তু ঐ সকল জমীর উপর গবর্ণমেন্ট কর্তৃক এত অতিরিক্ত কর নির্দ্ধারিত হইয়াছিল যে, গবর্ণমেন্টের পয় প্রদান করিয়া লাখেরাজদারগণ আর কিছুই পাইত না। দেওয়ানজী শ্রীশ ইঁহার প্রতিবিধানার্থ প্রাণপণে উদ্যোগী হইয়া, গবর্ণমেন্টের নিকট তে পূর্বগৃহীত কর প্রত্যর্পিত হইবার আদেশ প্রাপ্ত হন, ইহাতে গবর্ণমেন্টের নিকট হইতে প্রায় চল্লিশ সহস্র টাকা ফেরত পাওয়া যায়। এই স্বার্থে রাজা বাহাদুরের বিপুল অর্থ ব্যয় হইয়াছিল সত্য, কিন্তু দেওয়ানজী শ্রীশের উৎসাহ ও মন্ত্রণা গুণে এই কার্যে সফলতা লাভ করিয়াছিলেন, যিহায়ে সন্দেহ নাই।

রচিত গ্রন্থাদি—‘ক্ষিত্রীশ বংশাবলী চরিত’ গ্রন্থে, কার্তিকেয় চন্দ্র কৃষ্ণ-  
নগরের প্রাচীন রাজবংশের পূর্ণ ইতিহাস এবং বঙ্গদেশের আনুমানিক  
আংশিক ইতিহাস অতি দক্ষতার সহিত লিপিবদ্ধ করিয়া গিয়াছেন। ইঁহার  
‘স্বরচিত্ত জীবন চরিত’ গ্রন্থে অষ্ট শতাব্দীরও উর্দ্ধ কালের বঙ্গীয় সামাজিক  
অবস্থার একটা সুন্দর চিত্র দেখিতে পাওয়া যায়। দেওয়ানজী মহাশয়ের  
সহিত রাজ বংশের বংশানুক্রমিক কার্যসম্বন্ধ থাকায় এই গ্রন্থে প্রসঙ্গক্রমে  
রাজবংশেরও ইতিহাস বর্ণিত হইয়াছে। বিদ্যাসাগর মহাশয়ের পূর্বে বঙ্গ  
ভাষায় আত্মজীবনী লিখিবার প্রথা প্রচলিত ছিল বলিয়া বোধ হয় না; কিন্তু  
তাঁহার সমকালিক এই দেওয়ানজী ‘আত্মজীবন চরিত’ গ্রন্থে সরল ভাষায়  
বেঙ্গল উদারতা ও সুস্পন্দর্শিতার সহিত সামাজিক রাজনৈতিক প্রভৃতি সম-  
স্যার আলোচনা করিয়াছেন, তাহাতে তাঁহার লিপিকুশলতার ভূয়ো প্রশংসা  
না করিয়া থাকা যায় না। বলিতে কি, স্বয়ং বিদ্যাসাগর মহাশয় এই পুস্তক  
প্রকাশ করিবার করন্য করিয়াছিলেন; ইহা হইতে এই পুস্তকের গুরুত্ব  
কতকটা উপলব্ধি হইবে।

বিবিধ—কার্তিকেয় চন্দ্র, অতিশয় ধর্মভীরু, পরোপকারী, সদালাপী  
কর্তব্যপরায়ণ ও ন্যায়নিষ্ঠ পুরুষ ছিলেন। তাঁহার কণ্ঠস্বর অতি সুমিষ্ট ছিল  
তিনি সুগায়ক ছিলেন। কার্তিকেয় চন্দ্রের তিন পুত্রই উপযুক্ত সুশিক্ষিত  
বঙ্গীয় সাহিত্য সংসারে সুপরিচিত।

(আত্মজীবন চরিত, সাহিত্য ১৩০৩; প্রদীপ ৩১৩৭, ৭৩; বঙ্গভাষার লেখক)

কানাই দাস—

বৈষ্ণব পদকর্তা।

কানাই যোগী—

কবি-সঙ্গীত রচয়িতা।

নিবাস—ত্রিপুরা জেলা।

(‘নব্যভারত’ ৩১১৬৬)

কালুদাস বা কালুরাম দাস—

বৈষ্ণব-পদ-কর্তা।

কালুরাম দাস, শ্রীমৎ শ্যামানন্দ ঠাকুরের প্রশিষ্য ছিলেন। ইনি  
চলে বাস করিতেন।

(গৌর-বিষ্ণুপ্রিয়া পত্রিকা ১১২৯৬)

কালু ফকির—

‘আলিরাজা’ দেখুন।

কান্ত—

বৈষ্ণব পদকর্তা।

কান্তি তেলী—

যাত্রার গালা রচয়িতা।

কামদেব—

বৈষ্ণব পদকর্তা।

কাম্বেল—

ইনি ১৮৪০ খ্রীঃ বেনারসের কমিসনর টুকার সাহেব রচিত ইহুদীদিগের  
ইতিহাসের বঙ্গানুবাদ রচনা করিয়াছিলেন।

পঃ (পঃ ২১২৪)

কালচাঁদ পাল—

‘কালীয় দমন’ যাত্রার গালা রচয়িতা।

নিবাস—বিক্রমপুর।

(বঙ্গভাষা ও সাহিত্য ৬১২)

কালি দাস—

‘কালিকা বিলাস’ রচয়িতা।

(পঃ পঃ ৩১৩-৬)

কালিদাস—

‘মনসা মঙ্গল’ ও ‘শশীর পাঁচালী’ রচয়িতা।

উভয় গ্রন্থেই ‘কবি কালিদাস’ বলিয়া ভণিতা আছে।

রচনা কাল—১৬১৯ শক বা ১১০৪ সাল।

(পঃ পঃ ৮৫৪, ৯ অতি ২২)

কালিদাস, দ্বিজ—

‘সূর্য্যব্রত পাঁচালী’ রচয়িতা।

(পঃ পঃ ১০১ অতি ১৪২)

কালিদাস নাথ—

‘নরোত্তম বিলাস’, ‘জগদানন্দ পদাবলী’, ‘কবিকল্প চণ্ডী’ (বঙ্গবাসী)

‘মহাভারত—কাশীদাস’ (ত্রি), ‘চৈতন্য মঙ্গল—জয়ানন্দ’ (পরিষদ গ্রন্থাবলী) প্রভৃতি নানাবিধ প্রাচীন গ্রন্থাবলী সম্পাদক।

এতদ্ব্যতীত তিনি বিবিধ বৈষ্ণব পত্রিকার সম্পাদক ও অন্যান্য সাময়িক পত্রিকার লেখক ছিলেন।

মৃত্যু—১৩১০ সাল।

“৩ কালিদাস নাথ প্রাচীন বাঙ্গালা সাহিত্যে, বিশেষতঃ বৈষ্ণব সাহিত্যে পণ্ডিত ছিলেন। তাঁহার দ্বারা প্রাচীন বাঙ্গালা সাহিত্য উদ্ধারের বিশেষ সাহায্য হইত। কেবল পরিষদ নবোদয় বড় বাজার হরিভক্তি প্রদায়িনী সভা, গৌরঙ্গ সমাজ প্রভৃতির সাহায্যেও তিনি প্রাচীন বৈষ্ণব সাহিত্য প্রচারে জীবনের অধিকাংশ সময় নিযুক্ত ছিলেন। অবশেষে ‘বঙ্গবাসীর’ প্রকাশিত কাশীরাম দাসের মহাভারত সম্পাদন করিয়া কীর্তি রাখিয়া গিয়াছেন। ‘বঙ্গবাসীর’ প্রকাশিত কবিকঙ্কণ চণ্ডীও তাঁহার সম্পাদিত। প্রাচীন পুঁথি লেখকগণের ভ্রম প্রমাদের দূরীকরণ হইতে সুসঙ্গত প্রাচীন পাঠ উদ্ধারে নাথ মহাশয়ের বিশেষ নৈপুণ্য ছিল। সংস্কৃত প্রাকৃত ভাষায় তাঁহার বিশেষ অধিকার ছিল। প্রাচীন গ্রন্থ প্রকাশ ব্যতীত নাথ মহাশয় অনেকগুলি বৈষ্ণব পত্রিকার সম্পাদক ও লেখক ছিলেন। তাঁহার মৃত্যুতে পরিষদ বিশেষ ক্ষতিগ্রস্ত হইয়াছে। পরিষদের প্রাচীন বাঙ্গালা গ্রন্থাবলীর অন্তর্গত জয়ানন্দের ‘চৈতন্য মঙ্গল’ সম্পাদনের ভার তাঁহারই হস্তে স্থস্ত ছিল। ইহার ভূমিকাদি তিনি লিখিয়া বাইতে পারেন নাই। বঙ্গসাহিত্য নাথ মহাশয়ের মৃত্যুতে প্রাচীন সাহিত্যতত্ত্বজ্ঞ একজন হারিত ব্যক্তিকে হারাইলেন। (পরিষদ কার্যবিবরণী ১৩১০ পৃঃ ৩)

### কালিদাস মুখোপাধ্যায়—

সঙ্গীত রচয়িতা। কালিদাস রচিত শ্রামাবিষয়ক রাধাকৃষ্ণ-বিষয়ক ধর্ম-বিষয়ক, প্রণয়-বিষয়ক ও আধ্যাত্মিক সঙ্গীতগুলি অধুনা গ্রন্থাকারে (“গীত-লহরী”) প্রকাশিত হইয়াছে।

কালিদাস, সাধারণতঃ “কালীমির্জা” নামে খ্যাত। (মির্জা সম্ভ্রান্ত ব্যক্তি কালিদাস, হুগলী জেলার অন্তর্গত গুপ্তীপাড়া নামক গ্রামে জন্মগ্রহণ করেন। অনুমান, অশীতি বৎসর পূর্বে তিনি বারাণসী ধামে মানবলীল সঞ্চরণ করেন।

শিক্ষা—কালিদাস, কিছুদিন গ্রাম্য পাঠশালায় বিদ্যাভ্যাস করিয়া টোল পড়িতে আরম্ভ করেন। অনুমান, বিংশতি বৎসর বয়সে টোলের পাঠ সমাপ্ত করিয়া বেদান্ত দর্শন ও সঙ্গীত শাস্ত্র অধ্যয়ন করিবার নিমিত্ত কাশী গমন করেন। সঙ্গীত শাস্ত্রে অধিকতর পারদর্শিতা লাভের আশায় কাশী হইতে দিল্লী ও লক্ষ্ণৌ নগরে কয়েক বৎসর অবস্থান করেন। দিল্লীতে অবস্থান

কালেই সম্ভবতঃ তিনি পারস্য ও উর্দু ভাষায় ব্যুৎপত্তি লাভ করিয়াছিলেন। অশীতি বৎসর বয়সে কালিদাস স্বগ্রামে প্রত্যাগমন করিয়া পরিণয় স্ত্রে আবদ্ধ হইলেন।

কালিদাস কয়েককাল বর্ধমানের যুবরাজ প্রতাপচন্দ্রের সভাসদ ছিলেন। তথায় যথোচিত অর্থপ্রাপ্তি না হওয়ায় স্থানান্তর গমনে বাধ্য হন। কালিদাস বর্ধমান পরিত্যাগ করিয়া আসিলেও যুবরাজ প্রতাপচন্দ্রের নিকট তাঁহার কজাতবাসের পূর্বকাল পর্যন্ত, মাসিক ১৫ করিয়া বৃত্তি প্রাপ্ত হইতেন। বর্ধমান হইতে আসিয়া কালিদাস কলিকাতার সুপ্রসিদ্ধ জমীদার স্বর্গীয় গোপীনাথ ঠাকুর মহাশয়ের আশ্রয় গ্রহণ করেন এবং ইহারই পুণ্যাশ্রয়ে অবস্থান করিয়া আমরণ কাল বহুপরিবারবিশিষ্ট সংসার সুখস্বচ্ছন্দে প্রতিপালন করিয়া গিয়াছেন।

সঙ্গীত শাস্ত্রে কালিদাস মির্জা মহাশয়ের অসাধারণ অধিকার জন্মিয়াছিল এবং সঙ্গীত বিদ্যাশিষ্য বলিয়া দেশময় তাঁহার সুখ্যাতি বিস্তৃত হইয়াছিল। স্বর্গীয় রাজা রামমোহন রায় মধ্যে মধ্যে কালিদাসের নিকট আসিয়া সঙ্গীত বিদ্যা অধ্যয়ন করিতেন। মির্জা মহাশয় অতিশয় বিনয়ী ও নিষ্ঠাবান ব্যক্তি ছিলেন। তিনি দেব দেবীর পার্থক্য নির্ধারণের পক্ষপাতী ছিলেন না। তিনি হিন্দুস্থানী বেশভূষা করিতেন এবং দীর্ঘকেশ ধারণ করিতেন। কালিদাস, রাজা কৃষ্ণচন্দ্রের সভাসদ বাণেশ্বর পণ্ডিতের শিষ্য ছিলেন।

(শ্রীযুক্ত অমৃতলাল বন্দ্যোপাধ্যায় সম্পাদিত গীতলহরী। বঙ্গবাসী ২৯শে মাঘ। ১১ পৃঃ ৩১১৩)

### কালীকঙ্কর চক্রবর্তী—

‘অপূর্ব কারাবাস’, ‘অপূর্ব সহবাস’, ‘চিত্রশালা’ প্রভৃতি উপন্যাস রচয়িতা।

সুপ্রসিদ্ধ ‘অপূর্ব কারাবাস’ উপন্যাস খানি সর ওয়ালটার স্কটের লেডী অব লেকের ছায়ামাত্র অবলম্বন করিয়া রচিত হইয়াছে।

এছাড়া অতি অল্প বয়সে প্রাণত্যাগ করেন।

(নব্যভারত ৬।৪৮৮ পৃঃ)

### কালীকিশোর—

পদকর্তা।

## কালীকৃষ্ণ দাস—

‘কামিনীকুমার’ নামক বাঙ্গলা পদ্য-গদ্য গ্রন্থ রচয়িতা এই গদ্য গ্রন্থের ভাষা তাদৃশ জটিল নহে—আনালী ভাষার সমতুল্য। গদ্য রচনার মধ্যেও ভগিতা দৃষ্ট হয়।

রচনা কাল—অষ্টাদশ শ্রীষ্টাব্দের শেষ ভাগ গ্রন্থ মধ্যে, বৈদ্যানাথ বাগরী ও মধুসূদন সরকার এই দুই ব্যক্তিরও ভগিতা দৃষ্ট হয়। তিনজনে একত্র গ্রন্থখানি রচনা করিয়াছিলেন।

ব: সা ৬৩৩ ; বঙ্গদর্শন (নং) ৩৮ ; প পঃ ১০১ অতি ১৬২।৬৩

## কালীকৃষ্ণ মিত্র —

‘বিধবা বিবাহ,’ ‘কৃষিবিদ্যা,’ ‘স্ত্রী-শিক্ষা,’ ‘মাদক নিবারণ’ প্রভৃতি বিষয়-বলম্বনে বহু প্রবন্ধ রচয়িতা এবং হিতসাধক ও এডুকেশন গেজেটের নিয়মিত লেখক।

জন্ম—১৮২২ খ্রীঃ কলিকাতা সিমুলিয়ায় পিতৃভবনে দর্জিপাড়ার প্রদিক মিত্রবংশে জন্মগ্রহণ করেন।

মৃত্যু—১৮৯১ খ্রীঃ ২রা আগষ্ট প্রাতঃকাল ৭০ বৎসর বয়সে মানবলীল সম্বরণ করেন।

শৈশব, শিক্ষা—পিতা, শিবনারায়ণ মিত্র, কলিকাতাবাসী স্বনামধারিত সুপ্রসিদ্ধ জমীদার স্বর্গীয় আশুতোষ দেব মহাশয়ের নিকট আত্মীয় হইলেও তাঁহার সাংসারিক অবস্থা তত স্বচ্ছল ছিল না। এই নিমিত্ত কালীকৃষ্ণ ও তাঁহার জ্যেষ্ঠ সহোদরদ্বয় কৃষ্ণধন মিত্র ও নবীনকৃষ্ণ মিত্রকে পার্শ্বাবহার দারিদ্র্য হুঃখ ভোগ করিতে হইয়াছিল। কালীকৃষ্ণ হেয়ার সাহেবের স্কুলে শিক্ষালাভ করিয়া হিন্দুকলেজে প্রবিষ্ট হন এবং এক জন উৎকৃষ্ট ছাত্র বলিয়া অচিরে খ্যাতিলাভ করেন। কলেজে অধ্যয়নকালে, তিনি বৃত্তিলক হইতেই শিক্ষা সম্বন্ধীয় ব্যয়ভার বহন করিতে সমর্থ হইতেন। কলেজে পাঠ সমাপন করিবার অব্যবহিত পরই তাঁহার পিতৃবিয়োগ ঘটে। ইহার পর অনুমান ২০ বৎসর বয়স হইতে কালীকৃষ্ণ তদীয় অগ্রজ নবীনকৃষ্ণের সহিত মপরিবারে মাতুলাশ্রমে বারাসতে আসিয়া বাস করিতে লাগিলেন।

জ্ঞানার্জন প্রভৃতি—জ্যেষ্ঠ সহোদর সুপ্রসিদ্ধ ডাক্তার নবীনকৃষ্ণ বাবু বিপুল অর্থোপার্জন করিতেন; এই নিমিত্ত কালীকৃষ্ণ বাবুকে অর্থোপার্জনের জন্য কখন কাহারও দাসত্ব স্বীকার করিতে হয় নাই। তিনি উদ্ভিদ ও কৃষি-

বিদ্যা, নিদানশাস্ত্র, ভৌতিক বা অতি প্রাকৃত বিদ্যা, যোগশাস্ত্র, এবং ধর্মশাস্ত্রের আলোচনায় সময় অতিবাহিত করিতেন। কৃষিবিদ্যা বিষয়ক ইউরোপীয় গ্রন্থাদি আনাইয়া তিনি কৃষক ও অন্যান্য ব্যক্তিদিগকে শিক্ষা প্রদান করিতেন। কৃষিকার্যের উন্নতিকল্পে তিনি অনেক পরিশ্রম করিয়াছিলেন—এতদর্থে লক্ষাধিক মূল্য ব্যয়ে বারাসতে একটি আদর্শ উদ্যান প্রস্তুত করিয়া কৃষিভাণ্ডার স্থাপন করিয়াছিলেন। চিকিৎসা বিদ্যায়ও তিনি সমধিক ব্যুৎপত্তি লাভ করিয়াছিলেন, শেষ বয়সে হোমিওপ্যাথি চিকিৎসা প্রণালীর প্রতি সমধিক অনুরক্ত হইয়াছিলেন।

অলৌকিক বিদ্যালোচনায় তাঁহার অভ্যস্ত আগ্রহ ছিল। অলৌকিক সাহিত্য (Occult Literature) বিষয়ক বহুপুস্তক তিনি সংগৃহীত করিয়া গিয়াছেন। হিন্দু মুসলমান ও খ্রীষ্টানদিগের যাবতীয় ধর্মশাস্ত্র তিনি অধ্যয়ন করিয়াছিলেন। তাঁহার মৃত্যু উপলক্ষে Indian Mirror (18 August, 1891) লিখিয়াছিলেন—

“He was at his death, we believe, one of the most up-to-date scholars of our country, keeping abreast of the latest contributions to human knowledge by an enthusiastic and unwearied application to books in more than one language.”

স্বর্গীয় বিদ্যাসাগর মহাশয় ও অধ্যাপক প্যারীচরণ সরকার কালীকৃষ্ণের একত্রিম বন্ধু ছিলেন। প্যারীচরণ সরকারের মাদক নিবারণী সভার জন্ম এবং বিদ্যাসাগর মহাশয়ের বিধবা বিবাহ প্রচলনের জন্ম কালীকৃষ্ণ বিশেষ চেষ্টা করিয়াছিলেন। স্বর্গীয় প্যারীচরণ সরকার মহাশয়ের বারাসতে অবস্থানকালে তথায় স্ত্রীশিক্ষা প্রচলন বিষয়ে কালীকৃষ্ণ বাবু তাঁহার প্রবল সহায় ছিলেন।

বিদ্যাসাগর মহাশয়ের ত্রায় কালীকৃষ্ণ বাবুরও পরহঃখনিবারণ জীবনের একমাত্র প্রধান উদ্দেশ্য ছিল। স্বর্গীয় দীনবন্ধু মিত্র মহাশয় কালীকৃষ্ণ বাবুকে সুরধুণী-কাব্যে লিখিয়াছিলেন—

জ্ঞানসাগর কালীকৃষ্ণ স্বভাব বিনত

বারাসতে প্রাণ রক্ষা করে শত শত ॥

কালীকৃষ্ণ বাবু সাধারণ্যে ঋষিতুল্য ভক্তি ও সম্মান লাভ করিয়াছিলেন।

১৮৬০ খ্রীঃ অগ্রজ নবীনকৃষ্ণ বাবুর লোকান্তর প্রাপ্তি হইলে স্বর্গীয় বিদ্যা-

সাগর ও প্যারীচরণ সরকার মহাশয়ের সমভাগে কালীকৃষ্ণ বাবুর সম্পূর্ণ অর্থ সাহায্য করিয়াছিলেন। পরে নবীনকৃষ্ণ বাবুর স্মরণ্য জামাতা কালীচরণ ঘোষ মহাশয় তাঁহাকে অর্থের ক্রেশ আদৌ অনুভব করিতে দেন নাই। শেষ সময়ে তিনি কালীচরণ ঘোষ মহাশয়ের কলিকাতা মীর্জাপুরের বাটীতেই অবস্থান করিতেন, এবং এই স্থানেই তাঁহার মানবলীলার অবসান হয়। মৃত্যুকালে তিনি বর্ষীয়সী মহেশ্বিনী ও ছুইটী বিবাহিতা কন্যা রাখিয়া গিয়াছেন।

কালীকৃষ্ণ বাবু বঙ্গ সাহিত্যের উন্নতি করে অনেক চেষ্টা করিয়াছিলেন। পূর্বোক্ত প্রবন্ধাবলী ব্যতীত, তিনি হোমিওপ্যাথি সম্বন্ধে অনেকগুলি বিনামা পুস্তিকা রচনা করিয়া সাধারণে বিতরণ করিয়াছিলেন।

(প্রদীপ ৪।৩৮০, ৪১৩ ; পূর্ণিমা ১৩০৮)

### কালীকৃষ্ণ, মহারাজা বাহাদুর, দেব—

বিশপ নর্টনের অনুরোধে ১৮৩৩ খ্রীঃ জনসন্ কৃত রাসেলাস এবং ১৮৩৬ খ্রীঃ গে-রচিত গল্পমালা বঙ্গভাষায় অনুবাদ করেন। শেখোক্ত অনুবাদের নিমিত্ত তিনি হলণ্ডের রাজার নিকট স্তূর্ণ পদক পুরস্কার প্রাপ্ত হইয়াছিলেন।

রাসেলাসের ভাষা অশুদ্ধ না হইলেও শব্দালঙ্কার পূর্ণ ও জটিল।

(পরিষৎ পত্রিকা ২।৩৫৯-৬০, বিদ্যাসাগর-বিহারী লাল)

### কালীকৃষ্ণ লাহিড়ী—

“রশিনারা” নামক ইতিবৃত্তমূলক উপাখ্যান রচয়িতা। ১২৭৬ সালে এই গ্রন্থ প্রথম প্রকাশিত হয়। গ্রন্থকারের মৃত্যুর পর তদীয় জামাতা শ্রীযুক্ত বাবু কৃষ্ণবন্ধু সান্যাল মহাশয় ১২৯৪ সালে এই গ্রন্থের ২য় সংস্করণ প্রকাশিত করেন।

(নব্যভারত ১২৯৪।৫৮৫ পৃঃ)

### কালী চরণ চৌধুরী (নাথ ?)—

১৮৪০ খ্রীঃ গীতমালা রচনা করেন, ইহাতে ৬০টা প্রণয়বিষয়ক গীত আছে।

১৮৪৭ খ্রীঃ রঙ্গপুর বার্তাবহ প্রকাশিত করেন। কালী চরণ বাবু রঙ্গপুরের একজন জমিদার ছিলেন।

(পরিষৎ পত্রিকা ২।৫০৬, নব্যভারত ২৩০৩ ৬৬)

### কালীচরণ ভট্টাচার্য—

রাম বনবাস হইতে রাবণ বধ পর্যন্ত সংক্ষেপে কবিতাকারে শ্রীরামচরিত-রচয়িতা।

এই কবিতা ভাটদিগের জন্ত লিখিত হইয়াছিল।

(পরিষৎপত্রিকা ১৩১০। অতি ১৫০-১)

### কালীনাথ রায় মুন্সী—

বৈরাগ্যপূর্ণ সঙ্গীত রচয়িতা।

নিবাস—টাকী। কালীনাথ রায় মুন্সী মহাশয় স্বর্গীয় রাজা রামমোহন রায়ের সমসাময়িক।

(পূণ্য ২।৬৮ পৃঃ)

### কালীপদ মুখোপাধ্যায়—

‘প্রহ্লাদ চরিত্র’ নামক যাত্রার পালা রচয়িতা।

### কালীপ্রসন্ন দত্ত—

‘দলিত কুম্ভ’ ও ‘বৃষরযুদ্ধ’ রচয়িতা এবং ‘ভারত-সুহৃদ’ ও ‘ভারত-বণিক’ নামক পত্রিকা প্রকাশক।

জন্ম—১২৬৬ সাল ২০শে আষাঢ় (বৃহস্পতিবার) তারিখে ফরিদপুর জেলার অন্তর্গত টাওচা গ্রামে জন্মগ্রহণ করেন।

মৃত্যু—কলিকাতায় ৪২ বৎসর বয়সে ১৩০৮ সাল ৮ই অগ্রহায়ণ (রবিবার) তারিখে প্রাণত্যাগ করেন।

বংশপরিচয়—কালীপ্রসন্ন টাওচার সম্ভ্রান্ত দত্ত পরিবারে জন্মগ্রহণ করিয়া-ছেন। ৩ চণ্ডীপ্রসাদ দত্ত, ২ ঈশ্বরচন্দ্র দত্ত—ইন্দুমতী, ১ কালীপ্রসন্ন দত্ত।

শৈশব, শিক্ষা—ঈশ্বরচন্দ্র দত্তের কয়েকটা সন্তান নষ্ট হইলে পর কোন কন্যাসৌর আশীর্বাদে কালীপ্রসন্ন দত্ত জন্ম গ্রহণ করিয়া অপেক্ষাকৃত দীর্ঘ-বয়স লাভ করেন। ১৩ বৎসর বয়সের পূর্বেই কালীপ্রসন্নের জনক জননী লোক গমন করেন। কিন্তু পরিবার মধ্যে তিনি একমাত্র সন্তান বলিয়া ততশয় যত্ন ও স্নেহসহকারে প্রতিপালিত হইয়াছিলেন। পিতামহ চণ্ডী-প্রসাদ ও পিতৃব্যগণ বিষয় কার্যোপলক্ষে অধিকাংশ সময়ই বরিশালে অবস্থান করিতেন। এই বরিশাল স্কুল হইতেই ১৫ বৎসর বয়সে কালীপ্রসন্ন এণ্ট্রান্স

পরীক্ষায় প্রথম বিভাগে উত্তীর্ণ হইয়া গবর্ণমেন্ট বৃত্তি লাভ করেন। ইহার দুই বৎসর পর কলিকাতা প্রেসিডেন্সী কলেজ হইতে এফ্. এ পরীক্ষায় উত্তীর্ণ হন। এই সময় হইতে ব্রাহ্মসমাজের সহিত তাঁহার ঘনিষ্ঠ সম্বন্ধ স্থাপিত হয়। বি. এ পড়িবার সময় আমেরিকা যাইবার জন্ত তিনি বড়ই আগ্রহান্বিত হইয়াছিলেন; এই নিমিত্ত, পরীক্ষার অব্যবহিত পূর্বেই তাঁহাকে বাটী প্রত্যাহরণ করিবার জন্ত কৌশল করিয়া অলীক টেলিগ্রাম করা হয়; তিনি বাটী আসিলেন—কিন্তু আর পরীক্ষা দেওয়া হইল না।

কার্যক্ষেত্র, সাহিত্য-চর্চা—তদনন্তর কালীপ্রসন্ন, 'নবা-ভারত' সম্পাদক শ্রীযুক্ত বাবু দেবীপ্রসন্ন রায়চৌধুরী প্রভৃতি বন্ধুবর্গের সহযোগিতায় 'ভারত সুহৃৎ' নামক পত্রিকা প্রকাশিত করেন। গবর্ণমেন্টের অধীনে চাকুরী করা অপেক্ষা সাহিত্য-সেবা ও বাণিজ্য ব্যবসায়ের প্রতি তিনি অতিশয় অগ্রসর ছিলেন।

সাত আট বৎসর কাল ব্যবসা করিয়া তিনি বেশ উন্নতিও করিয়াছিলেন। এই সময়ে 'ভারত-বনিক' নামক একখানি সংবাদ পত্র প্রকাশিত করেন। ইতিপূর্বেই ১২৮৮ সালে তিনি দারপরিগ্রহ করিয়াছিলেন। 'দলিত কুসুম' নামক পুস্তক এই সময় প্রকাশিত হয়।

১২৯৩ সালে বিজনী ষ্টেটের সুপারিন্টেন্ডেন্ট নিযুক্ত হইয়া আসামে গমন করেন এবং তথায় মৃত্যুকাল পর্যন্ত ১৫ বৎসর কাল অতীব দক্ষতা ও গাঢ় পরতর সহিত কর্তব্যকার্য্য নির্বাহ করিয়াছিলেন। কার্য্যব্যপদেশে তিনি স্থানীয় জনসাধারণের ও রাজপুরুষদিগের সবিশেষ শ্রদ্ধালাভ করিয়া সক্ষম হইয়াছিলেন।

১৩০৮ সালে 'নবাভারত' পত্রে 'বৃষরযুদ্ধ' নামক সুলিখিত প্রবন্ধ প্রকাশিত হয়। এই প্রবন্ধ সমগ্র প্রকাশিত হইবার পূর্বেই তিনি প্রাণত্যাগ করেন।

১৯০০ খ্রীঃ গবর্ণমেন্ট ও বিজনী ষ্টেটের মধ্যে গ্যারো পর্বতের সীমা নির্ধারণ করিবার সময় কালীপ্রসন্নকে দারুণ পরিশ্রম করিতে হয়; তখন হইতে তাঁহার স্বাস্থ্য ভঙ্গ হইতে আরম্ভ হয়। ১৩০৮ সালের জ্যৈষ্ঠ মাসে অসুস্থ হইয়া কলিকাতায় চিকিৎসার্থ আগমন করেন; যথাসময়ে স্বাস্থ্য উন্নতি হইতেও আরম্ভ হইয়াছিল। কিন্তু অগ্রহায়ণ মাসে বিস্মৃতিকারো প্রাণত্যাগ করেন।

বিবিধ—নানাবিধ বিপদ ও অশান্তির মধ্যে অবস্থান করিয়াও কালীপ্রসন্ন বাবু অবিচলিতভাবে কর্তব্য কার্য্য করিতে কখনই পরাজুখ হন নাই। আনাজ্জনস্পৃহা তাঁহার চিরকালই বলবতী ছিল—তাঁহার পুস্তকাগার সাহিত্য, শিল্প ও বিজ্ঞান বিষয়ক বহু পুস্তকে পরিপূর্ণ ছিল। রন্ধন, সূচীকার্য্য, পশু চাকী পালন, বাগান প্রস্তুত প্রভৃতি কার্য্যেও তিনি পারদর্শী ছিলেন। পরোপকার নিবারণে তিনি উন্মুক্তপ্রাণ ও মুক্তহস্ত ছিলেন। এই নিমিত্ত তিনি অর্থ উপার্জন করিয়াও পরিবারবর্গের নিমিত্ত অর্থ সংগ্রহ করিয়া যাইতে পারেন নাই।

(নবাভারত ১৩০৮/১২-১৮)

### কালীপ্রসন্ন মুখোপাধ্যায়—

বিবিধ সঙ্গীত রচয়িতা।

জন্ম—বীরভূম জেলার অন্তর্গত সিউড়ীর সন্নিকট মঙ্গলডিহি নামক গ্রামে মাতামহাশ্রমে ১২৬২ সালে শ্রাবণ মাসে জন্ম গ্রহণ করেন।

মৃত্যু—১৩০২ সাল ১৭ই ফাল্গুন দোলপূর্ণিমার রাত্রি বীরভূম-সিউড়ীর সন্নিকট আড্ডা নামক গ্রামে নিজ ভবনে জলাতঙ্ক রোগে প্রাণত্যাগ করেন।

বংশতালিকা—১১ দৈবকীন্দন, ১০ লোকনাথ, ৯ বল্লভ ৮ শ্রীরাম, ৭ রাজেন্দ্র, ৬ হরেকৃষ্ণ ৫ কৃষ্ণকান্ত, ৪ রামজয়, ৩ রামধন, ২ ক্ষেত্রনাথ, ১ কালীপ্রসন্ন।

বর্তমান জেলার অন্তর্গত কল্‌সা নামক গ্রামে পিতা ক্ষেত্রনাথের জন্ম-স্থান। তিনি বীরভূম জেলার অন্তর্গত মঙ্গলডিহি নামক গ্রামে বিবাহ করেন। এই গ্রামে মাতামহাশ্রমে কালীপ্রসন্ন জন্ম গ্রহণ করেন। স্মৃতিকারেই তিনি মাতৃহীন হন, এই নিমিত্ত তিনি আশৈশব মাতামহী কর্তৃক প্রতিপালিত হইয়াছিলেন। পিতা ক্ষেত্রনাথ, পুনরায় নিজ স্থালিকার পাণি-গ্রহণ করেন।

কালীপ্রসন্নের মাতামহী সিউড়ীর নিকটবর্তী আড্ডা নামক গ্রামে নিজ ভবনে কালীপ্রসন্নকে লইয়া অবস্থান করিতে লাগিলেন। কালীপ্রসন্ন তাহ সিউড়ী যাতায়াত করিয়া ক্রমে এণ্ট্রান্স পরীক্ষায় উত্তীর্ণ হন এবং সিউড়ী বঙ্গবিদ্যালয়ে চাকুরী গ্রহণ করেন। এই সময় তিনি সিউড়ী নিবাসী পিতার স্বর্গীয় দক্ষিণারজন মুখোপাধ্যায় মহাশয় কর্তৃক সংগৃহীত সুবৃহৎ পাঠ্যনিধান "শব্দজ্ঞানকল্পদ্রুম" সফলনে সহায়তা করিতেন।

সর্বশেষে তিনি মিউজী মিউনিসিপাল আপিসে পঁচিশ টাকা বেতনে  
ট্যাক্স-দারগা ও খাজাজীর পদে নিযুক্ত হইয়াছিলেন।

(‘দক্ষিণারঙ্গন মুখোপাধ্যায়’ দেখুন)

কালীপ্রসন্ন কালীমন্ত্রের উপাসক ছিলেন—তিনি পূর্ণাভিষিক্ত হইয়া  
ছিলেন।

গুরুত্ব, মানস-পূজা, বৈরাগ্য, ব্রহ্ম-সঙ্গীত, শিবসঙ্গীত, আগমনী, কৃষ্ণ  
কালী, কালীকৃষ্ণ, কৃষ্ণ, দুর্গা, গঙ্গা, কালী, ষট্চক্রভেদ প্রভৃতি বিষয়াবলয়  
কালীপ্রসন্ন অতিসুন্দর ভাবপূর্ণ সুমিষ্ট বহুতর গীত রচনা করিয়া গিয়াছেন  
রামপ্রসাদী ও বাউল সুরের গান গুলি অতি সুন্দর। ইহার অধিকাংশ গান  
এখনও অপ্রকাশিত।

কালীপ্রসন্নের হস্তাক্ষর অতি সুন্দর ছিল—তিনি সুন্দর চিত্রাঙ্কণ করিতে  
পারিতেন।

(“রতন লাইব্রেরী পুথী”,—বীরভূমি)

(ক্রমশঃ)

শ্রীশিবরতন মিত্র।

## বায়ু সনে।

(গদ্য-পদ্য)

ভাই বাতাস, তুমি বড় ছুঁই। সারা দিনের পরিশ্রমের পর আমার  
কুটীরের খোলা পিড়ায় জ্যোছনাটি বৃকে করে বেশ ঘুমায়ে পড়েছিলাম।  
তোমার প্রাণে সহিল না। হটাৎ হু হু করে এসে উপস্থিত। জ্যোছনা  
লজ্জায় জড়সড় হয়ে মেঘের আড়ালে লুকায়ে গেল। মোটা মোটা কোঁটা  
কোঁটা বৃষ্টির ছাট মেঝে গা ও বিছানা ভিজিয়ে দিয়ে ঘুম ভাঙালে।  
মুঠিয়ে উঠে কুটীরের মধ্যে ঢুকে দেখি বিছানা এমন ভিজছে যে তা  
আর শোওয়া চলে না। মনে করিলাম রাত্রিটা জেগেই কাটায।  
কৈ তা’পারি? যত রাজ্যের ঘুম আজ আমার চোখে এসেছে—কিছুতে  
চোখ মেলতে পারছি না। কি করি মাটিতেই শুই। ঘুমের কাছে মা  
আর বিছানা?

আবার ঘুম টুকু বেশ ঘোর করে এসেছিল। কিন্তু তুমি এমনি লুকালে  
য গরমের চোটে ঘুম ভেঙ্গে গেল। না, আজ তুমি আমার ঘুমাতে দিবে  
না। এস, তোমার সঙ্গে গল্প করে রাত কাটাই।

আচ্ছা, বল দেখি ফুলের সৌরভ কেন তুমি হরণ কর? কি সুখ পাও?  
কি গৌরব তোমার বাড়ে? যখন তুমি তা’র সৌরভটুকু চুরি করে পালিয়ে  
পাও, তখন কি একবার ভাব যে সে তোমার ব্যবহারে কিরূপ মর্স্নাহত?  
তোমায় পেয়ে সে আহ্লাদে তোমার কাছে হৃদয় খুলে দেয়, আর তুমি তা’র  
খান-নকব লুটে নাও! ছি! এ কাজটা কি ভাল? কি তোমার উপযুক্ত?  
তুমি হয়ত বলিতে পারঃ—“যার সৌরভ আছে, সে কেন তাহা আপন হৃদয়া-  
ভ্যন্তরে লুকায়িত রাখিবে? কেন সে সারা সংসারকে বিলাইয়া লুটাইয়া  
সে সৌরভ সার্থক করিবে না? সে সৌরভ আমি চুরি করি সত্য, কিন্তু  
তাহা জগতের জন্য। তোমরা তাহাকে এত ভালবাসিতে কি যদি আমি  
অকাতরে তাহার সৌরভ তোমাদিগকে বিতরণ না করিতাম? আমি সৌরভ  
চুরি করি বলিয়াই মধুলিহ মধুর সন্ধান পায়। আমার চৌর্য্য পরের জন্ত।  
আমি সঞ্চয়ী নহি, যে সঞ্চয়ী সে বঞ্চক—আপনাকে বঞ্চনা না করিলে, জগৎ-  
তাকে বঞ্চনা না করিলে, সঞ্চয় হয় না। বঞ্চককে বঞ্চনা করি তা’তে পাপ  
কি? স্বীকার করি সঞ্চয়ীর সঞ্চয়নাশে মনস্তাপ হয়। এক জনের হুঃখে  
যদি দশ জনের সুখ হয় তাহাতে দোষ কি? এ পৃথিবীতে হুঃখ-বিরহিত  
সুখ কোথায়? সুখ সৃজন করিতে গেলেই কোথাও না কোথাও হুঃখের উৎ-  
পত্তি অবশ্যস্বাভাবী। তোমাদের রাজধানীর বার্ষিক বিবরণীতে দেখতে পাই,  
কত কত লক্ষ লক্ষ মুদ্রার সম্পত্তি প্রতিবর্ষে অপহৃত হইতেছে। বাহাদের  
সম্পত্তি চুরি যাইতেছে, তাহারা দিন ছুই হার হার করে পরে যে কা সেই।  
বর্ষে বর্ষে যদি ঐ পরিমাণ সম্পত্তি তাহারা স্বেচ্ছায় সাধারণে বিতরণ করিত,  
বর্টন করিত, তাহা হইলে কে কা’র চুরি করিতে চাহিত? যেখানে সঞ্চ-  
য়ের বাড়াবাড়ি, সেইখানে চৌর্য্যেরও বাড়াবাড়ি। ইহা বিধাতার সামঞ্জস্য  
নীতি নহে কি?”

ভাই বাতাস, তোমার ঐ সব কথা না হয় মানিলাম। কিন্তু এ গরীবের  
উপর তোমার এত অত্যাচার কোন সামঞ্জস্য নীতিমূলক?

এই নিদাঘ মধ্যাহ্নে যতই তোমার শীতল সংস্পর্শ কামনা করি, ততই তীব্র  
তাপ তোমার নিকট পাই। আবার শীতের সময়ে গায়ে যেন বরফ ঢানিতে

থাক, আবার থেকে থেকে রেগে কেঁপে উঠে মটকা মেঝে আমার পর্ণ কুটিরের মটকা ভেঙ্গে দাও। এ সকল বাহ্যিক অত্যাচার আমার পক্ষে এক্ষণে সহিয়া গিয়াছে। কিন্তু তোমার আন্তরিক \* অত্যাচার আমাকে ত্রিঃসংগ করিয়া তুলিয়াছে। আমার শৈশব প্রাঙ্গণটী কেমন পরিষ্কার পরিচ্ছন্ন ছিল, কিছু মাত্র আবর্জনা তদায় ছিল না। ভবের মোহমায়াদি ধূলিকঙ্করবালুকায় প্রাঙ্গণখানি এখন জঞ্জালে পরিপূর্ণ। সর্বদাই স্ত্রাবি কিরূপে পূর্ববৎ উৎকর্ষিত সুন্দর হয়। মাঝের মধ্যে কোন উপায়ই পাই না।

মনে সাধ ছিল এ ক্ষুদ্র জীবনতরিখানি উজান বাহিয়া ধীরে ধীরে ঐ যে ওপারে যেখান হইতে ঐ শান্তির আলোক আসিতেছে, ঐখানে বাইয়া সমস্ত জালা যন্ত্রণা জুড়াইব। কিন্তু পশ্চিমাকাশের মেঘের মত আমার ক্ষুদ্র আশ্রয়টুকুকে ফেলাইয়া ফাঁপাইয়া এমন দিগন্ত প্রসারী অন্ধকারে পরিণত করিলে এবং প্রথর ঝঙ্কারবায়ুর সহিত শিলাবৃষ্টি বিভীষিকায় কোথায় ভাগাইয়া আনিলে আমি তাহা কিছুই এক্ষণে ঠিক করিতে পারিতেছি না। যে আলোকটি দেখিয়া জীবনের লক্ষ্য স্থির করিয়াছিলাম, তাহা সেই অন্ধকার কোথায় অন্তর্হিত হইল।

সংসারের রীতিই এই—সমর্থ অসমর্থকে, সবল দুর্বলকে নিগৃহীত করে। তুমি সমর্থ, সবল, আমি অসমর্থ, বলহীন, সুতরাং তোমা কর্তৃক আমি পাঁচ রকমে + উৎপীড়িত হইতেছি, ইহাতে কিছুই নূতনত্ব নাই। কিন্তু আমি জানিতে চাই, আমাকে পীড়ন করিয়া তুমি কি সুখ পাও? যদি পাও তবে আমি তোমার পীড়ন সহ্য করিতে রাজি আছি; আর যদি না পাও তবে আমার সঙ্গে মিশিয়া স্থির, ধীর, শান্ত হও \*।

তুমি হয়ত বলিবে “আমি বড় তুমি ছোট, আমি উচ্চ তুমি নীচ তোমার সহিত এক হইব কেন?”

মানি তুমি বড়, তুমি উচ্চ। কিন্তু যাঁর শক্তির কণা পাইয়া তুমি আপনাদের এই গৌরব করিতেছ, তাঁর কাছে সেই অনন্ত দেবের নিকট, তুমিও যে বৃদ্ধ, আমিও সেই বৃদ্ধ। আমি আজ তোমাকে আশ্রয় করিতে চাই-

\* আন্তরিক অত্যাচার “বাই” সংঘটিত, এ কথা না বলিলেও চলে।

+ প্রাণ, অপান প্রভৃতি পঞ্চ বায়ু।

\* কুস্তক হয় বায়ু স্থির হইলে। তখন আর বানবের চঞ্চলতা থাকে না। তখন মানুষের বশে আসে। এখন আমরা মনের বশ।

তেছি, আর তুমি আশ্রিতকে উপেক্ষা করিতেছ। কাল যদি তোমার আশ্রয় দাতা আকাশ তোমাকে ঐরূপ প্রত্যাখ্যান করে, তাহা হইলে তোমারও যে দশা আমারও সেই দশা। এ কথা ভাবিবার অবসর কি তোমার নাই? বাহিরে তুমি বড় আছ, বড় থাক, আমি ছোট আছি, ছোট থাকি; কিন্তু এস আমরা অন্তরে অন্তরে প্রাণে প্রাণে গোপনে মিশিয়া এক হইয়া থাকি। তোমার কাজ আর আমার কাজ উভয়ে উভয়ের অনুকূল হউক। না, তুমি আমার কোন কথাই শুনিবে না, সারা রাত জাগিয়া আমার বকাই সার হইল। প্রকৃতি যার চঞ্চল, তাঁকে হিত কথাও বলিতে নাই, বলিতে গেলে সে-মিত্রকে শত্রু জ্ঞান করে রেগে ওঠে।

ওই ভোর হয়ে এল। কাক কোকিল ডাকিতে আরম্ভ করেছে। উষা পূর্ব গগনে ধীরে ধীরে স্বীয় প্রভা বিস্তার করিতেছে। ভক্তগণ জেগে প্রভাতী ভজন ধরেছে। রাত্রিতে ঘুমতে পেলাম না দিনের বেলায় এমনি ঘুম আসবে যে অনেক কর্তব্য কাজে অবহেলা, ক্রটি হইবে। যাও ভাই বাতাস! তুমি নিজের কাজে যাও। করুণামিদান ভগবানের পুণ্যময় নাম স্মরণ করে আমিও আমার কাজে যাই। আজিকার মত বিদায়।

শ্রীম—ক।

## লালাবাবু।

অদৃষ্ট চক্রের আবর্তনে পতিত হইয়া মানব এই সংসারে কখন সুখসমীর্ণগমনে পরমানন্দে জীবনযাত্রা নির্বাহ করে, কখন বা দুঃখ-বাটিকায় নিষ্কিপ্ত হইয়া সোণার সংসারকে বিষতুল্য নিরীক্ষণ করিতে বাধ্য হয়। সে সময় কখন তাহার ধনক্ষয় হয়—কখনও তাহার মানাপচয় হয়। এমন কি কখন তাহার অমূল্য জীবন নষ্ট হইবারও উপক্রম হয়। বৃন্দাবনে জৈথরোপাসনার্থ সর্কত্যাগী হইয়া বাস করিতে যাইয়াও লালাবাবুকে সংকার্যের অনুষ্ঠান করিতে করিতে অনেক বার বিপদসংগ্রামে প্রবৃত্ত হইতে হইয়াছিল। আমরা পূর্বে তাঁহার একটা বিপদের উল্লেখ করিয়াছি, এক্ষণ পুনরায় আর এক অভিনব বিপদের কথা প্রকাশ করিব।

এক সময় বৈষ্ণবিক ব্যাপারে ভরতপুররাজ লালাবাবুর প্রতি বিশেষ ক্রুদ্ধ



হইয়া তাঁহার শিরশ্ছেদনের অনুমতি প্রদান করেন । তদনুসারে কতকগুলি লোক বৃন্দাবনে লালাবাবুর আবাসে উপনীত হয় । লালাবাবু ভীত হইয়া প্রাণ রক্ষার নিমিত্ত লুকায়িত হন । রসোড়া-নিবাসী রাধামোহন ঘোষ নামক এক ব্যক্তি বৃন্দাবন বাসের নিমিত্ত লালাবাবুর নিকট অবস্থিতি করিতেন । তিনি অতি সুপুরুষ ছিলেন, ভরতপুররাজের প্রেরিত পদাতিকবৃন্দ লালাবাবুর অবর্তমানতায়—তাঁহাকেই লালাবাবু ভাবিয়া হত্যা করিয়া ফেলে এবং মস্তক ছেদন করিয়া লইয়া তাহাদের প্রভুর নিকট প্রদান করে । বলা বাহুল্য যে, ভরতপুররাজ শত্রুর নিপাতে বিশেষ আনন্দিত হন ।

ইতিপূর্বে লালাবাবু একবার বৃন্দাবনের জনৈক প্রধান ভক্ত কৃষ্ণদাস বাবাজীর নিকট শিষ্যত্ব গ্রহণ করিতে গমন করেন, কিন্তু লালাবাবু তখনও তাঁহার শিষ্যের উপযুক্ত গুণপণার অধিকারী হইতে পারেন নাই বলিয়া কৃষ্ণদাস লালাবাবুকে অনেক উপদেশ প্রদান করেন । অতঃপর তাঁহার অনুমতিক্রমে লালাবাবু ভরতপুর রাজের নিকট (অরিপুরে) ভিক্ষার্থ গমন করেন, সেই সময় লালাবাবু ভরতপুর রাজকে আত্মপরিচয় প্রদান করিলে ভরতপুররাজ তাঁহার বহুবিধ সদগুণের পরিচয় পাইয়া তাঁহার প্রতি বিশেষ সন্তুষ্ট হন । এবং এরূপ সাধু-প্রকৃতির মনুষ্যকে তিনি একদা সামান্য কারণে বা অকারণে বিনাশ করিতে কৃতসংকল্প হইয়া ও তাঁহার অলীক মৃত্যুতে আনন্দ প্রকাশ করিয়াছিলেন বলিয়া মনে মনে অত্যন্ত দুঃখিত হন । ভরতপুররাজ এই সময় লালাবাবুকে কৃষ্ণচন্দ্রিমার সেবার নিমিত্ত ভিক্ষা-স্বরূপ অনেকগুলি ভূমি প্রদান করিয়াছিলেন ।

দেব প্রতিষ্ঠাদি কার্য সম্পাদনান্তে লালাবাবু বাল্যকাল হইতে যে উদ্দেশ্য মহৎ এবং প্রিয়তম ভাবিয়া আত্মশিব হৃদয়ে পোষণ করিয়া আসিতেছিলেন, তৎসাধনার্থ কৃতসংকল্প হন ।

এইবার আমরা লালাবাবুর বৃন্দাবনে শেষ জীবনের কঠোর ব্রত পালন এবং অসাধারণ ত্যাগ স্বীকারের কিঞ্চিৎ পরিচয় পাঠকগণকে প্রদান করিয়া প্রবন্ধের উপসংহার করিব ।

ক্রমশঃ ।

শ্রীশ্রীশচন্দ্র চট্টোপাধ্যায় ।

# বীরভূমি

মাসিক পত্রিকা ও সমালোচনী ।

মে ১৩ ]

ভাদ্র, ১৩১২

[ ২ম সংখ্যা ।

শ্রীনীলরতন মুখোপাধ্যায় বি, এ,

সম্পাদিত ।

সূচী ।

১।	বৈজ্ঞানিকের ভুল নহে । (শ্রীজানকীনাথ শাস্ত্রী বি, এল, )	৩২১
২।	লালাবাবু । (শ্রীশ্রীশচন্দ্র চট্টোপাধ্যায়) ... ..	৩২৭
৩।	বঙ্গীয় সাহিত্য-সেবক । (শ্রীশিবরতন মিত্র) ... ..	৩৩৫
৪।	স্মৃতি । (শ্রীপ্রিয়নাথ বন্দ্যোপাধ্যায়) ... ..	৩৪৭
৫।	রঙ্গলাল বাবুর গান । ... ..	৩৪৯
৬।	ভক্তজীবনী । (শ্রীবণওয়ারিলাল গোস্বামী) ... ..	৩৫১
৭।	বর্ণাশ্রম । (শ্রী প্রসন্নকুমার চট্টোপাধ্যায়) ... ..	৩৫৭

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

ব্যায়ে বীরভূম জেলার অন্তর্গত

কীর্ত্তহার গ্রাম হইতে

শ্রীদেবিদাস ভট্টাচার্য্য বি, এ

কর্ত্তক প্রকাশিত ।

২রা ভাদ্র -- ১৩১২ ।

বটফ্রুফ পালের

# এডওয়ার্ডস স্পেসিফিক ম্যালেরিয়া স্পেসিফিক

ম্যালেরিয়া ও সর্ববিধ জ্বররোগের একমাত্র  
মহৌষধ ।

অদ্যাবধি সর্ববিধ জ্বর-রোগে  
এমত আশু শান্তিকারক মহৌষধ আবিষ্কার হয় নাই ।

লক্ষ লক্ষ রোগীর পরীক্ষিত

মূল্য—বড় বোতল ১০, প্যাকিং ও ডাকমাশুল ১ টাকা।  
ছোট বোতল ৫ আনা, ঐ ঐ ৫ আনা।  
রেলওয়ে কিম্বা পীমার পার্শ্বলে লইলে খরচা অতি সুলভ হয়।

এডওয়ার্ডস

লিভার এণ্ড স্পিন অয়েন্টমেন্ট

অর্থাৎ প্লীহা ও যকৃৎের অব্যর্থ মলম ।

প্লীহা ও যকৃৎ নির্দোষে আরাম করিতে হইলে আমাদের “এডওয়ার্ডস টনিক বা য়্যাণ্টি ম্যালেরিয়াল স্পেসিফিক” সেবনের  
সঙ্গে সঙ্গে উপরোক্ত পেটের উপর প্রাতে ও বৈকালে  
মালিশ করা আবশ্যিক । যতই বর্দ্ধিতায়তনের প্লীহা,

যকৃৎ বা অগ্রমাস হউক না কেন, ইহা নিয়মি-

রূপে মাসেককাল মালিশ করিলে, এক-

বারেই কমিয়া যাইবে । এই মলম

মর্দন দ্বারা আশু ফল পাইবেন ।

মূল্য প্রতি কোটা ১০ ছয় আনা । ডাঃ মাঃ স্বতন্ত্র লিপে  
পত্র লিখিলে কমিশনের নিয়মাদি সস্বকীয় অগ্রাণু জ্ঞাতব্য বিষয় অবগত হই

সোল্ এজেন্টস্ ; = বটফ্রুফ পাল এণ্ড কো

৭ ও ১২ নং বনফিল্ডস লেন, চীনা বাজার—(কলিকতা)

# বীরভূমি

১৩১২]

ভাদ্র, ১৩১২

[ ২য় সংখ্যা ]

বৈজ্ঞানিকের ভুল নহে ।

অপূর্ণতা ও অজ্ঞতা ।

( পূর্ব প্রকাশিতের পর )

আমরা ইতিপূর্বে দেখাইয়াছি যে, অসীম অনন্ত পরব্রহ্ম বিকাশ প্রাপ্ত  
বার ইচ্ছা করিয়া, এক হইতে বহুরূপে জন্মবার ইচ্ছা করিয়া, ইচ্ছাশক্তি  
রচালন দ্বারা প্রকাশিত হইয়াছেন, সান্ত ও সসীম (১) হইয়াছেন । সৃষ্টির  
দিতে তিনি ইচ্ছা করিলেন, তিনি সঙ্কল্প করিলেন, “আমি বহু হইয়া  
ম,” তাহা হইতে এই পরিদৃশ্যমান ব্রহ্মাণ্ড (২) । অসীম ও অনন্ত ব্রহ্ম  
প্রকাশিত অবস্থায় চিন্তার অগম্য, দর্শনের ও শ্রবণের অগম্য, তিনি অশব্দ,  
পূর্ণ, অরূপ, অব্যয় । পরমব্রহ্ম প্রকট হইবার ইচ্ছা বা সঙ্কল্প করামাত্র  
সসীমাবদ্ধ হইলেন, প্রকাশিত হইলেন, মায়া ( ব্রহ্ম বাহার দ্বারা পরিমিত  
সীমাবদ্ধ হইলেন, যথা নাম ও রূপ ) দ্বারা আবদ্ধ হইলেন । তিনি তাঁহার  
ম ও অনন্ত অবস্থা হইতে একাংশমাত্র প্রকাশিত হইলেন । শ্রীভগবান্  
বলিয়াছেন—“আমি এই অখিল বিশ্ব আমার একাংশ দ্বারা ধারণ  
আছি ।” (৩) স্মতরাং যদিও এই বিপুল বিশ্ব অপ্ৰকাশিত, অসীম,  
পরব্রহ্ম হইতেই বিকাশ প্রাপ্ত হইয়াছে, তথাপি তাঁহার ব্যক্তিত্ব নষ্ট  
হই, তিনি অপ্ৰাকৃত ( প্রকৃতি বা সৃষ্টির অতীত ) অবস্থা হইতে সম্পূর্ণ

অন্তবস্ত ইমে দেহা নিত্য ম্যোক্তাঃ শরীরিণঃ । (গীতা ২।১৮)

তদৈক্ষত বহুস্যাং প্রজায়ের । (উপনিষদ)

বিষ্টভ্যাহমিদঃ কৃৎস্নমেকাংশেন স্থিতো জগৎ । (গীতা ৩।৪২)

রূপে প্রাকৃত (সৃষ্ট) অবস্থার সহিত মিশিয়া যান নাই। (He is not merged in his works)। উপনিষদ্ এই বিষয় উদাহরণ দ্বারা বুঝাইতে চেষ্টা করিয়াছেন। যেমন পিতা হইতে পুত্র জন্মে, মনুষ্য দেহে রোমাবলি জন্মে, পৃথিবীতে ঔষধি বৃক্ষাদি পর্কত জন্মে, উর্গনাভ স্বীয় দেহাভ্যন্তর হইতে তন্তু বাহির করিয়া জাল প্রস্তুত করে, কিন্তু পিতা, দেহ, পৃথিবী ও উর্গনাভের ব্যক্তিত্ব নষ্ট হয় না। পরমব্রহ্মের সৃষ্টিকর্তৃত্ব নৃষক্ষে এই বিশেষত্ব যে তিনিই উপাদান কারণ (যেমন মৃত্তিকা ঘটের উপাদান কারণ) এবং তিনিই নিমিত্ত কারণ (যেমন কুন্তকার ঘটের নিমিত্ত কারণ)।

আমরা পূর্ব প্রবন্ধের শেষে বলিয়াছি যে, বেদান্ত ও পাশ্চাত্য বিজ্ঞান এক সূত্রে গ্রথিত। এই বিষয় কিছু স্পষ্টীকৃত করিতে চেষ্টা করিতেছি। পাশ্চাত্য দার্শনিক প্লেটো বলেন, এক অপ্রত্যক্ষ, অতি সূক্ষ্ম, বিখোপাদান জড়ের আদিম সত্তা হইতে ঐ বিশ্ব প্রসূত হইয়াছে। সাংখ্যদর্শন তাহাকে প্রকৃতি বা প্রধান বলেন। হার্বার্ট স্পেন্সার তাহাকে অনন্তকাল স্থায়িনী মহাশক্তি বলেন (Everlasting energy)। বেদান্ত একটু উর্দ্ধে গমন করিয়া বলেন, এই প্রকৃতি সত্ত্ব, রজ ও তম এই তিন গুণময়ী অর্থাৎ তিনটি গুণ বা ব্রহ্মের বিশেষ শক্তি। শক্তি ও শক্তিমান্ অভেদ, অগ্নির চিন্তা করিতে হইলেই দাহিকা শক্তির এবং দাহিকা শক্তির চিন্তা করিতে হইলেই অগ্নির চিন্তা করিতে হয়। শক্তি স্বীকার করিলেই শক্তিমানের অস্তিত্ব স্বীকার হইয়া পড়ে। এই তিন গুণ বা শক্তি যখন ব্রহ্মে সাম্যাবস্থায় থাকে, অর্থাৎ একটী অপরটিকে পরাভূত করিয়া প্রবলতর হইতে পারে না, তখন ব্রহ্মের প্রকাশ হয় না, ব্রহ্মের বহু হইবার ইচ্ছা হইলেই এই গুণসাত্য ভঙ্গ হয় ও ব্রহ্ম প্রকাশিত হয়েন, অর্থাৎ শক্তির দ্বারা শক্তিমান্ প্রকাশিত হন। ইহা বিজ্ঞানসম্মত।

আলোকের ও অন্ধকারের জ্ঞান, উষ্ণতার ও শৈত্যের জ্ঞান পরস্পর সাপেক্ষ। যেখানে শুধু আলোক, সম্পূর্ণ আলোক, অসীম অনন্ত আলোক সেখানে আলোক অপ্রকাশিত। এইরূপ সম্পূর্ণ অন্ধকার, সম্পূর্ণ উষ্ণতা সম্পূর্ণ শৈত্য অপ্রকাশিত। যেমন Negative বিদ্যুৎ ও Positive বিদ্যুৎ একত্র থাকিলে তাহা প্রকাশিত হয় না, সেইরূপ নিরবচ্ছিন্ন আলোক অন্ধকার, নিরবচ্ছিন্ন উষ্ণতা ও শৈত্য একত্র অবস্থান করিলে, একটী অপরটিকে অপেক্ষা প্রবলতর না হইলে কেহই প্রকাশিত হইতে পারে না। পরব্রহ্ম

যখন মায়া বা প্রকৃতি লীন থাকেন, অর্থাৎ সত্ত্ব, রজ ও তমগুণ সকলেই সম্পূর্ণ অবস্থায় থাকে, তখন সকলেই অপ্রকাশিত, অচিন্তনীয়, অশব্দ, অস্পর্শ, অরূপ, অব্যয়। ইহারই নাম পরব্রহ্ম, নিরাকার অর্থাৎ আকার অপ্রকাশিত। বাস্তবিক “আকার নাই” ইহা হইতে আকার জন্মিল, এ কথা সম্পূর্ণ ভুল। বিজ্ঞান ও দর্শন সমন্বয়ে বলেন—“না সত্তো বিদ্যাতে ভাবো না ভাবো বিদ্যাতে সত্তঃ,” যাহা নাই তাহা হইতে কিছুই জন্মিতে পারে না, বাহ্য আছে তাহারও একান্ত বিনাশ হইতে পারে না। আমরা সাধারণতঃ স্থূল দৃষ্টির অগোচর অতি সূক্ষ্মাকারকে নিরাকার বলিয়া থাকি, বাস্তবিক “নাই” কখনও অস্তিত্ব হয় না। এখানে বলিয়া রাখা উচিত যে, সাংখ্যদার্শনিকগণের মতে সত্ত্ব, রজ ও তমগুণ মহাগুণ পদার্থ।

এখন দেখা যাইতেছে যে, অসীম অনন্ত পরব্রহ্ম অপ্রকাশিত, তাঁহার কোন চিন্তা বা জ্ঞান সম্ভবে না। পরব্রহ্ম জ্ঞান ও চিন্তার বিষয়ীভূত হইলেই তিনি বিকাশিত, সীমাবদ্ধ, মায়াবদ্ধ হইলেন। যে মায়া দ্বারা তিনি পরিমিত হইয়া সীমাবদ্ধ হন, তাহা কি? সে মায়া—নাম ও রূপ। আকাশ বা ইথার তাহাই বলুন তাহা মায়া। এই মায়া অর্থে অস্তিত্ব হীন ভাব বা চিন্তা নহে, মায়া বা প্রকৃতি ব্রহ্মের প্রকাশকারিণী শক্তি।

সত্ত্ব, রজ ও তম গুণকে প্রকৃতি বলে। আবার সৎ, চিত্ত ও আনন্দ এই তিন শক্তিকে সধিৎ, সন্ধিনী ও হ্লাদিনী শক্তি বলে, এই শক্তির শক্তিমানই সৃষ্টিদানন্দময় পুরুষ। পরম পুরুষ বা পরমাত্মার এই তিন শক্তিই জগৎ প্রকাশিত করিয়া কার্য্য করিতেছেন। হিন্দুদিগের ব্রহ্মা, বিষ্ণু ও মহেশ্বর ও পরম পুরুষ বা পরমাত্মার সত্ত্ব, রজ ও তম গুণের বিকাশাবস্থা। এক পরমাত্মাই তাঁহার অংশ বিশেষ দ্বারা তিন আত্মা (ব্রহ্মা, বিষ্ণু, মহেশ্বর) রূপে বিরাজিত। এই তিন আত্মা একই পরমাত্মার তিন ভাব।

এখন একবার বিজ্ঞানের দিকে দৃষ্টিপাত করুন। মনে করুন, একটী মানব দেহ বর্তমান রহিয়াছে। এই দেহে ঐ তিনটী আত্মা বা পরমাত্মার তিন ভাবই কার্য্য করিতেছে। যাহাকে আমরা মানবাত্মা (জীবাত্মা) বলি, তাহা মন, বুদ্ধি অহঙ্কার দ্বারা গঠিত। ইহা বাতীত জড়াত্মা ও সর্ব পদার্থের শৃঙ্খলাকারী আত্মা (organism) কার্য্য করিতেছেন। শরীরের কোন অঙ্গ হেদিত হইলে চতুর্দিকে মাংস বুদ্ধি প্রাপ্ত হইয়া সেই ভিন্ন স্থান পূর্ণ করে, ইহা জড়াত্মার কার্য্য। প্লীহা ও যকৃৎ, ও অন্যান্য শারীরিক যন্ত্রের

কার্য, শ্রবণেন্দ্রিয় ও দর্শনেন্দ্রিয় এবং মস্তিষ্কের ভিতর চিন্তা গ্রহণের শক্তি কার্য (প্যালী সাহেব যাহাকে ডিজাইন্ বুলেন) শৃঙ্খলাকারী আত্মার দ্বারা সম্পাদিত হয়। কোন লতিকা গাছে উঠিবার জন্ত তাহার অগ্রভাগ কোঁকড়াইয়া বড়সীর রকম করে, ইহাও আত্মার কার্য। এই তিন আত্মাই মনো-ধর, বিষ্ণু ও ব্রহ্মা। জড়বাদিগণের এই তিন আত্মার কোন না কোন একটির মধ্যে আসিতেই হইবে।

পরম ব্রহ্ম বিকাশ প্রাপ্ত হইবার ইচ্ছা করিয়া আকাশ বা সূক্ষ্ম ইথার তাহা হইতে প্রকটিত করিয়া আত্মারূপে তন্মধ্যে অনুপ্রবিষ্ট হইলেন। আকাশ হইতে মরুৎ, তাহা হইতে তেজ, তাহা হইতে অপ্ ও তাহা হইতে ক্ষিতি হইল। কিরূপে হইল? আকাশের গুণ শব্দ তন্মাত্র, অর্থাৎ শব্দ বা সূক্ষ্ম আকাশের গুণ হইতে আকাশ, এইরূপে অত্যাগ্র তন্মাত্র হইতে মরুৎ, তেজ, অপ্ ও ক্ষিতি হইল। ইহা সাংখ্য ও বেদান্তের সৃষ্টি প্রক্রিয়া। এই ক্ষিতি অপ্, তেজ, মরুৎ ও ব্যোম, এই কয়েকটির মধ্যেই উক্ত তিন আত্মা বা পরমাত্মার ভাব আছে, তাহা না থাকিলে ইহাদের অস্তিত্বই সম্ভবে না। ইহার বিকাশ প্রাপ্ত হইতে পারে না, এবং নিরবচ্ছিন্ন সত্ত্ব-আত্মা, রজ-আত্মা, ও তম-আত্মা থাকিতেই পারে না।

পরব্রহ্ম হইতে ক্রমবিকাশের পদ্ধতি ক্রমে জড় জগতে স্থূল ক্ষিতি, সূক্ষ্ম অপ্, স্থূল তেজ, স্থূল মরুৎ ও স্থূল আকাশ বা ইথার হইল। ইহার একই পদার্থের ভিন্ন ভিন্ন অবস্থামাত্র অথবা একই শক্তির বিভিন্ন স্পন্দনমাত্র। স্থূল পদার্থ ব্যতীত তদনুরূপ সূক্ষ্ম ও সূক্ষ্মতর, তদপেক্ষা সূক্ষ্মতর ও সূক্ষ্মতম ক্ষিতি অপ্, তেজ, মরুৎ, ব্যোম আছে। প্রাণশূত্র, অস্তিত্বশূত্র কিছুই নাই থাকিতেও পারে না। যাহাকে আমরা সাধারণতঃ প্রাণী বলিয়া থাকি তাহার মধ্যে পর্বত, খনিজ পদার্থ, উদ্ভিদ, কীট পতঙ্গ, মৎস্য, পক্ষী, পশু, মানব, প্রেত, গন্ধর্ব্ব, দেবতা, উচ্চ শ্রেণীস্থ দেব, অসুর প্রভৃতি আছেন। পরব্রহ্ম হইতে ক্রমে সমস্তই বিকাশ প্রাপ্ত হইয়া নিম্নে নামিয়াছে ও ক্রমে উন্নত হইয়া উর্দ্ধে উঠিতেছে, ইহাই সৃষ্টিরহস্য।

এখন মনুষ্য শরীর ও মনুষ্য আত্মা সম্বন্ধে কিঞ্চিৎ আলোচনা করা যাউক। মানব দেহ একটা ক্ষুদ্র ব্রহ্মাণ্ড, অথবা বিশ্ব ব্রহ্মাণ্ডের সার সংগ্রহ। আত্মা বা কোষ বাতীত আত্মা বিকাশিত (Manifested) হইতে পারেন না। মনুষ্য তিনটি শরীর অথবা পাঁচটি কোষ যুক্ত জীবাত্মা। যাহারা বলেন, এই

দেহই মানব, যাহারা বলেন সূক্ষ্ম দেহই মানব, যাহারা বলেন প্রাণই মানব, যাহারা বলেন মনই মানব, যাহারা বলেন বুদ্ধিই মানব, যাহারা বলেন বিজ্ঞানই মানব, তাহারা সকলেই আংশিক সত্যমাত্র প্রচার করেন। এই সমস্ত একত্র মিলিত হইয়া যে জীব গঠিত হয়, তাহাই মানব। হিন্দু-দর্শনের যোগ শাস্ত্র মনকে সর্বতোভাবে বিশ্লেষণ করিয়া যাহা পাইয়াছেন, বিজ্ঞান তাহার ভ্রম প্রদর্শন করিতে পারেন নাই।

আত্মা ও Soul এক একা নহে। "The soul is the human intellect, the link between the divine spirit in man, and his lower personality. ক্রমোন্নতির দ্বারা মনুষ্যের নিজের ব্যক্তিত্ব সম্বন্ধে একটা অহং জ্ঞান জন্মে। ইতর প্রাণীর তাহা হয় না। এই অহংকার ও মনুষ্যের বুদ্ধি ও পরমাত্মা যিনি মনুষ্যের মধ্যে বাস করেন, এই কয়েকটি মিলিয়া মনুষ্য জ্ঞান অভিহিত হন। পরমাত্মা ও অহংকারের মধ্যবর্তী বুদ্ধিকে Soul বলে। সুতরাং সমস্ত প্রাণীরই জীবাত্মা আছে সত্য, কিন্তু মনুষ্যের নিম্নস্থ প্রাণিবর্গের Soul নাই ও অহংকারও নাই। কিন্তু কতক কতক উত্তর প্রাণীর অহং জ্ঞান জন্মিতেছে (যেমন গৃহপালিত কুকুর, অশ্ব, হস্তী ইত্যাদি)। ইতর প্রাণীর, মনুষ্যের আয় বুদ্ধি জন্মে নাই। স্মরণশক্তি, চিন্তাশক্তি, ভাগ্য শক্তি, বিচারের শক্তি প্রভৃতি একত্র মিলিত হইয়া বুদ্ধি শক্তি হয়। ইতর প্রাণীর সুখ ও দুঃখ ক্ষণস্থায়ী, কুকুরের অঙ্গবিশেষ ছেদন করিলে তৎপরেই আহাৰ করে। জড় ও ইতর প্রাণীর মধ্যে জড়াত্মা অধিক কার্যক্ষম। ইহা জড় দেখা যায়, ইতর প্রাণীর গাত্রে কিম্বা অসভ্যজাতীয় লোকের গাত্রে কান আঘাত লাগিলে তাহা অল্প সময়ের মধ্যে আরোগ্য হয়। বহুদর্শিতার দ্বারা বুদ্ধি জন্মে। ইতর প্রাণী অভ্যাসের উপর বেশী নির্ভর করে। সে হা হউক, এখন মানবাত্মা কি, তাহাই দেখা যাউক। মানবাত্মা কি, তাহা হইলে, মানব জীবনের উদ্দেশ্য কি, তাহাও জানা যায়।

বৈদান্তিকেরা আত্মার পঞ্চকোষের (Sheaths) বিষয় উল্লেখ করেন। এই পঞ্চ আবরণের মধ্যে সর্ববহিঃস্থ আবরণ স্থূল শরীর। ইহা পিতৃমাতৃ-কৃত অন্নের বীৰ্য্য ও শোণিত দ্বারা উৎপন্ন হয় এবং অন্নের দ্বারা পুষ্ট ও বর্দ্ধিত হয়, এই জন্য ইহার নাম অন্নময় কোষ। তৎপরবর্তী কোষ প্রাণময়, ইহা প্রাণ (প্রাণ, অপান, সমান, ব্যান ও উদান) বায়ুদ্বারা ও পঞ্চ কার্যেন্দ্রিয় (চক্ষু, শ্রবণ, পানি, পাদ, পায়ু ও উপস্থ) দ্বারা গঠিত। তৎপরবর্তী কোষ মনো-

ময়, ইহা মন ও পঞ্চজ্ঞানেন্দ্রিয় (চক্ষু, কণ, নাসিকা, জিহ্বা ও ত্বক) দ্বারা গঠিত। তৎপরবর্তী কোষ বিজ্ঞানময়, ইহা বুদ্ধি ও পঞ্চ জ্ঞানেন্দ্রিয় দ্বারা গঠিত। তৎপরবর্তী কোষ আনন্দময় কোষ। এই কোষ জ্ঞান বিজ্ঞানের অতীত বিশুদ্ধ প্রীতি, আমোদ আনন্দময়। অন্তময় ও প্রাণময় কোষদ্বারা মনুষ্যের সূক্ষ্মদেহ, প্রাণময় ও মনোময় কোষ দ্বারা সূক্ষ্ম বা লিঙ্গশরীর বা কাম শরীর (desire body) গঠিত হয় এবং মনোময় ও বিজ্ঞানময় কোষদ্বারা কারণ শরীর গঠিত হয়। আনন্দময় কোষ পরমাশ্রী ও জীবাশ্রীর পার্থক্য রক্ষা করে মাত্র, ইহা অতীত সূক্ষ্ম। যাঁহারা জ্ঞানের উপাসক, তাঁহারা বিজ্ঞানময় কোষ ধ্বংস করিয়াই পরমাশ্রীর সহিত সংযুক্ত হইতে ইচ্ছা করেন। যাঁহারা ভক্তির বা পরমপ্রেমের উপাসক, তাঁহারা জ্ঞান অজ্ঞানের পরে শুধু আনন্দময় কোষে অবস্থান করিয়া পরমাশ্রী ও জীবাশ্রীর বৈত ভাব স্থির রাখেন, তাঁহারা দ্বৈতবাদী। মানব জীবনের উদ্দেশ্য এই পঞ্চকোষকে সম্পূর্ণ উন্নত করা। সর্ব প্রথমে অন্তময় কোষকে উন্নত করিতে হইবে। তাহা করিতে হইলে বিশুদ্ধ আহার, বিহার ও কর্ম করিতে হইবে। তৎপর প্রাণময় কোষকে রাজযোগের প্রাণায়াম দ্বারা উন্নত করিতে হইবে। তৎপর মনোময় কোষকে উন্নত করিতে হইলে বিশুদ্ধ চিন্তা ও শুদ্ধ কামনা বা পবিত্র বাসনা দ্বারা করিতে হইবে। তৎপর বিজ্ঞানময় কোষকে জ্ঞান চর্চার দ্বারা ও চৌষটি কলা অভ্যাস দ্বারা উন্নত করিতে হইবে। আনন্দময় কোষকে উন্নত করিতে হইলে ভক্তিযোগ দ্বারা করিতে হইবে। ভক্তিযোগ কি? উত্তর—নববিধ মাধনাথ্য ভক্তি। মানব জীবনের প্রয়োজন কি? উত্তর—প্রেম। প্রেম লাভের উপায় নববিধ ভক্তি। এই প্রেম কোন্ মানবের প্রয়োজন? উত্তর—যে মানব নিজের সহিত শ্রীভগবানের সম্বন্ধ ও দ্বৈতভাব অক্ষুণ্ণ রাখে। ভগবানের সহিত জীবের নিত্য সম্বন্ধ কি? উত্তর—জীব ভগবানের নিত্য দাস।

সমাপ্ত

শ্রীজানকীনাথ পাল।

## লালাবাবু।

বৈষ্ণব মাতেই মথুরাস্তর্গত গোবর্দ্ধনের পবিত্রতা সম্বন্ধে বিশেষরূপ অবগত আছেন। তথাকার রমণীয়তা বিশেষ উল্লেখ যোগ্য। গিরি-গোবর্দ্ধন সমন্থ্য তরুলতা বক্ষে ধারণ করিয়া কি এক অপূর্ব শোভাই ধারণ করিয়া হিমাছে। কোথাও ঘনসম্মিষ্ট নিম্ববৃক্ষ, কোথাও তমাল বৃক্ষ-রাজি, কোথাও বা কদম্ব তরুদল সুদীর্ঘ শাখা প্রশাখা বিস্তার করতঃ সর্বদাই জননো-লোচনের তুষ্টি সম্পাদনে নিয়োজিত রহিয়াছে। কোথাও বিহঙ্গের মধুর কলধ্বনি, কোথাও সমীরণের মৃহল হিলোল প্রদান করিয়া গোবর্দ্ধন সর্বদাই প্রকৃতির সেবায় অগ্রসর হইতেছে। স্থানে স্থানে গিরিগুহার ঈশ্বর-পারায়ণ ষোগিবৃন্দ ধ্যানমগ্ন রহিয়া গোবর্দ্ধনের পবিত্রতা বর্দ্ধন করিতেছেন। শ্রীকৃষ্ণের পাদপদ্ম চিন্তার নিমিত্ত সন্ন্যাসিবৃন্দ যে যে উপকরণ প্রার্থনা করেন, গোবর্দ্ধন তাহাদের মধ্যে অনেকগুলি প্রদান করিতে সমর্থ; সুতরাং সংসার বরাগীর ঈশ্বরোপাসনার নিমিত্ত এতদপেক্ষা উৎকৃষ্ট স্থান বৃন্দাবনে অতি সুলভই আছে, সন্দেহ নাই। তাই পরমভক্ত বৈষ্ণবচূড়ামণি লালাবাবু ঈশ্বরোপাসনার্থ গোবর্দ্ধনকেই বাসোপযুক্ত বলিয়া স্থির করিয়াছিলেন। তথায় লালাবাবুর কুঞ্জ প্রস্তুত হইল; তিনি মৃত্যুকাল পর্য্যন্তই সে কুঞ্জে অবস্থিতি করিয়াছিলেন।

লালাবাবু গোবর্দ্ধনে স্থায়ী কুঞ্জের নিকটে 'জায়েন' মন্দির নামক একটি উৎকৃষ্ট মন্দির ও তন্মধ্যে 'রংজী' নামক একটি প্রতিকৃতির প্রতিষ্ঠা করেন।

লালাবাবু পূর্ব হইতেই কৃষ্ণদাস বাবাজীকে যথার্থ এবং পরম ষোগী স্থানে বিশেষ ভক্তি করিতেন; লালাবাবুর প্রতিও তাঁহার আন্তরিক যথেষ্ট শ্রদ্ধা ছিল। সেই কারণ লালাবাবু উক্ত সন্ন্যাসীর নিকট শিষ্যত্ব গ্রহণ করিয়াছিলেন। তাহা শ্রবণ করিলে মনুষ্য মাত্রকেই স্তুতি হইতে হয়। তিনি অতুল ঈশ্বরের অধীশ্বর হইয়াও বৃন্দাবনে ভিক্ষুকবেশে গৃহস্থের দ্বারে দ্বারে ভ্রমণ করিয়াছিলেন, তাঁহার ভাণ্ডারে জীবের উদরানল নিরীণোপযোগী সমুদয় উপকরণ বর্তমান থাকিতেও তিনি কতদিন অভুক্ত থাকিতে অনুমাত্র কষ্ট অনুভব করিতেন না। পরের উদর পূরণ জন্য যিনি

সর্বদাই প্রস্তুত থাকিতেন এবং নিজের সুখের আহাৰ্য্য পরের ভোগের নিমিত্তই যিনি উৎসর্গ করিয়া মনের প্রীতি সম্পাদন করিতেন, দেবদ্বিজ অতিথি-সেবা বাঁহার জীবনের মুখ্য ব্রত ছিল, তিনি কিরূপ প্রকৃতির মনুষ্য ছিলেন, তাহা অনায়াসেই মানব মাত্রেই অনুমেয় ।

কৃষ্ণদাসের শিষ্যত্ব গ্রহণ করিয়া লালাবাবু প্রথমতঃ প্রসাদ ভোজন করিতেন । অতঃপর সে আহাৰ্য্য ত্যাগ করিয়া তিনি মাধুকরী (অর্থাৎ মধুকরেরা) ধরূপ নানা পুষ্প হইতে মধু সংগ্ৰহ করিয়া উদর পূরণ করিয়া থাকে, সেইরূপ ভিন্ন ভিন্ন গৃহস্থের বাটী হইতে ভিক্ষালব্ধ খাদ্য সংগ্রহ ) দ্বারা নিজের ক্ষুধা নিবৃত্তি করিতেন । লালাবাবু ষতই চেষ্টা করুন না কেন, তাঁহার সেই উদর পূর্তির জন্য তাঁহাকে কখনই অধিক বাটীতে ভিক্ষার্থে গমন করিতে হইত না ।

প্রত্যহ লালাবাবুর আহাৰ্য্যের নিমিত্ত অতি সুন্দর সুন্দর রুটী প্রস্তুত করিয়া ব্রজবাসিগণ তাঁহার আগমন-পথ নিরীক্ষণ করিত । অদ্যাপি ব্রজধামে একপ্রকার রুটী প্রস্তুত হয়, তাহা "লালাবাবুর রুটী" নামে বিখ্যাত । তিনি বাঁহার বাটী ভিক্ষার্থ যাইতেন, তিনিই তাঁহাকে প্রচুর খাদ্য দ্রব্য প্রদান করিতেন ; সেই কারণে তিনি পরে প্রত্যহ আর একাধিক গৃহে গমন করিতেন না । তাহাতেও তাঁহার দিনেকের জন্তও উদর পূরণের ব্যাঘাত ঘটে নাই । শত চেষ্টা করিয়াও লালাবাবু তাঁহার প্রতি সাধারণের সহানুভূতির পথে কণ্টকারোপে অপারগ হইতেন । অতঃপর তিনি সন্ধ্যার সময় কখনোই দেহে গুপ্তবেশে কোন এক গৃহস্থের আলয়ে ভিক্ষার্থ গমন করিতে আরম্ভ করেন । এইরূপে কোন এক সময়ে সহসা কোন এক গৃহস্থের আলয়ে ভিক্ষার্থ গমন করিয়া যদি কিছু পাইতেন ভালই, নতুবা অভুক্ত হইয়াই কুণ্ডে প্রত্যাবৃত্ত হইতেন । পরিশেষে লালাবাবু আহাৰ্য্য পরিত্যাগ করিয়া ফলমূল, তৎপর গুড় পত্র চর্কণ দ্বারাই জীবন কাটাইতে আরম্ভ করিয়াছিলেন । এবং স্পষ্টকারে লালাবাবু স্বীয় রসনা ও উদরকে নিজের দাসত্বে নিয়োগ বিষয়ে সফল কাম হইয়াছিলেন । যোগের এমনি প্রভাব, সন্ন্যাসীর এমনই পরাক্রম । মনুষ্য যে রসনার তৃপ্তি সাধনার্থ দিবারাত্রি পরিশ্রম করিতেছে, উদরের নিমিত্ত বাহার ক্ষণমাত্র বিশ্রামের অবসর নাই, লালাবাবু কিরূপে সেই উদরকে আয়ত্ব করিয়াছেন, অস্মাদৃশ অজ্ঞানের হৃদয়ে অবশ্য এ প্রশ্ন উদ্ভিত হওয়া অসম্ভব নহে । যে শক্তি লাভ করিয়া লালাবাবু উক্ত ক্ষমতার অধিকারী হইয়াছিলেন, তাহা লাভ করা অনায়াসসাধ্য নহে । সেই অপূর্ব শক্তি

লাভের নিমিত্তই যোগী ঋষিগণ সর্বদাই ধ্যান-নিমগ্ন, সেই শক্তি লাভের নিমিত্তই মনুষ্যকে স্বার্থত্যাগরূপ মহামন্ত্রে দীক্ষিত হইতে হয় । সেই শক্তি লাভের নিমিত্তই সংসারের সুখ, স্ত্রী, পুত্র, ধন, সম্পত্তি সমস্তই বিস্মৃত হইয়া তরুতল ও গিরিগুহা বা নির্জন প্রদেশের আশ্রয় গ্রহণ করিতে হয় । লালাবাবু বহুদিন হইতে সাধনা করিয়াই এই সিদ্ধিলাভ করিতে সমর্থ হইয়াছিলেন ।

শেষ জীবনে লালাবাবু আর কোন সংসারী লোকের সহিত মিলিতেন না । একদা বৃন্দাবনের শেঠ বংশোদ্ভব পারকজী, লালাবাবুর সহিত গোবর্দ্ধনে সাক্ষাৎ করিবার ইচ্ছা করিয়া তাঁহার নিকট সংবাদ প্রেরণ করিলে লালাবাবু বলিয়া পাঠান যে "যদি তিনি ( পারকজী ) সন্ন্যাসীর বেশে আসিতে পারেন, তাহা হইলেই অভ্যর্থিত হইবেন, নতুবা নহে ।"

ব্যাপার এই যে, পারকজীও বৈষ্ণব ধর্ম গ্রহণ করিতে ইচ্ছা করিয়াছিলেন, কিন্তু লালাবাবু যখন শ্রেষ্ঠীকে তাঁহার অনুগমনের কথা জিজ্ঞাসা করেন, তখন তিনি অস্বীকৃত ও পশ্চাৎপদ হন । সম্ভবতঃ তখন পর্যন্ত পারকজী সংসারসুখ বিস্মৃত হইতে পারেন নাই । হয়ত অর্থ তাঁহার নিকট তখনও সন্ন্যাস জীবন অপেক্ষা মধুর বলিয়া অনুমিত হইয়াছিল । সন্ন্যাসধর্ম গ্রহণের পর লালাবাবু সংসারাসক্ত মনুষ্যের সহিত কথাবার্তা কহিতে নিতান্ত যে অনিচ্ছুক ছিলেন, তাঁহার মৃত্যু কাহিনীই ইহার জ্বলমান দৃষ্টান্ত ।

গোয়ালিয়রের মহারাণী গোবর্দ্ধনে লালাবাবুর সহিত সাক্ষাৎ করিতে গিলে লালাবাবু তাঁহার সহিত আলাপ করিতে অনভিপ্রায় প্রকাশ করেন । যাহা হউক, যখন মহারাণী লালাবাবুকে পরম সাধু জ্ঞানে তাঁহার পূর্ণ প্রণিপাত করিবার নিমিত্ত আগ্রহ প্রকাশ করেন, তৎকালে লালাবাবু মহারাণীর নিকট হইতে দ্রুতপদে পলায়ন করেন । সেই সময় সহসা মহারাণীর অশ্ব লালাবাবুকে পদাঘাত করে ! সেই আঘাতেই লালাবাবু মলশায়ী হন । অতঃপর অগ্রাণ্ড ভক্তবৃন্দ তাঁহাকে ধরাধরি করিয়া তাঁহার গোবর্দ্ধনস্থ কুঞ্জে লইয়া যান । অল্প সময়ের মধ্যেই তাঁহার গুরু-বর অঙ্কে শয়ন করিয়া রাধাকৃষ্ণের যুগলমূর্তি সন্দর্শন করিতে করিতে ৪৮ সালে জ্যৈষ্ঠ মাসের শুক্লপক্ষীয় দ্বিতীয়া তিথিতে \* ৪৬ বৎসর বয়সে, \* কথিত আছে, মৃত্যুকালে লালাবাবুকে তাঁহার গুরুদেব জিজ্ঞাসা করেন, বৎস, তুমি এখন কি দেখিতেছ? তাহাতে তিনি উত্তর করেন 'গুরো, ৬ কৃষ্ণচন্দ্রমাজিও ৩

ভক্তপ্রবর সাধু লালাবাবু, মর্ত্যলোক হইতে চিরদিনের জন্য বিদায় গ্রহণ করেন। এতাদৃশ সাধুর অসাময়িক মৃত্যুতে কিয়ৎক্ষণের জন্য জগৎ যেন নিশ্চল হইল, প্রকৃতি দেবীর শোভা মলিন হইয়া গেল, সমীরণের জীড়া বন্ধ হইল, পক্ষিকুল স্তম্ভিত হইয়া অরবে বৃক্ষশাখায় উপবেশন করিল।

নূনাধিক অশীতি বর্ষ হইল, লালাবাবু স্বর্গে গমন করিয়াছেন, কিন্তু ভারতবাসী কেন তাঁহার নাম বিস্মৃত হইতে পারিতেছে না? কেন অত্যাধিক প্রত্যহ উত্তর ভারতে সেই পবিত্র নামের বিজয় ঘোষণা হইতেছে? লালাবাবুর অলৌকিক ধর্ম্মানুরাগ-জনিত সংকীর্ণিত্বই তাঁহার নামের স্মৃতি জাগরিত করিতেছে। বিপুল ঐশ্বর্যের অধিপতির অলোকসামাগ্র স্বার্থত্যাগই অন্যাপি আবালবৃদ্ধবনিতার অন্তঃকরণে লালাবাবুর নাম স্মরণ করাইয়া দিতেছে। জগৎ হইতে একটী রত্ন বিলুপ্ত হইলে পুনরায় কোন ক্রমেই সেরূপ আর একটী রত্ন দৃষ্ট হয় না। পাঠক! আর কয়টী রাজা রামকৃষ্ণ দেখিতে পাইতেছ? আর কয়জন লালাবাবু তোমার দৃষ্টিগোচর হইতেছে?

লালা বাবুর মৃত্যু কাহিনী আলোচনা করিলে আমরা একটী উৎকৃষ্ট বিষয়ের উপদেশ লাভে সমর্থ হই। যদি পৃথিবীতে পাপ পুণ্যের অস্তিত্ব সম্ভবে, যদি মনুষ্য পাপ ও পুণ্য কার্য সম্পন্ন করিয়া তাহাদের ফলভোগে সমর্থ হয়, তাহা হইলে সে ফলভোগ মানবের ইহ জন্মে নহে, পরজন্মে। এ কথা মিথ্যা হইলে লালাবাবুর কখনই অকালে অশ্বপদাঘাতে অপমৃত্যু সংঘটিত হইত না।

লালাবাবুর এই আকস্মিক অপমৃত্যুর কারণ সম্বন্ধে অসম্মদেশে একটী অন্তঃসারবিহীন জনশ্রুতি প্রচলিত আছে। মনুষ্য অনায়াসে মনুষ্যের মৃত্যুর কারণ স্থির করিয়া দিয়াছে, ইহা অপেক্ষা আর আশ্চর্য্য কি? যাহা হউক, আমরা সাধারণের অবগতির নিমিত্ত প্রসঙ্গক্রমে সেই জনশ্রুতি উল্লেখ করিতেছি। “দেবগণের মর্ত্যে আগমন” নামক পুস্তক লালাবাবু মৃত্যু প্রসঙ্গে এ জনশ্রুতির পোষকতা দৃষ্ট হইয়া থাকে।

লালাবাবুর আমলে বৃন্দাবন পর্য্যন্ত রেল পথ প্রস্তুত হয় নাই, সে কারণ তিনি নৌকারোহণে বৃন্দাবন ধাম গমন করিয়াছিলেন। জনশ্রুতি রাধাবল্লভজীকে দর্শন করিতেছি। এ কথা শুনিয়া গুরুদেব বলেন, বৎস ভাল করিয়া দেখি, তাহাতে লালাবাবু বলিয়াছিলেন যে “রাধাকুণ্ডের ঘাটে রাধাকৃষ্ণ উভয়ে পাশা করিতেছেন, ইহা দেখিতেছি।”

এই যে, “পৃথি মধ্যে বারাণসীর ঘাটে পৌঁছিয়া তিনি (লালাবাবু) স্বীয় নৌকার আবরণ (পরদা) ফেলাইয়া দিবার অনুমতি প্রদান করিয়াছিলেন। তাহার কারণ এই যে, বৈষ্ণবের শৈব তীর্থ ক্ষেত্র কাশী দর্শন অমুচিত বিবেচনায় লালাবাবু স্বতঃপ্রবৃত্ত হইয়া স্বীয় লোচনদ্বয়কে কাশী দর্শন বিষয়ে বঞ্চিত করিয়াছিলেন। এই পাপেই তাঁহার অপমৃত্যু ঘটে। বলা বাহুল্য যে, জনশ্রুতির অসাধ্য কিছুই নাই। হিন্দুশাস্ত্রজ্ঞ সুধী পরম ভক্ত বৈষ্ণবচূড়ামণি লালাবাবু এইরূপ অশাস্ত্রীয় ভ্রান্ত বিশ্বাসের বশবর্তী হইয়া যে শৈবগণের প্রতি বিদ্বেষ প্রকাশ করিয়া সুপবিত্র কাশী দৃশ্য দর্শনে বঞ্চিত হইয়াছিলেন, এ কথা উপর কখনই আস্তা স্থাপন করা যায় না। তাঁহার বৈষ্ণব শাস্ত্রে বিশেষ অধিকার আছে, তিনি নিশ্চয়ই জানেন যে—

“পরাম্পর তরং যান্তি নারায়ণপরায়ণঃ।

নতে তত্র গমিযান্তি যে দ্বিষন্তি মহেশ্বরং ॥

যোমাং সমর্চয়েং নিত্যমেকান্তং ভাবমাশ্রিতঃ।

বিনিন্দিন দেবমীশানং স যান্তি নরকায়ুতং ॥

অনুব্র চ

মন্তুক্তঃ শঙ্করদেবী মদেবী শঙ্করপ্রিয়ঃ।

উভৌ তৌ নরকং যাতৌ যাবচ্ছত্র দিবাকরৌ ॥

১৪শ বিলাসঃ। ৬৫। হরিভক্তি বিলাসঃ।

অনুবাদ :—স্বয়ং ভগবানই বলিয়াছেন যে, নারায়ণ-পরায়ণ ব্যক্তিগণ বকুষ্ঠ ধামে গমন করেন, এ কথা যথার্থ কিন্তু যদি তাঁহারা মহেশ্বরের প্রতি বিদ্বেষ প্রকাশ করেন, তাহা হইলে উক্ত ধামে গমনে সক্ষম হন না।

একান্ত ভাবাশ্রয় করিয়া যে সর্বদাই আমার পূজা করে, কিন্তু ঈশ্বরের নিন্দা করিয়া থাকে, সে অযুত সংখ্যক নরকে গমন করে।

অনুব্রও যদি আমার ভক্ত শঙ্কর দেবী হয় এবং শঙ্কর ভক্ত আমার প্রতি বিদ্বেষ প্রকাশ করে, তাহা হইলে উভয়েই চন্দ্র সূর্য্যের স্থিতিকাল পর্য্যন্ত নরক যন্ত্রণা ভোগ করিয়া থাকে ॥ ৬৫ ॥

অতএব হয় শীর্ষ পঞ্চরাত্রে।

শ্রীহরিহর প্রতিষ্ঠায়াং শ্রীভগবতৈ চোক্তং।

ষঃ শিবঃ সোহহমেবেহ যো ইহং স ভগবান্ শিবঃ

নানয়ো রণ্ডরং কিঞ্চিদাকাশা নিলয়োরিব ॥

বহুচ পরিশিষ্টে ॥

শিবায় বিষ্ণুরূপায় শিবরূপায় বিষবে ।  
শিবস্ত হৃদয়ং বিষ্ণুর্বিষ্ণোস্ত হৃদয়ং শিবঃ ॥

১৪ বিলাসঃ । ৬৬ । হরিভক্তি বিলাস ।

অতএব হয় শীর্ষ পঞ্চরাত্রে শ্রীহরির প্রতিষ্ঠায় শ্রীভগবান কহিয়াছেন—  
যিনি শিব তিনিই আমি, যিনি আমি তিনিই শিব যেমন আকাশ ও বায়ু  
অর্থাৎ কারণের সহ কার্যের ভেদ নাই, সেইরূপ আমাদেরও অভিন্ন জানিবো।

বহুচ পরিশিষ্টে শিবরূপী বিষ্ণু ও বিষ্ণুরূপী শিব শিবের হৃদয় বিষ্ণু ও  
বিষ্ণুর হৃদয় শিব ॥৬৬ ॥

শ্রীভগবানুবাচ ।

অহং ব্রহ্মাচ সর্বশ্চ জগতঃ কারণং পরং ।

আত্মেশ্বর উপদ্রষ্টা স্বয়ং দৃগ বিণেষণ ॥

৪৭ শ্লোক শ্রীমদ্ভাগবতম ৪৬ । ৭ম ।

আমাকে যে জগতের আদি কারণ আত্মা, ঈশ্বর, সমস্ত বিষয়ের দায়ী  
ভেদ ভ্রান্তি বিহীন বলিয়া দর্শন করিতেছে, সেই আমি, ব্রহ্মা এবং শিব।

তান্নিন ব্রহ্মণ্য দ্বিতীয়ে কেবলে পরমাত্মনি ।

ব্রহ্ম রুদ্রৌচ ভূতানি ভেদেনাজ্জোহনু পশ্যতি ॥

৪৯ শ্লোক । শ্রীমদ্ভাগবতম ।

৪৯ শ্লোক । ৭ম ।

আমি একমাত্র অদ্বিতীয়, পরমাত্ম স্বরূপ এবং পরব্রহ্ম । অজ্ঞান ব্যক্তি  
ব্রহ্মা, মহাদেব ও ভূতনিচয়কে আমা হইতে ভিন্ন বলিয়া দর্শন করে !

ত্রয়াণামেক ভাবানাং ঘোন পশ্যতি বৈভিদাং ।

সর্ব ভূতানুগাং ব্রহ্মণ্ স শান্তিমধিগচ্ছতি ॥

৫১ শ্লোক । শ্রীমদ্ভাগবতম ।

৪৯ শ্লোক । ৭ম ।

ব্রহ্মা শিব এবং আমি আমরা এক এবং সকল ভূতের আত্মা ।  
আমাদের মধ্যে পার্থক্য না দেখেন, অর্থাৎ তিনকই এক দেখেন,  
ব্রহ্মণ, তিনিই শান্তি লাভে সমর্থ হইয়া থাকেন ।

তথাহি

কথং বা ময়ি ভক্তিং স লভতাং পাপপুরুষঃ ।

যো মদীয়ং পরং ভক্তং শিবং সম্পূ জয়েন্নহি ॥

যে আনার পরম ভক্ত শিবের সম্যক্ প্রকারে পূজা না করে, সেই পাপ  
পুরুষ কিরূপে আমাতে ভক্তি লাভ করিবে ?

“শ্রীবদনে কৃষ্ণচন্দ্র বোলেন আপনে ।

শিব যে না পূজে সেবা মোরে পূজে কেনে ?

শ্রীচৈতন্যভাগবত । ৪র্থ অধ্যায় ।”

মোর প্রিয় শিব প্রতি অনাদর যার ।

কেনতে বা মোরে ভক্তি হইবে তাহার ॥

অন্ত্য খণ্ড । শ্রীচৈতন্য-ভাগবত (৪র্থ অধ্যায় ।

অনুত্র চ—

যঃ শিবঃ সোহমেবেহ যোহং স ভগবাস্তিতঃ ।

নাবয়ো রন্তরং কিঞ্চিদাকাশানিলয়োরিব ॥

যেই শিব সেই আমি, যেই আমি সেই শিব । আকাশের সহিত অনি-  
লের যেরূপ পার্থক্য আমার সহিত শিবেরও সেই পার্থক্য ।

শিবস্ত্রীবিষ্ণোর্বা ইহ গুণ নামাদি সকলং ।

ধিয়া ভিন্নং পশ্চৈৎ অথনু হরিনামাহিতকরঃ ॥

যে শিবের ও শ্রীবিষ্ণুর নামে, গুণে ভেদজ্ঞান করে, সে নিশ্চয়ই হরি-  
নামের অহিত করে ।

লালাবাবুর স্বর্গ গমনের পূর্ক হইতেই তাঁহার পত্নী বিখ্যাতা রাণী কাত্যা-  
নী কান্দী রাজসম্পত্তির রক্ষণাবেক্ষণ করিতেছিলেন । লালাবাবুর মৃত্যুর  
ময় তাঁহার একমাত্র পুত্র শ্রীনারায়ণ সিংহের বয়ঃক্রম ত্রয়োদশ বর্ষ মাত্র,  
স সময় রাণী কাত্যায়নীই পুত্রের অভিভাবক নিযুক্ত হইয়াছিলেন । রাণী  
কাত্যায়ণীর সময়ে কান্দীর রাজপেট্ আরও উন্নত হইয়াছিল । রাণী  
কাত্যায়ণী সংকার্য্য ও পরোপকারব্রতে যথেষ্ট অর্থব্যয় করিতেন । শ্রীনারা-  
য়ণ সিংহ তিনটি দার পরিগ্রহ করিয়াছিলেন, কিন্তু দুঃখের বিষয়, কাহারই  
ভে পুত্র সন্তান জন্মে নাই । তাঁহার রামমোহিনী ও শ্যামমোহিনী নামে কন্যা  
ছিলেন । \* এবং তাঁহার জীবদ্দশাতেই দ্বিতীয়া পত্নীর মৃত্যু হয় । শ্রীনারায়ণ  
সিংহ তাঁহার প্রথম+ ও তৃতীয়া পত্নীদ্বয়কে পোষ্যপুত্র গ্রহণের অনুমতি প্রদান

+ ইনি মুর্শিদাবাদে ঝাঁকুরাণী নামে বিখ্যাত ছিলেন । ইঁহার নাম তারাসুন্দরী,  
নি পাঁচখুপীর স্বর্গীয় বাবু নিত্যানন্দ ঘোষ হাজরার কন্যা ।

\* পাঁচখুপীর স্বনামপ্রসিদ্ধ জমীদার স্বর্গীয় কালিদাস ঘোষের সহিত প্রথমার ও কৃষ্ণ-  
পাল ঘোষ মৌলিকের সহিত দ্বিতীয়ার বিবাহ হয় ।



করিয়াছিলেন, তদনুসারে জ্যেষ্ঠা পত্নী রশোড়া নিবাসী কৃষ্ণসুন্দর ঘোষের (রাণীকাত্যায়ণীর ভ্রাতার) দ্বিতীয় পুত্র হরিমোহন (পরে প্রতাপচন্দ্র) ও কনিষ্ঠা পত্নী তৃতীয় পুত্র রামমোহনকে (পরে ঈশ্বরচন্দ্র) দত্তক পুত্ররূপে গ্রহণ করেন। ইহাদের দ্বারাও কান্দীর রাজ সম্পত্তির যথেষ্ট পুষ্টি সাধিত হয়। প্রতাপচন্দ্র অনেক সংকার্য সম্পন্ন করিয়াছিলেন এবং তজ্জন্মই তিনি গভর্ণ-মেন্টের নিকট হইতে “রাজাবাহাদুর” উপাধি লাভ করেন। শিক্ষা বিষয়ে প্রতাপচন্দ্রের যথেষ্ট অনুরাগ ছিল। কান্দীর ইংরাজী বিদ্যালয় প্রতাপচন্দ্রের কীর্তি ঘোষণা করিতেছে। প্রতাপচন্দ্রের গিরিশচন্দ্র, পূর্ণচন্দ্র, কান্তিচন্দ্র, ও শরচ্চন্দ্র নামে চারি পুত্র এবং প্রভাবতী, লীলাবতী ও প্রিয়ম্বদা (১) নামে তিন কন্যা ছিলেন, পুত্রগণের মধ্যে এখন শরচ্চন্দ্রই জীবিত। কান্দীর গিরিশচন্দ্র দাতব্য চিকিৎসালয় স্বর্গীয় রাজা গিরিশচন্দ্রের সাধারণ হিতকর কার্যে আসক্তির পরিচয় প্রদান করিতেছে। রাজা পূর্ণচন্দ্রের সতীশচন্দ্র ও শ্রীশচন্দ্র নামক দুই পুত্র। কিছুদিন গত হইল শ্রীশচন্দ্র কঠিন রোগাক্রান্ত হইয়া অকালে দেহত্যাগ করিয়াছেন।

আমরা মধ্যে মধ্যে সতীশচন্দ্রের দানশীলতার কথা শুনিতে পাই। কান্তিচন্দ্র ও গিরিশচন্দ্র অপুত্রক। গিরিশচন্দ্র পূর্ণচন্দ্রের কনিষ্ঠ পুত্র শ্রীশচন্দ্রকে দত্তকপুত্র রূপে গ্রহণ করিয়াছিলেন। ঈশ্বরচন্দ্রের ইন্দ্রচন্দ্র ও অমরচন্দ্র নামক দুইটি পুত্র ও কৃষ্ণকামিনী (২) নামে এক কন্যা জন্মে। অমরচন্দ্র বাল্যাবস্থাতেই কালকবলে পতিত হন। অল্পদিন হইল ইন্দ্রচন্দ্রও ইহুগণের পরিত্যাগ করিয়াছেন। ইন্দ্রচন্দ্র দুইটি বিবাহ করেন, তাঁহার জীবিতাবস্থাতেই প্রথমা পত্নীর মৃত্যু ঘটে, উক্ত পত্নীর গর্ভে একটীমাত্র কন্যা হইয়াছিল তাঁহার নাম সরস্বতী (৩)। ইন্দ্রচন্দ্রের কনিষ্ঠা স্ত্রী সাহিত্য জগতে সুপরি-

(১) পাঁচখুপীর বুনীয়াদী জমীদার বংশীয়, নব্রশীল শ্রীযুক্ত বাবু পূর্ণানন্দ ঘোষ মহাশয়ের সহিত ইঁহার (প্রিয়ম্বদার) বিবাহ হয়। কয়েক বৎসর হইল প্রিয়ম্বদা অকালে ইহলোক হইতে বিদায় গ্রহণ করিয়াছেন। তাঁহার মৃত্যুতে তাঁহার একমাত্র স্বর্গীয় কন্যা কৃষ্ণকুমারী “ছহিতার বিলাপ” নামক একখানি কবিতা পুস্তক রচনা করিয়াছিলেন।

(২) জজানের জমীদার শ্রীযুক্ত বাবু কৃষ্ণধন ঘোষ মহাশয়ের সহিত ইঁহার বিবাহ হইয়াছে।

(৩) পাঁচখুপীর মৌলিক বংশীয়, কুলে শীলে, রূপে গুণে ও বিদ্যায় সর্ব্বাংশে শ্রেষ্ঠ জমীদার শ্রীযুক্ত বাবু শরচ্চন্দ্র ঘোষ মৌলিক মহাশয়ের সহিত সরস্বতীর বিবাহ হয়। সরস্বতী অল্প বয়সেই বহুগুণের অধিকারিণী হইয়াছিলেন। স্বদেশের প্রতি তাঁহার যথেষ্ট মনো-

ভক্তি ও লক্ষ্য প্রতিষ্ঠা লেখিকা রাণী মৃগালিনী বর্তমান \* “প্রতিধ্বনি” “কল্লোল-লিনী” “নির্ঝরিণী” প্রভৃতি কয়েকখানি ইঁহার লিখিত কবিতা পুস্তক আছে। ইঁহার গর্ভে সন্তান সন্ততি জন্মে নাই। ইন্দ্রচন্দ্র ইঁহাকে পোষ্য পুত্র গ্রহণের অনুমতি দেওয়ায় ইনি ইঁহার ভ্রাতাকে দত্তক পুত্র গ্রহণ করিয়াছেন; তাঁহার নাম অরুণচন্দ্র। আজকাল কান্দীর রাজবংশীয়েরা কলিকাতার অধিবাসী। কোন কোন ব্যক্তি মহোৎসবাদি উপলক্ষে কেহ কেহ কচিং কান্দীতে আগমন করেন মাত্র।

শ্রীশ্রীশচন্দ্র চট্টোপাধ্যায়।

## বঙ্গীয় সাহিত্য-সেবক।

কালীপ্রসন্ন সিংহ—

“মহাভারত” (মূল সংস্কৃত হইতে বঙ্গভাষায় গদ্যানুবাদ,—পুরাণ-সংগ্রহে স্বাবলীর অন্তর্গত ১ম গ্রন্থ), “ছতোম প্যাচার নক্সা,” “বিক্রমোর্কশী” (সংস্কৃত নাটকের বঙ্গানুবাদ) রচয়িতা, এবং ‘পরিদর্শক’ নামক পত্রিকা সম্পাদক।

বংশ পরিচয়—স্বর্গীয় কালীপ্রসন্ন সিংহ, কলিকাতার অন্তর্গত ঘোড়া-

বাড়ী ছিল। কিন্তু দুঃখ ও পরিতাপের বিষয় এই যে অল্প দিন হইল সেই আদর্শ মহিলা কালে দেশের লোককে কাঁদাইয়া, পবিত্রচেতা স্বামীর হৃদয়ে দুঃখ বাতনা প্রদান করিয়া লোক হইতে বিদায় গ্রহণ করিয়াছেন। তাঁহার সত্যেন্দ্রনারায়ণ নামক একটা পুত্র ও লেশকুমারী এবং কনককুমারী নামী দুই কন্যা বর্তমান।

\* ১৯০৫ সালের ১৫ই জুন তারিখে, নানাধিক অষ্টাবিংশ বৎসর বয়সে, মৃগালিনী ১৭২ সালের ৩ আইনানুসারে) বৈধব্য দশায়, বিখ্যাত ধর্মপ্রচারক স্বর্গীয় কেশবচন্দ্রের দ্বিতীয় পুত্র শ্রীযুক্ত নির্মলচন্দ্র সেনকে পতিত্বে বরণ করিয়াছেন। সময় অতীত হইয়া গিয়াছে, স্মরণ্য আর আমরা এ সম্বন্ধে অধিক কিছু বলিতে চাহি না, তবে এইমাত্র বলিতে পারি যে, আমরা মহাত্মা লালাবাবুর গুণপণায় বিমুগ্ধ হইয়া মনোমুগ্ধ হইয়া গিয়াছি। তাঁহার মুখবন্ধ লিখিতে আরম্ভ করিয়াছিলাম, সহসা লালাবাবুর প্রপৌত্র-বধূ (?) মৃগালিনীর কার্যে লালাবাবুর পবিত্র কুল কলঙ্কিত হইতে দেখিয়া গভীর দুঃখের সহিত আমাদের হৃদয় এই পুস্তকের উপসংহার করিতে হইল।

সাঁকোর সুবিখ্যাত কায়স্থ জমীদার বংশে জন্মগ্রহণ করেন। ইহার প্রপিতা-  
মহাশয় শান্তিরাম সিংহ, মার্ টমাস রম্বেল্ড ও মিঃ মিডলটনের নিকট মুর্শীদাবাদ  
ও পাটনায় দেওয়ানী কর্ম করিতেন। শান্তিরাম সিংহের দুই পুত্র ১ প্রাণ  
কৃষ্ণ ও ২ অক্ষয়কৃষ্ণ। অক্ষয়কৃষ্ণের পুত্র নন্দলাল। নন্দলাল সিংহ, স্বর্গীয় কালী  
প্রসন্ন সিংহ মহাশয়ের জনক।

সমগ্র অষ্টাদশ পর্ব মহাভারতের বঙ্গানুবাদ, স্বর্গীয় কালীপ্রসন্ন সিংহ  
মহাশয়ের মহীয়সী কীর্তি। বহু কৃতবিদ্য পণ্ডিতমণ্ডলীর সহায়তায় ক্রমিক  
আট বৎসরকাল ( ১৭৮০—১৭৮৮ শক ) পরিশ্রমের পর এই অনুবাদ কাব্য  
সুসম্পন্ন হয়। এই বিরাট ব্যাপারে যে বিপুল অর্থব্যয় হইয়াছিল, তাহা  
বলাই বাহুল্য। সিংহ মহাশয় এই “মহাভারত” গ্রন্থ বিনামূল্যে বিতরণ  
করিয়াছিলেন।

“১৭৮০ শকে সংকীর্তি ও জন্মভূমির হিতানুষ্ঠান লক্ষ্য করিয়া ৭ জন কৃতবিদ্য সদ-  
শ্রেণীর সহিত আমি মূল সংস্কৃত মহাভারত বাঙ্গালা ভাষায় অনুবাদ করিতে প্রবৃত্ত হই। তৎ-  
কালে এই আট বর্ষকাল প্রতিনিয়ত পরিশ্রম ও অসাধারণ অধ্যবসায় স্বীকার করিয়া বিখ্যাত  
জগদীশ্বরের অপার কৃপায় অদ্য সেই চির সঙ্কলিত কঠোর ব্রতের উদ্‌ঘাপন স্বরূপ মহা-  
ভারতীয় অষ্টাদশ পর্বের মূলানুবাদ সম্পূর্ণ করিলাম। অনুবাদিত গ্রন্থ কতদূর সাধারণ  
হৃদয়গ্রাহী হইয়াছে, তাহা গুণাকর পাঠকবৃন্দ ও সহৃদয় সমাজ বিবেচনা করিবেন। তবে  
সাহস করিয়া এই মাত্র বলিতে পারি যে, অনুবাদ সময়ে মূল মহাভারতের কোন স্থানই  
পরিত্যাগ করি নাই ও উহাতে আপাতরজন অনুলক কোন অংশই সন্নিবেশিত হয় নাই।  
অথচ বাঙ্গালা ভাষার প্রসাদ গুণ ও লালিত্য পরিরক্ষণার্থ সাধ্যানুসারে যত্ন পাইয়াছি এবং  
ভাষান্তরিত পুস্তক সকলে সচরাচর যে সকল দোষ লক্ষিত হইয়া থাকে, সে গুলির নিবারণ  
বিলক্ষণ সচেষ্ট ছিলাম।

\* \* \* \* \*

“আমি বহু বয়ে, আসিয়াটিক সোসাইটির মুদ্রিত এবং সভাবাজারের রাজবাটীর, মৃত বা  
আগুতোষ দেবের ও শ্রীযুক্ত বাবু যতীন্দ্রমোহন ঠাকুরের পুস্তকালয়স্থিত, তথা আমার প্রপিতা  
মহাশয় দেওয়ান ৮ শান্তিরাম সিংহ বাহাদুরের কাশী হইতে সংগৃহীত হস্তলিখিত পুস্তক সমূহ  
একত্র করিয়া বহু স্থানের বিরুদ্ধ ভাবের ও ব্যাসকূটের সন্দেহ নিরাকরণ পূর্বক অনুবাদ  
করিয়াছি। এ বিষয়ে সংস্কৃত বিদ্যামন্দিরের সুবিখ্যাত অধ্যাপক শ্রীযুক্ত তারানাথ তর্ক-  
বাচস্পতি মহাশয় আমাকে যথেষ্ট সাহায্য করিয়াছেন। তিনি এরূপ না করিলে মহাভারত  
দুরবগাহ কূটার্থের কখনই প্রকৃষ্টানুবাদ করণে সমর্থ হইতাম না। \* \* \*

“মহাভারতানুবাদ সময়ে অনেক স্থলে অনেক কৃতবিদ্য মহাত্মার নিকট আমাকে ভূমি  
সাহায্য গ্রহণ করিতে হইয়াছে। তন্মিহিত তাঁহাদিগের নিকট চির জীবন কৃতজ্ঞতা পাশে

হলাম। আমার অধিতীয় সহায় পরম শ্রদ্ধাপদ শ্রীযুক্ত ঈশ্বরচন্দ্র বিদ্যাসাগর মহাশয় স্বয়ং  
মহাভারত অনুবাদ করিতে আরম্ভ করেন এবং অনুবাদিত প্রস্তাবের কিয়দংশ কলিকাতা  
মাজের অধীনস্থ তত্ত্ববোধিনী পত্রিকায় ক্রমাগত প্রচারিত ও কিয়দংশ পুস্তকাকারেও  
প্রকাশিত করিয়াছিলেন। কিন্তু আমি মহাভারতের অনুবাদ করিতে উদ্যত হইয়াছি শুনিয়া,  
স্বয়ং অবশ্য হইয়া সরল হৃদয়ে মহাভারতানুবাদে ক্ষান্ত হন। বাস্তবিক, বিদ্যাসাগর মহা-  
শয় অনুবাদে ক্ষান্ত না হইয়া আমার অনুবাদ হইয়া উঠিত না। তিনি কেবল অনুবাদেচ্ছা  
প্রকাশ করিয়া নিশ্চিন্ত হইয়া যান, অবকাশানুসারে আমার অনুবাদ দেখিয়া দিয়াছেন ও  
সময়ে আমি যখন অলাবুরলক্ষে কলিকাতায় অনুপস্থিত থাকিতাম, তখন স্বয়ং আসিয়া  
আমার মুদ্রাবস্তুর ওয়াই ছিলেন। তত্ত্বাবধারণ করিয়াছেন। ফলতঃ বিবিধ বিষয়ে বিদ্যা-  
সাগর মহাশয়ের পরামর্শে আমি যে প্রকারে উপকৃত হইয়াছি, তাহা বাক্য বা  
স্বাক্ষর দ্বারা নির্দেশ করা যায় না।

“এতদিন আমার হৃদয়ে বাক্যবেরা ও কলিকাতার অধিতীয় পৌরাণিক শ্রীযুক্ত  
তর্কবাগীশ, শ্রীযুক্ত রাজা বামনকৃষ্ণ বাহাদুর, শ্রীযুক্ত বাবু যতীন্দ্রমোহন ঠাকুর, শ্রীযুক্ত  
রাজেন্দ্রলাল মিত্র, সোমপ্রকাশ সম্পাদক শ্রীযুক্ত দ্বারকানাথ বিদ্যাভূষণ, প্রেসিডেন্সী  
মাজের বাঙ্গালা সাহিত্যাধ্যাপক শ্রীযুক্ত বাবু রাজকৃষ্ণ বন্দ্যোপাধ্যায় ও তত্ত্ববোধিনী পরি-  
ষদের ভূতপূর্ব সম্পাদক শ্রীযুক্ত বাবু নবীনকৃষ্ণ বন্দ্যোপাধ্যায়, নীলদর্পণ নাটক প্রভৃতির  
সম্পাদক শ্রীযুক্ত দীনবন্ধু মিত্র ও ভাস্কর সম্পাদক শ্রীক্ষেত্রমোহন বিদ্যারত্ন প্রভৃতি মহাত্মারা  
আমার সময়ে সংপরামর্শ ও সদভিপ্রায় দ্বারা আমাকে যথেষ্ট সাহায্য করিয়াছেন এবং সুহৃদয়  
শ্রীযুক্ত মাইকেল মধুসূদন দত্ত অনুবাদিত ভাগ হইতে উৎকৃষ্ট প্রস্তাব সকল সংগ্রহ করিয়া  
আমাকে পদ্যে ও নাটকাকারে পরিণত করিতে প্রতিশ্রুত হইয়া আমাকে বিলক্ষণ উৎ-  
সাহিত্য করিয়াছেন।

যে সকল মহাত্মারা সময়ে সময়ে আমার সদস্য পদে ব্রতী হইয়াছিলেন, তন্মধ্যে সংস্কৃত  
মন্দিরের ব্যাকরণের অধ্যাপক ও সংস্কৃত রঘুবংশের বাঙ্গালা অনুবাদক মৃত চন্দ্রকান্ত তর্ক-  
মৃত কালীপ্রসন্ন তর্করত্ন, মৃত ভুবনেশ্বর ভট্টাচার্য্য, বিদ্যাসাগর মহাশয়ের পরমাত্মীয় মৃত  
চরণ চট্টোপাধ্যায়, মৃত ব্রজনাথ বিদ্যারত্ন ও মৃত অযোধ্যানাথ ভট্টাচার্য্য প্রভৃতি ১০ জন  
শেষের পূর্বেই অসময়ে ইহলোক পরিত্যাগ করিয়াছেন। এ সকল মহাত্মাদিগের  
স্মরণ আমাকে চিরজীবন যাবৎ নাই ছুঃখিত থাকিতে হইবে।

এক্ষণকার বর্তমান শ্রীযুক্ত অভয়াচরণ তর্কালঙ্কার, শ্রীযুক্ত কৃষ্ণধন বিদ্যারত্ন, শ্রীযুক্ত রাম-  
বিদ্যালঙ্কার ও শ্রীযুক্ত হেমচন্দ্র বিদ্যারত্ন প্রভৃতি সদস্যদিগকে মনের সহিত সফলতরূপে চিত্তে  
সম্মান করিতেছি। এই সমস্ত সুবিচক্ষণ কর্ণধারদিগের কৃপাবলেই আমি অনায়াসে  
মহাভারত স্বরূপ সমুদ্রের পরপার প্রাপ্ত হইয়া কৃতার্থ হইলাম। হিন্দু কলেজের ২য় পণ্ডিত  
কালিপদ চট্টোপাধ্যায়, সংস্কৃত যন্ত্রের ভূতপূর্ব অধ্যাপক শ্রীযুক্ত কালীকিঙ্কর  
চট্টোপাধ্যায়, শ্রীযুক্ত কেদারনাথ ভট্টাচার্য্য ও দরজিপাড়া নিবাসী শ্রীযুক্ত কেদারনাথ চট্টোপাধ্যায়  
মহাশয় মহাশয়, কেহ পুরণ সংগ্রহ যন্ত্রের তত্ত্বাবধায়ক, কেহ প্রফদর্শক ও কেহ

কাপি পাঠক ছিলেন। হুগলি গবর্ণমেন্ট নর্মাল বিদ্যালয়ের ২য় শিক্ষক শ্রীযুক্ত কালীপ্রসন্ন  
বিদ্যারত্ন বহুদিন ভারতানুবাদের পরিদর্শকতা ও শ্রীযুক্ত গঙ্গাধর চক্রবর্তী পুরাণান্তরের উ  
দেশ প্রদান করিয়া আমাকে যথেষ্ট উপকৃত করিয়াছেন। ব্রাহ্ম সমাজের বর্তমান উপাচার্য  
শ্রীযুক্ত অযোধ্যানাথ পাকড়াশী ও ঐ সমাজের ভূতপূর্ব সম্পাদক ও উপাচার্য শ্রীযুক্ত বাপে  
বিদ্যালয়কার, তথা বর্তমান সহকারী সম্পাদক ও উপাচার্য শ্রীযুক্ত পানন্দচন্দ্র বেদান্তবাগী  
প্রভৃতি মহাত্মারাও মুদ্রাঙ্কণ ও পুরাণ সংগ্রহ যন্ত্র স্থাপন বিষয়ে আমাকে সম্যক সাহা  
প্রদান করিয়াছেন। তন্নিমিত্ত সমস্ত মহাত্মাদিগকে ধন্যবাদ প্রদান করিতেছি।

“হিন্দু সমাজের শিরোভূষণ স্বরূপ সুবিখ্যাত শব্দকল্পত্র-গ্রন্থের পুনঃপ্রকাশের  
রাধাকান্ত দেব বাহাদুর, মহাভারতের অনুবাদ বিষয়ে র পর এই গ্রন্থের পুনঃপ্রকাশের  
উপকৃত করিয়াছেন। রাজাবাহাদুর প্রতিদিন সায়ংকালে অর্থব্যয় হইতে গ্রন্থের আ  
পূর্বিক পাঠ শ্রবণ করিয়াছেন এবং সময় সময় অনুবাদ গ্রন্থ বিষয়ে সংপারামর্শ দিয়া  
আমাকে কৃতার্থ করিয়াছেন। এতদ্ভিন্ন শ্রীযুক্ত রাজা কমলকৃষ্ণ ও শ্রীযুক্ত বাবু রা  
কৃষ্ণ মিত্র প্রভৃতি বিখ্যাত হিন্দু দলপতিরা আমার নির্দিষ্ট পাঠক ছিলেন। এতদ্ভিন্ন অ  
যে যে মহাত্মারা আমার বিতরিত পুস্তক সমুদয় পাইয়াছেন, প্রায় সকলেই প্রীতিপ্রকৃ  
পাঠ করিয়া আমাকে ধন্য ও কৃতার্থস্বন্য করিয়াছেন।”

(অষ্টাদশপর্ব অনুবাদের উপসংহার হইতে উদ্ধৃত)

এই সুবৃহৎ গ্রন্থখানি পরম ভক্তিভাজন স্বর্গীয় মহারাজা তিষ্ঠোয়  
পুণ্য নাম স্বরণে উৎসর্গ করা হইয়াছিল।

“হুতোম পাঁচার নক্সা” গ্রন্থে তৎকালীন কলিকাতা হিন্দু-সমাজের অ  
কল চিত্র আঙ্কিত হইয়াছে। এই গ্রন্থখানি, সাধারণ ও নিত্য ব্যবহৃত কথো  
কথনের ভাষায় রচিত।

“এই নক্সায় একটি কথা অলীক বা অমূলক ব্যবহার করা হয় নাই।  
বটে, অনেকে নক্সাখানিতে আপনারে আপনি দেখিতে পেলেও পে  
পারেন, কিন্তু বাস্তবিক তিনি যে সেটি নন তা বলা বাহুল্য, তবে কে  
এইমাত্র বলিতে পারি যে আমি কারেও লক্ষ্য করি নাই, অ  
সকলেরি লক্ষ্য করেছি। এমন কি, স্বয়ং ও নক্সার মধ্যে থাকিতে  
নাই।”

এই গ্রন্থখানি ১৭৮৪ শকে প্রথম প্রকাশিত হয়।

স্বর্গীয় সিংহ মহাশয়, ১৮৬০ খ্রীঃ হইতে পণ্ডিত জগন্মোহন তর্কালঙ্কার  
মদনমোহন গোস্বামী প্রকাশিত “পরিদর্শক” পত্রিকার কিছুকাল সম্পাদ  
করিয়াছিলেন।

স্বর্গীয় কালীপ্রসন্ন সিংহ মহাশয় ইংরাজী, বাঙ্গালা ও সংস্কৃত, এই তিন  
বাতেই সমধিক ব্যাপন ছিলেন।

ইনি, সাহিত্যের ত্রায় সঙ্গীত-বিদ্যারও একজন বিশেষ উৎসাহদাতা  
লেন। সঙ্গীত শাস্ত্রের উন্নতিকল্পে তিনি নিজ বাটীতে একটি সঙ্গীত-সমাজ  
পন করিয়াছিলেন; ছুঃখের বিষয়, সভ্যগণের মনোমালিন্য বশতঃ এই  
সমাজ অধিকদিন স্থায়ী হয় নাই। সিংহ মহাশয়, সর্ব প্রথম কলাবতী  
সমাজ তত্ত্বার জন্ম অলাবুর পরিবর্তে কাগজের তুখী নিৰ্ম্মাণ করিয়া সফ-  
লাত করিয়াছিলেন। সঙ্গীত-সমাজ এই নিমিত্ত সিংহ মহাশয়ের  
কট কতক পরিমাণে ঋণী, সন্দেহ নাই।

সিংহ মহাশয়ের বাটীতে বাঙ্গালা ও সংস্কৃত নাটকের অভিনয় হইত।  
স্বর্গীয় মহাশয় নিজ অনুবাদিত “বিক্রমোর্কশী” নাটকের অভিনয়ও তাঁহার বাটীতে  
হইয়াছিল।

বঙ্গীয় গবর্ণমেন্টের প্রধান কৰ্মচারিগণের অনুরোধমত কবিবর মাইকেল  
মুদন দত্ত মহাশয়, স্বর্গীয় দীনবন্ধু মিত্র রচিত ‘নীলদর্পণ’ নাটকের ইংরাজী  
অনুবাদ করেন। পাদরী লং সাহেব এই অনুবাদ গ্রন্থ আপন নামে মুদ্রিত ও  
প্রকাশিত করেন। এই উপলক্ষে, লংসাহেবের নামে যে মোকদ্দমা উপস্থিত  
তাহাতে তাঁহার এক সহস্র টাকা জরিমানা ও একমাস কারাদণ্ড হয়।  
সিংহ মহাশয় এই জরিমানার টাকা তৎক্ষণাৎ আদালতে প্রদান করিয়া-  
নেন।

কালীপ্রসাদ দ্বিজ—

“মঙ্গলচণ্ডীর পাঁচালী” রচয়িতা।

(পরিষদ-পত্রিকা ১০১ অতি ১২৩ পৃঃ)

কালীময় ঘটক—

“চরিতাষ্টক” (১ম ও ২য়) “চিন্নমস্তা” (উপগ্রাস); “কৃষিশিক্ষা” “কৃষি-  
বিশ্ব,” “সুরেন্দ্র-জীবনী,” “পদ্যময়,” “মিত্র-বিলাপ,” “মেলা” প্রভৃতি  
রচিত।

জন্ম—১২৪৭ সাল কোজাগর রাত্রি, নদীয়ার অন্তর্গত রাণাঘাট গ্রামে জন্ম-  
করেন।

মৃত্যু—১৩০৭ সাল ৩রা আষাঢ় রাত্রি ৮—৪২ মিনিটের সময় ৬০ বৎসর  
পরলোক প্রাপ্ত হন।

পিতা, চন্দ্রকান্ত তর্কসিদ্ধান্ত; ইঁহারা বন্দ্যোবংশীয় রাঢ়াশ্রেণীয় ব্রাহ্মণ কালীময়ের পিতামহ, তৎকালীন সম্মানজনক 'ঘটক' উপাধি লাভ করে তদবধি ইঁহারা 'ঘটক' বলিয়া খ্যাত ।

শৈশব শিক্ষা—কালীময়ের পিতার সাংসারিক অবস্থা তাদৃশ স্বচ্ছল না। এই নিমিত্ত কালীময়, পাঠশালায় পাঁচ ছয় বৎসর মাত্র পাঠ করিয়া পর তিনি তাঁহাকে জমীদারী সেরেসতার কার্য্য শিক্ষা করিবার জন্ত নিযুক্ত করিয়াছিলেন। কিন্তু কালীময়ের বিদ্যাশিক্ষার প্রতি অসাধারণ অনুরাগ লক্ষ্য করিয়া তিনি পুনরায় কালীময়কে রাণাঘাট স্কুলে ভর্তি করিয়া দেন। রাণাঘাট স্কুলে বিদ্যাশিক্ষা শেষ হইলে, স্বর্গীয় ভূদেব মুখোপাধ্যায় মহাশয়ে অধীনে হুগলী নর্ম্মাল বিদ্যালয়ে প্রবিষ্ট হইয়া অসাধারণ অধ্যয়ন এবং প্রকৃষ্ট শিক্ষাপ্রণালী গুণে মাত্র দেড় বৎসর মধ্যেই অষ্টাদশ বয়সে কালীময় নর্ম্মাল বিদ্যালয়ের শেষ পরীক্ষায় উত্তীর্ণ হইলেন।

কালীময়, সূত্রধর, দরজী, রাজমিস্ত্রী প্রভৃতি শিল্পদিগের কার্য্যে বিশেষ অভ্যস্ত ছিলেন।

কার্য্যক্ষেত্র—পাঠ শেষ করিয়াই কালীময়, নদীয়া জেলার অধীনে ভালুকা গ্রামের বঙ্গবিদ্যালয়ের প্রধান পণ্ডিতের পদ প্রাপ্ত হন। এই পদে তিনি চারি বৎসর কাল কার্য্য করিলে পর বর্দ্ধমান জেলার অন্তর্গত বেলাড়া গ্রামের বঙ্গবিদ্যালয়ের শিক্ষক নিযুক্ত হইয়া আগমন করেন। এই সময়, যশোহর জেলার অন্তর্গত বারাকপুর গ্রাম নিবাসী প্রেমচাঁদ তর্কসিদ্ধান্ত

মহাশয়ের একমাত্র কন্যা কাশীদাসী দেবীর পাণিগ্রহণ করে।

বিবাহ বেলাড়া গ্রামে কিছুদিন কার্য্য করিলে পর, নিজগ্রামের জমীদার পালচৌধুরী মহাশয়দিগের সহায়তায় স্বীয় বাটীর সন্নিকটে একটা বঙ্গবিদ্যালয় স্থাপন করিয়া তাহারই অধ্যাপনা কার্য্যে নিযুক্ত হইলেন। ক্রমে এই বিদ্যালয়ের ছাত্র সংখ্যা এত বর্দ্ধিত হইয়াছিল যে, তিনি একক এত গুলি বালা তত্ত্বাবধারণে অসমর্থ হইয়া চারি পাঁচ জন অতিরিক্ত শিক্ষক নিযুক্ত করিয়াছিলেন।

তিনি এই সময়, মজুর ও ব্যবসায়িগণের শিক্ষার নিমিত্ত একটা বিদ্যালয় স্থাপন করেন। এতদ্ব্যতীত রাণাঘাটের বালিকাবিদ্যালয়ের বধারণের ভার তিনি গ্রহণ করিয়াছিলেন।

কালীময়ের প্রতিষ্ঠিত বাঙ্গলা স্কুলটা, কয়েক বৎসর পর, তদানীন্তন

সমূহের ইন্স্পেক্টর গেরেট সাহেব ও রাণাঘাটের জমীদার সুরেন্দ্রনাথ পালচৌধুরী মহাশয়ের উদ্যোগে, রাণাঘাটের ইংরাজী বিদ্যালয়ের সহিত মিলিত হইয়া যায়।

সাহিত্য-সেবা—'চরিতাষ্টক' গ্রন্থখানি, বঙ্গভাষায় একটা সুপ্রতিষ্ঠিত স্কুল-পাঠ্য পুস্তক। এই পুস্তকখানি লিখিবার জন্ত তাঁহাকে অসাধারণ পরিশ্রম স্বীকার করিতে হইয়াছিল। রাণাঘাট নিবাসী বন্ধু শ্যামাচরণ মুখোপাধ্যায়ের (ডেপুটী ম্যাজিষ্ট্রেট) যত্ন উপলক্ষে তিনি 'মিত্র-বিলাপ' নামক পুস্তক রচনা করেন। কৃষি প্রদর্শনী উপলক্ষে 'মেলা' নামক ক্ষুদ্র কবিতা পুস্তক প্রকাশিত করেন। চরিতাষ্টক ছই খণ্ড রচনা করিলে পর কালীময়ের একটা মূক ও বধির পুত্র সন্তান জন্ম গ্রহণ করে—“ছিন্নমস্তা” উপন্যাস খানি এই সময় রচিত হয়; ইহাতে এই মূক ও বধির সন্তানের কতকটা চিত্র অঙ্কিত আছে। তদনন্তর “কৃষি শিক্ষা” ও “কৃষিপ্রবেশ” রচনা করেন। পূর্বোক্তিত রাণাঘাটের জমীদার সুরেন্দ্রনাথ পালচৌধুরী মহাশয়ের জীবন বৃত্তান্ত অবলম্বন করিয়া সুরেন্দ্র-জীবনী নামক পুস্তক রচনা করেন। ইহার পর তিনি আর কোন গ্রন্থ রচনা করেন নাই।

কালীময়, তিনটা পুত্র সন্তান রাখিয়া গিয়াছেন—১ম জ্ঞানানন্দ (মূক ও বধির), ২ ধ্যানানন্দ, ৩ কৃষ্ণানন্দ।

(বঙ্গভাষার লেখক ৬৯৩-৯৫পৃঃ)

## কালী মির্জা—

'কালিদাস মুখোপাধ্যায়' দেখুন।

## কাশীদাস মিত্র মুস্তোফী—

'অঞ্জন শলাকা', 'আত্মানুভূতি', 'কাশিকা', 'শক্তিতত্ত্বসার', 'গুপ্তলীলা', 'প্রয়াগ মাহাত্ম্য', 'বিবেক রত্নাবলী', 'বিচার দীপিকা', 'জ্ঞান রসায়ন', 'তত্ত্ব-প্রকাশ', 'বিচার তরঙ্গিনী', 'প্রেমানন্দ লহরী', 'সজ্জন রঞ্জন', ও 'শঙ্কর বিজয়-জয়ন্তী' প্রভৃতি রচয়িতা।

কাশীদাস, হুগলী জেলার অন্তর্গত সুখড়িয়া নিবাসী ৬ দেওয়ান গোবিন্দচন্দ্র মিত্রের পৌত্র। ইঁহারা দক্ষিণরাঢ়ীয় কায়স্থ; পূর্ব নিবাস, নবদ্বীপ অন্তর্গত উলা, আধুনিক বীরনগর। কাশীদাসের উর্দ্ধতন ষষ্ঠ পুরুষ রামেশ্বর মিত্র চাকার নবাব বাহাদুরের নিকট "মুস্তোফী" উপাধি প্রাপ্ত হন।

কাশীনাথ কন্যোপলক্ষে বহুকাল ধরিয়া এলাহাবাদে বাস করেন। শেষ-  
বস্থায় স্থায়িতাবে কাশীতে অবস্থান করিতেন।

কাশীদাস, পারশু ভাষায় সমধিক ব্যুৎপন্ন ছিলেন। পরে কাশীবাস  
করিয়া সংস্কৃত ও বাঙ্গলা ভাষার আলোচনায় প্রবৃত্ত হন। কাশীদাসের শেষ  
গ্রন্থ “শঙ্কর-বিজয়-জয়ন্তী” ১৮৬৯ সালে কাশীতে লিখিত এবং ১৮৭১ সালে  
এলাহাবাদে মুদ্রিত হয়।

প্রবাসী।

### কাশীনাথ—

‘কালনেমীর রায়বার’ নামক কবিতা রচয়িতা।

নিবাস—লক্ষ্মীপুর।

### কাশীনাথ তর্কপঞ্চানন—

‘আয়দর্শন’, ‘পুরুষ-পরীক্ষা’, ‘হিতোপদেশ’, ‘জ্ঞানচন্দ্রিকা’, ‘প্রবোধ  
চন্দ্রিকা’ প্রভৃতি রচয়িতা।

পুরুষ পরীক্ষা, হিতোপদেশ, প্রবোধচন্দ্রিকা, এই তিনখানি পুস্তক, ফোর্ট-  
উইলিয়ম কলেজের পাঠ্য রূপে নির্ধারিত ছিল।

এই সকল পুস্তকের লিপিপদ্ধতি বিগুহ হইলেও অতিরিক্ত পরিমাণে  
সংস্কৃত শব্দ প্রয়োগে তাদৃশ ক্ষতিসুখকর নহে।

### কাশীপ্রসাদ ঘোষ—

সঙ্গীত ও বিবিধ ইংরাজী কবিতা গ্রন্থ রচয়িতা।

জন্ম—১২১৬ সাল ২২শে শ্রাবণ, শনিবার (৫ই আগষ্ট ১৮০৯ খ্রীঃ) খিদির-  
পুরে মাতামহ রামনারায়ণ বসু সর্বাধিকারীর বাটীতে জন্ম গ্রহণ করেন।

মৃত্যু—১২৮০ সাল ২৭শে কার্তিক (১১ই নভেম্বর ১৮৭৩ খ্রীঃ) কলিকাতা  
হেডওয়ার বাটীতে পরলোক গমন করেন।

বংশপরিচয়—কাশী প্রসাদের পিতামহ মুন্সী তুলসীরাম ঘোষ, পূর্বনিবাস  
হাওড়ার অন্তর্গত পৈতাল নাম গ্রাম পরিত্যাগ করিয়া, কন্যোপলক্ষে ঢাকায়  
অবস্থান করিতেন। এখানে তিনি ইষ্ট ইণ্ডিয়া কোম্পানীর লবণ-কুঠীর দেও-  
য়ান বা খাজাজী ছিলেন। এই কার্যে তিনি বহু অর্থ উপার্জন করিয়া-  
ছিলেন। ১২০৫ সালে এই কার্যে ইষ্ট ইণ্ডিয়া কোম্পানী উঠাইয়া দিলে তিনি  
কলিকাতা শ্রামবাজারে আসিয়া একটা বৃহৎ বাটী নির্মাণ করাইয়া তথায়  
সপরিবারে বাস করিতে লাগিলেন। তুলসীরামের দুই পুত্র—১ম শিবপ্রসাদ,

২য় ভবানীপ্রসাদ। জ্যেষ্ঠ শিবপ্রসাদের দুই পত্নী; প্রথমা পত্নীর গর্ভে  
খিদিরপুরে কাশীপ্রসাদ জন্মগ্রহণ করেন।

ইঁহারা কুলীন কায়স্থ এবং কলিকাতার অগ্রতম বিখ্যাত জমীদার।  
শৈশব, শিক্ষা, বাল্যরচনা—কাশীপ্রসাদ মাতৃগর্ভ হইতে সপ্তম মাসে  
ভূমিষ্ঠ হন এবং তদবধি দ্বাদশবর্ষ কাল পর্যন্ত মাতামহাশ্রয়ে অবস্থান করি-  
তেন। ফলে, তিনি কিছু বেশী আত্মরে হইয়া পড়িলেন, লেখাপড়ায় তেমন  
মনোযোগ দিলেন না। এমন কি, এই দ্বাদশবর্ষ বয়সের সময় পর্যন্ত তিনি  
কেবল বর্ণ পরিচয় মাত্র করিতে সমর্থ হইয়াছিলেন। এই নিমিত্ত তিনি  
পিতার নিকট তিরস্কৃত হইয়া কলিকাতায় পড়িবার জন্য দৃঢ়সঙ্কল্প হইলেন।  
মাতামহ রামনারায়ণ, এই নিমিত্ত জামাতাকে অনুরোধ করিয়া হিন্দুকলেজে  
একেবারে তিন শত টাকা জমা দেওয়াইলেন। এইরূপে কাশীপ্রসাদ ১৮২১  
খ্রীঃ ৮ই অক্টোবর তারিখে হিন্দুকলেজে ৭ম শ্রেণীতে অবৈতনিক ছাত্ররূপে  
ভর্তি হইলেন। অকাতর পরিশ্রমে ও অসাধারণ মেধাশক্তি গুণে, কাশী  
প্রসাদ ৩ বৎসর মধ্যেই সর্বোচ্চ শ্রেণীতে উন্নীত হইলেন। কাশীপ্রসাদ  
হিন্দু কলেজে সর্বসমেত ৮ বৎসর কাল অধ্যয়ন করিয়াছিলেন। এই সময়  
মধ্যে তিনি প্রতি বৎসর বার্ষিক পরীক্ষায় সর্বোচ্চ স্থান অধিকার করিয়া  
৩টী সুবর্ণ পদক, ৫টী রৌপ্য পদক, ৩৫০ খানি পুস্তক এবং নগদ ৬০০ শত  
টাকা পুরস্কার প্রাপ্ত হইয়াছিলেন।

পাঠ্যাবস্থায় (১৮২৭ খ্রীঃ শেষভাগে) অধ্যাপক H. H. Wilson সাহেবের  
প্ররোচনায় কাশীপ্রসাদ, ‘The young poet’s first attempt’ নামক  
কবিতা এবং James Mill রচিত স্ববৃহৎ ভারত ইতিহাসের প্রথম চারি  
অধ্যায়ের সমালোচনা করিয়া ‘A short review of James Mill’s His-  
tory of British India’ নামক প্রবন্ধ রচনা করেন। এই শেখোক্ত  
প্রবন্ধটি এত যুক্তি ও পাণ্ডিত্যপূর্ণ হইয়াছিল যে, ইহার একাংশ ১৮২৮ খ্রীঃ  
১৪ই ফেব্রুয়ারী তারিখের গবর্নমেন্ট গেজেটে ও তৎপরে Asiatic So-  
ciety’s Journalএ পুনঃ প্রকাশিত হইয়াছিল। ইহা বালক কাশীপ্রসাদের  
পক্ষে কম সম্মানের কথা নহে।

কাশীপ্রসাদ, তৎকালীন হিন্দুকলেজের সুবিখ্যাত কাপ্তেন রিচার্ডসন,  
ডিরোজিও, ডেভিড হেয়ার প্রভৃতি ভারত-হিতৈষী পণ্ডিতমণ্ডলীর নিকট  
শিক্ষালাভ করিয়াছিলেন। ইঁহারা সকলেই কাশীপ্রসাদের অসাধারণ বী-

শক্তি দেখিয়া মুগ্ধ হইতেন এবং বালক কাশীপ্রসাদও ইহাদিগকে পিতৃহুলাসমান করিতেন। ছাত্র কাশীপ্রসাদের কোন সদ্যুক্তিপূর্ণ বাক্য শুনিয়া ডেভিড হেয়ার বলিয়াছিলেন—

The spiritual sermon which Babu Kali Prosad preached on that day appealed to my heart. I do not remember to have heard any such thrilling, eloquent, and soul-stirring sermon from any Hindu, not even from any Christian preacher of Calcutta.

সাহিত্য-সেবা—কাশীপ্রসাদ, বঙ্গভাষায় প্রায় ৩০০ শত সঙ্গীত রচনা করিয়াছেন। এই সঙ্গীতগুলি প্রায় অধিকাংশই আদিরসঘটিত এবং পরকীয়া প্রেম বিষয়ক। সঙ্গীতগুলি নিধু বাবুর গানের ছায় সুমধুর ভাবে পরিপূর্ণ। ঈশ্বর বিষয়ক গীতগুলিও কবির প্রগাঢ় ভক্তির পরিচায়ক। ছইটি গীত যথা,

(১) (ভৈরবী—আড়া)

কি দিয়ে তুষ্টিব তাঁরে ব'লে আপনার  
ফল ফুল যত দেখি সকলি তাঁহার।  
প্রচণ্ড প্রতাপী বীর কীটের ক্ষুদ্র শরীর  
জীবনে, পতনে যিনি সদা নির্দিকার ॥

(বাহার—আড়া)

(২) শ্বেত শতদলোপরে শ্বেতাস্বর কলেবরে

শ্বেতমালা গলোপরে বিরাজে শ্বেতবরণী  
বেদ বেদান্ত তন্ত্র নৃত্য গীত বাদ্য যন্ত্র  
সকলের মূল মন্ত্র ব্রহ্মময়ী সনাতনী।  
চরণের কিবা শোভা মধুলোভে মধুলোভা  
লোহিত কমল ভ্রমে ধায়,  
সারদা শুভ বরদা অজ্ঞানের জ্ঞানপ্রদা।  
বিধাতার ধোয় সদা বেদমাতা নারায়ণী।

কাশীপ্রসাদ, বঙ্গভাষা অপেক্ষা ইংরাজী ভাষায় রচনার অধিক মনোযোগী ছিলেন এবং তাহাতেই তিনি সমধিক কৃতিত্ব প্রদর্শন করিয়াছেন। তিনি ১৮২৮ খ্রীঃ কলেজ পরিত্যাগ করিয়া তৎকালীন নানাবিধ সাময়িক পত্র

ইংরাজী রচনা। ইংরাজী কবিতা লিখিতে আরম্ভ করেন। এতদ্ব্যতীত তিনি অনেকগুলি পুস্তক ও প্রবন্ধ (কবিতা ও অন্যান্য বিষয়ক) ইংরাজী ভাষায় রচনা করেন। (১) "The Shair" একখানি ক্ষুদ্র কাব্য, ইহাতে কয়েকটি ইংরাজী তানমান সঙ্গত সুন্দর সঙ্গীত আছে। এই কাব্য খানির নাম প্রথমতঃ "The Minstrel" রাখা হইয়াছিল, কিন্তু পরে এই নাম রাখা হয় (সেয়ার পারস্য কথা = সন্ন্যাসী-নায়ক)। এই কাব্যের বর্ণনা অতি সুন্দর, ইংলেণ্ডে ইহার যথেষ্ট আদর হইয়াছিল। (২) "The Hindu Festival" এই কাব্যগ্রন্থে কাশীপ্রসাদ এক একটা হিন্দু উৎসব উপলক্ষ করিয়া ক্ষুদ্র ক্ষুদ্র কবিতা রচনা করেন। এই কবিতাগুলি প্রথমতঃ Calcutta Literary Gazette এ প্রকাশিত হয়। পরে Shair এর সহিত পৃথকভাবে প্রকাশিত হয়। স্বভাব-সুলভ প্রাজ্ঞলতা গুণে, এই সংক্ষিপ্ত কবিতাগুলির ভাব সুন্দররূপে পরিষ্কৃত হইয়াছে। (৩) 'The Poems' এই পুস্তকেও কতকগুলি ক্ষুদ্র ক্ষুদ্র কবিতা প্রকাশিত হইয়াছিল। এই কবিতাগুলিও এত সুন্দর যে সুপ্রসিদ্ধ কাপ্তেন রিচার্ডসন্ সাহেব তাঁহার Selection from British Poets নামক কবিতাসংগ্রহ গ্রন্থে কাশীপ্রসাদের এই পুস্তক হইতে "The Boatman's Song to Ganga" নামক গানটী উদ্ধৃত করিয়া তাহাকে আশাতীত ভাবে সম্মানিত করিয়াছেন। এতদুপলক্ষে তিনি লিখিয়াছেন—

"Let some of those narrow-minded persons, who are in the habit of looking down upon the natives of India with an arrogant and vulgar contempt, read this little poem with attention and ask themselves if they could write better verses not in a foreign language but even in their own."

অর্দগু ইলিয়ট নামক একজন ইংরাজ "Views from India and China" নামক গ্রন্থে কলিকাতা মধ্যে কেবলমাত্র কাশীপ্রসাদের অসাধারণ গরিমার কথা উল্লেখ করিয়া তাঁহার প্রতিমূর্ত্তি প্রকাশিত করিয়াছিলেন। তিনি লিখিয়াছেন,

"In English in which he expressed himself with so much strength, grace and facility as fastly to excite the surprise and admiration of all who judge of the great difficulties to

be encountered in composing poetry in foreign language. His "Shair" established the reputation of his in India and favourably in England. The Boatman's Song to Ganga is perhaps the most beautiful of any productions from the same pen."

কাশীপ্রসাদ নিম্নলিখিত কয়েকখানি গদ্য ইংরাজী গ্রন্থ রচনা করিয়া ইংরাজী ভাষার উপর তাঁহার অসাধারণ অধিকার প্রদর্শন করিয়াছেন। (১) Memoirs of Indian Dynasties containing, (a) The Scindhiah of Gowalior, (b) King of Lucknow, (c) The Holkar of Indore, (d) The Nowab of Hyderabad, (e) The Gaekwar of Baroda, (f) The Bhonslah of Nagpore, (g) The Nawab of Bhoupal, (২) Sketches of Ranjit Sing, (৩) Sketches of King of Oudh, (৪) On Bengalee Poetry, (৫) On Bengalee works and writers, (৬) The Vision—a tale.

On Bengalee works and writers নামক গ্রন্থে, ভারতচন্দ্র, নিধি বাবু, প্রভৃতি বঙ্গীয় কবিগণের গ্রন্থের সমালোচনা আছে। এই সমালোচনা উপলক্ষে তিনি বঙ্গীয় কবিগণের কবিতা উদ্ধৃত করিয়া, তৎসমুদয়ের উৎসাহ ইংরাজী অনুবাদ প্রদান করিয়াছেন, তাহা যেমন মূলানুবাদী, তেমনই সুন্দর

দেখি নগরের শোভা বাথানে সুন্দর

সম্মুখে দেখেন সরোবর মনোহর

সানবান্ধা চারিঘাট শিবালয় চারি

অবধূত জটাভূষধারী সারি সারি

চারিশাশে সূচাকু পুষ্পের উপবন

গন্ধলয়ে মন্দবহে মলয় পবন

কুহু কুহু কোকিলা কোকিলগণ ডাকে

গুণ গুণ গুঞ্জরে ত্রমর কাঁকে কাঁকে

টল্ টল্ করে জল মন্দ মন্দ বায়

রাজহংস রাজহংসী খেলিয়া বেড়ায় ॥

The citys' splendour struck Sundars' eyes.  
And see, a charming lake before him lies

With brick-built places four for men to land  
And on the bank four Siva's temples stand  
In rows the mendicants are seated there,  
Besmeared with ashes, waiving matted hair  
With groves of flowery plants and bank are bound  
Where *malay's* soft gale waft odours round  
Where cuckoos sweetly sing their cooling song  
And humming soft the bee's unnumbered throng  
Stirred by the breeze, the waters quivering stray  
Where male and female swans together play.

২৮৪৫-৪৬ খ্রীঃ কাশীপ্রসাদ "The Hindu Intelligencer" নামক একখানি রাজনীতি ও সাহিত্য বিষয়ক সাপ্তাহিক পত্রিকা প্রকাশিত করেন। তিনি নিজে ইহার সম্পাদক ও সভাপতি ছিলেন। দ্বাদশ বৎসর কাল অতি দক্ষতার সহিত পরিচালিত হইয়া, সিপাহী বিদ্রোহের পর সংবাদ পত্রের বিরুদ্ধে আইন পাশ হইলে, ১৮৫৮ খ্রীঃ এই পত্রিকা ধানির প্রচার বন্ধ হইয়া যায়।

কাশীপ্রসাদ কলিকাতা ফৌজদারী আদালতের একজন অবৈতনিক মজিষ্ট্রেট এবং Justice of the Peace ছিলেন। তিনি সাধারণ হিতকর কার্যে যোগদান করিতেন।

(সাহিত্য কল্পদ্রুম ৩।১২২-৩৮ ; প্রদীপ ৫।২৮০-৫ বঙ্গভাষার লেখক ২৬৪-৫ ; প্রবাসী

২।২৭৪-৫ ; সংসা ২।৩৭০ )

শ্রীশিবরতন মিত্র ।

স্মৃতি ।

তুমি সকলি ভুলেছ কিগো ?

হৃদয়ের মাঝে স্মৃতির কুসুম

আজি কি জাগা'য়ে দিব ?

তুমিই আমার সম্রাট বেশে

স্বর্ণ মুকুট পরায়েছ হেসে,

তুমিই আবার দিয়াছ বিদায়  
সাজায়ে ভিখারী মোরে !  
সে কথা স্মরিতে সখিলো  
নয়ন ঝরে !  
শৈশব ভোরে দেখিছ তোমায়—  
ক্ষুদ্র বালিকা তুমি,  
উল আলোকে উজলিয়া এলে  
আমার হৃদয় ভূমি।  
সোহাগ আদরে লইছ তোমায়,  
খেলবার সাথী করিলে আমায়,  
ফুল ফল ল'য়ে কত খেলিলাম  
সারা শৈশব ভরে ;—  
সে কথা স্মরিতে আজি গো  
নয়ন ঝরে !  
আজি সে কথা পড়ে কি মনে ?  
বুকের মাঝারে মাথাটি রাখিয়া  
চাহিতে নয়ন কোণে।  
তোমাতে লইয়ে নিভৃত কুঞ্জে  
কুসুম তুলিয়া পুঞ্জে পুঞ্জে  
মালা গাঁথি' তব পরাতাম গলে,  
সাজাতাম কত সাজে।  
মনে হ'লে আজি দারুণ  
হৃদয়ে বাজে !  
সে দিন গিয়াছে, সে স্থখ গিয়াছে,  
গিয়াছে বনের পাখী ;  
চকোর গিয়াছে কাঁদিয়া কাঁদিয়া,  
পাপিয়া গিয়াছে ডাকি'।  
শুভ্র আলোক সোণার বরণ  
নিবিয়া গিয়াছে চাঁদের কিরণ,  
তুমিত গিয়াছ ছাড়িয়া আমায়,  
হয়েছে বাসর ভোর।

তোমারি আগিয়া উথলে  
নয়ন লোর !

সবিত গিয়াছে, রহিয়াছে শুধু  
কোমল-কঠিন স্মৃতি।  
নিরাশায় কি গো প্রণয়ের শেষ  
এই কি জগৎ রীতি !  
ব্যর্থ সাধনা, বিফল জীবন,  
শুকাইয়ে এল ফুল-যৌবন,  
এবারের মত সকলি বিফল,  
বুঝিছ জগৎ নীতি।  
সবিত গিয়াছে, রহিল  
কেবলি স্মৃতি !

শ্রীপ্রিয়নাথ বন্দ্যোপাধ্যায়।

## শ্রীরঙ্গলাল বাবুর গান।

আজি বাঙ্গালার সাহিত্য ভাণ্ডারের অমূল্য রত্ন সুপ্রসিদ্ধ লেখক কবি  
শ্রীরঙ্গলাল বন্দ্যোপাধ্যায় মহাশয়ের একটি অপূর্ব গান সাধারণকে উপহার  
দিতেছি। সুরসিক পাঠকগণ গানটি একবার পড়িয়া দেখুন মন কিরূপ  
মোহিত হয়।

কালান্ধা—ঠুংরী।

কত করুণা তোমার হে নিরন্তর জীবে।  
কেবা পারিবে গণিতে, কৃপা কত অবনীতে,  
বর্ণিতে রসনা হারে।

(ওহে) মনে হোলে পুলকেতে তনু শিহরে।

ধন্য হে তোমায়, সৃজিলে মায়ায়,

তাই নাথ ! মায় স্মৃতে পালন করেন স্নেহ ভাবে।

(ওহে) শুনে কীর আয়োজন, করিতো হে কোন জন।

অজ্ঞান শিশুর তরে,

যদি হে কাতর হোতে করুণা কোরে ?



“ব্রহ্মচর্যাশ্রমো নাস্তি বানপ্রস্থোহপি ন প্রিয়ে ॥  
গৃহস্থো ভিক্ষুকশ্চৈব আশ্রমো দ্বৌ কলৌ যুগে ।”

আবার বৃহদ্রথপুরাণেও কথিত হইয়াছে,—

“সমুদ্রযাত্রা স্বীকারঃ কমণ্ডলু-বিধারণম্ ।  
দ্বিজানাংসবর্ণান্সু কথ্যাসুপযমস্তথা ॥  
দেবরেণ সতোৎপত্তিমধুপর্কে পশোবধঃ ।  
মাংসদানং তথা শ্রাদ্ধে বানপ্রস্থ্যশ্রমস্তথা ॥  
দত্তাহঙ্কতায়াঃ কথ্যয়াঃ পুনর্দানং গরস্তাচ ।  
দীর্ঘকালং ব্রহ্মচর্যাং নরমেধাশ্রমেধকৌ ॥  
মহাপ্রস্থান-গমনং গোমেধঞ্চ তথা মথম্ ।  
ইমান্ ধর্ম্যান্ কলিযুগে বর্জ্যানাহর্মনীষিণঃ ॥”

সমুদ্রযাত্রা, কমণ্ডলু ধারণ, (সন্ন্যাস) অসবর্ণা কন্যাগণের সহিত দ্বিজগণের  
বিবাহ, দেবরের দ্বারা পুত্রোৎপত্তি, মধুপর্কের নিমিত্ত পশুবধ, শ্রাদ্ধে গোমাংস  
দান, বানপ্রস্থ্যশ্রম, অক্ষতঘোনি দত্তা কন্যার অন্য পাত্রে পুনর্দান (বিধব  
বিবাহ) দীর্ঘকাল ধরিয়া ব্রহ্মচর্য (ব্রহ্মচর্যাশ্রম) নরমেধ, অশ্রমেধ ও গোমে  
ষজ্ঞ এবং মহাপ্রস্থানগমন, এই ধর্মগুলি কলিযুগে একবারেই বর্জ্যনীয় ।

কলিযুগের নিমিত্ত গৃহস্থ্যশ্রম ও ভিক্ষুকশ্রম, এই দুইটি আশ্রমের বিধান  
থাকিলেও আমরা প্রয়োজনবোধে আপাততঃ কেবল গৃহস্থ্যশ্রমের কথাই এই  
প্রবন্ধে আলোচনা করিব । অপর তিনটি আশ্রমের অধিকারী ব্যক্তিগণের  
একমাত্র আশ্রয়স্থান বলিয়া, শাস্ত্রকারগণ গৃহস্থ্যশ্রমকে শ্রেষ্ঠ আসন প্রদান  
করিয়াছেন । যথা,—

“চতুর্গাম শ্রমাণাং হি গাহস্থ্যং শ্রেষ্ঠমাশ্রমম্

গৃহস্থ্যশ্রমে প্রবেশ করিতে হইলে, অগ্রে যথাশাস্ত্র বিবাহ ও সংকুলজাত  
স্বলক্ষণা পত্নী-পরিগ্রহ আবশ্যিক । নতুবা গৃহস্থ্যশ্রমে অধিকার হয় না  
এবং পত্নী ব্যতিরেকে গৃহস্থ্যশ্রমের কার্যও চলিতে পারে না । কিন্তু আদি  
চল্লিশ বৎসর বয়সের পর যদি গৃহীর পত্নীবিয়োগ হয়, তাহা হইলে তিনি  
আর বিবাহ না করিলেও প্রত্যাবর্ত্তাগী হইতে পারেন না । এইরূপ মৃতপত্নী  
গৃহীকে রন্তাশ্রমী বলে । যথা,—

“চত্বারিংশদ্বৎসরাণাং সাষ্টানাঞ্চ পরে যদি ।  
স্ত্রিয়া বিযুক্ত্যাতে কশ্চিৎ স তু রন্তাশ্রমী মতঃ ॥”

ভবিষ্য পুরাণ ।

ক্রমশঃ ।

শ্রীপ্রসন্নকুমার চট্টোপাধ্যায় ।

বার্তিক ও অগ্রহায়ণ মাসের বীরভূমি একত্রে অগ্রহায়ণের প্রথমে প্রকাশিত হইবে ।

# বীরভূমি

মাসিক পত্রিকা ও সমালোচনী ।

মে ১৩]

আশ্বিন, ১৩১২ ।

[ ১০ম সংখ্যা ।

শ্রীনীলরতন মুখোপাধ্যায় বি, এ,  
সম্পাদিত ।

সূচী ।

১। দোষ কাহার ?	...	...	৩৬১
২। ভারতে সত্যমহিমা । (শ্রীবলীন্দ্রসিংহ দেব) ।	...	...	৩৬৭
৩। মারু সালারজঙ্গ । (শ্রীভুবনমোহন ঘোষ)	...	...	৩৭৮
৪। বর্ণাশ্রম-ধর্ম । (শ্রীপ্রসন্নকুমার চট্টোপাধ্যায়) ।	...	...	৩৮৪
৫। সংসার । (শ্রীনীলরতন মুখোপাধ্যায়)	...	...	৩৮৮
৬। মনের কথা ।	...	...	৩৯২
৭। উদ্ধার । (শ্রীযতীন্দ্রনাথ চট্টোপাধ্যায়)	...	...	৩৯৭
৮। বঙ্গীয় সাহিত্য-সেবক । (শ্রীশিবরতন মিত্র)	...	...	৩৯৮

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত  
বাবু সৌরেশচন্দ্র সরকার মহাশয়ের সম্পূর্ণ  
ব্যয়ে বীরভূম জেলার অন্তর্গত  
কীর্ত্তহার গ্রাম হইতে  
শ্রীদেবিদাস ভট্টাচার্য্য বি, এ  
কর্ত্তক প্রকাশিত ।

১২ই আশ্বিন—১৩১২ ।

কনিষ্ঠ ভ্রাতা শ্রীমান্ শ্রামদাসের সহায়সী গ্রামে অবস্থান করিতে লাগিলেন, সংসারের কোন কার্যেই তাঁহার তৃপ্তি বোধ হইতে লাগিল না, কেবল শ্রাম স্কন্দরের সেবায় দিবা রাত্র অতিবাহিত করিতে লাগিলেন, কনিষ্ঠ শ্রামদাসও জ্যেষ্ঠের অনুসরণ করিয়া অতি শুদ্ধাচারে শ্রামস্কন্দরের সেবা নিমগ্ন রহিলেন। পৈতৃক ভূসম্পত্ত্যাদি যাহা কিছু ছিল, তৎসমুদায় সেবা কার্যেই ব্যয় হইতে লাগিল, অতঃপর কোন চিন্তা নাই, ক্রমে সমস্তই হস্তান্তর হইতেছে, দেখিয়া আত্মীয় স্বজনগণ বিষয়াদি রক্ষার দিকে মন দিতে বলিলে কালিদাস বলিতেন, আপনারা আমাকে ওরূপ অহুরোধ করিবেন না, সময়টুকু বিষয়ের দিকে মনোনিবেশ করিব, সেই সময়টুকু শ্রামরায়ের চিন্তা হৃদয় হইতে দূর করিতে হইবে, বিষয়ের চিন্তা একবার হৃদয়ে স্থান দিলে ক্রমেই সমস্ত হৃদয়টুকু তাহারই অধিকার ভুক্ত হইয়া যাইবে, হয়ত শ্রামরায়ের স্থান আর হৃদয়ে থাকিবে না, আমি এরূপ জঘন্য কাজ কিছুতেই করিতে পারিব না, বিষয় চিন্তা করিতে হইলেই শ্রামরায়ের চিন্তা কমি যাইবে, আমি তাহা কখনই পারিব না, আমার হৃদয় এখনও এত প্রশস্ত হয় নাই যে আমি একই সময় উভয় চিন্তা করিতে পারি, বরং আপনাদের আশীর্বাদ করুন, যেন আমার আর অন্য চিন্তা না আসে, শ্রামরায়ের স্থান আমার হৃদয়ে স্থায়ীভাবে বসবাস করিবেন, তখন যদি তিনি আমার হৃদয়সমূহ উপবেশন করিয়া অন্য চিন্তা করিবার আদেশ দেন, তাহা হইলে তখনই চিন্তা করিব, তাঁহার আদেশ ভিন্ন আমার অন্য চিন্তা করিবার অধিকার নাই, এ দেহ মন সমস্তই তাঁহাকে অর্পণ করিয়াছি, তিনিই আমার বাস করিতে হয় করিবেন, না করিতে হয় করিবেন না, তাহাতে আমার সুখ দুঃখ নাই, আমি সে ব্যবস্থা করিতেও প্রার্থী নই। কালিদাসের এই প্রকার কথা শুনিয়া আত্মীয় স্বজনগণ নীরব হইতেন। দুই ভ্রাতাই নিত্যানুসরণে সর্ব প্রথমে, রাজসাহী অঞ্চলে গৌরহরির প্রবর্তিত হরিনাম স্তব সর্ব সাধারণকে অকাতরে বিতরণ করিতে লাগিলেন, যাঁহারা সেই স্তব শ্রবণ শ্রবণ পাইলেন, তাঁহারা চরিতার্থ হইয়া শ্রাম স্কন্দরের সেবা পূজার সহায় করিতে লাগিলেন, শ্রাম রায়ের সেবা পূজা বেশ চলিতে লাগিল, কালিদাস শ্রামদাসের খ্যাতিও রাজসাহী দেশে ক্রমে ক্রমে বিস্তার হইয়া গেল। কালিদাস নব-প্রতিষ্ঠিত ধর্মের বিরোধীও যে সমস্ত ছিল, বিশেষতঃ শাক্ত ধর্মাবলম্বী বলিয়া পরিচিত ভণ্ড ব্যক্তিগণ মধ্যে অনেকেই নানা প্রকার বাধা বিঘ্ন

তে লাগিল, অল্প সংখ্যক বৈষ্ণবের সহায়তার বহুসংখ্যক অন্য ধর্মাবলম্বী-গণের বিরুদ্ধাচরণ সহ্য করা অন্যের পক্ষে অসাধ্য হইলেও কালিদাস বিচলিত হইলেন না, শাক্ত ধর্মাবলম্বী আত্মীয় স্বজনগণ ভয়ব্যঞ্জক কোন কথা বলিলে, তিনি বলিতেন, ভয় কি, ঘরে যে বিখন্তর আছেন, তিনিই রক্ষা করিবেন, আর রক্ষা না করেন ভালই, তাঁহার যাহা ইচ্ছা তাহাই হইবে, আমাকে সব কথা বলিবেন না, কে কাহার কি করিতে পারে? আমার কিছুই নাই, সমস্ত শ্রামরায়কে দিয়াছি, এই যে দেহ ইহাও আমার নয়, শ্রামরায়ের, তাইটাদ নিয়েছিলেন, তিনি শ্রামরায়কে দিয়াছেন, আমি কি করিব? তাহা কিছু বলিতে হয়, আপনারা শ্রামরায়কে বলুন, আমাকে বলা না বলা কথা। আত্মীয়-স্বজন এই সমস্ত কথা শুনিয়া অবাক হইতেন, অতি নিকোঁধ বিবেচনায় বিরক্তাভাব করিয়া চলিয়া যাইতেন, কালিদাসের আত্মত্যাগ, এক-কথা দেখিয়া যখন সকলেই বুঝিলেন, এ সামান্য হৃদয় নয়, এ হৃদয়ের ভাব কলিত করিবার উপায় নাই, তখন সকলেই নিরুপায় হইয়া অন্য পথ অবলম্বন করিতে লাগিলেন।

কালিদাসের মাসে দোলযাত্রা উপলক্ষে শ্রামরায়ের অঙ্গনে দোলের বিশেষ ধুম-মহু হইবে, অহুরাগী বৈষ্ণবগণ পূর্ব হইতেই উদ্যোগ আয়োজন করিতে লাগিলেন, নানাস্থান হইতে ভক্তগণ আসিতে লাগিলেন, বায়সাগ্রাম কীর্তন-মন্দির পরিপূর্ণ হইয়া উঠিল, আগন্তুক জনগণ শ্রামস্কন্দরকে দর্শন করিয়া কীর্তন করিয়া প্রতিদিন প্রসাদ ভক্ষণ করিয়া তৃপ্তিলাভ করিতে লাগিলেন, প্রতিদিন শত শত মণ চাউলের অন্ন ও তৎপরিমাণে বিবিধ ব্যঞ্জনাদি প্রস্তুত হইয়া নানা উপচারে শ্রামস্কন্দরের ভোগ হইতে লাগিল, কোথা হইতে কে আয়োজন করিতেছে, কিছুই কেহ বলিতে পারিতেছে না, অথচ সকলেই তৃপ্তিলাভ করিতে লাগিল, একটা প্রাণীও উপবাসী থাকেন না, এইরূপে তিন দিন দোলের আনন্দে অতিবাহিত করিয়া যাত্রীগণ যথাস্থানে চলিয়া গেলেন, তখন একটা বৃদ্ধ ব্রাহ্মণ তাঁহার সর্বাঙ্গস্কন্দরী দুইটী কন্যাসহ শ্রামরায়ের গৃহেই থাকিয়া গেলেন, ব্রাহ্মণকে দেখিয়া সকলেই অহুমান করিলেন, তিনি অতি তেজঃপূর্ণ পবিত্র ব্রাহ্মণ, হরিনামেও ইহার বিশেষ প্রীতি আছে, দোলের সময় বহুলোকের মধ্যে কেহই খোঁজ খবর লইবার সময় সুযোগ হই নাই, এখন লোকের ভিড় কমিয়া গিয়াছে, ভিন্ন স্থানের অপরিচিত লোক দেখিলেই পরিচয় লওয়ার ইচ্ছা সকলেরই হইয়া থাকে, কোন কোন

ব্যক্তি ব্রাহ্মণের পরিচয় লইয়া জানিলেন, ব্রাহ্মণ রাজসাহী অঞ্চলের একজন পবিত্র বংশের বংশধর, কন্যা দায়গ্রস্ত হইয়া নানা স্থানে পাত্র অবেষণে ভ্রমণ করিতেছেন, ইহাও তিনি প্রকাশ করিলেন, আমার অভিলাষ আমার এই ছুই কন্যা কালিদাস এবং শ্রামদাসের সহ বিবাহ দিয়া চরিতার্থ হইব, ইহা যদি সহজে বিবাহ না করিতে চান, তাহা হইলে আমি শ্রামসুন্দরের অঙ্গনে কন্যা দ্বয় সহ নিরাহারে ধন্য লাগাইব, দেখিব শ্রামসুন্দরের দয়া হয় কি না কালিদাসের আত্মীয়গণ মধ্যে, যাঁহারা বিষয়াদিতে মনোনিবেশ করার জন্য সর্বদা অনুরোধ করিতেন, তাঁহারা মনে করিলেন, এই সদংশজাতা কন্যা দ্বয়কে দেখিলে কালিদাস নিজের এবং কনিষ্ঠের বিবাহে সম্মতি দিতে পারেন।

একদিন কালিদাস শ্রামসুন্দরের পূজা ভোগ সমাধা করিয়া উপস্থিত জনগণকে প্রসাদ ভক্ষণার্থে সাদরে আহ্বান করিতে লাগিলেন। সকলেই যথাস্থানে প্রসাদ ভক্ষণার্থ গমন করিলেন, কিন্তু ব্রাহ্মণ কন্যা দ্বয় সহ অঙ্গনেই বসি থাকিলেন, তদর্শনে ব্রাহ্মণের নিকট উপস্থিত হইয়া করযোড়ে বলিলেন দেবতা! আপনি বসিয়া থাকিলেন কেন? প্রসাদ ভক্ষণার্থ আমার আসুন, প্রচুর স্থান আছে, বসাইয়া দিব। ব্রাহ্মণ কোন উত্তর না করি বসিয়া থাকিলেন। কালিদাস পুনরায় সবিনয়ে বলিলেন, আমার কি কোন্ অপরাধ হইয়াছে? যদি অপরাধ হইয়া থাকে, তবে ক্ষমা করুন, আমি সামান্য মানুষ, আপনি অতিথি দেবতা, দেবতার নিকট মানুষের অপরাধ পদেই হইয়া থাকে, অপরাধ ক্ষমা করিয়া কন্যা দ্বয় সহ মহাপ্রসাদ ভক্ষণ করিতে চলুন। ব্রাহ্মণ তাহাতেও নিরুত্তর। ভক্ত কালিদাস আর স্থি থাকিতে পারিলেন না, ব্রাহ্মণের পদযুগল ধারণ করিয়া বলিলেন, আপনার কি অভিপ্রায় প্রকাশ করিয়া বলুন, এই ক্ষুদ্র জীবের যথাসাধ্য আপনার অভিপ্রায় প্রতিপালনে অগ্রথা হইবে না, ব্রাহ্মণ ভক্ত কালিদাসের মুখে এই প্রকার কাতরোক্তি শুনিয়া বলিলেন, বাপু, তুমি অসাধু পুরুষ, তোমার কথা মিথ্যা হইবার নয়, তুমি যথাসাধ্য আমার বাসনা পূর্ণ করিতে সম্মত হইলে, তবে আমার বাসনা শ্রবণ কর। আমার এই ছুইটিকে তোমাদের ছুই ভ্রাতাকে বিবাহ করিতে হইবে। তোমরা সদংশজাত, পবিত্র সাধু পুরুষ, এবং রূপে গুণে তোমাদিগের অপেক্ষা ভাল পাত্র আর আমি দেখিতে পাইতেছি না। আর আমার কন্যা দ্বয়ও বিক্রী

দেখিতেই পাইতেছি। তোমাদের যোগ্য হইবে, তাহাতে আর সন্দেহ নাই। যদিও আমার এই বাসনা পূর্ণ কর, তবেই অদ্য শ্রামসুন্দরের প্রসাদ ভক্ষণ করিব, নতুবা কন্যা দ্বয় সহ শ্রামসুন্দরের অঙ্গনেই দেহপাত করিব স্থির করিয়াছি। কালিদাস ব্রাহ্মণের এবস্থিধ কথা শ্রবণ করিয়া অত্যন্ত ভীত হইয়া উঠিলেন। কি করিবেন, এবং কি বলিবেন, কিছুই হইতে স্থির করিতে না পারিয়া এক মনে শ্রাম রায়কে চিন্তা করিতে লাগিলেন, মনে মনে প্রার্থনা করিতে লাগিলেন, প্রভু একি করিলা, এ কি তোমার পরীক্ষা, যদি পরীক্ষা প্রয়োজন ছিল, তাহা হইলে এত কঠোর পরীক্ষা কেন করিতেছ? আমি সামান্য জীব, আমি কি তোমার পরীক্ষার উপযুক্ত হইতে পারিব? প্রভু আর ভাবাইও না, আমার ত আর কিছুই নাই, এ দেহ, মন, প্রাণ, সমস্তই নিতাই চাঁদ তোমাকে অর্পণ করিয়া গিয়াছে, ব্রাহ্মণ জানে না যে, এই কঠিন কথার উত্তর আমার দিবার শক্তি নাই, আমি কে যে, আমাকে জিজ্ঞাসা করে? তুমি তোমার এই ক্ষুদ্র জীবের যাহা বলাইবে, সে তাহাই বলিবে, তোমাকে এই অনুরোধ করিলেই হইবে, প্রভু! যাহা বলাইতে হয় বলাও, যাহা করিতে হইবে, করাও কিন্তু অতিথি যেন অনাহারে না যায়, আর তোমার এই ক্ষুদ্র জীবের বাসনাও যেন অসম্পূর্ণ না হয়, ভক্ত কালিদাসের কথা যেন শ্রাম সুন্দরের কর্ণে প্রবেশ করিল। বিপদভঞ্জন মধুসূদন বিপদ হইতে উদ্ধারের পথ করিয়া দিলেন। কালিদাস বলিলেন, দেবতা আমি দার পরিগ্রহ করিব না, ইহা পূর্বেই স্থির করিয়াছি, ভগবানের ইচ্ছাও বোধ হয় তাহাই, একরূপ ক্ষেত্রে কি প্রকারে আপনার কন্যার পাণি গ্রহণ করিব? তবে আমি যখন বলিয়াছি যে আপনার বাসনা যথাসাধ্য পূর্ণ করিতে ক্রটী করিব না, তখন অবশ্যই আপনার বাসনা পূর্ণ করিতে হইবে, আপনার বাসনা আপনার কন্যা দ্বয়কে পাত্রস্থ করিয়া, তাহা আমি করিয়া দিব, আপনার কোন আপত্তি না থাকিলে আমার কন্যার সহিত আপনার ছুই কন্যার বিবাহ দিব। ইহাতে কোন অশুভ হইবে না। ব্রাহ্মণ আর দ্বিকল্পিত না করিয়া সম্মত হইলেন এবং কন্যা দ্বয় সহ কালিদাসের প্রসাদ ভক্ষণে গমন করিলেন, ব্রাহ্মণের নাম ধামাদির কোন মনোনিবেশন পাওয়া যায় না, কন্যা দ্বয়ের মধ্যে জ্যেষ্ঠার নাম লক্ষ্মী এবং কনিষ্ঠার নাম সরস্বতী উল্লেখ আছে।

কালিদাস কামিনী কাঞ্চন স্পর্শ করিবেন না, পূর্বেই স্থির করিয়া-

ছিলেন। এই বংশ রক্ষা করার জন্ত মহাপ্রভু এবং নিত্যানন্দ প্রভুর অভি-  
প্রায় ছিল, তজ্জন্ত কালিদাস কনিষ্ঠ শ্যাম দাসের দ্বারাতেই বংশ রক্ষা করি-  
বেন, এই ব্যবস্থা পূর্ব হইতেই স্থির করিয়াছিলেন, কিন্তু এক সঙ্গে দুইটি  
কন্যার পাণিগ্রহণ করিতে হইবে, তাহা তিনি মনে করেন নাই। আজ  
অতিথি ব্রাহ্মণের কন্যাদায় মুক্ত করিতে গিয়া শ্যামদাসকে এক কালে দুইটি  
বিবাহ দিতে হইল। শ্যাম দাস জ্যেষ্ঠের নিঃসন্ত অনুগত, বিবাহের কথা  
শুনিয়া কোন প্রতিবাদি করিলেন না। কেবলমাত্র অন্তরে বলিলেন, দাদা  
আমাকেই শৃঙ্খলাবদ্ধ করিলেন, দাদা ভাবিয়াছেন, শ্যাম দাস এক শৃঙ্খ-  
লাবদ্ধ থাকিবে না। তাই এককালে দুইটি শৃঙ্খলে বাঁধিবেন, স্থির করিয়াছেন  
তা করুন আমিও দিব্যচক্ষে দেখিতেছি, দাদাও ইহাতে মুক্ত থাকিতে পারি-  
বেন না। সে সময় শ্যামদাসের এই কথার অর্থ বুঝা গেল না, পরে তাঁহার কথা  
শুনি সম্পূর্ণভাবেই ফলিয়াছিল, পরে তাহা প্রকাশ পাইবে। শুভদিন দেখিয়া  
শ্যামরায়ের অঙ্গণে শ্যামদাসের শুভ পরিণয় হইয়া গেল, বৃদ্ধ ব্রাহ্মণ কন্যাদায়  
হইতে উদ্ধার হইয়া আনন্দ প্রকাশ করিলেন, লক্ষ্মী সরস্বতী প্রকৃত লক্ষ্মী  
সরস্বতীর আয় শ্যামরায়ের সংসারে বিরাজ করিতে লাগিলেন, বৃদ্ধ ব্রাহ্মণ  
কিছুদিন শ্যামরায়ের বাটীতে থাকিয়া সমস্ত বিষয় সম্পত্তি শ্যামরায়কে অর্পণ  
করিয়া তীর্থ পর্য্যটনে চলিয়া গেলেন, তৎপর আর তাঁহার কোন সন্ধান কেহ  
পায় নাই, আর কোন স্থানে তাঁহার উল্লেখও হয় নাই।

কালিদাস শ্যামদাসের এবং ভ্রাতৃবৃদ্ধদের নিষ্ঠা দর্শনে আনন্দানুভব করিতে  
লাগিলেন, শ্যামদাস শ্যামরায়ের সেবা পূজার সমস্ত কার্যই নিজে করিতে  
আরম্ভ করিলেন, কালিদাস নিশ্চিত মনে শরণ, মনন ও কীর্তনাদিতে সমস্ত  
কাটাইতেছেন, শ্যামরায়ের মহিমা এবং ভ্রাতৃ যুগলের ধর্মভাবের কথা দেশ  
মধ্যে ক্রমেই বহুল প্রচার হইতে লাগিল। একদিন কালিদাস শ্যামদাসকে  
ডাকিয়া বলিলেন, শ্যামদাস আমার প্রতি প্রভুগণ তীর্থ পর্য্যটনের আদেশ  
করিয়াছেন, আমি তীর্থ পর্য্যটনে যাইব, তুমি কোন চিন্তা করিও না, এক  
মনে শ্যামরায়ের সেবা পূজা করিতে থাক, শ্যামসুন্দর তোমার একমাত্র রক্ষক  
সংসারে আর কেহই কাহারও নয়, শ্যামরায়ই একমাত্র ভরসা, আমি অদ্য  
যাইতেছি, ইহাতে অন্তমত করিও না, শ্যামদাস কিছুকাল নিস্তর থাকিয়া  
একটি দীর্ঘ নিঃশ্বাস ত্যাগ করিয়া বলিলেন, বেশ, কত দিনে ফিরিয়া আসি-  
বেন? কালিদাস বলিলেন, কতদিনে ফিরিয়া আসিব, তাহা এখন বলি-

রি না, প্রভুগণ যখন পাঠাইবেন তখনই আসিব, প্রভুগণের ইচ্ছার উপরই  
সমস্ত নির্ভর করে, আমার ইচ্ছায় কিছু হইতে পারে না, তুমি মহাজ্ঞানী  
ইয়া একথা কেন জিজ্ঞাসা করিতেছ? শ্যামদাস যেন কিঞ্চিৎ বিচলিত হই-  
লেন, জ্যেষ্ঠের বিরহ-জনিত কষ্টের ছায়া যেন হৃদয়ে পতিত হইয়া শোকের  
গাব আসিতে লাগিল। কালিদাস তাহা বুঝিতে পারিয়াও ক্ষান্ত হইলেন না,  
কেবল মাত্র বলিলেন, শ্যামদাস, আমার আসিতে কতদিন হইবে, স্থির নাই,  
তাহার ঈশ্বরী যখন এদেশ পবিত্র করিতে আসিবেন, সেই সময় তুমি বৃদ্ধ  
হুঁতাহার নিকট দীক্ষা গ্রহণ করিও, তোমাকে আর কিছু বলিবার প্রয়োজন  
বোধ করিতেছি না। শ্যামরায় যাহা করাইবেন, তাহাই করিবা। বিধি-  
গণের অত্যাচারে বিচলিত হইও না, ভক্ত মণ্ডলীর মনোবাঞ্ছা যথাসাধ্য পূর্ণ  
করিও। আমি প্রত্যাগমন করিলে তোমার ভার অনেক কমাইয়া দিব।  
কালিদাস সেই দিনই শ্রীশ্রীশ্যামসুন্দরের সেবা পূজা করিয়া প্রসাদ গ্রহণান্তে  
তীর্থ পর্য্যটনে বহির্গত হইলেন।

শ্রী বণওয়ারিলাল গোস্বামী ।

## বর্ণাশ্রম-ধর্ম ।

### গার্হস্থ্যশ্রম ।

শ্রোত ফিরিয়াছে। বিজাতীয় শিক্ষা ও নবোদ্ভাবিত ব্রাহ্মধর্মের অভ্য-  
মধ্যে দিন কয়েক হিন্দুসমাজের অবস্থা যেরূপ দাঁড়াইয়াছিল, সে ভাব আর  
নাই। এখন ইংরেজী শিক্ষিত নব্য যুবকেরাও আপনাকে “হিন্দুস্তান”  
এই পরিচয় দিতে আর কুণ্ঠাবোধ করেন না। অনেকে শাস্ত্রালোচনায়ও  
মনোনিবেশ করিয়াছেন। সম্বাদপত্র, সভা, সমিতি ও থিয়টরাদিতে সর্বত্রই  
হিন্দুধর্মের বক্তৃতা—হিন্দুধর্মেরই আলোচনা হইতেছে। সুদূর ইউরোপ ও  
আমেরিকা ভূমিতেও হিন্দুধর্মের শ্রেষ্ঠত্ব প্রতিপাদন ও ধর্ম প্রচারেরও চেষ্টা  
লাগিতেছে। সুতরাং আপাতদৃষ্টিতে ইহা শুভলক্ষণ বলিয়াই মনে হয়। কিন্তু  
কতই কি তাহাই? কথাটা ধীরভাবে একবার চিন্তা করিয়া দেখা, হিন্দু-  
ধর্মেরই কর্তব্য। ফলকথা আজিকালি যে ভাবে হিন্দুধর্মের আলো-  
চনা চলিতেছে, তাহাকে শুভ লক্ষণ না বলিয়া, অবনতির বা অধঃপতনের

পূর্ব লক্ষণ বলিয়াই আমাদের ধারণা জন্মিয়াছে। এখনকার নব্য শিক্ষাব্যক্তিগণের মধ্যে অনেকেই সমগ্র শাস্ত্রবাক্যে বিশ্বাস নাই। বাহ্যিক গুছিয়া লেজামুড়া বাদ দিয়া আপনাদের অনুকূল মত যাহাতে দেখিতে পান কেবল সেই সকল শাস্ত্রই তাঁহারা মানিয়া থাকেন। ভগবানের অবতার স্বরূপ পূজ্যপাদ ঋষিগণকে সর্বজ্ঞ ও অদ্রান্ত পুরুষ বলিয়াও তাঁহারা মনে করেন না। ইহাদের মধ্যে কতকগুলি লোক আবার সংস্কার-প্রয়াসী হিন্দুধর্মের কোন কোন অংশকে সুসংস্কৃত ও বর্তমানকালের অবস্থোপযোগী রূপে গঠন করিয়া লইতেও তাঁহারা কৃতসঙ্কল্প। কতকগুলি লোক হিন্দু জাতিভেদ প্রথাটা এককালীন উঠাইয়া দিয়া একাকার করণে বদ্ধপরিকর কেহ কেহ বা শাস্ত্রমতে খাদ্যাখাদ্যের বিচার করিবার আবশ্যিকতাই অনুভব করেন না। বলা বাহুল্য যে, এখন নব্য সম্প্রদায়ের মধ্যে ধর্ম সম্বন্ধে কেবল লই যথেষ্টাচার চলিতেছে। আমাদের বেদমূলক আর্ধ্যধর্ম সনাতন ও নিত্য পদার্থ। যাহা নিত্য, কোনকালেই তাহার পরিবর্তন সম্ভবে না। হিন্দু সমগ্র শাস্ত্রবাক্যে বিশ্বাস ও শাস্ত্রোক্ত আচার নিয়মাদি সম্যক্রূপে পালন করিয়া, কেবল বাক্যে আপনাকে 'হিন্দু' নামে পরিচিত করিলেই 'হিন্দু' হওয়া যায় না। শ্রীমদ্ভগবদ্গীতায় কথিত হইয়াছে,—

“যঃ শাস্ত্রবিবিমুৎসৃজ্য বর্ততে কামচারতঃ ।

ন স সিদ্ধিমবাপ্নোতি ন সুখং ন পরাং গতিম্ ॥

তস্মাচ্ছাস্ত্রং প্রমাণন্তে কার্যাকার্য্য ব্যবস্থিতৌ ।

জ্ঞাত্বা শাস্ত্রবিধানোক্তং কর্ম কৰ্ত্ত্বমিহাহঁসি ॥”

শ্রীভগবান্ অর্জুনকে উপদেশচ্ছলে বলিতেছেন, যে ব্যক্তি শ্রুতি, স্মৃতি, পুরাণাদি শাস্ত্রবিধিকে অগ্রাহ করিয়া স্বেচ্ছাচারে প্রবৃত্ত হয়, সে কোনকালেই সিদ্ধিলাভ করিতে পারে না; এবং তাহার সুখ ও পরাগতিও লাভ হয় না। অতএব হে অর্জুন! তুমি শাস্ত্রবিধি দৃষ্টে স্বীয় কৰ্ত্তব্যাকর্ত্ত নির্ণয় করিয়া, তদনুসারেই কর্মের অনুষ্ঠান করিতে থাক।

এখন শাস্ত্র কাহাকে বলে এবং কোন্ কোন্ ঋষি ধর্মশাস্ত্র প্রণেতা বলিয়া নির্দিষ্ট হইয়াছেন, সেই কথাটা বলা যাইতেছে। যথা,—

“শকব্রহ্মরূপ অনাদি অপৌরুষেয় বেদই আর্ধ্যধর্মের মূল। এই বেদ শাস্ত্রই ভারতীয় আর্ধ্যজাতির নিখিল কর্মকাণ্ড ও জ্ঞানকাণ্ডের কর্ত্তব্য স্বরূপ। বেদান্ত, বেদান্ত, স্মৃতি, আগম ও পুরাণাদি যাবতীয় শাস্ত্রই বেদ

ভিন্ন ভিন্ন শাখাভেদ মাত্র। বেদজ্ঞান-সম্পন্ন পশ্চাল্লিখিত ঋষিগণই ধর্মশাস্ত্র-প্রণেতা রূপে নির্দিষ্ট হইয়াছেন। যথা,—

“মম্বত্রি বিষ্ণুহারীত যাজ্ঞবল্ক্যো শনোহঙ্গিরঃ ।

যমাপস্তম্ব সম্বর্ত্তাঃ কাত্যায়নবৃহস্পতী ।

পরশর ব্যাসশঙ্খ লিখিতা দক্ষগোতমৌ ।

শতাতপো বশিষ্ঠশ্চ ধর্মশাস্ত্র প্রযোজকাঃ ॥”

মহু, অত্রি, বিষ্ণু, হারীত, যাজ্ঞবল্ক্য, উশনা, অঙ্গিরা, যম, আপস্তম্ব, সম্বর্ত্ত, কাত্যায়ন, বৃহস্পতি, পরশর, ব্যাস, শঙ্খ, লিখিত, দক্ষ, গোতম, শতাতপ বশিষ্ঠ, এই বিংশতি জন বেদজ্ঞ ঋষিই ধর্মশাস্ত্র প্রযোজক। অর্থাৎ ইহাদের কাহাঁ বেদবৎ মাননীয়।

অতএব আমরা হিন্দুসন্তানগণের অবশ্যপালনীয় শাস্ত্রোক্ত অনুষ্ঠান পদ্ধতি আশ্রমধর্মের কথা ক্রমশঃ সাধারণে প্রচার করিতে অভিলাষী হইয়াছি। শাস্ত্র শাস্ত্র, এতদ্বারা শাস্ত্রানভিজ্ঞ স্বধর্মপালনেচ্ছু হিন্দুসন্তানগণের কিয়ৎ-কিয়ৎ পরিমাণেও সাহায্য হইতে পারিবে।

ব্রাহ্মণের জন্ত শাস্ত্রে চতুরাশ্রমের বিধান হইয়াছে। যথা:—

“চত্বার আশ্রমাশ্চৈব ব্রাহ্মণস্য প্রকীর্তিতাঃ ।

গাহঁস্থ্যং ব্রহ্মচর্য্যঞ্চ বানপ্রস্থঞ্চ ভিক্ষুকম্ ॥”

বামন পুরাণ ।

আশ্রম চারিটী—ব্রহ্মচর্য্য, গাহঁস্থ্য, বানপ্রস্থ ও ভিক্ষুক। এই চতুরাশ্রমের মধ্যে নিজ নিজ অধিকারানুসারে কোন একটি আশ্রমকে অবলম্বন করিয়া থাকিতেই হইবে। কেননা দ্বিজগণ ক্ষণকালের জন্ত ও আশ্রমবিহীন থাকিলে প্রায়শ্চিত্ত হইয়া থাকেন। যথা,—

“অনাশ্রমী ন তিষ্ঠেত্তু ক্ষণমাত্রমপি দ্বিজঃ ।

আশ্রমেন বিনা তিষ্ঠন্ প্রায়শ্চিত্তীয়তে ত্বসৌ ॥”

দক্ষসংহিতা ।

কেবলমাত্র সত্য, ত্রেতা ও দ্বাপর, এই যুগত্রয়ের নিমিত্তই পূর্বোক্ত আশ্রমের বিধান বিধিবদ্ধ হইয়াছে। কিন্তু কলিযুগে মানবগণের আধ্যাত্মিক শক্তির হ্রাস হওয়ায়, অন্যান্য আশ্রম একবারে উঠাইয়া দিয়া, কেবল গাহঁস্থ্যশ্রম ও ভিক্ষুশ্রমের বিধান করিয়াছেন। যথা, তন্ত্রে,—

“ব্রহ্মচর্যাশ্রমো নাস্তি বানপ্রস্থোহপি ন প্রিয়ে ।  
গৃহস্থো ভিক্ষুকশ্চৈব আশ্রমো দ্বৌ কলৌ যুগে ।”

আবার বৃহদ্রথপুরাণেও কথিত হইয়াছে,—

“সমুদ্রযাত্রা স্বীকারঃ কমণ্ডলু-বিধারণম্ ।  
দ্বিজানাংসবর্ণান্সু কথ্যাসুপযমস্তথা ॥  
দেবরেণ সতোৎপত্তিমধুপর্কে পশোবধঃ ।  
মাংসদানং তথা শ্রাদ্ধে বানপ্রস্থ্যশ্রমস্তথা ॥  
দত্তাহঙ্কতায়াঃ কথ্যয়াঃ পুনর্দানং গরস্তাচ ।  
দীর্ঘকালং ব্রহ্মচর্যাং নরমেধাশ্রমেধকৌ ॥  
মহাপ্রস্থান-গমনং গোমেধঞ্চ তথা মথম্ ।  
ইমান্ ধর্ম্যান্ কলিযুগে বর্জ্যানাহর্মনীষিণঃ ॥”

সমুদ্রযাত্রা, কমণ্ডলু ধারণ, (সন্ন্যাস) অসবর্ণা কন্যাগণের সহিত দ্বিজগণের  
বিবাহ, দেবরের দ্বারা পুত্রোৎপত্তি, মধুপর্কের নিমিত্ত পশুবধ, শ্রাদ্ধে গোমাংস  
দান, বানপ্রস্থ্যশ্রম, অক্ষতঘোনি দত্তা কন্যার অন্য পাত্রে পুনর্দান (বিধব  
বিবাহ) দীর্ঘকাল ধরিয়া ব্রহ্মচর্য (ব্রহ্মচর্যাশ্রম) নরমেধ, অশ্রমেধ ও গোমে  
ষজ্ঞ এবং মহাপ্রস্থানগমন, এই ধর্মগুলি কলিযুগে একবারেই বর্জ্যনীয় ।

কলিযুগের নিমিত্ত গৃহস্থ্যশ্রম ও ভিক্ষুকশ্রম, এই দুইটি আশ্রমের বিধান  
থাকিলেও আমরা প্রয়োজনবোধে আপাততঃ কেবল গৃহস্থ্যশ্রমের কথাই এই  
প্রবন্ধে আলোচনা করিব । অপর তিনটি আশ্রমের অধিকারী ব্যক্তিগণের  
একমাত্র আশ্রয়স্থান বলিয়া, শাস্ত্রকারগণ গৃহস্থ্যশ্রমকে শ্রেষ্ঠ আসন প্রদান  
করিয়াছেন । যথা,—

“চতুর্গাম শ্রমাণাং হি গাহস্থ্যং শ্রেষ্ঠমাশ্রমম্

গৃহস্থ্যশ্রমে প্রবেশ করিতে হইলে, অগ্রে যথাশাস্ত্র বিবাহ ও সংকুলজাত  
সুলক্ষণা পত্নী-পরিগ্রহ আবশ্যিক । নতুবা গৃহস্থ্যশ্রমে অধিকার হয় না  
এবং পত্নী ব্যতিরেকে গৃহস্থ্যশ্রমের কার্যও চলিতে পারে না । কিন্তু আদি  
চল্লিশ বৎসর বয়সের পর যদি গৃহীর পত্নীবিয়োগ হয়, তাহা হইলে তিনি  
আর বিবাহ না করিলেও প্রত্যাবর্ত্তাগী হইতে পারেন না । এইরূপ মৃতপত্নী  
গৃহীকে রত্নাশ্রমী বলে । যথা,—

“চত্বারিংশদ্বৎসরাণাং সাষ্টানাঞ্চ পরে যদি ।  
স্ত্রিয়া বিযুক্ত্যাতে কশ্চিৎ স তু রত্নাশ্রমী মতঃ ॥”

ভবিষ্য পুরাণ ।

ক্রমশঃ ।

শ্রীপ্রসন্নকুমার চট্টোপাধ্যায় ।

বার্তিক ও অগ্রহায়ণ মাসের বীরভূমি একত্রে অগ্রহায়ণের প্রথমে প্রকাশিত হইবে ।

# বীরভূমি

মাসিক পত্রিকা ও সমালোচনী ।

মে ১৩ ] আশ্বিন, ১৩১২ । [ ১০ম সংখ্যা ।


শ্রীনীলরতন মুখোপাধ্যায় বি, এ,  
সম্পাদিত ।

সূচী ।

১। দোষ কাহার ?	...	...	৩৬১
২। ভারতে সত্যমহিমা । (শ্রীবলীন্দ্রসিংহ দেব) ।	...	...	৩৬৭
৩। মারু সালারজঙ্গ । (শ্রীভুবনমোহন ঘোষ)	...	...	৩৭৮
৪। বর্ণাশ্রম-ধর্ম । (শ্রীপ্রসন্নকুমার চট্টোপাধ্যায়) ।	...	...	৩৮৪
৫। সংসার । (শ্রীনীলরতন মুখোপাধ্যায়)	...	...	৩৯২
৬। মনের কথা ।	...	...	৩৯৭
৭। উদ্ধার । (শ্রীযতীন্দ্রনাথ চট্টোপাধ্যায়)	...	...	৩৯৮
৮। বঙ্গীয় সাহিত্য-সেবক । (শ্রীশিবরতন মিত্র)	...	...	৩৯৮

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত  
বাবু সৌরেশচন্দ্র সরকার মহাশয়ের সম্পূর্ণ  
ব্যয়ে বীরভূম জেলার অন্তর্গত  
কীর্ত্তহার গ্রাম হইতে  
শ্রীদেবিদাস ভট্টাচার্য্য বি, এ  
কর্ত্তক প্রকাশিত ।

১২ই আশ্বিন—১৩১২ ।



সুগন্ধি কেশতৈলের অধীশ্বর।  
 মস্তক বূর্ণনাদি যাবতীয় শিরো-  
 রোগ-নাশক প্রকৃত হিতকর তৈল।  
 কেশ কাল, ঘন ও বৃদ্ধি করিবার  
 ক্ষমতা অপূর্ব।  
 মৃৎ ও মধুর গন্ধের নিকট আজ  
 স্বর্গের পারিজাতও লজ্জিত।

আমাদের স্পর্শ না করিয়া ব্যবহার করিয়া বলুন।

আপনি সর্বদা বহুবিধ সুগন্ধি তৈল ইত্যাদি ব্যবহার করিয়া থাকেন।  
 একবার সুঘমা মাখিয়া বলুন দেখি কি সৌগন্ধে, কি উপকারিতায়, কি মুখ  
 পৃথিবীতে সুঘমার সমকক্ষ আর কি কেহ আছে?

মূল্য প্রতি শিশি ১০, ডাকে ১৫

ডারমেটন সুগন্ধি নির্ঘাস—ব্রন, মেচেতা ঘামাচি ও হাত পা ফ  
 অপূর্ব ঔষধ। যাঁর রং কাল, তিনি প্রত্যহ মাখিলে বেশ শ্রামল যে  
 উজ্জল হইবেন।

মূল্য ১০ আনা ডাকে ১৫

পি, মেট এণ্ড কোং—১৩রামনারায়ণ ভট্টাচার্য্যের গলি, দর্জিপাড়া, কলিকাতা

## নিরুদ্দেশ। ৫০০ টাকা পুরস্কার।

বাবা নির্মল—এই বিজ্ঞাপন দেখিবা মাত্র বাড়ী আসিবে।  
 পুরাতন জ্বর আশ্চর্য্যরূপে আরোগ্য হইয়াছে। কলিকাতার অতি প্রাচীন  
 শ্রদ্ধেয় ডাক্তার শ্রীযুক্ত গিরিশচন্দ্র দত্তের (এল্, এম, এম্, ১৮৬৫ সাল) ডাক্তার  
 স্কৃত "ফিবার ড্রপ্স" ধনুস্তরীর কাজ করিয়াছে। এক সপ্তাহে ২ বৎসরের  
 কমিয়া গিয়াছে। তুমি কলিকাতা দর্জীপাড়ার ১২নং রামনারায়ণ ভট্টাচার্য্যের  
 লেন হইতে ২শিশি ফিবারড্রপ্স ২ টাকায় আনিবে; বেশী টাকা খা  
 উক্ত ডাক্তার বাবুর আবিষ্কৃত বসন্তরোগের ও প্লেগের আশ্চর্য্য ঔষধ  
 শিশি আনিবে, মূল্য ২ টাকা মাত্র। বাবা! যেমন সময় পড়িয়াছে  
 ওরকম ঔষধ ২১ শিশি থাকা ভাল। ইতি।

পুনশ্চঃ—শুনিলাম, ঔষধ গুলি ডাক্তার বাবু বহু অর্থব্যয়ে ও প  
 দেশী একটা গাছ হইতে রাসায়নিক প্রক্রিয়া, দ্বারা প্রস্তুত করিয়াছেন, ই  
 কুইনাইন, আসেনিক আদি জরস্র, কোনরূপ বিলাতী ঔষধ মিশ্রিত  
 ঐরূপ কোন জিনিষ আছে কেহ প্রমাণ করিতে পারিলে, তিনি তাঁ  
 ৫০০ টাকা পুরস্কার দিবেন। প্রায় ১৬ বৎসর বারংবার করিয়া

# বীরভূমি

আশ্বিন, ১৩১২

[১০ম সংখ্যা]

## দোষ কাহার ?

ভারত অধঃপতিত, আর আমরা, ভারতবাসী, আমরা, অন্তঃসার-শূন্য,  
 কলহপ্রিয়, বাক্‌সর্বস্ব; আমরা তোষামোদ-নিপুণ, দাস্তানুজীবী; আমরা  
 হীন, উৎসাহ-বিহীন। আমাদের একতা নাই, একপ্রাণতা নাই, আমাদের  
 উদ্যম নাই, দৃঢ়প্রতিজ্ঞতা নাই, আমরা অব্যবস্থিতচিত্ত অনুকরণপ্রিয়। এক  
 কথায়, বিংশ শতাব্দীর ভারতবাসী ভারতবাসিত্ব-বিহীন আত্মমর্য্যাদা-জ্ঞান-  
 বিহিত এক অদ্ভুত জাতি, তাই আমরা আজ জগতের নিকট ঘৃণিত, তাই  
 আমরা আজ এত দুর্দশাগ্রস্ত, তাই আমরা আজ উদরারের জন্ত লালায়িত ও  
 পিতৃহীন শ্রম পদদলিত।

দোষ কাহার? দোষের ভারত কাহার দোষে কোন্‌ পাপে এইরূপ  
 দুর্দশাপন্ন? যে আৰ্য্যভূমি এক সময়ে সভ্যতার শীর্ষভূমি ছিল, যে ভারত  
 এককালে ধর্ম্ম ও বিদ্যাচর্চ্চায় পৃথিবীস্থ সকল জাতিকে পরাস্ত করিয়াছেন,  
 পরপ্রসবিনী, বহু শতশালিনী যে ভারতের অধিবাসিগণ অন্তকষ্ট কাহাকে বলে,  
 এখন জানিত না, সেই ভারতমাতা কেন আজ দীনা, হীনা, মলিনা, পরপদ-  
 লিনীতা? সেই ভারতসন্তান আজ কোন্‌ দুর্দৃষ্ট দোষে ভীষণ অন্তকষ্ট-ক্রিষ্ট  
 এবং দণ্ডোদরপূরণের নিমিত্ত পরপদলেহনে নিযুক্ত?

দোষ কাহার? আমাদের মধ্যে এক সম্প্রদায় লোক আছেন, তাঁহারা  
 বলিবেন যে, ভারতীয় ধর্ম্ম ও সমাজনীতিই সকল অনর্থের মূল; বিশেষতঃ  
 হিন্দুধর্ম্ম ও হিন্দু রীতিনীতি ভারতের সর্বনাশ করিয়াছে ও করিতেছে।  
 বৈধব্য, শিক্ষিত নব যুবকের বাসিকা পত্নীর সহিত পুতুলের মত  
 বন্যাপনই আমাদের "পরাধীনতা, দারিদ্র্য, কাপুরুষতা ও লাম্পটোর"

প্রতিপোষক । তাঁহারা উচ্চৈঃস্বরে বলেন, “ধর্ম ও সমাজই আমাদের প্রধানতম শত্রু” ; পূর্বকালীন অকালকুশাগুণের মস্তিষ্ক-প্রসূত ভারত লণ্ডভণ্ডকারী ঘোর কুসংস্কারাচ্ছন্ন হিন্দুধর্মকে কস্মিনাশার গভীর জলে ডুবাইয়া দাও, হিন্দুসমাজকে চূর্ণ বিচূর্ণ করিয়া অতল জলধিতলে নিক্ষেপ করিয়া ব্যক্তিগত স্বাধীনতার দোহাই দিয়া দেশে যথেষ্টচার-শ্রোত প্রবাহিত করিয়া বিধবার বিবাহ দাও, বাছিয়া বাছিয়া শিক্ষিতা সুরসিকা বিংশতি বর্ষীয়া নবযুবতীর পাণিগ্রহণ কর, ভারতের দুঃখ ঘুচিবে, ভারতের পুনরভ্যুদয় ঘটিবে অল্পকষ্ট ঘুচিবে, পরাধীনতা যাইবে, স্বাধীনতা আসিবে, রাণের ভারত আবার সোণা হইবে।” তাঁহাদের এইমত কতদূর সমীচীন, তাহা সুধিগণের বিবেচ্য। আমার ক্ষুদ্র বুদ্ধিতে আমি উপরোক্ত উক্তির বিশেষ সারবত্তা দেখিতে পাই না। হইতে পারে, আমাদের ধর্ম ও সমাজ বর্তমান যুগের সম্যক উপযুক্ত নহে, কিন্তু আমাদের আধুনিক অধোগতির জন্ত আমরা নিজে যে পরিমাণে দায়ী, আমাদের ধর্ম ও সমাজ তাহার শতাংশের একাংশের জন্যও দায়ী নহে। আমাদের বর্তমান দুর্দশা আমাদের স্বকৃতপাপের ফল ; স্বকৃতকর্মের বোঝা ধর্ম ও সমাজের উপর চাপাইয়া আমরা লোকচক্ষের বা ঈশ্বরের কাছে নিক্ষেপিত লাভ করিতে পারিব না। আবহমান কাল ভারতের হিন্দুধর্ম প্রচলিত আছে বা ছিল, আবহমানকাল ভারতবর্ষে হিন্দুসমাজ আছে বা ছিল, হিন্দুধর্ম বা হিন্দুসমাজ নূতন বস্তু নহে, কিন্তু ভারতের দুর্দশা আধুনিক। যখন ভারতবর্ষে ধর্মবন্ধন ও সমাজবন্ধন প্রবল ছিল, যখন এই পৃথিবীভূমিতে ধর্মপ্রাণতা ছিল, তখন ভারতের ধন ছিল, ঐশ্বর্য্য ছিল, পরাক্রম ছিল, স্বাধীনতা ছিল। তবে জগতে কিছুই চিরস্থায়ী নহে, উন্নতির পরে অবনতি, অভ্যুদয়ের পর পতন, জাগতিক ধর্ম। প্রাচীন মিশর বল, পারস্য বল, রোম বল, গ্রীস বল, সকলেরই মহা অভ্যুদয়ের পর মহাপতন হইয়াছিল। কিন্তু সেখানে হিন্দুধর্ম বা হিন্দুসমাজ ছিল না।

আর এখন আমাদের ধর্ম কোথায় ? প্রকৃত হিন্দুত্ব দেশ হইতে ক্রমে অন্তর্হিত হইতেছে ; হিন্দুধর্ম পাশ্চাত্য শিক্ষায় ও সভ্যতার আশ্রিত জ্যোতির প্রথর কিরণ সহ্য করিতে অক্ষম হইয়া দেশের অতি নিভৃত প্রদেশে আশ্রয় গ্রহণ করিয়াছে ; কঙ্কালমাত্রের পর্য্যবসিত গতানুপ্রায় এই ধর্মকে লাঞ্ছনা করিবার জন্য আর লোকচক্ষের বাহির করিও না, তাহাকে নির্জনে নিভৃত মরিতে দাও, পরে কঙ্কালগুলি গঙ্গার জলে নিক্ষেপ করিও। আর সমাজ—

ধর্ম ও সমাজ এক শৃঙ্খলে বদ্ধ, যেখানে ধর্মবন্ধন নাই, সেখানে সমাজবন্ধন অসম্ভব, আমরা সমাজের মস্তকে অনেকদিন পদাঘাত করিয়াছি ; ধর্মের সঙ্গে সঙ্গে আমাদের সমাজও লুপ্তপ্রায়। এখনও সমাজে বাল্যবিবাহ আছে, কিন্তু ইহা হইয়াছে যে আমাদের অধোগতির কারণ, ও উন্নতির অন্তরায়, ইহা কেমন করিয়া স্বীকার করিব ? পাশ্চাত্য সমাজে বিধবার বিবাহ আছে, এবং তাহার যশ আমরা প্রত্যক্ষ করিতেছি। বিধবার বিবাহ দিয়া কতকগুলি অবলা কুমারীকে চিরকৌমার্য্য গ্রহণ করাইয়া আমাদের লাভ কি ? বাল্যবিবাহ ত্যাগ করিলেই আমরা ‘মানুষ’ হইতে পারিব না, বিধবার বিবাহ দিলেই আমাদের পুনরুত্থান ঘটিবে না ; প্রকৃত মানবপদবাচ্য হইতে হইলে যাহা যাহা আবশ্যিক, আমরা তাহা হারাইয়াছি। তাহা পুনঃপ্রাপ্ত হইবার উপায় কেবলমাত্র সমাজসংস্কার নহে, আত্মসংস্কার ; সমাজ ও ধর্ম আমাদের প্রধান শত্রু নহে, আমরাই আমাদের পরম শত্রু।

কেহ কেহ বলেন, হিন্দুধর্ম সমষ্টির সারাংশটুকুর নাম “Self-effacement.” আমি বলি, ভারতবাসীর পক্ষে, বিশেষতঃ দুর্বলচিত্ত বাঙ্গালীর পক্ষে পাশ্চাত্যশিক্ষা ও সভ্যতার সারাংশটুকুর নাম “Self-effacement.” সুদূর অতীতকালে, যেখানে এখনও পাশ্চাত্য সভ্যতা সম্যক প্রভাব বিস্তার করিতে পারে নাই, সেখানে এখনও ভারতবাসীর জাতীয়ত্ব আছে, ভাষা আছে, খাদ্য আছে, পরিচ্ছদ আছে, আর আমরা শিক্ষিত সভ্যতাগ্রস্ত যুবক, আমাদের কিছুই নাই, আমাদের আত্মমর্য্যাদা গিয়াছে, জাতীয়ত্ব গিয়াছে, স্বদেশীয় সমস্তই আমাদের নিকট স্থগিত—বর্করতা বা কুসংস্কারমাত্র। আমরা পৈতৃক নাম ছাড়িয়াছি, ‘রামকুমার’ ঘুচাইয়া আর, কে, হইয়াছি, ‘মিত্র’ ঘুচাইয়া ‘মিটার’ হইয়াছি, জাতীয় পরিচ্ছদ ছাড়িয়া ছাটকোট ধরিয়াছি, জাতীয় খাদ্য ত্যাগ করিয়া ‘কারি-শেরি কাটনেট শ্রাম্পেনে’ উদরপূর্তি করিতেছি। ঠিকরাজির বুকুনি মিশাইয়া জাতীয় ভাষাকে কি একটা ‘কিন্তুত কিমাকার’ করিয়া তুলিয়াছি। আমরা ক্ষুদ্র পতঙ্গ, পাশ্চাত্য সভ্যতারূপ উজ্জল বহির বাহ্যিক শোভায় আত্মহারা হইয়া তাহাতে পুরিয়াছি, আমাদেরকে দেখিয়া আমরা কোন্ জাতি, কোন্ বংশে আমাদের জন্ম, সহজে অনুমান করা যায় না। আমাদের জাতীয় অস্তিত্ব নাই, আমরা অধঃপতিত, জাতিচ্যুত, আমরা পাশ্চাত্য সভ্যতার বর্ণশঙ্কর, ভারতমাতার পিণ্ডদানে আর আমাদের অধিকার নাই। আমরাই “self-effacement.” এর চরম উদাহরণ স্থল।



তাই বলিতেছি, আইস, আমরা প্রায়শ্চিত্ত করিয়া আত্ম সংস্কার করি। পাশ্চাত্য সভ্যতার বাহ্যিক অনুকরণে আমাদের লাভ নাই। যদি আমরা পাশ্চাত্য জাতিগণকে আমাদের জাতীয় জীবনের আদর্শ করিতে চাই, তবে আমাদের পাশ্চাত্য সভ্যতার সারভাগ গ্রহণ করিতে হইবে। তাহা হইলে আমাদের নিকট একতা, একাগ্রতা, স্বজাতিপ্রীতি, স্বদেশানুরক্তি শিক্ষা দিতে হইবে, তাহাদের উদ্যম ও অধ্যবসায়ের অনুকরণ করিতে হইবে। বাচালতা ও হুজুগপ্রিয়তা ত্যাগ করিয়া প্রকৃত কার্যকারিতার মনোনিবেশ করিতে হইবে। আমাদের প্রতিবেশী জাপানের প্রতি দৃষ্টিপাত কর, জাপান পাশ্চাত্য সভ্যতা গ্রহণ করিয়াছে, তাহারা স্বার্থত্যাগ শিখিয়াছে, স্বদেশে জন্তু, স্বদেশবাসীর জন্তু আত্মোৎসর্গ শিখিয়াছে, পরমুখাপেক্ষিতা ত্যাগ করিয়া স্বাবলম্বন শিখিয়াছে, তাই জাপানের বল আছে, বিক্রম আছে, তাই জাপানের টোগো আছে, ওয়ামা আছে, তাই আজি জাপানের জয়নাদে দিক দিকন্ত পরিপূরিত, তাই আজি পৃথিবীস্থ সমস্ত জাতির বিশ্বয়-দৃষ্টি জাপানের উপর নিপতিত, তাই আজি আমাদের ব্রিটিশ সিংহের চিরপ্রতিদ্বন্দ্বী ক্রান্তান্তর ভল্লক জাপান কর্তৃক নির্জিত, দলিত ও অপমানিত।

সৌভাগ্য ক্রমে আমরা পাশ্চাত্য সভ্যতার পূর্ণ আদর্শ আমাদের নিজেদের দ্বারা পাইয়াছি। ইংরাজ আমাদের রাজা, ইংরাজ পাশ্চাত্য জাতির শীর্ষস্থানীয়, ইংরাজের নিকট আমাদের শিখিবার অনেক আছে। কিন্তু এখন আমাদের সুবিধাসত্ত্বেও আমরা কি শিখিয়াছি? আমরা কেবল পাশ্চাত্য শিক্ষার বাহ্য চাকচিক্যের অনুকরণ করিয়াছি, সভা করিতে, বক্তৃতা দিতে, রিজলিউশন সন পাশ করিতে ও হাততালি দিতে শিখিয়াছি, দেশীয় আচার, ব্যবহার, ভাষা, খাদ্য, পরিচ্ছদ, ধর্ম, কর্ম, সমস্তই ভাসাইয়া দিতেছি, এমন কি, ঘাড়ে চুলগুলি শুদ্ধ কাটিয়া চামড়া বাহির করিয়া ফেলিয়াছি, এক কথায় আমরা ইংরাজ আদর্শে আপনাদিগকে দেবতা গড়িতে গিয়া বানর করিয়া ফেলিয়াছি। যে সকল মহৎ গুণে ইংরাজ শ্রেষ্ঠ, আমরা তাহার কয়টি গ্রহণ করিতে পারিয়াছি? এখনও আমরা স্বার্থান্ধ; সঙ্কীর্ণচিত্ত, এখনও আমরা ঘৃণা হিংসা জর্জরিত, এখনও আমরা উদ্যম, অধ্যবসায়, স্বাবলম্বন বিরহিত, স্বদেশপ্রীতি দূরে থাকুক, আমাদের মধ্যে পারিবারিক প্রীতির অভাব। তাহারা উপার্জনক্ষম সহোদর ভ্রাতাকে এক মুষ্টি অন্ন প্রদানে কুণ্ঠিত, তাহাদের মধ্যে স্বজাতি-প্রেম সুদূরপর্যন্ত। দেশের শিক্ষিত ও শীর্ষস্থানীয়

জাতিগণের উপর দেশের উন্নতি বা অবনতি অনেকটা নির্ভর করে, সাধারণ লোকে তাহাদের অনুকরণ করিবে মাত্র, সাধারণ লোকে তাহাদের উপ-শাসনকার্য করিবে মাত্র। কিন্তু দুর্ভাগ্যক্রমে আমাদের শিক্ষিত জাতি অল্প। যতদিন এই সহানুভূতি বর্ধিত না হইবে, যতদিন শিক্ষিত-সাধারণ ব্যক্তিবর্গকে ভ্রাতৃত্বাবে আলিঙ্গন করিতে না শিখিবেন, যতদিন সাধারণ লোকের স্বার্থশূন্য প্রকৃত বন্ধু বলিয়া চিনিতে না পারিবে, যতদিন দেশের প্রকৃত উন্নতির আশা অল্প।

আর এক কথা, ইংরাজ-রাজ আমাদের ঘোর প্রতিবাদে কর্ণপাত না করিয়া বঙ্গচ্ছেদ করিতেছেন, তাই আজ আমরা মানের কান্না কাঁদিতেছি। আমরা বঙ্গদেশে বিলাতী দ্রব্য ব্যবহার ত্যাগের হুজুগ উঠিয়াছে। ফলাফল হিসাবের গর্ভে, তবে আমাদের অতীত ইতিহাস পর্যালোচনা করিলে দেখা যায়, আমরা আমাদের কথা কার্যে পরিণত করিতে পারি নাই, দুই দিনের হুজুগ দুই দিনে অন্তর্হিত হইবে, আমরা যেমন ছিলাম, তেমনি থাকিব, মাঞ্জেপ্তরের বস্ত্র বিক্রয় হইবে, বিলাতী ব্যবসায়ীর দ্রব্য বিক্রয় হইবে, লাভের মধ্যে আমরা জগতের অসার ও বাকসর্বস্ব বলিয়া অধিকতর প্রতিপন্ন হইব। বহুকাল হইতে শুনিতেছি, দেশের সর্বনাশ হইল, দেশের সর্বমুদ্র অর্থ বিলাতী ব্যবসায়ীগণ আত্মসাৎ করিল, সংবাদ পত্রে, সভায়, বাটে, বাটে, বাটে, বহুবার এই কথা শুনিয়াছি, কিন্তু ইহার প্রতিবিধান করিয়া আমরা বিশেষ কোন উপায় অবলম্বন করিয়াছি কি? কিছুই না। আমরা প্রয়োজনীয় দ্রব্যে বল, বিলাসিতায় বল, আমরা সর্ববিষয়ে বিদেশী ব্যবসায়ীর শরণাপন্ন হইয়াছি, দেশের অর্থ হাতে তুলিয়া অল্পান বদনে, অধিকতর বিদেশীর হস্তে সমর্পণ করিতেছি। দেশের শিল্পীগণ অন্নভাবে মৃতপ্রায়, বিদেশীয়গণ আমাদের অর্থে পুষ্ট, ইহা অপেক্ষা পরিতাপের বিষয় কি হইতে পারে? আমরা রাজনৈতিক আন্দোলন লইয়া ব্যস্ত। আমরা বাগাড়ম্বরে মত্ত হইয়া অনেক সময় বৃথা নষ্ট করিয়াছি, দেশের উন্নতির জন্তু, দেশীয় শিল্প, দেশীয় বাণিজ্যের উদ্ধারের জন্তু কার্যতঃ বিশেষ কিছুই করি নাই। শুনিয়াছি, বোম্বাইয়ে কল কারখানা হইয়াছে, মাদ্রাজ, মধ্য প্রদেশে কল কারখানা হইয়াছে, কিন্তু তাহাদের অবস্থা শোচনীয়। ভারতে তেত্রিশ কোটি লোক থাকিতে কেন এমন হইল? বাঙ্গালাই বা

এতদিন এ বিষয়ে নিশ্চেষ্ট কেন? বাঙ্গালায় দুই একটা কল কারখানা স্থাপিত হইয়াছিল, তাহাই বা অতি শৈশবে বিলীন হইল কেন? দেশের রাজা মহারাজা আছেন, ধনী আছেন, জমিদার আছেন, যাঁহারা সরকার বাহাদুরের এক কথায় লক্ষ লক্ষ টাকা চাঁদা সহি করিতে পারেন, তাঁহারা এ সকল প্রকৃত দেশহিতকর কার্যে এত নিশ্চেষ্ট কেন? আমাদের বিলাতী দ্রব্য ব্যবহার ত্যাগ করিয়া জীবন যাত্রা নির্বাহ করিতে পারিব না, আমাদের ভীষণ সমস্যা উপস্থিত, আমরা আজ বিষম পরীক্ষা স্থলে দণ্ডায়মান, আমরা সর্বজন সমক্ষে উচ্চৈঃস্বরে প্রতিজ্ঞা করিতেছি যে, আমরা বিদেশীয় বস্তু ব্যবহার করিব না, জগতের লোক আমাদের প্রতি চাহিবেন, থাকিবে, জগতের লোক উদ্গ্রীব হইয়া দেখিবে আমাদের কথার কোমল্য আছে কি না। সাবধান ভাই, দেখো যেন লোক হাসাইও না, শত্রু হাসাইও না, ঘৃণিত বাঙ্গালী নাম অধিকতর ঘৃণিত করিও না, বন্ধপরিষ্কার হইয়া কস্মিক্ষেত্রে অবতীর্ণ হও, জগৎ দেখুক বাঙ্গালি একবারে মরে নাই, ধর্ম, সমাজের দোষ কি? আমাদের ধর্ম আমাদের বিলাতী দ্রব্য ব্যবহার করিতে ভূয়ো ভূয়ো নিষেধ করে, আমরা ধর্মের মস্তকে পদাঘাত করিয়া পূজা পার্শ্বণে, দোলে চূর্ণগোৎসবে বিলাতী দ্রব্য ব্যবহার করিতেছি। আমরা কত বলিব? আমরা আজ স্বকৃত পাপের ফলভোগ করিতেছি; ঈশ্বরের রাজ্যে পাপের দণ্ড অবশ্যস্তাবী।

শেষ কথা, আমাদের রাজা বঙ্গচ্ছেদ করিতেছেন, তাঁহারা দেশের শাসন কর্তা, তাঁহাদের বিশ্বাস, একজন শাসনকর্তা দ্বারা এত বড় প্রদেশের শাসন কার্য সুচারুরূপে সম্পন্ন হওয়া সুকঠিন, আমরা আমাদের বক্তব্য বলিয়াছি, ভবিষ্যৎ অনিষ্টাশঙ্কায় এই বঙ্গবিভাগে ঘোর প্রতিবাদ করিয়াছি, কিন্তু রাজা আমাদের যুক্তি তর্ক সমীচীন বোধ করেন নাই। তিনি বঙ্গবিভাগে দুই প্রতিজ্ঞা। আমরা শত সভা করিয়া, সহস্র চীৎকার করিয়া যে তাঁহার মত পরিবর্তনে সমর্থ হইব, সে আশা আর নাই, তবে আর বুথা গণ্ডগোল করিয়া আমরা রাজা প্রজার মধ্যে অসন্তোষের বৃদ্ধি করি কেন? রাজইচ্ছা পূর্ণ হউক, বঙ্গদেশ দুই ভাগে বিভক্ত হউক। বঙ্গবিভাগ করিয়া ইংরাজ কি এক ভাগকে ভারত সমুদ্রের পরপারে নিক্ষেপ করিবেন না, বাঙ্গালা যেখানে আছে, সেইখানেই থাকিবে, বাঙ্গালী জাতি বাঙ্গালীই থাকিবে। এক

ভাব, স্বদেশপ্রীতি আমাদের হস্তে, ইংরাজ তাহা কাড়িয়া লইতে পারিবেন না। বঙ্গ বিভাগে যে ক্ষতি অনির্বার্য, তাহা সহ্য কর, কিন্তু তাহার প্রতিবিধান আমাদের চেষ্টা সাপেক্ষ, তাহার প্রতিকারকল্পে সদ্য হইতে শপথ পূর্বক আত্ম সমর্পণ কর। আমরা বহুদিন হইতে রাজনৈতিক আন্দোলন করিতেছি, অনেকবার কংগ্রেসের বৈঠক হইয়াছে, আর বর্তমান বঙ্গবিভাগেও আমরা অনেক চীৎকার করিয়া অযথা শক্তিক্ষয় করিয়াছি। আমরা যদি কিছুদিনের জন্ত রাজনীতি পরিত্যাগ করিয়া লুপ্তপ্রায় দেশীয় শ্রম বাণিজ্যের উদ্ধার সাধনের জন্ত প্রাণপণে চেষ্টা করি, কংগ্রেসের জন্ত যদি অজস্র অর্থব্যয় না করিয়া সেই টাকায় দেশে কল কারখানা স্থাপনের চেষ্টা করি, আমরা অল্পদিনে, অল্প আয়াসেই বিশেষ ফললাভ করিতে পারিব। দেশের অর্থ দেশে থাকিবে, দেশের শ্রীবৃদ্ধি হইবে, দেশীয় ভ্রাতৃ-মুখে আর এক মুঠা অন্নের জন্ত বিদেশীয়েদের দ্বারে কাঁদিয়া বেড়াইতে হইবে না।

দোষ কাহার? দোষ আমাদের, দোষ আমাদের অব্যবস্থিতচিত্ততার, দোষ আমাদের হঠকারিতার, দোষ আমাদের পরমুখাপেক্ষিতার ও অনুকরণ-প্রয়তার। দোষ আমাদের স্বদেশদ্রোহিতার, আমরা স্বদেশদ্রোহী, সেইজন্ত বিদেশীয় ব্যবসায় বস্তু ত্যাগ করিয়াছি। ধর্ম ও সমাজ আমাদের বিশেষ ক্ষতি করে নাই। আমরাই আমাদের পরম শত্রু। আইস আজ হইতে আশ্রিত করিয়া আত্মসংস্কার করি, জগতে মনুষ্য নামে পরিচিত হইবার চেষ্টা করি, মানুষ হইলে সকলেই সম্মান করিবে, রাজাও আমাদের সম্মান করিবেন, আমাদের আবদার রক্ষা করিবেন। নতুবা আমরা যেমন আছি, কয়কাল তেমনি থাকিব, কেহ আমাদের দিকে ফিরিয়াও চাহিবেন না।

## ভারতে সত্য-মহিমা ।

ভারতে আর্য্যজাতি সত্যকে যে ভাবে হৃদয়ে গ্রহণ করিয়াছেন, অপর কোন দেশে কোন জাতি সত্যকে সেভাবে গ্রহণ করিতে পারেন নাই। সত্য সত্য, এমন কি, অসভ্য জাতিগণের মধ্যেও সত্যের সম্মান এবং সমাদর দেখিতে পাওয়া যায়, কিন্তু সত্যের পূর্ণ মহিমা ভারতের আর্য্যজাতিই

হৃদয়ঙ্গম করিতে পারিয়াছিলেন। ভারতীয় ধর্ম শাস্ত্রে ও নীতিশাস্ত্রে সর্বোচ্চ স্থান অধিকার করিয়া আছে—ভারতীয় সাহিত্যে সত্যের উন্নত আদর্শ অঙ্কিত হইয়াছে—তাহারই অমোঘ প্রভাবে ভারতীয় জাতির চরিত্রে সত্যের প্রতি অবিচলিত অনুরাগ চিরক্ষুট ছিল। ইতিহাসে তাহার অখণ্ডনীয় প্রমাণ দেখিতে পাওয়া যায়—হিউ এন্ড সিয়ন্ড, মেগাস্থিনিস-প্রমুখ পর্যটক বা ঐতিহাসিকগণ বিস্ময়বিমুগ্ধচিত্তে জগতের নিকট ভারতবাসীর দৃঢ় সত্যনিষ্ঠা সম্বন্ধে সাক্ষ্য দিয়াছেন। সত্যসম্বন্ধে প্রাচীন আৰ্য্যগণের কিরূপ উচ্চ ধারণা ছিল, আমরা এই প্রবন্ধে তাহাই দেখিতে চেষ্টা পাইব ।

আৰ্য্য-জাতিই সত্যের আদিম উপাসক, প্রাচীন আৰ্য্যগণই প্রথম সত্য অনুসন্ধান করিয়া এই বিশাল বৈচিত্র্যপূর্ণ বিশ্বের দিকে কোতুলকদৃষ্টি নিক্ষেপ করেন, তাঁহারা বিশ্বের বাহ্য গাভীর্য্য বা সৌন্দর্য্যে সত্য খুঁজিয়া পাইলেন না দেখিলেন, এই প্রত্যক্ষ বিশ্বের প্রত্যেক বস্তু পরিবর্তনের অধীন—কাল যাইতে দেখিলেন আজ তাহা নাই—কাল যেটিকে যে রূপে দেখিলেন আজ সেটি অন্য রূপ—কাল যেটি যেভাবে ছিল আজ তাহা অগ্ৰভাবে পরিবর্তিত। এই পরিবর্তন-শ্রোতে প্রত্যেক বস্তু অস্থির, অস্থায়ী—উৎপত্তি ক্ষয় বৃদ্ধি, প্রভৃতি নানারূপে সকল বস্তুর উপর পরিবর্তনের ক্রিয়া প্রকাশিত—মৃত্যু ক্ষুদ্র হইতে বৃহৎ, অণু হইতে মহান—সামান্য হইতে বিশেষ, এই বাহ্যগত “আছে” বলিতে প্রত্যক্ষ কোন বস্তু নাই—গাভীর্য্য বা সৌন্দর্য্য হেতু কিছু “আছে” বলিয়া প্রতীয়মান হইয়াছিল—পরীক্ষায় তাহা ছায়ার ন্যায় অবস্তুরূপে প্রতীত হইল—বিশ্ব অসত্যরূপে প্রতিভাত হইল। জ্ঞানের আলোকময় উজ্জ্বল রাজ্য তাঁহাদের দৃষ্টির মধ্যে পড়িল—আবরণ সরাই পড়িল—এই বিশ্বের ঈশ্বর সত্যরূপে আৰ্য্যমনীষিগণের নয়ন সমক্ষে প্রকাশিত হইয়া পড়িলেন। তখন তাঁহারা দেখিতে পাইলেন এবং বুঝি পারিলেন—জগতে একমাত্র অনির্ব্বাণ মহৎ সত্য চিরজাগরিত,—পরিবর্তন-মান অনন্ত পরিবর্তনের মধ্যে একমাত্র অক্ষয় অপরিবর্তনীয় সত্য চিরকাল বিরাজমান। আৰ্য্যজাতির অমূল্য ধর্ম গ্রন্থ বেদ গভীর স্বরে ঘোষণা করিয়াছেন—“সত্যং জ্ঞানমনন্তং ব্রহ্ম” ( তৈত্তিরীয়ে ) অথবা এতদাত্ম্যমিদঞ্চ সত্যং তৎসত্যঞ্চ তত্ত্বমসি” । ( ছান্দোগ্য ) “সদেব সৌম্যেদগ্র আসীৎ” ( ছান্দোগ্য )

অথবা—“আত্মা বা ইদমেকাগ্র আসীৎ” ( তৈত্তিরীয়ে ) ; এইরূপ মহাবাক্য সমূহে ঈশ্বরের আত্ম-পরিচয় প্রকটিত হইয়াছে, বেদ ঈশ্বরের আত্মপরিচয়-স্বাক্ষর—বেদে আৰ্য্যজাতির অটল বিশ্বাস এবং অচলা ভক্তি। এবং সেই বেদে যাহা সৎ তাহা সৎ, তাহাই সত্য, তাহাই জ্ঞান, তাহাই আত্মা, তাহাই ব্রহ্ম। যাহা অনাদি, অনন্ত, অজয়, অমর, অক্ষয়—যাহা বিশ্ব সৃষ্টিরও পূর্বে ছিল—বিশ্বের অভ্যন্তরে রহিয়াছে এবং বিশ্বের ধ্বংসের পরও থাকিবে ; তাহাই প্রকৃত সত্য। আৰ্য্যজাতির ভাষায় তাঁহাদের হৃদয়ের ভাব পরিষ্কৃত—সংসার বিশ্ব সকলই গভ্যার্থ ধাতুমূলক, পরিণাম বিধ্বংসী এবং পরিবর্তন-প্রায়ী, কেবল “সদেব সৌম্যেদগ্র আসীদেকমেবাদ্বিতীয়ং” অথবা “যতো বা মানি ভূতানি জায়ন্তে যেন জাতানি জীবন্তি যাং প্রয়ন্ত্য তিসংবিশন্তি তদ্বিজ্ঞাসস্ব তদ্ব্রহ্মেতি।” এইরূপ সত্য ব্রহ্মভাবে বেদ পরিপূর্ণ। প্রাচীন আৰ্য্যগণ সত্যের এই বিশ্বাসের ভাব হৃদয়ে ধরিয়া সত্যের উপাসনা করিয়াছেন;—আজীবন সত্যের অনুসন্ধান, সত্যের অনুষ্ঠানে এবং সত্যের ধ্যানে প্রাণ সমর্পণ করিয়াছেন। তাঁহারা কেবল মাত্র লৌকিক ব্যবহার বা চরিত্রে সত্যের অনুষ্ঠান জীবনের উচ্চ লক্ষ্য মনে করেন নাই—তাঁহারা সৌম্য অনন্ত পূর্ণ সত্যকে সম্মুখে রাখিয়া জীবনের প্রত্যেক চিন্তায়, প্রত্যেক কার্য্যে সত্যের অনুসরণ করিতেন।

বেদে এইরূপ সত্য ব্রহ্ম ভাব নিবন্ধ থাকিলেও বেদে চতুর্কর্ণের অধিকার থাকায়, এই উচ্চ উদার ভাব তদ্ব্যবেষী মনীষিগণের মধ্যেই আবদ্ধ ছিল, সাধারণের হৃদয়ে বিকশিত হইবার সুযোগ পায় নাই, এইরূপ আশঙ্কা দিত হইতে পারে। কিন্তু এরূপ আশঙ্কার কোন কারণ নাই। বেদ সাধারণের অধীতব্য নহে সত্য, কিন্তু পুরাণ সমূহ সাধারণের নিত্য পাঠ্য গ্রন্থ। যাঁহারা জ্ঞানের সেবায় জীবন উৎসর্গ করিয়াছেন, তাঁহাদের জন্য বেদ—যাঁহারা সংসারের সেবায় আত্ম সমর্পণ করিয়াছেন, তাঁহাদের জন্য পুরাণ, যাঁহারা বিষয়-বৈচিত্র্য-জনিত বৈষম্য নিরাকৃত করিয়া একাকার জ্ঞানে ব্রহ্মানন্দ অনুভব করিতে অগ্রসর তাঁহাদের জন্য বেদ—যাঁহারা ক্ষেপবিভ্রমশীল ক্ষুদ্র মন লইয়া সর্ব্বময় জ্ঞানের সম্মুখীন হইতে পারেন না, তাঁহাদিগকে ধীরে ধীরে মধুর আকর্ষণে জ্ঞানের আলোক রাজ্যে আনয়ন করিতে পুরাণ সমূহ। পুরাণ আৰ্য্য জাতির সাধারণ সম্পত্তি, বেদের মহান অংশই অনুপ্রাণিত—উচ্চ জ্ঞানের রশ্মিমালায় আলোকিত। বেদবিৎ মহর্ষি-

গণ বেদের জ্ঞান পুরাণে আনয়ন করিয়া সাধারণ জ্ঞানের গ্রহণীয় করিয়াছেন—জটিলকে সরল করিয়াছেন—কঠিনকে কোমল করিয়াছেন—নীরসকে সরস করিয়াছেন—তুল্যকে সুন্দর করিয়াছেন—তুর্কৌথকে সহজবোধ করিয়াছেন । পুরাণ একাধারে ইতিহাস, কাব্য, দর্শন—ইহাতে দার্শনিকের সূক্ষ্ম চিন্তা নিহিত আছে :—কবির ভাবের লহরী ক্রীড়া করিতেছে, ঐতিহাসিকের বাস্তব ঘটনা বর্ণিত হইয়াছে । ইহাতে মানব ভাগ্যের অন্ত পরিবর্তন, সংসারের অনন্ত পরীক্ষা, জীবনের অনন্ত সংগ্রাম প্রকাশিত হইতেছে—পাপ পুণ্যের কঠোর প্রতিদ্বন্দ্বিতায়, পুণ্যের স্থির নিশ্চয় অভূত পাপের অবশ্যস্তাবী পতন ইহাতে উজ্জলবর্ণে প্রদর্শিত হইয়াছে । ইহা শিক্ষা হৃদয়-স্পর্শিনী—ইহা মানব হৃদয়ের সকল ভাবকেই স্পর্শ করে—হী ভাবকে ক্ষীণবল করিয়া উচ্চ ভাবে উন্নত, পরিপুষ্ট ও প্রবল করে, এবং পুণ্যের প্রতি অনুরাগ, পাপের প্রতি ঘৃণা, এবং জ্ঞানের জন্য আগ্রহ উৎপাদিত করে । পুরাণ সমূহ আৰ্য্য জাতির হৃদয়, মন এবং চরিত্রের উপর অনন্ত প্রভাব বিস্তার করিয়াছে, রাজা মহারাজ হইতে দীন দরিদ্র; মহা মহোপাধ্যায় হইতে নিরক্ষর মূর্খ, সমাজের সকল শ্রেণীর সকল লোকের উপর পুরাণ সমভাবে প্রভাবশালী, ইহা জ্ঞানের পূর্ণ ভাণ্ডার, ভাবের অক্ষয় প্রস্রবণ, সুশিক্ষার সুন্দর উৎস । মানবপ্রকৃতির পরিতোষসেব্য পুষ্টিকর পানীয় ইহাতে পর্য্যাপ্ত প্রচুর । পুরাণ সমূহ বেদের প্রতিধ্বনি তুলি পরম সত্যের প্রচার করিতেছে । পুরাণশ্রেষ্ঠ শ্রীমদ্ ভাগবতের প্রথম শ্লোকেই ভগবান ব্যাসদেব পরম সত্যের বন্দনা করিয়া গ্রন্থারম্ভ করিয়াছেন—ব্যাসে সেই অমর বাক্য—ধ্যানা শ্বেন নিরস্ত কুহকং সত্যং পরং ধীমহি—পণ্ডিতমূ সকলের কর্ণে বেদের ধ্বনি তুলিতেছে । পঞ্চম বেদ স্বরূপ মহাপুরাণ মহা ভারতে সত্য প্রশংসায় কথিত হইয়াছে “সত্যং ধর্ম্মস্তপোযোগঃ সত্যং ব্রহ্ম সনাতন ।” আদি কবি বা বাণীকির রামায়ণ গ্রন্থে ভগবান রামচন্দ্রের মুখনিঃসৃত মহাবাক্যে প্রকাশিত হইয়াছে “সত্যমেবেশ্বরো লোকে সত্যং ধর্ম্মং সনাতন ।” বহুপুরাণে সত্যের প্রশংসা ক্ষেত্রে কথিত হইয়াছে “তস্যাং সত্যং পরং ব্রহ্ম সত্যমেব পরং তপঃ ।” কেবল উল্লিখিত পুরাণগুলিতে নয়—অথবা কেবল উল্লিখিত স্থলে নয়—প্রায় সকল পুরাণে যেখানে সত্যের প্রশংসা উল্লিখিত হইয়াছে, সেই ধানেই সত্যের ব্রহ্মত্ব পরিকীর্তিত হইয়াছে । পুরাণ সমূহ সমস্বরে বেদেরই প্রতিধ্বনি করিতেছে ।

সত্যের পরব্রহ্ম স্বরূপতা ঘোষণা করিয়াই পুরাণ সমূহ নীরব হয় নাই, বাহাতে এই ভাব সাধারণ হৃদয়ে দৃঢ়ভাবে অঙ্কিত হয়—বাহাতে সত্যের প্রতি সাধারণের যথোচিত শ্রদ্ধা সমুৎপন্ন হয়—বাহাতে জন সাধারণ প্রাণের সহিত সত্যের পূজা করিতে শিখে—তজ্জন্ত পুরাণ সমূহ সত্যের মহিমা কীর্তনে মুক্তকণ্ঠে সত্যের প্রতি ভক্তির উদ্বেক করিতে বাক্যে যত শক্তি থাকিতে পারে, পুরাণ-প্রণেতা ধাষণ তাহা সত্যের মহিমা ঘোষণায় প্রয়োগ করিয়াছেন । তাহারা বলিতেছেন, জগতে যাহা কিছু আশ্চর্য্য, যাহা কিছু গম্ভীর, যাহা কিছু সুন্দর, সকলই সত্য হইতে উদ্ভূত । যে প্রথম প্রভা জীব সহ্য করিতে পারে না—যে মধুর আলোক হৃদয়ে আনন্দ রাশি ঢালিয়া দেয়—যে চঞ্চল বিভা নয়ন চমকিত করে—যে প্রচণ্ড শিখা সকলই দগ্ধ করে, যে নিঃশ্বাসবায়ু জীবন রক্ষা করে—যে অদৃষ্ট শক্তি নিচয় মানবের ভাগ্য নিরূপিত করে—সেই সকলই সত্য-প্রসূত । সত্যই সূর্য্যের প্রভা শক্তি, সত্যই অগ্নির দাহিকা শক্তি, ইন্দ্রের রাজশক্তি, যমের সংহার শক্তি—অমৃতের মৃত্যুবারণী শক্তি, সত্যে ধর্ম্ম প্রতিষ্ঠিত—সত্যে লোক প্রতিষ্ঠিত, সত্যের শক্তিতে স্বর্গ অন্তরীক্ষ ও পৃথিবী ধৃত । সত্য সকলের ধারণা শক্তি—সত্য সকল শক্তির মূল ।

সত্যেন গম্যতে স্বর্গং মোক্ষং সত্যেন প্রাপ্যতে ।

সূর্য্য স্তপতি সত্যেন সোমঃ সত্যেন রাজতে ॥

যমঃ সত্যেন হরতি সত্যেনেদ্রবিজায়তে ।

বরুণশ্চ কুবেরশ্চ তৌ চ সত্যে প্রতিষ্ঠিতৌ ॥ (বারাহে)

সত্যেনার্কঃ প্রতপতি সত্যেনাপ্যায়তে শশী ॥

সত্যেনামৃতমুদ্ভুতং সত্যে লোকঃ প্রতিষ্ঠিতঃ ॥

বৃষ শ্চতুস্পাদ্ ভগবান্ ধর্ম্মঃ সত্যে প্রতিষ্ঠিতঃ ।

দ্যৌরন্তরীক্ষং পৃথিবী সত্যেনৈব ধৃতান্নাত ॥ (রামায়ণে)

সত্যেন বায়ুরভ্যতি সত্যেন স্তপতে রবিঃ ।

সত্যেনাগ্নিদহেন্নিত্যং স্বর্গং সত্যেনগচ্ছতি ॥ (বহুপুরাণে)

মানুষ যাহা কিছু ভালবাসে, যাহা কিছু আশা করে, যাহা কিছু লাভের জন্য লালসিত, সকলেরই উৎপত্তিক্ষেত্র সত্য । বিদ্যা বল, বুদ্ধি বল, ধর্ম্ম বল, কীর্ত্তি বল, পুণ্য বল, সুখ বল, মোক্ষ বল, স্বর্গ বল, এ সকলই সত্যের ফলমূল । তপশ্চর্যা, যজ্ঞ, ব্রত প্রভৃতি শ্রেয়ঃ লাভের পথগুলি সত্যেরই

পথ—সত্যই পরম ধর্ম, সত্যই পরমাগতি, সত্যই পরম পদ । সত্যই বেদে  
জাগ্রত, সত্যই ব্রহ্ম । সাধুগণের একমাত্র আশ্রয়ভূমি সত্য । সত্য সত্যের  
অধিকারভেদ নাই, সত্য সর্ব বর্ণের অবিকৃত ধর্ম । এবং সকলের সহিত  
অবিরোধ হেতু প্রধান ধর্ম । যাহা সত্য, তাহা কেহই অস্বীকার করিতে  
পারে না—তাহার নিকট সকলকেই মস্তক অবনত করিতে হয় ।

চতুর্কর্ণশ্চ ধর্মার্গাং সঙ্করো নপ্রশস্তো ।

অবিকারিতমং সত্যং সর্ববর্ণেষু ভারত ॥

সত্যং সংসৃ সদা ধর্মঃ সত্যং ধর্মঃ সনাতনঃ ।

সত্যমেব নমস্যেত সত্যংহি পরমাগতিঃ । (মহাভারতে)

সত্যং বেদেষু জাগর্তি সত্যঞ্চ পরমং পদং ।

কীর্তিযশশ্চ পুণ্যঞ্চপিতৃ দেবর্ষি পূজনম্ ॥

আদ্যোবিধিষ্চ বিদ্যাচ সর্বং সত্যে প্রতিষ্ঠিতং ।

সত্যং যজ্ঞস্তথা বেদামন্ত্র সেবা সরস্বতী ॥ (বহুপুরাণে)

পুরাণ সমূহ আর্ষ্য জাতিকে শিক্ষা দিতেছেন যে, যত প্রকার পুণ্য ক  
আছে, তন্মধ্যে সত্যের অনুষ্ঠানই সর্বাপেক্ষা ফলপ্রদ । আর্ষ্যঋষিগণ বলিতে  
ছেন, একটি কুপ খননে মহাপুণ্য আছে, শত কুপ প্রতিষ্ঠায় যে পুণ্য, এক বাপী  
খননে ততোধিক পুণ্য, শত বাপী প্রতিষ্ঠায় যে ফল, এক যজ্ঞে ততোধিক  
ফল,—শত যজ্ঞে যে ফল, এক পুত্রে ততোধিক ফল,—শত পুত্রে যে ফল  
সত্যে ততোধিক ফল, সূতরাং সত্য সর্বাপেক্ষা আদরনীয় । অথবা সহস্র  
অশ্বমেধ এবং সত্য তুল্যদণ্ডে তুলিত হইলে সহস্র অশ্বমেধ অপেক্ষা সত্যই  
গুরুতর হইবে ।

বরং কুপশতাদ্বাপী বরং বাপী শতাংক্রতুঃ ।

বরং ক্রতু শতাং পুত্রঃ সত্যং পুত্র শতাদ্ বরম্ ॥

অশ্বমেধ সহস্রঞ্চ সত্যঞ্চ তুলয়া ধৃতম্ ।

অশ্বমেধ সহস্রাঙ্নি সত্যমেব বিশিষাতে ॥ (মহাভারতে)

অশ্বমেধ সহস্রঞ্চ সত্যঞ্চ তুলয়া ধৃতম্ ।

অশ্বমেধ সহস্রাঙ্নি সত্যমেবাতিরিচ্যতে ॥ (রামায়ণে)

এইরূপে আর্ষ্য ঋষিগণ সত্যের মহিমা কীর্তন করিয়াছেন—সত্যের  
গৌরব সাধারণ হৃদয়ে জাগরুক রাধিবীর জন্য যথেষ্ট প্রয়াস পাইয়াছেন  
তাহারা সত্যের প্রকৃত তত্ত্ব জগৎ সমক্ষে প্রচার করিয়া মানুষকে তাহার

নন্দিন কার্য কলাপে সত্যের অনুসরণ করিতে শিক্ষা দিয়াছেন । সত্যই  
জীবিত প্রাণ, যে সকল গুণ মনুষ্য চরিত্রের অলঙ্কার স্বরূপ, সে গুলি সত্যেরই  
স্বাকারভেদ । সমতা, দম, অমাৎসর্য, ক্ষমা, হ্রী, তিতিক্ষা, অনস্বয়তা,  
দান, ধ্যান, আর্ষ্যত্ব, ধৃতি, দয়া, অহিংসা, এই ত্রয়োদশ গুণ সত্যের ত্রয়োদশ  
স্বরূপ ।

সত্যঞ্চ সমতা চৈব দমশ্চৈব ন সংশয়ঃ ।

অমাৎসর্যঞ্চক্ষমাচৈব হ্রীস্তিতিক্ষাণস্বয়তা ॥

ত্যাগো ধ্যানমথার্ষ্যত্বং ধৃতিশ্চ সততং দয়া ।

অহিংসা চৈব রাজেন্দ্র সত্যাকারাত্ত্রয়োদশ ॥ (মহাভারতে)

সত্য মনুষ্য কর্তব্যের বিশাল ক্ষেত্রটি ব্যাপ্ত হইয়া আছে । যে ব্যক্তি  
সত্যের প্রতি উদাসীন, সে কর্তব্য জ্ঞানহীন, নীতিহীন, চরিত্রহীন, ছরাচার ।  
সংসারে সম্মান লাভ করিতে পারে না বা খ্যাতি লাভ করিতে পারে না—  
কিমান পাপের ঞ্চায়—বিষধর সর্পের ঞ্চায় লোকে তাহাকে ভয় করে—  
সংসারের ভার স্বরূপ । অনন্ত নরকে তাহার পাপের প্রায়শ্চিত্ত হয় না,  
নরকের বহি—অনন্তকালেও তাহার পাপরাশি দূর করিতে পারিবে না ।  
পুরাণ গন্তীর স্বরে ঘোষণা করিতেছে, সত্যের ঞ্চায় ধর্ম নাই—মিথ্যার ঞ্চায়  
বিষণ পাপ নাই—সকল পুরাণেই এই মহান্ উপদেশ উদ্গীত হইয়াছে,  
যদি হয় সকল পুরাণেই দেখিতে পাইবেন—

নহিসত্যাপরোধর্ম্য নানুতাপাতকংমহৎ ॥

এই জ্ঞান পুরাণের যেখানে সেখানে সত্য কথনের উপদেশ লিপিবদ্ধ হই-  
য়াছে এবং মিথ্যাভাষণের ভীষণ পরিণাম বিঘোষিত হইয়াছে । সত্যের  
মান ধর্ম নাই, সত্যের অপেক্ষা শ্রেষ্ঠ পদ নাই এবং জগতে মিথ্যার অপেক্ষা  
বীরতর কোন পাপ নাই । সত্যবাদী মনুষ্য অক্ষয় লোক গমন করেন,  
মিথ্যাবাদী মনুষ্য সর্পের ন্যায় জগতকে উদ্বেজিত করে । আপনার জন্য,  
গমন কি, পুত্রের জন্যও যাহারা মিথ্যাবাক্য প্রয়োগ করেন না, সেই বুধগণই  
সর্পের গমন করিয়া থাকেন ।

নাস্তি সত্যমমো ধর্ম্যো ন সত্যাদ্বিদ্যাতেপরম্ ।

নহিতীব্রতরং কিঞ্চিদনৃতাদিহবিদত্যে ॥ (মহাভারতে)

সত্যবাদীহিলোকেহস্মিন্ পরংগচ্ছতিচাক্ষয়ং ।

উদ্বিজন্তেষথা সর্পান্নরাদনৃতবাদিনঃ ॥ (রামায়ণে)

আত্মার্থে বা পরার্থে বা পুত্রার্থে বাপি মানবঃ

অনুতং যে ন ভাষন্তে তে বৃধাঃ স্বর্গগামিনঃ ॥

সত্যের সর্বশ্রেষ্ঠত্ব পুরাণের সর্বত্রই পরিকীর্ণিত হইয়াছে। সত্যই সর্বথা অনুসরণীয়, এই রূপ উপদেশই পুরাণ পরিপূর্ণ। তথাপি মনুষ্যপ্রতির স্বাভাবিক দুর্বলতা স্মরণ পথে রাখিয়া আর্ধ্যশাস্ত্রকারগণ সাধারণ মানবের পক্ষে অবস্থা বিশেষে মিথ্যা ভীষণ দোষাবহ বিবেচনা করেন নাই। তাঁহারা সূক্ষ্মভাবে আলোচনা করিয়া দেখিয়াছেন এবং দেখাইয়াছেন, যাহা জগতের বা অপরের অনিষ্ট নাই অথচ প্রীতি বা কল্যাণ আছে, তাহা মিথ্য হইলেও নিন্দনীয় হয় না, সেই জন্য কখনও বা বলিয়াছেন, সত্যং ক্রমাৎ প্রিয়ং ক্রমাৎ মাক্রমাৎ সত্যমপ্রিয়ম্ কখনও বা বলিয়াছেন, স্ত্রীযুনম্ম বিবাহে চ বৃত্তান্তে প্রাণসঙ্কটে। গোব্রাহ্মণার্থে হিংস্যাং নানুতং স্যাজ্জুগুপিসতং ॥ সংসারে সহস্র সম্পর্কে যাহারা জড়িত—অথচ পবিত্রভাবে সংসারের কুটিলবন্ধে অগ্রসর হইতে ইচ্ছুক, তাঁহারা ধর্মের প্রকৃত অর্থ হৃদয়ঙ্গম করিয়া—কর্তব্যাকর্তব্যো বিচার করিয়া—সত্যমিথ্যার সূক্ষ্ম রেখা লক্ষ্যপথে রাখিয়া কার্য্য করিবেন ইহাই আর্ধ্যশাস্ত্রকারগণের ধীর উপদেশ—ধর্মের মূলগত অর্থ ধারণা এবং মুখ্য উদ্দেশ্য লোকস্থিতি। সূত্রাং ধর্মের মূল মন্ত্র অহিংসা—যাহা হিংসা নাই বা অপরের অমঙ্গল অপকার, ক্ষতি বা ক্লেশ নাই, তাহাই ধর্ম—এরূপ ক্ষেত্রে সহজ দৃষ্টিতে যাহা মিথ্যা, তাহাও ক্ষেত্রবিশেষে ধর্মরূপে গণ্য হইতে পারে। সূত্রাং সত্য মিথ্যার সূক্ষ্মভেদ নির্ণীত না হইলে অনেক সময় ধর্মরক্ষা হয় না। এ সম্বন্ধে শাস্ত্রবাক্য উদ্ধৃত করিয়া বিশদভাবে আলোচনা করিতে হইলে এই প্রবন্ধ অতীব গুরুতর আকার ধারণ করিতে তবে এ সম্বন্ধে কাহারও কৌতূহল উদ্ভিক্ত হইলে তিনি মহাভারতের শান্তিপর্বে সত্যানুতক বিভাগ নামক ১০৯ অধ্যায় মনোযোগের সহিত অধ্যয়ন করিলে দেখিতে পাইবেন, আর্ধ্যশাস্ত্রকারগণ কিরূপে সূক্ষ্ম উদার নীতি বশবর্তী হইয়া সমাজ রক্ষার ও ধর্মরক্ষার বিধান করিয়া গিয়াছেন। আর্ধ্যশাস্ত্রকারগণ সত্যের প্রকৃত তত্ত্ব জনসাধারণের নিকট প্রকাশ করিয়াছেন জনসাধারণকে চিন্তায়, বাক্যে, কার্য্যে সত্যের অনুসরণ করিতে উপদেশ দিয়াছেন, আবার স্থল বিশেষে বা অবস্থা বিশেষে অসত্যেরও আদর করিতে বলিয়াছেন, কারণ মিথ্যা জনসমাজে নানাভাবে নানারূপে আধিপত্য করিতেছে—কবির কল্পনায় মিথ্যা ক্রীড়া করিতেছে—শিষ্টাচার সমাদরের

রে মিথ্যা উকি মারিতেছে—পরিহাস রসালোপে মিথ্যা মিশ্রিত রহিয়াছে—একরূপ নানাভাবে মিথ্যা মনুষ্য সমাজে সমাদর লাভ করিয়াছে। এরূপ মিথ্যা সমাজ হইতে উন্মূলিত হইতে পারে না—এবং দুষণীয় বা দণ্ডনীয় হয়। তথাপি প্রকৃত সাধু ব্যক্তি কখনও তাহার সুযোগ গ্রহণ করেন না—যিনি সত্যের উপাসনা করিতে শিখিয়াছেন, তিনি অসত্যকে কখনই হৃদয়ে স্থান দিবেন না। প্রকৃত চরিত্রবান, নীতিবান্ ব্যক্তি কোন মতে সত্য হইতে দূর হইতে পারেন না। সাধু ব্যক্তি সত্যের জন্য সুখ, শান্তি, স্বাচ্ছন্দ্য, সম্পত্তি, ধন, এমনি কি প্রাণ পর্যন্ত বিসর্জন দিতে প্রস্তুত হন। সংসারে এমনি কষ্ট বা যন্ত্রণা নাই, যাহা সাধু ব্যক্তি সত্যের জন্য হাসিতে হাসিতে সহ্য করিতে না পারেন। সত্যের জন্য যথাসর্বস্ব ত্যাগ ত সামান্য কথা, সত্য-মহাপুরুষগণ অল্পে অল্পে দেহের মাংস বা জীবনের শোণিত দান করিয়া সত্যের উপাসনা করিয়া থাকেন। মানুষ সত্যের বলে স্বভাবসুলভ দুর্বলতা করিয়া মহাবলে বলীয়ান হয়—এবং সত্যের মহত্বে মনুষ্যত্ব দেবত্বকে প্রভ করে। যিনি সত্যের প্রকৃত মূল্য বুঝিতে পারিয়াছেন, তিনি সমগ্র জগৎ যাহা কিছু গোভনীয় বস্তু আছে, তাহার সহিত সত্যের বিনিময় করিতে সন্মত হইবেন না। কোটি কহিনুর সত্যের নিকট কোটি তুচ্ছ উপলব্ধি। কোটি কালিকোণিয়ার স্বর্ণরাশি সত্যের নিকট কদর্য্য শুষ্ক কদম পিণ্ড। কোটি অমূল্য সংসারের জটিল কর্মক্ষেত্র। জীবনের সহস্র সংশ্লেবে কিরূপে সত্যের পালন করিতে হয়, সত্যের জন্ত কতদূর আত্ম ত্যাগ করিতে হয়, পুরাণে তাহার সহস্র দৃষ্টান্ত প্রদর্শিত হইয়াছে। সত্যপরায়ণতা সম্বন্ধে দুইটি দৃষ্টান্তের উল্লেখ করিয়া আমরা দেখাইব, আর্ধ্যগণ কিরূপ ভাবে সত্যের পালনে অনুরক্ত ছিলেন। বিশ্বজিৎ যজ্ঞে দৈত্যরাজ বলির নিকট যখন নররূপী ভগবান ত্রিপাদ ভূমি প্রার্থী হইয়া দণ্ডায়মান, দৈত্যগুরু শুক্রচার্য্য নররূপী ভগবানের চলনা বুঝিতে পারিয়া দানকল্পতরু দৈতাপতিকে সঙ্কল্প করিতে কত শাস্ত্র বাক্য, কত কূট নীতি, কত কুটিল যুক্তিরই না অবতারণা করিয়াছিলেন, কিন্তু বলির অটল সঙ্কল্প কিছুতেই টলিল না। সর্বনাশের জানিয়াও বলি সত্যপালনে প্রস্তুত হইলেন। মহারাজ হরিশ্চন্দ্র যজ্ঞকে ধনরত্ন রাজ্য সর্বস্ব দান করিয়া পত্নীপুত্রসহ পথের ভিখারী হইলেন, দক্ষিণার অর্থ সংগ্রহের জন্য আত্মজ ও অর্দ্ধাঙ্গিনীকেও অর্থের সময়ে পরের হস্তে অর্পণ করিতে সঙ্কচিত হইলেন না এবং অবশেষে—

সুগিত চণ্ডালের নিকট আত্মবিক্রয় করিয়া সত্যরক্ষার কঠোর পরীক্ষায় উত্তীর্ণ হইলেন। উশীনরপুত্র মহারাজ শিবি শরণাগত কপোতকে রক্ষা করিয়া সফল করিয়াছিলেন বলিয়া শ্যোনের ক্ষুধা শান্তির জন্য কপোত মাংসের পরিবর্তে নিজদেহের মাংসদানে স্বীয় সফল রক্ষা করিয়াছিলেন। সত্যব্রত মহারাজ দশরথ সত্যভঙ্গ ভয়ে প্রাণাধিক পুত্র রামচন্দ্রকে বনে নির্বাসিত করিয়া স্বয়ং মৃত্যুকে আলিঙ্গন করিলেন, তথাপি অণুমাত্র সত্য হইতে বিচলিত হইলেন না। সত্যপ্রতিজ্ঞ দেবব্রত সত্যের অনুরোধে সংসারের সকল সুখে জলঞ্জলি দিয়া কোমারব্রত অবলম্বনে জীবন কাটাইলেন এবং সত্যের ভীষণ পরীক্ষায় অটল থাকিয়া জগতে ভীষ্ম নামে পরিচিত হইলেন। অলর্ক ঋষি ভিক্ষুক ব্রাহ্মণের প্রার্থনা পূর্ণ করিতে স্বীয় চক্ষু উৎপাটিত করিয়া তাহাকে দান করিলেন, তথাপি অঙ্গীকার হইতে বিচ্যুত হইলেন না। পুরাণে এক দৃষ্টান্ত বহুল।

এই মহতী শিক্ষায়—উপদেশে এবং দৃষ্টান্তে আৰ্য্য জাতির অন্তঃকরণ সুপরিমার্জিত, হৃদয় পবিত্রীকৃত এবং চরিত্র বিশুদ্ধ উপাদানে সুগঠিত। প্রাচীন ভারতে এই শিক্ষার ফলে ভারতবাসীর নৈতিক চরিত্র অতীব উন্নত ছিল। তখনও এই অধঃপতিত ভারতে সত্যনিষ্ঠা ভারতবাসীকে পরিত্যাগ করে নাই। তবে এই শিক্ষার প্রভাব যতই শিথিল হইতেছে, ভারতবাসীর নৈতিক অধোগতির পথ ততই প্রশস্ত ও পরিষ্কৃত হইতেছে। যাহা হউক, বর্তমান সমাজের নৈতিক অবস্থা এ প্রবন্ধের আলোচ্য নহে—ভারতে সত্যের মহিমা ইহার আলোচ্য। আমরা এই প্রবন্ধে যতটুকু আলোচনা করিয়াছি তাহাতে স্পষ্টই দেখিতে পাইতেছি যে, ভারতীয় ধর্মশাস্ত্রে বা সাহিত্যে সত্যের মহিমা পূর্ণভাবে প্রকটিত হইয়াছে। আৰ্য্য মনীষিগণ তাহাদের দর্শন বা সাহিত্যে কোন কল্পিত রেখার দ্বারা ধর্ম এবং নীতিকে পৃথক করেন নাই—পাশ্চাত্য জাতি ধর্ম (Religion) এবং নীতিকে (Morality) পৃথক রাখিয়াছেন, কিন্তু প্রকৃত প্রস্তাবে ধর্ম এবং নীতি—পরস্পর অন্যান্য শ্রয়িতাবে জড়িত—যাহা মনুষ্য হৃদয়ের ঈশ্বরাত্মমুখিনী বৃত্তিনিচয়কে পুষ্ট করে, তাহা ধর্ম এবং যাহা মনুষ্য হৃদয়ের উচ্চ ভাবগুলির বিকাশ করে, তাহা নীতি—সুতরাং নীতি ধর্মভাবের সম্পূর্ণ অধীন—যাহার হৃদয়ে ধর্ম প্রবল, তিনি কখনই হীনভাবের সেবা করিবেন না—যিনি ধর্মবলে বলীয়া তিনি নৈতিক বলে বলীমান। নীতি অনন্যাশ্রয়া লতিকার ন্যায় ধর্মভাব

মাশ্রয় করিয়াই সজীব এবং সতেজ থাকে—ধর্মভাব হইতে বিচ্ছিন্ন হইলে নীতি সংশ্রয়ক্রমবিচ্ছিন্ন বল্লরীর গায় ধূল্যবলুষ্ঠিত হয়। ধর্মপ্রাণ আৰ্য্যজাতি কখনও নীতিকে পৃথক আসনে বসাইয়া পূজা করেন নাই—নীতি সত্যের অঙ্গগামিনী হইয়া আৰ্য্যজাতির নিকট অলঙ্ক্য পূজা পাইয়াছে। সুতরাং ভারতীয় নীতিশাস্ত্রে সত্য কোন স্থান অধিকার করিয়াছিল, তাহার নির্দেশ করিতে হইলে, সত্য ভারতীয় ধর্মশাস্ত্রে কোন স্থান অধিকার করিয়া আছে, তাহাই দেখিতে হইবে এবং যতদূর দেখা হইয়াছে, তাহাতে স্পষ্টই দেখিতে পাওয়া যাইতেছে—সত্য যে স্থান অধিকার করিয়াছে, তাহাব উর্দ্ধে আর কোন স্থান নাই। বঙ্গ সাহিত্যে এখন যে নৈতিক চরিত্র, নৈতিক বল, নৈতিক মাহিম, নৈতিক জীবন প্রভৃতি পদের বহুল প্রচলন দৃষ্ট হয়, তাহাতে বঙ্গসাহিত্যে ইংরাজী সাহিত্যেরই প্রভাব সূচিত হইতেছে—এগুলি ইংরাজী moral character, moral strength, moral courage, moral life প্রভৃতি পদেরই অনুবাদ মাত্র। কিন্তু প্রাচীন সাহিত্যে—নৈতিক বলের পরিচয় দিতে হইলে সত্যনিষ্ঠাই সর্বপ্রথমে গণনীয় হইত, কারণ সত্যই সকল নীতির মূল এবং সকল নীতির বল। ভাষা মনুষ্যহৃদয়ের দর্পণ-ভাব, জগতের ইতিহাস। ভাষায় যে শব্দের অধিক প্রয়োগ দৃষ্ট হয়, জাতীয় জীবনে সেই ভাবেরই সমধিক প্রভাব সূচিত হয়। প্রাচীন সাহিত্যে সত্য শব্দে যত প্রকার বিশেষণ ব্যবহৃত হইয়াছে, অন্য কোন গুণ শব্দে তত প্রকার বিশেষণ দৃষ্ট হয় না। সত্যবান্, সত্যপরায়ণ, সত্যসন্ধ, সত্যনিষ্ঠ, সত্যবাদী, সত্যবচস্, সত্যভাষী, সত্যবাক্, সত্যসঙ্কল্প, সত্যপ্রতিজ্ঞ, সত্যসঙ্গর, সত্যব্রত, সত্যবিক্রম, সত্যপরাক্রম, প্রভৃতি বহু বিশেষণ সত্যের প্রাধান্য সূচিত করিয়াছে। যে দিকে যে ভাবে আলোচনা হউক না কেন, আৰ্য্যজাতির ভাবে এবং ভাষায় সত্যের সর্বপ্রাধান্য সর্বপ্রকারে প্রতিষ্ঠিত। আমরা প্রধানতঃ পুরাণকেই অবলম্বন করিয়া এই প্রবন্ধে সত্য শব্দকে আলোচনা করিলাম—কারণ পূর্বেই বলিয়াছি, পুরাণ একাধারে দর্শন, কাব্য এবং ইতিহাস। যতদিন জগতে আৰ্য্যজাতি বা আৰ্য্যধর্মের অস্তিত্ব থাকিবে, ততদিন পুরাণ কখনও প্রণষ্ট-গোরব হইবে না—পুরাণ ধর্মপ্রাণ ব্যক্তির প্রাণারাম ধন, ভারতীয় ভাব জগতে পুরাণের একাধিপত্য—পুরাণ পরবর্তী কবিগণের পক্ষে অনুপ্রাণিত এবং কল্পনাকে অনুরঞ্জিত করিয়াছে—কালিদাস ভবভূতি আরবি প্রভৃতি পরবর্তী মহাকবিগণও পুরাণ হইতে বীজ সংগ্রহ করিয়া

সাহিত্য-ক্ষেত্রে কল্পনার নূতন কল্পতরুর সৃষ্টি করিয়া গিয়াছেন। তাঁহাদের মধুময়ী তুলিকার সজীব স্পর্শে সত্যেরও মনোহর চিত্র কত স্থলে প্রকাশিত হইয়াছে, কিন্তু এই প্রবন্ধের কলেবর বৃদ্ধির ভয়ে আমরা তৎসম্বন্ধে বিস্তৃত আলোচনা হইতে নিবৃত্ত হইলাম, কেবল মহাকবি ভবভূতির একটি শ্লোক এ স্থলে উদ্ধৃত করিতেছি—সত্য বাক্যের কত ফল, তাহা কবির ভাষায় বর্ণিত হইয়াছে।

কামান্ হৃদয়ে বিপ্রকর্ষত্যালক্ষ্মীং  
কীর্তিং সূতে চক্কতং যা হিনস্তি ।  
তাপ্যাপ্যোতাং মাতরং মঙ্গলানাং  
ধেনুং ধীরাঃ স্নুতাং বাচমাছঃ ॥

যাহা ( হৃদয়ের স্থায় ) সকল কামনা প্রদান করে, সকল অলক্ষ্মী দূর করে  
কীর্তি প্রসব করে এবং চক্কতি বিনষ্ট করে, সুধীগণ সেই সত্যবাদীকে সকল  
মঙ্গলজননী কামধেনু বলিয়াছেন।

শ্রীবলীন্দ্র সিংহদেব ।

## সারু সালারজঙ্গ ।

সারু সালারজঙ্গ একজন ভারতের বিখ্যাত রাজনীতিজ্ঞ পুরুষ। তিনি ১৮৩৪ খ্রীষ্টাব্দে জন্ম গ্রহণ করেন। ৪৯ বৎসর বয়সে তাঁহার মৃত্যু হয়। তাঁহার পূর্বপুরুষগণ মাদিনা হইতে আসিয়া কনকান (Concan) উপনিবেশ স্থাপন করেন। তাঁহারা বিজাপুরের একটি ভদ্রবংশীয় পরিবারের সহিত বিবাহ-সূত্রে আবদ্ধ হইয়াছেন। তাঁহাদিগের একজন বংশধর প্রথম নিজামের ধর্ম্মে নিযুক্ত হইয়া সম্মানসূচক উপাধি প্রাপ্ত হইয়াছিলেন। তদবধি তাঁহা বংশের কোন না কোন ব্যক্তি হাইদ্রাবাদ রাজ্যের রাজকার্য পরিচালনা সংশ্লিষ্ট থাকিতেন। লর্ড কর্ণওয়ালিসের রাজত্বকালে মির আলুম (Mir Alum) হাইদ্রাবাদ রাজ্যের প্রধান মন্ত্রী ছিলেন। তাঁহার জামাতা মুনিয় উল্ মুল্ক আমীর-উল-উমরা তাঁহার ঐ পদের উত্তরাধিকারী হইলেন। তিনি সারু সালারজঙ্গের পিতামহ ছিলেন। তাঁহার পদে তাঁহার পুত্র সিরাজু মুল্ক (সারু সালারজঙ্গের খুড়া) নিযুক্ত হইলেন। ১৮৫৩ খ্রীষ্টাব্দের ২৭শে

তারিখে সিরাজুল্ মুল্কের মৃত্যু হয়। ৩ দিবস পরে সালারজঙ্গ ঐ পদে মনোনীত হইলেন। তখন তাঁহার বয়স ১৯ বৎসর। সেই সময়ে বেরার-প্রদেশ (Berars) বৃটীশ গবর্নমেন্টের হস্তে অর্পিত হইয়াছিল। উক্ত বেরার-প্রদেশ প্রদানে হাইদ্রাবাদের প্রাচীন সম্রাট ব্যক্তিগণ হইতে সমগ্র প্রজা-মণ্ডলী বিশেষ উৎপীড়িত, ক্ষুব্ধ ও মস্মাহত হইয়াছিল। উক্ত বেরার প্রদেশ হাইদ্রাবাদ রাজ্যের একটি উৎকৃষ্ট অংশ। একরূপ বিপন্ন অবস্থায় পক্কেশ পরিণত-মস্তিষ্ক রাজনীতিজ্ঞ পুরুষও যাহা করিতে শক্তি ও ভাবিত হইলেন, তাহাই সালারজঙ্গকে বীরহৃদয়ে আলিঙ্গন করিতে হইল। ধনাগার অর্থশূন্য, করসংগ্রহ প্রণালী যতদূর অনিষ্টকারী ও ক্ষতিজনক হইতে পারে, তাহা হইয়াছিল। হাইদ্রাবাদ বিশৃঙ্খলতা ও অসন্তোষের আবাসভূমি হইয়া উঠিয়াছিল। সালারজঙ্গ আপনার ও সমস্ত কর্মচারীর বেতন কমাইয়াছিলেন। তিনি পুলিশের বন্দোবস্ত সুদৃঢ় করিলেন। আরববাসী, রোহিলা এবং অপরাপর দ্বন্দ্বপ্রিয় ছুট লোকদিগের হাইদ্রাবাদে জমায়েত বা একত্রিত হইয়া গোলযোগ এবং নানারূপ ষড়যন্ত্র করিবার পথ রুদ্ধ করিলেন। চারি বৎসরের মধ্যে তিনি রাজ্যে আশ্চর্য্য এবং অভূতপূর্ব পরিবর্তন সংঘটন করিলেন। রাণিজ্যের উন্নতি এবং রাজস্ব বৃদ্ধিত হইল। প্রজাদিগের জীবন এবং সম্পত্তি যাহাতে সুরক্ষিত হয়, তাহার সুবন্দোবস্ত হইল। রাজ্যের এইরূপ উন্নতির বহনকালে সালারজঙ্গের একটি ভয়ানক পরীক্ষার সময় উপস্থিত হইল। সেই পরীক্ষার গুরুত্ব একজন ইউরোপবাসী বা খ্রীষ্টধর্ম্মাবলম্বীর বুদ্ধি-গায়নহে। তিনি নিজে মুসলমান হইয়া মুসলমান রাজার অধীনে চাকুরি করিতেন। সিপাই বিদ্রোহানল সেই সময়ে ভারতের প্রায় সর্বত্র প্রজ্বলিত হইয়া উঠিয়াছে। তাহার গগনস্পর্শিনী শিখা ইংরাজের মনে ভীতির সঞ্চার করিয়াছে। যে পরাক্রমশালী রাজশক্তি ভারতে হিন্দু ও মুসলমানের রাজ্য লুপ্ত করিয়াছে, তাহার আজ বড়ই দুর্দিন! সেই বিক্রমশালী ইংরাজ রাজ্য আজ সমূলে উৎপাটিত হইয়া পতন হইবার ভয়ে টলটলায়মান। হাইদ্রাবাদের রাজপথে প্রজাগণ দলে দলে ফিরিঙ্গিদিগের বিরুদ্ধে যুদ্ধ করিব নিয়া চীৎকার করিতেছে। লোলজিহ্বা উগ্রমূর্তি রণচণ্ডী রুধির পিপাসায় ধীর হইয়া ভীষণ ছঙ্কার পূর্বক চারিদিকে নৃত্য করিতেছে! মধ্যভারত এবং দাক্ষিণাত্যের প্রজাবৃন্দ হাইদ্রাবাদের ইঙ্গিত অপেক্ষা করিতেছে। হাইদ্রাবাদের বিদ্রোহপতাকা উড্ডীন হইলেই তাহারা সকলেই ইংরাজের বিরুদ্ধে



বিদ্রোহে প্রবৃত্ত হয়। বঙ্গের গবর্নর হাইদ্রাবাদের রেসিডেন্ট সাহেবকে এই মর্মে তারে খপর পাঠাইলেন যে, নিজাম যদি আমাদিগের পক্ষ পরিত্যাগ করে, তাহা হইলে সর্বনাশ হইয়া বিদ্রোহবলি অচিরে একদিকে বোম্বাই-প্রদেশ এবং অপর দিকে মাদ্রাজ পর্য্যন্ত বিস্তৃত হইবে। নাইজাম বিদ্রোহীদিগের দলে যোগ দেন নাই, কিন্তু সজ্জিত বিদ্রোহোন্মত্ত লোকদিগের অযথা আক্ষালন পূর্বক ভয়প্রদর্শন এবং কুৎসিত গুলি-বর্ষণ দমন-ভার একজন চতুর্বিংশতি বৎসর বয়স্ক যুবক হস্তে সম্পূর্ণরূপে সমর্পিত। বাহারা বিদ্রোহীদিগের সহিত সহানুভূতি প্রকাশ না করিবে, তাহাদিগের বিষম বিপদ উপস্থিত। এইরূপ বিপদসঙ্কুল সময়ে যখন হাইদ্রাবাদের রাজনৈতিক আকাশ ঘোর বনঘটায় আচ্ছন্ন, তখন নাইজামের মৃত্যু হইল। বিপদের উপর বিপদ! একে ঝটিকাময় ঘোর অন্ধকার, তায় বজ্রাঘাত। মন্ত্রী সমস্ত বিপদ দেখিলেন এবং বুঝিলেন। পিতার মৃত্যুর পরমুহূর্ত্তেই তিনি পুত্রকে গদীতে বসাইলেন। অভিষেক কার্য্য হইতে ফিরিতে না ফিরিতে তদানীন্তন রেসিডেন্ট কর্ণেল ডেভিডসন্ ভারতপ্রতিনিধি লর্ড ক্যানিংয়ের নিকট হইতে টেলিগ্রাম পাঠাইলেন, যে “দিল্লীর পতন হইয়াছে এবং দিল্লী শত্রুহস্তগত হইয়াছে।” তিনি অবিলাসে, সালারজঙ্গকে ডাকিয়া পাঠাইলেন এবং তাঁহার নিকট শুনিলেন যে, এই সংবাদ তিন দিন পূর্বে বাজারে রাষ্ট্র হইয়াছে। এই সংবাদ সুযোগে সালারজঙ্গ এবং তাঁহার অনুচরবর্গ অভিষেক স্থানীয় ইউরোপীয়দিগকে অনার্য্যে নিহত করিয়া বিদ্রোহীদিগের মনস্কামনা পূর্ণ করিতে পারিতেন। কিন্তু সালারজঙ্গ আপনার সুখ্যাতি এবং জীবনের মায়া পর্য্যন্ত পরিত্যাগ করিয়া স্বজাতি এবং সহধর্ম্মীদিগের উপরে অনেক উচ্চ দণ্ডায়মান রহিলেন। উন্নত প্রজাগণ রোষসহকারে তাঁহার দেশহিতৈষিতা এবং ধর্ম্মের বিরুদ্ধে অভিযোগ করিতে লাগিল। তিনি সে সমস্ত কিছুতেই দৃকপাত না করিয়া, বিদ্রোহীরা তাঁহার জীবন নষ্ট করিবার জন্য পুনঃ পুনঃ চেষ্টা করিতে লাগিল। কিন্তু তিনি হিমাদ্রি সদৃশ অচল অটল হইয়া রহিলেন। তাঁহার দৃঢ়চিত্ত আরবী দেহরক্ষকেরা কিছুতেই বিচলিত হইল না। তিনি তাহাদিগের সাহায্যে হাইদ্রাবাদ নগরের তোরণ ও অপরাপর নিষ্কামণ পথ সকল একরূপে রক্ষা করিলেন যে, ভূবৃত্ত বিদ্রোহিগণ আর বাহিরে যাইতে পারিল না। বাহারা রেসিডেন্সী (রেসিডেন্ট-আবাস) আক্রমণ করিয়াছিল, তিনি তাহাদিগকে দিয়া ভবিষ্যতে আর কোনরূপ অত্যাচার একেচায়ে বন্ধ করিয়াছিলেন।

নি সেই সময়ে হাইদ্রাবাদ রাজ্যের সৈন্ত দিয়া অন্তস্থানে ইংরাজের সাহায্য করিয়াছিলেন। একজন তদানীন্তন ইউরোপীয় ভারততত্ত্বজ্ঞ লিখিয়াছেন, বিদ্রোহ সময়ে সালারজঙ্গের কার্য্য কলাপ একেবারে অমূল্য।”

সিপাই বিদ্রোহের পর সারু সালারজঙ্গ দেশের উন্নতি সাধন কল্পে মনোনিবেশ করিলেন। হাইদ্রাবাদ রাজ্যের রাজস্ব ৭৫ লক্ষ হইতে ২১০ লক্ষ হইতে কোটে টাকায় পরিবর্তিত হইল; প্রজা সংখ্যাও এক তৃতীয়াংশ বাড়িল; প্রজাদিগের সচ্ছন্দে চলিবার রাস্তা এবং রেল পথে পরিষ্কার হইল, পূর্ত্ত বিভাগে খাল খননাদি কার্য্য হইল; রাজস্ব বৃদ্ধি দেশের অধিকাংশ জরিপ হইল; বিদ্যাচর্চায় বিশেষ উৎসাহ প্রদান হইল; কার্য্যকরী এবং সুন্দর পুলীশ বন্দোবস্ত প্রবর্ত্তিত হইল; এবং কার্য্যগত সৈন্ত রক্ষা বা গ্রহণ প্রথা উঠাইয়া দেওয়া হইল। ১৮৫৭ খ্রীষ্টাব্দে প্রথম বড় লোক সকল তাঁহার এই সংস্কার কার্য্যে বিশেষঃ প্রতিবন্ধকতা (তিকূলতা) করিয়াছিলেন। সংস্কার কার্য্যে তিনি যেকোন পথ অবলম্বন করিয়াছিলেন, তাঁহার আদৌ সে পথ পছন্দ করিতেন না। তাঁহার বিরুদ্ধে আরুপ ষড়যন্ত্র চলিতে লাগিল। এমন কি, ১৮৬১ খ্রীষ্টাব্দে চক্রান্ত করিয়া নাইজামের নিকট তাঁহার বিরুদ্ধে বলা হইয়াছিল যে, রেসিডেন্ট কর্ণেল ডেভিডসন্ শীঘ্রই মন্ত্রীকে পদচ্যুত করিবেন। নাইজামও তাহাতে বিশ্বাস করিয়াছিলেন। তিনি তজ্জন্তু রেসিডেন্ট সাহেবের সহিত সাক্ষাৎ করিলেন। এবং তাঁহার কথায় চমকিত ও বিস্মিত হইলেন। তিনি বলিলেন, “আমি আর বিন্দুবিসর্গও জানি না।” কিন্তু সালারজঙ্গে যত কেন ষড়যন্ত্র করুক না, বৃটীশগবর্নমেন্টের সহিত সখ্যভাব সংরক্ষণে বিশেষ পটু হইলেন।

১৮৬৯ খ্রীষ্টাব্দে এইচ্ এইচ্ আফ্ জুল্-উল-দৌলার মৃত্যুতে সারু সালারজঙ্গ পূর্ণ ক্ষমতা প্রাপ্ত রিজেন্ট (Regent) হইলেন; আমিরী কুবীর (Amir-i-Kubeer) তাঁহার কো-রিজেন্ট হইলেন। যুবরাজ প্রিন্স্ অব বেলুচিস্থ যখন ভারত পরিদর্শনের আইসেন, তিনি সারু সালারজঙ্গকে এতদূর সম্মানিত করিয়াছিলেন এবং সম্মান করিয়াছিলেন যে, তাঁহারি অনুরোধে সালারজঙ্গ বিলাত দর্শনে যাত্রা করিয়াছিলেন। বিলাতে এবং ইউরোপের অপরাধস্থানে তাঁহাকে রাজোচিত সম্মানের সহিত গ্রহণ করা হইয়াছিল। কিন্তু ১৮৭৩ হইতে প্রত্যাগমন কালে সিমলা শিখরস্থ নূতন রাজ প্রতিনিধির

সভাস্থ নূতন সভ্য সকল তাঁহাকে অভাবনীয় ঔদাস্ত ও উপেক্ষার সহিত গ্রহণ করিয়াছেন ।

পাঠকের বোধ হয় স্মরণ থাকিতে পারে যে, সরকার বাহাদুরের বিরুদ্ধে প্রদেশ গ্রহণ করিবার পর, সার সালারজঙ্গ হাইদ্রাবাদের মন্ত্রী পদে নিযুক্ত হইলেন । গবর্নমেন্টের হস্ত হইতে উহার পুনঃ প্রাপ্তি তাঁহার নিকট বুলিয়া বোধ হইত । কিন্তু তাঁহার যত্ন ও বুদ্ধি কৌশলে তদসম্বন্ধে বিলাত বড়লোকদিগের মধ্যে অনেকেই তাঁহার পৃষ্ঠপোষক হইয়াছিলেন । লর্ড লিটন ও তাঁহার সদস্যগণ তাঁহার প্রতি অসন্তুষ্ট হইয়া তাঁহার প্রাইভেট সেক্রেটারীকে অকস্মাৎ ছাড়াইয়া দিলেন এবং চিরশত্রু একজন কো-রিজেন্টের পদে নিযুক্ত করিলেন । এক সময়ে তাঁহার। তাঁহার অত্যন্ত দূর অসচ্ছল করিয়া তুলিয়াছিলেন যে, যাহাতে তিনি কর্ম পরিত্যাগ করিয়া চলিয়া যান, ইহা তাঁহাদিগের সম্পূর্ণ অভিপ্রেত ছিল, কিন্তু হাইদ্রাবাদ রাজ্যের সৌভাগ্যক্রমে তাহা ঘটে নাই । সার সালারজঙ্গ অনেক বিঘ্ন বিপত্তি কাটাইয়া উঠিয়াছিলেন । তিনি এক মুহূর্তের জন্যও মন্ত্রী পরিত্যাগের চিন্তা করেন নাই । বরং উহার স্থায়িত্বের ভিত্তি স্বীয় কাৰ্য্যদক্ষতায় বন্ধমূল করিয়া মানসীক তেজ, স্বাধীনতা, অধ্যবসায় এবং সহিষ্ণুতা পরিচয় দিয়াছিলেন ।

সালারজঙ্গকে ভারতের মধ্যে অত্যাৎকৃষ্ট পরিচ্ছদ-পরিহিত ব্যক্তি হইত । এই বাক্য অর্থহীন ছিল না, যেহেতু তাঁহার পরিচ্ছদ অতি সাদর এবং আড়ম্বরশূন্য ছিল এবং তিনি অনেক বহুমূল্য হীরকখচিত পরিচ্ছদধারী ভারতীয় রাজপুরুষদিগের অপেক্ষা আপনার শুভ্রবর্ণ ক্ষুদ্র উষ্ণীশ অধিক গৌরব ও সম্মানের সহিত মস্তকে ধারণ করিতেন । তিনি একজন দীর্ঘকায় সুপুরুষ ছিলেন । তাঁহার বদনমণ্ডল চিন্তাযুক্ত ও স্থির, ঈষৎ হাস্যে প্রকৃষ্টি হইত, কিন্তু তাহাতে চতুর বদনভাষাজ্ঞ পণ্ডিত তাঁহার হৃদয়ের ভাব কিছুই বুঝিতে পারিতেন না । তিনি সুন্দর ইংরাজী অক্লেশে লিখিতে ও বলিতে পারিতেন । তাঁহার আচার ব্যবহার এতদূর সুন্দর ও মনোহর ছিল যে, বিরার প্রদেশ প্রত্যর্পণ সম্বন্ধে তাঁহার একজন চিরপ্রতিদ্বন্দ্বী ও বিপক্ষ ইংরাজ কর্মচারী মুক্তকণ্ঠে বলিয়াছিলেন যে, “ক্ষমতাশালী ও উচ্চশ্রেণীর ইংরাজকে হাইদ্রাবাদে পাঠান উচিত নহে, তাহা হইলে সার সালারজঙ্গ তাঁহাকে নিশ্চিত বশীভূত করিবেন ।”

সার সালারজঙ্গ ভারতে একজন ক্ষমতাশালী রাজনীতিজ্ঞ ও কর্মবীর । তাঁহার শ্রমশীল জীবন সাধারণের আদর্শ । তিনি প্রত্যহ প্রত্যুষে ৬ টার সময় শয্যা হইতে উঠিয়া দরবারে বসিতেন । সেই দরবারে অতি হীন ব্যক্তিও বাধে প্রবেশ করিতে পারিত । তৎপরে পাঠাগারে যাইতেন, ধনাগারে আসাব দেখিতেন এবং রেসিডেন্সির পারশ্চ ভাষাজ্ঞ মুন্সির সহিত দিবসের চিঠিপত্র সম্বন্ধে কথোপকথন করিতেন ; তৎপরে বিচারপতি আসিয়া সাক্ষাৎ করিতেন । তখন ১০টা বাজিত । সেই সময়ে ১৫ মিনিট আহারে বসিতেন । হারান্ডে প্রধান মুন্সির কথা শুনিতেন এবং পূর্বদিবসে যে সমস্ত আবেদন গ্রহণ হইত, তৎসম্বন্ধে কথোপকথন করিতেন । মধ্যাহ্নকালে খাস-মরায় সম্ভ্রান্ত ব্যক্তিদিগের সহিত সাক্ষাৎ করিয়া ১২টা টার সময় গরিক ভাটলোকদিগের সহিত দরবারে বসিতেন । তৎপরে রেসিডেন্সিস্থ সার সালারজঙ্গের নাম স্বাক্ষরের জন্ত কাগজপত্র দাখিল করিতেন । বেলা দুই টার সময় হাইদ্রাবাদ রাজ্যের নিম্নতন কর্মচারিদিগের সহিত, নগরের প্রধান প্রধান সাউকারদিগের (Soucare) সহিত এবং নিজামের বিশ্বস্ত কর্মচারীদিগের সহিত সাক্ষাৎ করিতেন । অপরাহ্ন বেলা ৫টা সাড়ে পাঁচ টার সময় তিনি ক্রমান্বয়ে আপনার ঘোটকদিগকে এবং তৎপশ্চাতে নিজামের বিশালাস্থিত ঘোটকদিগকে পর্য্যবেক্ষণ করিয়া শকটারোহণে বা অশ্ব-চর্চা নগরভ্রমণে বাহির হইতেন । ফিরিয়া আসিয়া ভোজনে বসিতেন । রাত্রে সন্ধ্যা ১০টা ৩০ মিনিট পর্য্যন্ত আপনার চিঠিপত্র লইয়া ব্যস্ত হইতেন ।

ভারতীয় গবর্নর জেনারেল লর্ড লিটনের ভারত পরিত্যাগের পর, তিনি ভারত গবর্নমেন্টের প্রিয় ও বিশ্বাসভাজন হইলেন । তদবধি হাইদ্রাবাদ রাজ্যের সম্পূর্ণ শাসনভার তাঁহার হস্তে ন্যস্ত হইল । সিমলা শৈলশিখরে পরিপন এবং তাঁহার সদস্যদিগের সহিত সাক্ষাৎ করিয়া তিনি যাহার পর হইত অপর্যায়িত এবং সন্তুষ্ট হইলেন । তাঁহারি অকৃত্রিম যত্নে এবং কার্য্য-নিষ্ঠায় বিরার প্রদেশ নিজামকে প্রত্যর্পিত হইয়াছিল । কিন্তু আক্ষেপের বিষয়, অকাল মৃত্যু বশতঃ, তাঁহার এই স্বপ্নবৎ মহৎ মনোবাঞ্ছা পূর্ণ হইতে পারিয়া যাইতে পারেন নাই ।

১৮৬৭ খ্রীষ্টাব্দে তিনি কে, সি, এস, আই উপাধি এবং ১৮৭১ খ্রীষ্টাব্দে জি, সি, এস, আই উপাধি প্রাপ্ত হইলেন । ১৮৭৬ খ্রীষ্টাব্দে অকস্ম-

ফোর্ড বিশ্ববিদ্যালয় তাঁহাকে সম্মানসূচক ডি, সি, এল, উপাধি প্রদান করেন ।

১৮৮৩ খ্রীষ্টাব্দে বিস্মৃতিকা রোগে তাঁহার মৃত্যু হয় । তিনি দুইটি পুত্র এবং দুইটি কন্যা রাখিয়া যান ।

শ্রীভুবনমোহন ঘোষ ।

## বর্ণাশ্রম-ধর্ম ।

### গার্হস্থ্যশ্রম ।

( পূর্ব প্রকাশিতের পর )

বিবাহ আট প্রকার । যথা,—

“ব্রাহ্মো দৈবস্তথৈবার্ষঃ প্রজাপত্যাস্থাসুরঃ ।

গান্ধর্বো রাক্ষসশ্চৈব পৈশাচশ্চাষ্টমোহমঃ ॥”

মহু ।

ব্রাহ্ম, দৈব, আর্ষ, প্রজাপত্য, আসুর, গান্ধর্ব, রাক্ষস, ও পৈশাচ । এই আট প্রকার বিবাহের মধ্যে ব্রাহ্ম বিবাহই শ্রেষ্ঠ ও ব্রাহ্মণের পক্ষে প্রথমে কল্প । ব্রাহ্মবিবাহের লক্ষণ শাস্ত্রে এইরূপ নির্দিষ্ট হইয়াছে যথা—

“ব্রাহ্মো বিবাহ আহুর দীর্ঘতে শক্ত্যলঙ্কতা ।

ভজ্জঃ পুনাত্যভয়তঃ পুষানেকবিংশতিন্ ॥”

যাজ্ঞবল্ক্য ।

যে বিবাহে বরকে আহ্বান করিয়া যথাশক্ত্যলঙ্কতা কন্যা প্রদত্ত হইলে তাহার নাম ব্রাহ্ম বিবাহ । এই বিবাহে কন্যাদাতা একবিংশতি পুরুষ পর্য্যন্ত নরক ভ্রাগ রূপ ফল লাভ করে । বর্তমান কালে এই ব্রাহ্ম বিবাহই সর্ব বর্ণের মধ্যে প্রশস্তকল্প বলিয়া পরিগৃহীত হইয়া আসিতেছে । এতদ্ব্যতীত আসুর বিবাহ অপ্রশস্ত ও নিন্দনীয় হইলেও তাহাও হিন্দুসমাজের সম্প্রদায় বিশেষে প্রচলিত দেখিতে পাওয়া যায় । আসুর বিবাহের শাস্ত্রোক্ত লক্ষণ এইরূপ যথা,—

“জ্ঞাতিভ্যা দবিগং দত্ত্বা কন্যায়ৈ চৈব শক্তিতঃ ।

কন্যা প্রদানাং স্বাচ্ছন্দাদাসুরো ধর্ম উচ্যতে ॥”

মহু ।

যে বিবাহে পিত্রাদি জ্ঞাতিবর্গ ও বিবাহা কন্যাকে ধনদানে (শুক বা পণ) পরিতুষ্ট করিয়া কন্যা গ্রহণ করা হয়, তাহারই নাম আসুর বিবাহ । এই বিবাহ অতীব নিন্দনীয় । এবং এইরূপ বিবাহের কন্যাদাতাগণ “শুক-বিক্রয়ী” অভিধানে অভিহিত ও সমাজে অবজ্ঞাত হইয়া থাকে । শাস্ত্রমতে শুকবিক্রয়ীর মুখদর্শন করিতে নাই । যথা,—

“কন্যাবিক্রয়িণাঃ পুংসাং মুখং পশ্চেন্ন শাস্ত্রবিৎ ।

পশ্চেন্নজ্ঞানতো বাপি কুর্যাদ্ভাক্ষর দর্শনম্ ॥”

কন্যাবিক্রয়ীর মুখদর্শন করিবে না । যদি দৈবাৎ বা অজ্ঞানতঃ দর্শন হয়, তবে সূর্য্যদর্শনরূপ প্রায়শ্চিত্ত করিয়া সেই পাপের ক্ষালন করিতে হইবে । শাস্ত্র আরও বলিয়াছেন,—

“তদ্দেশং পতিতং মন্ত্রে যত্রাস্তে শুক্রবিক্রয়ী ।”

শুকবিক্রয়ী যে দেশে বাস করিবে, সে দেশ পর্য্যন্ত পতিত । কেবল তাহারই নহে; ক্রয়ক্রীতা কন্যা পত্নী মধ্যে গণ্য হয় না । তাহার দ্বারা কি দৈব, কি পৈত্র্য, কোন কার্য্যই সম্পন্ন হইতে পারে না । সে দাসীতুল্যা, যথা,—

ক্রয়ক্রীতা তু য়া নারী ন সা পত্ন্যভিধীয়তে ।

ন সা দৈবে, ন সা পৈত্রে, দাসীতু কবয়ো বিদুঃ ।

যাহা হউক, ব্রাহ্ম ও আসুর বিবাহ ব্যতীত অত্র ছয় প্রকারের বিবাহ এখন আমাদের দেশে প্রচলিত নাই ।

হিন্দু বিবাহের মূল উদ্দেশ্য অতীব উচ্চতম, অতীব মহৎ । পতি পত্নীর মধ্যে পরস্পর পার্থক্য ভাব নষ্ট করিয়া, উভয়ের একীকরণ করাই হিন্দু বিবাহের মুখ্য উদ্দেশ্য । যত দিন পতি ও পত্নী পরিণয় সূত্রে আবদ্ধ না হন, তাহা বিবাহের উদ্দেশ্যে তাঁহারা অর্দ্ধাঙ্গ মাত্র । কিন্তু পবিত্র বিবাহরূপ সংস্কার দ্বারা সংস্কৃত হইলেই তখন তাঁহাদের পূর্ণতা বা একীকরণ কার্য্য পরিসমাপ্ত হয় । কিভাবে এই একীকরণ কার্য্য সম্পাদিত হয়, তাহা বুঝাইবার নিমিত্ত দুইটি বিবাহের মন্ত্র এই স্থলে উদ্ধৃত হইতেছে । একটি মন্ত্রে বর, কন্যাকে বলি-  
ত্যাগ করেন,—

“ওঁ যদেতৎ হৃদয়ং তব, তদস্ত হৃদয়ং মম ।

যদিদং হৃদয়ং মম, তদস্ত হৃদয়ং তব ॥”

মন্মার্থ এই যে, এখন হইতে তোমার হৃদয় আমার ও আমার হৃদয় তোমার হইল। দ্বিতীয় মন্ত্রে বর বলিতেছেন,—

“ও প্রাণৈস্তে প্রাণান্ সন্দধামি, অস্থিত্বিরস্থীনি,  
মাংসৈর্মাসানি ত্বচাত্চম্।”

অর্থাৎ তোমার ও আমার সম্বন্ধে প্রাণে প্রাণে, অস্থিতে অস্থিতে, মাংসে মাংসে ও চর্মে চর্মে মিল হইয়া যাউক।

এই দুইটি উত্তর বিবাহ বা কুশঞ্জিকার অন্তর্গত বেদ মন্ত্র। বেদ মন্ত্র উপযুক্ত স্বরসংযোগে যথাযথরূপে উচ্চারিত হইলেই তাহাতে তড়িৎ শক্তির ক্রিয়ার বিকাশ হইয়া পতি পত্নীর মধ্যে শক্তি সামঞ্জস্য রক্ষার সহায়তা করিয়া থাকে। ফল কথা এই ভাবে একীকরণ না হইলে, প্রকৃত দাম্পত্য প্রেম কখনও বন্ধমূল ও চিরস্থায়ী হইতে পারে না। যে প্রেম কেবল মাত্র রূপজ মোহে সমুৎপন্ন, তাহা ক্ষণভঙ্গুর। রূপের মোহ কাটিয়া গেলেই অধিকাংশ স্থলে সে প্রেমের বিলয় হইয়া থাকে। বলা বাহুল্য যে, হিন্দু জাতির ন্যায় একীকরণমূলক বিবাহ বা প্রকৃত দাম্পত্য প্রেম, পৃথিবীর অত্র কোন দেশীয় লোকের কল্পনাতেও কখন উদ্ভূত হয় নাই।

হিন্দু বিবাহের মূল উদ্দেশ্যের কথা বলিলাম। কিন্তু তন্নির আরও দুইটি প্রধানতম উদ্দেশ্য আছে। একটি ভগবানের সৃষ্টিরক্ষা বা বংশ রক্ষার পুত্রোৎপাদন। সেই পুত্রের দ্বারা পিতৃলোকের তৃপ্তার্থ জনপিণ্ডের সংস্থাপন হইয়া থাকে। যথা,—

“পুত্রার্থে ক্রিয়তে ভার্য্যা পুত্রঃ পিণ্ডপ্রয়োজনঃ।”

দ্বিতীয় উদ্দেশ্য, ধর্মাচরণ। “সস্ত্রীকো ধর্মমাচরেৎ।”

আটচল্লিশ বৎসর বয়সের পূর্বে গৃহস্থাশ্রমের যাবতীয় কার্যই সস্ত্রী হইয়া করিতে হয়। নতুবা সে কার্য নিষ্ফল হইয়া থাকে। বিবাহের পূর্বে সধবা স্ত্রীলোকের পক্ষে স্বতন্ত্র ভাবে আর কোন কর্তব্য কার্য নাই। তাহা স্বামীকৃত কার্যের ফল লাভ ও স্বামীসুখের দ্বারাই স্বর্গ লাভ করিয়া থাকে। যথা,—

“নাস্তি স্ত্রীণাং পৃথগ্ যজ্ঞো ন ব্রতং নাপ্যুপাসনম্।

পতিং সুশ্রুযতে যেন তেন স্বর্গে মহীয়তে ॥”

তবে সধবারা ইচ্ছা করিলে, পতির অনুমতি গ্রহণ পূর্বক অত্র ব্রতাদি শাস্ত্রাদিরও অনুষ্ঠান করিতে পারেন। কিন্তু তাহা করিতে হইলে,

সেই কার্যের অনুষ্ঠান দেবতাকে পতি দেবতার অভিন্নভাবেই অর্চনা করিতে হইবে। নতুবা পাতিত্র্য-ধর্মের হানি হইয়া থাকে।

ইন্দ্রিয়বৃত্তির তৃপ্তি সাধনই যে বিবাহের উদ্দেশ্য নহে, এ কথা শাস্ত্রোক্ত ঋতুচর্য্যা বা দারোপগমন-বিধির পর্যালোচনা করিলে, স্পষ্ট উপলব্ধ হয়। প্রথম রজোদর্শনের রাত্রি হইতে ষোড়শ রাত্রি পর্যন্ত স্ত্রীলোকের ঋতুকাল। এই কালের মধ্যে জ্যোতিষশাস্ত্র-সম্মত বার, তিথি ও নক্ষত্রাদির প্রতি লক্ষ্য করিয়া, কোন একটি প্রশস্ত দিনে পুত্রকামী হইয়া দারোপগমন করাই শাস্ত্র-কারগণের অভিপ্রেত। এইরূপ বৈধ স্ত্রীসংহাস জন্ম ব্রহ্মচর্য্য ব্রতেরও কোন হানি হয় না। দারোপগমনে এই প্রকার সাবধানতা অবলম্বনের হেতু এই যে, জীবের জন্মকালে যেরূপ গ্রহ নক্ষত্রাদির সংস্থান বা সমাবেশ থাকে, তাহাদের প্রভাবানুসারেই জাত বালকের প্রকৃতি গঠিত হয়। সেই জন্মই একই পিতা মাতা হইতে সমুৎপাদিত সন্তান সন্ততিগণ পরস্পর ভিন্ন ভিন্ন প্রকৃতিবিশিষ্ট হইয়া থাকে। পুত্র পক্ষ্যাদি ইতর জীবজন্তুগণের সঙ্গমক্রিয়া মনোযোগ পূর্বক লক্ষ্য করিলেও এ বিষয়ে অনেক উপদেশ লাভ হয়। তাহার স্বাভাবিক নিয়মের বশবর্তী হইয়া কেবল সন্তানোৎপাদনের নিমিত্তই স্ত্রীপুরুষে সঙ্গত হইয়া থাকে। কিন্তু একবার গর্ভধারণ হইয়া গেলে, তাহাদের মধ্যে পরস্পর সন্মিলনেচ্ছা এককালীন রহিত হইয়া যায়। সুতরাং ইহাই যে ঈশ্বরের সম্পূর্ণ অভিপ্রেত কার্য, সে পক্ষে সন্দেহ মাত্রও নাই। কিন্তু কালমাহাত্ম্যে আমরা এমনি অধঃপতিত হইয়াছি যে, শাস্ত্রের মহামূল্য উপদেশ বাক্যের প্রতি আর আমাদের কিছুমাত্রও আস্থা নাই। এখন আমরা ইন্দ্রিয়-পরিতৃপ্তিই দারোপগমনের মুখ্য উদ্দেশ্য মনে করিয়া স্ত্রীসংহাসে যতচ্ছচার অবলম্বন করিয়া থাকে। স্ত্রী ও পুরুষ এখন যেন পরস্পর পরস্পরের ভোগের সামগ্রী হইয়া পড়িয়াছে। আবার ফলও তাহার তেমনি বিষময় হইতেছে, এখন আর কোন সংসারে পূর্বকার ন্যায় কুলপাবন সংপুত্রের প্রায়ই উদ্ভব হয় না। পুত্র বয়ঃপ্রাপ্ত হইলে বা পুত্রবধূ ঘরে আসিলে শেষাবস্থায় যে পিতা মাতাকে অশেষ লাঞ্ছনা বা অশান্তি ভোগ করিতে হয়, তাহাও অহরহঃই প্রত্যক্ষ হইতেছে। যাহা হউক, আমরা যথাসময়েই শাস্ত্রোক্ত ঋতুচর্য্যা বা দারোপগমন বিধির বিস্তৃতভাবে আলোচনা করিব।

ক্রমশঃ

শ্রীপ্রসন্নকুমার চট্টোপাধ্যায়, সীতাহাটী।

## সংসার ।

(ভুবনমোহিনী প্রতিভার বিখ্যাত কবি কর্তৃক লিখিত ।)

(১)

বিশাল সংসার-ক্ষেত্র অগূর্ব  
সুন্দর, ঘোর গভীর দর্শন !  
অদ্ভুত অনন্ত শূন্য অনন্ত ঐশ্বর্য্য পূর্ণ,  
অনন্ত সবিভা, গ্রহ, নক্ষত্র,  
—চন্দ্রমা, পৃথ্বী, পূর্ণ নিরঞ্জন  
দিবস, রজনী, উষা, প্রাতঃসন্ধ্যাকাল  
সিন্ধু, বিচিত্র তরঙ্গতঙ্গে বহে অনুক্ষণ !

(২)

অনল, অনিল, জল, মৃত্তিকা,  
আকাশ, বিশ্ব বিকাশ কারণ ;  
সর্বত্র সঙ্গতভাবে, ভাঙ্গিছে গঠিছে ভবে,  
জড়' কি অজড়' ছোট বড় সর্বভূতে  
কি বা নিয়ম লিখন !  
কি এক অদ্ভুত, সূক্ষ্ম, সর্বশুভপ্রদ  
শক্তি, বাসনা বলেতে, বিশ্ব চলিছে কেমন !

(৩)

সকলি বিচিত্র ! এই অনন্ত নিখিল-  
-ঘোর চিন্তা পারাবারে,  
কে পারে বা সত্তরিতে ? দুর্গম সৈকত হ'তে  
দেখিয়া অপার সিন্ধুতরঙ্গ উচ্ছ্বাস,  
ত্রাস জন্মায় অন্তরে !  
অনন্ত বিখেতে ক্ষুদ্র কঙ্কর সন্নিভ  
এই পৃথিবীর জানী, ভ্রমে সৈকতে সত্তরে !

(৪)

হে এ ক্ষুদ্র পৃথিবীর মানব সকল !  
পেয়ে বুদ্ধির পালক,  
অবোধ পতঙ্গ মত, স্পর্ধায় উড়িছ কত ?  
কতক্ষণ উড়িবে বা ? পড়িবে এখনি ছিন্ন হইয়া পালক,  
অনন্ত প্রকৃতি রাজ্যে অণু হতে অণু হইবে  
কিসের কারণে দস্তে মারিছ মালক ?

(৫)

মাগর, সরিৎ, বৃক্ষ, ব্রততী,  
কুমুম, ফল, শস্য সুশোভিনী,  
নানা পশু পক্ষী প্রাণী, নানা ধন রত্ন-ধনি,  
নানা দেশ, জনপদ জননী ;  
ধরণী, সুখময়ী চন্দ্রাননী ;  
অহরহঃ জীবন উচ্ছ্বাস কোলাহলময়ী  
মাতঃ ! ভ্রান্ত শিশু মোরা কিছুই না জানি ।

(৬)

অনন্তঃবিশ্বের চিন্তা দূরে থাক,  
মাতঃ তব মহিমা ভাবিতে,—  
কোটি কল্পযুগ গত, জলের বৃদ্ধ মত  
কত শত জানী ভেসে উঠিল,  
ডুবিয়া গেল কাল-মাগরেতে ;  
“ক’টা সত্য অত্যাধি অবিরোধি ভাবে  
তবে হয়েছে ঘোষিত তাহা হইবে বুদ্ধিতে !”

(৭)

“সত্য যা’তা স্বতঃসিদ্ধ,” সময়  
আপনি তাহা করিবে প্রচার,  
অসত্যে আবৃত হয়ে, ভ্রান্ত সত্য বুঝাইয়ে,  
সয়তান পণ্ডিত হ’ল, জ্ঞানদ রাজন,  
চোর হ’ল জমিন্দার !  
হলে, বলে, কৌশলে, “মৃত্তিকা অধিকার  
প্রথা” রাজধর্ম বলিয়া “সংহিতা” হল তার

(৮)

হিংসা, লোভ, মাৎস্য্য প্রমত্ত  
হয়ে লোক, করে ঘোর গণ্ডগোল,  
নীচতার দাস হয়ে, বিবেকের মাথা খেয়ে,  
মনুষ্যত্ব, জ্ঞান ধর্ম, ডুবিয়ে অতলে  
স্বার্থ অবেষে কেবল !

যে যত "পাশব" শক্তি করিবে সঞ্চয়  
এই অবনীর মাঝে হবে সে তত সফল।

(৯)

বঞ্চক, নিষ্ঠুর, নীচ, নরাধম  
যারা, প্রায় তারাই প্রধান !  
যথার্থ উন্নত যারা পদতলে প'ড়ে তারা,  
অন্নহারা, গৃহহারা, দীন-হীন  
প্রায়, অহো ! একি এ বিধান ?  
রাখালে রাজত্ব করে বসি উচ্চস্থানে,  
যেন কতই নীতিজ্ঞ, জ্ঞানী, ধার্মিক, ধীমান !

(১০)

সমাজের শীর্ষস্থানে, বসিয়া  
কতই করে বিজ্ঞতার ভাণ !  
সাজি ধর্ম-অবতার, হরিতে ভূমির ভার,  
সর্বেশ্বর ঈশ্বরের শক্তি যেন  
নরদেহে হস্তে মূর্তিমান,  
অবনীতে অবতীর্ণ হয়েছে আসিয়া,  
সর্বলোকে জ্ঞান দিয়া, শাস্তি করিতে বিধান !

(১১)

অহে ও অবনীবাসী মানব সকল !  
কেন এত ভ্রান্ত চিত ?  
সকলেই ভাই ভাই, কেহ ছোট বড় নাই,  
প্রভু, দাস, রাজাপ্রজা, বৈষম্য-  
বিধান, সব শয়তান কল্পিত !

শত শত ধর্ম, বর্ণ, সম্প্রদায়, দেখিতেছ,  
মিথ্যা উহা ! ও সকল ধূর্তদের কৃত।

(১২)

মাৎস্য্য মোহের বশে  
প্রতিপত্তি লালসায় ঘত ধূর্তগণ,  
নানা ধর্ম সম্প্রদায় গঠন করেছে হায় !  
"বিশ্বব্যাপী লৌকধর্ম, এক  
সম্প্রদায় ভাব, নাহিক এখন !"  
সকলেই সকলের হইয়া বিপক্ষ  
এই সংসার শ্মশানে করে আত্ম নির্যাতন !

(১৩)

হীন-বীর্য্য দীন-হীন, বিবেক-  
বিমূঢ় হয়ে মানব মণ্ডল,  
বৈষম্য বিপাকে পড়ি, অকূলে ডুবালে তরি,  
কল্পতরুতল ছাড়ি, আশ্রয়  
করেছে সবে ঘোর মরুস্থল !  
হরি হরি ! কি হবে জীবের গতি ! ক্ষুদ্রতায়  
আচ্ছন্ন সংসার, ঘোর ছুঃখেতে বিহ্বল !

(১৪)

কে করিবে এ ছুঃখের প্রতীকার  
আর ! ভবে কে আছে তেমন ?  
বুদ্ধ চৈতন্যের মত হইলেও হবে না ত !  
দেশ কাল পাত্ৰোচিত, বীর ধীর  
অবতার চাহি একজন !  
সময় প্রকৃতি গুণে জন্মেছে, জন্মিবে কিম্বা  
সেই সুসত্তান, সত্য করিতে স্থাপন।

(১৫)

আত্মত্যাগী, মহাবল, লোক  
হিত-প্রাণ এক আদিছে সংসারে।

লৌহ পরিচ্ছদ পরি, শ্বেতকার অশ্বে চড়ি,  
নাশিতে মানব অরি, বজ্র অসি শতাকা ধরিয়া হুহুকারে,  
“লোকধর্ম-সংহিতা রচিয়া অভিনব,”  
এই মহাত্মা সংসারের সত্য প্রচারের তরে !

(১৬)

সত্যধেবী, ছুরাশয়, দুর্দম  
ছুরাত্মাগণে, বিনাশি বলেতে,  
সর্বলোক-হিতবিধি, কাঙ্গালের হারানিধি  
উদ্ধারিয়া, মৃত্যুগণে করি প্রাণ দান, শাস্তি দিবে জনে জনে,  
পাপমেঘ মুক্ত হয়ে, উঠিবে জ্ঞানের চন্দ্র,  
আলোকি অবনী, ঘোর তিমির-গগনে !

শ্রীনবীনচন্দ্র মুখোপাধ্যায় ।

## মনের কথা ।

বঙ্গ ব্যবচ্ছেদ ত হইয়া গেল। তোমাদের এত চীৎকার, এত কোলা-  
হল কোন কাজেরই হইল না ! ইংরাজ রাজ তোমাদের কোন কথাই গ্রাহ্য  
করিলেন না। তিনি যাহা ভাল বুঝিয়াছেন, যাহাতে রাজা প্রজা উভয়ের  
হিত হইবে বুঝিয়াছেন, তাহাই করিলেন। তোমরা কাঁদিলে কি হইবে ?

ইহাতে বুঝিলে কি ? তোমাদের ছেলে পিলে অনেক সময় অনেক আ-  
দার করিয়া থাকে। “এটা নেব, ওটা নেব, ইহা করিব, উহা করিব,”  
বলিয়া ত তোমাদিগকে অনেক সময়ে বিব্রত করিয়া তোলে। তোমরা  
সকল সময়ে কি ছেলের কথা শুন ? মনে কর “ছেলেদের বুদ্ধি নাই, বিবে-  
চনা নাই, জ্ঞান হয় নাই বলিয়া উহারা যা’ তা’ বলিতেছে। ওসব কথা কি  
শুনিতে আছে ? যাহাতে ছেলেদের হিত হইবে, তোমরা তাহাই করিয়া  
থাক ; ছেলেদের কথা ত মানিয়া চল না। ইংরাজও তোমাদিগকে তেমনি  
ছেলের আশ্রয় ভাবিয়া থাকেন। তোমরা যতই নিজেদের বুদ্ধির বড়াই কর  
না কেন, পরীক্ষায় যতই তোমরা ইংরাজদিগকে হারাইয়া দাও না কেন,  
ইংরাজ জানে, তোমাদের যত বুদ্ধিই থাকুক, সে ত ছেলের বুদ্ধি। সংসারের

ধর তোমরা কি রাখ ? রাজনীতির তোমরা কি ধার ধার ? ও সম্বন্ধে  
তোমাদের কোন কথা বলা যুক্তিত। সুতরাং তোমাদের কথা অগ্রাহ্য।

ইহা যদি আজ বুঝিয়াছ, তবে ভালই হইয়াছে। যদি না বুঝিয়া থাক,  
তবে তোমাদের বুদ্ধির প্রশংসা করিতে পারি না। এত দিন যে উহা বুঝিতে  
পার নাই, তাহাতেও তোমাদের বুদ্ধির অস্তিত্ব সম্বন্ধে সন্দেহ হয়। আর এই  
সোঁজা সোঁজা কথাটা না বুঝিতে পারিলেও ত তোমাদের মঙ্গল নাই।

বুঝ আরু নাই বুঝ, কথাটা কিন্তু খাঁটি। ইংরাজ জানে যে তোমরা  
গোলমাল করিতে পার, কাজ করিতে পার না। শিশুর আশ্রয় হুজুগ করিতে  
পার, কিন্তু ছুইটা তাড়া দিলে, কিম্বা, গ্রাহ্য না করিলে, বাড়ী গিয়া ক্লাস্ত  
হইয়া ঘুমাইয়া পড়। ঠিকই হউক, আর বেঠিকই হউক, তোমাদের সম্বন্ধে  
কিন্তু ইংরাজের ধারণাটা এইরূপ। আচ্ছা, এখন বুঝ দেখি, এরূপ ধারণা  
করায় কি ইংরাজের পক্ষে অগ্রাহ্য হইয়াছে ?

কিছু অগ্রাহ্য হয় নাই। সেদিন পর্য্যন্ত তোমরা যাহা কিছু করিয়াছ,  
তাহার ত সবই ছেলেমি। “বালানাং রোদনং বলং।” যখন তোমাদের  
বাধ হইয়াছে যে, রাজা অগ্রাহ্য করিয়াছেন, তখনই তোমরা চীৎকার করি-  
য়াছ; ক্রন্দনের তারত্বেরে গগন বিদীর্ণ করিয়াছ। ইংরাজ সব দেখিয়া-  
ছেন, সব শুনিয়াছেন, কিন্তু হাসিয়া উড়াইয়া দিয়াছেন। অসহায় শিশুর  
কন্দনে যেমন রাগের লেশ থাকে না, অভিমানের গন্ধ থাকে না, তোমাদের  
কন্দনেও সেরূপ কিছু ছিল না। তোমরা কাঁদিয়াছ, ইংরাজ গ্রাহ্য করেন  
ই, অথবা তোমাদিগকে কোন খেলনা দিয়াছেন, তোমরা চূপ করিয়াছ।  
এখন বল দেখি, ইংরাজ তোমাদিগকে যে ‘ছেলের জাত’ মনে করিয়া-  
ছেন, তাহাতে তাঁহার কিছু দোষ আছে কি ?

এখন দেখিতেছি, তোমাদের বয়স হইয়াছে। ছেলের যখন একটু বয়স  
হয়, তখন সে মনের মত জিনিস না পাইলে রাগ করে, অভিমান করে।  
গিয়া বলে “যাও ভাত খাইব না।” তখন মা বাপে ছেলের খোসামোদ  
করে, যাহা চায় তাহা দেয়, তখন ছেলের অভিমান যায়, ছেলে ভাত খায়।  
তোমরাও যে তাহাই করিতেছ। ইংরাজ তোমাদের কথা শুনিলেন না,  
তোমাদের দেশকে ছুই ভাগ করিয়া দিলেন। তোমরা অভিমান ভরে  
ভিজ্জা করিয়া বসিলে “যাও, তোমরা আমাদের কথা শুনিলে না, আমরা  
তোমাদের জিনিস কিনিব না।” তোমরা ত রাগের বশে, অভিমানের

বশেই এরূপ প্রতিজ্ঞা করিয়াছ। মানুষের রাগ, অভিমান কত দিন থাকে ?

বাস্তবিকই বেশী দিন থাকে না। যাহার উপর রাগ করি, অভিমান করি, তাহার উপর আমার মনের টান নিশ্চয়ই থাকে। শ্রীরাধা ও শ্রীকৃষ্ণের ঝগড়া হইয়াছিল, শ্রীরাধা দুর্জয় অভিমান করিয়াছিলেন “শ্রীকৃষ্ণের মুখ দেখিব না”, এমন কি “কাল বরণ আর হেরিব না” এইরূপ পুনঃ পুনঃ শপথ করিয়াছিলেন। কিন্তু শ্রীরাধার মনের টান শ্রীকৃষ্ণের প্রতি খুবই ছিল। শ্রীরাধিকা মান করার কিছু পরেই ভাবিলেন “কি কু-কর্মই করিয়াছি, এখন শ্রীকৃষ্ণ আসিয়া দু’টা কথা বলিলেই সব চুকিয়া যায়।” হইলও তাহাই শীঘ্রই মিটমাট হইয়া গেল, কিন্তু শ্রীকৃষ্ণের চন্দ্রাবলীর কুঞ্জ বাওয়া বন্ধ হইয়াছিল, কিনা সে খবর কেহ রাখ কি ?

খুব আশঙ্কা হইতেছে, তোমরা বা তাহাই কর ! রাধা বিনোদিনী যেমন কৃষ্ণ-প্রেমে পাগলিনী ছিলেন, তোমরাও যে তেমনি ইংরেজ-প্রেমে পাগল। সাহেবী চাল চলনে, সাহেবী হাব ভাবে, সাহেবী জিনিসের নামে তোমরা যে একবারে যেন হাতে স্বর্গ পাও ! তোমরা সাহেবদের অনুকরণে জাতিভেদ উঠাইতে চাও, বিধবার বিবাহ দিতে চাও, কুখাদ্য অখাদ্য সব খাইতে চাও, বাঙ্গালীদিগকে ডাকিয়া আনিয়া ইংরাজীতে বক্তৃতা কর, বাঙ্গালীকে ইংরাজীতে পত্র লিখিয়া থাক ; তোমাদের কোন্ কাজে সাহেব প্রেমের পরিচয় না পাওয়া যায় ? তোমরা দেশীয় আচার ব্যবহারকে বর্বরতার চিহ্ন মনে কর, টিকি রাখা, তিলক করাকে ঘৃণা কর ; তোমরা সাহেবী পোষাক পর, সাহেবী বুলি ঝাড়। তোমরা যে ভিতরে বাহিরে পুরা সাহেব। আজ তোমার প্রণয়পাত্র তোমাকে অবজ্ঞা করিয়াছেন, তাই তুমি অভিমান ভরে বলিতেছ, “শাদা মুখ আর হেরিব না, বন্ধু হে উলঙ্গ হইয়া থাকিব, তবু তোমার কাপড় পরিব না, ইত্যাদি, ইত্যাদি।” আবার এখনি যদি সাহেবরা তোমাদের একটু আদর করেন, তোমাদের পিঠে হাত বুলাইয়া দেন, তবে তোমরা যে সাহেব সেই সাহেবই হইবে। তখন সাহেবদের গলা জড়াইয়া ধরিয়া কাঁদিতে কাঁদিতে বলিবে, “ছি ! ছি ! দারুণ মানের লাগিয়ে বঁধুরে হারানো ছিলাম।”

তাতেই ত ভয় হয়, তোমরা ঠিক রাখিতে পারিবে না। যদি তোমরা অভিমান বা রাগের বশে বিলাতী জিনিস ছাড়িবার প্রতিজ্ঞা না করিয়া

স্বদেশের প্রকৃত কল্যাণ কামনায় অথবা আর্থোচিত ঘৃণার বশে এরূপ প্রতিজ্ঞা করিতে, তবে তোমাদিগকে বিশ্বাস করিতে পারিতাম। তবে জানিতাম যে তোমরা এই ভীষণ অগ্নিপরীক্ষায় উত্তীর্ণ হইবে। ঘৃণা ও স্বদেশ প্রেম স্থায়ী, অভিমান বা রাপ স্থায়ী নহে।

তাহাই যদি হয়, তবে একবার দেখা যাউক, তোমার স্বদেশ-প্রেম ও বিলাতীয় দ্রব্যের প্রতি ঘৃণা আছে কিনা ?

অনেক দিন পূর্বে “বীরভূমি”তে আমরা বলিয়াছিলাম যে, স্বজাতি-প্রেম না থাকিলে স্বদেশ-ভক্ত হওয়া অসম্ভব। সে সব কথার পুনরুল্লেখ না করিয়া মোটামুটি দুটো কথা বলিয়া যাই। তুমি ইংরাজী পড়িয়াছ, বি-এ, এম-এ, পাশ করিয়াছ, মনে খুব গণ্ডিত হইয়াছ। তোমরা চেয়ারে বসিতেছ, গাভান মাথিতেছ, ষ্ট্রিকিং পায়ে দিতেছ। আরও কত কি করিতেছ ! কিন্তু ভাই, তোমাদের যে সেই একটা (Conscience) না কি আছে, তাহার দোহাই দিয়া বল দেখি, তোমরা নিরক্ষর বা পুরাতন ধরণে শিক্ষিত হিন্দু-দিগকে প্রীতির চক্ষে দেখ কিনা ? যদি বল ‘দেখি,’ তবে মিথ্যা বলিবে ; যদি বল ‘দেখি না,’ তবে তোমার স্বজাতি-প্রেম কৈ ? “বন্দে মাতরং” বা ভারতমাতার গান করিলে স্বদেশ-ভক্ত হওয়া যায় না। তুমি যত বড়ই সাহেব হওনা কেন, তুমিত “কালো আদমি” আর আমাদের রামধন মোড়লও “কালো আদমি।” উভয়েই এক পর্যায়ের ভিতর, তোমার উচিত, রামধন মোড়লকে নিজের লোক বলিয়া ভাবা। তাহার আচার ব্যবহার তাহার রীতি নীতির প্রতি অবজ্ঞা করা তোমার উচিত নয়। কিন্তু তুমি কর তাই। ফলে ব্যাপারটা এই দাঁড়াইয়াছে যে, ইংরাজী শিক্ষিত দলের সঙ্গে সাধারণ-লোকের আর তেমন ভালবাসা নাই। কেমনতর একটা পর পর’ ভাব দাঁড়াইয়াছে। রামধন ত আর তোমাকে তেমন ভক্তি করে না। তবে ভয় করে বটে। তোমার বাবাকে সে খুড় ঠাকুর বলিবে, কিন্তু তোমাকে সে ‘বাবু’ বলিবে। যাউক, অত কথায় আর কাজ নাই। আসল কথা এই যে, তোমরা কেমনতর একটা জীব হইয়া দাঁড়াইয়াছ। দেশের লোকের প্রতি তোমাদের ভালবাসা নাই। তোমরা স্বদেশভক্ত হইবে কি করিয়া ?

প্রকৃত স্বদেশ-প্রেমিক ও স্বজাতি-প্রেমিক হইতে হইলে স্বধর্ম আস্থান হইতে হইবে। পূর্বপুরুষদিগের রক্তে তোমার শরীর ও মন গঠিত ;



তঁাহাদের বাহা ধর্ম্য তোমারও সেই ধর্ম্য ভিন্ন অপর ধর্ম্য নাই। যদি পূর্ব পুরুষদিগের প্রতি তোমার শ্রদ্ধা থাকে, ভক্তি থাকে, তবে তঁাহাদের ধর্ম্য তোমার ভক্তি না হইবে কেন? তবে দেখ, স্বধর্ম্যের প্রতি অবজ্ঞা করায় তুমি কি মহা পাপই করিতেছ! ধর্ম্যে আস্থা না থাকিলে কোন কালে কাহারও উন্নতি হয় না। মহামতি কালিহিল বলিয়াছেন; “মানুষই বল, আর জাতিই বল, ধর্ম্যে বিশ্বাস না থাকিলে কেহ কখন বড় হয় না।” কিন্তু তোমাদের ধর্ম্যে আস্থা নাই। তোমরা বড় হইবে কিসে? আর্ঘ্য ধর্ম্যে যদি বিশ্বাস স্থাপন করিতে পার, যদি পরম পবিত্র শাস্ত্র সমূহের নিদেশ অনুসারে শরীর ও মনকে নিয়ন্ত্রিত কর, তবে দেখিবে, মানুষ হইবার জন্ত যে সকল সদগুণ থাকা আবশ্যিক, সে সবই আপনা আপনি তোমার পবিত্র হৃদয় আশ্রয় করিবে। যে দেহে ভগবানের অধিষ্ঠান হইয়াছে, কেবল তথায় সদগুণাবলীর অবস্থান সম্ভব। তখন দেখিবে, তোমার আত্ম-সম্মান (self-respect) জন্মিয়াছে। তুমি ভাবিবে, তুমি ভগবানের দাস, তুমি দেবতুল্য, প্রাচীন আর্ঘ্যগণের বংশধর, নীচতা তোমার ত্রিসীমাতেও আসিতে পারে না। তখন তুমি আর সাহেবের পদাঘাত নীরবে সহ্য করিতে পারিবে না। তখন তোমার হৃদয় সমগ্র বিশ্বকে প্রেমালিঙ্গন করিতে উৎসুক হইবে। ধীর গভীর ভাবে স্বীয় কর্তব্য পালন করিয়া যাইবে। কাহারও নিন্দা করিবে না। কাহারও নিন্দায় বিচলিত হইবে না। তখন তুমি স্বজাতির প্রতি প্রীতি করিতে পারিবে; রামধন মোড়ল তোমাকে দাদা ঠাকুর বলিবে, তুমিও তাহাকে রামধন দাদা বলিতে লজ্জিত হইবে না। তখন তুমি পের্টালুন কোট পরিয়া সাহেব সাজিতে পারিবে না। লাট সাহেবের সভায় তখন আর দেশীয় পোষাক পরিয়া যাইতে কুণ্ঠিত হইবে না, আমেরিক জাপান যেখানেই যাও, স্বদেশীয় রীতি নীতি, স্বদেশীয় পরিচ্ছদ পরিত্যাগ করিতে পারিবে না। তখনই তুমি প্রকৃত দেশভক্ত হইবে। আদরের সহিত স্বদেশীয় দ্রব্য ব্যবহার করিবে। অস্পৃশ্য বলিয়া, বিদেশীয় দ্রব্য ত্যাগ করিবে। তখনই তুমি বিদেশীয় দ্রব্য বর্জনে কৃতকার্য হইবে।

এই ত আমাদের বিশ্বাস। তবে তোমরা একটা হুজুগ তুলিয়াছ, বন্দন কর নাই। কান্না কাটি চেয়ে অনেকটা ভাল করিতেছ। তবে “সর্বমতং গর্হিতং”। তাড়াতাড়ি হৈ চৈ করিলে খেলায় হার হয়, ধীরভাবে চাচি পাঁচ চা'ল ভাবিয়া খেলিলে তবে বিপক্ষকে মাৎ করিতে পারিবে।

তাই বলিতেছিলাম, তোমরা যেকোন পত্তন করিয়াছ, গাঁথিয়া তুলিতে পারিবে ত? অভিমান বা রাগ যদি তোমাদের মসলা হয়, তবে ত নিশ্চয়ই তোমার সাধের অট্টালিকা অচিরে ভূমিসাৎ হইবে। আর যদি ধর্ম্যের মসলায় পাকা করিয়া গাঁথিতে পার, তবে তোমাদের ঐ হিমালয় পর্বতের গায় তোমাদের জাতীয় চরিত্র অতি সুদৃঢ় ভাবে সগর্বে মস্তক উত্তোলন করিয়া দাঁড়াইবে। কত ভাগীরথী মন্দাকিনী তাহা হইতে নিঃসৃত হইয়া পৃথিবী ধারায় জগৎ শীতল করিবে।

## উদ্ধার।

### প্রথম সর্গ।

(পূর্ব প্রকাশিতের পর)

চাহিয়া চাহিয়া বীর চন্দ্রমার পানে  
ধীরে ধীরে শিলাতলে করিলা শয়ন।  
শিখ জলকণা স্পর্শে শিখ সমীরণ,  
লাগিল সেবিত্তে বীরে,—ধীরে ধীরে ধীরে  
নিদ্রা আসি অভিভূত করিল যুবরে।  
শুক্র বসুন্ধরা, নিশা তৃতীয় প্রহর;  
হাসিছে চন্দ্রমা নীল প্রশান্ত গগনে,  
জ্বলিছে নক্ষত্র রাজি, গাইতেছে পাখী  
দূর বিটপ শাখায়; কুহুম কাননে,  
খেলিছে কুটন্ত ফুল শিখ সমীরণে,  
পরিয়া সোহাগ মাথা জ্যোছনার হার;  
আধফোটা ফুলগুলি সুরভি ভাণ্ডার  
না পারে রাখিতে হাসি, তাই ধীরে ধীরে  
মেলিতেছে আঁখিপাতা প্রেম বিলেপিত।  
লতা, পাতা, তুণ, তরু, সাগর, শিখর,  
রজত কিরণে ধৌত, শিখ নিরমল;  
হাসিছে প্রকৃতি যেন জ্যোছনা আলোকে।  
অভিমानी কমলিনী হেরি প্রাণনাথে  
আনন্দে সহস্রভাগ, সুখে ক্রীড়া রত

উন্মিসনে বারিবুকে, পড়ে আছাড়িয়া  
মুহমুহঃ মনস্তাপে সরসীর কোলে।  
স্বচ্ছ বারিবক্ষে শশী প্রতিবিম্ব হেরি  
বিহ্বল রূপের মোহে—আকুল নয়ান।  
বিশাল পয়োধি বক্ষে, সাগর সৈকতে  
পড়িয়াছে রজতের দিব্য আস্তরণ;  
পড়িয়াছে যুবকের প্রশান্ত বদনে  
চন্দ্রালোক, সে আলোকে প্রতিভাত, মরি!  
চাঁদমুখ, ধরাতলে শশীর উদয়।  
মণিময় অঙ্গভ্রাণ, কিরীট কুন্তল,  
অনি-কোষ, ধনুঃ তুণ ঝকে চন্দ্রালোকে।  
কে গাইল ওই?

উদারা মুদারা তারা

সযতনে সাধা গলা আহা কি মধুর!  
কি প্রকম্প, কি উচ্ছ্বাস, কি লয় তরল!  
কাঁপায়ে কানন গিরি, অর্ণব, কন্দর,  
নৈশ সমীরণ সনে নাচিতে নাচিতে  
মিশাইল মহাশূন্যে সে স্বর লহরী।  
নক্ষত্রে নক্ষত্রে চন্দ্রে গ্রহে উপগ্রহে—  
মহা ব্যোমে প্রতিধ্বনি ধ্বনিল মধুর।

ভাঙ্গিল বীরের নিদ্রা, আগ্রহে শুনিল  
সে গীত, যেমতি যুগ দূর বংশীধ্বনি ।  
শব্দ লক্ষ্য করি বীর চলিল সত্বরে ।

### দ্বিতীয় স্বর্গ ।

কাননে ।

অদূরে কানন-ছায়া আবরি শৈলের কায়া,  
কল্পনার চারুচিত্র রমনীয় স্থান,  
ধীরে ধীরে বীরবর প্রবেশিল সে কাস্তুর,  
যেদিকে ফিরায় আঁখি হরে মন প্রাণ ।  
মধুর বসন্ত নিশি হাসে যেন দশদিশি  
নিশির শিশির ধৌত স্নাত কলেবর,  
বিটপ বল্লরিগণ রক্তের আশ্রয়ণ  
পরিয়াছে সিক্ত অঙ্গে দৃশ্য মনোহর ।

শিশির মাথিয়া গায় বায়ুসনে ছলে বায়,  
ফোট ফোট ফুলগুলি সুরভি আধার,  
ঝোপে ঝোপে লতাবনে গায় পাখী আনমনে  
গগনে নাচিয়া যায় লহরী সুধার ।  
ধাইছে তটিনী ধীরে, পড়িয়াছে স্বচ্ছনীরে  
তারা শশী প্রতিবিম্ব কি শোভা অপার !  
তরঙ্গে তরঙ্গে ভিন্ন, হায়রে! যেনবা ছিন্ন  
শ্রোতশ্বিনী নীলবক্ষে চপলার হার ।  
কাটি চন্দ্র, ভাঙ্গি তারা, গাঁথি কত মালা  
মন ভূলাবার তরে না দিয়া কাহার গলে  
রেখেছে প্রকৃতি সতী সাজাইয়া ডালা ।  
ওই পোহাইছে নিশি ; শশীকুমুদিনী  
গ্লানমুখে পরস্পরে লইছে বিদায়,  
লতা পাতা তৃণ ফুল কাঁদিছে বিটপ কুণ্ড  
নয়নে শিশিরকণা, অনিমেষ চায় ।

ক্রমশঃ

শ্রীযতীন্দ্রনাথ চট্টোপাধ্যায় ।


### বঙ্গীয় সাহিত্য-সেবক ।

কাশীরাম দাস, দেব—

‘মহাভারতে’র সুবিখ্যাত পদ্যানুবাদক, ‘স্বপ্নপর্ক’, ‘জলপর্ক’ এবং ‘নন্দো-  
পাখ্যান’ রচয়িতা ।

বর্তমান জেলার অন্তর্গত কাটোয়ার সন্নিকট ইন্দ্ৰাণী পরগণা মধ্যে,  
ব্রাহ্মণী নদীর তটস্থিত সিঙ্গি নামক গ্রামে, কাশীরাম দাস, শাণ্ডিল্য গোত্রীয়  
দেব উপাধিধারী, কায়স্থকুলে জন্ম গ্রহণ করেন । কাশীরাম দাসের কনিষ্ঠ  
ভ্রাতা গদাধর দাস স্বরচিত “জগন্নাথ মঙ্গল” গ্রন্থে যে আত্ম পরিচয় প্রদান

করিয়াছেন, তাহা হইতে ইহঁদিগের এইরূপ বংশতালিকা প্রাপ্ত হওয়া  
যায়—



কাশীরাম দাস, ১৫২৬ শক বা ১০১১ সালে বিরাট-পর্ক রচনা সম্পূর্ণ  
করেন । গদাধর দাস, ১০৫৫ সালে “জগন্নাথ মঙ্গল” গ্রন্থের রচনা সমাধা  
করেন ; কাশীরাম দাস তখনও বর্তমান ছিলেন । ইহা হইতে কাশীরাম  
দাস কোন্ সময়ে বর্তমান ছিলেন, তাহার কতকটা আভাষ পাওয়া যায় ।  
জনশ্রুতি আছে, কাশীরামদাস মেদিনীপুর জেলার অন্তর্গত আতাসগড়ের  
জাজর আশ্রয়ে থাকিয়া পাঠশালায় শিক্ষকতা করিতেন । এই রাজবাড়ীতে  
মাগত পুরাণপাঠকারী পণ্ডিত ও কথকদিগের মুখে পুরাণাদি শ্রবণ করিয়া  
কাশীরামদাস মহাভারতানুবাদে কৃতসঙ্কল্প হন ।

\* গদাধর দেবরাজের উল্লেখ করেন নাই । কাশীরাম দাস স্বয়ং এক স্থানে লিখিয়াছেন—  
“কথক বন্দিয়া ব্রাহ্মণের পদরজ । বিরচিল কাশীদাস দেবরাজানুজ ॥”

হরিহরপুরের পতিরাম মুখোপাধ্যায়ের পুত্র 'সর্বগুণসম্পন্ন' পুরুষোত্তম মুখোপাধ্যায় কাশীরাম দাসের শিক্ষা বা দীক্ষাগুরু ছিলেন ।

সিঙ্গি গ্রামে 'কেশেপুকুর' নামক একটি পুষ্করিণী বর্তমান আছে । জনসাধারণে, উহা কাশীরাম দাস কর্তৃক প্রতিষ্ঠিত বলিয়া নির্দেশ করিয়া থাকে । কাশীরাম দাসের পুত্র, ১০৮৫ সালে আষাঢ় মাসে আপন পুরোহিতকে বাস্তুভিটা দান করেন । এক্ষণ অমৃতসমান মহাভারত-রচয়িতা দেশবিখ্যাত কাশীরাম দাসের সেই বাস্তুভিটায় একজন গর্ভবণিক বাস করিতেছে !

কাশীরাম দাসের পূর্বে, সঞ্জয়, কবীন্দ্র পরমেশ্বর, বিজয় পণ্ডিত, শ্রীকর নন্দী, দ্বিজ, অতিরাম, কৃষ্ণানন্দ বসু, আনন্দ মিশ্র, নিত্যানন্দ মহাভারত ঘোষ, রামচন্দ্র খাঁ, কবিচন্দ্র সারণ, ষষ্ঠীবর, গঙ্গাদাস সেন, রাজেন্দ্র দাস, গোপীনাথ দত্ত, রামেশ্বর নন্দী প্রভৃতি কবিবৃন্দ-রচিত সমগ্র মহাভারত বা তৎসংস্কৃষ্ট কোন কোন পর্কোধ্যায় বা উপাখ্যান মালা রচনা করিয়াছেন । এই সকল পূর্ববর্তী কবিগণের মধ্যে অনেকেরই সমবিষয়াবলম্বনে নাতিদীর্ঘ-রচনা কাশীরাম দাসের বর্ণনা ও ভাষা হইতে স্থলবিশেষে অপেক্ষাকৃত উৎকৃষ্ট হইতে পারে, কিন্তু মূল বর্ণিত বিষয়ের সূত্রাবলম্বনে সামঞ্জস্য রক্ষা ও অসংখ্য মনোমত আবাস্তুর উপাখ্যান মালা সংযোগে ধাবাহিকরূপে মহাভারতের স্তায় বিরাট গ্রন্থের রচনা, প্রতিভা ও অধ্যবসায়ের যে অপূর্ণ নিদর্শন, তদ্বিষয়ে অণুমাত্র সংশয় নাই । এই সুবৃহৎ গ্রন্থের অনেকস্থলে পূর্ববর্তী কবিগণের রচনা সন্নিবেশিত আছে বলিয়া বোধ হয় । কিন্তু এ বিষয়ের জ্ঞাত কাশীরাম দাসের স্তায় প্রতিভাশালী অধ্যবসায়, শীল কবি অথবা দারিদ্র্যজ্ঞানবর্জিত বিবেকশূন্য লিপিকারক দায়ী, তাহা চিন্তার বিষয় এবং সীমাংসা-সাপেক্ষ ।

কাশীরাম দাসের বর্ণনা গুলি অতিশয় স্বভাবিক ও সুন্দর—যেন অগণিত চিত্রপট গ্রন্থমধ্যে যথেষ্ট গ্রথিত রহিয়াছে । আবার অধিকাংশ স্থলেই এই চিত্রগুলি কেমন জীবন্ত—বর্ণিত বিষয়গুলি মুহূর্তমধ্যে সন্মুখে উজ্জলরূপে প্রতিভাত হয় ।

ক্রমশঃ  
শ্রীশিবরতন মিত্র ।

# বীরভূমি

মাসিক পত্রিকা ও সমালোচনী ।

মে ৩৩ ] কার্তিক, অগ্রহায়ণ, ১৩১২ [ ১১৩১২শ সংখ্যা ।

শ্রীনীলরতন মুখোপাধ্যায় বি, এ,  
সম্পাদিত ।

সূচী ।

১। জাগরণ । (শ্রীমতী)	...	...	৪০১
২। বস্ত্র শিল্পের কথা । (শ্রী রাজকুমার পাল, মহাজন-বন্ধু সম্পাদক)	...	...	৪০৩
৩। বৈষ্ণব-ধর্ম । (শ্রীজানকীনাথ পাল শাস্ত্রী, বি-এল)	...	...	৪০৫
৪। মানবজাতির ইতিহাস । (শ্রীবাচস্পতি)	...	...	৪২৭
৫। পরিণাম । (শ্রীনবীনচন্দ্র মুখোপাধ্যায়)	...	...	৪৩৩
৬। কি ভাহারে বলিবে ভাবিও ? (শ্রীবীরেন্দ্রনাথ শামসল)	...	...	৪৩৭
৭। মহারাজ নন্দকুমার । (শ্রী)	...	...	৪৩৯
৮। নালাবাবু প্রসঙ্গ । (শ্রীলক্ষ্মীনারায়ণ সিংহ)	...	...	৪৪২
৯। বঙ্গের বাহিরে বাঙ্গালী রাজা । (শ্রীধর্ম্মানন্দ মহাভারতী)	...	...	৪৪৬
১০। বঙ্গীয় সাহিত্য-সেবক (শ্রীশিবরতন মিত্র)	...	...	৪৪৯
১১। লৌকিক ব্রত-বিবরণ । (শ্রীআবদুল করিম)	...	...	৪৭১
১২। সমালোচনা ।	...	...	৪৭৯

কীর্ত্তহারের সুপ্রসিদ্ধ স্বদেশহিতৈষী জমিদার শ্রীযুক্ত

বাবু সৌরেশচন্দ্র সরকার মহাশয়ের সম্পূর্ণ

ব্যয়ে বীরভূম জেলার অন্তর্গত

কীর্ত্তহার গ্রাম হইতে

শ্রীদেবিদাস ভট্টাচার্য্য বি, এ


কর্তৃক প্রকাশিত ।

২২শে অগ্রহায়ণ, ১৩১২

মূল্য ডাকমাণ্ডল সহ ১।।০ ।

এই সংখ্যার মূল্য ।





সুগন্ধি কেশতৈলের অধীশ্বর ।  
 মস্তক সুগন্ধি যাবতীয় শিরো-  
 রোগ-নাশক প্রকৃত হিতকর তৈল ।  
 কেশ কাল, ঘন ও বৃদ্ধি করিবার  
 ক্ষমতা অপূর্ব ।  
 মৃৎ ও মধুর গন্ধের নিকট আজ  
 স্বর্গের পারিজাতও লজ্জিতা ।

আমাদের স্পর্শা নয়, স্বয়ং ব্যবহার করিয়া বলুন ।  
 আপনি সর্বদা বহুবিধ সুগন্ধি তৈল ইত্যাদি ব্যবহার করিয়া থাকেন  
 একবার সুঘমা মাথিয়া বলুন দেখি কি সৌগন্ধে, কি উপকারিতায়, কি মূলে  
 পৃথিবীতে সুঘমার সমকক্ষ আর কি কেহ আছে ?

মূল্য প্রতি শিশি ৮০, ডাকে ১০০।  
 ডারমেটন সুগন্ধি নির্ঘ্যাস—ব্রন, মেচেতা ঘামাচি ও হাত পা কাটি  
 অপূর্ব ঔষধ । ষাঁর রং কাল, তিনি প্রত্যহ মাথিলে বেশ শ্রামল ঘোর  
 উজ্জ্বল হইবেন ।

মূল্য ৮০ আনা ডাকে ১০০।  
 পি, নেট এণ্ড কোং—১৩ রামনারায়ণ ভট্টাচার্য্যের গলি, দর্জীপাড়া, কলিকাতা

## নিরুদ্দেশ । ৫০০ টাকা পুরস্কার ।

বাবা নির্মল—এই বিজ্ঞাপন দেখিবা মাত্র বাড়ী আসিবে । বৌ  
 পুরাতন জ্বর আশ্চর্য্যরূপে আরোগ্য হইয়াছে ! কলিকাতার অতি প্রাচীন  
 শ্রদ্ধেয় ডাক্তার শ্রীযুক্ত গিরিশচন্দ্র দত্তের (এল্, এম্ এস্, ১৮৬৫ সাল) আ  
 কৃত "ফিবার ড্রপ্স" ধনুস্তরীর কাজ করিয়াছে । এক সপ্তাহে ২ বৎসরের  
 কমিয়া গিয়াছে । তুমি কলিকাতা দর্জীপাড়ার ১২নং রামনারায়ণ ভট্টাচার  
 সেন হইতে ২শিশি ফিবারড্রপ্স ২ টাকায় আনিবে ; বেশী টাকা থাকিলে  
 উক্ত ডাক্তার বাবুর আবিষ্কৃত বসন্তরোগের ও প্লেগের আশ্চর্য্য ঔষধও  
 শিশি আনিবে, মূল্য ২ টাকা মাত্র । বাবা ! যেমন সময় পড়িয়াছে,  
 গুরুকম ঔষধ ২১ শিশি থাকা ভাল । ইতি ।

পুনশ্চঃ—শুনিলাম, ঔষধ গুলি ডাক্তার বাবু বহু অর্থব্যয়ে ও পরি  
 দেশী একটা গাছ হইতে রাসায়নিক প্রক্রিয়া দ্বারা প্রস্তুত করিয়াছেন, ই  
 কুইনাইন, আসেনিক আদি জরস্র, কোনরূপ বিলাতী ঔষধ মিশ্রিত  
 ঔষধ কোন জিনিষ আছে কেহ প্রমাণ করিতে পারিলে, তিনি তাঁ  
 ৫০০ টাকা পুরস্কার দিবেন । প্রায় ১৬ বৎসর ব্যবহার করিয়া ১০০০

# বীরভূমি

মখণ্ড ]

কার্তিক, ১৩১২

[ ১১শ সংখ্যা ।

## জাগরণ ।

(১)

একি একি জাগরণ ?  
 আজ দীর্ঘ নিদ্রা পরে  
 আনন্দে, আবেগ ভরে  
 জাগিল, মেলিল বঙ্গ-সন্তান নয়ন !  
 কক্ষ পরে অবসাদ,  
 ঘুচিতেছে ; নাহি সাধ—  
 অলস নিদ্রার মাঝে দেখিতে স্বপন ।  
 এস জাগি 'বঙ্গ-মার' পুত্র-কণ্ঠাগণ !

(২)

একি নব জাগরণ !  
 দূরিয়া বিলাস মোহ,  
 বঙ্গ-মাতা পানে চাহ,  
 নবীন উদ্যমে তাঁর ঘুচাতে বেদন ।  
 হৃৎ নীর সযতনে  
 মুছিয়া বসন কোণে,  
 চির দিন রও মাতৃ সেবা-পরায়ণ !  
 সার্থক হইবে তবে নব জাগরণ ।

(৩)

একি নব জাগরণ !  
 হৃদয়ে লইয়া ভক্তি  
 লইয়া অনন্ত শক্তি,  
 জাগ ভাগ বঙ্গবাসী ষাঙ্গালার 'ধন' !  
 দূরে বা নিকটে রাত  
 একতায় বন্ধ হও ।  
 মুখে নহে, আজি চাই প্রকৃত বন্ধন ।  
 বিফলে যাবেনা তবে নব জাগরণ ।

(৪)

একি নব জাগরণ ।  
 কাজ চাহ নহে কথা  
 এদারুণ মর্শ্ব বাথা,  
 ভুলিব, ভুলিব তবে জালা অঙ্গন ।  
 সম্মুখের অন্ধকার  
 দূর কর এইবার  
 জ্বাল জ্বাল সমাদরে তীব্র হতাশন ।  
 এক মনে ছিঁড়ে ফেল মোহের বন্ধন ।

(৫)

একি একি জাগরণ !  
 কত যুগ যুগান্তর  
 মোহে বদ্ধ নিরন্তর !  
 ফিরাও প্রবৃত্তি-স্রোত আজি গো এখন ।  
 বঙ্গ-মার হাতে গড়া  
 পরের 'চরণে পড়া'  
 আজ কেন রব মোরা ? নহে তা কখন ।  
 দূর কর ঘুম ঘোর এষে জাগরণ !

(৬)

এই জাগরণ মাঝে  
 চির নিশি চির দিন  
 উৎসাহ না করি লীন  
 কর্মে ব্যস্ত রব লয়ে নবীন জীবন ।  
 বৃথা নহে কর্ম ভোগ,  
 সাধনায় সিদ্ধি যোগ !  
 সমবেত চেষ্টা নহে বিফল কখন ।  
 নিদ্রা নাই আজি শুধু আছে জাগরণ !

শ্রীমতী—

## বস্ত্র শিল্পের কথা ।

অনেক দিন হইল, আপনার চরণ-সেবা করিতে পারি নাই । আপনি আর আমাদের সংবাদ রাখেন কি না, জানি না, আমরা কিন্তু রাখি । "বীরভূমি" পত্রের জন্মের বৎসর আমরা ইহাতে ধর্মপ্রসঙ্গ লইয়া কয়েকটি প্রবন্ধ লিখি, এবার বস্ত্র শিল্পের কথা লইয়া আপনার নিকট উপস্থিত । মনে আছে, বোধ হয়, একবার আপনি পত্র লিখিয়াছিলেন, "গরীব ব্রাহ্মণের কথা রাখিও, তোমার "মহাজনবন্ধু"তে যাহাতে লোকে দেশী কাপড় ব্যবহার করে, তাহা লিখিও ।" আজ আপনার মনোবাঞ্ছা পূর্ণ হইয়াছে । বঙ্গের সকলেই দেশী কাপড় ব্যবহার করিব বলিয়া প্রতিজ্ঞা করিতেছে । এই বার ফলাফল যাহা দাঁড়াইবে, তাহাই আপনার ঐ পূর্ব পত্রের উত্তর জানিবেন ।

ভারতের বস্ত্র শিল্প কত দিনের, তাহা অজ্ঞাত । আমাদের প্রাচীন সাহিত্য বেদ । উহার মধ্যে ঋগ্বেদে দেখা যায়, যে যুগে উহার স্তোত্রগুলি রচিত হইয়াছিল, তৎকালে আর্যেরা কাপড় বুনিত এবং ধর্ম, শিরস্ত্রাণ, তনুত্রাণ এবং নানাবিধ যুদ্ধাস্ত্র নিৰ্ম্মাণ করিতে জানিতেন । তাঁহারা স্তম্ভ বিশিষ্ট অট্টালিকা, খদির ও শিশুকাস্ত্রের রথ, নানাবিধ স্বর্ণালঙ্কার, এমন কি, উক্ত বেদে সমুদ্র গমনের উল্লেখ থাকায়, ইহাও প্রতীত হয় যে, প্রাচীন

আর্যেরা নৌকা ও জাহাজ নিৰ্মাণ করিতে জানিতেন। সুবর্ণ মুদ্রার প্রচলন, ধাতু গলান, কৰ্মকাৰের উদ্ভাৱন, সুবর্ণ সজ্জা বিশিষ্ট অশ্ব প্রভৃতির উল্লেখ আছে। বিবিধ বাদ্যযন্ত্ৰের উল্লেখ হইতে ইহাও প্রমাণ হয় যে, আমাদের পূৰ্ব পুৰুষেরা অতি প্রাচীনকাল হইতেই সঙ্গীতের চৰ্চা করিয়া আসিতেছেন।

কৌষেয় বস্ত্র বলিলে রেশম বস্ত্র বুঝায়। পাণিনির চতুর্থ অধ্যায়ে এই কৌষেয় কথাটির ব্যুৎপত্তি দেওয়া আছে। ইউরোপীয় পণ্ডিতগণের মতে পাণিনি খৃষ্টপূৰ্ব ৪০০ অব্দে জীবিত ছিলেন। সুতরাং তৎকালে যে ভারতবর্ষে পটু বস্ত্রের ব্যবহার ছিল, তাহাতে সন্দেহ নাই। ইউরোপীয় পণ্ডিতগণের মতে শত-পথ-ব্রাহ্মণ পাণিনীয় ব্যাকরণ অপেক্ষাও প্রাচীন। এই শত-পথ-ব্রাহ্মণে “কেশিবাসে”র উল্লেখ আছে। সূক্ষ্ম কাৰ্পাসবস্ত্র অতি প্রাচীনকালেও ভারতবর্ষ হইতে রোমক সাম্রাজ্যে ও অন্তর্গত রণ্ডানী হইতে, ইহা সুপরিজ্ঞাত কথা। বার্ডবুড সাহেব বলেন, আনুমানিক ৪৫০ খৃষ্ট পূৰ্বাব্দে লিখিত এস্থারের পুস্তক (Book of Esther) নামক বাইবেলের অংশ বিশেষে প্রথম অধ্যায়ে মূল হিব্রুতে কাৰ্পাস কথাটি আছে। ইহা হইতে প্রমাণিত হয় যে প্রায় আড়াই হাজার বৎসর পূৰ্ব্বে ভারতীয় কাৰ্পাস বস্ত্র সুদূর জুড়িয়া দেশে সুপরিজ্ঞাত ও প্রচলিত ছিল। বোগদাদের খলিফা গণের অন্তঃপুরে ঢাকাই মসলিনের প্রভূত আদর ছিল। বুদ্ধদেবের জীবিত কালে ভারতে অতিশয় সূক্ষ্ম বস্ত্রের ব্যবহার ছিল। মোগল বাদশাহদিগের সময় সূক্ষ্ম রেশমী ও কাৰ্পাস বস্ত্রের যার পর নাই আদর ছিল। আকবরের পরিচ্ছদাগার সংলগ্ন কারখানায় বহুসংখ্যক সুদক্ষ তন্তুবাগ কাৰ্য করিত। জাহাঙ্গীরের সময় প্রস্তুত ১৫ গজ লম্বা এবং এক গজ চৌড়া ঢাকাই মসলিনের ওজন হইত মোটে ৫ তোলা। এখন অত বড় মসলিন প্রায় দশ তোলার কমে হয় না। সে কালে উহার মূল্য ছিল ৬ শত টাকা। এখন উহার দাম দেড় শত টাকার অধিক নহে। বর্তমান সম্রাট সপ্তম এডওয়ার্ড যখন যুবরাজ ছিলেন ও আমাদের দেশে আসিয়াছিলেন, তখন তাঁহার জন্ত বরাত দিয়া ৩টি খান করান হয়। প্রত্যেকটি ২০ গজ লম্বা এবং এক গজ চৌড়া এবং ওজন প্রায় সাড়ে নয় তোলা। খুব ভাল কুড়ি গজ চৌড়া মসলিনের খান অঙ্গুরীর ভিতর দিয়া টানিয়া লওয়া যাইতে পারে। প্রত্যেকটি ৩ শত টাকা। বিখ্যাত

পর্যটক টাভেৰ্ণিয়ে বলেন যে, পারশু সম্রাট সাহ সাক্ষির (১৬২৮-১৬৪১ খৃঃ অঃ) দূত ভারতবর্ষ হইতে স্বদেশে ফিরিয়া গিয়া নিজ প্রভুকে একটা রত্ন খচিত নারিকেল উপহার দেন। উহার ভিতর ৩০ গজ লম্বা এক খান মসলিন বস্ত্র ছিল। উহা একরূপ কোমল ও সূক্ষ্ম ছিল যে, ছুইলে মনে হইত না যে, কিছু ছুইলাম।

এক প্রকার অতি সূক্ষ্ম মসলিন পূৰ্ব্বে ঢাকায় প্রস্তুত হইত, তাহা ঘাসের উপর বিছাইয়া দিলে দেখিতে পাওয়া যাইত না। সাক্ষ্যশিল্পির হইতে পৃথক করা যাইত না বলিয়া ইহার নাম ছিল “শবনম” (সাক্ষ্যশিল্পির) আর এক প্রকার মসলিনের নাম ছিল, “আব-রওআন” (অর্থাৎ প্রবহমান জল) ওহো! এইরূপ কবিত্বপূর্ণ এদেশী বস্ত্রের কত নাম ছিল। ভারতবর্ষই তন্তু বয়ন বিদ্যায় জগতের মধ্যে পূর্ণ উন্নতি লাভ করিয়াছিল। আজ সেই ভারতের বস্ত্রশিল্পের একরূপ হৃদয়শোকা কেন? এজন্ত কি কান্না পায় না?

এ প্রশ্নের উত্তর দেওয়া সহজ নহে। তবে আমাদের মত জানাইতে পারি। ১ম, ভারতের ধর্মই সারাৎসার। কৃষি, শিল্প যাহারা করে, তাহারা ছোটলোক, এই প্রবৃত্তি এদেশী বড়লোকের বা ভদ্র সমাজে আবহমানকাল চলিয়া আসিতেছে। আমার একটা কাঁচকলা এবং একমুষ্টি চাউল হইলেই দিনপাত হইবে, টোলে বসিয়া কেউ কাহার নয় জগৎ মিথ্যা মা' বাপ মিথ্যা, সবই মিথ্যা এই বলিয়া বেদান্ত পাঠ আরম্ভ করি। বাস্তবিক এভাবে যদি আমাদের সকলের মধ্যে স্থায়ী হয়, তাহা হইলে অত্যাধিক কোন দেশের শিল্প আসিয়া আমাদের কায়দা করিতে পারে না। বাসনা বৃদ্ধির জন্ত বিলাসিতা আসিয়াই বিদেশী চুরুট, সিগারেট, এসেজ, দর্পণ, ঘড়ি, গাড়ী, হুড়ি, দেশালাই, সাবান, ষ্টিকিন, জুতা, গেঞ্জি, শাল, আলয়ান, ছুচ, সূতা ইত্যাদি দ্রব্য বিজড়িত হইয়াছে। নচেৎ একখানা গৈরিক বসন এবং দিনান্তে একবার হবিষ্যান! আর কিছুই আমার সঙ্গী নহে। তখন আমাকে নষ্ট করে কে? এই যে প্রতিজ্ঞা করিয়া বিদেশী দ্রব্য ত্যাগ করিতে লাগা হইতেছে, ইহার পরিণাম একরূপ সন্ন্যাসব্রত যিনি লইতে পারিবেন, তিনিই প্রতিজ্ঞা পালনে সক্ষম হইবেন। আমরা ইংরাজী যুগেও দেশী পল্লীকে ঘৃণা করিয়াছি। পরাধীনতার মন দাসত্ব করে, সেই সঙ্গে রুচিও আমাদের দাসত্ব করিয়াছে। সাহেব হইব, বিলাত যাইব, আমাদের আহার বিহার বিলাতী ধরণের হইবে। ইহাই শয়নে স্বপনে ভাবিয়াছি, দেশী

দোকানী পশারী চাষী উহাদের সহিত আমাদের সম্বন্ধ কি? এদেশী ভদ্র লোকের এই মহাজ্ঞানের জন্ত যে, এদেশী শিল্পে যুগাকর ধারণা; এ ধারণাতেই এদেশী ভদ্রসমাজ অন্ধ হইয়াছিলেন। ইংরাজ বণিক, এদেশে আসিয়া উঁকিমারিমা দেখিলেন, এদেশী ভদ্রসমাজ কৃষি, শিল্পে অন্ধ! কিন্তু ইহারা কেউ কাহার নহে বলিয়া, বাসনা কমাইয়া আছে ভাল! ইহাদের ভিতর আমাদের পণ্য দ্রব্য ঢুকাইলে ইহাদের অন্ধ চক্ষুর উপর বস্ত্র বাঁধিতে হইবে। এমন ভাবে বাঁধিব পরিণামে যখন ইহারা দাঁড়াইতে শিখিবে তখন দেখিবে, ইহাদের চারিদিক বাঁধা! আমাদের এখন এই অবস্থা বন্দুক তীরের কথা, গৃহে ৩০ হস্ত লাঠি রাখিবার আইন নাই। ঐ যে আমাদের চক্ষু বাঁধা হইয়াছে, তাহা কি? ইংরাজরাজের আইন। এদেশী যে কোন শিল্পের অবনতি ইংরাজের আইনের বলেই সাধিত হইয়াছে। এজন্ত কিছু করিবার ঘোটা নাই। কিছু বলিবার শক্তিও নাই। তজ্জন্ত আইন আছে। চুপ করিয়া থাকিতেই হইবে। রাজা দয়া করিয়া আমাদের মুক্তি না দিলে, এ দেশের আর নিস্তার নাই। রাজার সহিত কলহ করাও যুক্তি যুক্ত নহে। আমাদের দেশ রক্ষার অনেক সুযোগ হেলায় শত্রুর চলিয়া গিয়াছে। যখন পারস্য এবং আরব দেশের লোক ভারতবাসীর নিকট বস্ত্র বয়ন শিক্ষা করে, তখন এ দেশীর উচিত ছিল, তাঁহাদের সহিত একটা চিরস্থায়ী সন্ধি রাখিয়া শিক্ষা দেওয়া, তাহা আমরা দিই নাই। তৎপরে যখন ইহা আরবের নিকট হইতে মিশর, তাহার পর মধ্য আফ্রিকা, ক্রমশঃ সিরিয়া হইতে ভূমধ্য সাগরের উপকূলবর্তী দেশ সমূহ মধ্যে বস্ত্র শিল্প বয়ন পদ্ধতি প্রসারিত হইল, তখন আমরা কি করিয়াছিলাম? কিছুই না। ইহাদের নিকট হইতে দ্বাদশ শতাব্দির শেষভাগে বা ত্রয়োদশ শতাব্দির প্রারম্ভে স্পেন ইটালির লোক কার্পাস বস্ত্র বয়ন শিক্ষা করিল, তখন আমরা কি করিয়াছিলাম? কিছুই না। ষোড়শ শতাব্দির শেষভাগে ওলন্দাজগণ যখন কার্পাস বস্ত্র বয়ন শিক্ষা করিল, তখন আমরা কি করিয়াছিলাম? কিছুই না। সপ্তদশ শতাব্দিতে ইংরাজ জাতি প্রথমে কার্পাস বস্ত্রের পরিচয় পান। এই সময় ভারতীয় কার্পাস বস্ত্র প্রতিযোগিতায় বিলাতী পশমী বস্ত্র মারা পড়িবার উদ্যোগ হইয়াছিল। ইহা দেখিয়া ১৭২০ কি ১৭২২ খ্রীষ্টাব্দে ইংরাজ রাজ ভারতীয় কার্পাস বস্ত্র আইন দ্বারা বিলাতে যাওয়া নিষেধ করিয়া দেন। এজন্ত বিলাতের প্রজারা ঘোর আন্দোলন করে

শতাব্দি ভারতের কাপড় পাইবে না বলিয়া অনেক আপত্তি করেন। রাজা সে কথা গ্রাহ্য করেন নাই। ইংরাজ রাজ ঘর সামলাইতে চিরকাল পারদর্শী। তবে ১৭৩৬ অব্দে উক্ত আইনের কথঞ্চিৎ পরিবর্তন করা হয়। কিন্তু ইহার পরই ওয়াট, কে, হারগ্রীভস এবং আর্করাইট প্রভৃতি বৈজ্ঞানিকগণ নূতন নূতন যন্ত্রের উদ্ভাবন করিয়া বিলাতবাসীকে ভারতীয় সুলভ মূল্যের বস্ত্রের কাপড় করিয়া দেন। বিলাতবাসী স্তম্ভ হইল। ১৭৬৩ সালে ইংলণ্ডে কার্পাস বস্ত্র বয়নের অনুমতিসূচক আইন বিধিবদ্ধ হয়। তৎপরে অষ্টাদশ শতাব্দির শেষভাগে ইংলণ্ডে কার্পাস শিল্পের অবাধ উন্নতি আরম্ভ।

ইংরাজ আইনের বলে ভারতীয় বস্ত্রক্রয় বন্ধ করিয়া দিয়া স্বদেশকে দড় করাইলেন। আমরা সাগর পারে বাণিজ্য করিব না। তাহা হইলে ক্ষতি যাইবে। পূর্বে হইতে আমরা যদি অন্যান্য দেশে জাহাজ লইয়া বাণিজ্য করা অভ্যাস রাখিতাম, তাহা হইলে, এ দেশের কোন শিল্প সমূলে নষ্ট হইত না, সে মতি গতি আমাদের ছিল না, এখনও নাই। যে বস্ত্র পূর্বে বিলাতে বিক্রয় করিয়া দাম পাইতাম, সেই বস্ত্র এক্ষণে ঘরে বসিয়া সস্তা বলিয়া দ্বাধে আমরা লইতে লাগিলাম। কুঁড়ের দোরে গঙ্গা হইল, আল্‌মে কুঁড়ে গোঁফ খেজুরের চূড়ান্ত অভিনয় আমরা করিলাম। ইহার ফলে এদেশী তাঁতীকে খুন হইতে দিলাম। তৎপরে ১৮৬৬-৬৭ অব্দে প্রথম হিসাব ধরা হইল, বিলাতী কাপড় এদেশে কত আসিতেছে। সে বৎসর দেখা গেল, ১০ কোটি ২৭ লক্ষ ২৭ হাজার ৪ শত ১০ দশ টাকার কার্পাসজ দ্রব্য বিদেশ হইতে ভারতে আসিয়াছে। ১৮৭৫—৭৬ সালে ১৬ কোটি ৪৫ লক্ষ টাকার অধিক। ১৮৮৮—৮৯ সালে ২৭ কোটি ৭৬ লক্ষ ৪৫ হাজার টাকা। ইহার মধ্যে ইংলণ্ডই সেবার যোগান ২৭ কোটি ৩৪ লক্ষ টাকার অধিক মূল্যের কার্পাস বস্ত্র। আজ কাল আসিতেছে ৩০ কোটি টাকার কাপড়।

এই যে বস্ত্র শিল্পের এত আমদানী ইহার মধ্যে কেবল ইংলণ্ড আছেন, তাহা নহে। পূর্বে পূর্বে ইহার সঙ্গে আমরিকা ছিল, জার্মান ছিল, কিন্তু আইন বলে উহাদের আসা ক্রমশঃই হীন করা হইয়াছে। ভারতের বস্ত্র ও যন্ত্রের কল গুলিও সময় সময় মাথা তুলিয়া দাঁড়াইবার চেষ্টা করিয়াছে, কিন্তু আইনের বলে, ডিউটী ইত্যাদি করিয়া ম্যানচেষ্টারের বস্ত্র ব্যবসায় উন্নতির পথ অক্ষুণ্ণ রাখা হইয়াছে। ভারত মোটা সূতা করিবে, ম্যানচেষ্টার সূতা কাটিবে। ভারত গ্রীষ্মপ্রধান দেশের সূতা যোগাইবে,

ম্যানচেষ্টার এবং ম্যানচেষ্টার শীত প্রধান দেশের মোটা সূতা করিবে, ভারত বাণিজ্য চলিবার এই পথ ইংরাজ করিয়াছেন।

কেবল বস্ত্র বলিরা নহে, ভারতের চিনি পূর্বে বিদেশ যাইত, এখন তাহা বন্ধ হইয়াছে। বিলাস দ্রব্যই আমাদের বিলাতী জাহাজে আসিত, এফগে ক্রমে ক্রমে ভারতের তক্ষ দ্রব্যেও হস্তক্ষেপ করা হইতেছে। ভারতবাসী আমরা ক্রমে আহারে বিহারে বিলাতের অধীন হইব, সেই চেষ্টা হইতেছে। বিলাতী রান্না দ্রব্য সংরক্ষিত হইয়া জাহাজে আসিতেছে; তাহাই আমরা খাইতে শিখিতেছি, ধিক্ আমাদের শ্রবৃত্তিকে! সেই সকল শ্রোত প্রতিজ্ঞা করিয়া ফিরিবে ত? নচেৎ বিলাতী বস্ত্রকে আমরা যে তাড়াইতে পারিব, সে আশা করি না। করিতে পারি, রাজা যদি দয়া করেন। আমাদের বস্ত্র গেল, চিনি গেল, নীল গেল, গালা যায় যায় হইয়াছে। আমাদের উচ্চ চাকরীও গেল। তবে আমরা কি লইয়া থাকিব, রাজন্, ইহার বিচার কর! আজ আমাদের তাঁতিরা বস্ত্র যোগাইতে পারিবে কি না বলিয়া ভাবিতেছি! রাজা একবার ম্যানচেষ্টারের আইনটা সরাইয়া লউন দেখি, তখন দেখিবে, এই তাঁতিরাই কেবল ভারতের নহে, ইংলণ্ডের লোকেরও বস্ত্র যোগাইয়া আসিবে। আইন না সরিলে আমাদের কিছু করিবার উপায় নাই। রাজা না রাখিলে, আমাদের বাঁচিবার উপায় নাই। আমরা ভূয়া বিষয় লইয়া রাজার সহিত তর্ক করি। এই সকল কাজের বিষয় লইয়া রাজার সহিত পরামর্শ করা উচিত। মা লক্ষ্মীরা উগবুনা পরিত্যাগ করিয়া চরকাধ সূতা কাটুন। আমরা আবার সন্ন্যাসী হই। বাসনা পরিত্যাগ করি। তবে যদি প্রতিজ্ঞা রক্ষা হয়।

শ্রীরাজকৃষ্ণ পাল—মহাজনবন্ধু সম্পাদক।

## বৈষ্ণব-ধর্ম ।

আজ কাল কি প্রাচ্য কি পাশ্চাত্য সর্বদেশীয় বিদ্বান্গুলিই শ্রীমদ্ভগবদ্গীতাকে সুবিশেষ মাত্ৰ ও শ্রদ্ধার সহিত পাঠ করিয়া থাকেন! খিওসফী সম্প্রদায় ভুক্ত উচ্চ শ্রেণীর সভ্যগণের প্রতি বিশেষ আদেশ এই যে প্রত্যেক সভ্য প্রতিদিন গীতার অংশ বিশেষ অবশ্যই পাঠ করিবেন, নচেৎ তিনি ভ্রষ্টাচারী বলিয়া বিবেচিত হইবেন। জার্মান দেশে গীতার এক এক প্রোকেসর

উপর এক এক বৃহৎ গ্রন্থ রচিত হইয়াছে ও হইতেছে। অনেকেই ইংলণ্ডের ঋষিতুল্য পণ্ডিত কার্লাইল ও আমেরিকার ঋষিতুল্য ভাবুক পণ্ডিত এমার্সনের নাম শুনিয়াছেন, ইহারা গীতার পক্ষপাতী ছিলেন। মহাত্মা প্রতাপচন্দ্র মজুমদার ভূপ্রদক্ষিণ কালীন এক দিন এমার্সনের পুস্তকাগার দেখিয়া বিস্ময়াভিত্ত হইয়াছিলেন। তিনি এক বক্তৃতায় বলিয়াছেন যে, এমার্সনের পুস্তকাগারে জগতের নানা স্থান হইতে নানা রত্নরাজি সংগৃহীত হইয়া যত্নে সুরক্ষিত হইতেছে, তন্মধ্যে শ্রীমদ্ভগবদ্গীতা স্বর্ণাক্ষরে মুদ্রিত হইয়া সপ্ততাল আলমায়রার সর্বোপরি দ্বিতীয় কোস্তভ হপির স্তায় শোভা পাইতেছে! আমাদের বড়লাট লর্ড কার্জন বাহাদুর গীতা পাঠ করিয়াছেন কিনা জানিনা, কিন্তু তিনি ১৯০৫ সনের ২০শে সেপ্টেম্বর তারিখে শিক্ষা বিভাগের ডিরেক্টরগণের সভায় যে বক্তৃতা করিয়াছেন (১) তাহাতে গীতার আভান পাওয়া যায়। শ্রীগীতা বলেন “ভূতগণের আদিকাল বা পূর্বাবস্থা অজ্ঞাত, মধ্যকাল অর্থাৎ জীবন-কাল ব্যক্ত, এবং মরণের পর যে কাল তাহাও অজ্ঞাত”। গীতার বক্তা শ্রীভগবান্ অর্জুনকে লক্ষ্য করিয়া জগজ্জনকে নিষ্কাম কর্ম্ম-যোগ ও ভক্তিযোগ উপদেশ করিয়াছেন। জীবের আদি ও অন্ত যখন ঘোর তমসচ্ছন্ন, তখন প্রত্যেক লোক-হিতৈষীরই কর্তব্য এই যে, ভূতগণ ব্যক্তি-জীবনকালে কোন্ পথ দিয়া কিরূপে তাহাদের দুর্বল দেহ-তরণী জীবন-গাগরে চালিত করিবে, তাহার উপায় নির্দেশ ও সংস্থাপন করা।

সেই সর্বজন-পূজিত শ্রীগীতায় শ্রীভগবান্ অর্জুনকে লক্ষ্য করিয়া মানব-গুণীকে তাহাদের জীবনগতি পরিচালনের প্রকৃত পস্থা প্রদর্শন করিয়াছেন। দার্শনিকগণ এই ভগবদুক্তির আংশিক প্রামাণ্য স্বীকার ও আংশিক প্রামাণ্য অস্বীকার করাকে অযৌক্তিক জ্ঞান করিয়া থাকেন। শ্রীভগবান্ বলিয়াছেন—“আমি সর্বভূতের মহেশ্বর, কিন্তু ইদানীং লীলাকরণার্থ নরবপু গ্রহণ করিয়াছি। মূর্খগণ আমার পরমতত্ত্ব না জানিয়া মানুষ দেহধারী আমাকে অবজ্ঞা করিয়া থাকে।” (গীতা ৯।১১)।

(1) In the little space of navigable water for which we are responsible, between the mysterious past and the still more mysterious future, our duty has been to revise a chart that was obsolete and dangerous, to lay a new course for the vessel, and to set her helm upon the right track.



“যিনি আমার স্বেচ্ছাকৃত জন্ম ও অলৌকিক লীলাদি যথার্থরূপে জানেন, তিনি দেহত্যাগ করিয়া আমাকেই প্রাপ্ত হন, তাঁহাকে পুনরায় জন্মগ্রহণ করিতে হয় না।” (গীতা ৪।৯)।

ভগবানের এই উপদেশই বৈষ্ণব ধর্মের উপক্রমণিকা ।

এতদ্বারা প্রতিপন্ন হইতেছে যে শ্রীভগবানের চরিতামৃত ও মধুরলীলা আশ্বাদন করাই জীবের একমাত্র কর্তব্য কর্ম । পঞ্চম পুরুষার্থ প্রেমকর্ম অদ্বুত পদার্থ লাভের ইহাই সুগম উপায় । শ্রীভগবানের জন্ম কর্ম লীলাদি শ্রীমদ্ভাগবতে বর্ণিত আছে ও লীলাস্থান গোলোকধাম, বৃন্দাবন মথুরাপুরী, দ্বারকাপুরী অদ্যাপি জনস্তভাবে দেদীপ্যমান রহিয়াছে । “সমুৎপাদিত বস্তু” তাহা উপেক্ষা করিয়া মরীচিকায় ভ্রান্ত হইয়া জ্যোতিরভাব সাকার রূপ অথবা “তমসঃ পরস্তাৎ” অন্ধকারের পরপারে নিরাকার, অব্যক্ত ব্রহ্ম অন্বেষণ করিবার প্রয়োজন কি? শ্রীগীতার দ্বাদশ অধ্যায়ে অন্ধ শ্রীভগবান্কে অব্যক্ত, অনির্দেশ্য, কূটস্থ ব্রহ্মকে উপাসনার কথা জিজ্ঞাসা করিলে শ্রীভগবান্ জীবকাম্য করিয়া উত্তর দেন, “তোমার এতাদিক ক্রেশ করিবার প্রয়োজন কি? আমার জন্ম কর্ম যথার্থরূপে অবগত হও।”

শ্রীশুকদেব গোস্বামী ভাগবতে বলিয়াছেন “কলিকালে সকল লোকেই প্রায় অন্নাযু, তাহাতে আবার আলস্য পরবশ, নিবুদ্ধি ও বিঘ্নব্যাকুল, অধিকন্তু রোগাদি দ্বারা উপক্রমিত, সুতরাং কলিকালে ভূরি ভূরি শাস্ত্র অধ্যয়ন ও বহুবিধ যাগযজ্ঞের অনুষ্ঠান দ্বারা শ্রেয়ঃ সাধন করিবার সম্ভাবনা নাই, কলির জীবের পক্ষে ভগবানের জন্ম কর্ম লীলা শ্রবণ করিয়া বাসুদেবে ভক্তিমান হওয়াই বিহিত ধর্ম।” কলিকালের উপাস্য দেবের উপাসনা প্রণালী শ্রীভাগবতে বর্ণিত আছে—

কৃষ্ণবর্ণং ত্রিষাহকৃষ্ণং সঙ্গোপাঙ্গাস্ত্রপার্শ্বদং ।

যজ্ঞৈঃ সঙ্কীর্ণন প্রায়ৈর্যজন্তি হি স্মমেধসঃ ॥

যিনি বাস্তবিক কৃষ্ণবর্ণ, কিন্তু কলিকালে শ্রীরাধার অঙ্গকান্তি অঙ্গীকার করতঃ অবতীর্ণ হইয়া গৌরবর্ণ হইয়াছেন, (কি জানি, কার রূপ সাগরে ঝাঁপ দিয়া ও গৌর সেজেছে), তাঁহাকে অঙ্গ, উপাঙ্গ, অস্ত্র ও পার্শ্বদ সহিত বুদ্ধিমান লোকেরা কলিকালে সঙ্কীর্ণনবহুল যজ্ঞ দ্বারা উপাসনা করিয়া থাকেন ।

এই গৌরবর্ণ প্রচ্ছন্নাবতারটী কে? উক্ত শ্লোকটির অর্থ করিয়া

শ্রীসনাতন গোস্বামী শ্রীচৈতন্যকে ভঙ্গীক্রমে জিজ্ঞাসা করিয়াছিলেন “এই অবতার কে? স্পষ্ট করিয়া বল, শুনিয়া সন্দেহ ঘুচিয়া যাউক।” শ্রীচৈতন্য দেব উত্তর দেন “অবতার কখনও বলিয়া বেড়ায় না যে “আমি অবতার, বুদ্ধিমান লোকে রূপ গুণ ও লীলা দ্বারা বুঝিতে পারে।” বাস্তবিকও সনাতন গোস্বামী বুঝিতে পারিয়াছিলেন শ্রীগৌরঙ্গ অবতারী এবং শ্রীরামানন্দ রায়ও বুঝিতে পারিয়াছিলেন যে শ্রীগৌরঙ্গ বাস্তবিক কৃষ্ণবর্ণ, তাঁহার সম্মুখে পুতলিকা (রাধিকা) বিদ্যমান, তাঁহার স্বর্ণকান্তিতে শ্রীগৌরঙ্গের আচ্ছাদিত। ইহাই গোড়ার বৈষ্ণব ধর্মের উপক্রমণিকা ।

মথিয়া সকল তন্ত্র,

হরিনাম মহামন্ত্র,

করে ধরি জীবেরে বুঝায় ।

সঙ্কীর্ণনরূপে চেউ তরঙ্গ বাড়িল ।

ভকত মকর তাহে ডুবিয়া রহিল ॥

হরিনামের নোকা করি নিতাই সাজিল ।

দাঁড় ধরি হরিদাস বাহিয়া চলিল ॥

শ্রীভগবান্ নিত্য সত্য, যদি তিনি কোন নাম, রূপ ও বিগ্রহ গ্রহণ করিয়া থাকেন, তাহা হইলে তৎসমস্তই নিত্য, তিনি যে লীলা করেন, তাহাও নিত্য, তাঁহার আদিও নাই, অন্তও নাই। মায়াবাদীর মতে বিগ্রহ ও রূপ অনিত্য, মায়াবিজুস্তিত মাত্র, সাধকদিগের হিতার্থ ব্রহ্মের রূপ কল্পিত হয় মাত্র, ভগবান্ অরূপ। কিন্তু বৈষ্ণবগণ, ইহাকে অযৌক্তিক ও অপ্ৰামাণিক বিবেচনা করেন। যিনি নিত্য সত্য, ত্রিসত্য, তিনি কখনও মিথ্যারূপ গ্রহণ করেন না। পূর্ণভগবান্ শ্রীকৃষ্ণরূপে জগতে অবতীর্ণ হইয়াছিলেন, শ্রীচৈতন্যদেব সনাতন গোস্বামীকে বলিয়াছিলেন—

কৃষ্ণের যতেক খেলা,

সর্বোত্তম নরলীলা,

নরবপু তাহার স্বরূপ ।

গোপবেশ বেণুকর,

নবকিশোর নটবর,

নবলীলার হয় অনুরূপ ॥

যোগমায়া চিচ্ছক্তি,

বিগুণ সত্ত্ব পরিণতি,

তার শক্তি লোকে দেখাইতে ।

এইরূপ রতন,

ভক্তগণের গুট ধন,

প্রকট কৈল নিত্যলীলা হৈতে ॥

ভগবান ভক্তবাহু। কল্পতরু, তিনি ভক্তগণের ইচ্ছায় রূপ ধারণে বটে, কিন্তু তিনি সর্বরূপের আকর, তজ্জগৎই ভক্তগণ তাঁহাকে যেরূপ দেখিতে চায়, তিনি সেইরূপেই দেখা দিয়া থাকেন।

ভগবানের নরকীলাই যখন সর্বোত্তম লীলা, তখন শ্রীভগবান পূর্ণরূপে—  
“জ্যোতিরভ্যন্তরে রূপং দ্বিভুজং শ্যাম-সুন্দরং।”

শ্রীভগবান একমাত্র গুণ ও মহিমা দ্বারাই অনুভূত হইলেন। পূর্ণজ্ঞানী তাঁহার জ্যোতির্ময় কান্তি অনুভব মাত্র করিতে পারেন। কিন্তু ভক্তগণ তাহাতে পরিতৃপ্ত হইতে না পারিয়া তাঁহার নিত্য মূর্তির আনন্দময় প্রবৃত্ত হন, ও তাঁহার কৃপাবলে ঐ ব্রহ্মজ্যোতির অভ্যন্তরে শ্রীকৃষ্ণমূর্তি দেখিয়া কৃতকৃতার্থ হন। ইহার উদ্ধৃতি দ্বারা কেহ যাইতে পারেন না। ইহাই সর্বমীমাংসার পরিসমাপ্তি। এইরূপ নিত্য, এই রূপ রতন ভক্তগণের গূঢ়ধন, ইহা দ্বিভুজ মুরলীধর শ্যামসুন্দর মূর্তি। ইহা লীলারন্তে শ্রীরাধাকৃষ্ণ, আবার স্বীয় মাধুর্য্য আনন্দনের নিমিত্ত এই দ্বিমূর্তির একত্র সম্মিলন শ্রীগোরাঙ্গ।

বিরুদ্ধবাদী জিজ্ঞাসা করিতে পারেন, শ্রীকৃষ্ণ যে পূর্ণ ভগবান, তাহা প্রমাণ কি? ইহার উত্তর, (১) গীতা ও ভাগবত (২) শ্রীগোরাঙ্গ। পূর্বেই কথিত হইয়াছে যে, গীতার এক অংশ মানিয়া অপর অংশ অমান্য করিবার অধিকার তোমার নাই। শ্রীগোরাঙ্গ যে, ঐতিহাসিক ব্যক্তি, তাহার দন্দে মাত্র নাই, তিনি শ্রীকৃষ্ণকে ও শ্রীভাগবতকে স্থাপন করিয়া গিয়াছেন।

ভক্তগণের স্বীয় স্বীয় রুচি অনুসারে কেহ শ্রীকৃষ্ণ রাধিকার যুগলমূর্তি কেহ শ্রীরাম সীতার যুগলমূর্তি, কেহ শ্রীহরপার্বতীর যুগলমূর্তি, কেহ হরিহর মূর্তি, কেহ কৃষ্ণ বলরাম ও কেহবা শ্রীগৌর নিত্যানন্দকে ভজনা করিয়া থাকেন। ইহাই ভক্তিধর্ম। ভক্ত, ভগবানের সাকার মূর্তি দেখিতে চায় তাঁহাকে ভালবাসিতে চায়, তাঁহার সহিত কথা কহিতে চায়, তাঁহাকে “মা” অথবা “পিতা” বোধিয়া তাঁহার সহিত আবদার করিতে চায়। কিন্তু জ্ঞানী ও যোগী ধ্যানযোগে পরমব্রহ্মের অশব্দ, অস্পর্শ, অরূপ, অব্যয় সত্তা চিত্ত করিয়া সেই সত্তা অনুভব করিতে প্রয়াস পায়। আমরা জগন্মাতার বৃন্দ বস্ত্রার সন্তান, আমাদের পূর্বে জগতীতলে অসংখ্য অসংখ্য মানবমণ্ডল জন্মগ্রহণ করিয়া সত্য, ত্রেতা, দ্বাপর ও কলিযুগক্রমে যে বহুদর্শিতা অর্জন করিয়াছেন, সেই বহুদর্শিতার ফল উপেক্ষা করিয়া আমরা স্বতন্ত্র ও স্বল্পভাব

তায় আচরণ করিলে কোন বিষয়ে উন্নতির পথে অগ্রসর হইতে পারি কি? শ্রীরামকৃষ্ণ পরমহংসও বলিয়াছেন “ভক্তিযোগই যুগধর্ম।” তুমি যীশুখ্রীষ্টকেই পূজা কর কি মহম্মদকেই ভজনা কর, তুমি অর্হংকেই উপাসনা কর কি বুদ্ধদেবের মূর্তি বা দণ্ডকেই অর্চনা কর, তুমি কৃষ্ণরাধিকা, রামসীতা, হর-গৌরী, গৌরনিতাই, কালী, শিব, কৃষ্ণ, গৌরাঙ্গ যাহাই বিশ্বাস কর না কেন, তোমাকে কলিযুগের ধর্ম ভক্তিযোগ অবলম্বন করিতেই হইবে। তাহা ভিন্ন কলিকালে অন্তর্গতি নাই, নাই, নাই!! “কলৌ নাস্ত্যেব নাস্ত্যেব নাস্ত্যেব গতিরন্তথা”। সে যাহা হউক, বৈষ্ণবধর্মই আমাদের এই প্রবন্ধের আলোচ্য বিষয়, তৎসম্বন্ধেই কিছু বলা যাইতেছে।

আমরা ক্রমশঃ দেখাইতে চেষ্টা করিব যে, কার্য্য (কৃষ সম্বন্ধীয়) বৈষ্ণব ধর্ম ভক্তিযোগের আরম্ভ, এবং গোড়ীর বৈষ্ণব ধর্ম ভক্তিযোগের পরি-সমাপ্তি। শ্রীচৈতন্যদেব বলিয়াছেন, “মাধুর্য্য ভগবত্তাসার।” “রসো বৈ সঃ” (উপনিষদ্) শ্রীল শিশির কুমার ঘোষ মহাশয় এক স্থানে বলিয়াছেন ভক্তি-যোগের শ্রীগীতায় যেখানে পরিসমাপ্তি, শ্রীমদ্ভাগবতে সেই স্থানে আরম্ভ। শান্ত, দাশ্র, সখ্য, বাৎসল্য, ও মধুররস ভাগবতে বর্ণিত আছে বটে, কিন্তু তাহা শ্রীকৃষ্ণ চৈতন্য পরিষ্কৃত করিয়াছেন, তাহা নিজে আচরণ করিয়া ভক্তগণকে আনন্দন করিতে শিক্ষা দিয়াছেন। এই কার্য্য অংশাবতার দ্বারা হইতে পারে না। কারণ শ্রীচৈতন্যদেবের শ্রীমুখ গাথা এই—

“যুগধর্ম প্রবর্তন হয় অংশ হৈতে।

আমা বিনা অন্যে না রে ব্রজপ্রেম দিতে ॥”

শ্রীচৈতন্যদেবই—

ভববিরিঞ্চির	বাঞ্ছিত যে প্রেম
	জগতে ফেলিল ডালি।
কাঙ্গালে পাইয়া	থাইয়া নাচমে
	বাজাইয়া করতালি ॥
হাসিয়া কাঁদিয়া	প্রেমে গড়াগড়ি
	পুলকে ব্যাপিল অঙ্গ।
চঙালে ব্রাহ্মণে	করে কোলাকোলি,
	কবে বা ছিল এ রঙ্গ!

শ্রীবাসুদেব সার্বভৌম বলিয়াছেন যে, ভক্তি ধর্ম বিলুপ্ত প্রায় হইলে পূর্ণ ভগবান্ ভক্তিযোগ শিক্ষা দিবার জন্ত কলিকালে অবতীর্ণ হইয়াছেন ।

“কাল বশে ভক্তি লুকাইয়া দিনে দিনে ।

পুনর্বার নিজ ভক্তি প্রকাশ কারণে ॥

শ্রীকৃষ্ণ চৈতন্য নাম প্রভু অবতার ।

তীর পাদপদ্মে চিত রত্নক আমার ॥”

“বৈরাগ্য সহিত নিজ ভক্তি বুঝাইতে ।

যে প্রভু কৃপায় অবতীর্ণ পৃথিবীতে ॥

শ্রীকৃষ্ণ-চৈতন্য-ভনু পুরুষ পুরাণ ।

ত্রিভুবনে নাহি যার অধিক সমান ।” (শ্রীচৈতন্য-ভাগবত) ।

শ্রীল কৃষ্ণদাস কবিরাজ গোস্বামী বলিয়াছেন যে, শ্রীকৃষ্ণ-চৈতন্য ও শ্রীনিত্যানন্দ গৌড়দেশরূপ উদয়াচলে দিননাথ ও নিশানাথের আশ্রয় যুগপৎ উদ্ভিত হইয়াছেন—“সহোদিতৌ গৌড়োদয়ে পুষ্পবন্তৌ ।” কেন উদ্ভিত হইলেন, তাহার কারণ এই যে সমুজ্জল প্রেমভক্তিরস অনর্পিতচরী ছিল, অর্থাৎ পূর্বে কোন যুগে কাহাকেও প্রদত্ত হয় নাই, তাহা সর্ব সাধারণের নিকট বিলাইবার জন্ত ‘হরিল্লট’ দিবার নিমিত্ত ।

শ্রীশুকদেব গোস্বামী রাজা পরীক্ষিৎকে যে ভগবদ্ধর্ম শ্রবণ করাইয়াছিলেন, তাহার অতিরিক্ত কিছু গৌড়ীয় বৈষ্ণব ধর্ম আছে কি না, তাহা আলোচনা করিবার পূর্বে ভাগবতের ব্রহ্মস্ব হইতে ভক্তি ধর্মের ওঙ্কুরাবস্থা বর্ণনা করা যাইতেছে ।

প্রহ্লাদ, ধ্রুব, শুকদেব, নারদ, উদ্ধব, বিছর, অক্রুর, মৈত্রেয়, ভীষ্ম, ব্রহ্ম গোপিকা, ব্যাস প্রভৃতি সকল ভক্তই ভগবানের সাকার রূপের উপাসক ছিলেন । ভাগবতে আছে “এই সংসার সিন্ধু অতি দুস্তর । লোক সমুদয় বিবিধ ছুঃখ দাবানলে প্রপীড়িত । যদি তাহারা এই ছুঃখ সাগর পার হইতে ইচ্ছা করে, তবে তাহাদের কোন্ ভেলায় চড়িতে হইবে, না, পুরুষোত্তম ভগবানের লীলাকথা রস শ্রবণ করিতে হইবে ।”

ফলতঃ ভগবানের সঙ্গ-সুখ ও প্রেম-সুখ লাভ করিতে হইলে তাঁহার লীলা শ্রবণ ও স্মরণ করা এবং তাঁহার পরম বিরহে তন্ময়ত্ব ভাবে ভাবিত হওয়াই একমাত্র উপায় । ইহা কিরূপে হইতে পারে, তৎসম্বন্ধে শ্রীশুকদেব গোস্বামী রাজা পরীক্ষিৎকে বলিয়াছিলেন যে “লীলা করণার্থ নরদেহধারী শ্রীকৃষ্ণ

অনাবৃত ব্রহ্ম ছিলেন ।” সকল জীবই ব্রহ্ম ইহা মত্যা বটে, কিন্তু অন্যান্য জীবে ব্রহ্মত্ব আবৃত বা পরিচ্ছিন্ন, কিন্তু নরদেহধারী পূর্ণ ভগবান্ শ্রীকৃষ্ণ বা শ্রীকৃষ্ণচৈতন্যে ব্রহ্মত্ব অনাবৃত অর্থাৎ অপরিচ্ছিন্ন, তাঁহাদের প্রত্যেক অণুপরমাণু ব্রহ্মময় । তাঁহাদিগকে ও তাঁহাদের লীলা শ্রবণের যেরূপ কোন অংশকে এবং তাঁহাদের যে কোন প্রকট লীলাকে যিনি যে ভাবেই চিন্তা ও স্মরণ করুন না কেন তাহাতেই তিনি ভগবানের পার্শ্বদত্ত লাভ করিবেন । অবতারী ভিন্ন কোন জীবকে এইরূপ চিন্তা করিলে ভগবৎ প্রেম লাভ হয় না । মনে করুন পতির ভিতর কিম্বা পিতার ভিতর ব্রহ্ম আছেন বটে, কিন্তু আবৃত অবস্থায়, সুতরাং পতিকে বা পিতাকে স্মরণ বা মনন করিলে ব্রহ্ম লাভ হয় না । যেমন ইচ্ছায়ই হউক, অনিচ্ছায়ই হউক ঔষধ সেবন করিলেই রোগ মুক্ত হয়, সেইরূপ শত্রুভাবেই হউক কি মিত্রভাবেই হউক, পতি-ভাবেই হউক কি কাম বশতঃই হউক, যিনি যে ভাবে শ্রীকৃষ্ণকে বা শ্রীকৃষ্ণ চৈতন্যকে স্মরণ মনন করিয়াছেন, তিনিই উদ্ধার পাইয়াছেন । ভাগবত বলেন—

কামঃ ক্রোধঃ ভয়ঃ স্নেহমৈক্যং সৌহৃদমেব চ ।

নিত্যং হরৌ বিদধতো যান্তি তন্ময়তাং হি তে ॥

যে কোন প্রকারেই হউক, অনাবৃত ব্রহ্ম শ্রীকৃষ্ণ বা শ্রীকৃষ্ণ-চৈতন্যে আবৃত জন্মিলেই তাহা মুক্তির কারণ হয় । ভগবানের প্রতি অবিচ্ছিন্ন কাম, ক্রোধ, ভয়, স্নেহ, সখ্যক ও সৌহৃদ্য-বিধান করিয়া তন্ময়ত্ব প্রাপ্ত হওয়া যায় ।

শ্রীমদ্ভাগবতের দশম স্কন্ধে শ্রীকৃষ্ণের জন্ম ও লীলাদি বর্ণিত আছে । শ্রীদশমই ভাগবতের সার অংশ । শ্রীদশমের পূর্বে ভাগবতের তৃতীয় স্কন্ধে নবম সর্গে বর্ণিত আছে যে, ব্রহ্মা শ্রীভগবানের নাভিকমল হইতে উৎপন্ন হইয়া ব্রহ্মের স্বরূপ নির্ণয় করিবার জন্ত অনেক চেষ্টা করিলেন, কিন্তু কৃতকার্য হইতে পারিলেন না । অবশেষে সমাধি অবলম্বন করিয়া একশত বৎসর কাল তপস্বী করিয়া ভগবানের প্রকৃত রূপ, নিত্যরূপ দর্শন করিলেন ও ভগবান্কে স্তব করিতে লাগিলেন । আমি ঐ স্তব হইতে নিম্নে দুইটা শ্লোকের অনুবাদ করিয়া দেখাইতেছি যে ভক্ত ভগবানের সাকার রূপ দেখিতে চাহে এবং শ্রীকৃষ্ণের পুত্ররূপে অবতারণ হইবার পূর্বেও ভগবান “জ্যোতিরভ্যন্তরে রূপং বিদুঃশং শ্রামসুন্দরং” ছিলেন ও আছেন ।

“হে পরম ! তব রূপ দেখিছু অঁথিতে যাহা,  
নির্বিকল্প নিত্য জ্যোতিঃ আনন্দ স্বরূপ তাহা ।  
ছিল যাহা অপ্রকাশ, ইহা সেই স্বপ্রকাশ,  
ইহা সেই পরব্রহ্ম, নাহি অগ্র ইহা ছাড়া ।  
হে আত্মনু ! এ ভুবন, যেক্রমে কর সৃজন,  
সেই তব এইরূপ, কিন্তু ইহা বিশ্ব ছাড়া ॥”

“শ্রুতি সমীরণ করিয়া বহন  
তব পদাম্বুজ গন্ধ সুশোভন ।  
আনি দেয় নরে, শ্রবণ বিবরে,  
করে স্নান তাই যে জন সৃজন ॥  
পরা ভক্তি ডোরে, পদে বাঁধা প’ড়ে,  
থাক তার হৃদি সরোজে তখন ।  
সৃজন বলিয়া, তারে ধরা দিয়া,  
স্বজন বলিয়া করছে গ্রহণ ॥  
“অভক্তের কথা কেন কই বৃথা,  
ভক্তি বিনা নাই সাধনা আর ।  
হৃদয় কমলে, ভক্তি যোগজলে,  
যে জন স্ফালিত করে বার বার,  
সেজন তখন করিয়া শ্রবণ  
তব গুণ, তবে সুপথ পায় ।  
হৃদয় উজলি শ্রামরূপ ঢালি  
দাও হে শ্রামল সুন্দর কায় !  
যদি ভক্তজনে কদাপি না শুনে,  
তব গুণাবলী হে ভক্তবৎসল,  
তবু ধ্যান বলে আনে হৃদি স্থলে,  
নব নব রূপ তব ভক্ত দল ।  
সেইরূপ ধরি দেখা দাও হরি  
যেক্রমের ভক্ত, ভকত তোমার,  
ভকতের তরে নানা রূপ ধ’রে  
পুরাইছ নাথ ! বহু আশা তার ॥”

শ্রীদশমে ব্রহ্মার অগ্র একটা স্তব আছে, তাহা হইতে কিঞ্চিৎ ভক্তির  
বিবরণ নিম্নে প্রদত্ত হইল । ভক্তিকামী ভগবানের এইরূপ রতন আশ্বাদন  
করিতে পারেন ।

একদা প্রাতঃকালে শ্রীহরি পঞ্চমবর্ষ বয়সে শ্রীবৃন্দারণ্যে পুলিন ভোজন  
করিবার অভিপ্রায়ে বৎস পালক সখাবৃন্দকে মনোহর শৃঙ্গনিদাদ করিয়া  
একত্র করিলেন । তৎপর সকলে সহস্র সহস্র বৎসগণকে অগ্রে করিয়া ব্রজ  
হইতে বহির্গত হইলেন । শ্রীকৃষ্ণের রাখাল সখাগণ সকলেই পরমানন্দময় ।  
তাহাদের হস্তে ভোজন দ্রব্যের শিকা, বেত্র, শিঙ্গা ও বেণু শোভা পাইতে  
ছিল । তাঁহারা বনে যাইতে যাইতে নানা বর্ণের পত্র পুষ্প ফলাদি দিয়া ও  
ময়ূর পুচ্ছ এবং গৈরিক ধাতু দিয়া ভূষণ নির্মাণ করতঃ সাজিতে লাগিলেন ।  
কোন রাখাল আমোদ করিবার জন্ত অগ্র রাখালের শিকা লুকাইয়া রাখিয়া  
তাহা পরে প্রত্যর্পণ করিতে লাগিলেন । যখন শ্রীকৃষ্ণ বনশোভা দর্শনের  
জন্ত কিছু দূরে গমন করেন তখন রাখাল বালকেরা “আমি আগে ছুঁইয়াছি,  
আমি আগে ছুঁইয়াছি” এই বলিয়া আনন্দ কোলাহল করিয়া শ্রীকৃষ্ণকে  
ছুঁইয়া খেলা করিতে লাগিলেন । কোন রাখাল বেণু, কেহ শিঙ্গা বাজাইতে  
লাগিলেন, কেহ কেহ ভ্রমরের সুরে সুর মিলাইয়া গান করিতে লাগিলেন,  
কেহ বা কোকিলের সহিত কলধ্বনি করিতে লাগিলেন, কোন রাখাল  
ভঙ্গী করিয়া পক্ষীর ছায়া অনুসরণ করিয়া চলিতে লাগিলেন, কেহবা  
হংসের সহিত হংসগতি অনুকরণ করিয়া চলিতে লাগিলেন, কেহবা বকের  
সঙ্গে বকের ছায় বসিয়া পড়িলেন, কেহ বা ময়ূরের সহিত নাচিতে লাগিলেন ।  
কোন রাখাল বৃক্ষশাখায় শাখা মৃগের পুচ্ছ ধরিয়া টানিতে লাগিলেন, কেহ বা  
ধানর শাবককে টানিতে লাগিলেন, কেহ বানরের সহিত বৃক্ষে উঠিয়া  
বৃক্ষের শাখায় শাখায় বেড়াইতে লাগিলেন । কোন রাখাল ভেকের ছায়  
সুত্র জলধারা উল্লঙ্ঘন করিতে লাগিলেন, কেহবা প্রতিবিশ্বকে, কেহবা  
প্রতিধ্বনিকে উপহাস করিতে লাগিলেন ।

অহো ব্রজরাখালগণের কি পরমাশ্চর্য্য সৌভাগ্য ! নিশ্চয়ই তাহাদের  
পুঞ্জ পুঞ্জ পুণ্য সঞ্চিত ছিল । যোগী ও জ্ঞানগিণ যাহার সত্তা অহুভব মাত্র  
করিতে পারেন, কিন্তু বহু কৃচ্ছ্র আয়াস করিয়াও চরণ রেণু লাভ করিতে  
পারেন না, ভক্তগণ অতি গৌরবে যাহার উপাসনা করিয়া থাকেন, সেই  
হৃদনমোহন ভগবানের সহিত ব্রজরাখালগণ সখ্যভাবে ক্রীড়া করিতেছেন ।

কাঁধে চড়ে কাঁধে চড়ায় করে জীড়ারণ। রাখাল বালকগণ এইরূপ পরমানন্দে শ্রীকৃষ্ণকে লইয়া খেলা করিতেছেন এমন সময়ে কংসপ্রেরিত মূর্তিমতী আশুরী শক্তি—অঘাসুর বিশাল অজগর দেহ ধারণ করিয়া বৎসবৃন্দ সহ বালকগণকে গ্রাস করিয়া ফেলিল। অনন্তর শ্রীকৃষ্ণ ঐ অশুরের মুখবিবরে প্রবেশ করিয়া তাহার গলদেশ বিদীর্ণ করিয়া ফেলিলেন। তদর্শনে দেববালাগণ পুষ্পবর্ষণ করিতে লাগিলেন এবং দেবগণ জয়ধ্বনি করিয়া উঠিলেন। পদ্মযোনি ব্রহ্মা তাহা শ্রবণ করিয়া বৃন্দারণ্যে আগমন করতঃ ভগবান শ্রীহরির শ্রীবাল গোপাল মূর্তি দেখিয়া মোহিত হইলেন।

এদিকে বালগোপালরূপী শ্রীকৃষ্ণ অঘাসুরকে দর্শন করিয়া রাখাল বালকগণকে লইয়া সকলে একত্র হইয়া স্বীয় স্বীয় শিকা খুলিয়া পরমানন্দ কোতুকে পুলিনভোজনে নিযুক্ত হইলেন। সর্ব্বযজ্ঞ যাহার তৃপ্ত্যর্থ্যে পর্য্যাপ্ত হয় না, সেই যজ্ঞভুক হরি অদ্য রাখাল বালকগণের সহিত সরসী তীরে বসিয়া ভোজন করিতেছেন! শ্রীকৃষ্ণের উদর ও বস্ত্রের মধ্যে বেণু, বাম কৃষ্ণিতে শিঙ্গা ও বেত্র, বামহস্তে দধিমিশ্রিত বৃহৎ অন্নের গ্রাস, বামহস্তের অঙ্গুলীর সন্ধিস্থানে পিলু প্রভৃতি গ্রাসোচিত ফল, এবং দক্ষিণ হস্তে ভোজন নিমিত্ত ক্ষুদ্র অন্নের গ্রাস শোভা পাইতেছিল। বৎসবৃন্দ কোমল শব্দস্বরূপে আহার করিতে করিতে নয়নান্তরালে যাইয়া পড়িয়াছে, তাহাদিগকে খুঁজিবার জন্ত শ্রীকৃষ্ণ অন্নের কবল হস্তে করিয়াই গমন করিলেন। ইত্যবসরে ব্রহ্মা রাখালবালকরূপী শ্রীকৃষ্ণের মহিমা জানিবার জন্ত বৎসগণকে ও বৎসপালগণকে হরণ করিয়া লইয়া তাহাদিগকে এক স্থানে মায়াবদ্ধ করিয়া রাখিয়া চলিয়া গেলেন। শ্রীকৃষ্ণ ব্রহ্মার এই কৰ্ম্ম জানিতে পারিয়া নিজেই হস্ত সংখ্যক বৎস ও বৎস পালের রূপ ধারণ করিয়া প্রযোজ্য প্রযোজ্য কৰ্ত্ত্বরূপে এক বৎসর কাল বিহার করিতে লাগিলেন এবং “বিষ্ণুময়ং ইদং জগৎ” এই মহাবাক্যের সার্থকতা দেখাইলেন। এক বৎসর পরে ব্রহ্মা প্রত্যাবর্তন করিয়া শ্রীকৃষ্ণের এই অলৌকিক লীলা দেখিয়া বিস্ময়াভিত্ত হইলেন। তিনি আরও দেখিলেন সকল বৎস ও রাখালই পীত কৌশিক বস্ত্র পরিহিত চতুর্ভুজ শঙ্খচক্র গদাপন্নধারী। ব্রহ্মা শ্রীকৃষ্ণের ছুরীকৃত তেজঃপুঞ্জ কলেবর দেখিয়া ধৈর্য্যচ্যুত হইলেন এবং শ্রীকৃষ্ণকে মোহিত করিয়া আসিয়া নিজেই মোহিত হইলেন। শ্রীকৃষ্ণ ব্রহ্মার মোহ অপনোদন করিয়া

পুনরায় রাখাল বালকরূপে তাঁহাকে দেখা দিলেন। তখন ব্রহ্মা বালগোপাল রূপী শ্রীকৃষ্ণকে এইরূপ স্তব করিতে লাগিলেন।

“অধি.নন্দতনুজ ! শ্রীবালগোপালরূপী তোমাকে পাইবার জন্ত তোমাকে নমস্কার করিতেছি। তুমি নবনীরদ শ্রামলকান্তি গ্রহণ করিয়াছ, তোমার পরিধানে পীত কৌশিক বসন, কর্ণে গুঞ্জার কুণ্ডল, চূড়ায় ময়ূর পুচ্ছ, গলে বনমালা, উদরের বস্ত্র মধ্যে বেণু, বামকৃষ্ণিতে বেত্র ও বিঘাগ, বাম হস্তে দধি মিশ্রিত অন্নের স্নিগ্ধ গ্রাস শোভা পাইতেছে। তুমি কোমল চরণ যুগল দিয়া বনভ্রমণ করিতেছ।” (১)।

(যদি বল যে স্তব করিতে যাইয়া ভগবানের এই যথাদৃষ্টরূপ স্তব করিতেছ কেন? তজ্জন্ত বলিতেছেন) “হে দেব! তোমার ছুরীক্ষা তেজ সহ্য করিতে না পারায় আমার প্রতি কৃপা করিয়া এই সুলভরূপে আমাকে দেখা দিতেছ, কারণ তুমি স্বেচ্ছাময়, ভক্তবাহুর রূপ ধারণ কর, কিন্তু তোমার এরূপত প্রকৃতির অতীত, ইহাতে ধাতু সম্বন্ধ নাই। তোমার এই সহজ রূপের মহিমাই কেহ বর্ণনা করিতে সক্ষম নহেন। সুতরাং কোন্ ব্যক্তি মন নিকরুদ করিয়া তোমার সাক্ষাৎ পরিপূর্ণ কেবল আত্মসুখানুভূতিস্বরূপ বিস্তৃত সত্ত্বাত্মকরূপ বর্ণনা করিতে পারেন? আমি বেদপ্রবর্তক ব্রহ্মা হইয়াও তাহা পারি না।” (২)।

(যদি শ্রীহরির শুদ্ধ সত্ত্বীত্মক রূপের মহিমা কেহই বর্ণনা করিতে সক্ষম না হন, তাহা হইলে অজ্ঞেরা কিরূপে মুক্ত হইবে, তজ্জন্ত বলিতেছেন) “হে পুঙ্গব! তুমি ত্রিলোকের অজিত হইলেও এইরূপ ভক্ত কৰ্ত্তৃক কায়মনো-বাক্যের দ্বারা জিত হইয়া তাহার নিকট বাঁধা পড়িয়া থাক, তাহার জিহ্বাগ্রে সর্ব্বদা তোমার নাম নৃত্য করে, তাহার হৃদয়নিকুঞ্জ-বনে তোমার এই রূপরতন বিহার করে, এবং তাহার মস্তক তোমার শ্রীবিগ্রহের নিকট প্রণামে, হস্ত তোমার পূজায়, চরণ তোমার বিগ্রহ সমীপে গমনে, কর্ণ তোমার লীলা শ্রবণে, নাসিকা তোমার শ্রীচরণার্চিত তুলসীর ঘ্রাণ গ্রহণে এবং নয়ন তোমার রূপসুখা পানে বিভোর থাকে। সেই ভক্ত কিরূপ, না, যিনি জ্ঞানার্জনে ও তোমার স্বরূপবিচারে প্রয়াস (শ্রম) না করিয়া, তীর্থ ভ্রমণাদির জন্ত কষ্ট না করিয়া স্বস্থানে আসিয়াই সাধুগণের বদন হইতে স্বতঃই উচ্চারিত এবং তৎসম্মুখানে বাস জন্ত স্বতঃই শ্রুতিমূলগত তোমার গুণ লীলাদি শ্রবণ করিয়া মাত্র জীবন ধারণ করেন।” (৩)

(ভক্তি বিনা শুধু জ্ঞান ফলোপায়ক হয় না এই জ্ঞান বলিতেছেন) “হে বিভো! করুণাময়! যেমন নিঝর হইতে সুস্বনে বারিধারা প্রবাহিত হয় সেইরূপ সর্ব মঙ্গলালয় এক ভক্তি হইতেই জ্ঞান, অভ্যাস অপবর্গ প্রভৃতি সমস্ত ক্ষরিত হইয়া থাকে। এইরূপ সর্ব মঙ্গলালয় ভক্তিকে উপেক্ষা করিয়া ষাঁহার শ্রুতি জ্ঞান লাভার্থ যম আসন মুদ্রা নিয়ম প্রাণারাম প্রভৃতির অনুষ্ঠান করিয়া বহুক্লেশ করেন তাঁহাদের শুধু ক্লেশই অবশিষ্ট থাকে। যেমন তণ্ডুল-কণা লাভার্থ স্তপীকৃত তুষরাশি আঘাত করিলে কোন ফল হয় না। প্রভূত হস্তবেদনা ও সময় নষ্ট হয় তদ্রূপ।” (৪)।

শ্রীরামকৃষ্ণ পরমহংসদেব সহজ কথায় বলিয়াছেন—যে কলিকাতায় বাইতে পারে সে গড়ের মাঠ পশুশালা সমস্তই দেখিতে পারে, কিন্তু আসল কথা আগে কলিকাতায় যাওয়া চাই। সেইরূপ যাহার প্রেমভক্তি জন্মে তাহার পক্ষে ব্রহ্মজ্ঞান স্বতঃই আসিয়া উপস্থিত হয়।

(ভক্তি বিনা যোগ বিফল হয় তাহা প্রদর্শনার্থ বলিতেছেন) “হে ভূমন্! হে অচ্যুত! পূর্বেও এই জগতীতলে বহু বহু যোগিগণ যোগ দ্বারা আত্মজ্ঞান লাভ করিতে না পারিয়া তোমাতে সর্ব প্রকার লৌকিক চেষ্টা ও স্বীয় কৰ্ম সমর্পণ করিয়া তোমার রূপগুণ, লীলা, কথা শ্রবণ করিয়া ভক্তি লাভ করতঃ সুখে তোমার নিত্যপার্বদরূপ উত্তম গতি লাভ করিয়াছেন।” (৫)

এই স্তব হইতে আর অধিক উদ্ধৃত করিবার প্রয়োজন নাই। উপরে যাহা কথিত হইল তাহাই বৈষ্ণব ধর্মের ও ভক্তিধর্মের সাধারণ সার মর্ম। এখন গোড়ীয় বৈষ্ণব ধর্মের বিশেষত্ব আলোচনা করা বাইতেছে।

যদি শুক প্রোক্ত শ্রীভাগবত শ্রবণ করিলে ও শ্রীবাসুদেবের জন্ম কৰ্ম লীলা শ্রবণ করিলে গোড়বাসী সর্বাঙ্গান শ্রেয়ঃ লাভ করিতে পারিত, তাহা হইলে অনপিতচারী (যাহা পূর্বে কোন যুগে কাহাকেও প্রদত্ত হয় নাই) অভিনব প্রেমভক্তিরস বিলাইবার জন্ম শ্রীগোরাঙ্গ গোড়ভূমিতে অবতীর্ণ হইলেন কেন? যদি বেদান্ত দর্শনই জ্ঞানযোগের সারমর্ম উদ্ঘাটন করিয়া থাকেন, যদি শ্রীভগবদ্গীতাই নিকাম কৰ্মযোগের মূলমন্ত্র বিঘোষিত করিয়া থাকেন, যদি শ্রীশুকদেব গোস্বামীই শ্রীভাগবতে ভক্তিযোগের চরম মীমাংসা সংস্থাপিত করিয়া থাকেন, তাহা হইলে ঐ সমস্ত “ঝালাইবার জন্ম,” পুনরুজ্জীবিত করিবার জন্ম স্বয়ং অবতারীকে অবতরণ করিতে হইত না। বাস্তবিক শ্রীচৈতন্য

দেব প্রচারিত প্রেম ভক্তির ধর্ম জগতের সমগ্র দর্শন শাস্ত্র, ধর্মশাস্ত্র, বিজ্ঞান শাস্ত্র ও ভক্তিশাস্ত্রের উচ্চতর গ্রামে অবস্থিত। শ্রীচৈতন্য চরিতামৃত বলেন—

পূর্বে ব্রজ বিলাসে                      যেই তিন অভিলাষে  
যত্নেহ আশ্বাদ নহিল।  
শ্রীরাধার ভাবসার,                      আপনি করি অঙ্গীকার,  
সেই তিন বস্তু আশ্বাদিল ॥  
আপনি করি আশ্বাদনে,                      শিখাইল তরুণগণে,  
প্রেম চিন্তামণির প্রভু ধনী।  
এই গুপ্তভাব সিন্ধু                      ব্রহ্মা না পায় এক বিন্দু,  
হেন ধন বিলাইল সংসারে।  
ঐছে দয়ালু অবতার,                      ঐছে দাতা নাহি আর,  
গুণ কেহ নাহি বর্ণিবারে ॥

(এই তিন বস্তু এই—স্বীয় মাধুর্য রস, শ্রীরাধার প্রণয় মহিমা, কৃষ্ণ-মাধুর্য আশ্বাদনে রাধার সুখ)।

শ্রীপ্রকাশানন্দ সরস্বতী শ্রীচৈতন্য চন্দ্রামৃতে গোড়ীয় বৈষ্ণবধর্মের বিশেষত্ব এইরূপে প্রতিপাদন করিয়াছেন :—“শ্রীমদ্ভাগবতের পরম তাৎপর্য, যাহা শ্রীবাসনন্দন শুকদেব গোস্বামী কর্তৃক রাসপ্রসঙ্গে উত্থাপিত মাত্র হইয়াছে, কিন্তু বিস্তারিতরূপে বর্ণিত হয় নাই (কারণ অনুশীলন ব্যতীত প্রাপ্তির উপায় না থাকায়, এবং তাহা জানিবার ও আশ্বাদন করিবার তৎকালে পাত্রীভাব থাকায়—অর্থাৎ ছুরষয়তা হেতু) তাহা এবং শ্রীরাধার রতি কেলি-নাগর শ্রীকৃষ্ণ তাহার রাসলীলাস্বাদক প্রেম বিস্তার লিখিত আপনি সেই হরি শ্রীগোরাঙ্গ বিগ্রহে ইহলোকে অবতীর্ণ হইয়াছেন।” (১)

‘ছুরষয়তা’ হেতু শুকদেব বিস্তারিত করেন নাই। শ্রীরাধাকৃষ্ণের নিগূঢ় লীলারস সন্দর্ভ বেত্তা তখন ছিল না, আপনি আচরণ না করিলে এই রাসাশ্বাদন অপরকে শিক্ষা দেওয়া যায় না, এবং উপযুক্ত পাত্র অর্থাৎ ব্রজ গরিকরণ তখন বর্তমান না থাকায় শ্রীশুকদেব গোস্বামী বিস্তারিত করেন

(১) শ্রীমদ্ভাগবতশ্রু পরমং তাৎপর্য্য মুটখিতং শ্রীবৈয়াসকিনা ছুরষয়তয়া রাসপ্রসঙ্গেই  
প্ৰসং! ষজাধারতিকেলিনাগর রাসাশ্বাদকতত্ত্বাজনং তদ্বস্ত প্রংনীয় গোরবপুবা লোকেই  
বর্ণিণো হরিঃ ॥



তারকা গোপিকাগণ,  
 প্রেমরসের সঙ্গিনী।  
 জয় রাধা শ্রীরাধা বলি,  
 গোপিকা দেয় করতালি,  
 নৃত্য করে বনমালী,  
 বামে রাধা বিনোদিনী ॥

শ্রীমাধবেন্দ্র-পুরী এই দৃশ্য দেখিতেন।

উপরে প্রেম নামক অদ্ভুত পঞ্চম পুরুষার্থের কথা বলা হইয়াছে। এই অদ্ভুত প্রেম কি পদার্থ? ইহা অকৈতব কৃষ্ণ-প্রেম। অকৈতব কৃষ্ণপ্রেম কাহাকে কহে ইহা যাহারা সমাক্রুপে উপলব্ধি করিতে অভিলাষ করেন তাঁহারা যেন শ্রীঅনন্দবাজার বিষ্ণুপ্রিয়া পত্রিকায় ধারাবাহিকরূপে লিখিত পণ্ডিত বৈষ্ণবভক্তের লেখনীপ্রসূত “অকৈতব কৃষ্ণপ্রেম” শীর্ষক প্রবন্ধটী পাঠ করেন। সে যাহা হউক আমার বক্তব্য বিষয় যথাসাধ্য লিখিতে চেষ্টা করিতেছি।

শ্রীকৃষ্ণের প্রতি শ্রীরাধার যে অকৈতব প্রেম, তাহা নরলোকে দুর্লভ। এই প্রেম কামগন্ধহীন, ইহাতে পার্থিব মলিনতা নাই। শ্রীকৃষ্ণের ও শ্রীরাধার দেহও অপ্রাকৃত, তাহাতে জীবের ত্রায় ধাতুসম্বন্ধ নাই। তাঁহাদের দেহ চিন্ময়। চৈতন্য-চরিতামৃতে আছে রামানন্দ রায়ের দেহ তখন অপ্রাকৃত ছিল, কলুষিত কামভাব তাহা স্পর্শ করিতে পারিত না। শ্রীরাধাকৃষ্ণের প্রেম নির্মল নিষ্কাম, জাম্বুনদে প্রাপ্ত বিশুদ্ধ স্বর্ণের ত্রায় বিমল ও উজ্জ্বল ইহা জীবকে শিক্ষা দিবার জন্ত মহাপ্রভু তাহা নিজে আশ্বাদন করিয়া আমাদের জন্ত প্রসাদ রাখিয়া গিয়াছেন। তিনি নিজে আচরণ করিয়া দেখাইয়া গিয়াছেন যে পুরুষলোকেরও গোপিকার প্রেম সঙ্গাত হইতে পারে, তাহাতে অপবিত্র কামগন্ধ থাকিতেই পারে না। এই জন্তই মহাপ্রভু বলিয়াছেন শ্রীভাগবতের শুকদেব বর্ণিত রামলীলা শ্রবণ করা জীবের একান্ত কর্তব্য, না শুনিলে প্রত্যব্যয় আছে। কিন্তু রামলীলা শ্রবণের উপযুক্ত হইতে হইলে অগ্রে চিত্তশুদ্ধির আবশ্যিক, এবং শ্রীকৃষ্ণসঙ্কীর্ণই “চেতোদর্পণমার্জনং।”

পরম বৈষ্ণবী রজকী রামিণী শ্রীচণ্ডীদাসের ধর্মসঙ্গিনী ছিলেন, কিন্তু উভয়ের প্রেমে কামগন্ধ ছিল না।

শ্রীচণ্ডীদাস ঠাকুর অনেক পদে “পীরিতির” বর্ণনা করিয়াছেন।

“ব্রহ্মাণ্ড ব্যাপিয়া আছয়ে যে জন,  
 কেহ না দেখয়ে তারে।

প্রেমের পীরীতি যে জন জানয়ে  
 সেই সে পাইতে পারে ॥” (চণ্ডীদাস)।

“পীরিতি পীরিতি কি রীতি মূর্তি  
 হৃদয়ে লুগল সে।

পরান ছাড়িলে পীরিতি না ছাড়ে  
 পীরিতি গঢ়ল যে ॥

চণ্ডীদাস বাণী শুন বিনোদিনী  
 পীরিতি না কহে কথা।

পীরিতি লাগিয়া পরান ছাড়িলে  
 পীরিতি মিলারে তথা ॥” (চণ্ডীদাস)।

শ্রীবিদ্যাপতি ঠাকুরের একটি পদে আছে—

“মাধব সো অব সুন্দরী বালা।

অবিরত নয়নে বারি বরু নিবর  
 জহু ঘন শাঙন মালা ॥

পূণমিক ইন্দু নিন্দি মুখ সুন্দর  
 সো অব ভেল শশীরেহা।

কলেবর কমল কাঁতি জিনি কামিনী  
 দিনে দিনে ক্ষীণ ভেল দেহা ॥

উপবন হেরি মূরছি পড়ি ভূতলে  
 চিন্তিত সখীগণ সঙ্গ।

পদ অঙ্গুলী দেই ক্ষিতিপর লিখই  
 পানি-কপোল-অবলম্ব ॥”

শ্রীকৃষ্ণ নামে যে শরীর অবশ হয় তাহা চণ্ডীদাসের একটি পদে এইরূপ বর্ণিত আছে :—

“কেবা গুনাইল শ্রাম নাম।

কাণের ভিতর দিয়া হৃদয়ে পশিল গো  
 আকুল করিল মোর প্রাণ ॥



না জানি কতক মধু গ্রাম নামে আছে গো  
বদন ছাড়িতে নাহি পারে ।  
জপিতে জপিতে নাম অবশ করিল গো  
কেমনে পাইব সেই তারে ॥”

শ্রীজয়দেব গোস্বামী নবদ্বীপ ছাড়িয়া ছিন্ন কহা ও করোয়া মাত্র মধ্য  
লইয়া নীলাচলে গমন করেন ও তথায় বৃক্ষতলে বাস করিয়া দিবানি  
হরিভজন করিতেন । পরে তিনি এক কুটীর নির্মাণ করতঃ রাধা মাধবমূ  
স্থাপন করিয়া যুগল মূর্তির সেবা করিতেন । কথিত আছে তাঁহার প্রে  
রসাত্ত্বক কাব্যে শ্রীকৃষ্ণ বশীভূত হইয়া তাঁহার সঙ্গে সঙ্গে থাকিতেন ।  
একদা তাঁহার জীর্ণ কুটীরের বেড়ার বাঁধ বাড়াইয়া দিয়াছিলেন । এক  
জয়দেব “স্মর-গরল-খণ্ডনং, মম শিরসি মণ্ডনং” এই পর্য্যায় লিখিয়া ম  
করিলেন “ভগবান্ শ্রীরাধার চরণ মস্তকে ধারণ করিয়াছিলেন এ কথা কে  
করিয়া লিখিব ?” এই চিন্তা করিতে করিতে তিনি স্নান করিতে গ  
করিলেন, ইত্যবসরে শ্রীকৃষ্ণ আসিয়া ঐ পদ পূরণ করিয়া দিয়া গেলেন—  
“দেহি পদপল্লবমুদারং” ।

শ্রীনাথন গোস্বামী বৈষ্ণবতোষিণী টীকায় লিখিয়াছেন—

“কইঅব রহিঅং প্রেম্মং নহি হোই মানুষে লোএ ।  
জই হোই কম্‌স বিরহো বিরহে হোঙ্কি কো জীবই ॥”  
কৈতবরহিতং প্রেম ন ভবতি মানুষে লোকে ।  
যদি ভবতি কশ্চ বিরহো বিরহে ভবতি কো জীবতি ॥

শ্রীল কৃষ্ণদাস কবিরাজ গোস্বামী মহাশয় ইহার অনুবাদ এই  
করিয়াছেন :—

“অকৈতব কৃষ্ণপ্রেম, যেন জাম্বুনদ হেম,  
সেই প্রেম নলোকে না হয় ।  
যদি হয় তার যোগ, না হয় তার বিয়োগ,  
বিয়োগ হৈলে কেহ না জীময় ॥”

(ক্রমশঃ)

শ্রীজানকীনাথ পাল শাস্ত্রী, বি, এল।

## মানব জাতির ইতিহাস ।

( আমাদের কিং কর্তব্যতা । )

“Where lies the land to which the Ship would go ?  
Far, far ahead, is all, her seamen know.  
And where the land she travels from ? Away,  
Far, far behind is all that they can say.”

মানব জাতির জীবনতরী কোথায় যাইয়া কূল পাইবে, এবং এই তরণী  
কোথা হইতে আসিয়া জীবনমাগরে বাহিচ খেলিতেছে, তাহা মানবের  
নিবার সাধ্য নাই । বাস্তবিকই ভূতগণের আদি ও নিধন উভয়ই অব্যক্ত,  
খাভাগ মাত্র ব্যক্ত । আমাদের এই দশা, এই অপরিহার্য্য নিয়তি সর্বজন-  
গত, স্মৃতরাং তজ্জন্ত কোন মানবেরই শোক ও বিলাপ করিবার প্রয়োজন  
নাই । মানব জাতির এই অনিশ্চিত আদিম অবস্থা ও অজ্ঞেয় পরিণাম  
বিস্ময় মধ্যস্থলে, বিষম বিপত্তির মধ্যে আমরা চক্ষু হীন বলদের মত ভ্রণ  
কণ করিতেছি । বলদ হইলেও ত স্বাভাবিক বুদ্ধিবৃত্তিরূপ জ্ঞানের সাহায্যে  
যে দেখিয়া চলিতে পারিতাম । কিন্তু আমাদের জ্ঞান বিজ্ঞানময় আত্মা  
হইলে, তজ্জন্ত—

“We look before and after  
And shrink from what is not.”

এই বিষম অবস্থায় পতিত আমাদের কর্তব্য কি ? সকল চিন্তাশীল  
জিই এই প্রশ্নের একই উত্তর দিবেন—মানবজাতির জীবনের ব্যক্ত  
ভাগের বিষয় যথাসাধ্য যথার্থতঃ জ্ঞাত হও, এই ব্যক্তকালের  
ইতিহাস পর্যালোচনা কর, পূর্বে পূর্বে মানবজাতি জাতীয় জীবন যাপনে  
যে ভুল করিয়া কঠোর শাস্তি ভোগ করিয়াছে, তোমরা বর্তমান জাতীয়  
জীবন যাপনে সেই সেই ভ্রম পরিহার কর, নচেৎ পূর্বের ত্রায় তুমিও কঠোর  
শাস্তি ভোগী হইবে, এই ব্যক্ত মধ্যকালের বহুদর্শিতার দ্বারা নিঃসন্দেহরূপে  
স্বীকৃত হইয়াছে —“History repeats itself.” কত জাতি উন্নতির ও  
পতনের চরমদশায় উপনীত হইয়াছিল, কিন্তু জাতীয় দুর্নীতির জন্ত অধঃ-  
পতন হইয়াছে, এমন কি ভূতঙ্গ হইতে নিস্কূল হইয়াছে । বর্তমান মানব

জাতি ধেরূপ সভ্যতার ও উন্নতির উচ্চ শিখরে দাঁড়াইয়াছে, তাহা অপেক্ষাও শত গুণ উচ্চতর সভ্যতাপদবীতে আটলান্টিস জাতি—টলটেক জাতি— উপনীত হইয়াছিল। কিন্তু সেই পরিবর্তনীয় নিয়তির দুর্লভ্য নিয়ম ভঙ্গ করায় জাতীয় দুর্নীতির জন্ম তাহার। আটলান্টিক মহাসাগরের অন্তর্গত প্রোথিত হইয়াছে—“এক জন না রহিল বংশে দিতে বাতি।” (১) অনভিজ্ঞেরা মনে করিতে পারেন মানব জাতির সকল মানবেইত আর অপরাধী নহেন, তবে নিরপরাধ মানবগণ অপরাধীর সহিত তুল্য দণ্ডভোগ করে কেন? অপরিবর্তনীয় নিয়তি যে মহাদুর্দেহে পরিচালিত হইতেছেন তাহা সংসাধনের জন্ম নিয়তির নিকট এক শত কোটি লোকের এই ক্ষণিক জীবন অতি তুচ্ছ। যেমন অনন্ত জীবনের তুলনায় এই ক্ষণিক জীবন যৎসামান্য কালস্থায়ী, সামান্য কার্য উদ্ধার করিতে দশ সহস্র পিপীলিকা বা মধুক্ষিকার অথবা মৈনিকের জীবন অতি তুচ্ছ বিবেচিত হইয়া থাকে তদ্রূপ। কারণ এই যে দৈহিক মৃত্যু, ইহা প্রকৃত মৃত্যু নহে, ভাবী উন্নতির উপক্রমণিক মাত্র। কেহ কেহ বলিতে পারেন দুর্নীতিগ্রস্ত মানবজাতিকে সংহার করিতে নিয়তি এত বিলম্ব করেন কেন, শীঘ্র শীঘ্র সংহার করিয়া উৎকৃষ্টতর মানব জাতি প্রস্তুত করিলেই পারেন? মহাকালরূপিনী মহাকালী নিয়তি নিকট দুই চারি শত কোটি বৎসর অতি সামান্য কাল। মহাত্মা কাণাই একটা উত্তর দিয়াছেন এই—

“Because Justice is so often delayed, so fools may think there is no Justice. But it is as sure as life, it is as sure as death.”

যদি ঞায়সঙ্গত ভাঙ্গা গড়াই নিয়তির নীতি হয় তাহা হইলে এক জাতি কতক মানবের অপরাধের জন্ম সমস্ত জাতিকে ভাঙ্গিয়া ফেলেন কেন ইহার উত্তর এই যে, মানবজাতি এক বৃহৎ অট্টালিকা, ইহা উৎকৃষ্টরূপে নিৰ্ম্মিত করিতে নিয়তির ইচ্ছা, নিয়তি সুদক্ষ রাজমিস্ত্রী, অট্টালিকা ভিত্তিতে কোন দোষ দেখিলে তাহা সহ্য করিতে পারেন না, যত পরিমাণ অংশ ভগ্ন করা প্রয়োজন তাহাই করিয়া থাকেন, এবং তাহা করিতে হইলে কবির কথিত “অঙ্গুলীবোরগন্ধতার” ঞায় সর্পদষ্টা সমস্ত অঙ্গুলীই কট করেন। নিয়তি-রাজমিস্ত্রী কাহার জন্ম এই মানবমন্দির প্রস্তুত করেন

(১) Scot Elliot নামক লেখকের সুপ্রসিদ্ধ গ্রন্থ History of Atlantis দ্রষ্টব্য।

উত্তর—তাহার প্রভুর জন্ম। প্রভু এই মানবমন্দির রূপ অত্যাভ্রম হস্তা দ্বারা কি করিবেন? সাধক উত্তর দিবেন—তিনি নিরন্তর বিহার করিবেন।

“হৃদয় নিকুঞ্জবনে বিহর বিহর নাথ নিশি দিন।”

পূর্ব পূর্ব মানবজাতিগণ কিরূপ অপরাধ করিয়া, নিয়তির কোন্ নিয়ম ভঙ্গ করিয়া তাহার কোপে পতিত হইয়াছেন তাহা স্মরণরূপে, তন্ন তন্ন করিয়া অনুসন্ধান করা আমাদের কর্তব্য। আমরা বহুদর্শিতার দ্বারা জানিতে পারিয়াছি যে “সত্যমেব জয়তি,” সত্যেরই জয় হয়। এইরূপ বহুদর্শিতার দ্বারা জানিয়াছি যে সুনীতির জয় হয়, ঞায়ের জয় হয়, ধর্মের জয় হয়, ইত্যাদি। এক কথায় বলিতে গেলে নিয়তির প্রভুর ইচ্ছাই “পূর্ণ হয় এ জগতে।” তিনি কে—“সত্যং জ্ঞান মনন্তং ব্রহ্ম আনন্দ রূপং যদ্বিভাতি,”— সং-চিং—আনন্দ, সচ্চিদানন্দময় পুরুষ। তিনি ভক্তের—“রমো বৈসঃ”— রসিকশেখর।

এই পৃথিবীতে এ পর্যন্ত চারিটা মানব জাতির উত্থান ও পতন হইয়াছে। এই চারি মূল জাতির প্রত্যেকটির সাত সাতটা করিয়া শাখা বা উপজাতি ছিল। সুতরাং এ পর্যন্ত ২৮টা উপজাতি উন্নীত ও নিয়তিচক্রে অধঃপতিত বা অন্তর্হিত হইয়াছে। এক্ষণে পঞ্চম জাতি চলিতেছে। এই পঞ্চম জাতির নাম আর্য্যজাতি। ইহার জন্ম প্রায় সাড়ে আট লক্ষ বৎসর হইল হইয়াছে। এই পঞ্চম জাতির মধ্যেও সাতটা শাখা বা উপজাতি হইবে, তন্মধ্যে পাঁচটা হইয়াছে, এবং দুইটা অবশিষ্ট আছে। এই সপ্ত শাখা বিশিষ্ট আর্য্যজাতির দ্বারা পৃথিবীর বর্তমান কল্প শাসিত হইতেছে ও হইবে। তৎপর ৬ষ্ঠ জাতি ও তাহার সপ্ত শাখা এবং তৎপর ৭ম জাতি ও তাহার সপ্ত শাখা পৃথিবী শাসন করিবে। তৎপর মানব জাতির পরিণাম দশা উপস্থিত হইবে। চতুর্থ জাতি জলনিমজ্জনে বা মহাপ্লাবনে ধ্বংস হয় এবং ৫ম জাতি অর্থাৎ বর্তমান আর্য্যজাতি নিৰ্ম্মিত হইবেন। ৫ম জাতি অগ্নি দ্বারা, ৬ষ্ঠ জাতি জলপ্লাবনে এবং ৭ম জাতি অগ্নিদ্বারা বিনষ্ট হইবেন। এই আর্য্যজাতি বা পঞ্চম জাতির ১ম শাখা ভারতবর্ষের আর্য্যবর্তের হিন্দুগণ, তাহাদের বিশেষ নাম আর্য্য, যদিও সমগ্র ৫ম জাতির নামই আর্য্য। এই ৫ম জাতি বা আর্য্য-জাতির ২য় শাখা আর্য্য সেমিটিক, ৩য় শাখা ইরাণী, ৪র্থ শাখা কেল্টিক, ৫ম শাখা টিউটনিক, ইহারাই এখন পৃথিবীর প্রবল পুরাক্রান্ত ভূপতি। চতুর্থ জাতির ধ্বংসাবশেষ এবং তৃতীয় জাতির ধ্বংসাবশেষ এখনও বহুল পরিমাণে

পৃথিবীতে বিরাজ করিতেছেন, কিন্তু তাঁহারা আৰ্য্য নহেন, এই অর্থে অনাৰ্য্য ও অসভ্য। কিন্তু তাঁহারাও কেহ কেহ আৰ্য্যজাতির সংস্পর্শে আসিয়া আৰ্য্যজাতির নিকট শিক্ষা-বিধান করিয়া আৰ্য্যজাতির শিষ্য হইতেছেন, এবং আৰ্য্যজাতির গুণ অনুকরণ করিয়া আৰ্য্যজাতির হস্ত হইতে নিজেদের অস্তিত্ব রক্ষা করিতেছেন। ৪র্থ জাতির ৪র্থ শাখা তুরানী, তাহারাই রাক্ষস নামে অভিহিত হইত। যেমন রামায়ণে বর্ণিত রাক্ষসাদি। ৪র্থ জাতির ৭ম শাখা তুরানী হইতে জাত, ইহার নাম মঙ্গোলিয়ান্। জাপানীরা মঙ্গোলিয়ান্, অর্থাৎ ৪র্থ জাতির শেষ সময়ের ৭ম শাখার এক অংশ। সুতরাং জাপানীরা আৰ্য্য নহেন এই অর্থে অনাৰ্য্য ও অসভ্য। ৪র্থ জাতি জল-প্রাবনে ধ্বংস হইলে ও সমস্ত শাখা বা উপজাতি ধ্বংস হয় নাই। এতদ্বারা প্রতিপন্ন হইতেছে যে, জাপানীরা হিন্দুদিগের এক জাতীয় আত্মীয় নহেন। জাপানীরাই নিজে আৰ্য্যজাতির পদানুসরণ করিয়া কোনরূপে জাতীয় অস্তিত্ব রক্ষা করিতেছেন। পঞ্চম জাতির প্রথম শাখা আৰ্য্যা-বর্তের হিন্দুদিগকে অনাৰ্য্য জাপানের শিক্ষা দিবার কিছুই নাই ও থাকিতেই পারে না। ইহার কারণ আমি পরে লিখিতেছি। হিন্দুদিগের যদি কিছু শিক্ষা করিতে হয় তাহা হইলে টিউটনিক শাখা অর্থাৎ ৫ম শাখা ইংরেজের নিকটই করিতে হইবে। তাহাতে কোন লজ্জার কারণ নাই। বিশেষতঃ সেই শিক্ষা আৰ্য্যশিক্ষা হইবে, অন্য শিক্ষা অর্থাৎ ৪র্থ জাতির শাখা বিশেষের নিকট শিক্ষা অনাৰ্য্য ও অযশস্কর হইবে। যাঁহারা বলেন ইংরেজকে পরিত্যাগ করিয়া জাপানের অনুকরণ করিতে হইবে, তাঁহাদিগকে বলা যায় “হেদে দেখ ধায় ষত কুলান্দার।” যাঁহারা বলেন আসিয়াবাসীকে ইয়ুরোপ ও আমিরিকার সহিত প্রতিদ্বন্দ্বিতা করিতে হইবে তাঁহারা জানেন না আৰ্য্যজাতি কি উপকরণে গঠিত হইয়াছে। হিন্দুরা যখনই বিদেশে গিয়াছেন তখনই ব্রহ্মবিদ্যা লইয়া অসভ্য জাতিকে আৰ্য্যোচিত গুণাবলী শিক্ষা দিতে গিয়াছেন। ইংরেজেরা যখনই বিদেশে গিয়াছেন, তখনই বাই-বেল হাতে করিয়া গিয়াছেন, এবং অগ্রে মিশনারীগণ ও তৎপর মৈনিকগণ উপস্থিত হইয়াছেন।

আৰ্য্যজাতি ভ্রাতৃদ্রোহী, পুত্রদ্রোহী নহেন। পরবর্তী শাখাকে পূর্ববর্তী শাখার নিকট ভ্রাতা ও পুত্র উভয়ই বলা হইয়া থাকে। যে বৈবশ্বত মনু সাড়ে আট লক্ষ বৎসর যাবৎ পরিশ্রম করিয়া আৰ্য্যজাতিকে নিৰ্ম্মিত করিয়া-

ছেন, তাঁহার উপকরণরাজি পরে বর্ণনা করিতেছি। আপাতমনোরম চাক-চিক্য দেখিয়া একজনকে বন্ধু ও আপাতপ্রতীয়মান পুরুষ ব্যবহার দেখিয়া একজনকে শত্রুজ্ঞান করা আৰ্য্যোচিত জ্ঞানের পরিচায়ক নহে। ঈশ্বরের অভিশপ্ত টল্টেক্ জাতির (৪র্থ জাতির শাখার) বহু দোষ জন্মিয়াছিল, তন্মধ্যে একটি এই ছিল যে অপরকে সন্দিগ্ধ্য শিক্ষা দিত না। তাহার ফল যাহা হইবার, তাহা প্রাচীনকালের ইতিহাসবেত্তাগণ অবগত আছেন। যদি ইংরেজ জাতি সেইরূপ দুঃপণেম কলঙ্কে কলঙ্কিত হইত, তাহা হইলে শাসন-কর্তাও অদূরবর্তী বলিতে হইবে, কারণ এই পঞ্চম উপজাতি, আর মাত্র দুই উপজাতি অবশিষ্ট আছে, তৎপরই মনুষ্য। কিন্তু শাস্ত্র দ্বারা প্রমাণ করা যায় মনুষ্যের পর যে জাতি হইবে তাহাও আৰ্য্যজাতিরই উন্নত শাখা দ্বারা গঠিত হইবে। তাই আমি বলিতেছিলাম, আৰ্য্যজাতির প্রথম শাখা ভ্রতৃদ্রোহী নহেন, হইবেনও না। ভগবান্ না করুন, যদি কখনও হইত তাহা হইলে আৰ্য্য হারাইবেন। মহাত্মা বাল্মীকি আনন্দমঠে দেখাইয়াছেন যে “মহা-পুরুষ বলিলেন ইংরেজই ভারতের রাজা হইবেন।” বেদের কোথুমী শাখার কুখুমিলালও বলিতেছেন “ইংরেজ রাজা ও শিক্ষক থাকিলেই আৰ্য্যজাতির উপকার হইবে।”

শিক্ষা বিষয়ে জাতিই আমাদের লক্ষ্যের বিষয়ীভূত হওয়া উচিত, দেশ বিশেষ বা মহাদেশ বিশেষ কখনও লক্ষ্যের বিষয়ীভূত নহে। এই জন্ত হিন্দুশাস্ত্র মেদিনীমণ্ডলকে এই সপ্তদ্বীপে বিভক্ত করিয়াছেন—(১) শ্বেতদ্বীপ (২) প্লক্ষ (৩) শাল্মলী (৪) কুশাবর্ত (৫) ক্রৌঞ্চ (৬) শাকদ্বীপ (৭) পুষ্কর। পৃথিবীর ষত অংশ এক এক মনুষ্যের পর জলের উপরিভাগে বর্তমান থাকে সেই সমস্ত অংশকে দ্বীপ কহা যায়। এক এক মানব জাতি এক এক দ্বীপবাসী, তন্মধ্যে এই বিশেষত্ব আছে যে সকল মূলজাতিই শ্বেতদ্বীপের অধিনায়ক দেবভূমি উত্তর মেরু প্রদেশ হইতে আগমন করিয়াছেন ও করিবেন। এখন পৃথিবীর যে ভূভাগ জলের উপরি আছে, তাহার নাম ক্রৌঞ্চ দ্বীপ, আমরা পঞ্চম জাতীয় মানব। অপর দুই দ্বীপ এখনও জন্মে নাই, তাহা এই ক্রৌঞ্চদ্বীপ বিধ্বংসের পর হইবে। প্রকৃত দেশ হিতৈষী হইতে হইলে সমগ্র দ্বীপকে নিজের পৃথিবী বা দেশ জ্ঞান করিয়া যথাসাধ্য আৰ্য্যো-চিত গুণাবলীর উন্নতি বিধান করিতে হইবে। মহাত্মা হার্বার্ট স্পেন্সারও মূহুর পূর্বে বলিয়া গিয়াছেন যে সমস্ত পৃথ্বীকে নিজের দেশ জ্ঞান করাই

প্রকৃত দেশ হিতৈষিতা । এক দেশের বা এক জাতির উপকার করিতে যাইয়া ছায়া, সুনীতি, সত্য ও ধর্মের মস্তকে পদাঘাত করা দেশহিতৈষিতা নহে, কিন্তু সর্বত্র গুণের আদর করিতে হইবে । তিনি জাপানকেও এক পত্র লিখিয়া আর্ঘ্য ইংরেজ হইতে সতর্ক থাকিতে উপদেশ দিয়াছিলেন । এই মহা সত্যের অপলাপ করিলেই নিয়তির হস্তে উদ্ধার নাই ।

উল্লিখিত সপ্তদ্বীপের প্রথমটী শ্বেতদ্বীপ । বহু লক্ষ বৎসরের আন্দোলন বিলোড়নের পর প্রথমে সামান্য মাত্র কঠিন ভূমি দেখা দিল । ইহাই মেরু পর্বতের শিখর ভূমি । ইহা উত্তর মেরু প্রদেশের শিখরভূমি, ইহাই অবি-  
নশ্বর পবিত্রভূমি, এক মাত্র পবিত্র ভূমি—দেবগণের আবাস ভূমি । ইহা  
শ্বেত মৃত্তিকায় বিভূষিত, জম্বুদ্বীপের (পৃথিবীর) কেন্দ্রভূমি, ইহাকে জম্বুদ্বীপও  
কহা যায় কারণ তখন এই পরিমাণ ভূমি দ্বারাই সমগ্র পৃথিবী গঠিত হইয়া  
ছিল । মেরু পর্বত উত্তরে জল হইতে সর্ব প্রথম উথিত হইয়া পাদদেশ  
হিমালয় নামক পর্বতমালার অভ্যন্তরে দৃঢ়রূপে প্রোথিত করিয়াছিল ।  
হিন্দু মাত্রই মেরু পর্বতের নাম জানেন, কারণ তাহাকে তাঁহার জাতির  
(উপরি যে সকল জাতি ও উপজাতির কথা বলা হইল সেরূপ জাতি কিছু  
নহে) উৎপত্তির কথা জিজ্ঞাসা করিলেই বলিয়া থাকেন—

“যাবৎ যেরৌ স্থিতা দেবা যাবৎ গঙ্গা মহীতলে । চন্দ্রসূর্য্যো গগণে যাবৎ  
তাবৎ তাঁহার কুল উৎপন্ন হইয়াছে । আমি এখানেই বলিয়া রাখি এ উক্তির  
ঐতিহাসিক ভিত্তি নাই । বাইবেলও বলেন, হিন্দুশাস্ত্রও বলেন, পৃথিবী  
ঈশ্বরের অনেক পরের সৃষ্ট গ্রহ । আমরাও বলি চান্দ্রমস পিতৃগণ দ্বারা  
প্রথমে পৃথিবীর মানবজাতি গঠিত হইয়াছিলেন ।

উক্ত প্রথম পাঁচটি দ্বীপ কিরূপে ক্রমে ক্রমে পরিবর্তিত হইয়াছে, তাহার  
আবহাওয়ার (জল বায়ুর) পরিবর্তন হইয়াছে, প্রাচীন বা বর্তমান পৃথিবীর  
কোন কোন ভূখণ্ড তাহার অন্তর্ভুক্ত হইয়াছে তাহা লিখিবার পূর্বে একটী  
আবশ্যকীয় কথা এখানে জ্ঞাপন করিতেছি । এক কোটি আশী লক্ষ বৎসর  
হইল সত্যযুগ অন্তিমিত হইয়াছে, তৎপর হইতে ত্রেতা, দ্বাপর ও কলিযুগ  
চলিতেছে । সত্যযুগে নরনারীর পার্থক্য ছিল না, তখন দেবগণ, চান্দ্র  
পিতৃগণ, অগ্নিস্বত্ত্ব পিতৃগণ জন্মগ্রহণ করিতেন, রাজা ও প্রজা ছিলেন । তখন  
পার্থিব পদার্থ ঘনীভূত হইয়াছিল না । পদার্থ ক্রমে ক্রমে ঘনীভূত হইয়া  
মানবজাতি ক্রমে ক্রমে অতি সুন্দর আকার ধারণ করিতেছে । সুতরাং

পদার্থ সম্বন্ধে পৃথিবী ক্রমোন্নতির দিকে অগ্রসর হইতেছে । কিন্তু  
আত্মিক বিকাশ ও সত্য সম্বন্ধে অনেক হইতেছে । সত্য যুগে অবিগমিত  
বিভিন্ন সত্য-বিভাজ করিতেন, তৎপর ক্রমে ক্রমে পদার্থের অর্থাৎ রূপ, রস,  
গন্ধ, স্পর্শ, শব্দ এই পঞ্চ বিধ ভোগের কামনা দ্বারা আত্মা সংস্পৃষ্ট হওয়ায়  
আত্মিক বিকাশের ও সত্যের অবনতি হইতেছে । পদার্থ ক্রমে ঘনীভূত  
হওয়ায় আত্মাও ক্রমে দৃঢ় কারাগারে আবদ্ধ হইতেছে । মানবজাতির  
ইন্দ্রিয়োপভোগের শক্তিও বাড়িতেছে । একটী উদাহরণ দেখুন । তৃতীয়  
ও চতুর্থ জাতির লোকের ভ্রান গ্রহণের শক্তি অতি সামান্য, আর্ষ্যজাতিতে  
এই শক্তির উদ্ভব ও উন্নতি হইতেছে । বর্ম্মার ও চীনের পর্যাসিত মাংসাদি  
আহারের কথা স্মরণ করুন । আর্ষ্যজাতির পরেও অপর দুই জাতির অধিক  
সামান্য ইন্দ্রিয়ের উদ্ভব ও উন্নতি হইবার সম্ভাবনা থাকিলেও থাকিতে পারে ।  
কিন্তু পূর্বে আত্মার স্থূল দেহ এরূপ ঘন ছিল না, আত্মায় আত্মায় মিলন  
হইবার ও আত্মার দূর্দর্শন, দূরশ্রবণ প্রভৃতির জন্ত কয়েক ইন্দ্রিয়ের অধিক সাহায্য  
গ্রহণ করিতে হইত না । ইহাই সত্য, ত্রেতা, দ্বাপর ও কলিযুগের ক্রম-  
বিকাশের ও ক্রম-অবনতির একটা প্রধান কারণ ।

ক্রমশঃ

শ্রী—বাচস্পতি ।

## পরিণাম ।

১

অসার সংসারে এসে মজিয়া বিষয় রসে  
বৃথায় কাটিয়া গেল দিন !  
শৈশব, কৈশোর আর যৌবন ফাটিকাকার,  
দেখিতে দেখিতে বিমলিন !

২

প্রৌঢ়তাও যায় যায়, বার্কিক্য আগত প্রায়,  
স্বকৃতি হীন, ক্ষীণ দেহ মন,  
গলিত দশন পাঁতি পলিত চিকুর ভাতি  
লোলিত স্থলিত সুগঠন !

৩  
 তাবত মস্তক যুড়ে "মৃত্যুর নিশান উড়ে,"  
 শুক্লকেশ কার্পাসের প্রায়!  
 ঘোষণা করিছে তায় "শমন আগত প্রায়,  
 সাবধান, দিনঃবহে যায়!"

৪  
 ভুলিয়া আশার মোহে স্নেদিকে! কেহ না চাহে,  
 কে শুনে সে স্বভাবের বাণী?  
 কামনার কণ্ডু মনে, ছুটি অতীতের পানে  
 ভবিষ্যতে তিলেকে না গণি!

৫  
 ভবিষ্যৎ অন্ধকার, আশা শূন্য, কদাকার,  
 তারে লয়ে কিবা সুখ আছে?  
 অতীতের সুখস্মৃতি ত্রিদিবের প্রতিকৃতি,  
 ভাতে নয়নের কাছে কাছে!

৬  
 হায়রে জীবন মোর, হায়রে হৃদয় তোর,  
 এখনো গেলনা সুখ আশা?  
 অতীতের মোহমগ্নী মরীচিকা যায় বহি,  
 তাহা দেখি বাড়িয়াছে তুবা?

৭  
 যে দিন চলিয়া গেছে তা'র কি তুলনা আছে?  
 পুনর্বার পাইবে কি তাহা?  
 পাইবে কি সে রতনে অকিঞ্চিৎকর জ্ঞানে,  
 অবহেলে হারিয়েছ যাহা?

৮  
 আর কি তোষিতে তোরে স্বর্গীয় সুখনা ধরে  
 প্রকৃতি দেখা'বে নানা নাট?  
 আর কি নয়নে তোর আছে সে অঞ্জনঃঘোর  
 হেরিবে রঞ্জিত মাঠ ঘাট?

৯  
 সে আলোক নিবায়েছে, তিমিরে ভরিয়া গেছে  
 সে সজ্জিত ভব রঞ্জালয়!  
 বিকট কঠোর কাল, পাতিয়া জঞ্জাল জাল  
 বনে আছে, দেখে লাগে ভয়!

১০  
 অতীত সুখের স্মৃতি মনোরম প্রতিকৃতি,—  
 দেখাইয়া, ভুলাইছে সবে,  
 শৈশব কৈশোর আর যৌবন স্ফাটিকাকার  
 মনে করি ভাসি সুখার্ণবে!

১১  
 সে হেন সুখের দিনে সংসারের কুঞ্জবনে  
 মুগ্ধ হয়ে খেলিতাম কত!  
 রজনী প্রভাত হ'লে, স্বর্গীয় সুখমা ঢেলে  
 দিবাকর হইত উদিত!

১২  
 সুবর্ণ কিরণে তা'র হাসিত হই সংসার,  
 ভাসিত হৃদয় সুখা স্রোতে!  
 উৎসাহে পূরিত বুক, হরষে উৎফুল্ল মুখ,  
 অন্তরে বাহিরে চারি ভিতে!

১৩  
 উথলিত সুখ রাশি, প্রকৃতি মোহন বাণী,  
 বাজাইত ছড়া'য়ে মাধুরী!  
 সে সঙ্গীত সুধাপানে প্রমত্ত হইয়া প্রাণে,  
 বেড়াতাম ছুটাছুটি করি!

১৪  
 এবে ভাবি ধূলা যাহা, সুবর্ণ বলিয়া তাহা,  
 মাখিতাম সর্বদা ভরিয়া!  
 এবে এ রাজ শয়নে নিদ্রা না আসে নয়নে,  
 তৃণপরে শয়ন করিয়া,

১৫

ছূর্ভাবনা শূন্য মনে                      নিদ্রা স্নেহ আশ্রয়নে,  
সুখে নিশা প্রভাত হইত !  
বিহঙ্গ, কাকলী তানে,                      জাগাইত সবতনে,  
দিকচর আনন্দে ভাসিত !

১৬

সে দিন হ'য়েছে গত                      দুঃখে নোক প্রতিহত  
জড়াজীর্ণ কঙ্কাল ক'খানা—  
সংসার শ্মশান পরে                      এক পার্শ্বে আছে পড়ে  
কেহ যেন দেখেও দেখেনা !

১৭

হায়রে অবোধ তোর                      এখনো মোহের ঘোর  
ঘুচিল না, হইল না জ্ঞান ?  
দিবস অতীত প্রায়                      রবি অস্তাচলে যায়,  
কাল রাত্রি হ'ল আগুয়ান !

১৮

তিমিরে ভরিল বিপদ,                      বিকট কঠোর দৃশ্য—  
যন জালে ছাইল অম্বর,  
হ'তেছে অশনি মন্দ্র,                      গর্জিয়া জীমূত বৃন্দ  
ঢালিতেছে বৃষ্টি ঘোরতর !

১৯

বায়ু বহে ঘোরতর,                      কাঁপে ক্রিতি ধর ধর,  
প্রলয় পয়োধি উথলিছে ।  
দশ দিক অন্ধকার,                      জল স্থল একাকার !  
সমুদয় অতলে ডুবিছে !

২০

যায় বিশ্ব রসাতলে,                      এহেন শঙ্কট কালে  
কে কাহারে করে নিরীক্ষণ ?  
বারাপুত্র সহোদর,                      সকলে হয়েছে পর!  
কা'র তরে কে ভাবে এখন ?

২১

আমার অস্তিত্ব যাবে                      তাহাদের কি হইবে,  
এই ভাবি সকলে কাঁদিবে !  
এহেন দারুণ দিনে                      পরাংপর হরি বিনে  
কেহ নাই তরাইতে জীবে !

২২

অতএব শুন মন,                      কেন আর অকারণ  
“আমার আমার” করি মর ?  
অমার সুখের লাগি,                      অশেষ দুঃখের ভাগী  
কেন হও ? বুঝে কার্য কর !

২৩

সেই হরি নারায়ণে,                      সেই সত্য সনাতনে  
কর শীঘ্র আশ্রয় সমর্পণ !  
তাঁহা ভিন্ন সে সঙ্কটে                      কেহ না যা'বে নিকটে  
অগতির গতি নেই জন !

২৪

হে হরি করুণাময়                      তুমি মাত্র সে সমর  
একমাত্র আশ্রয় নিধান !  
সংসারের মোহ পাশে,                      ছেদন করিরা, দাসে  
কর নাথ ! অভয় প্রদান ।

শ্রীনবীনচন্দ্র মুখোপাধ্যায় ।

## কি তাহারে বলিবে ভাবিও !

কাজ নাই চিটিও লিখিয়া !  
ভাল যদি নাহি লাগে                      আমার কারণে  
প্রতারণা কিহবে শিখিয়া ?  
আমি কাঁদি আমি জানি,                      শুনিয়া আমার বাণী,  
কি করিবে তুমি অভাগার,

আমিই মুছিব ধীরে,                      আমার নয়ন নীরে—  
নাহি সাধ আঁচলে তোমার ।  
ভয় নাই একা ভবে                      এ অধম বেঁচে রবে,  
আপনার কর্তব্য সাধনে,  
রবি শশী কাজ করে,                      আমি তার দুঃখভরে  
ব'সে রবে কিসের কারণে !  
কত ফুল একা একা,                      কত বৃন্তে দেয় দেখা,  
একা শেষে আপনারে লয়ে,  
ঝরিপড়ে থাকি থাকি                      পবনে স্রবাস রাখি  
ধূলি সনে মিশে ধূলি হ'য়ে ।  
কপোতও শত শত,                      তরু শাখে হ'য়ে নত,  
একা ব'সে কত গান গায় ;  
কেহই ডাকে না তাকে,                      কাননের ফাঁকে ফাঁকে  
প্রতিধ্বনি মিশাইয়া যায় ।  
এ সারা জীবন ধরি,                      আমিও হৃদয় ভরি,  
একা গা'বো যা পারি গাহিতে ;  
তবে বলেছিলে যুখে,                      হবে মোর সূখে হুখে,  
সে কথা কি পেয়েছ ভুলিতে ?  
তখন পূরবাকালে,                      অরণ কনকবাসে,  
এই সবে উঠিছে জাগিয়া ;  
টলমল নীলনীর,                      হাসিয়া চুমিছে তীর,  
তারপরে মোরা দাঁড়াইয়া ।  
আমায় ভুলিয়া গেলে,                      ফেলে দিলে পায় ঠেলে,  
বেশী কিছু হবে না জানিও ;  
দিবাকরে সাক্ষী রাখি,                      প্রতিজ্ঞা করেছ সখি,  
কি তাহারে বলিবে ভাবিও !

শ্রীবীরেন্দ্রনাথ শাসমল ।

## মহারাজ নন্দকুমার ।

(বেঙ্গলী হইতে অনুবাদিত)

মহারাজা নন্দকুমারের নাম ইতিহাস-পাঠকের অবিদিত নহে, এ নাম অপযশের দগ্ধ শলাকায় লাঞ্চিত—মানবের চক্ষে অনন্ত অভিষাপের বিষয়ীভূত । ইতিহাসের মন্তব্য তাহার উপর অতিশয় কঠোর । তিনি যে সকল ঘটনাচক্রের মধ্যে জীবন যাত্রা নির্বাহ করিয়াছিলেন, সেই সকল ঘটনার ভ্রমজননী কুজ্জাটিকায়, তাঁহার চরিত্র বিষম কদাকাররূপ ধারণ করিয়াছে এবং যে সকল ইতিহাস-লেখক তাঁহার চরিত্রের সমালোচনা করিয়াছেন, তাঁহারা নানা কারণে তাঁহার চরিত্রের প্রকৃত ব্যাখ্যা করিতে না পারিয়া তাঁহাকে আঘাতে ক্ষতবিক্ষত করিয়াছেন । ঐতিহাসিকের লেখনী সর্ব সময়ে সত্যের অভ্রান্ত পরীক্ষক নহে, যদিও সে লেখনী অনেক সময়েই সত্য এবং ঞায়ের অনধর রশ্মিমালা বিকীরণ করে, তথাপি মধ্যে মধ্যে ইহা অসঙ্গত তীব্রোক্তির দ্রববহিঃও নিঃসরণ করিয়া থাকে । ঐকান্তিক স্বজাতিপ্রীতি, অথবা স্বীয় নায়কের প্রতি অত্যধিক অহুরাগ, অথবা প্রকৃত ঘটনা সম্বন্ধে দৃষ্টিহীনতা প্রভৃতি কারণে ঞায়ের স্বাভাবিক প্রফুল্ল প্রবাহ প্রতিরুদ্ধ হইয়া পড়ে এবং নন্দকুমার সম্বন্ধে এই সকল কারণ স্পষ্টতই বিদ্যমান আছে । পরিতাপের বিষয় এই যে, তাঁহার জীবনের প্রকৃত ঘটনা সমূহ প্রকৃতরূপে অধ্যয়ন করিতে এক্ষণে শিক্ষিত স্বদেশবাসীগণ থাকিতেও নন্দকুমার এইরূপ অকারণ নিন্দা-ভাজন থাকিবেন এবং তাঁহার স্মৃতি চিরকাল কলঙ্কের ভার বহন করিবে । সমতান ষেক্ষণ গাঢ় কৃষ্ণবর্ণে রঞ্জিত হইয়া থাকে, সেও তত কৃষ্ণ নয় । আর নন্দকুমার ত সমতানের মত ছিলেনই না । নন্দকুমার দুষ্ট লোক ছিলেন, বরং প্রকৃত মনুষ্য বাচ্য ছিলেন, তিনি যুগিত দুর্ভৃত্ত ছিলেন না, বরং স্বদেশের কল্যাণকল্পে আত্মজীবন বলিদান করিয়াছিলেন । তিনি অতি পুতিপূর্ণ নৈতিক অধঃপতনের দিনে সংসারে আসিয়াছিলেন এবং সেই সময়ের ঞায়-গুণে তাঁহার বিচার হওয়া উচিত, এরূপ না হইলে সিজার বা সিপিওর মত ঐতিহাসিক অনেক বড়লোকই তাঁহাদের মহত্ত্বাংশে অনেক হীন হইয়া পড়িবেন এবং অতি জঘন্য ক্ষুদ্রচেতা অপেক্ষাও যুগিত বিবেচিত হইবেন । সময়-সীমাদের ভ্রমের সংশোধক এবং সময়ই আমাদের ভ্রম সংশোধন করিতে

এবং ইতিহাসের কঠোর মন্তব্য বিপর্যাস্ত করিতে সমর্থ। সময় ইতঃপূর্বেই নন্দকুমারের স্বপক্ষে পরিবর্তনের চিহ্ন প্রকাশ করিয়াছে, এবং তাঁহার চরিত্রের অপক্ষপাত ধারণার অনেক পথ খুলিয়া দিয়াছে। ইতঃপূর্বেই একজন বিদেশী নন্দকুমারের পক্ষ সমর্থন করিতে দণ্ডায়মান হইয়াছিল, কেবল ঞ্চায় এবং সত্যের প্রতি অনুরাগ বশতঃ তিনিই সর্বপ্রথমে নন্দকুমারের সমর্থনে প্রথম সুর বাধিয়াছেন এবং পরিষ্কার স্মৃতি এবং প্রশংসনীয় ক্ষমতার সহিত জগতের নিকট প্রকাশ করিয়াছেন যে, নন্দকুমারের ফাঁসি বিচারালয়ানুষ্ঠিত নরহত্যা অপেক্ষা কোন অংশে নূন নহে। অর্থাৎ অবিচারে নন্দকুমারের ফাঁসি হইয়াছে, বিচারকগণ তাঁহার ফাঁসির ব্যবস্থা করিয়া স্বেচ্ছাকৃত নরহত্যা মাত্র করিয়াছেন। আমরা জজ বিচারিক প্রণীত 'নন্দকুমারের বিচার' নামক সুন্দর গ্রন্থটি পড়িতে পাঠকগণকে অনুরোধ করি। ঐ উত্তম গ্রন্থখানি নন্দকুমারের জীবনের শেষ পরিচ্ছেদের উপর আলোক প্রবাহ চালিয়া দিতেছে, কিন্তু তাঁহার সর্বোৎকৃষ্ট চরিত্রটি ইহাতে আলোচিত হয় নাই। আমরা নন্দকুমারকে দেবতাতুল্য বলিতে চাহি না, অথবা তাঁহার চরিত্রটিকে সুখাধবল করিতেও ইচ্ছা করি না। তিনি যেকোনটি ছিলেন, তাঁহার কমও নয়, বেশীও নয়, এইরূপ ভাবে আমরা তাঁহাকে দেখাইতে চাই। মনুষ্যের পারিবারিক জীবন এবং কার্য জীবনের ব্যবহারেই তাঁহার চরিত্র পরিষ্কৃত হয়। তাঁহার পারিবারিক ব্যবহারই তাঁহার চরিত্রের উত্তম পরীক্ষা, যেহেতু পারিবারিক জীবনে মানুষ অবাধে এবং অসংযত ভাবে কার্য করিয়া থাকে। কিন্তু নন্দকুমারের পারিবারিক চরিত্র পরীক্ষা করিবার পূর্বে তাঁহার কার্য জীবনের ঘটনাবলীই যথার্থ ভাবে পাঠ করাই সঙ্গত বিবেচনা করি, যেহেতু এই অংশেই তিনি ঐশী বিভূতির প্রকাশ্য শত্রুগণের সহচর বলিয়া বিবেচিত হইয়াছেন। বিশৃঙ্খলাগর্ভ, আবর্ত্তভীষণ, বিঘূর্ণমান, অনিবার্য গতি, জটিল ঘটনা স্রোতের মধ্যে তাঁহার জীবনের দৃশ্যাবলী নিহিত হইয়াছিল। ইতিহাসে এটি একটি কঠিন সঙ্কট সময়, যখন ধ্বংস এবং গঠন উভয়ের কার্যই চলিতেছিল—যখন দ্রুত বিশ্লেষণের মধ্য হইতে নূতন সৃষ্টির আবির্ভাব হইতেছিল, যখন অভিনব মিশ্র পদার্থের উৎপত্তি-মুখে বিভিন্ন ধর্মী মৌলিক পদার্থ নিচরে ভীষণ সংঘর্ষণ চলিতেছিল, যখন মঙ্গল অনাগতকালগর্ভে নিহিত ছিল এবং অমঙ্গল রাশি তরঙ্গ তুফানে উচ্ছৃঙ্খলিত হইতেছিল। এ হেন সঙ্কুল সময়ে নন্দকুমার রঙ্গমঞ্চে আবিভূত হইলেন এবং তাহাতে তিনি কিরূপ অতি

করিয়াছিলেন, তাহা কাহাকেও অনুমান করিয়া লইতে হইবে না। ভিন্ন ভিন্ন ক্ষেত্রে তাঁহার কার্য প্রণালীর বিষয় কোম্পানির কর্মচারিগণের লিখিত বিবরণে উল্লিখিত হইয়াছে। এই সকল বিবরণই তাঁহার বিরুদ্ধে প্রকৃষ্ট প্রমাণ এবং এই সকল বিবরণই তাঁহার আত্মরক্ষার স্মৃতি চূর্ণ। তাহাদের দ্রাস্ত বা অভ্রাস্ত ব্যাখ্যা লইয়াই সেগুলি তাঁহার বিপক্ষে বা স্বপক্ষে ধাইবে। বহির্দর্শী বিচারকের পক্ষে সেগুলি এমন কথা, যাহা তাঁহার চরিত্রে নিষ্ঠুর কৃত উৎপাদন করে, কিন্তু শান্তপ্রকৃতি তীক্ষ্ণদৃষ্টি বিচারকের চক্ষে সেই গুলিই তাঁহার পক্ষে অস্ত্রক্ষেপপ্রতিকারী চর্ম্ম সদৃশ। তাহাদের প্রয়োগের বিধি অনুসারে সেগুলি সদ্যঃপ্রাণহত্নীবিষ বা ক্ষতনিহ্নদন প্রলেপের ঞ্চায় ফলোপধায়ক হইবে। যেহেতু এই গুলিই নন্দকুমার চরিত্র সম্বন্ধে সজীব প্রমাণ, সুতরাং এই বিবরণগুলি তাঁহার উপর কিরূপ আলোক নিক্ষেপ করে, দেখা যাউক।

নন্দকুমার কার্যজীবনে সফলতা লাভ করিয়া ক্রমশঃ পদোন্নতি লাভ করিয়াছিলেন। তিনি প্রভুর প্রীতিভাজন হইয়া হুগলীর ফৌজদার পদে নিযুক্ত হইয়াছিলেন। এইখানেই তাঁহার সহিত ইংরাজ বাণিকগণের সংশ্রবের সূত্রপাত হয়। এ সংশ্রব স্মৃতি, তিনি ইংরাজ বাণিজ্যে উৎসাহ প্রদান করিতেন, অন্ধকূপের কাপুরুষোচিত হত্যাকাণ্ডে তাঁহার বীর হৃদয় ঘণায় কাঁপিয়া উঠিয়াছিল। সে সকল হতভাগ্য যন্ত্রণা ভোগ করিয়া মৃত্যুমুখে পতিত হইয়াছিল, তাহাদের প্রতি তিনি প্রকাশ্যভাবে সহানুভূতি প্রকাশ করিয়াছিলেন। এই সময়ে কোম্পানির কর্মচারিগণ নন্দকুমার সম্বন্ধে অতি উচ্চ ধারণা পোষণ করিতেন। ১৭৮৬ সালের ৯ই আগষ্ট সিলেক্ট কমিটির সম্মিলনে নন্দকুমার সম্বন্ধে নিম্নরূপ মন্তব্য লিপিবদ্ধ হইয়াছিল :—

“ইষ্টইণ্ডিয়া কোম্পানির বাণিজ্য স্বার্থের প্রসার কল্পে কলিকাতার হাউনসিল হুগলীর ফৌজদার দেওয়ান নন্দকুমারের আনুকূল্য লাভ করিতে চেষ্টা করা উচিত মনে করেন। অন্ধকূপে যে সকল ব্যক্তি যন্ত্রণা ভোগ করিয়াছিল, এই উন্নতমনা হিন্দু তাহাদের জন্ত প্রভূত সহানুভূতি প্রকাশ করিয়াছেন। ইনি বাস্তবিকই অতি উচ্চমনা ব্রাহ্মণ।”

পুনশ্চ ১৭৯৪ সালের ২০শে জুন কর্ণেল ক্রাইব এবং গুরাট্‌স সাহেব রূপ লিখিয়াছিলেন যে, বহুক্ষেত্রে আমরা দেওয়ান নন্দকুমারের নিকট বিশেষ সাহায্য পাইয়াছি, তাহা বিবেচনা করিয়া তাঁহাকে হুগলী, বর্দ্ধমান



এবং নদীয়া জেলার রাজস্ব আদায়ের জ্ঞাত নিযুক্ত করা বাঞ্ছনীয় বিবেচনা করি ।

এ পর্য্যন্ত নন্দকুমার ও কোম্পানীর কর্মচারিগণ পরস্পর একযোগে কার্য করিতেছিলেন, নন্দকুমার ইংরাজদিগকে সাহায্য করিতেন এবং ইংরাজগণও তাঁহাকে সাহায্য করিতে প্রস্তুত ছিলেন । নন্দকুমার উন্নত হৃদয় ব্রাহ্মণ বলিয়া বিবেচিত হইয়াছিলেন এবং তাঁহার সহায়তা লাভ কোম্পানীর কর্মচারিগণ উপযুক্ত মনে করিয়াছিলেন । নন্দকুমার যখন শ্রীম প্রভুর বিরাগ-ভাজন হইবার আশঙ্কা সত্ত্বেও অন্ধকূপের বিবাদাত্মক নাটকের অভিনয়ে যে সকল লোক যত্নগা পাইয়াছিল, তাহাদের প্রতি সহানুভূতি প্রকাশ করিয়া ছিলেন, তখন প্রকৃত প্রস্তাবেই তাঁহার চরিত্রের মহত্ত্ব স্বতঃই স্ফুরিত হইতেছে । তিনি ইংরাজদিগকে প্রশংসা দিয়াছিলেন কারণ তাহাদিগকে সর্বদা সদভিপ্রায় ব্যবসায়ী বলিয়া জানিতেন । কিন্তু এই সন্তাবসূত্র অধিককাল স্থায়ী হয় নাই, যখন ইংরাজগণ অসত্বপায়ে অর্থোপার্জনের পথ খুলিতে উদ্যত হইলেন, তখন ইহাতে ভীষণ টান বাজিল । এই সন্তাব শীঘ্রই অসন্তাবে পরিণত হইল এবং এই অসন্তাব ঘনীভূত হইয়া বিদ্রোহে পর্য্যবসিত হইল । ঘোর বিদ্রোহের যৌতুক সমভিব্যাহারে লইয়া বন্ধুত্বের প্রথম মিলন সংঘটিত হইয়াছিল । ইহার পর হইতে নন্দকুমার এবং কোম্পানীর কর্মচারিগণ ক্রমদূরপ্রসারী হই ভিন্নবর্ত্তে চলিতে লাগিলেন । অতঃপর আমরা দেখাইব, কিরূপে এই বিচ্ছেদ উপস্থিত হইল এবং ইহাতে নন্দকুমার কিরূপে দোষী ।

(ক্রমঃ)

শ্রী—

## লালাবাবু প্রসঙ্গ ।

(১)

প্রাতঃস্মরণীয় লালাবাবু পৈত্রিক ঐশ্বর্য্যের অধিকারী হইয়া একদা একটা হস্তী ক্রয় করিবার জ্ঞাত মাতার অনুমতি প্রার্থনা করেন, উদারচেতা রত্নগর্ভা মাতা যেন কখনও হাতী দেখেন নাই এবং একটা ক্রয় করিলে তাঁহারও কৌতূহল চরিতার্থ হইবে, এইরূপ ভাব প্রকাশ করিয়া উহা ক্রয় করিবার জ্ঞাত অনুমতি প্রদান করেন । যথা সময়ে একটা হস্তীও ক্রয় করা হয়

মা কখনও হাতী দেখেন নাই, দেখিলে আনন্দিত হইবেন, এই ভাবিয়া যুবক লালাবাবু হাতীটি সুন্দররূপে সজ্জিত করিয়া মাকে দেখাইবার জ্ঞাত খিড়কী-ঘারে লইয়া যাইতে আদেশ করেন ; এবং নিজে জননীর নিকট গিয়া হাতী দেখিবার জ্ঞাত তাঁহাকে নিবেদন করেন । স্নেহময়ী মাতাও আনন্দ-মহাকারে জানালার নিকট গিয়া তথা হইতে হাতী দেখেন ।

হাতী দেখিয়া জিজ্ঞাসা করিয়াছিলেন “বৎস ! কৃষ্ণচন্দ্র ! এই হাতীটির মূল্য কত ?” লালাবাবু উত্তর দিইয়াছিলেন, “আজ্ঞে বেশী নয় সাত শত টাকা !” তিনি পুনরায় প্রশ্ন করিলেন, “এই জন্তুটি কি খায় ? এবং ইহার রক্ষার নিমিত্ত কয়জন লোকের প্রয়োজন ?” লালাবাবুও পুনরায় উত্তর দিলেন, “মা হাতীর নিত্য খোরাক, একটা চারা গাছের নরম ডাল ও পাতা এবং এক মণ চাউল ; আর উহার তত্ত্বাবধানে জ্ঞাত দশ টাকা বেতনের দুইজন লোক মাত্র ।”

অতিথিবৎসলা স্নেহময়ী মাতা এইবার আর থাকিতে পারিলেন না, বলিলেন “কৃষ্ণচন্দ্র ! দেখদেখি একটা বস্ত্র জন্তুতে আমার কতগুলি অতিথির অন্ন ধ্বংস করিতেছে !” লালাবাবুর হাতী পোষার সাধ এই খানেই উদ্ভাবিত হইল, অতিথি সেবাই যে তাঁহাদের কুলব্রত, তাহা এই ক্ষণ হইতে তাঁহার মনে দৃঢ়রূপে স্থান পাইল এবং তিনি জীবনের মধ্যে কখনও উহা বিস্মৃত হন নাই ।

(২)

কাশীক্ষেত্রে মৃত্যু হইলে মুক্তি হইয়া থাকে, কিন্তু লালাবাবুর মনে দৃঢ় বিশ্বাস ছিল যে, কাশী দর্শনেও সেই ফল লাভ হইয়া থাকে । এবং যখন তিনি বৃন্দাবন গমন করিতেছিলেন, তখন কাশীর সন্নিকটে উপস্থিত হইয়া উল্লিখিত বিশ্বাস প্রযুক্ত ছাতা খুলিয়া আপনাকে আড়াল করিয়া গিয়াছিলেন, কারণ কাশী দর্শনে যদি তাঁহার ভক্তির পথে কোন বাধা উপস্থিত হয় । লালাবাবু মুক্তি বাঞ্ছা করেন নাই, তিনি সনাতন বৈষ্ণব পথের পথিক ছিলেন, পুনঃ পুনঃ শরীর পরিগ্রহ করিয়া প্রতি জন্মেই সাধু সেবা করিবেন, তাই তাঁহার ব্রত ছিল । তাঁহাকে শিবদেবী জ্ঞান করা নিতান্ত অজ্ঞের কার্য্য । বৈষ্ণবপথের পথিক কখনই শিবদেবী হইতে পারেন না, তাঁহারা পবন পারিষদ দ্বাদশ বৈষ্ণবের (শিব, শুক, নারদ, ধ্রুব, প্রহ্লাদ, বলী,

বিভীষণ, মার্কণ্ডেয়, দালভ্য, পরাশর, গরুড়, বিশ্বকসেন ।) মধ্যে শিবকে আদি বৈষ্ণবজ্ঞানে ভক্তি করিয়া থাকেন ।

(৩)

ব্রজভূমিতে জমিদারী খরিদ করিয়া কিঞ্চৎ পরিমাণে কর বাড়াইতে আরম্ভ করিলে ব্রজবাসিগণ দুঃখিতান্তকরণে লালাবাবুর গুরুদেব বাবাজী মহাশয়ের নিকট তাঁহার আচরণ বিজ্ঞাপিত করেন, এবং তিনিও শিষ্য-শাসন জন্ত আদেশ করেন যে, লালাবাবু যেন তাঁহার কুঞ্জে আসিতে না পান । লালাবাবু ইহা শুনিয়া অপরাধ মার্জনা জন্ত দস্তে তৃণ লইয়া গুরুকুঞ্জের দ্বারে সপ্তাহ যাবৎ দণ্ডায়মান থাকেন, তাঁহার গুরুদেবের ক্রোধ শান্তি হয় । লালাবাবুও অতঃপর জমা বৃদ্ধি করিতে বিরত হন ।

(৪)

বৃন্দাবনে মাধুকরী বৃতি অবলম্বন করিয়া প্রথমতঃ লালাবাবু ব্রজবাসি-গণের কুঞ্জে আমাণ্ড দ্রব্য গ্রহণ করিতেন, পরে উহা শ্রীযমুনার জলে ধোত করিয়া তুলসীদল অর্পণ পূর্বক যুগল কিশোরের যথাবিধি ভোগ লাগাইতেন ও প্রসাদ পাইতেন । কোন ব্রজবাসী স্বভাব-জনিত আচরণে খাইতে খাইতে কোন দ্রব্য তাঁহাকে প্রদান করিতে উদ্যত হইলে তিনি ঘোড় হস্তে কাকুতি জানাইতেন । ব্রজমায়ীগণও ক্রমে তাঁহাকে আর উচ্ছিষ্ট দিতে অগ্রসর হইতেন না ।

এইরূপে কিছুদিন অতিবাহিত হইলে এক দিবস লালাবাবু কোন ব্রজ-বাসীর দ্বারে রাধে ! রাধে ! বলিয়া ভিক্ষার্থ দণ্ডায়মান হইলে, যে স্থানে কতিপয় ব্রজবালক একত্র ভোজন করিতেছিলেন, ব্রজময়ী ব্রজস্বভাব-জনিত দয়াপরবশ হইয়া তাহাদের পাত্র মধ্যস্থ এক খণ্ড রোটীকা প্রদান করিতে উদ্যত হইলে, তিনি যে আমাণ্ড খাদ্যদ্রব্য বাতীত অল্প খাদ্য গ্রহণ করেন না, ইহা ব্রজমায়ীর স্মরণ করাইয়া দিলে ব্রজমায়ী হস্ত প্রক্ষালন করিয়া অনি-বেদিত খাওয়া যাহা ভাঙারে প্রস্তুত ছিল, তাহাই তাঁহার হস্তে অর্পণ করেন । লালাবাবুও পূর্বানুযায়ী শ্রীযমুনার পুতসলিলে বিধোত করিয়া ধোয়মূর্তির প্রীতিতে ভোগ নিবেদন করিলে আরাধ্য মূর্তি সেদিন আর তাঁহার ধ্যানস্থ হইলেন না ; বিষম সমস্তার পতিত হইলেন, কাহাকেও কিছু না বলিয়া

মনের ভাব মনেই গোপন রাখিলেন । উদ্বেগ ক্রমে প্রবল হইতে লাগিল ।

অল্প এক দিবস লালাবাবু পূর্বোক্ত ব্রজবাসীর দ্বারে ভিক্ষার্থ উপনীত হইয়া দেখিতে পাইলেন যে, পূর্বমত কতিপয় ব্রজবালক একত্র ভোজন করিতেছিলেন এবং তাঁহাদের সহিত নয়নাভিরাম গোলকচন্দ্র শ্রীবৃন্দাবন-বিহারীও ভোজন কার্যে লিপ্ত । লালাবাবুর এতকালের তপস্তার ফল ফলিল, তিনি অন্তরের মূর্তি বাহিরে দেখিলেন । তাঁহার মনের ভ্রম ঘুচিয়া গেল । পরে ব্রজমায়ী অনিবেদিত খাদ্য প্রদান করিতে অগ্রসর হইলে তিনি বালকগণের উচ্ছিষ্ট প্রার্থনা করিলেন । ব্রজমায়ীও তাহাই প্রদান করিলেন এবং সেই দিন হইতে লালাবাবু পূর্ব সঙ্কল্প দূরীভূত করিলেন । তাহার পর তিনি যে বাটীতে যাহা পাইতেন, শুদ্ধাশুদ্ধ বিচার না করিয়া তাহাই মহাপ্রসাদ জ্ঞানে ভোজন করিতেন ।

(৫)

ব্রজবাসী বৈষ্ণবগণের নিকট তাঁহার একটা প্রার্থনা ছিল যে, মৃত্যুর পর পদধ্বজে রজ্জু বন্ধন করিয়া যেন তাঁহার মৃতদেহ ব্রজভূমে টানিয়া বেড়ান হয় । তাহা যে কার্যে পরিণত হইয়াছিল, ইহা আমি বালক কালে বৈষ্ণব মুখে শুনিয়াছিলাম ।

(৬)

মৃত্যুর পর শরীর ধারণ করিয়া বেড়াইতে লালাবাবুকে দেখিয়াছিলেন, এরূপ বৈষ্ণবের সহিতও আমার সাক্ষাৎ হইয়াছে । লালাবাবু প্রাপ্ততত্ত্ব । লালাবাবু অমর ।

(৭)

লালাবাবুর নাম কীর্তনে শ্রীগোবিন্দের অভ্যুত্থরণ যুগলে অচলা ভক্তি হউক । একবার সকলে মিলিয়া সমস্তরে বলুন শ্রীশ্রীকৃষ্ণচন্দ্রিমার সহিত জয় লালাবাবুকি জয় ! জয় লালাবাবুকি জয় ! জয় লালাবাবুকি জয় !

শ্রীলক্ষ্মীনারায়ণ সিংহ ।

বীরভূম, সিউড়ি ।

# বঙ্গের বাহিরে বাঙ্গালী রাজা ।

(প্রথম প্রস্তাব ।)

বিদ্যা, বিক্রম, ধন, দেশোপকার, বদাচ্যুতা অথবা সাহেব সেবা কিম্বা ভোষামোদ প্রভৃতি কারণে এদেশে 'রাজা' বা 'রায় বাহাদুর' উপাধি লাভ করিয়া অনেকে সম্মানিত ও সুপ্রসিদ্ধ হইয়া উঠিয়াছেন। ধর্ম, শিক্ষা ও চরিত্র বলে কিম্বা প্রকৃত স্বদেশ হিতৈষিতা গুণে বুদ্ধিমান বৃটিশ গবর্নমেন্টের নিকট উপাধি লাভ করা নিতান্ত সহজ ব্যাপার নয়; কিন্তু ধনবান পুরুষ যে কোন প্রকৃতি বা যে কোন ধাতুর লোক হউন, তাঁহার পক্ষে উপাধি প্রাপ্ত হওয়া কঠিন কথানহে। স্বদেশে পৈত্রিক সম্পত্তির সহায়তায় অথবা ঘোপার্জিত ধনবলে কিম্বা অশ্রুবিধ কারণে গবর্নমেন্টের প্রিয়পাত্র হইয়া উপাধি অলঙ্কার সংগ্রহ করা অনেকেরই পক্ষে সহজসাধ্য, কিন্তু সামান্য অবস্থায় বিদেশে গমন পূর্বক চিরপ্রবাসী হইয়া কঠোর পরিশ্রম, অমিত অধ্যবসায় ও প্রকৃষ্ট প্রতিভা দ্বারা অর্থোপার্জন পূর্বক রাজা ও প্রজা সাধারণ সমীপে প্রখ্যাত, প্রিয় ও যশস্বী হওয়া দুই একজনের ভাগ্যেই ঘটয়া থাকে। স্বদেশে রাজা বা রায় বাহাদুর হওয়া বিশেষ বাহাদুরী নহে, কিন্তু বিদেশে স্বজাতির মুখোজ্জ্বল করিয়া অশেষ গুণপণা দ্বারা যাঁহারা গবর্নমেন্টের নিকট সম্মানিত ও প্রজা সাধারণ সমীপে শ্রদ্ধাশ্রিত হইতে সমর্থ হইয়েন, তাঁহারা এই প্রকৃত "স্বনাম ধন পুরুষ"। এইরূপ অশেষ গুণভূষণ ও সর্বজন প্রশংসিত পুরুষগণ সকল জাতির এবং সকল দেশের অমূল্য অলঙ্কার বলিয়া গণ্য হইয়েন। পাঠকেরা শুনিয়া সুখী হইবেন, বঙ্গদেশের বাহিরে বর্তমান যুগে চারিজন বঙ্গবাসী এবম্প্রকারে প্রখ্যাত লাভ করিয়া স্ব, স্ব বিমল চরিত্র ও অগণ্য সংগুণ বলে "রাজা" উপাধি গ্রহণ করিতে সমর্থ হইয়াছেন। অযোধ্যা-সুর্গত লক্ষ্মী প্রবাসী রাজা দক্ষিণারঞ্জন মুখোপাধ্যায়, কাশীধাম প্রবাসী মনোরঞ্জন গঙ্গোপাধ্যায়, উড়িষ্যার রাজা বৈকুণ্ঠনাথ দে এবং বেহার প্রদেশান্তর্ভুক্ত ভাগলপুরের রাজা শিবচন্দ্র বন্দ্যোপাধ্যায় মহাশয়গণ ইহার সুদৃষ্টান্ত। রাজা মনোরঞ্জন ব্যতীত অপর তিনজনের সম্পত্তি, বংশ ও উত্তরাধিকারী বর্তমান আছেন; শেষোক্ত দুই রাজা মহোদয় এখন জীবিত। রাজা দক্ষিণারঞ্জন ও রাজা মনোরঞ্জনর জীবন চরিত্র এবং বংশ-

বলীর বিবরণ প্রভৃতি এপর্যন্ত সুন্দররূপে সংগ্রহ করিতে সমর্থ হই নাই, এখনও অনুসন্ধান প্রবৃত্তি রহিয়াছি, সুতরাং বর্তমান প্রবন্ধে ইহাদের নামো-ল্লেখ করিয়াই ক্ষান্ত রাহিলাম। রাজা শিবচন্দ্র ও রাজা বৈকুণ্ঠনাথের সংক্ষিপ্ত বিবরণ প্রদান করিয়া পাঠকদিগের কোতূহলবৃত্তি কিয়ৎ পরিমাণে চরিতার্থ করিতে আকাঙ্ক্ষা করি। ইহারা উভয়েই বাঙ্গালী কুলের অমূল্য অলঙ্কার। শিবচন্দ্র জাতিতে ব্রাহ্মণ, বৈকুণ্ঠনাথ জাতিতে তাহ্মলী।

শিবচন্দ্র বন্দ্যোপাধ্যায়ের পিতৃপুরুষগণ নবদ্বীপ জেলাসুর্গত দোগাছিয়া পল্লীতে বাস করিতেন। সুপ্রসিদ্ধ কৃষ্ণনগর রাজবাটী হইতে এই পল্লী প্রায় এক ক্রোশ দূরবর্তিনী। দোগাছিয়ার বন্দ্যোপাধ্যায় বংশ কুলীন এবং অতি প্রাচীন কাল হইতে সম্রাস্ত রাঢ়ী ব্রাহ্মণ বংশ বলিয়া প্রশিদ্ধ। এই বংশের কৃষ্ণচন্দ্র বন্দ্যোপাধ্যায় মহাশয় কৃষ্ণনগরের মহারাজা ভুবনবিখ্যাত কৃষ্ণচন্দ্র রায়ের মীরমুন্সী (সেক্রেটারি) ছিলেন। নবদ্বীপ রাজবাটী কর্তৃক প্রদত্ত মনন্দ, "মুহুরী" উপাধি, ব্রহ্মোত্তর সম্পত্তি প্রভৃতি প্রাপ্ত হইয়া এই বংশের পূর্ব পুরুষগণ বিশেষ প্রশংসিত ও সম্মানিত হইয়াছিলেন। শিবচন্দ্রের পিতার নাম দুর্গাচরণ, পিতামহ শম্ভুচন্দ্র, প্রপিতামহ গোপালচন্দ্র এবং বৃদ্ধ পিতামহ কৃষ্ণচন্দ্র। ইহাদের গোত্র শাণ্ডিল্য, বন্দ্যোপাধ্যায়, গরুড়, দান্তসন্তান, অঙ্গমালী। শিবচন্দ্রের পিতা বাবু দুর্গাচরণ একরূপ ধর্মভীরু ও সাহসিক প্রকৃতির লোক ছিলেন যে, আদালতে গিয়া সাক্ষ্য দিতে তিনি কখনও সন্মত হইতেন নাই। বিচারালয়ে প্রবেশ করাকে তিনি ব্রাহ্মণ্য ধর্মের বিপরীত বিধি বলিয়া বিবেচনা করিতেন। একদা একটা গুরুতর মোকদমার বাদী ও প্রতিবাদী উভয় পক্ষের লোকেরা তাঁহার নাম সাক্ষীর তালিকা তুলু করিয়া তাঁহার "সাক্ষ্যকে" (evidence) বিশেষ প্রয়োজনীয় বলিয়া বিবেচনা করিয়াছিল; বিচারক মহাশয় দুর্গাচরণ বাবুর (আদালতে) উপস্থিতি নিতান্ত আবশ্যক স্থির করায় তাঁহাকে তলব করেন। সে কালের ধর্মভীরু ও সাহসিক হৃদয় লোকদিগের পক্ষে আদালতে হাজির হওয়া, তাম্র-পাত্রে গঙ্গাজল ও তুলসী পাতা স্পর্শ করিয়া শপথ পূর্বক সাক্ষ্য দেওয়া প্রভৃতি কার্য নিতান্ত গর্হিত ও তামসিক বলিয়া গণ্য ছিল। বাবু দুর্গাচরণ একত্র দোগাছি গ্রাম পরিত্যাপ করিয়া বেহার প্রদেশান্তর্ভুক্ত ভাগলপুরে পলাইয়া আইসেন। এই নগরে উপনীত হইয়া স্বদেশ প্রত্যাগমনের তিনি আশা রাখেন নাই সুতরাং এই স্থানেই বসবাটী নির্মাণ করেন। এই

ধার্মিক দুর্গাচরণের সুযোগ্য ও ক্ষণজন্মা পুত্রের নাম শিবচন্দ্র । ভাগলপুরের মুন্সীগঞ্জ মহল্লার বাঙ্গালীটোলা পল্লাতে ১৮৪৭ খ্রীঃ অব্দের অক্টোবর মাসে শিবচন্দ্র বন্দ্যোপাধ্যায়ের জন্ম হয়। ষোড়শবর্ষ বয়সে পাটনা কলেজে ইনি প্রথম বিভাগে এণ্ট্রান্স পরীক্ষায় উত্তীর্ণ হইয়া গৌরবের সহিত পদক, পুরস্কার ও বিশিষ্ট বৃত্তি প্রাপ্ত হইলেন। ১৮৬৬ খ্রীষ্টাব্দে এফ, এ, পরীক্ষা এবং ১৮৬৮ অব্দে বি, এ, পরীক্ষায় শিবচন্দ্র উত্তীর্ণ হইয়াছিলেন। ১৮৬৯ অব্দে বি, এল, পরীক্ষায় সর্বোচ্চ স্থান অধিকার করিয়া বিশ্ব বিদ্যালয়ের চ্যান্সেলর সাহেবের সুবর্ণ পদক পুরস্কার লাভ করিয়াছিলেন। ভাগলপুরে অনেক বর্ষ কাল ব্যাপিয়া প্রভূত যোগ্যতা ও প্রশংসা এবং প্রখ্যাতি সহ ওকালতী ব্যবসা দ্বারা শিবচন্দ্র বন্দ্যোপাধ্যায় মহাশয় প্রচুর অর্থ উপার্জন করেন। এক্ষণে বয়োধিক্য বশতঃ ওকালতী কর্ম হইতে অবসর গ্রহণ করিয়াছেন। প্রায় বিংশ বর্ষ কাল পর্যন্ত ইনি ভাগলপুরের মিউনিসিপালিটির চেয়ারম্যান ও ভাইশচেয়ারম্যান ছিলেন। বেহার প্রদেশের নানাবিধ শুভানুষ্ঠানে শিবচন্দ্র যেমন পরিশ্রম করিয়াছেন, তেমনি প্রচুর অর্থ সাহায্য করিয়া বিশেষ বশস্বী ও প্রদিক্ত হইয়া উঠিয়াছেন। বঙ্গদেশেরও বহুবিধ শুভানুষ্ঠানে তিনি উদারতা ও বদান্ততা দেখাইয়া বাঙ্গালী সমাজের প্রভূত উপকার সাধন করিয়াছেন। ভাগলপুরের অধিবাসীরা ইহারই যত্ন, পরিশ্রম, উৎসাহ, বদান্যতা ও দেশহিতৈষীত্বাঙ্গুণে কলের জল ব্যবহার করিয়া সহস্র সহস্র কর্তে ইহার যশোগান করিতেছেন। ভাগলপুর নগরের পানীয় জলের কলের জন্ত শিবচন্দ্র এক লক্ষাধিক রোপ্য মুদ্রা দান করিয়াছেন। ১৮৯৬ অব্দের ২০ জুলাই দিবসে ভারতবর্ষীয় গবর্নমেন্ট বাহাদুর শ্রীযুক্ত শিবচন্দ্র বন্দ্যোপাধ্যায় মহোদয়কে “রাজা” উপাধি দান করেন। রাজা শিবচন্দ্রের আরও অগণ্য সংকীর্্তি এবং অসংখ্য দানের কথা লিপিবদ্ধ করা যাইতে পারে, কিন্তু কেবল প্রবন্ধের কলেবর বৃদ্ধি জন্ত মাসিক পত্রিকায় স্থানাভাব বশতঃ সংক্ষিপ্ত ভাবেই গুণভূষণ রাজার সামান্ত বিবরণ লিখিয়াই বিরত হইতে হইল। রাজা শিবচন্দ্র তাঁহার সুযোগ্য সহধর্মিণী রাণী শিবতারিণীর নামে দাতব্য চিকিৎসালয়, মাতা ঠাকুরাণী মোক্ষদা সুন্দরীর নামে বালিকা বিদ্যালয়, পিতা দুর্গাচরণের নামে স্কুল, ছোটলাট গার রিভার্শটম্শনের নামে টাউন হল প্রভৃতির প্রতিষ্ঠা করিয়া অমর কীর্তি রাখিয়াছেন। মহানুভব রাজা মহাশয়ের পুত্রের নাম কুমার সতীশচন্দ্র বন্দ্যোপাধ্যায়। রাজা শিবচন্দ্রের

পিতা বিশেষ ধনবান লোক ছিলেন না। ভাগলপুরে যাহা কিছু শিবচন্দ্রীয় কীর্তি নামে পরিচিত, তাহা রাজা শিবচন্দ্রের নিজের বিদ্যা, বুদ্ধি, পরিশ্রম, যত্ন, প্রতিভা, অধ্যবসায় ও পরিশ্রমার্জিত ধনের পরিচায়ক।

উড়িষ্যার রাজা বৈকুণ্ঠনাথের বিবরণ প্রস্তাবান্তরে লিখিবার আকাঙ্ক্ষা রহিল।

শ্রীধরানন্দ মহাভারতী ।

## বঙ্গীয় সাহিত্য-সেবক ।

“বাঙ্গালা ভাষা পূর্বে শিক্ষিতগণের দৃষ্টির বাহিবে অক্ষুরিত হইয়া বিকাশ পাইতেছিল, তখন শক্তিশালী কবিগণ নয়নজল ও প্রাণের উষ্ণত্ব দিয়া ইহাকে পুষ্ট করিতেছিলেন; কিন্তু শিক্ষিতগণের হাতে পড়িয়া শব্দাভ্যুতের প্রতি রুচিপ্ৰবলতা হেতু বাঙ্গালা সাহিত্যে প্রেমের প্রভাব তিরোহিত হইল; সংস্কৃত পুঁথির অলঙ্কার ও উপমাশি দ্বারা ভাষাসুন্দরী সজ্জিত হইতে লাগিলেন, কিন্তু তাহাদের গুরুভারে ভাব নিপীড়িত এবং নিজ্জীব হইয়া পড়িল। কাশীদাস এই দুই যুগের মধ্যবর্তী; তাঁহার কাব্যে পূর্ববর্তী কবিগণের উদ্দীপনা আছে এবং নব্যযুগের লিপি প্রণালী এবং মার্জিত ভাষাও দৃষ্ট হয়। শেষোক্ত বিষয়ে তিনি পূর্ববর্তী কবিগণ অপেক্ষা বিশেষ নিপুণ এবং ভাবীযুগের অধিকতর নিকটবর্তী কাশীরাম দাসের বর্ণনাগুলি সুন্দর ও স্বাভাবিক \* \* \* মহাভারতের আদ্যন্ত এইরূপ সুন্দর ও জীবন্ত এক একখানি পত্র এক একটি চমৎকার চিত্রপটের ত্রায়; পড়িতে পড়িতে জগৎ পূজা, যুদ্ধবীর, ধর্মবীর ও প্রেমিকগণের মূর্তি মানস চক্ষুর সমক্ষে উদ্ঘাটিত হয়; তাহাদের সরল বিবেক, দৃঢ় কামনা, ও চরিত্রের সাহস, কবির সতেজ লেখনীর গুণে ক্ষণকালের জন্ত যেন আমাদের নিজস্ব হইয়া পড়ে এবং এই নিঃসংশয়, অর্দ্ধভুক্ত, পররোষ-কটাক্ষে পাণ্ডুরতাপন্ন বাঙ্গালী জাতিও ক্ষণকালের জন্য পৃথিবী-জয়ী, উচ্চ আকাঙ্ক্ষাশালী, অভিমান-ক্ষীত পূর্ব পুরুষগণের কাহিনী পড়িয়া স্বীয় ক্ষুদ্রত্ব তুলিয়া গর্ব অনুভব করে।”

(বঙ্গভাষা ও সাহিত্য ৫০৪-৫ পৃঃ)

কাশীরাম দাস, বঙ্গের আবালবৃদ্ধবণিতা সকলেরই নিকট সুপরিচিত।

তাহার রচিত মহাভারত বঙ্গদেশের শিক্ষিত অশিক্ষিত অধিকাংশ নরনারী কতৃক ধর্মগ্রন্থরূপে ভক্তি সহকারে দৈনিক পঠিত হইয়া থাকে ।

কেহ কেহ বলিয়া থাকেন, কাশীরাম দাস সুশিক্ষিত ছিলেন না—তিনি সংস্কৃতজ্ঞ ছিলেন না; তাহার রচনা শক্তি ছিল বলিয়া তিনি মহাভারত রচনা করিয়াছিলেন। এ কথা আদৌ সমীচীন বলিয়া বোধ হয় না। কাশীরাম দাস স্বীয় মহাভারত মধ্যে যথাযথ অলঙ্কার ও রসাদির সমাবেশ পূর্বক ষেক্ষপ মাধুর্যের সহিত সরল ভাষায় বিষয় সমূহের বর্ণন করিয়াছেন, তাহা অল্প শিক্ষিত ব্যক্তির পক্ষে কখনই সম্ভবপর নহে। যে মহাভারত পাঠ করিয়া বঙ্গভাষায় অধিকার লাভ করিবার নিমিত্ত কত শত ব্যক্তি লালায়িত, সেই মহাভারত-রচয়িতাকে অশিক্ষিত বলিয়া জন সাধারণে প্রচার করা বুদ্ধিমানের কার্য্য নহে। কাশীরাম দাস মূল সংস্কৃত মহাভারতের অবিকল অনুবাদ করেন নাই; আবশ্যিক মত পরিবর্তন ও পরিবর্জন পূর্বক ভাবানুবাদ করিয়াছেন মাত্র। কিন্তু মধ্যে মধ্যে মূল সংস্কৃতের সহিত সামঞ্জস্য রাখিয়া ষেক্ষপ ভাবে যথাযথ আক্ষরিক অনুবাদ করিয়াছেন, তাহা সংস্কৃতানভিজ্ঞের পক্ষে একবারে অসম্ভব। কাশীরাম দাস যে কেবল মাত্র কথক ও পুরাণ পাঠকারিগণের মুখে যথেষ্ট বিচ্ছিন্ন ভাবে মহাভারতান্তর্গত উপাখ্যানমালা শ্রবণ করিয়া ধারাবাহিকরূপে পর্বানুক্রমিক এই বিরাট মহাভারত গ্রন্থখানি রচনা করিয়াছেন, এই পুস্তকখানি মনোযোগ পূর্বক পাঠ করিলে এ কথা কেহই স্বীকার করিতে প্রস্তুত হইবেন না। মূল সংস্কৃত মহাভারতের সহিত কাশীরাম দাসের মহাভারতের পর্ব বিভাগের কি প্রকৃতি মিল আছে, তাহা নিম্নে প্রদর্শিত হইল—

মূল সংস্কৃত মহাভারত

১ আদি, ২ সভা, ৩ বন, ৪ বিরাট

৫ উদ্যোগ, ৬ ভীষ্ম, ৭ দ্রোণ, ৮ কর্ণ

৯ শল্য

১০ মৌপ্তিক পর্ব

১১ স্ত্রী

১২ শান্তি, ১৩ অনুশাসন

১৪ অশ্বমেধ

কাশীরাম দাসের মহাভারত

১ আদি, ২ সভা, ৩ বন, ৪ বিরাট

৫ উদ্যোগ, ৬ ভীষ্ম, ৭ দ্রোণ, ৮ কর্ণ

৯ শল্য, ১০ গদা

১১ মৌপ্তিক, ১২ ঐষিক (এই পর্ব মূল

সংস্কৃতে মৌপ্তিকের অন্তর্গত)

১৩ স্ত্রী বা নারী

১৪ শান্তি

১৫ অশ্বমেধ

১৫ আশ্রমবাসিক

১৬ আশ্রমবাসিক

১৬ মৌষল ও ১৭ মহাপ্রস্থানের

প্রথমাংশ

১৭ মহাপ্রস্থানের উত্তরাংশ ও

১৮ স্বর্গারোহণ

১৭ মৌষল

১৮ স্বর্গারোহণ

বঙ্গবাসী কার্যালয় হইতে প্রকাশিত 'বঙ্গভাষার লেখক' নামক পুস্তকে কাশীরাম দাস রচিত 'বানপর্ব', 'দাসপর্ব', 'পাশাপর্ব' ও 'কুমুমপর্ব' এই কয়েকটি পর্বের উল্লেখ আছে। আমরা 'দানপর্ব' ও 'দণ্ডীপর্ব' নামক পুঁথি প্রাপ্ত হইয়াছি। সম্ভবতঃ এই গুলি বৃহৎ পর্বান্তর্গত পর্বাধ্যায় মাত্র।

একটা প্রবাদ আছে—“আদি, সভা, বন, বিরাটের কতদূর। ইহা লিখি কাশীদাস গেলা স্বর্গপুর ॥” অর্থাৎ কাশীরামদাস বিরাট পর্বের কিয়দংশ মাত্র রচনা করিয়া পরলোক প্রাপ্ত হন। একথা আমরা আপাততঃ যথাযথ বলিয়া গ্রহণ করিতে পারিলাম না। “চন্দ্র পক্ষ বান ঋতু শক সুনিশ্চয়। বিরাট হইল সাজ কাশীদাস কয় ॥” ইহা হইতে কাশীরাম দাস যে ১০১১ সালে সমগ্র বিরাটপর্ব রচনা সমাধা করিয়াছিলেন, তাহা বেশ বুঝা যাইতেছে। এতদ্ব্যতীত গদাধর দাস স্বরচিত “জগন্নাথ মঙ্গল” গ্রন্থ ১০৫৫ সালে সমাপন কালে জ্যেষ্ঠ দুই সহোদর কৃষ্ণদাস ও কাশীরামদাসের যে উল্লেখ করিয়াছেন, তাহাতে তাহাদের নামের পূর্বে “শ্রী” সংযুক্ত রহিয়াছে। তাহার পরলোক গমন করিলে নামের পূর্বে কখনও ‘শ্রী’ ব্যবহৃত হইত না। “দ্বিতীয় শ্রী কাশীদাস ভক্ত ভগবানে। রচিল পাঁচালী ছন্দে ভারত পুরাণে ॥” স্মরণ্য কাশীরাম দাস সমগ্র মহাভারত রচনা করিয়া ১০৫৫ সাল পর্য্যন্ত জীবিত ছিলেন, একথা অনুমান করা অসম্ভব বোধ হইতেছে না।

জয় গোপাল তর্কালঙ্কার অগ্ৰাণ্ড গ্রন্থের ঞ্চায় কাশীরাম দাসের মহাভারত গ্রন্থকে মনোমত পরিবর্তন ও শব্দ যোজনা করিয়া তাহার এক নূতন অবয়ব প্রদান করিয়াছেন। প্রচলিত বটতলার মহাভারত এই জয়গোপালের পরিবর্তিত মহাভারত। কাশীরামের খাঁটি মহাভারত উদ্ধারের চেষ্টা জাগিয়া উঠিয়াছে, অচিরে আমরা তাহা দেখিতে পাইব এইরূপ ভরসা আছে।

অগ্ৰাণ্ড গ্রন্থ

কাশীরাম দাসের অপর গ্রন্থ “স্বপ্নপর্ব” “জলপর্ব” এবং ‘নলো-পাখ্যান’ তাহার প্রথমাবস্থার রচনা বলিয়া অনুমিত হয়।

কাশীরাম দাসের জ্যেষ্ঠ ভ্রাতা কৃষ্ণদাস, 'শ্রীকৃষ্ণবিলাস নামক সুবৃহৎ গ্রন্থ এবং কনিষ্ঠ গদাধর দাস 'জগৎ মঙ্গল' নামক কাব্য রচনা করিয়াছেন। কাশীরামের পুত্র নন্দরাম দাস ও কবিত্বশক্তি সম্পন্ন ছিলেন, তিনি মহাভারতান্তর্গত দ্রোণ পর্বের পদ্যানুবাদ করেন।

(কৃষ্ণদাস, গদাধর দাস, ও নন্দরাম দাস দেখুন)

(পরিষৎপত্রিকা ৬।৭।৮; বীরভূমি ৪; ভারতী ২৬; জন্মভূমি ৪; বঙ্গ-ভাষা ও সাহিত্য; বঙ্গভাষার লেখক)

কাসেম, মহম্মদ—

'সুলতান জম্জমার পুঁথি' রচয়িতা। এই পুস্তকে মানবের মৃত্যুকালীন ও তৎপরবর্তী কালের কথা বর্ণিত আছে।

(পৃ ১০। অতি ১৮৪)

কিরণ দাস—

যাত্রার 'পালা' রচয়িতা।

(প্রবাসী ১।১৭০)

কিশোরী দাস—

'শ্লোকার্থ সিন্দূর বিন্দু প্রকাশ' নামক ক্ষুদ্র পুস্তক রচয়িতা।

এই গ্রন্থখানি ১৭০২ শক বা ১১৮৭ সালে রচিত হয়।

কীর্তিনারায়ণ, লাল—

'সত্যনারায়ণ ব্রতকথা' রচয়িতা।

(“আনন্দময়ী দেবী”র বংশ তালিকা ও বংশ পরিচয় দেখুন ১৪ পৃঃ)

কীথ—

'বাঙ্গালা ব্যাকরণ' রচয়িতা—

১৮২০ খ্রীঃ এই ব্যাকরণ প্রথম মুদ্রিত হয়। ১৮৫৫ খ্রীঃ পর্যন্ত এই ব্যাকরণ পনের হাজার খণ্ড বিক্রয় হয়।

(পঃ পঃ ১।১৮৩)

কুমারনাথ মুখোপাধ্যায়—

'শ্রীমদ্ভগবদ্গীতার পদ্য বঙ্গানুবাদক', 'যোগের বৈজ্ঞানিক আভাস' প্রভৃতি গ্রন্থ রচয়িতা।

ইনি বর্ধমান সরকারী ডাক্তার খানার কর্ম করিতেন।

কুসুমকুমারী রায়—

'মর্শোচ্ছ্বাস' নামক কবিতা পুস্তক রচয়িত্রী।

(হিন্দু রঞ্জিকা, মাঘ ১৩১১)

কেতকা দাস—

'মনসার ভাসান' গীতি রচয়িতা।

কেতকা দাস ও ক্ষেমানন্দ একত্র এই মনসার গীতি রচনা করেন। এই পুস্তকের ৬০টি প্রস্তাবের মধ্যে ২৬টি কেতকা দাস এবং বক্রী ক্ষেমানন্দ রচনা করিয়াছেন।

(“ক্ষেমানন্দ” দেখুন)

“যদিও পুস্তকের সর্বত্রই এই ছই কবির ভণিতাযুক্ত পদ পাওয়া যায়, তথাপি মোটের উপর বলা যাইতে পারে যে, পুস্তকের প্রথমার্ধের অর্থাৎ লখনৌর বিবাহ পালা পর্যন্ত অধিকাংশ স্থল কেতকাদাসের রচনা ও শেষার্ধের অধিকাংশ স্থল ক্ষেমানন্দ বিরচিত। ক্ষেমানন্দ করুন রসে ও কেতকা দাস হাস্যরসে পটু। \* \* \* কবিত্ব দেখাইয়া পাঠকবর্গকে সন্তুষ্ট করা যায়, এক্ষণে অংশ মনসার ভাসানে বড় বিরল; কিন্তু গল্পের আগাগোড়া পড়িলে পাঠকের চক্ষু মধ্য মধ্য অশ্রুপূর্ণ হইতে পারে। \* \* \* পূর্ববর্তী মনসার উপাখ্যানগুলির সঙ্গে তুলনা করিলে দৃষ্ট হইবে, কেতকাদাস ও ক্ষেমানন্দের পুঁথিতে চাঁদসাগরের উন্নত চরিত্র কতকটা খর্ব হইয়াছে, কিন্তু বেহুলার চরিত্র আরও বিকাশ পাইয়াছে।” \* \* \* “মানবী বেহুলাকে দেবী বলিয়া বোধ হয়।”

(বঙ্গভাষা ও সাহিত্য' ৪৪০—৪৪১ পৃঃ)

বেহুলা সতী লখনৌরকে লইয়া যে সকল স্থান দিয়া ভাসিয়া যাইতেছিলেন, তাহার মধ্যে অধিকাংশ স্থলই বর্ধমান বা তৎসামান্য মধ্যে অবস্থিত। গ্রন্থ মধ্যে যে সকল প্রাদেশিক শব্দ দৃষ্ট হয়, তাহা বর্ধমান অঞ্চলেই প্রচলিত। এতদ্ব্যতীত বেহুলা লখনৌরের বিবাহ উপলক্ষে যে সকল স্ত্রী আচার বা প্রক্রিয়া পদ্ধতির উল্লেখ আছে, তাহা বর্ধমান বা তৎপার্বর্তী হুগলী জেলায় প্রচলিত। এই সকল কারণ বশতঃ কবিযুগলকে বর্ধমান জেলার অধিবাসী বলিয়া অনুমিত হয়।

কেতকা দাস ও ক্ষেমানন্দ সম্ভবতঃ কায়স্থ ছিলেন।

“মনসার মহিমা কল্পনা, লখনীর পুনরুজ্জীবন কল্পনা, বাস্তবিকই বাঁকা নদীর (বর্ধমান সীমানা মধ্যে প্রবাহিত) ত্রায় পল্লী প্রান্তর বাহিনী, কিন্তু তাহা হইলেও স্থলবিশেষে সলিল প্রাচুর্য্যে একান্ত সুখ শীতলা” ।

(মনসার ভাসানের গল্পাংশ, পরিশিষ্টে দেখুন ।)

### কেবলকৃষ্ণ বসু—

“কাশীখণ্ড” ও “সত্যনারায়ণ পাঁচালী” রচয়িতা ।

কেবলকৃষ্ণ, ময়মনসিংহ জেলার অন্তর্গত আটীয়া পরগণা মধ্যে কেদারপুর গ্রামে কায়স্থকুলে বঙ্গীয় দ্বাদশ শতাব্দীর মধ্যভাগে (অনুমান ১১৫২ বঙ্গাব্দে) জন্মগ্রহণ করিয়াছিলেন ।

বংশ তালিকা—২১ দশরথ বসু (কাণ্ডকুজ হইতে সমাগত)....৮ বিশ্বম্ভর বসু, ৭ প্রভাকর, ৬ রামানন্দ, ৫ রতিনাথ, ৪ লক্ষ্মীকান্ত, ৩ রামবল্লভ, ২ বিজয়রাম, ১ কেবলকৃষ্ণ বসু ।

মাণিকগঞ্জ মহকুমার অন্তর্গত খলসী গ্রামের জমীদার শ্রীবৎস রাহা, রামানন্দ বসু মহাশয়কে চন্দ্রদ্বীপ হইতে আনয়ন করিয়া বিষ্ণুপুরে স্থাপিত করেন । কেবলকৃষ্ণের পিতা, বিজয়রাম বসু মহাশয় কেদারপুরে বাস করেন ।

শিক্ষা—কেবলকৃষ্ণ, তদানীন্তন সুপ্রসিদ্ধ নৈয়ায়িক পণ্ডিত রামনিধি বাচস্পতি মহাশয়ের নিকট সংস্কৃত ব্যাকরণ, অলঙ্কার, জ্যোতিষ, স্মৃতি ও ত্রায় প্রভৃতি শাস্ত্র অধ্যয়ন করিয়াছিলেন । কেবলকৃষ্ণ, অসাধারণ মেধাশক্তি বলে অচিরেই অধীত বিদ্যায় পারদর্শী হইয়া উঠিলেন । বৃদ্ধ রামনিধি বাচস্পতি মহাশয়ের নিকট যে সকল লোক ব্যবস্থাাদি গ্রহণের নিমিত্ত আগমন করিত, তিনি তাহাদিগকে প্রিয়শিষ্য কেবলকৃষ্ণের নিকট পাঠাইয়া দিতেন, কেবলকৃষ্ণ এই নিমিত্ত যাহা কিছু প্রাপ্ত হইতেন, তৎসমুদয় স্বীয় গুরুদেবকে সমর্পণ করিতেন । কেবলকৃষ্ণ এইরূপে দেশ মধ্যে ‘শূদ্র পণ্ডিত’ বলিয়া প্রসিদ্ধ হইয়া উঠিলেন । কেবলকৃষ্ণের শাস্ত্রজ্ঞান এত গভীর ছিল যে, তাহার প্রদত্ত ব্যবস্থাাদির বিরুদ্ধে কোন ব্রাহ্মণ পণ্ডিতও কিছু বলিতে সাহসী হইতেন না । কেবলকৃষ্ণ শৈব ছিলেন । শিবমাহাত্ম্য প্রচার উদ্দেশে বৃদ্ধবয়সে

অনুমান ৭০ বৎসর বয়সে, ১৭৩৭ শক বা ১২২২ মালে স্কন্দ কাশীখণ্ড পুরাণান্তর্গত কাশীখণ্ড, পয়ার, ত্রিপদী, চৌপদী প্রভৃতি ছন্দে অনুবাদিত করেন । ১৭৩৭ শকের চৈত্রমাসে (বৃহস্পতিবার, দ্বিবা বারদণ্ডের

ময়) কাশীখণ্ডের রচনা সমাপ্ত হয় । কাশীখণ্ড রচনার জন্ত, কেবলকৃষ্ণ বর্তমান ঢাকা (পূর্ব রাজসাহী) জেলার অন্তর্গত রৌহা গ্রাম নিবাসী প্রসিদ্ধ পুরাণজ্ঞ পণ্ডিত গঙ্গাপ্রসাদ ভট্টাচার্য্য মহাশয়ের সাহায্য গ্রহণ করিয়াছিলেন । কাশীখণ্ডে, প্রচলিত পাঁচালী ছন্দ ব্যবহৃত না হইয়া বর্তমান কালের পাঠোপযোগী সরল পদ্যে বিবিধ ছন্দ ব্যবহৃত হইয়াছে । গ্রন্থমধ্যে ছন্দদোষ অতি বিরল, অধিকন্তু বিবিধ রসালঙ্কার সমাবেশগুণে কেবলকৃষ্ণের রচনা অতি সুন্দর হইয়াছে । অনুবাদ সর্বত্রই মূলানুযায়ী, কবি, গুরু, গণেশ, নারায়ণ, মহাদেব, ব্রহ্মা, ভগবতী, লক্ষ্মী, স্বরস্বতী প্রভৃতি দেবদেবীর বন্দনা করিয়া বিদ্যা পর্ব্বতের ঋক্ হইবার উপাখ্যান হইতে গ্রন্থ আরম্ভ করিয়াছেন । পুস্তক খানির আকার (পুঁথির আকারে) ২৫২ পত্র ।

কেবলকৃষ্ণের ভাগ্যে পুত্র বা কন্যা জন্ম গ্রহণ করেন নাই । তিনি দীর্ঘজীবী ছিলেন । কেবলকৃষ্ণের বাটীতে এখন তদীয় ভ্রাতৃপুত্র বাস করিতেছেন ।

(পরিষৎ পত্রিকা, ৬।২৩৪-৩৯ পৃঃ)

### কেরী—

পাদরী কেরী সাহেব ১৮০১ খ্রীঃ বাঙ্গালা ব্যাকরণ এবং ১৮১৫ খ্রীঃ হইতে ১৮২৫ খ্রীঃ পর্য্যন্ত দশ বৎসরে বড় বড় তিন খণ্ডে ইংরাজী অভিধান প্রকাশিত করেন । এই শেবোক্ত গ্রন্থে ৮০০০০ শব্দ সঙ্কলিত হইয়াছিল—ইহা সঙ্কলিত তার ত্রিশ বৎসর ব্যাপী পরিশ্রমের ফল । এই গ্রন্থের মূল্য ১২০ টাকা নির্ধারিত হইয়াছিল ।

১৮১৯ খ্রীঃ ৪১২ পৃষ্ঠায় গোল্ডস্মিথ-বিরচিত ইংলণ্ডের ইতিহাসের অনুবাদ প্রকাশিত হয় । এই ইতিহাসে ১৮০২ খ্রীঃ পর্য্যন্ত (আমিয়েন্সের সন্ধি পর্য্যন্ত) ঘটনাবলী বিবৃত আছে । গ্রন্থ শেষে পারিভাষিক এবং দুর্লভ শব্দের একটা তালিকা প্রদত্ত হইয়াছিল ।

ডাক্তার কেরী শ্রীরামপুরের একজন দেশ বিখ্যাত পাদরী ছিলেন ।

(পঃ পঃ ১।১৮২ ; ২।২০)

### কেদারনাথ রায়—

বিবিধ বিষয়ক সংগীত রচয়িতা ।

জন্ম—কেদারনাথ রায়, বর্ধমান জেলার অন্তর্গত রাণীলজ সবডিবিজনের

অধীন অণ্ডাল নামক গ্রামে, ৮ রামচন্দ্র রায়ের ঔরসে দয়াময়ী দেবীর গর্ভে ব্রাহ্মণ কুলে ১২৫৭ সালে জন্ম গ্রহণ করেন।

মৃত্যু—১৩০৮ সালে ৫১ বৎসর বয়সে দেহ ত্যাগ করেন।

কেদারনাথের পিতা মধ্যবিত্ত গৃহস্থ ছিলেন, কেবল মাত্র কৃষি কার্যের আয়ের দ্বারাই তাঁহার সাংসারিক ব্যয় নির্বাহ হইত। কেদারনাথ বাল্যকালে রীতিমত লেখা পড়া শিক্ষা করিবার অবসর প্রাপ্ত হন নাই। কিন্তু তিনি সহজ কথায় যে সকল সম্ভাব্যপূর্ণ গীতারুলী রচনা করিয়াছেন, তাহাতে তাঁহার স্বভাবদত্ত ক্ষমতার যথেষ্ট পরিচয় প্রাপ্ত হওয়া যায়।

কেদারনাথ প্রায় তিন চারি শত পরমার্থ-বিষয়ক সঙ্গীত ব্যতীত, কবির দল, বাউল ও দরবেশী সম্প্রদায় প্রভৃতির জন্ত বহু সংখ্যক পদ রচনা করিয়া ছিলেন। তিনি রহস্য-রচনায়ও সুপটু ছিলেন।

কেদারনাথ শক্তি মন্ত্রোপাসক হইলেও, অপর সাম্প্রদায়িক মতের প্রতি বীতস্পৃহ ছিলেন না। স্বরচিত গীতগুলি তাল লয় সংযোগে গান করাই তাঁহার ভজন সাধনের প্রধান অঙ্গ ছিল; ভগবদ্বিষয়ক গান করিতে করিতে তিনি তন্ময় হইয়া পড়িতেন। ইনি বহু তীর্থ ভ্রমণ করিয়াছিলেন। এতদ্ব্যতীত তিনি যৎসামান্য আয়ে চিরকাল অঞ্চলী রহিয়াও সমন্দির বিষ্ণু স্থাপন, কুপ ও জলাশয় প্রতিষ্ঠা এবং নিত্য অন্তদান প্রভৃতি সদনুষ্ঠান করিয়া গিয়াছেন।

কেদারনাথের “চল মন আনন্দ কানন কাশী” শীর্ষক গানটি অনেকেই অবগত আছেন। মৃত্যুর পূর্বে কবির চক্ষে জল দেখিয়া কেহ কারণ জিজ্ঞাসু হইলে, উপস্থিত ব্যক্তিগণের মধ্যে পুত্র দক্ষিণারঞ্জনকে উল্লেখ করিয়া এইরূপ গাহিলেন।

মা আমার আনন্দময়ী, আমি নিরাপদে যাব কেনে।

তাঁর আনন্দ সাগরের জলে ডুবেছি শীতল জেনে ॥

শ্রামারূপ (আহা মরি, শ্রামা জলদ বরণীরূপে) চক্ষু ভরা,

তাইতে এত বহে ধারা, চিন্তে নারি এ সব কারা

এখন মিশেছে তারা তারার সনে ॥

ভব বন্ধন সকল বুধা, যে থাকবার সে থাকলো হেথা,

চলো কেদার মা তারা যেথা, মার কথা শুনরে দক্ষিণে ॥

(কবির স্বগ্রাম নিবাসী শ্রীযুক্ত বাবু কাঙ্গালচন্দ্রনন্দী কর্তৃক সাহিত্য সেবকের নির্মিত বিশেষ ভাবে সংগৃহীত বিবরণী)

কেশবচন্দ্র সেন—

‘বিধান-ভারত’, ‘নবসংহিতা’ (অসমাপ্ত) ও ‘জীবনবেদ’ রচয়িতা এবং ‘ধর্মতত্ত্ব’ (মাসিক পত্রিকা) ও ‘স্বলভ সমাচার’ (সাপ্তাহিক পত্রিকা) প্রকাশক। এতদ্ব্যতীত ইনি ধর্মবিষয়ক ইংরাজী ও বঙ্গভাষায় অসংখ্য বক্তৃতা প্রদান ও প্রবন্ধমালা রচনা করিয়াছিলেন।

জন্ম—১৮৩৮ খ্রীঃ ১৯শে নভেম্বর কলিকাতার বাটীতে সুবিখ্যাত বৈদ্য-বংশে জন্ম গ্রহণ করেন।

মৃত্যু—১৮৮৪ খ্রীঃ ৮ই জানুয়ারী মঙ্গলবার পূর্বাহ্ন ৯-৫৩ মিনিটের সময় কলিকাতায় মানবলীলা সম্বরণ করেন।

বংশ পরিচয়—হুগলী জেলার অন্তর্গত, গঙ্গাতীরবর্তী গৌরীতা নামক গ্রামে ইঁহাদিগের পূর্ব নিবাস ছিল। কেশবচন্দ্রের প্রপিতামহ হুগলীতে গঙ্গাশ টাকা মাত্র বেতনে সেরেস্টাদারী কার্য করিতেন। পিতামহ রামকমল সেন ১৮০১ খৃঃ শিক্ষা লাভের নিমিত্ত কলিকাতা আগমন করেন এবং ১৮০৪ খৃঃ ডাক্তার হাণ্টার প্রতিষ্ঠিত হিন্দুস্থানী মুদ্রা-যন্ত্রালয়ের কার্যে প্রবিষ্ট হইয়া ১৮১১ খ্রীঃ ঐ প্রেসের কার্যাব্যক্ষ নিযুক্ত হন। তদনন্তর ১৮১৮-১৯ খৃঃ এসিয়াটিক সোসাইটির কেরাণীগিরি কার্যে নিযুক্ত হইয়া কার্য কুশলতাগুণে রামকমল উক্ত সোসাইটির দেশীয় সম্পাদক ও কমিটির সদস্য নিযুক্ত হইলেন। ক্রমে তিনি টাকশালের দেওয়ান ও বেঙ্গলবেঙ্গের কোষাধ্যক্ষের পদ লাভে সমর্থ হইয়াছিলেন। ইনি সর্ববিধ দেশহিতকর কার্যে যোগদান করিতেন। রামকমল একখানি উচ্চ অঙ্গের সুবৃহৎ ইংরাজী বাঙ্গালা অভিধান সম্পাদন করিয়াছিলেন; ইহাই তাঁহার প্রধান কীর্তি। কেশবচন্দ্র, যখন পাঁচ ছয় বৎসরের শিশু, রামকমল তখন (১৮৪৪ খ্রীঃ) লোকান্তর গমন করেন। কেশবচন্দ্রের জনক (রামকমলের দ্বিতীয় পুত্র প্যারীমোহন সেন) পরম ধার্মিক নিষ্ঠাবান বৈষ্ণব ছিলেন এবং সাত্তিকভাবে হিন্দু ধর্মোচিত যাবতীয় ক্রিয়া কলাপ সুসম্পন্ন করিতেন। জননী দেবীও অতিশয় স্বধর্মপরায়ণা ছিলেন। এরূপ জনক জননীর ক্রোড়ে প্রতিপালিত হইয়া কেশবচন্দ্র, বাল্যকাল অবধিই ধর্মভাবে অনুপ্রাণিত হইয়াছিলেন।

শৈশব, শিক্ষা—একাদশ বর্ষ বয়সে কেশবচন্দ্র পিতৃহীন হইয়া জ্যেষ্ঠতাত হরিমোহন সেন মহাশয়ের তত্ত্বাবধানে অবস্থান করিতে লাগিলেন। বর্তমান এলবার্ট কলেজ এখন যথায় স্থাপিত রহিয়াছে, পূর্বে সেই স্থানে একটি



পাঠশালা ছিল—কেশবচন্দ্র, শৈশবে এই পাঠশালায় অধ্যয়ন করিতে আরম্ভ করেন। সাত বৎসর বয়সের সময় (১৮৪৫ খ্রীঃ) হিন্দুস্কুলে ভর্তি হইয়া সেকেণ্ড সিনিয়র শ্রেণী পর্য্যন্ত অধ্যয়ন করিলে পর জ্যেষ্ঠতাত হরিমোহন মেনন মহাশয়ের আদেশানুযায়ী তিনি খ্যাতনামা রাজেন্দ্রনাথ দত্ত (রাজাবাবু) মহাশয় কর্তৃক নব প্রতিষ্ঠিত (১৮৫৩ খ্রীঃ) মেট্রপলিটন কলেজে প্রবিষ্ট হন। পর বৎসর মেট্রপলিটন কলেজ উঠিয়া গেলে, কেশবচন্দ্র পুনরায় হিন্দু কলেজেই অধ্যয়নে প্রবৃত্ত হইলেন। কেশবচন্দ্র পূর্কীবধি গণিতশাস্ত্রের প্রতিভা দৃশ্য অল্পরক্ত ছিলেন না, বিশেষতঃ এইরূপ পরিবর্তনে, তিনি অল্প বিভাগে পশ্চাতে পড়িয়া গেলেন। জনরব এইরূপ যে, তিনি একবার স্কুলের বাৎসরিক পরীক্ষায় অর্বেধ উপায়ে প্রশ্নের উত্তরগুলি লিখিতে থাকিলে কর্তৃপক্ষ পরীক্ষার স্থান ও কলেজ হইতে তাঁহাকে বহিস্কৃত করিয়া দেন। আত্মমর্যাদা-সম্পন্ন কেশবচন্দ্র ইহাতে দারুণ আঘাত প্রাপ্ত হইয়া ভবিষ্যজীবনের উন্নতির পস্থানসরণে প্রবৃত্ত হইলেন। ইহার পর তিনি কলেজে পুনর প্রতিষ্ঠ হইলেন এবং গণিতশাস্ত্র ব্যতীত সাহিত্য, ইতিহাস, মনোবিজ্ঞান, কাব্য ও দর্শনাদি অতিশয় মনোযোগ সহকারে দুই বৎসর কাল অধ্যয়ন করিয়া বিদ্যালয়ের সহিত সম্বন্ধ পরিত্যাগ করিলেন।

কেশবচন্দ্র, ১৮৫৬ খ্রীঃ ২৭শে এপ্রেল তারিখে বালীগাম-নিবাসী বিবাহ কুণীন বৈদ্য বংশোদ্ভব চন্দ্রকুমার মজুমদার মহাশয়ের জ্যেষ্ঠা কন্যা

গোলাপ সুন্দরীর সহিত পরিণয় সূত্রে আবদ্ধ হন।

এই সময় কেশবচন্দ্র আপনাদের কলুটোলার বাটীতে বাসকদিগের বিদ্যাশিক্ষা নিমিত্ত একটি নৈশ বিদ্যালয় সংস্থাপন করিয়া স্বয়ং তাহাদের অধ্যাপনা কার্যে প্রবৃত্ত হইতেন। আমেরিকান মিশনারি ড্যাল সাহেব ও স্বনামধন্য পাদরী লং সাহেবের সহযোগে তিনি এই সময়ে British Indian Society নামক একটি সভা স্থাপন করিয়াছিলেন উল্লিখিত নৈশবিদ্যালয়টি এই সভার অন্তর্ভুক্ত ছিল।

কেশবচন্দ্র, বন্ধুবান্ধবের সহিত আমোদ আফ্লাদে সময় ক্ষেপণ না করিয়া নিজেই ধর্মচিন্তা বা ধর্ম গ্রন্থাদি পাঠে অতিশয় অনুরক্ত ছিলেন। তিনি পাদরী বারনু সাহেবের নিকট বাইবেল গ্রন্থ পাঠ করেন। ১৮৫৭ খ্রীঃ নিজে

অনুশীলন ও পূর্কভাষ

বাটীতে Good Will Fraternity নামক আর একটি সভা স্থাপন করিলেন। এই সময় হইতেই তাঁহার হৃদয়ে ধর্ম

ভাব স্ফুটতর ভাবে বিকশিত হইতে লাগিল। তিনি ঐ সভায় স্বরচিত ধর্ম বিষয়ক প্রবন্ধাবলী পাঠ অথবা তদ্বিষয়ক বক্তৃতা প্রদান করিতেন; আবার কখনও বা খ্রীষ্টীয় ধর্ম বাজকদিগের গ্রন্থ বিশেষ হইতে সন্দর্ভনিচয় সভা মধ্যে পাঠ করিতেন। এই সভায় কেশবচন্দ্র বাগ্মীতার অনুশীলন করিবার যথেষ্ট অবসর প্রাপ্ত হইয়াছিলেন। মহর্ষি দেবেন্দ্রনাথ ঠাকুরের মধ্যম পুত্র শ্রীযুক্ত বাবু সত্যেন্দ্রনাথ ঠাকুর মহাশয় কেশবচন্দ্রের সহপাঠী ছিলেন। এই সভা উপলক্ষে তিনি মহর্ষির সহিত পরিচিত হন—বলিতে কি, সত্যেন্দ্রনাথ কর্তৃক অনুরক্ত হইয়া মহর্ষি একবার এই সভার সভাপতির কার্যও করিয়া ছিলেন। কেশবচন্দ্র এইরূপে নানা ধর্ম গ্রন্থ অধ্যয়ন করিয়া সম্পূর্ণরূপে নিরাকার ও একেশ্বরবাদী হইয়া পড়িলেন এবং ১৮৫৭ খ্রীঃ শেষ ভাগে ব্রাহ্ম-সমাজের প্রতিজ্ঞাপত্র স্বাক্ষর করিয়া সভ্য শ্রেণীভুক্ত হইলেন। বলা বাহুল্য,

মহর্ষি দেবেন্দ্রনাথই কেশবচন্দ্রের ধর্মান্তর গ্রহণের প্রধান ব্রাহ্মধর্ম গ্রহণ উদ্বোধক ও সহায়।

১৮৫৮ খ্রীঃ মহর্ষি দেবেন্দ্রনাথ ঠাকুর পর্বতবাসে ধ্যানবলে ধর্ম-সমস্তার নব নব রহস্য উদ্ঘাটিত করতঃ দেশে প্রত্যাবৃত্ত হইলেন। আসিয়া, প্রিয় সুহৃদ প্যারীমোহনের পুত্র অসাধারণ প্রতিভাশালী বালক কেশবচন্দ্রকে ব্রাহ্ম

ধর্মের অনুরক্ত ও সমাজ-প্রবিষ্ট দেখিয়া পরম মহর্ষি দেবেন্দ্রনাথ ঠাকুর ও কেশবচন্দ্র আফ্লাদিত হইলেন। এখন দেবেন্দ্রনাথ একজন

কর্মবীর প্রাপ্ত হইয়া অনেকটা নিশ্চিত হইবার অবকাশ প্রাপ্ত হইলেন।

১৮৫৯ খ্রীঃ “ব্রাহ্মবিদ্যালয়” নামক একটি বিদ্যালয় স্থাপন করিয়া দেবেন্দ্রনাথ স্বয়ং এবং কেশবচন্দ্র ইংরাজী ও বাঙ্গালা ভাষায় স্কুল ও কলেজের ছাত্র-বৃন্দকে উপদেশ প্রদান করিতে লাগিলেন। ফলে, অনেক প্রতিভাশালী ছাত্র ব্রাহ্মসমাজের প্রতি অনুরক্ত হইতে লাগিল। এই বৎসর সেপ্টেম্বর মাসে, কেশবচন্দ্র দেবেন্দ্রনাথের সহিত সিংহল পরিভ্রমণ করিয়া কয়েক মাস পর দেশে প্রত্যাগমন করেন। কেশবচন্দ্র দেশে আসিলে তাঁহার অভিব্যক্তগণ তাঁহাকে অনেক পীড়াপীড়ীর পর মাত্র ত্রিশ টাকা বেতনে বেঙ্গল বেঙ্গে চাকুরীতে নিযুক্ত করিয়া দেন। ইহার অব্যবহিত পরই “Young Bengal, this is for you” প্রভৃতি পুস্তিকা প্রকাশ করেন। ১৮৬০ খ্রীঃ ধর্মালোচনার জগ্ন নিজ বাটীতে “সঙ্গ-সভা” নামক এক সভা স্থাপন করিয়া তাহাতে সমবেত ব্রাহ্মযুবকগণসহ সপ্তাহান্তে নিজ নিজ ধর্ম জীবন ও উন্নতির

উপায় সম্বন্ধে আলোচনা করিতে লাগিলেন। এইরূপে ইহাঁদিগের মধ্যে ধর্মভাবের বীজ দ্রুত অঙ্কুরিত ও পল্লবিত হইতে লাগিল। স্বাস্থ্যোন্নতি-কল্পে এই বৎসর তিনি কৃষ্ণনগরে গিয়া ব্রাহ্মধর্ম প্রচার করিয়া আসেন। তদনন্তর Indian Mirror নামক পাক্ষিক পত্রিকা প্রকাশিত করেন; এতদ্ব্যতীত “কলিকাতা কলেজ” নামক একটি স্কুলও স্থাপনা করা হইল। ১৮৬১ খ্রীঃ কেশবচন্দ্র বিষয় কর্ম ও চাকুরী পরিত্যাগ করিয়া (১লা জুলাই) একাগ্র মনে ব্রাহ্মধর্ম প্রচারে ব্রতী হইলেন। এই সময় হইতে ব্রাহ্মমতে বিবাহ, শ্রাদ্ধাদির ব্যবস্থাও অনুসৃত হইতে লাগিল। কেশবের “সঙ্গত-সভার” উৎসাহী ব্রাহ্মণ সভ্যগণ উপবীত ত্যাগ ও সর্ব প্রকারে পৌত্তলিকতার সংশ্রব পরিত্যাগ করিলেন—আত্মীয়-স্বজনের বিরাগভাজন বা তাঁহাদের সহিত সম্বন্ধ বিচ্ছিন্ন হইবার আশঙ্কা পর্য্যন্ত তাঁহারা মনে স্থান দিলেন না। এইরূপে কেশবচন্দ্র নব্য-বঙ্গের নেতা হইয়া দাঁড়াইলেন।

মহর্ষি দেবেন্দ্রনাথ, কেশবচন্দ্রকে ১৮৬২ খ্রীঃ ১৬ই এপ্রেল (১লা বৈশাখ) “ব্রহ্মানন্দ” উপাধিতে ভূষিত করিয়া কলিকাতার আদি ব্রাহ্মসমাজের আচার্য্য পদে বরণ করিলেন। ঐ দিন তিনি আপন সহধর্মিণীমহ ঠাকুর বাড়ীতে গমন করেন। বলা বাহুল্য ইহাতে তাঁহার আত্মীয় স্বজন সকলেই অত্যন্ত ক্রুদ্ধ হইলেন; কেশবচন্দ্র এই নিমিত্ত কিছুকাল দেবেন্দ্রনাথের বাটীতেই সস্ত্রীক অবস্থান করিলেন। তদনন্তর তিনি আপন প্রাপ্য পৈত্রিক সম্পত্তির উদ্ধার করিয়া কয়েকমাস পর নিজ আশ্রমে গমন করেন। এই সময় তাঁহার প্রথম পুত্র করুণাচন্দ্র জন্ম গ্রহণ করেন। নূতন ব্রাহ্মপদ্ধতি অনুসারে এই পুত্রের নামকরণ হইল।

ইহার পর কিছুদিন কেশবচন্দ্র, বিপুল উৎসাহের সহিত ব্রাহ্মধর্ম প্রচারে নিযুক্ত হইলেন। পূর্বেই উক্ত হইয়াছে, তিনি কিছুদিন কৃষ্ণনগরে অবস্থান করিয়া তথায় ব্রাহ্মধর্ম প্রচারে উদ্যোগী হইয়াছিলেন, ফলে তথাকার খ্রীষ্টীয় ধর্ম প্রচারকগণের সহিত তাঁহার বিবাদ উপস্থিত হয়। এই নিমিত্ত ১৮৬৩ খ্রীঃ রেভারেণ্ড লালবিহারী দে সম্পাদিত কোন পত্রিকায় ব্রাহ্মদিগের প্রতি অনেক উপহাস, বিদ্রূপ ও কটুক্তি প্রকাশিত হয়। কেশবচন্দ্র এতদুপলক্ষে “ব্রাহ্মসমাজের পক্ষ সমর্থন” বিষয়বলম্বনে ওজস্বিনী ভাষায় বক্তৃতা প্রদান করেন। সুপ্রসিদ্ধ পাদরী ডফ্ সাহেব পর্য্যন্ত বক্তার অসাধারণ বাগ্মিতা ও প্রতিভাদর্শনে মুগ্ধ ও চমৎকৃত হইয়াছিলেন। এই বৎসরই কেশবচন্দ্র

অন্তঃপুর মধ্যে স্ত্রী শিক্ষা বিস্তার মানসে “ব্রাহ্মবন্ধু সভা” নামক এক সভা স্থাপন করেন।

১৮৬৪ খ্রীঃ কেশবচন্দ্র, একজন বন্ধু সমভিবাঁহারে, ব্রাহ্মধর্ম প্রচার করিবার নিমিত্ত, বোম্বাই ও মাদ্রাজ বিভাগে গমন করেন। এই বৎসর, “মহর্ষি দেবেন্দ্রনাথ, আন্তরিক অনিচ্ছাসত্ত্বেও, কেশবচন্দ্রের প্রবোচনার উপবীত-ধারী উপাচার্য্যগণকে কর্মচ্যুত করিয়া দুইজন উপবীততাগী উপাচার্য্য নিযুক্ত করেন। এদিকে কেশবচন্দ্রের উৎসাহে অসবর্ণ বিবাহও প্রচলন আরম্ভ হইল। এইরূপ সমাজ-বিপ্লব সূচক পছাবলম্বনে কি জানি অপ্রস্তুত হইতে হয় এবং কলিকাতা ব্রাহ্মসমাজের কর্তৃত্বভার তাঁহার হস্তচ্যুত হয়, এই আশঙ্কায় ব্রাহ্মধর্মের প্রচার বিভাগকে স্বতন্ত্র করিয়া নিজ কর্তৃত্বাধীনে রাখিবার নিমিত্ত “ব্রাহ্ম প্রতিনিধি সভা” নামক একটি সভা সংগঠন করিলেন। এই সময় “তত্ত্ববোধিনী” পত্রিকার পরিচালনভার যুবকদলের হস্তে গুলু ছিল—পত্রিকার কর্তৃত্বলোপের আশঙ্কায় ব্রাহ্মধর্ম প্রচারের মৌকার্য্যার্থ “ধর্মতত্ত্ব” নামক একটি মাসিক পত্রিকা প্রকাশিত করিতে আরম্ভ করিলেন।

১৮৬৪ খ্রীঃ ঝড়ে কলিকাতা ব্রাহ্মসমাজের গৃহ অকর্মণ্য হইলে, কিছুকাল ধাবৎ দেবেন্দ্রনাথের বাটীতেই এই সমাজের কার্য্য চলিতে থাকে। কেশবচন্দ্র, দেবেন্দ্রনাথের অতিশয় প্রিয় হইলেও, তিনি তাঁহার আমূল সমাজ-বিপ্লবকারী পরিবর্তন প্রথার পক্ষসমর্থন করিতে পারিলেন না। এই নিমিত্ত ষে দিন তাঁহার বাটীতে উপাসনা আরম্ভ হয়, সেই দিন উপবীততাগী উপাচার্য্যগণ আগমন করিবার পূর্বেই তিনি উপবীতধারী আচার্য্যগণকে বেদীতে বসাইয়া উপাসনার কার্য্য আরম্ভ করেন। ইহাতে কেশবচন্দ্র প্রভৃতি যুবকদল অতিশয় ক্ষুব্ধ হইয়া সে দিন অগ্রত উপাসনা কার্য্য সম্পন্ন করিলেন। এইরূপে গৃহ বিচ্ছেদের সূত্রপাত হইল। কেশবচন্দ্র, কলিকাতা সমাজের সম্পাদকের পদ পরিত্যাগ করিয়া “প্রতিনিধি সভার” গৃহ-বিচ্ছেদ আশ্রয়ে রহিয়া ব্রাহ্মধর্ম প্রচারে ব্রতী হইলেন। বলা বাবশ্যক, এইরূপ বিচ্ছেদসত্ত্বেও দেবেন্দ্রনাথ, এই যুবকদলের প্রকৃত উন্নতিকর কার্য্যে আনন্দের সহিত যোগদান করিতে কখনই বিরত হইতেন না।

১৮৬৫ খ্রীঃ বিজয়কৃষ্ণ গোস্বামী ও অঘোরনাথ গুপ্তের সহযোগিতায় কেশবচন্দ্র, ফরিদপুর, ঢাকা, ময়মনসিংহ প্রভৃতি পূর্ববঙ্গের প্রধান প্রধান

নগরে ব্রাহ্মধর্ম প্রচারে বহির্গত হন। তাঁহাদের এই ধর্ম প্রচারে পূর্ববঙ্গে তুমুল আন্দোলনের সৃষ্টি হইল।

কেশবচন্দ্র চিত্তপূর্বকই স্ত্রীশিক্ষা বিস্তারের প্রতি মনোযোগ প্রদান করিয়াছিলেন; এখন হইতে তিনি দ্বিগুণিত উৎসাহে মহিলাগণের মধ্যে শিক্ষা-বিস্তার জন্ত অধিকতর যত্নপর হইলেন। “ব্রাহ্মবন্ধু সভা” ও ব্রাহ্মিকা সমাজ এই গুণ্ডকরী অনুষ্ঠানে নিযুক্ত হইল। ১৮২৬ খ্রীঃ মাঘোৎসবে সর্বপ্রথম “ব্রাহ্মিকা সমাজের” মহিলাগণ বেদীর নিকট পর্দার আড়ে বসিবার অনুমতি প্রাপ্ত হন। ইহার অব্যবহিত পরই কেশবচন্দ্র মহিলাদিগকে পাদরী রূপ-সনের বাজীতে সাক্ষ্যসমিতিতে যোগদানে অনুমতি প্রদান করেন। এ দিকে ঠাকুর পরিবার হইতেও এ বিষয়ে উৎসাহ প্রাপ্ত হইতে লাগিলেন। মহিলাগণকে এই প্রকারে অঃপুরের বাহির হইয়া অবাধে প্রকাশ্যভাবে পুরুষগণের ত্রায় বিচরণ করিতে দেখিয়া দেশের লোক একবারে স্তম্ভিত হইয়া গেল।

১৮৬৬ খ্রীঃ কলিকাতা মেডিকেল কলেজের থিয়েটার গৃহে কেশবচন্দ্র Jesus Christ—Asia and Europe (খ্রীষ্টীয়—এসিয়া এবং ইউরোপ) নামক একটি সুন্দর বক্তৃতা প্রদান করেন। বক্তার আবেগময় ও আন্তরিকতাপূর্ণ উক্তি শ্রবণে, বিশেষতঃ এই সুপ্রসিদ্ধ বক্তৃতার অংশ বিশেষে খ্রীষ্টীয়ের প্রতি বক্তা যে প্রকার গাঢ় ভক্তির পরিচয় প্রদান করিয়াছিলেন, তাহাতে অনেকেই মনে করিয়াছিলেন, কেশবচন্দ্র যথার্থই অচিরে খ্রীষ্টধর্ম পরিগ্রহ করিবেন। খ্রীষ্টানেরা উল্লাসিত হইল—এদিকে কলিকাতা ব্রাহ্ম সমাজের সভ্যগণও এই নবোদিত ব্রাহ্মদলকে খ্রীষ্টান বলিয়া অপবাদ করিতে ক্রটি করিলেন না। এই বৎসর, ডিসেম্বর মাসে Great Men (“মহাপুরুষ”) নামক একটি বক্তৃতা প্রদান করিয়া কেশবচন্দ্র পূর্বোক্ত অপবাদ খণ্ডনে প্রয়াসী হইয়াছিলেন। এই সকল বক্তৃতা শ্রবণে বড়লাট হইতে সকলেই তাঁহার অসাধারণ শক্তির প্রতি সমধিক প্রশংসিত হন।

অতঃপর এই নবোদিত ব্রাহ্মদলের মফঃস্বলে কার্যক্ষেত্র বিস্তৃত হইলে এবং তত্রত্য নবগঠিত সমাজ সমূহকে একতাস্বত্রে বন্ধন করিবার আবশ্যক হইলে ১১ই নভেম্বর তারিখে উন্নতিশীল নবোদিত ব্রাহ্মদলের মধ্যে “ভারতবর্ষীয় ব্রাহ্মসমাজ” নামক একটি সমাজ প্রতিষ্ঠিত হইল। এখন হইতে কলিকাতা ব্রাহ্মসমাজ “আদি ব্রাহ্মসমাজ” নামে অভিহিত হইতে লাগিল।

১৮৬৭ খ্রীঃ হইতে কেশবচন্দ্র নিজভবনে দৈনিক উপাসনা পদ্ধতি এবং খোল করতালসহ সংকীর্ণনের প্রথা প্রচলন করেন।

১৮৬৮ খ্রীঃ ভারতবর্ষীয় ব্রাহ্মসমাজের নিমিত্ত উপাসনা-মন্দির নির্মাণ করিবার জন্ত এক খণ্ড ভূমি ক্রয় করিয়া তাহার ভিত্তি স্থাপন করিলেন। পর বৎসর এক মন্দির প্রতিষ্ঠিত হয়।

১৮৭০ খ্রীঃ ফেব্রুয়ারী মাসে কেশবচন্দ্র ইংলণ্ড গমন করেন। এখানে তিনি বিবিধ ধর্ম সম্প্রদায়, বৃহদাচারী ও ধনিগণ কর্তৃক বিশেষরূপে সমাদৃত হন। ইংলণ্ড যাইবার সময় কেশবচন্দ্র মাত্র এক মাসের বাসোপযোগী অর্থ সংগ্রহ করিয়া লইয়া গিয়াছিলেন। ইহার পর ছয় সাত ইংলণ্ড প্রবাস মাস কাল অবস্থান করিবার ব্যয় তথাকার ইউনিটেরিয়ান

সম্প্রদায় বহন করেন। সুবিখ্যাত দার্শনিক পণ্ডিত ডাক্তার মার্টিনোর ভজনা-লয়ে কেশবচন্দ্র, “ঈশ্বর প্রাণের প্রাণ” এই বিষয়ে একটি বক্তৃতা প্রদান করেন—এই ভজনালয়ে বক্তৃতাকালীন অনেক সম্ভ্রান্ত রাজপুরুষগণও উপস্থিত ছিলেন। অনন্তর তিনি নানা স্থানে বিবিধ বিষয়াবলম্বনে অনেক গুলি প্রাণস্পর্শী বক্তৃতা প্রদান করেন। এই সমুদয় বক্তৃতা প্রদান কালে সকলেই তাঁহার অসাধারণ বাগ্মিতা দর্শনে মুগ্ধ হইয়াছিলেন। “ভারতবর্ষের প্রতি ইংলণ্ডের কর্তব্য” নামক বক্তৃতায়, ভারতবর্ষীয় নীচশ্রেণীর ইংরাজ-দিগের অভ্যাচারের কথা ইংলণ্ডের জনসাধারণের সমক্ষে স্পষ্টভাবে ব্যক্ত করেন। খ্রীষ্টধর্মের গূঢ়ত্ব আলোচনা করিয়া “খ্রীষ্ট ও খ্রীষ্টধর্ম” নামক একটি বক্তৃতা করিলে সুইডেনবর্গ সভা হইতে তিনি অভিনন্দিত ও পুরস্কৃত হন। ইহার পর তিনি খ্রীষ্টলে আগমন করিয়া মহাত্মা রামমোহন রায়ের সমাধি এবং ষ্ট্রাটফোর্ডে আসিয়া সের্গাপয়রের জন্মস্থান দর্শন করেন। এই সময় তিনি কয়েকজন পাদরী কর্তৃক খ্রীষ্টধর্ম পরিগ্রহ করিতে অনুরুদ্ধ হন। অপরপর কয়েকস্থান ভ্রমণের পর লিভারপুলে গিয়া অস্থায়ী হইলেন; এই নিমিত্ত তথায় দুই সপ্তাহকাল বিশ্রামের পর লণ্ডনে প্রত্যাগমন করিলেন। ইহার পর তিনি গ্ল্যাসগো ও এডিনবারা গমন করেন। এই সময় তিনি সুবিখ্যাত পণ্ডিত জনষ্ট্রুয়ার্ট মিল, নিউম্যান প্রভৃতি মনস্বিগণের সহিত পরিচিত হইলেন; এবং এই সময়ই অসবর্ণ প্রাসাদে মহারাণী ভিক্টোরিয়ার সাক্ষাৎকার লাভ করেন। মহারাণী কেশবচন্দ্রকে নিজের এক খানি প্রতিমূর্তি ও তাঁহার স্বর্গীয় স্বামীর দুইখানি জীবনবৃত্তান্ত প্রদান করিয়াছিলেন।

এই পুস্তকদ্বয় মহারাণীর হস্তাক্ষরে সুশোভিত হইয়াছিল। কেশবচন্দ্র ও এই উপলক্ষে মহারাণীকে আপনার সহধর্মিণীর প্রতিমূর্তি উপহার প্রদান করিয়াছিলেন। ব্রাহ্মধর্ম প্রচারোদ্দেশ্যে এইরূপে ছয় সাত মাস কাল ইংলণ্ডে অবস্থান করিয়া ১৮ই সেপ্টেম্বর তারিখে স্বদেশ যাত্রা করেন।

স্বদেশ প্রত্যাগমন করিয়া কেশবচন্দ্র, নানাবিধ সংস্কার কার্যে হস্তক্ষেপ বিবিধ কার্য করেন। ১৮৭০ খ্রীঃ ১লা নভেম্বর "ভারত সংস্কার সভা" নামক একটি সভা সংস্থাপন করিয়া ইহার কার্য প্রণালী বিভিন্ন বিভাগে বিভক্ত করেন। যথা—(১) সুলভ সাহিত্য বিভাগ; এই বিভাগ হইতে এক পয়সা মূল্যের "সুলভ সমাচার" নামক একটি সংবাদ পত্র প্রকাশিত করেন। (২) দাতব্য বিভাগ (৩) শ্রমজীবীদিগের শিক্ষা বিভাগ বা নৈশ বিদ্যালয় (৪) স্ত্রী বিদ্যালয় বিভাগ; বয়স্থা মহিলাগণ এই বিভাগ হইতে শিক্ষা প্রাপ্ত হইতেন। (৫) সুরাপান নিবারণী বিভাগ; এই বিভাগ হইতে 'মদ না গরল?' নামক একখানি পত্রিকা বিনামূল্যে বিতরিত হইত, ইত্যাদি। এই সভার অনুষ্ঠিত কার্যাবলীর মধ্যে 'এলবার্ট কলেজ' এখনও বর্তমান রহিয়াছে। অপরপূর্ব বিভাগের অনুষ্ঠিত কার্যাবলী অধিক দিন স্থায়ী হয় নাই।

১৮৭১ খ্রীঃ কেশবচন্দ্র কতকগুলি ব্রাহ্ম পরিবারকে একত্র রাখিয়া দৈনিক উপাসনা ও অত্রান্ত সদনুষ্ঠান আচরণ মানসে "ভারত-আশ্রম" নামক একটি আশ্রম প্রতিষ্ঠা করেন। ইহার পর বৎসর তিনি গবর্ণমেন্টের নিকট ব্রাহ্ম বিবাহ পদ্ধতি বিধিবদ্ধ করিবার জন্ত যত্নপর হইলে 'আদি ব্রাহ্ম সমাজ' কর্তৃক আপত্তি উত্থাপিত হয়। এই নিমিত্ত, ১৮৭২ সালের ৩ আইন নাম দিয়া (Civil Marriage Act) একটি সিভিল বিবাহ বিধি প্রচলিত হইল। এই সময়, মহিলাদিগকে উপাসনা মন্দিরে যবনিকার অন্তরালে বসিবার স্থান প্রদান করিবার জন্ত অনুরুদ্ধ হইলে তিনি অধিকতর অগ্রসর দলের মহিলাগণের জন্ত বসিবার স্থানের ব্যবস্থা করিয়া দিলেন; এতদুপলক্ষে ইতিপূর্বে যে মনোমালিন্য ও স্বতন্ত্র সমাজ প্রতিষ্ঠিত হইয়াছিল তাহা আপাততঃ লুপ্ত হইয়া গেল। কিন্তু অত্রান্ত কারণ বশতঃ কতকগুলি সভ্য বিরোধী হইয়া পড়িলেন এবং "সমদর্শী" নামক একটি মাসিক পত্রিকা প্রকাশিত করিয়া কেশবচন্দ্রের অবলম্বিত মতে সমালোচনা করিতে প্রবৃত্ত হইলেন।

এই সময়, (১৮৭৩ খ্রীঃ কেশবচন্দ্র, কলিকাতার অনতিদূরে ধোড়কপুর গ্রামে "সাধক কানন" নামক একটি উদ্যান-বাটিকা ক্রয় করিয়া আপন শিষ্যসমাজে বৈরাগ্যের উপদেশ প্রদান করিতে লাগিলেন। ১৮৭৭ খ্রীঃ "সমদর্শী"-দল সমাজের কার্যের নিয়ম-তন্ত্র-প্রণালী সংস্থাপনোদ্দেশ্যে 'ব্রাহ্ম প্রতিনিধি সভা' গঠনে উদ্যোগী হইলেন। এই বৎসর কেশবচন্দ্র তদানীন্তন বড়লাট বাহাদুর লর্ড লিটন মহোদয়ের অনুরোধক্রমে "ধর্ম বিজ্ঞান ও উন্নততা" নামক একটি বক্তৃতা প্রদান করেন। মাদ্রাজ বিভাগে এই বৎসর দারুণ দুর্ভিক্ষ উপস্থিত হইলে কেশবচন্দ্র, দুস্থ ব্যক্তিগণের সাহায্য নিমিত্ত বহু অর্থ সংগ্রহ করিয়া প্রেরণ করেন। এই বৎসরই তিনি কলুটোলাস্থিত পৈতৃক ভবন পরিত্যাগ করিয়া "কমলকুটীর" নামক একটি নবকীর্তিত বাটীতে অবস্থান করিতে লাগিলেন।

১৮৮৮ খ্রীঃ কুচবিহারের অশ্রীপুত্রবয়স্ক রাজার সহিত কেশবচন্দ্রের নাবা-লিকা কন্যার বিবাহ উপস্থিত হইল। এই বিবাহে কুচবিহারাধিপতির কুল-রীতি অনুসারে কেশবচন্দ্র জাতিচ্যুত বলিয়া কন্যাকর্তার কার্য করিতে পাই-লেন না, উপবীতধারী রাজপুরোহিতগণের মন্ত্রপাঠে বিবাহ কার্য সম্পন্ন হইল। এতদ্ব্যতীত বিবাহোপলক্ষে ব্রহ্মোপাসনাাদিও হইতে পাইল না। ব্রাহ্মগণ এই সমস্ত কারণে কেশবচন্দ্রের প্রতি বীতস্পৃহ হইয়া তাঁহাকে

আচার্য্যের পদ হইতে ও ভারতবর্ষীয় ব্রাহ্মসমাজের সাধারণ ব্রাহ্মসমাজ।

সম্পাদকের পদ হইতে অপস্থত করিবার জন্ত বন্ধপরি-কর হইলেন। কেশবচন্দ্র ইহা হইতে দিলেন না। এই মতভেদ ও দলাদলি উপলক্ষে অধিকাংশ ব্রাহ্মই তাঁহাকে পরিত্যাগ করিয়া একটি স্বতন্ত্র ও অভি-নব সমাজ সংস্থাপন করিয়া "সাধারণ ব্রাহ্মসমাজ" নামে অভিহিত করিলেন।

কেশবচন্দ্র ইহার পর, নিজের সমাজের "নববিধান" নাম দিয়া

'নববিধান' তাহার সুশৃঙ্খলায় কার্য নির্বাহ মানসে নূতন নূতন বিধি ব্যবস্থা প্রণয়ন করিতে প্রবৃত্ত হইলেন। এই "নববিধান" সমাজের স্থায়িত্ব কল্পে তিনি ১৮৭৮ খ্রীঃ হইতে মৃত্যুকাল পর্যন্ত পাঁচবৎসর কাল অসাধারণ পরিশ্রম করিয়াছিলেন। ১৮৮১ খ্রীঃ হইতে দারুণ বহুমূত্র রোগে আক্রান্ত হইলেও "নববিধানের" কার্যে কিঞ্চিৎমাত্রও শ্রথ হন নাই।

১৮৭২খ্রীঃ তিনি গঙ্গাবক্ষে সংকীর্ণন, গঙ্গাদেবীর অর্চনা ও শারদীয় উৎসব সম্পন্ন করেন। মহাত্মা রামকৃষ্ণ পরমহংসের সহিত কেশবচন্দ্র ইতিপূর্বেই

অতিশয় ঘনিষ্ঠ ভাবে পরিচিত ছিলেন। তিনি এই উপলক্ষে কেশবচন্দ্রের সহিত সম্মিলিত হইয়াছিলেন। কেশবচন্দ্র এই বৎসর কতকগুলি ক্ষুদ্র ক্ষুদ্র পুস্তিকা প্রণয়ন করিয়া রেলওয়ে স্টেশনে বিতরণ করেন। সাপ্তাহিক উৎসব উপলক্ষে “আমি কি প্রত্যাশিষ্ট পুরুষ?” শীর্ষক নিজের অসাধারণত্ব প্রতিপাদক একটি বক্তৃতা প্রদান করেন। এই বক্তৃতায় তিনি আপনাকে বালক কাল হইতে নিরামিষাষী বলিয়া অভিহিত করেন। “খ্রীষ্ট কে?” নামক বক্তৃতাও এই বৎসর প্রদান করেন। নারীজাতিকে জ্ঞান ধর্ম ও গৃহকার্যে সুশিক্ষিত করিবার জন্ত “আর্য্য নারীসমাজ” এবং ব্রাহ্ম প্রচারকগণের বাসস্থানের নিমিত্ত “মঙ্গলবাড়ী” নামক কয়েকটি গৃহও এই বৎসর প্রতিষ্ঠিত হয়।

অনন্তর কেশবচন্দ্র, নিজ শিষ্যবর্গের মধ্যে প্রতাপচন্দ্র মজুমদারের উপর খ্রীষ্টীয় ধর্মশাস্ত্র, গৌরগোবিন্দ রায়ের উপর হিন্দুশাস্ত্র, গিরিশচন্দ্র সেনের উপর মুসলমান শাস্ত্র, অঘোর নাথ গুপ্তের উপর বৌদ্ধশাস্ত্র, এবং ত্রৈলোক্যনাথ সান্যালের উপর সংগীত শাস্ত্র অনুশীলনের বিশেষরূপে ভার্য্য করিলেন। কিছুদিন পর তিনি স্বদলবল সহ প্রচারার্থ বহির্গত হন। এই সময় হইতে তিনি সমাজে গৈরিক বস্ত্র প্রচলন আরম্ভ করেন এবং হিন্দু আচার ব্যবহারের প্রতি যথেষ্ট অনুরক্ত হন। এই বৎসর তিনি নৈনীতালে গিয়া সপরিবারে বাস করিতে লাগিলেন এবং বাঘাধর পরিধান করতঃ সস্ত্রীক ভজন সাধনে প্রবৃত্ত হইলেন। নৈনীতাল হইতে প্রত্যাগত হইয়া তিনি কয়েকটি ক্ষুদ্র ক্ষুদ্র ইংরাজী পুস্তিকা প্রচারিত করেন।

১৮৮০ খ্রীঃ কেশবচন্দ্র প্রচারক সভায় “প্রেরিতদিগের দরবার” এইরূপ নামকরণ করিলেন। এই বৎসরের উৎসবের সময় বেদ, বাইবেল, কোরাণ, ললিতবিস্তর একত্র স্থাপন করিয়া তাহাতে ‘নববিধানের’ ধ্বজা উড়াইয়া দলস্থ সকলকেই উহা স্পর্শ করিতে অনুরোধ করিলেন। যাহারা করিলেন না, তাহারা তাহার ‘বিধান’ ভুক্ত হইতে পারিলেন না। এখন হইতে কেশবচন্দ্র সংসারের যাবতীয় ভার অর্পণ করিয়া কেশমুণ্ডন ও গৈরিক বসন পরিধান পূর্বক ভিক্ষার কুলি গ্রহণ করিলেন। “যুগধর্ম্মমাহাত্ম্য প্রতিপাদক হরিলীলা বা বিধান ভারত” নামক মহাকাব্য তিনি এই সময় রচনা করেন। “একাধারে নরনারীর প্রকৃতি” নামক উপদেশও এই সময় প্রদত্ত হয়।

১৮০১ খ্রীঃ তিনি বহুমূত্র রোগাক্রান্ত হইয়া স্বাস্থ্যোন্নতি কল্পে দার্জিলিং

গমন করেন। প্রত্যাগমন করিয়া শ্রীযুক্ত বাবু ত্রৈলোক্যনাথ সান্যাল-বিরচিত ‘নববৃন্দাবন’ নামক একটি নাটকের অভিনয় করেন। বালক কাল অবধি তাহার অভিনয় করিবার বাতিক ছিল। ‘নববিধান’ (New Dispensation) নামক ইংরাজী সংবাদপত্র, পরিচারিকা, বালকবন্ধু, খ্রিষ্টিয়িক কোয়ার্টারলি রিভিউ প্রভৃতি পত্রিকাও এই বৎসর প্রকাশিত হয়। ‘এতদ্বতীত “ব্রহ্মবিদ্যালয়” ও মহিলাগণের বিদ্যাশিক্ষার নিমিত্ত ভিক্টোরিয়া কলেজও এই সময় স্থাপন করেন।

কলিকাতা টাউনহলে ১৮৮২ খ্রীঃ “ইউরোপের নিকট এসিয়ার সংবাদ” পীড়িতাবস্থা। নামক একটি বক্তৃতা প্রদান করেন। ইহাই তাহার শেষ বক্তৃতা। এই বৎসর বাৎসরিক ব্রহ্মোৎসব সম্পন্ন হইয়া গেলে তিনি সপরিবারে সিমলা শৈলে স্বাস্থ্যোন্নতি মানসে যাত্রা করেন। তথায় গিয়া “নবসংহিতা” (The New Code or the Sacred Laws of the Aryans of the New Dispensation) নামক পুস্তকের পাণ্ডুলিপির কিছুদংশ লিখিয়া পীড়ার প্রভাব অনুভব করেন। এই পীড়িতাবস্থাতেই আমেরিকার কোন ব্যক্তির অনুরোধে “যোগ” নামক একটি প্রবন্ধ লিখিয়া তাহাকে প্রেরণ করেন। এই সমস্ত কারণ বশতঃ তিনি একবারে অবসন্ন হইয়া পড়িলেন। চিকিৎসকের উপদেশ অনুসারে এই সময় তিনি প্রত্যাহ দুই তিন ঘণ্টা কাল সূত্রধরের কার্য্য করিয়া কিঞ্চিৎ পরিমাণে সুস্থ হইতেন।

১৮৮৩ খ্রীঃ কলিকাতায় প্রত্যাগত হইয়া নববিধানের জন্ত কিঞ্চিৎ সুস্থ রহিলেই পরিশ্রম করিতেন। এইরূপে পীড়া ক্রমশঃ বৃদ্ধি প্রাপ্ত হইল। কেশবচন্দ্র, সময় সন্নিহিত বুদ্ধিগয়া ১৮৮৪ খ্রীঃ বড়সাঁধের দৈনন্দিন উপাসনা মন্দিরের প্রতিষ্ঠা কার্য্য সম্পন্ন করিয়া লইলেন।

কেশবচন্দ্র এই বহুমূত্র রোগের মর্মান্তক বেদনার অনবরত ভয়ানক কষ্ট অনুভব করিতেন। কিন্তু কি আশ্চর্য্যের কথা, সময়ক্রমে এই যন্ত্রণার কিঞ্চিৎমাত্র উপশম বোধ করিলে উপাসনা মন্দিরের কথা কহিয়া যেন কতই তৃপ্তিলাভ করিতেন। অনন্তর ৮ই জানুয়ারী ১৮৮৪ খ্রীঃ পূর্বাছে সর্ববিধ

শেষ জ্বালা যন্ত্রণা হইতে নিষ্কৃতি লাভ করিয়া পুণ্যায়ময় দিব্যধামে চলিয়া গেলেন। ৪৬ বৎসর মাত্র বয়সে অধিকন্তু কর্ম্মময় জীবনের এই

রূপে অকালে অবসান হইল।

সাহিত্য-সেবা—কেশবচন্দ্র, সাক্ষাৎ সশব্দে বঙ্গ ভাষার পরিচর্যায় নিযুক্ত

ছিলেন না। ধর্মালোচনার ক্ষেত্রে তিনি আজীবন প্রাণপণে পরিশ্রম করিয়া গিয়াছেন, ধর্মসংস্কার, তাঁহার জীবনের মুখ্যব্রত ছিল; এই সংস্কার কল্পে তিনি বক্তৃতা প্রদান, পুস্তিকা প্রচার, সংহিতা প্রণয়ন প্রভৃতি যে সকল পন্থানুসরণ করিয়াছিলেন, ভাষা তাহাতেই যথেষ্ট পুষ্টিলাভ করিয়াছে, সন্দেহ নাই। তাঁহার প্রণীত রচনাবলীর ভাব ও ভাষা, তাঁহার হৃদয়ের গভীরতম দেশ হইতে সমুখিত হইত, কখনই তাহাতে অন্তঃসারশূন্যতার লেশমাত্র পরিলক্ষিত হইত না; এই নিমিত্ত তাঁহার বক্তৃতা ও রচনাবলী ক্ষণস্থায়ী না হইয়া সমাদর লাভ করিয়াছে। দুঃখের বিষয়, কেশবচন্দ্রের অধিকাংশ রচনাবলী, নিজ অনুসৃত মতাবলীর বহুল প্রচারোদ্দেশ্যে ইংরাজী ভাষায় রচিত। তাঁহার গ্রাম্য প্রতিভাশালী মহাপুরুষের নিকট বঙ্গভাষা আশানুরূপ পুষ্টিলাভ করিতে পারে নাই, ইহা পরিতাপের বিষয়। কেশবচন্দ্রের ইংরাজী বক্তৃতা ও রচনাবলী, মহা মহা পাশ্চাত্য পণ্ডিতগণকেও স্তম্ভিত ও চমৎকৃত করিয়া তুলিয়াছিল—

\* \* \* His English was wonderfully pure, his delivery, free and graceful and his finish, at times, almost Ciceronian. It was this faculty that so greatly impressed his English admirers and made him the idol of young Bengal—"The Englishman."

\* \* \* Keshub chundra Sen will stand as an orator in the front rank with men like Gladstone, Bright and Gambella, except that his influence in oratory was devoted to religion and culture of the heart, instead of politics and statecraft—"Indian Daily News".

"\* \* \* In his frequent lectures he kept his audience composed of Europeans and educated natives spell-bound. He was versatile to a degree and could discuss any subject shewing a keen and penetrating understanding in all his views."

(১) "বিধান ভারত বা যুগধর্ম্য মাহাত্ম্য প্রতিপাদক হরিলীলা নামক বাঙ্গালা রচনা মহাকাব্য"—এই মহাকাব্যের প্রথমমোল্লাস ১৮৮০ খ্রীঃ এবং দ্বিতীয়মোল্লাস তাহার পর বৎসর প্রকাশিত হয়। এই পুস্তকে কেশবচন্দ্র রচিত্তা বলিয়া আপনার নাম প্রকাশিত করেন নাই। বর্ণিত বিষয়ের আভাষ

কতকাংশ বৃত্তিতে পারা যাইবে বলিয়া এই কাব্যের প্রথম ও দ্বিতীয় উল্লাসের নির্ঘণ্ট পত্র উদ্ধৃত হইল। প্রথমমোল্লাস—

মঙ্গলাচরণ, পবিত্রাত্মা ও আদ্যাশক্তির বন্দনা, গৃহর্ষি ষোগানন্দের আশ্রম, যুগধর্ম্য মহা প্রলয়, দেবগণ কর্তৃক ভগবানের স্তব, নববিধানের ধর্ম, স্বর্গপুরী, ধরাতলে দেব সমাগম, উৎসবমন্দির, দেব সভায় ভগবানের উক্তি, ভগবদাক্যের ব্যাখ্যান, নববিধানের রাজ্যাভিষেক, নববিধানের দীর্ঘজয় বাত্রা, দাধুভোজন, চিরঞ্জীবের সহিত পুরঞ্জনের ধর্ম্মালাপ, দেবায়ুরের সংগ্রাম, জয়গীত। এই সপ্তদশ সর্গ।

দ্বিতীয়মোল্লাস যথা—

ইষ্ট পূজা, পুরঞ্জনের আত্মবিলাপ, আত্মারামচরিত, চিরঞ্জীবের নগর প্রবেশ, সৃষ্টিলীলা, ভগবৎতত্ত্ব, বিধান প্রসঙ্গ, পাষণ্ড দলন, হিমালয়ে যোগ শিক্ষা, মহাযোগ সমন্বয়, শাক্যসিংহ, দেবর্ষি মুশা, যিশু চরিত। এই ত্রয়োদশ সর্গ।

প্রথমমোল্লাসে চিরঞ্জীবের সহিত পুরঞ্জনের ধর্ম্মালাপ প্রসঙ্গে বলিতেছেন—

\* \* \* ওহে মিত্র! হরিলীলা কাব্য,  
ভক্তিরস, নহে বুদ্ধি জ্ঞানের গোচর;  
চলিবে যখন ভাব পথে, পাবে স্বাদ  
তখন হৃদয়ে; এবে নব্রতাবে ভজ,  
কর পূজা হরিপদ, সর্বসিদ্ধিপ্রদ।  
কোন ধর্ম্মাবলম্বী নহে স্ফূর্ণাস্পদ  
এ জগতে; জন্মদোষে নহে কেহ পাপী,  
সকলেই ভগবতাত্মজ; তবে ইহা  
জানিও নিশ্চয় ভাল মন্দ দুই আছে  
সর্ব্ব ঘটে, তুমি আমি সবে অপরাধী।

\* \* \*  
নূতন বিধান নহে নিরাপদ, বহু  
শত্রুদল, পাছে পাছে ঘুরিছে নিয়ত—  
কেহবা প্রকাশ্যে কেহ মিত্র বেশ ধরি।  
মঙ্গল বিধাতা হরি করুণা নিধান

(যন্ত্র যন্ত্র তাঁর প্রেম লীলা!) কৃপা করি  
অবতীর্ণ হইলেন তিনি বঙ্গদেশে,  
বিতরিতে প্রেম ভক্তি বিশেষ বিধান ;  
এমন গুণের হরি প্রাণের সুহৃদে  
বাধা দেয় যেই, ঘোর পাষণ্ডী সে জন ।  
বিধান বিরোধী, অবিধাসী, নাহি পাবে  
সহজে নিষ্কৃতি ; তার পাপ, অপরাধ  
গুরুতর, নাহি তাহে প্রায়শ্চিত্ত বিধি । ইত্যাদি

(২) 'সুলভ সমাচার'—ইতিপূর্বে এদেশে ৫ মূল্যের, বঙ্গভাষায় পরিচালিত সংবাদ পত্রের প্রচার ছিল না। কেশবচন্দ্র, বিলাত হইতে প্রত্যাগমন করিয়া ১৮৭০ সালের নভেম্বর মাস হইতে, তদদেশীয় পত্রিকার অনুকরণে, 'ভারত সংস্কার সভার' অধীন, সুলভ সাহিত্য প্রচার বিভাগ হইতে সর্ব প্রথম "সুলভ সমাচার" নামক সাপ্তাহিক পত্র প্রচার করেন। ইহাতে বঙ্গভাষায় সুলভ সাহিত্য প্রচারের কার্য অনেক সহজ হইয়া যায়। এই পত্রিকা সপ্তাহে তিন চারি সহস্র বিক্রীত হইত। (৩) 'ধর্মতত্ত্ব'—১৮৬৪ খ্রীঃ এই পত্রিকা প্রকাশিত হয়। এই পত্রিকা প্রচারের উদ্দেশ্য অগ্রে বর্ণিত হইয়াছে। (৪) 'নবসংহিতা' ইতিপূর্বে দেবেন্দ্রনাথ ঠাকুর মহাশয় তাঁহার নিজের সমাজের নিমিত্ত 'অনুষ্ঠান পদ্ধতি' নামক পুস্তক প্রণয়ন করিয়াছিলেন। ভবিষ্যৎ গোলোযোগের আশঙ্কা করিয়া কেশবচন্দ্র, জীবনের শেষাবস্থায় রোগ শয্যা শয়ান রাখিয়াও আপন বিভাগীয় সমাজের নিমিত্ত নূতন বিধি, নূতন সাধন, নূতন প্রণালী প্রভৃতি লিপিবদ্ধ করিয়া নব সংহিতা প্রণয়নে নিযুক্ত হন। এই পুস্তকে বর্ণিত মতামত লইয়া নিজ দলস্থ ব্যক্তিগণের মধ্যে কি জানি বৈধভাব সংঘটিত হয়, এই নিমিত্ত তিনি বলিতেন—'ইহা স্বর্গীয় আদেশ নহে যে ইহার প্রত্যেক অক্ষরই ক্রম বলিয়া মানিতে হইবে—ইহা কার্যানুবর্তী হইবার নিদেশ মাত্র; ইহার ভাবানুবর্তী হইয়া কার্য করিলেই চলিতে পারে। কেশবচন্দ্র, এই পুস্তকখানি স্বতন্ত্রভাবে মুদ্রিত দেখিয়া যাইতে পারেন নাই। (৫) 'জীবন বেদ' পঞ্চদশ অধ্যায়ে বিভক্ত কেশবচন্দ্রের স্বরচিত জীবনচরিত।

কেশবচন্দ্র বঙ্গভাষায় যে সমুদয় বক্তৃতা বা উপদেশ প্রদান করিতেন, তাহা শ্রবণ করিয়া সংস্কৃতজ্ঞ পণ্ডিতগণও ভাষার বিশুদ্ধতা ও ওজস্বিতা দেখিয়া

স্তুভিত হইতেন। বক্তৃতা কালীন তিনি আদৌ অঙ্গভঙ্গি করিতেন না—তিনি যাহা কিছু বলিতেন, তাহা হৃদয় ঢালিয়া বলিতেন, সুতরাং তাঁহার মুখ নিঃসৃত বাণী শ্রোতৃবৃন্দের প্রাণে প্রাণে অনুপ্রবিষ্ট হইয়া তাঁহাদিগকে অপূর্ব উত্তেজনায় সঞ্জীবিত করিয়া তুলিত।

• এতদ্ব্যতীত কেশবচন্দ্র অনেক মনস্বীকে মাতৃ ভাষায় রত্ন আহরণের নিমিত্ত উদ্বোধিত করিতেন। 'শ্রীকৃষ্ণের জীবন ও ধর্ম' নামক উৎকৃষ্ট পুস্তকখানি তাহার উজ্জল দৃষ্টান্ত!

কেশব চাঁদ—

পাঁচালীকার ।

(প্রবাসী ১১১৭৩)

কেশবমোহিনী দাসী—

"মাধুরী" নামি নাটিকা রচয়িত্রী ।

(নব্যভারত ৭১৬১৯)

শ্রীশিবরতন মিত্র ।

## লৌকিক ব্রত-বিবরণ ।

প্রসিদ্ধি আছে, 'লোকাচার শাস্ত্র অপেক্ষা বড়,' কেবল প্রসিদ্ধ নয়, ইহা সর্ববাদীসম্মতও বটে। এই কারণেই যুগে যুগে সকল সমাজেই শাস্ত্রা-পেক্ষা লোকাচারের সমাদর বেশী এবং জগতের প্রায় সকল জাতির মধ্যেই বহুতর শাস্ত্রবহির্ভূত আচার অনুষ্ঠান আবহমান কাল চলিয়া আসিতেছে। পবিত্র ধর্মবৃক্ষের অঙ্গে এই গুলি 'আগাছা,' তাহাতে আর সন্দেহই নাই। কিন্তু কথায় বলে 'বিশ্বাসে মিলায়ে বস্তু, তর্কে বহু দূর।' এই সকল অশাস্ত্রিক আচার পদ্ধতি ও বিশ্বাস এবং ভক্তিমণ্ডিত হইয়া অনুষ্ঠাতৃগণের হৃদয়ে তদসম্পাদনদ্বারা পুণ্য-সঞ্চয়ের বাসনা জাগাইয়া তুলে। দেবতা-বহুল হিন্দু-সমাজে লোকাচারের প্রভাব যত বেশী, অতীত কোন জাতির মধ্যে বোধ হয় তাহার দশমাংশও নাই। শাস্ত্রান্তর্গত তেত্রিশ কোটি দেবতা ভিন্ন আরো যে কত কল্পিত উপদেবতার স্থান হিন্দু-হৃদয়ে বিরাজিত রহিয়াছে, তৎসমাজ বহির্ভূত অত্রের পক্ষে তাহার সম্যক পরিজ্ঞান বড়ই দুর্ঘট। সাধ-রণতঃ আমরা হিন্দুসমাজে বারমাসে তের পার্বণের কথাই শুনিয়া থাকি,

কিন্তু তাহা, ব্যতীত তাঁহাদের মধ্যে আরো অনেক ক্রিয়া কলাপ, বারব্রত প্রচলিত আছে, দেখিতে পাওয়া যায়। বর্তমান প্রবন্ধে আমরা চট্টগ্রামে প্রচলিত হিন্দু-লৌকিক ব্রত গুলির একটু সংক্ষিপ্ত পরিচয় দিতে প্রবৃত্ত হইয়াছি।

মানুষের হৃদয়বৃত্তির গতিপর্যবেক্ষণ করিবার জন্ত এই সকল ব্রতের বিবরণ সংগ্রহ একান্ত আবশ্যিক। সৃষ্টির শ্রেষ্ঠ জীব মানুষ আত্মরক্ষণ ও আত্ম-কল্যাণ-কামনায় কালে কালে কত কিছুই না আশ্রয় গ্রহণ করিয়াছে। ভাবিয়া দেখিলে, এই জগতে কিছুই আশ্চর্য্য বোধ হয় না।

চট্টগ্রামের ভিন্ন ভিন্ন অঞ্চলে কি কি লৌকিক ব্রত প্রচলিত আছে, একজনের পক্ষে তাহার সংবাদ সংগ্রহ সহজ নহে। এই পর্য্যন্ত আমরা আনোয়ারা অঞ্চলে প্রচলিত অনেকগুলি ব্রতের নাম ও বিবরণ সংগ্রহ করিয়াছি। নিম্নে ক্রমে সেইগুলির সংক্ষিপ্ত বিবরণ লিপিবদ্ধ হইতেছে।

### বেল ভাতা।

ইহার অপর নাম বেলকুমার—কালকুমারের ব্রত। ইহা বৈশাখ মাসের প্রথম দিবস হইতে আরম্ভ হইয়া সংক্রান্তি দিবসে শেষ হয়। ব্রতকারিণীগণকে দিনে দুইবার আহার করিতে হয়। সূর্যাস্তের পর শস্ত্র জাত কোন আহার করা নিষিদ্ধ। পুরোহিত ঠাকুর বৈশাখ মাসের যে কোন রবিবারে সূর্য্য পূজা সমাপনান্তে এই ব্রতের 'পূর্ণা' দিয়া থাকেন। সেই দিন ব্রতকারিণীগণ আত্মীয় স্বজন সঙ্গে লইয়া আহার করিতে বসেন। খাইবার পূর্বে একখানি কলাপাতায় কতক ভাত, যতরকমের তরকারির আয়োজন হইয়াছে, সকল রকম তরকারি ও কিঞ্চিৎ গব্য দিয়া, দুইটা জবাফুলের মালা দুইটা বংশখণ্ডে বুলাইয়া কোনও পুকুরের পাড়ে বাড়াইয়া দিতে হয়। ইহাকে বেলভাত বাড়ান বলে। ব্রতকারিণীগণ সে দিন একাহারী থাকেন। 'বেলভাত' বাড়ানের পর কেহ কেহ দিনে দুইবার আহার করেন, কেহ কেহ করেন না।

বেল বা বেলায় অর্থাৎ সূর্য্য-কিরণে ভাত খাওয়া হয়; বলিয়াই ইহার নাম 'বেলভাতা'। এই ব্রত করিলে নাকি ধনে পুত্রে বৃদ্ধি হয়।

শাস্ত্রীয় বা অশাস্ত্রীয় প্রায় প্রত্যেক ব্রতেরই মাহাত্ম্যজ্ঞাপক ব্রত কথা বা পাঁচালী রচিত হইয়াছে, দেখা যায়। কোন্ সময়ে কোন্ ব্রতের সৃষ্টি

হইয়াছে, উক্ত গ্রন্থসকলের ভাবালোচনা করিলে তাহা অনেকটা অনুমান করা যাইতে পারে। হইতে পারে কোন কোন পাঁচালী ব্রত-সৃষ্টির পরেই বিরচিত হইয়াছে, কিন্তু বড় বেশী দিন পরে, বলিয়া বোধ হয় না। আলোচ্য-মান ব্রতের যে ক্ষুদ্র পাঁচালী পাওয়া গিয়াছে, প্রামাণিক বোধে এবং রক্ষণার্থে তাহা এখানেই প্রকাশিত করা উচিত। অপরাপর ব্রত সম্বন্ধেও আমরা এই নিয়মের অনুসরণ করিব। এতদ্বারা দুইটি উদ্দেশ্য সাধিত হইবে,—এক দিকে বিলুপ্তপ্রায় পুঁথিগুলির উদ্ধার, অপর দিকে ব্রতগুলির সম্বন্ধে সম্যক বিবরণ পরিজ্ঞানের সুবিধা। বলা উচিত যে, প্রাচীন সাহিত্য বলিয়া পুঁথি-গুলির ভাষা প্রভৃতির সমালোচনার ভার সুবী পাঠকবর্গের উপরেই হস্ত থাকিল। সেই পুঁথিখানি এইঃ—

### কাল-বেল কুমারের ব্রত পাঁচালী।

প্রণমোহ গিরিসুতা-সুতের পদেতে ।  
 প্রণমোহ সূর্য্যদেব বন্দিয়া শিরেতে ॥  
 সরস্বতী দেবী বন্দম ভকতি করিয়া ।  
 গুরু চরণ বন্দম যুগপাণি হইয়া ॥  
 ব্রহ্মা বিষ্ণু শিব দুর্গা বন্দিয়া শিরেতে ।  
 ত্রিভুবন দেব বন্দম হইয়া হরসিতে ॥  
 অষ্ট লোক পাল বন্দম করি পরিহার ।  
 মাতা পিতার চরণেতে করি নমস্কার ॥  
 সর্ব দেব চরণে যে শিরেতে বন্দিয়া ।  
 কাল বেল কোয়ারের (১) ব্রত পাঁচালি রচিয়া ॥ ৫  
 মতা যুগে এক বিপ্র হুঃখিত আছিল ।  
 পুত্র কন্যা তান (২) ঘরে কিছু না জন্মিল ॥  
 অনেক দেবতা পূজা করে দ্বিজবর ।  
 দেবতার বরে কন্যা জন্মে দ্বিজের ঘর ॥  
 কথ দিন পরে তার দৈবের ঘটন ।  
 অকস্মাৎ ব্রাহ্মণীর হইল মরণ ॥

১। কোয়ারের—কুমারের 'কুমার স্থলে কোন কোন পুঁথিতে 'কোয়ার' বা 'কোঙর' লেখা গিয়াছে দেখা যায়। (২) তান—তার।



মাও মৈল দেখি কত্যা ব্যাকুল হইল ।  
 বৃদ্ধ পিতা সঙ্গে কন্যা কথ্য দিন ছিল ॥  
 প্রাতঃকালে জাএ দ্বিজ ভিক্ষা মাগিবারে ।  
 দিনান্তে কন্যার স্থানে মিলে দ্বিজবরে ॥ ১০  
 এই মনে কথ্য দিন আছিল ব্রাহ্মণ ।  
 কন্যারে দেখিয়া দ্বিজ ভাবে মনে মন ॥  
 বিবাহের যোগ্য হৈল না দেখি উপায় ।  
 কিরূপে হইব বিবাহ ভাবিয়া না পায় ॥  
 হাহারে দারুণ বিধি ভজিলুম তোমারে ।  
 কন্যার বিবাহে হেতু ধন দেও মোরে ॥  
 এথেক ভাবিয়া দ্বিজ ভিক্ষারে চলিল ।  
 স্বর্গে থাকি বিধাতা এ কৃপায়ুক্ত হৈল ॥  
 বিধাতা আসিল এক সন্ন্যাসীর ভেস (৩) ধরি ।  
 ভিক্ষা মাগিবারে গেলা ব্রাহ্মণের বাড়ি ॥ ১৫  
 ব্রাহ্মণের কন্যা তবে সন্ন্যাসী দেখিয়া ।  
 ভিক্ষা আনি দিল কন্যা হরসিত হইয়া ॥  
 কন্যা দেখি সন্ন্যাসী তো কামাতুর হৈল ।  
 বাটির বাহিরে গিয়া পেশ্রাপ (৪) করিল ॥  
 সন্ন্যাসীর পেশ্রাবেতে ঋতু পাত হৈল ।  
 রক্ত সাত (৫) অকস্মাত ঋতু জে জন্মিল ॥  
 গৃহ হোন্তে সেই কত্যা হরসিত হইয়া  
 আপনার গৃহে তবে আনিল তুলিয়া ॥  
 রক্ত শাক খাইলো কত্যা রক্তন করিয়া ।  
 সেই দিনে গর্ভ কত্যা গুন মন দিয়া ॥ ২০  
 দিনে দিনে বাড়ে কত্যা গর্ভ বৃদ্ধি হইয়া ।  
 \* \* \* \* ॥  
 এক ছই তিন ক্রমে নবম মাস হৈল ।  
 দেখিয়া জে দ্বিজবরে ভাবিতে লাগিল ॥

(৩) ভেস—বেশ।

(৪) পেশ্রাপ—প্রস্রাব।

(৫) 'রক্তশাকে' পাঠ হইবে, বোধ হয়।

এইরূপে সর্বলোকে হৈল কাণাকাণি ।  
 পরস্পরে জানিলেক বৃদ্ধ নৃপমণি ॥  
 রাজাএ পাঠাইল কোটাল ব্রাহ্মণী আনিতে ।  
 কত্যা সঙ্গে আনি দ্বিজ আমার সাক্ষাতে ॥  
 রাজা বলে সুন কত্যা আমার বচন ।  
 অকুমারী হও কেনে গর্ভের লক্ষণ ॥ ২৫  
 কত্যা বলে সুন রাজা আমার বচন ।  
 বিস্তারিয়া কহি সুন সেই বিবরণ ॥  
 এক দিন সন্ন্যাসী জে ভিক্ষারে জে আইলো ।  
 ভিক্ষা লইয়া বহির্দেশে পেশ্রাপ কোরিল (করিল) ॥  
 সেই ভূমে সুন রাজা দৈবের ঘটন ।  
 অকস্মাত রক্ত শাক উঠে ততক্ষণ ॥  
 রক্তশাক দেখিয়া রক্তন করি খাইলুম ॥  
 সেই দিনে দৈব দোষে গর্ভবতী হইলুম ॥  
 এই বহি (৬) জানি যদি দোহাই তোমার ।  
 বিচার করিয়া দোষ রক্ষহে আমার ॥ ৩০  
 এখ সুনি বোলে রাজা সুন কোটয়াল ।  
 কারাগারে নিয়া কত্যা রাখহ তৎকাল ॥  
 এখ সুনি কারাগারে কত্যা রাখিল ।

## লাচারি ।

কারাগারে কত্যা তবে কান্দিতে লাগিল ॥  
 কান্দে কত্যা কারাগারে, এখ ছুঃখ বিধি মোরে,  
 কেনে বিধি কৈলা হেন কাজ ।  
 শিশু হইয়া ছুঃখ পাইলুম, পতি মুই না চিনিলুম,  
 কেন বন্দী কৈল নৃপরাজ ॥  
 হাহা বে দারুণ বিধি, নাহি জানি কোন সন্ধি,  
 কেনে বিধি এখ ছুঃখ মোরে ।

(৬) বহি—বই, ব্যতীত।

বৃদ্ধ পিতা আছে ঘরে,                    দোষ কিবা দিব তারে,  
 বধ দিমু বিধাতা উপর ।  
 এই মতে কান্দে রামা,                    মনে ভাবি অক্ষেমা, (৭)  
 নিশি দিশি কান্দে এই মতে ।  
 তার পরে গুভ (শুভ) হইল,                    দশমাস পূর্ণ হইল,  
 প্রসব জন্মিল উদরে ॥ ৩৫  
 বিধাতার কৃপা হৈল,                    বন্ধন থশিয়া গেল,  
 বৈসে রামা হৈয়া হরসিত ।  
 বন্ধন জে মুক্ত দেখি,                    হরসিত চন্দ্রমুখী,  
 মনেতে হইয়া হরসিত ॥

এই মতে প্রসব জে বেদনা জন্মিল ।  
 শুভক্ষণে দুই শিশু জন্ম জে হইল ॥  
 দেখিতে সুন্দর শিশু জেন চন্দ্রমুখ ।  
 শিশু দেখি কণ্ঠার জে থণ্ডে সর্ক ছুথ ॥  
 অদভূত দেখিয়া শিশু সুন মন দিয়া ।  
 ভূমিতে পরিয়া (পড়িয়া) কথা কহেন ডাকিয়া ॥  
 সুন সুন অহে মাতা আমার বচন ।  
 আমার জন্ম কথা করহ শ্রবণ ॥ ৪০  
 সংসারেতে যথ দেব পূজয়ে সকল ।  
 আমার দুহের পূজা নাহি খিতিতল ॥  
 এই আমরা চলিলাম সুনহ বচন ।  
 সকলের কহ মোরার (৮) পূজার কথন ॥  
 কন্যাএ বোলেন সুন আমার বচন ।  
 কোন দেব হও তোরা পূজা জে কেমন ॥  
 এথ সুন দুই শিশু লাগে বলিবারে ।  
 কাল বেল কোয়র বলি নাম আমরা ॥ (৯)

(৭) অক্ষেমা—দুঃখ ।

(৮) মোরার—মোদের ।                    (৯) আমরা—আমাদের ।

প্রথম বৈশাখ মাসে ব্রত আরম্ভিব ।  
 সূর্য্য অস্ত পূর্বে সতী দিনে অন্ন খাইব ॥ ৪৫  
 রাত্রিতে না খাইব অন্ন থাকি উপবাস ।  
 এই মতে খাইব অন্ন সর্ক বৈশাখ মাস ॥  
 তার পরে সুন মাতা নিবেদি তোমারে ।  
 সর্ক মাস মধ্যে এক দিনে পূজা করে ॥  
 ঘঠ স্থাপি গণেশাদি পূজিব হরিসে ।  
 কাল বেল বোলি পূজিব বিশেষে ॥  
 একখান কাষ্ঠাসনে পুষ্প দুর্কাসনে ।  
 ষোড়শোপচারে পূজা বেদের বিধানে ॥  
 শুচি হইয়া অন্ন ব্যঞ্জন রাখিব সকল ।  
 আত্র দিয়া রক্ত শাক রাখিব সকল ॥ ৫০  
 দুই ভাগ করি অন্ন উৎসর্গিয়া দিব ।  
 এই ব্রত কথা সব ভক্তি ভাবে কইব ॥  
 কাল কোয়রের অন্ন জলে সে বারাইব (বারাইব) ।  
 রক্ত পুষ্প মালা ধ্বজ তার সঙ্গে দিব ॥  
 বেল কোয়রের অন্ন ব্রতী সবে খাইব ।  
 ধনে পুত্র বর তবে সেই ক্ষণে পাইব ॥  
 এই ব্রত করে জেই মনে শ্রদ্ধা করি ।  
 ধনে পুত্র বর দিয়া বারাই (বাড়াই) ঠাকুরালি ॥  
 না করিবে ব্রত শনিবার মঙ্গলবার ।  
 বুধ শুক্র শুক্র সোম এই চারি বার ॥ ৫৫  
 এই চারি বারে জার (যার) মনে ইচ্ছা করে ।  
 শুক্র পক্ষ বৈশাখেতে এই ব্রত করে ॥  
 আর এক বাক্য মোর সুনহ শ্রবণ ।  
 এই আমরা চলি জাই রাজার ভুবন ॥  
 রাজারে কহিয়া স্বপ্ন করিব গমন ।  
 কালুকা হইব তোমার বন্ধন মোছন ॥ (১০)

(১০) মোছন—মোচন ।

এথেক কহিয়া শিশু হৈলা অন্তধান (অন্তর্দান) ।  
 রাজারে কহিতে স্বপ্ন করিলা পয়ান ॥  
 খাটেতে পরম সুখে রাজা নিদ্রা জায় ।  
 কাল বেল কোয়রে গিয়া স্বপ্ন জে বুঝায় ॥৬০  
 সুন মহারাজা বলি তোমার গোচরে ।  
 মোর মাতা বান্ধিয়া রাখিছ কারাগারে ॥  
 বন্দি হোতে মাও মোর করহ মোছন ।  
 নহে ধনে পুত্রের তোমার করিব নিধন ॥  
 মোর মাএর ঠাই শুন আমার কাহিনী ।  
 সেই মতে ব্রত কর রাজা চূড়ামণি ॥  
 ব্রত যদি কর রাজা শুন দিয়া মন ।  
 ধনে পুত্রের বৃদ্ধি তোমার হইবে রাজন ॥  
 এই কথা কহি তবে অন্তধান (অন্তর্দান) হইল ।  
 বন্দিশালা হোতে রাজা ব্রাহ্মণী আনিল ॥ ৬৫  
 ব্রাহ্মণীর ঠাই সুন ব্রত বিবরণ ।  
 সেই মতে রাজরাণী ব্রত আরম্ভন ॥  
 ব্রতের প্রভাবে রাণী পুত্র রত্ন পাইল ॥  
 এই মতে ব্রত তবে সকলে করিল ॥  
 বৃদ্ধ ব্রাহ্মণ আর তান কন্যা রানি (আনি) ।  
 অনেক যে জন দিয়া তোমেন নৃপমণি ॥  
 ধন বৈয়া বিপ্র গেলো কন্যার সহিতে ।  
 ঘরে গিয়া বাপে ঝিএ রহে হরসিতে ॥  
 এই মতে ব্রত করে সকল সংসার ।  
 ব্রতের প্রভাবে বর পায় সর্ব নর ॥ ৭০  
 অভয়া চরণে কহে জোড় করি কর ।  
 মন বাঞ্জা পূর্ণ কর বেলকাল কোয়র ॥  
 সুরস্বতী চরণে বন্দিয়া শিরেতে ।  
 কালবেল কোয়রের ব্রত সাঙ্গ এই মতে ॥৭২

‘ইতি পাঞ্চালি সমাপ্ত । ইতি সন ১২৩২ মাঘ ২২ আশ্বিন ॥ শ্রীধর্ম  
 শ্রীপীতাম্বর দেব শর্মণঃ স্বাক্ষরং পুস্তকক্ষেত্রি ॥’ এই পুঁথির প্রতিলিপিধারি

কিছু আধুনিক হইলেও ইহার রচনা তত আধুনিক বলিয়া বোধ হয় না ।  
 ভাষালোচনা করিলে আমাদের এই উক্তির সত্যতা কতকটা উপলব্ধ হইবে ।  
 শিক্ষিত হস্তের লেখা বলিয়া ইহাতে তত বর্ণাঙ্ক দৃষ্ট হয় না । বলা বাহুল্য,  
 ইহার রচয়িতা অভয়াচরণ সম্বন্ধে সকল তথ্য নিবিড় তমসচ্ছন্নই রহিল ।

শ্রীআবহুল করিম ।

## সমালোচনা ।

১। বঙ্গীয় সাহিত্য-সেবক ।—১ম ও ২য় খণ্ড । শ্রীযুক্ত শিব-  
 রতন মিত্র সঙ্কলিত ।

পরলোকগত বঙ্গভাষার লেখকগণের ধারাবাহিক জীবনী ইহাতে প্রকা-  
 শিত হইতেছে ।

বীরভূমির পাঠকগণের নিকট সাহিত্য-সেবকের আর নূতন পরিচয় কি  
 দিব ? মাসে মাসে নিয়মিত ভাবে উহা বীরভূমিতে প্রকাশিত হইতেছে ।  
 শিবরতন বাবু এক সুবৃহৎ কার্যে হস্তক্ষেপ করিয়াছেন । সম্পূর্ণ হইলে  
 ইহা দ্বারা বঙ্গসাহিত্যের যে বহুকল্যাণ সাধিত হইবে, তাহাতে আর সন্দেহ  
 নাই । ‘সাহিত্য-সেবক’ আমাদের সমালোচ্য নহে । কেন না, উহা আমা-  
 দের নিজের জিনিস । তবে ইহা বলিলে বোধ হয় দোষ হইবে না যে, শিব-  
 রতন বাবুর রচনার মাধুর্য আছে, বর্ণনার সংঘম আছে । তাহার ভীষণ অনু-  
 সন্ধান আছে, কর্ণে একাগ্রতা আছে, প্রাণে উৎসাহ আছে, সর্বাপেক্ষা তাহার  
 মাতৃভাষার প্রতি ভক্তি আছে । একরূপ লোক সকলেরই নিকট সাহায্য  
 পাইবার অধিকারী ।

২। লালাবাবু ।—শ্রীযুক্ত শ্রীশঙ্কর চট্টোপাধ্যায় প্রণীত । এই পুস্তক  
 ‘বীরভূমি’ হইতে পুনর্মুদ্রিত । ‘বীরভূমি’ লালাবাবুর পবিত্র জীবনী  
 সংক্ষেপে ধারণ করিয়া ধৃত হইয়াছে । পাঠকগণও পুস্তকাকারে প্রকাশিত  
 ‘লালাবাবু’ পাঠ করিয়া পুলকিত ও পবিত্র হইবেন, সন্দেহ নাই । লালাবাবুর  
 জীবনী উপলক্ষে শ্রীশিবাবু কান্দী (এক্ষণে পাইকপাড়া) রাজবংশের সংক্ষিপ্ত  
 তিহাস দিয়াছেন । ভাষা সরল ও মধুর । মূল্য ১০ আনা মাত্র ।

৩। বঙ্গ যুগান্তর । মূল্য ৯/০ । ভট্টনৈক স্বদেশ-হিতৈষী  
 বাসী কর্তৃক প্রকাশিত । বর্তমান সময়োপযোগী কবিতা প্রবন্ধ লইয়া

এই ক্ষুদ্র পুস্তিকা রচিত হইয়াছে। ইহাতে বঙ্গ ভঙ্গের কথা আছে, স্বদেশী দ্রব্য ব্যবহারের অনুরোধ আছে। পদ্য গদ্য দুই আছে। কবিতাগুলি আবেগময়ী, গদ্য অংশ বেশ সরস। স্বদেশ ভক্ত মাত্রেই পাঠ করা উচিত। এক স্থান হইতে যথেষ্ট উদ্ধৃত করিলাম।

(৩৩)

গ্রামে গ্রামে যাও কর রে প্রচার,  
দেশী দ্রব্য সব কর ব্যবহার,  
শপথ করিয়া দেবতা স্থলে ;  
দেখিবে তখন কেমন হইবে,  
উন্নতির স্রোত উজান বহিবে,  
উঠিয়া দাঁড়াবে আপন বলে।

(৩৪)

ভাই সবে ভাই কররে সাধনা,  
সাধনা বিহনে হবেনা হবেনা,  
সাধনা বিহনে কাহার হয় ?  
অদম্য উদ্যমে হও বলীয়ান,  
প্রিয় ভাই সব বঙ্গের মস্তান,  
মায়ের নামেতে গাওরে জয় !

বাস্তবিক দেবতার নিকট স্বার্থ বলি না দিলে কোন ফল হইবে না। এই স্বদেশী আন্দোলনটা ধর্মের সঙ্গে জড়াইয়া ফেলিতে পারিলে বড় কাজ হয়। হিন্দু ও মুসলমান ধর্ম প্রাণ। ইঁহারা ধর্ম ভিন্ন আর কিছু বড় গ্রাহ করেন না। ইতিহাসও ঐ কথা বলিতেছে। কিন্তু ধর্মের দিকে লোকগুলোকে লইয়া যায় কে ? নেতা চাই, নেতা চাই। এখনকার কালে মিলিত বঙ্গের নেতা হইতে পারেন, এমন লোকত দেখিতেছি না। চলুক, এমনি ভাবে এখন চলুক। সময় হইলে, সকলে এক প্রাণে ডাকিলে নেতার অভাব হইবে না। গীতার সেই কথাটা ঘেন মনে থাকে।

৪। The United Bengal—ইংরাজী সাপ্তাহিক পত্রিকা। বার্ষিক মূল্য ৬ টাকা, ৪৯৪ নং ওয়েলিংটন স্ট্রীট হইতে প্রকাশিত। ১ম সংখ্যা মাত্র সমালোচনার্থ প্রাপ্ত হইয়াছি। এক সংখ্যা দেখিয়া বিশেষ কিছু বলা যায় না, তবে এই মাত্র বলিতে পারি যে কাগজ খানির লেখা ভাল। ইহা সমগ্র বঙ্গের হিতকর প্রকৃতি পরিপূর্ণ। আমরা ইহার দীর্ঘজীবন প্রার্থনা করি।